

四庫禁燬書叢刊編纂委員會

北京出版社

四庫禁燬書叢刊



集部第一八〇冊目次

數馬集五十一卷

〔明〕黃克纘撰
清刻本

..... 一

趙文懿公文集四卷附錄一卷

〔明〕趙志臯撰
明崇禎趙世溥刻本

..... 六二三

數馬集五十一卷

〔明〕黃克纘撰

清刻本

福建師範大學圖書館藏

數馬集序

古有數馬而對漢帝者非石丞相所以得醇謹之稱乎然而武英主也莫嫚於定曆數興禮樂表章六經不能舉其

美又莫疵於土木封禪神仙禱祠東征西伐不能匡其瑕故雖篤行而君子譏之雖然其心則善矣今吾邑大司馬黃老師通籍四十餘載忠猷

亮節彪炳具瞻吐爲文章正大洞達可傳可誦原非漢臣所能望其萬一然則斯集何以數馬名也曰此老師乾惕之心也乾之九三位高責重

周公繫之辭曰君子終日乾乾夕惕若夫旣乾而又乾矣至於夕猶不忘惕非過爲兢業也正以人臣一心出乎乾惕卽入乎無忌憚其幾止爭

於爲主與爲名之介夫爲主
心與爲名心不兩存者也大
臣可使其身無赫赫名不可
無社稷功所謂社稷功者當
官府危疑羣邪互動默爲調

數馬集

序

則紀綱廢顯爲激則國體傷
惟大臣本以誠心揆於大體
定見定力當機持衡務使君
德無虧鐘簴永奠功立而人
不知匪惟不知且指爲罪然

而心固自慊也斯之謂社稷
功則黃老師其人哉老師起
州郡至孤卿敷歷南北掌握
兵刑大率當官不避難立朝
不樹黨任事不顧私至其遇

數馬集

序

四

國家大利害大是非則侃侃
然以其身撓羣喙而不恤蓋
知有國不知有身知有
君父不知有功名固未可以恒
情測識也

鼎湖攀號

仁孝踐阼日月固自光華卽宮
府內外之間原無所容其擬
議乃一二君子思入扶綱常
維法紀其所持不可謂非是
而或不揆本末意氣是矜弊
將翹君過以自爲名至國體
決裂而罔顧吾師憂之於是
引經析義抗疏陳辭以誰毀
誰譽付之斯民以知我罪我

俟之後世雖一時觸異已之

忌竟使綱常法紀炳于汗青

而

聖德益完其粹白儻非本之以
真誠居之以寧靜運之以定

見定力其何能濟總皆自乾

惕中來也吾師於書無所不

窺故其爲文如千金之裘聚

衆腋以成章百尺之臺鳩羣

材而極麗愚嘗觀其奏疏通

達如賈維陽而精於理過之
馴正如董江都而練於事過
之其陸宣公流亞乎辭賦翩
翩有屈宋風古詩逼選近體
入唐皆以溫柔敦厚爲鵠序

記清新碑銘典則誌傳狀誄
詳核曲盡以及若贊若跋若
試錄書牘琅琅皆金石聲殆
庶幾軼昌黎廬陵諸君子而
上與龍門氏匹休哉然老師

能文章不欲以文章著其對
後生惟談職業不談操觚嗟
乎吾師之心遠矣昔田千秋
一言悟主先正謂其善處人
父子間韓稚圭調護兩宮爲

古今相業第一美盛兩公皆
心社稷而當時咸諒其功吾
師有社稷功忌者反以爲咎
則吾師所遭益難而心益苦
矣吾師惟存石慶數馬之心

兼得田韓兩公之妙用故勲
業茂旂常人徒知其勲業不
知其文章卽知其文章亦不
知老師之文章卽爲老師之
勲業

景辰

叨老師愛最深其

敬齋

序

九

佩服吾師不淺用是忘其固
陋弁之俚言聊以表其高山
仰止之志云爾

門生楊景辰頓首拜題

數馬集卷之一

溫陵黃克纘紹夫著

男道敬道貞
道賜道守
姪道景道璇
孫兆宋兆馥
隆駿兆稔
曾孫麟乾
光全較

奏疏

大權不可下僭疏

題爲大權不可下僭

欽差不宜擅稱棍徒詐冒大干法紀懇乞

聖明亟行提問正法以尊

數馬集

卷之一

朝廷事

臣聞四海定於

一君子

君者必誅

命令出於

一人矯命者無赦故易稱開國承家必曰大

君有命詩言赤芾邪幅亦必曰天子所予我

國家制度人臣非奉

特遣頒有

勅書關防者不得稱

欽差所以重事權而尊

命令也伏觀

大明律一款云近侍詐稱私行者斬夫詐稱僅

託之空言而斬罪則罹乎極刑此無他

人主深居九重所恃以取信於天下者惟此

命令若可以詐稱則以偽亂真天下之人將惟

其奔走號令而莫之敢抗此大亂之道也

故凡奉

欽差者必題

請由於六部

明旨下於該科

數馬集

卷之一

勅書撰於翰林禮部給以關防兵部與以勘合

彼此相承上下相制然後可以稱於天下

曰某爲某事而

欽差者也若今之礦稅內臣固奉

皇上之差遣彼其門下趨走服役之人頤指氣

使之輩不過稱曰某監委官足矣乃有詐

稱

欽差如程守訓其人者其罪可勝誅哉臣於本

年正月十六日據萊州府申文內稱准

欽差總理山東直隸徐州等處地方礦務兼查

河道沿江船料錢糧

武英殿中書舍人程手本奉本監劄付前事
移會本府煩照手本內事理速爲行文拘
齊有名萬桂等一千犯證俟本科到日以
便會審轉詳請

旨定奪施行緣由到臣又據馬兵張鄂報稱程

守訓往萊州府打金字

欽命牌貳面門書馬三十五匹扛轎夫四十名

數馬集

卷之一

三

鼓手藍旗十名皂壯各十二名執

令旗令牌二人臣等見之不勝驚駭聞程守訓

爲礦監之委官矣不聞其奉有

勅書關防也聞其爲礦監所差矣不聞

皇上之差遣也此而稱

欽差則

皇上之命令自礦監出是以臣而作

主也若係程守訓之擅稱則是

欽命可以詐傳也有一於此皆律所當殺無赦

者且程守訓何如人哉市井無賴因礦監

開礦登州托通判曹永年引見投充委官

當庭叩頭此登州人士所共恥笑者也無

何以奸猾逢迎得被信任倚爲爪牙肆其

搏噬害徧山東波及江北江南戶部尙書

陳渠嘗參之矣御史牛應元劉曰梧陳燧

應朝卿李以唐科臣張問達許子偉田大

益楊應文等俱欲殺之矣且其父死不奔

喪礦監爲

數馬集

卷之一

四

請於

皇上固未嘗有

旨畱之也不蒙

畱用而擅自奪情抗

旨之罪固已難逃今又詐稱

欽遣公然持金字

欽命牌面若侯伯之奉使

冊封者然至於

令旗令牌乃出自工部製造奉

旨給總督撫鎮以擅生殺而壯軍威者敢公然

僭用之是口含

天憲不在礦監而在守訓矣嗟乎自礦稅繁興皇上以內臣爲可信假以事權漸至於盜竊大

柄如異時叅官之疏惟文致其罪而聽

皇上之處分耳今則疏中十九徑

請差的當官校拏解是預擬

旨意併

皇上作威之柄而竊之矣此猶中官之無知也

數馬集

卷之一

五

至於服役之人敢稱

欽差擅用

令旗令牌與督撫無異又併

皇上作福之柄而竊之矣大權下移漸不可長

漢唐之季可爲寒心故今日縉紳逮繫

憂之而未甚也謂臣子於

君父理當順受一旦寬釋則士大夫之歡呼鼓

舞如故也百姓被擾臣憂之而未甚也謂

官府於小民分宜調停一旦停止則小民

之安生樂業如故也惟是詐僞公行矯誣

四出礦稅之權幾侔

人主廝役之輩敢稱

欽遣紀綱凌夷威福漸奪天下之人但知有此

輩不知有

朝廷之三尺豈可不爲痛哭流涕者哉臣謹

據實叅

題伏乞

皇上大奮乾剛

數馬集

卷之一

六

勅下法司查其曾否奉有

勅書關防曾否給以旗牌是否詐稱擅用嚴提

究治用正法典庶

命令重而

朝廷尊威權一而姦宄戢天下將稱誦

皇上明並日月威並雷霆無敢肆其不軌之謀

者矣

信詔令以光聖德疏

萬曆三十八年閏二月

題爲

德音昭布萬姓騰歡懇乞

聖明順民情信

綸綍以光

聖德以增

聖壽事 臣叨撫東土目擊小民困於礦稅明有

包納之苦暗有巧取之害日夜思望停止

如大旱之望雨也本年二月二十一日 臣

因春汛屆期巡歷登州整理海防事務忽

接戶部咨文傳奉

數馬集

卷之一

七

聖諭開礦抽稅爲因三殿兩宮未完帑藏空虛

權宜採用今着傳諭各處礦稅織造燒造

俱着停止等因欽此 臣叩首奉誦不勝踴

躍卽宣布

德音與民更始歡聲雷動無不祝頌

聖天子萬年者至閏二月初三日回省又接礦

稅太監陳增手本內開奉到

聖旨說與太監陳增知道開礦抽稅爲因三殿

兩宮未建帑藏空虛權宜採用其各處礦

稅織造燒造等項俱照舊行待三殿落成

爾等行文戶部請旨停止恐爾等不知旨

意到爾卽與各撫按等知聞如有妄造謠

言准爾卽時指名叅奏重治不宥該衙門

知道欽此 臣奉讀

密旨與

前旨稍異誠知

三殿告成必有停止之日然小民望有此舉久

矣其停止也不能無歡則其未止也豈能

數馬集

卷之一

八

無怨於是羣聚 臣庭求 臣題

請願遵

前旨以安民生者 臣多方寬譬已行解散外竊

惟

國保於民民保於信

人君所以聯屬億兆惟此信之一字若一事而

二三其令則民亦二三其心將因其不信

而併疑其信者後有徵發期會何以使之

易有之曰渙汗其大號又曰渙王居無咎

言王者命令如汗出不可復反又當渙其
居積以與小民若能聚而不能散則答不
終無也明於渙汗之難反居積之宜散則
今日礦稅之事未罷也斷乎其當罷既罷
也斷乎其不可復行矣昔晉以汶陽之田
歸魯復使韓穿來言歸之於齊季文子曰
信以行義義以成命小國所望而懷也信
不可短義無所立四方諸侯其誰不解體
霸主一失信尚不能宗長諸侯況以

數馬集

卷之一

九

天子而失信於民乎今礦稅停止戶部業奉
明旨布告天下萬口懽馳不疾而速四海九州
誰不聞知一旦中悔照舊徵採昔之

恩澤徒爲空言夫民於窮困之時至易德也以
易德之時施

曠蕩之恩竟奪之而不與則其舛望也必甚於
前日何也屯膏未施其望猶淺爲惠不終
其怨更深也夫朝四暮三朝三暮四爲數
則同而朝暮稍異無知之物猶囂然而爭

矧朝沛

德音暮收

成命塗民耳目以取其財貨者乎且民易於明
告難與暗喻停止之

旨下之戶部昭若日星開採之

旨密傳內官轉傳臣等民惟知有顯示而不知
有密傳必且以內臣爲誰已恐山陬海澨
有思持挺而逐之者矣臣竊謂禍變之興
從茲始也古之明君蠲民田租賜民布帛

數馬集

卷之一

十

寬大之詔無日不下額內之賦尙捐與民
額外之征何難速已以
皇上之明聖尙欲比肩堯舜而肯出漢文景下
乎伏望

聖心翻然悔悟將礦稅仍行停止俾臣等將順
德意見之施行則解民倒懸仁也轉亂爲治明
也施德克終信也將

和氣致祥

聖躬日豫

萬壽無疆而

聖德益光矣奉

聖旨礦稅朕屢旨權宜採取自有停止之日不必
必續

奏還靜聽處分地方責任着用心撫理該部

院知道

疏陳會勘王家口始末疏

萬曆三十九年九月

題爲河議原難臆決開濬責有所專自慙愚

昧難佐

數馬集

卷之一

十一

廟謨懇乞

聖明專責河臣早定石畫以收功萬全事臣接

邸報見工科給事中胡忻一本爲河工萬

不可已勘議再不容誤等事奉

聖旨工部知道欽此臣閱科臣疏內大都言曹

縣王家口若果可開卽不利山東不可從

旁尼止誠不可開則山東撫臣於會勘時

何不直指形勢明證可否若之何面從而

退有後言且謂從今覆勘宜以和衷責之

撫按司道等官以任事責之總河斯語也

乃今日治河之斷案而王家口之開與否

可一言而決矣臣雖至愚無知敢不引咎

思過勉圖後効惟是勘時情狀科臣或未

之知不得不一言以明心跡臣於本年六

月十三日從邸報中見有

旨着臣等會勘河道臣不待部咨於十四日卽

馳往曹縣彼時巡漕勘臣崔邦亮已駐曹

半月而二部屬五司道及諸治河府官俱

數馬集

卷之一

十二

先臣至矣相見時勘臣問臣云王家口之

議何如臣對之曰鑽向曾有疏矣惟以爲

不可開故被科臣叅論今復何言且有奉

命勘河之臺使者及總河部院在踰五日於舟

中會勘臣指維舟處向總河及勘臣言曰

昨日舟中無事使人測水舟以裏近岸處

水深八尺舟以外水深一丈二尺至於河

心則深三丈四尺今王家口地尙未淹只

開一丈五尺能洩全河之水平況廣狹相

十伯也勘臣答曰此處迎溜用水衝刷則河自深其不盡之水仍於決口開減水閘放之南行是臣於會勘時未嘗不明言可否也臣見勘臣之言亦似有理又私自念事關

陵運有總河任其責不宜與之爭乃爲王家口之民私有請於勘臣曰昨乘肩輿東行六七里見兩姓數十家有翼然二高樓南北相望其所掘新河卽居兩樓之間而所謂

數馬集

卷之一

三

夏家樓者常在河之外矣其人哀號求援可稍迂十數步存此一姓人否倘有主簿儲明善答曰河必居兩姓之間其流乃速夫臣之力不能得之十數丈之地而能得之全河乎又臣書生也所知者地勢之高下耳至於河乃神水方能排山衝刷之說臣敢謂其盡無正懼河南諸臣以臣爲私其人民而不先

國家之急故且與二臣議給地價使之作遷

徙計時雖禾黍滿野結實離離亦不暇顧矣勘畢臣又問曰勘止此乎他處不復勘乎勘臣曰止此矣明日總河向臣再三訪問臣曰若王家口決開則委官當擇州縣素有賢聲實心任事者用之彼求薦投用者不可委也費多而功不成河臣又曰再有可教否臣曰昨見道府諸臣多謂王家口地高其河溜之勢亦已少變功甚難成但不敢明言耳次日總河又集部屬各道

數馬集

卷之二

于明倫堂再問而開王家口之意遂不能堅決臣臨別時勘臣又問曰事可濟乎臣曰所恃者

國家之威靈與河臣之福德耳若以勢觀之猶未易濟也勘臣曰此公乃福將事必濟矣臣因

聖鑒在邇進

表官將行遂馳而歸而總河於各道呈詳駁語有云全河深計二三丈今新開一丈五

尺可否盡掣全河而東築滾水壩以減新河所不容之水是否長策斯語卽臣舟中之語也自總河發之則爲正論使自臣言之則不免爲妬婦之口矣三省具疏而臣獨無者緣臣愚昧不敢逞私臆以決天下大事將謂可開則非臣愚私心謂不可開則恐議臣者以爲掣河臣之肘而使其不得展布爲罪滋大今科臣罪臣面從而後議臣於此事誠不敢具疏力爭但以爲面

數馬集

卷之一

十五

從則臣曾較量河之淺深委曲言之其從否則非臣所得專也卽使臣當日具疏諍之其所言者亦不過河水淺深地勢高下數語耳總之臣智未能燭河之幽隱勇不能定人之猶豫誠不能起人之聽信碌碌從衆與之高下臣之罪無所逃也夫往議未決來議方興臣今言亦罪不言亦罪請得以臆而終言之臣所憂者不獨王家口之難開卽李吉口亦難濬也蓋臣因勘河

歸經單縣地方乃知李吉口自萬曆二十五年以來新開爲河者有三股矣皆旋開旋淤今歲又開一路則四股也夫水性難強地形一定二之爲甚其可三而四乎昔人謂撮沙如聚米挑淤如畫脂故治河者淤一處則別挑一處乃李吉口之地有限而挑無窮也將如之何此皆臣之境內臣所得而言者若別求石畫務求萬全則如總河疏內行牌與各道商略羣策畢載臣

數馬集

卷之一

十六

何能贊一詞且其地多非臣境內臣不得而與也夫道傍築室三年不成唐虞治水一禹足矣今日之事責在總河科臣所謂勸議亦屬多事乃至言也惟在

聖明專加委任而徐責其成功凡在事外者無得撓焉何河之難治臣近因告病奉

旨不許再辭未敢復有陳

瀆但自知會勘無狀不得不詳其始末以見區區愚心非敢陽是而陰非者至於王家口

聖旨口應

勅下工部轉行總河并巡漕勘臣覆加相度

衡刷之說月行印尅期具下無以立體說

而誤

國家大計臣且照總河前疏督諸道府批粟

派夫以佐畚鍤之役苟其未可則勞民費

財他日當有任其責者臣請無同罪奉

聖旨該部知道

查餘引以濟大工疏

萬曆三十一年

數馬集

卷之一

題爲遵奉

明旨查出積餘引目設法徵

進以濟

大工事萬曆三十年九月內准戶部咨山東清

吏司案呈奉本部送戶科抄出山東督理

礦稅太監陳增題前事奉

聖旨這所奏山東運司積餘鹽引徵收銀兩既

經內外官員會議調停准着每年解銀一

萬五千兩夏冬二季解送內官陳增處類

總解進應用該部院知道欽此欽遵抄出

到部看得東引原無餘剩止因行鹽地窄

銷掣不前致壓邊商納過糧草正引三十

一萬有奇在庫候掣稅監誤指前引爲剩

物具

奏變價本部屢疏執奏

天聽未回山東鹽法副使來三聘權爲前議以

致該監奉有

俞旨但查該運司歲解正課八萬內五萬兩係

數馬集

卷之一

六

祖制開派濟邊之需擅難虧損其認解河東課

銀一萬七千七百餘兩乃宣府例餉民佃

竈課銀一萬三千九百餘兩又遼鎮軍儲

均係餉邊正額毫忽不容割減者煩爲會

同巡按巡鹽各御史督同運司除將歲額

京邊正課八萬一千六百六十五兩五錢

零照數徵解不許毫芒短少其稅監奏

允進解課銀一萬五千兩遵奉

明旨通融處解以畢該監之

請等因遵行間又准巡按直隸監察御史馮

手本同前事准此行據總理糧儲帶管鹽

法道左叅政章邦翰看得運司鹽引原無

餘剩祇緣兩奉

明旨不得已於候掣課中權議每歲割取一萬

五千兩以卑該監三年助工之

請以三年計算共割四萬五千兩尚慮虧損額

課難以處補若必取足於十年共割銀一

十五萬兩則額課太損疲商將安能支等

欽馬集

卷之一

九

因通詳到臣臣會同巡鹽御史馮應鳳議

得天之立君將

國家是利豈惟

內帑之殖臣之事君惟利國是視豈惟私意

之徇我

國家設鹽法以裕邊計兵士之餉於是乎出

安邊固所以安

朝廷也山東運司額課八萬一千六百六十

餘兩乃戶部邊餉及宣府遼東正額官宿

爲以獻利取悅內臣公多

進効忠而山東運司積滯候掣之引通目爲

餘引欲變價解

進屢疏奉

旨行臣等會議道臣無可奈何遂議歲割正額

一萬五千兩以三年爲止共銀四萬五千

兩與內臣陳增解

進夫此四萬五千兩者皆邊餉正額也

內帑多一萬則邊餉少一萬爲臣子者明知

欽馬集

卷之一

十

邊餉之不可缺極力顯諍正也至於委曲

讓處暫割四萬五千兩以順

皇上之心而塞內臣之求計出於不得已也然

猶以鹽法時有通滯額課時有盈縮那前

補後三年卽止或者以他日之有餘補此

時之不足邊餉正數猶不甚虧若如陳增

之疏歲取一萬五千兩至十五萬而止是

明割去兩歲之正額必九邊軍士兩歲俱

不待哺則可而邊士引領望餉以月爲年

餉入

內帑變起九邊是臣等以承順之小忠而貽國家之大禍雖萬萬被戮豈足贖哉謹會疏

上

請伏乞

勅下戶部覆議如果邊餉不可盡虧鹽課只可暫割卽照鹽法道初議歲解一萬五千兩二年卽止當行臣等與運司酌量緩急先將本年應

數馬集

卷之一

三

進之銀委曲處解如必欲取盈十五萬則臣等不能爲無米之炊卽今歲應解之銀亦未敢輕動蓋揆事必慎其始而謀

國必計其終也俱候覆請

聖明裁奪施行

此稅解過三年竟得停止

議汰老弱酌兵數裁冗員以省繁費疏

萬曆

三十一
年二月

題爲京民久困兵餉難支謹議汰老弱酌兵數裁冗員以省繁費以寬疲氓事據山東

布政使司呈蒙臣等憲牌照得東省沿海

各道先因倭警告急添設防海官兵歲加

兵餉四十餘萬至萬曆二十七年十一月

內題奉

欽依減撤南北水陸官兵一萬三千九百八十

餘員名減餉銀一十九萬餘兩但本省連

年水旱相仍權採交徵民疲益甚所據見

在官兵相應量汰以寬民力仰司行道將

所轄官兵逐一嚴加揀選內有老弱武藝

數馬集

卷之一

三

生疎者卽便汰去庶不糜餉蒙此行准各

道各稱除團操馬步快壯七千三百一十

名該工食銀九萬一千七百餘兩係各州

縣徑編工食不計外濟南兵巡道牒稱標

下選鋒營汰過官兵四百四十員名該減

銀一萬三千五百六十三兩三錢零見存

官兵三千一十九員名武德兵備道牒稱

汰過官兵一千三百五十五員名該減銀

一萬六百二十兩見存土兵四百名青州

兵巡道牒稱汰過官兵一百三十六員名
該減銀一千六百二十六兩見存官兵九
百一十一員名安東濤洛二營今奉文歸
併安東營汰過官兵一百六十六員名該
減銀一千九百一十三兩六錢見存官兵
五百九十二員名石舊兩城二營奉文議
允歸併石舊營汰過官兵六十八員名該
減銀七百七十四兩四錢見存官兵三百
八十六員名分守萊州道咨稱汰過官兵

數馬集

卷之一

三

六百三十八員名該減銀七千三百四兩
六錢零見存官兵一千四百九十二員名
登州海防道牒稱汰過官兵一千五百四
十一員名戰馬十三匹裁減廩糧并防汛
等銀共二萬六千八百三十三兩六錢零
見存土兵并水陸南兵共五千二十三員
名戰馬十四匹又旅順官兵一千四百二
十六員名該餉銀二萬六千八百兩山
東分認一應徵銀一萬三千四百兩及

數馬集

卷之一

四

查登州實在水兵止二千六百餘員名而
彈丸小城設一副總兵又設一遊擊似爲
冗員合無將水兵遊擊裁去悉歸副將總
攝至于大嵩營守備係二十七年奉文添
設今倭夷敗遁屬國奠安則此營守備相
應裁減廩糧免編等因到司看得武德青
萊登四道并軍門鋒兵除萬曆二十七年
已經裁減今又續汰革過官兵共四千三
百四十四員名戰馬十三匹共減省銀六
萬二千六百三十五兩六錢零見存官兵
一萬一千八百二十三員名戰馬十四匹
歲編銀二十萬一千六兩二錢零又分認
旅順兵餉銀一萬三千四百兩通共銀二
十一萬四千四百六兩二錢零及查各道
添設土兵與標下鋒兵原係六府丁地攤
派南營水陸并旅順水兵係
題畱香稅民屯二項銀約有一萬四千餘兩
其餘不足之數亦于通省派徵今查香稅

銀自二十七年起泰安州扣解稅監收抵東省不敷額稅外節年解到不多俱作正支尚不足用止有民屯并先年裁減人役及登州積餘採草變價島糧等銀共三萬二千九百五十八兩六錢零俱應抵作兵餉尚少銀一十五萬七百六十兩八錢零仍於本省丁地內派徵至於偵探倭警全賴水兵船隻馬兵不過行走營陣無益實用相應酌量緩急改充步兵則兵不減而

數馬集

卷之一

三十五

餉亦稍省如濟南兵巡道團操馬快五十
九名內改九名武德兵備道新添馬快一
百名內改五十名青州兵巡道馬快箭手
共一百六十四名內改一百一十四名馬
兵三十八名內改八名安東營馬兵三十
名內改十名石舊營馬兵十二名內改二
名分守萊州道馬快一百三十名內改八
十名登州海防道馬快二百四十名內改
四十名軍門標下營兵原戰馬五百二十

四匹內減一百三匹馬既減矣兵役工食亦有厚薄不等如標兵每名十八兩南兵亦十八兩而馬兵有二十兩亦有二十二兩者民壯步兵有十兩八錢亦有十一兩三錢者俱未盡一今議各道馬快馬兵箭手民壯步兵工食俱日給三分歲該銀十兩八錢馬兵快手日加草料銀二分歲加銀七兩二錢以上裁過馬匹更易過兵快所省銀兩約五千有奇容司移文各道查

數馬集

卷之一

三十五

係原在道屬徭編者徑行免派若係本司兵餉內編派者查該減銀若干送司免編另冊類報查考統乞裁酌具題等因呈詳到臣該臣看得兵以衛民亦以困民精而堪用雖少衛也冗而不精多益困耳山東自朝鮮中倭以來當事者以無兵爲懼多方招徠不惟廣其名數而且厚其廩餼至一兵而歲費糧銀十八兩可謂濫矣一時增餉幾至四十五萬而團操快

壯之工食九萬餘兩不與焉故倭未至而山東之民已坐困矣萬曆二十七年銷兵雖減去餉銀十九萬而久困之民歲供二十六萬九千餘兩加以包稅包礦及一切防漕防河之費出於常賦之外者歲且百萬民安得不彫敝以盡也臣任事年餘欲爲東民求輕一分而事有萬不可已者又有事可已而度臣之力不能止者則亦付之無可奈何惟是減兵一事庶幾可爲東

數馬集

卷之一

三七

民畫息肩之策故不厭與司道詳計之然兵合之易而散之難餉厚之易而薄之難處置失宜則易以生亂故自去歲至今臣行各道凡兵有罪必革有缺不補近又行文各道汰其老弱務求精壯共減去官兵四千三百四十餘員名而左布政使沈季文又以各道馬快名雖馬兵實多無馬費餉太多無益實用酌爲議改將馬作步其量存馬快工食草料亦爲酌減步兵民壯

俱以每年十兩八錢爲率務使兵有實費糧無虛糜是皆鑿鑿可行又以登州一城見存之兵不過五千餘名而一副總一遊擊可裁其一大嵩城小旣設衛官復增守備俱屬冗員司道建議俱以爲裁之便夫倭奴雖遁情形叵測談海防者常以兵力卑弱爲憂而臣獨惓惓裁兵減將與民休息臣敢玩視海防而忽疆場之務哉臣生長濱海曾板倭難頗知倭之情狀凡倭爲

數馬集

卷之一

三八

寇非有以導之則不至如昔時寇吳越閩廣則溫台漳潮之民實導之近日寇朝鮮則釜山之民與對馬島倭通市日久釜山之人實導之若山東則人習耕地不慣浮海通倭之人可保必無北海之中島嶼森羅非習知水道者豈敢突然汎舟而至矧關酋旣故彼國大將內相猜疑行長旣戮義久諸人意亦厭兵故迭被虜歸國以窺我意向此亦

中國暫得息肩之日也議者徒見閩廣海上倭報時聞不知此皆漳潮之民海上劫掠懼舟師追捕故每船買倭奴十數人倚以爲重使人心寒膽喪不敢與敵不知倭既無多飄飄海上惟掠取商貨往賣此直商賈中寇盜耳南方之人習於南海使涉北海非其所長卽被大風偶然飄至亦不足爲山東之大患且登萊海上蕭條數百里寂無人煙所食粟米二麥倭奴不能食也

十一萬四千四百有奇除民屯及裁減各役工食共三萬六千八百八十餘兩萊州營田及登州島田所收子粒草束變價及曠工銀得三萬二千九百五十八兩零其餘派之丁地者猶須十五萬七百六十兩零此豈由兵之多哉則由餉之過厚耳各省兵餉每名每日不過三分而山東鋒兵浙兵獨每日五分則一人幾兼兩人之食矣今欲減之則其勢必沸然而爭臣欲立較藝之法使之學習半年至秋而試之如力能舉四百斤射箭七十步以幅布爲的能中七矢以上及鳥銃三彈俱中者與鎗刀牌棍諸技俱精熟者爲上兵其餉照舊若力能勝四百斤而九箭中五三彈中二及諸技頗熟者爲中兵其餉每日只給四分若力止舉三百斤九箭中三三彈中一及諸技略諳者降爲小兵其餉每日只給三分下此則革退而更易之十名之中只畱一

火兵人浮於額則汰去不畱如此則餉可
漸減而兵愈益精視之漫無分別而坐糜
厚餉者相去遠矣如蒙

聖明軫念民艱

勅下兵部覆議果臣言可行將見今汰過之兵
明示免補登州水兵遊擊俟見任劉炳文
陞任之後裁革免補遺下水兵容臣於各
衛指揮中擇其堪用者管領防汛大嵩守
備徑議裁革見任武憲文令其赴部別補

數馬集

卷之一

三

其餘酌減馬快及較技藝以別等第諸款
俱行臣遵照施行庶疲民稍得休息而武
備亦不至於廢弛地方幸甚奉

聖旨該部知道 後部覆依議行

數馬集卷之二

溫陵黃克纘紹夫著

奏疏

禁誣賴以杜奸計疏

萬曆三十二年正月

題爲

貢銀被劫可疑地方畏威有自懇乞

聖明申明禁約查實迹以安人心禁誣賴以杜

奸計事萬曆三十一年十一月二十八日

德州申稱准守備鄭祿手本據德州左衛

數馬集

卷之二

十一

巡捕指揮孫應乾呈據蘇松常鎮稅府叅

隨劉敬等呈稱本月初七日蒙劉太監差

委齎進

上龍袍七包并徐州解到賠償官銀一千兩行

至苦水舖離城四十餘里於二十四日早

遭遇嚮馬強賊二名半路截攔亂箭射傷

將鐵錘鑿開皮包劫去元寶十錠計銀五

百兩等情本職面訊劉敬等先吐失銀五

十兩後說失銀五百兩等因隨督率巡捕

員役親詣失事地方審得歇家鄭秉榮等

執稱本月二十三日午時分有南來包

馬十一匹行至本舖天色尚早即到州城

亦不甚暮輒投宿本店至次日未明即行

被劫銀兩未知虛實似屬嚇詐惟是敬等

聲言叅

奏誠恐貽禍難測率同闔衛掌印指揮巡捕

等官親赴戶部監督衙門預支各官俸銀

五百兩描賠叅隨劉敬等收去苟免目前

數馬集

卷之二

二

隱禍等因到州申詳到臣除批行武德兵

備道查報及嚴拿強賊去後近接邸報該

督理蘇松常鎮稅務太監劉成委差舍人

劉仕安一本爲中途被劫事奉

聖旨這所奏中途被劫銀兩該管地方德州守

備鄭祿先行照數賠補仍行緝賊具見敬

畏姑免究其銀兩內庫查收賊人着上緊

緝拿務在得獲該部院知道欽此隨復行

該道嚴督印捕各官勒限拿賊外該臣會

同巡按御史嚴 看得地方失盜守備及
通衛各官先行賠補臣等可以無言但失
盜之事跡有可疑而誣賴之端漸不可長
賠銀之害甚小而威權下移其所關者甚
大臣竊惜之方今中外人情知有中使而
不知有

國法凡中使之言百司畏之如奉

綸綍有識者已懷隱憂然猶曰此

皇上之委任也若乃中使委官不過四方無賴

數馬集

卷之二

三

投充以爲爪牙蓋害民之虎狼而蠹

國之盜賊也彼曰失銀則甘心賠銀曰失去

五百則甘賠五百積威所劫惟言是從豈

此輩之力能使守備衛官之畏憚哉彼以

爲吾一言能使

皇上震怒不肘解則提問口含

天憲而手握生死也夫以堂堂

國法而使無賴小人得以操之恐嚇天下莫

敢與抗則威權太重操奪口橫其禍有不

忍言者矣彼劉敬者不知其失銀與不

然解銀參隨及同行馬夫共十有一人而

所解馬賊直三人耳寡不勝衆何肯袖

手被劫其可疑者一王家墳距德州三十

里一蹴可到乃日午而托處於野店遷延

不行其可疑者二既挾重貲宜日出而行

乃五更暗起遽稱失盜使人莫測其有無

可疑者三天下礦稅解銀入京者接踵於

途失事歲無一二獨劉敬之銀既失於徐

數馬集

卷之二

四

州復失於德州何嚮馬之盜獨與敬會其

可疑者四凡各監參隨俱四方亡命健兒

持弓橐矢鮮衣怒馬二賊見之且當辟易

乃敢通衢行劫其可疑者五先言五十後

言五百詞語不一由少入多其可疑者六

據守備鄭祿申文亦以事之有無皆不可

知然而不敢不賠者則畏其參

奏而拿問也夫已參而後賠其畏猶淺未參

而即賠其畏何深

皇上試以此思之此輩一發言而地方官且聞之膽落則市井小民又可知矣。參隨之言猶且如此則中使之威權又可知矣。倒持太阿授人以柄恣其魚肉小民制壓官吏而以微利

上進不知彼之所得者百而進之于

上者一也。且使匹夫之威等于

萬乘刑餘之隸尊如天神紀綱日替權柄下移聖明之時豈宜若此。臣非敢以鄭祿之賠銀爲

數馬集

卷之二

五

非也。但願

皇上勅下兵部通行申飭以後礦稅解銀之人

無得夜行無宿野店若有稱係失銀者聽

撫按官審實如被劫果真卽先行賠補嚴

限獲賊若果誣賴卽將原解治以欺罔之

罪庶人知是非必自有真誣賴難以逞志

官得保其俸祿人得保其家室而奸徒圖

賴者亦不得聞風而效尤矣

乞藉沒稅監停免採權疏

萬曆二十二年十月

題爲稅監惡盈

天殛多賊悉係民脂懇乞

聖明速藉沒以充

國用停採權以遏亂萌事據山東布政使司

呈據普寧店委管落口鹽稅原奏官李麒

報稱太監陳增於本年十月初八日子時

在徐州氣絕身故等情臣竊惟陳增自蒙

皇上委用以來大張威燄廣布網羅破人之家

害人之命傾人之囊橐以殖其私罪惡貫

數馬集

卷之二

六

盈

皇上不及誅而

天代誅之一旦嘔血以死此人心所共快公論

所謂宜戮屍以謝天下者也其賊私之多

至一二百萬臣前已會同按臣具

題謂宜抄沒以濟邊儲而

明旨未下溘焉身亡增之徒黨其承委在外者

業已竊賊逃之四方其家中所積若查之

少緩必爲親戚所乾沒羣下所隱藏是彼

之鯨吞虎噬一年結怨小民以有此財物
彼既不能有而

國家亦不能有徒以惠好黨而資賄民不
深可惜哉增邇年以來雖移駐徐州然所
惟之稅歲不過四萬兩而山東一年包稅
六萬兩礦三萬餘兩其餘鹽稅香稅及額
外抽取過稅又數萬兩是取之山東者四
倍於徐也據李麒麟報謂增見在徐州大
小二庫有銀十萬餘兩玉帶十餘條其價
數馬集

卷之二

七

皆一千二百兩上下又有貓睛寶石大
珠繚環等物一箱俱係陳四經管此在江
北撫臣李三才必能封識完固以待

明旨可無遺失又據手本開保定府新安縣陳
增大宅一所收貯銀三十餘萬兩係趙寡
婦及陳厚菴等收掌金寶無數又在

京師大宅一所收貯銀三十餘萬兩玉帶十
餘條各色金銀器皿不計其數俱冠帶舍
人林志學父子及王三收掌餘不能開凡

此財物強半取自山東藉口

上進而竊以自肥者也除玉帶珍寶宜歸

內帑其餘銀兩臣謂宜速藉之以濟邊儲何

戍守之士免於脫巾之呼不然以山東民

財發山東河工爲濬築之用上以濟

國家之漕輓下以救豐沛魚濟之民於陷溺

之中亦一策也抑臣等又有

請焉我

皇上愛養小民餘三十年

數馬集

卷之二

八

德至厚也徒以礦稅一事致

聖德虧損小民愛戴

國家餘二百載心至堅也徒以礦稅一事使

人心漸離夫撫我則后虐我則仇民可離

也亦可合也是在一反覆手之間耳謂宜

乘陳增之死速下

明詔暴增罪惡使天下知此輩害民原非

陛下本意今既知其罪狀即行抄沒凡效增所

爲者卒不得飲毫之川徒剖身藏珠以彰

其愚仍將各處礦稅速行罷免所委中官
令撫按差官護送回京收過稅銀盡數解
進庶天下民心怒者喜怨者德羣聚思亂者
復圖心望治是今日一大機會也臣近據
滕縣申稱豐沛魚臺自去年河決以來千
里成湖萬姓爲魚浮沈漂泊以偷旦夕之
命今有沛縣賊首稱紅面大王者聚黨湖
中時入漕河劫掠商財勢甚可畏又據充
州府知府石九奏稟稱沛縣賊船訪有七
隻每船可容二百人船中火藥兵器種種
皆具劫財則留其半且給以號票不復重
劫其舉動頗類宋江輩所爲除行充東充
西濟寧三道防緝外臣惟徐充之民苦礦
稅之暴思亂久矣加以河伯助虐使此輩
無地可耕無室廬可處無財本可以餬口
四方安得不起而爲亂且豐沛曹曹自宣
號英雄之數秦之亡也以沛公起沛唐之
亡也以黃巢朱溫起曹陽今之爲沛公巢

溫輩已萌芽矣若礦稅不止大亂必起不
出數年必有上崩瓦解之憂斯時也廣布
惠不足以市恩痛罪已不足以解怨雖欲
罷礦稅以收人心噬臍之悔豈有及哉故
今日陳增之死是天厭其毒而降之罰欲
啓
陛下轉亂爲治機不可失而時不可緩者也伏
乞
大奮乾剛將已故陳增財產速行藉沒以濟邊
儲或助河工仍乞
勅下戶部通行各省直將礦稅速行停止以救
亂於未危圖存於未亡是
宗社生靈之福也臣等不勝翹首待
命之至
謹報水賊聚散情形疏萬曆三十二年十一月
題爲謹報水賊聚散情形懇乞
聖明思人心好亂之由正微臣失職之罪亟圖
消弭以保治安事閏九月二十八日據滕

縣申稱有沛縣水賊撐駕雙桅大船二隻單桅大船二隻外有幫附漁船二十餘隻賊首頭戴神巾塗抹紅面身穿紅袍稱號大王船頭豎立賽宋江旗號在於魚沛湖內忽入漕河白晝將載薑船隻程客截住細縛劫去財物又打劫豐縣富民張斗峯細至朱家寺內得財釋放等因臣等隨行濟兗三道各撥兵船嚴加緝捕仍諭附近窮民漁船各思生死利害自求活計勿得

數馬集

卷之二

十一

順從爲非去後近據濟寧等道副使傅良諫等呈稱蒙臣等憲牌卽行濟寧遊擊李楷選撥精兵委中軍千戶鄭洪統領前赴南陽緝捕隨據本官呈稱於十月十四日船至南陽河下積有官民船五七十隻齊幫未行職祭旗揚兵各船卽時南行次日至橋頭馬家口復整隊操演振揚聲勢水賊驚懼望風逃避隨令漁船入湖打聽前至沙河等處賊去無蹤見今仍在南陽一

帶往來巡緝兩京船隻通行等因到臣查先據滕縣申報前事臣等已於奏乞停止礦稅疏內具

題訖今據前因臣會同巡按御史嚴看得民之爲盜非其天性好亂蓋皆爲饑寒所逼不得已而然也自河決蘇家庄而魚臺沛縣蕩而爲湖濟寧單豐半沒於水老弱葬於魚腹壯者以漁爲生魚不能繼則有相聚爲盜而已此盜之源也然盜之小者

數馬集

卷之二

十二

或聚眾數人或行劫數家夜則怯僮發置晝則伏而不出未敢公然豎旗揚帆白晝劫人於漕河之中者也卽盜之大者不過逢人則劫逢財則取但憎主人之不足不顧所劫之有餘甚者膾人之肝而餽之未有以不殺人示仁以不盡取示義而暗邀人心使其從已者也臣密使人偵探前賊則自十月初旬以來公然艤舟橋頭河邊欲掠取客貨且明告人曰吾欲抽稅其意

以

國家富有四海尚縱中官邀截人貨強取其半況彼輩窮民無以爲生分人之有救已之命不亦可乎大學云外本內末爭民施奪言有國者不務修德而務聚財失本末之分是施之以劫奪之教而階之亂也今水賊之托名抽稅誰實啓之有稅店之掠財而後有窮民之掠財彼固有所効而動也此時湖水旣凍舟楫難行彼且逃遯洲

數馬集

卷之二

十三

渚之中條聚條散春水旣至衣食無資能保其不復出乎臣前疏謂採權不止禍亂將起正謂是耳然臣聞之人臣之誼善則歸君過則歸己今盜之發也在臣界上臣旣先事而無防禦之方又且後事而乏消弭之策徒委罪黃流藉口征稅於過則歸己之誼云何故必罷臣之職庶可儆於有位惟是財能釀亂而嗜之不厭是樂禍也民有爭心而導之趨利是誨盜也臣用是

不避斧鉞懇乞

皇上勅下戶兵二部覆議果人心思亂有由卽翻然省悟毅然改圖舉一切橫征之政而盡罷之仍

請發內帑金錢十數萬令兩省撫按將魚沛濟寧單豐之民大加賑濟使彼旣得餬口以延生又無所藉口以倡亂庶幾盜賊可息而治安可保也龔遂有云將使臣勝之耶抑安之耶故臣於今日亦以安之之說進

數馬集

卷之二

十四

惟

聖明裁察

議處水災州縣錢糧疏

萬曆三十三年三月

題爲州縣被水垂危百姓萬分困苦懇乞

聖明速賜議處撫恤以延一方生命事據山東布按二司左布政使沈季文按察使章邦翰會呈萬曆三十二年十一月二十一日蒙臣等批據魚臺縣民侯于鄭等連名告稱東省獨魚臺最窪諸水會歸三年未消

又值李吉口再開行隄三決全河北徙本縣地八千餘頃見今七千餘頃盡屬河身只餘文香一社降丘半社已渰者盡逃不返未渰者獨力難支今歲幸蒙允賜銀穀抵補但來歲之水猶在來歲之民逾逃懇乞速賜區處或將水占地糧題

請除豁或瓜分縣治割隸鄰邦庶錢糧有歸魚民復生等情蒙批仰布政司會同按察司速議報蒙此依蒙行准分巡充西帶管分

數馬集

卷之二

十五

守東兗道右參政來三聘行據兗州府知府石九奏親詣該縣看得縣城四面皆水惟西門略有一線之地可通金鄉所恃惟護城一隄又淺薄將壞城垣已頽過半該縣十五社之地皆爲水占惟存社半人民逃亡殆盡錢糧不得不爲議處開款議詳到道看得魚臺縣已渰二年矣若使黃河不轉而南流此縣無復見土之期安得年年與之區處錢糧不如將此縣改併附近

金鄉則該縣官吏皂壯人夫倉庫獄囚祭祀賓客盡皆停罷存留錢糧盡皆停徵只將所存社半照丁地起派作爲生員廩糧驛遞之川京邊錢糧權行派之通省待水退之後仍舊修復縣治然此非大破拘攣之見不能也姑從該府所議逐款登答備咨到司該二司會看得魚臺縣今日水災係黃河變遷之故非比往年雨水之渰滂也全縣沈沒僅存一社有半上年錢糧雖

數馬集

卷之二

十六

經司府搜括抵補今歲又該派徵棄縣既有未能錢糧亟當議處謹照道府所議開款登答伏候題

請等因呈詳到臣該臣會同巡按山東監察御史嚴看得天降災禍使河伯不安瀾而行自萬曆三十一年王家口大開堅城集未濬上通下淤而蘇家莊大決則全河北潰而魚臺一縣強半沈沒矣年甚一年水勢愈浸淫而上臣於去歲曾親泛漁舟至

該縣四顧環視則不惟無乾地且幾無縣城矣城外之水高城內二三尺所恃護城一隄而河水雨水內外交浸隄且垂壞城垣倒塌殆盡童豎可踰而入也城中居民拆屋載之他縣賣以餬口久無固志臣等急為搜括東充二府所屬得無礙庫銀五千三百八十餘兩穀一萬三千五百八十石易銀解縣以代完三十二年錢糧又發司庫銀三千兩州縣穀一千二百三十石

使該縣修隄令貧民得食力於隄又可藉以護城是寓賑於興役也該縣以四面皆水取土甚難三千之銀不足其半又發司庫銀三千二百餘兩以佐其費見今修築則此縣庶幾其猶可圖存乎夫議棄縣甚易耳然

祖宗數百年縣治何忍失之且令城中數萬生靈遷之何所又諸生食廩于庠者皆望以次應貢入官若割屬他縣則貢途將廢且

寧不望水之復清乎故不可不議圖存之策也查得該縣有兌軍起運本色米一千一百石今地既沒矣米將安出該縣議欲派之通省臣以為一議灑派則各處糧數俱當更動不如暫將漕米於臨德二倉內撥運二三年俟該縣水退復徵蓋此糧本為地方災傷抵補而設也此外各項錢糧通計起存共該一萬八千四百五十二兩餘內有兵餉銀八百七十六兩臣等方裁減兵役此銀自可免派該縣編河橋驛馬十四匹價銀三百五十一兩三錢三分此時四面皆水不通陸路且尚有別州縣馬二十匹此十匹者誠可裁也該縣走遞馬二十四匹驢十頭歲該工食銀一百一十兩水災之後上司往來多由舟楫其十驢者當如司道府議裁之便該縣向因兵興議裁鄉飲酒銀四兩皂隸二名銀十四兩四錢禁丁四名共減銀八兩乾馬銀四十兩解

人夫銀六兩四錢皆解司抵充兵餉今兵
既漸消此數款者當如司道府議裁之便
該縣教官三員生員不滿二百名司道府
以爲可裁訓導一員歲省廩祿齋夫心紅
等銀六十四兩七錢七分臣等以爲生徒
既少且當洪水泛濫之時多餬口於四方
卽裁訓導二員減編銀一百二十九兩五
錢四分以甦災民亦非過也其見任訓導
李梓高繼宦當查本省別縣訓導有缺許

數馬集

卷之二

十九

臣咨部徑爲填補亦一便也邾城驛馬價
額外備用銀十一兩數本無多亦當如司
道府議裁之便又嘉靖四十四年挑河該
縣開去地畝該糧銀三百三十兩七錢五
分派之汶上縣安山湖租抵補至萬曆二
十三年又改還該縣今縣且垂沈矣而安
山湖租力猶能辦司道府議以爲歸還汶
上縣便以上裁減歸回共減銀一千八百
八十一兩有奇尚少銀一萬六千五百七

十餘兩計未有所出臣竊謂該縣尚存社
半之地此時俱已種麥可令縣官履畝而
查計見在人丁而稅責令出銀三千五百
七十一兩以供縣中官吏皂壯夫馬等用
其餘一萬三千兩亦難灑派通省查得去
歲萊州叅將所轄之兵臣與該道右布政
使劉尚志汰去七百餘名所餘工食足支
今歲各兵食用免司解給可於司庫動銀
一萬三千兩發兗州府代縣完納先儘起

數馬集

卷之二

二十

運次及

王祿河工驛遞等銀其有餘者發縣湊支各
役工食如此則魚臺一縣今歲猶可支持
而明歲以後水未必退又當再爲之計查
得三十三年山東見在官兵除額編團操
快壯外見在有土客兵一萬二千一百一
十三員名視三十一年臣等原
題之額又少一千一百三十餘名矣故餉銀
除

題留民屯裁減各役工食抵補外今歲實派

於民者十三萬六千一百兩若積至明歲

兵漸汰則餉可漸減

臣

請此後俱照本年兵餉額數派徵三年若有支

剩餘銀留以抵補魚臺起存錢糧水而退

也則縣糧可復而兵餉可減是不以一縣

之丁糧灑派於通省而實以通省之錢糧

陸續以存一縣也抑

臣

又有言處魚臺之

數馬集

卷之二

二十一

小而濟單大小者錢糧易處而大者難圖

也

於去歲親到河上目覩濟單之民泮

沒困苦亦爲按司府州縣銀穀共得九千

八百一十二兩以助濟寧而單縣僅發八

百四十七兩五錢則郡縣之帑藏竭矣近

據濟寧州中據州民鄭良佐等告稱地已

被淹成湖自花家淺起至棗林開止南北

漫延五十里兩城起至九子牛頭等坡東

西闊五十三里計地四千三頃三十一畝

零一望無涯俱成黃河願將田地入官

湖除糧等因又據單縣申稱據民郭叢等

告稱自蘇家莊一決太行隄再決大浸稽

天縣地二萬二千五百餘頃泮去一萬三

百五十六頃三十二年原派條編銀三萬

九千六百六十七兩見今追完不及十分

之二加以天災時疫十家九斃夫柳椿草

供億夫馬復竭膏脂卽今辛羊黃堆平堽

曹馬石村馬良等社水勢汗漫錢糧委難

數馬集

卷之二

三

區處等情到

臣

爲照糧出於地地旣泮沒

則糧將安出爲民父母者何忍再加鞭朴

况民多逃散卽欲加鞭朴亦安所施乎

臣

等以爲此二州縣者兗軍漕糧在濟寧州

六千五百石應免三分之一單縣二千石

應免十分之四自萬曆三十三年起俱暫

動臨德二倉糧米抵補其餘未免漕糧及

臨清倉糧俱照被災八分以上者不分正

改每石折銀五錢事例通行改折三年俟

河水退後方可徐議又查濟寧州見派徵起存折色銀四萬一千八十七兩有奇除一萬四百餘兩派於人丁其出自地畝者三萬六百餘兩以滄地三分之一計之應爲代議銀一萬二千兩而以其餘者責之見存地畝輸納單縣見編起存折色銀三萬五千二百七十餘兩除人丁內派銀四千三百九十七兩外其餘以滄地十分之四有奇計之應爲代議銀一萬三千兩而

萬之費將安出乎
皇上能不能愛
內帑而出之使治乎卽能捐百萬之費而涇河州縣勞者未息死者未起椿柳盡矣麻草竭矣能使垂死之民復供此役乎竊懼此三州縣者將終陸沈而未有再登枕席之日也臣每慮及此輒爲中夜不寐展轉興嗟不得已爲目前救急之策議擬
上請伏乞
皇上勅下戶部覆議將魚臺漕糧免派濟寧單縣照分數減免俱於臨德二倉動糧抵補其餘及臨清倉糧俱照被災八分以上事例改折徵解三年一應應裁應補錢糧俱如臣議暫行處補其魚臺應裁訓導移咨吏部議裁俱候覆奉
明白轉行臣等遵奉施行臣不勝爲民請禱懇切之至
奉

聖旨戸部知道 後部覆依擬行

數馬集卷之二終

數馬集 卷之二

二十五

數馬集卷之三

溫陵黃克纘紹夫著

奏疏

辯論不宜越境抽稅疏

萬曆三十三年六月

題爲包稅久奉

明旨抗違致起爭端謹述文移往返始末以聽

公評事本月十九日接見邸報該江北撫

臣李題爲道臣被揭徑歸原情實有不

堪乞

數馬集

卷之三

賜查議以明公道事疏內述淮徐道副使卜汝

梁告休揭帖謂因移稅監暨祿手本欲徵

山東鄒城館陶等稅以助徐州四萬額數

致臣移揭部科謂其欲益稅監之富而擾

山東之民因此乞歸撫臣所序地方官民

人等俱言本官之賢只因稅監查取稅額

連及山東各處本欲據實查筭以爲他日

題減之地原未取足山東山東委可無言而

不免於有言祇欲自明其苦心原無難爲

本官之意而本官竟不能堪遂托疾乞休

乞

勅吏戶二部查議庶是非明白公論獲伸等因

職謂爭稅之事原屬公事彼此各爲地方

何難明目一言且江北撫臣謂查稅欲爲

他日

題減之地則其用意原屬陰爲山東臣當頓

首以謝又何敢置辯但事之始末不可不

明而卜汝梁且因臣求去矣職可無一言

數馬集

卷之三

二

以處於此當陳增病故時臣因日擊屢年

委官抽稅之害具疏

請乞停止礦稅久未奉

旨乃於去年十二月十六日題爲礦稅未有停

期歸併事當速議懇乞

聖明宣

德音禁差擾以安地方事內稱山東六郡苦陳

增之虐久矣今等爲

天所殛

皇上以暨祿素頗安靜令其兼管是東人稍得
息肩之時也豈非厚幸然舉事當慎其始
約信必要其終當陳增議令山東包稅時
豈不謂一官不差惟州縣是徵惟正數是
督哉乃四方渴利奸徒赴增如鶩若程守
訓王惟忠郭良孫士弘徐應元輩方且玩
弄增於股掌之上以殖其私於是以過稅
爲名濫委四出搶奪人貨莫之敢抗利歸
羣小怨叢一人使百姓傷心飲泣叫

數馬集

卷之三

三

聞無由此豈皆陳增之惡亦四方無賴實導之
也今暨祿誠稱安靜而四方奸人望風投
用如守訓惟忠輩豈爲無人請乞

明旨嚴加禁諭只照原額聽州縣包納不許差
委一人查得山東稅銀應解陳增者總該
六萬六千兩礦銀一萬八千五百餘兩包
金銀五千六百兩各項費用銀三千六百
兩按數徵解此無分外之增彼無差人之
擾權宜處置以供

上用若再以過稅及開礦爲名復委一人擾害
地方聽臣等拘執重治如此則百姓安而
礦稅內臣亦安內臣安而

皇上金甌無缺之天下亦安縱非百年無事之
計猶可支持目前不至決裂大壞等因三
十二年正月十一日奉

聖旨山東一省礦稅公費加增方物銀兩准照
議定額數有司解送兼管內官暨祿處類
總解進應用以昭朝廷寬恤商民德意該

數馬集

卷之三

四

衙門知道欽此臣聞

命不勝踴躍謂

皇上既許臣以包納照額解

進則此外再委一官以抽擾地方臣得照原
疏執而治之山東小民從此無委一官之
擾矣至二月初六日准稅監暨祿手本內
開一款云鄉城館陶李家口等處關口據
准徐道手本皆稱原係

題定徵助以足徐州四萬之額者今貴院未

言及此想屬遺略希卽查明定議詳復等
因臣不勝驚駭謂喬嵩原奏誠有郟城等
處過稅此陳增虐民禍本也彼時臣未爲
巡撫且其疏行久不得不聽其抽今臣疏
內已明言包納既定此外若再以過稅爲
名復委一人擾害地方容臣等拘執重治
既奉有寬恤商民之

新旨昭若日星則喬嵩擾民原疏自可置之勿
論在沈貢嗜利小人本不足責卜汝梁名

數馬集

卷之三

五

列縉紳豈其於臣疏及所奉

明旨俱未之見耶不然何執喬嵩之原疏則堅
若金石於

皇上之近旨則忽若弁髦耶臣於暨祿已詳言
其不可旋具手本回復去後至二月十五
日又准暨祿手本內稱本監親蒞徐州細
閱文冊乃知四萬之額信非徐州一處之
數本與郟城館陶共之也再查淮徐道手
本所開郟城館陶等處每年課銀不下一

萬兩素解之數卽是定衡貴院當與直隸
亟定不難矣臣又以新奉

明旨難以抽補回復去後至三月十七日又准
暨祿手本准本院移復前事內開郟城館
陶等處協濟之說據布政司呈稱二處雖
通河路業已歲各包稅五百兩小民已屬
難堪及查陳監先與馬監爭奪疆界奉有
明旨並無山東道口奏補徐州之稅一字本省
難以代包請乞裁酌移會施行貴院又謂

數馬集

卷之三

六

天下之事惟理可以服人事背於理雖至
愚者亦難允從况權稅有關於地方民生
者乎且徐州財貨之區經過百貨姑且勿
論卽如布匹一項陳增每箇七分每年可
徵七萬兩有餘而他貨尚在外也奈何掣
及山東以代包事難曲從等因到監准此
看得東省協濟之請非本監好爲多事之
擾蓋緣蒞任伊始其於彼事漠然無知本
監據淮徐道手本而然淮徐道則又據前

監冊籍而然總之惟視既行之成跡未慮將來之事宜況有厥初原

題之議在耳然在淮徐道未必確謂其當濟而在本監亦未必堅請其必濟也乃今貴院之議若然者則本監前日之言信乎非宜夫復何容置辯耶至於布稅雖曰徐州藉之以爲最然計其利能有幾何而每筒可以七分哉卽此一端前監立權過於苛矣今本監惟以二分五釐爲則其爲相去

數馬集

卷之三

七

豈不徑庭本監計無所施惟視盈縮之規以爲

請減之策共與直隸兩院自議而已也臣於過稅一事几三移文三致書於暨祿幸而得從臣但爲地方私喜謂稅監信可理諭今旣已矣又何須向淮徐道求免亦何必嘵嘵多言與之爲敵此臣本心也四月內復覩江北

進銀䟽內稱據淮徐兵備道副使卜汝梁呈

自舊年十月二十五日起徵至二月初六日收得過稅銀除給領工食等項外實在銀五千五十九兩查係河道凍阻之時又因原收山東臺兒庄傅家集館陶鄒城濱州濰縣膠州卽墨平度州稅銀因係隔省之官難以委徵是以稅銀虧少等因臣喟然嘆曰稅監故矣河已凍矣十月終時稅事又有所屬矣何苦抽稅以致原額不足且動以山東未抽藉口然則欲足稅銀竟

數馬集

卷之三

八

當於山東取補耶報中所抄多非全䟽臣見其略如此乃將三次與暨祿往返手本揭報部科誠謂萬一

明旨下部臣有詞置對也凡臣之揭與卜汝梁揭臣之事始終只爲一稅臣亦何讐於汝梁但當時蓋亦熟思之陳增雖故其委用之人如沈貢趙良將輩固無恙也稅之應抽與否沈貢等能言之暨祿能酌之若淮徐道於山東非所謂風馬牛不相及者乎

假令山東抽補之說惟自沈貢諸人發之不顧

明旨臣雖私恨臣亦無可奈何又令抽取過稅之說自暨祿堅執之罔遵

明旨臣雖私恨臣亦無可奈何乃今導之者淮徐道也縉紳一言其爲中官所倚仗何啻泰山故暨祿移文一則曰淮淮徐道手本一則曰淮徐道所開素解之數卽是定衡一則曰蒞任伊始漠然無知據淮徐道手

數馬集

卷之三

九

本而然由此觀之抗

肯欲抽過稅者果何人耶人方望止彼乃請抽人方拒之而求其必去彼乃導之而使其必來誠獨何心而與人異彼與暨監同處徐州臣在山東不能日置一喙於祿之側與之爭論惟有以事之始末告之部科使觀者見是非而已今江北撫臣之疏未嘗侵臣臣復何言但載汝梁揭帖謂臣非稅監委官各行經紀此何等語

陛下以礦稅瑣事不足以辱士大夫但委之巷

伯使令之臣示有禮也臣未嘗坐店抽稅而以委官經紀詬之不已甚乎設使臣親其事又當方臣爲何物也至於布稅一節凡布從南來者不之臨清則之

京師俱從山東經過臣一查之則其數立見故移文暨祿祿不曰無此七萬而曰江北藉以爲最不以臣言爲妄而曰前監立權過於苛矣印信手本俱在臣可詐乎且臣

數馬集

卷之三

十

未嘗具疏何嘗以利動

皇上揭中之言不過明陳增橫征之多耳至於前此委官虐民不能一一執治彼實以增爲通逃主也卽如臣疏首叅郭良者非增中軍官乎肆害之跡多在徐地二十萬賊私俱窟穴於徐臣能越境執之乎若夫邠邠之間搶奪人財者本在交界彼此均任其責何獨責臣也伏乞

勅下吏戶二部速加公評仍留卜汝梁照舊任

事無使江北失此賢監司以重臣罪除暨
祿手本封送戶科外理合具題

再辯議抽過稅始末疏

萬曆三十三年九月

題爲是非宜有定論評品難出中官再陳過
稅始末乞

勅部議以明公道事臣接邸報見儀真稅務太
監暨祿一本撫臣具揭可原道臣去位可
惜敬陳猜疑始末以明心跡事內稱臣因
淮徐道副使卜汝梁所呈撫按及移文於

數馬集

卷之三

十一

彼不當指山東鄒城館陶臺兒庄傳家集
等處原係徵助徐州額稅之地又見徐州
進課疏內言及山東不徵助之故因有刺卜
副使逢監之惡助監之虐等語致啓爭辯
之端疏內稱淮徐道高節長才亦所罕見
是必有所取於汝梁非臣所與知且亦明
言初司稅事漠然無知山東過稅只據淮
徐道手本開報移文於臣語本不欺臣可
無辯但云協助之說本於原奏發於沈貢

淮徐道特據其言述之漫無成心於山東
則彼爲無過而臣揭報部科爲不直臣不
得不詳辯之臣於陳增物故時將山東礦
稅題

請悉歸有司包納不許指以過稅爲名再委一
官抽擾奉有

明旨昭如日星汝梁本非稅監委官何必清查
過稅卽欲清查亦可遵奉

明旨斥沈貢之言於不用矣乃報之於暨祿呈

數馬集

卷之三

十二

之於兩院而祿與撫臣俱遣使移文山東
欲山東議補過稅一萬兩以助徐州視
明旨若罔聞謂其無成心可乎至

進銀疏內又歷數山東十數處未抽若以稅
銀虧少不得不言其故則但曰因山東過
稅近已奉

旨免徵足矣何必曰因係隔省之官不便委徵
以致稅銀虧少使非隔省彼肯已乎且自
來稅監叅論有司必於

進銀之時言州縣怠慢以激

皇上之怒今汝梁乘

進銀而以不足額之故歸咎於鄒城館陶曹縣濱州濰縣諸處使此語發於數年之前各州縣官重則提問輕則住俸矣猶幸

皇上聖明已不復留意貨利故其說不行耳夫此猶以稅監害人之行而律汝梁汝梁未必心服臣請以士君子之道律之可乎成化間劉大夏爲職方郎中有中貴奉

數馬集

卷之三

十三

旨至兵部查王三保使西洋水程尚書項忠使都吏於庫中檢之大夏先入檢得故匿其籍都吏數被捶若弗聞者後事寢忠呼都吏曰庫中案卷安得失去大夏徐以利害告之曰三保太監下西洋所費錢糧數千萬軍民死者萬計此一時弊事案雖存亦當毀之以拔其根尚足追究其有無哉忠聳然降位謝之曰公陰德不小此位當屬公矣山東過稅原出陳增額外抽擾無論

奉

旨免抽卽未經

題免汝梁見增方故害人之焰稍息亦當將其卷簿盡行燒燬以絕禍根何忍噓其餘燼抽江北不足又欲導之抽于隣省乎王濟之馬着一錦障泥不肯度水必去之乃渡物猶知所愛惜汝梁儼然豸豸冠而總稅四月方與暨祿交代其抽之也不奉明命其解之也不由暨祿其開報過稅也自同

數馬集

卷之三

十四

沈貢亦不惜錦障泥甚矣而可望以士君子之行乎事之稍涉微暖者臣不忍言言其顯者去歲鄒平縣知縣王紹徽因被陳增爲恭

進礦金礦銀事參奏奉

旨住俸乃於十月間將贖緩俸餘等銀四百五十兩差吏陳嘉猷同委官李麒起解時麒亦代解蒲臺鹽稅銀四百兩及攜有私囊至徐值陳增初死徐道閉城大索麒將銀

物二箱憑中軍趙良將交與主家吳光宗
逃回山東臣卽差人押去清查前銀光宗
將銀首于汝梁梁以鄒平縣銀三百五十
兩作麒麟解

進而以五十兩賞光宗以五十兩賞其心腹
快手管大本竟將蒲臺鹽稅四百兩及麒
私囊盡作烏有夫快手何勞而賞五十兩
使非與之相爲囊橐何故以重賄酬之乎
後臣移文暨祿祿謂銀已解到豈可泯沒

數馬集

卷之三

十五

乃連追出吳光宗等銀一百兩給與鄒平
縣四百兩批迴臣乃爲之題

請開俸此暨祿之所知也臣謂稅監猶可理諭
縉紳反難情告此非其一驗乎祿與汝梁
先後收稅梁言而祿行梁法而祿守其代
爲之辨也亦係人情但自祿疏一出不知
者謂臣無故揭害鄰省道臣彼實無山東
抽取過稅之心卽祿亦謂無惡可逢無虐
可助也夫人臣之罪孰有大干抗違

明旨欲生事增稅者乎祿疏明言山東之

題有定數有司司之與彼無預則山東過稅

彼不必再問而汝梁亦不必再報矣乃示

以爭端至移文移咨紛紛不已又以之

上聞何爲也哉祿若先有不遵

明旨之心特藉汝梁手本以爲之助是汝梁之

罪猶小若本無此心因汝梁手本而發是

教猱升木非汝梁導之而誰乎幸臣有

明旨可執而祿卽悔悟中止不然臣未知此事

數馬集

卷之三

十六

之所終也臣雖庸劣忝爲

皇上填撫之臣徒以爭稅一事至今縉紳是非

之論付之監臣所言雖平臣實心耻如蒙

皇上勅下吏戶二部覆議果臣無故訐害隣省

道臣則罪在臣果

明旨必不可抗汝梁抗違嫁禍暨祿手本及咨

文奏疏足爲確據則罪在汝梁速議處分

庶是非大明士節不至掃地而內官亦不

得聞雌黃文臣之漸矣臣無任惶愧隕越

之五

奉

聖旨該部知道 部覆下 欽此

參臨清稅監欺隱稅銀疏 萬曆三十三年十一月

題為抽稅名歸

朝廷厚利實歸稅使敬陳臨清歲抽之數查

對稅監歲解之數欺隱昭然乞

賜追究停止以安赤子以濟河工事 臣竊惟

國家稅民原有一定之法田畝人丁是也法

數馬集

卷之三

十七

外加增則民不勝其怨然或以兵興除民

害也或以防邊守藩籬也或以營建壯

皇居也或以治河通漕挽也凡此其事皆為公

而非為私為天下而非為一人民不得已

而輸之猶有難色若近時抽稅以實

內帑民已疑其私矣即使銖兩毫釐俱進

皇上民亦安於臣子之分曰

上實君我使其相生相養而不至於相戕雖有

額外之徵亦分之無所逃而誼之不敢抗

者若借

皇上徵稅為名盡羅天下厚利歸之於已使

土受不美之名而已享無窮之利此則臣子欺

罔大罪而三尺之所不宥人心之所共憤

者也 臣往為山東右布政時見臨清激變

數十萬人攻圍稅監馬堂衙門欲毆死以

洩其忿幸賴守備王煬領兵突圍救之而

出爾時固知堂之虐取商民人人欲食其

肉意其懲前戒後從此少知省改亦小人

數馬集

卷之三

十八

之福也不謂其至今不悟其虐民欺

君視昔無異 臣因商民疾首控訴不堪其虐乃

密令地方查其歲入幾何歲

進幾何乃知

皇上抽稅直為馬堂驅利其輸之

內帑者不及三之一也查堂每歲應

進臨清額稅銀四萬兩出入牙店銀二萬八

千兩又茶城迤北一帶河道稅銀一萬兩

共該七萬八千兩而堂之所抽乃三倍于

訛以布行言之商人張新裕等在臨清發賣者一歲六十八萬七千餘筒照鈔關則例每筒納銀二分歲得銀一萬三千七百餘兩山西直隸買布往彼發賣者歲有四十八萬餘筒照例每筒二分歲得銀九千六百餘兩其買往遼東者歲有二十萬筒每筒不依則例加至七分歲得銀一萬四千兩又店戶曹理吳司等布經過臨清徑往河西務者二十萬七千三百餘筒平湖布每筒鈔關例稅銀三釐一毫堂則稅銀四分八釐上海布例稅銀五釐堂則稅銀七分六釐有奇歲得銀一萬二千八百餘兩以設行言之商人汪近亭等四十餘店每年徵稅銀二萬兩又聽胡子奇劉虎吳雲泉等檢置加添銀一千五百兩以廣貨言之左少泉等三十餘家每年徵稅銀五千兩又聽撥置加添銀三百餘兩以麵麵行言之王玉桐等三十餘家每年稅銀一

萬兩又聽撥置外加銀三百餘兩以雜貨行言之汪士山等四十餘家每年稅銀二萬餘兩外加銀三百兩以黃湖二絲行言之楊海泉等七十餘家每年稅銀一萬餘兩外加銀二百兩以夏貨行言之王廷邦等五十餘家每年稅銀一萬餘兩外加銀二百兩以磁器行言之暢次樓等二十餘家每年稅銀五千餘兩外加銀三百兩以設行言之陳少梅等二十餘店每年稅銀四千兩外加銀二百兩以紙行言之黃泰周等三十家每年稅銀五千餘兩外加銀二百兩以雜糧行言之毛如權等三十家每年徵租銀二萬餘兩雜糧自來無稅而堂新增以致激變即此十數大行而一年之稅已有十六萬二千六百兩有奇此外尚有鹽貨首帕及瑣屑小行不暇縷舉歲入不下三四萬兩又委陳東藩姚天相等于賓應門汪鹿鴻得祿等于北水門孫世

勲李道李守安等于南水門楊世芳等于觀音口詹應祥竇邦真等于東水門王其才等于西河王一相尹鳳奇等于威武門凡客貨之出入往來無不捺索歲入不下四五萬兩又以河道爲名委曹世臣周昌輔陳王道薛傑顧炳等數百人于濟寧張秋東昌德州等處攔搶貨物設彌天之網張遍地之羅無得脫者歲又不下萬餘兩總計一歲稅銀實有二十五萬兩而堂

數馬集

卷之三

三

之額外嚇詐如秦和陽之一千兩暢文美之六百兩劉登舉之五百兩馬配之一千兩其人又更僕未易數也一歲所

進僅七萬八千兩其餘悉歸私囊計抽稅七年隱匿稅銀有一百三十萬兩雖戶部太倉之積不富於此矣以故錦衣玉食僭擬王侯一裘之費至割千狐一帳之飾至用千貂樓船五座丹漆輝煌飾以銀頂實以寶玩雖

尚方甲帳不侈於此矣修建梵宇廣立生祠多置庄田高建樓閣紅廟一宅而費銀三萬兩雖離宮別館不麗於此矣收養亡命梟騎數百執戈者前露刃在後橐弓服矢充塞道路雖羽林衛士不雄於此矣歌童嬖豎妖態妍飾蟒衣玉帶娛侍左右動呼千歲獻壽稱觴雖价藩大國不僭於此矣不寧馬堂卽其使令之人如胡子奇一舍餘也驟爾起家萬金父子侍妾名倡十餘

數馬集

卷之三

三

所居之屋卽

龍袍局劉虎一伴當也數年亦起家萬金指揮之房買之以居舍人之妹娶以爲妾至於極賤皂隸如王東山輩亦立起千金之產他可知矣伏觀

皇上憂憫小民雖不能忘情稅利然每渙德音猶曰不許重征疊收曰朕心仁愛自有停止之日而堂乘時射利君取其一已取其二

君居其名已享其實使天下商人無熙攘攘

利而來者俱歸怨於

皇上孰貽之哉馬堂貽之也臣愚以爲

國家之物堂還

國家百姓之財當助百姓方今河工大興八十萬金錢戶工二部計無所出何不以堂所匿一百三十萬者量追一半以四十萬發河臣爲開河土方之費以二十五萬發東兗二郡爲募夫幫貼之資是取之於民

數馬集

卷之三

二十三

者還用之於民轉怨爲德化私爲公不愈於取給戶工二部使其掣襟露肘無米難炊也哉夫以

皇上

聖明高出千古何愛於欺

君內豎而不繩以三尺直牽於一念之私忍不

能割耳不知堂之財非堂財也

陛下之財也自古帝王藏富於民不忍掊剋聚

斂以重困之正以軍國之費皆民之自出

故仁愛保護以藏之不竭之倉而留之不

涸之府是小民者

陛下之倉庫也今有人焉盜太倉之米竊水衡

之金動以千百計而僅以升斗錙銖奉獻

陛下將名之爲盜耶爲非盜耶將賞之耶抑罪

之耶又况火其廬毀其垣欲舉倉庫而壞

之將如何議刑也若馬堂者不惟盜

陛下之倉庫且舉臨清赤子暴虐殘害致屢激

大變幾不可收拾是聚斂盜臣合爲一人

數馬集

卷之三

二十四

其殿

陛下之倉庫也甚矣雖盡沒入其財也庸何傷

旣沒其財以濟河工然後頒布

明旨將堂掣回下之於理一切礦稅盡行報罷

其助虐如胡子奇輩容臣等拘執治罪使

衆忿俱洩衆心胥悅太平復觀日月重光

治豈遠遜二帝名豈不若三王哉臣竊爲

皇上願之望之

議將曹州馬場變價以免貽累小民疏

三十三
年五月

題爲馬場原係妄獻小民受累難堪乞

准變價以免貽害事准礦稅太監暨祿手本爲

仰遵

明旨不敢擅辭等事內稱山東曹州原有題

准皇莊馬場一處年例解有地畝租銀當何議

處等因到臣行據山東布政使司呈據兗

州府申據曹州府稱查得

皇莊馬場之地七頃二十五畝八分一釐三毫

數馬集

卷之三

七

七絲原係民地於二十八年四月內陳監

委官孫士弘妄作官地投獻陳監

光每年除去條鞭銀十兩七錢五分零改納租

銀五十兩八錢六釐九毫一絲著令原地

主承龍等四十二家佃種等因到府具申

到司爲照馬場地原係民地始因陳監誤

聽委官孫士弘之捏詞將前地獻爲

皇莊馬場改民地爲官地除去條鞭每年議納

租銀五十兩八錢零今該州因佃地人戶

賠累難支欲將前地變價照舊改爲民

乃爲

國恤民至意況馬場原已不用前銀止聽有

司徵解應照該州所估價值變賣合候本

院裁酌具

題等因到臣例應會

題但舊按臣

已經復

命新按臣未至地方該臣查得曹州原無馬場

因陳增委官孫士弘與鄉隣有隙欲嫁之

數馬集

卷之三

二十六

禍遂將李龍沈君仁等受產民地七頃二

十五畝八分零作爲官地投獻於增朦朧

具

題議作馬場每年除去條鞭而納租銀其費

視納正糧多至五倍致業主四十二家累

死及逃亡者十四家矣今增已敗亡孫士

弘罪惡貫盈亦蒙逮繫錦衣獄乃知

聖主明並日月昔之聽增妄奏者忽而不察也

今之監禁士弘者罪其欺罔也據理而論

則馬場本係民地宜遠之於民不必令其
納價但小民惟求永脫百年之害不敢愛
惜百金之費衆戶均攤自願納價二百一
十七兩七錢四分及未完租銀五十兩八
錢蓋思普天之土莫非

于土卽民地亦

皇上有也既已入於公家豈敢無故而私得之
萬一後此又有奸民如孫士弘者因而訐
奏以爲侵占官地是貽禍於將來未有已時

數馬集

卷之三

三十一

故納價之請其情可原也亦可哀也卽稅
監暨祿亦深以爲宜變價而以地還民無
非奉揚

德音而爲

主市義於民耳既經該司本議前來相應具

題伏乞

勅下戶部再加覆議

上請合無准將前地變銀仍令佃戶李龍等承

買照舊改爲民地歸入條鞭其李龍等未

旨

完三十三年分租銀五十兩八錢六厘
毫一絲與前地價共銀二百六十八兩五
錢五分一厘二絲行臣一併追完解監類
進爲此具本專差承差楊桂齋捧謹題請

此地今歸小民訖

數馬集

卷之三

三十一

數馬集卷之四

溫陵黃克績紹夫著

奏疏

遵明旨議稅額減過臨清六部商稅疏

三十四年正月

題爲遵

明旨議稅額以便有司徵收以廣

聖明德意事萬曆三十三年十二月初八日接到戶工二部咨文接出

數馬集卷之四

聖諭朕以頻年天象示警心常兢惕責已省愆不遑寧處昨覽該部再疏題請鼎建殿門以完聖典因思物力難支何時就緒連日熟計見今河工城工一時並舉工程浩大錢糧數多內外帑藏俱匱民窮財盡困於徵輸致使正供難辦反無所出京邊之費一時多乏朕甚憂之已遣內官監經管內官查理過灣見軍小杭回奏且大工浩費不貲其間曠抽稅原爲濟助大工不忍如

數馬集卷之四

派小民採徵天地自然之利今開礦年久各差內外官俱奏出砂微細朕念得不償費都着停免若有見在礦銀就着礦差內外官員一併解進馳驛回京原衙門應役凡有礦洞悉令各該地方官封閉培築不許私自擅開務完地脉靈氣其各省直稅課俱着本處有司照舊徵解稅監一半并土產解進內庫以濟進賜供應之用一半解送該部以助各項工費之資有餘以濟京邊之用其各處奏帶員役止着押解催償錢糧行文差用不許私設關津指稱委官容令地方棍徒肆行攘奪致民生不安商旅不行反虧國家正課撫按官還同該監不時訪拿治罪明顯朕仰體上天仁愛祖宗鑒臨敬畏修省實政昭示朝廷權宜濟助大工愛民固本德意待大工稍可措辦便奏請通行停免你部欒行各省直內外官

遵行毋忽故諭欽此欽遵臣竊惟十年礦稅億兆愁歎一旦礦罷矣稅歸有司矣又半與部用矣普天之下無復昔日鑿空輓嶺發屋破塚以取財者矣無復有持貨入市盡被攘奪涕泣而歸者矣且半與部用以濟

大工民亦利焉我

皇上真堯舜之主哉一時文武羣民黃童白叟無不忻懽鼓舞共祝

奴馬集

卷之四

三

萬壽無疆者蓋窮困之後易爲德也臣卽遵自行布政司將包礦銀悉行免派仍示有礦州縣小民通知使霑

皇上浩蕩之恩至於應解稅銀亦卽行司議令州縣派徵時值河工緊急臨清州知州于廷采在單縣朱旺口領夫開河未回臣督行東昌府知府陸夢履於正月初六日前去臨清州鳩集各行查議開款詳前來大都謂民苦稅監非稅監之爲民害乃其

牙爪羽翼之流毒慘也今已革去稅監委官若復用有司之委官去稅監巡攔若復用有司之巡攔彼臨清積蠹白晝攫入於都市者豈少哉其視稅監所遣恐亦百步五十步之間耳應從各行戶之便不用委官止用行首照戶部鈔關徵收事例該納稅幾何卽令行首如數收貯待該州月終出示上納但查三十二年鈔關收稅底簿三大行止納銀二萬五千有奇雜貨小行

奴馬集

卷之四

四

止一萬有奇牙店出入包納止二萬有奇大率不過五萬五千兩鈔關又有民船二八稅銀與底載稍搭等類所謂過稅又有本處出產土宜貨物亦各量稅所謂小稅通計各稅欲共足六萬八千兩及孝順方物之費實難及額查稅監舊時於貨物往京師河西務遼東各邊者鈔關稅其一該監稅其十今欲倣行之於鈔關之外每一兩加至二兩彼習見昔日之輸十頓喜今日

上本

之輸二亦自樂於上納惟河道一萬兩府
否委官再抽及孝順方物等銀請乞裁奪
等因又據山東布政使司呈稱據府州縣
有司招稟及百姓紛紛赴告僉謂地方稅
銀有萬分不能堪者緣山東所屬六郡阻
海負山土瘠民貧惟臨清德州濟寧三處
路通商賈其餘皆轉販瑣細貨物趕集赴
市以應民間日用之需非有行商坐賈列
肆成行而爲市者也當時陳增六萬之數
明旨之森嚴下迫中使之威劫不敢不取盈焉
如無商賈也而稅之集場集場不足也而
稅之負擔負擔不足也而稅之酒腐飯店
下及草履木杓一切鄙屑輕微之物無不
稅及今各府州縣所報稅冊在案也噫亦
可憐矣又如見今魚臺金鄉單縣濟寧河
水淹沒民爲魚鼈正額稅糧皆蒙題
准布政司措處代完此四州縣者無民無貨

其一千六百之稅可減至於臨清稅該七
萬八千議歸有司有司牧民之官也效中
使之所爲其勢有所不敢守有司之常法
其數必不能盈此可以情理度也故今日
之稅不敢言罷而只欲求減者非得已也
謹冒昧呈請本院酌議具
題等因到臣臣宜會同按臣具
題但舊按臣已經復
命出境新按臣未到該臣看得財者民之所恃

以爲命者也上之人欲聚財而富下之人
懼失財而貧其情不相遠也惟其取之有
順逆則其應之有難易異時稅使之抽稅
也牙爪旣衆攫取甚橫耳目旣多羅網無
漏均一過稅也鈔關之稅一而稅監之稅
拾民欲不從則且以爲漏稅而沒入之盡
攘以爲己育其逆施也甚矣夫取之以逆
則雖數十萬亦見其有餘今欲取之以順
雖僅止數萬亦懼其不足何也彼之委官

且以百計今欲委一官而難之矣彼之巡
攔且以千計今欲用一巡攔而難之矣彼
取過稅十倍於戶部今欲一倍而又難之
矣懼失民心而壅

陛下之德意也故惟當聽各行之自認依鈔關
之則例變逆爲順與民更始則臨清之五
萬五千兩加以過稅小稅得七八千兩總
足六萬正數及方物加重之費而物力竭
矣府議欲於過稅一項量加倍收以足額

數馬集

卷之四

七

數臣以爲加十固加也加二亦加也其加
同則其爲逆取同豈以四海之富而少此
數千金令有司効中官所爲

皇上必不爾也惟於原額內應

請減八千兩至於沿河之稅由臨清至東昌僅
百里由東昌至張秋僅九十里由張秋至
濟寧僅二百里總計四百里間可重征疊
收立權關二四所以驚商賈令其裹足而
不敢前乎臣以爲河道之稅當蠲此一萬

兩不必令濟寧張秋東昌認納庶

明旨所謂愛民固本者不爲虛言耳此以廣安
一店言之也若普寧店稅歸併暨祿者雖
已議包日久然當時拘于成數計州縣大
小令其包納彼偏僻州縣原無往來商賈
不過令各市鎮一切負販買賣者俱認額
稅至於酒飯豆腐草履木杓至微之物莫
不派入冊中以足其額雖經臣查冊刪改
稍去其尤者而州縣苦于失額尚多不能

數馬集

卷之四

八

盡除今宜於六郡額稅量減三千四百兩
行司府細查稅冊所載凡有如前所云瑣
屑鄙細者盡芟除之減至三千四百兩而
止通示小民使知

皇上此眷

恩澤貧民亦得均霑不但減諸商賈之稅而已
也又魚臺金鄉單縣濟寧被河決淹沒民
爲魚鼈原派稅銀一千六百兩司議除去
乃民瘼所關夫正額錢糧尚爲設處况額

外之稅不能蠲免之乎此在

皇上棄之不過太倉之一粒在小民沾之則爲金莖之玉露臣知

聖心仁愛必不有所靳也總而計之馬監所收

解者量減臨清稅銀八千兩免抽河道銀

一萬兩實徵銀六萬兩暨監所收解者除

去水滄四州縣銀一千六百兩酒飯腐菜

諸稅銀三千四百兩尚存銀五萬五千兩

與夫泰山香客加增銀三千兩蒲臺鹽稅

數馬集

卷之四

九

銀三千兩實徵銀六萬一千兩合山東一

省尚有稅銀十二萬一千兩各分一半以

六萬五百兩徑解工部不用方物加重傾

銷等費其六萬五百兩與二稅使解

進者悉照舊例每百兩外加銀十五兩九錢

五分四釐以三兩二錢爲加重係傾入錠

內之數以十二兩作公費係解監置買孝

順方物之用其餘七錢五分四釐係傾銷

火耗及解官盤費靴木等項應用實該加

銀九千六百五十一兩一錢七分是山東

一省名包十二萬一千兩而實出十三萬

有奇視他省固爲獨多未可以爲輕而易

辦直

天恩難以過徼得減便爲厚幸臣不敢一時盡

爲窮民

請命耳如蒙

皇上垂念山東股肱近地額徵錢糧歲以數百

萬計灌輸

數馬集

卷之四

十

京師常爲各省最不宜浮稅過多以重其困

悉照臣議令臨清共認稅銀六萬兩六郡

包稅及香鹽稅銀共六萬一千兩

勅下戶部行臣如數徵解免委官抽取只令各

行首收納其加添方物等銀照解

進銀數增派其解部者免派則臨清可免重

徵澤及商賈六郡可免箕斂澤及貧民雖

一時未盡報罷民亦知有更生之樂矣視

昔歲抽擾景象真若大寒之後頓觀陽春

其歌舞

聖恩祝詞

聖恩者有窮哉臣無任祈懇仰望之至奉

聖旨停礦分稅權宜濟助大工固本愛民已有

明諭這奏內臨清共認稅銀六萬六郡包

稅并香鹽稅銀六萬一千兩及外加公費

方物傾銷火耗等項銀兩既經會議免差

委官只令各行首收納以便地方特准如

數征完依期解二處稅監分解進用以昭

數馬集

卷之四

十一

朝廷寬恤德意該部院知道

蝗蝻生發乞賜賑恤疏

萬曆三十四年六月

題爲蝗蝻生發異常田禾殘食殆盡懇乞

聖明亟賜勘恤以救災民事據濟南府屬濟陽

德平等縣申稱城北尚家河索家廟等處

蝗蝻生發形如蚊蠅聚如星密將種出菜

禾等苗盡被食毀又據武定州及利津海

豐平原樂陵歷城陽信新城長山金鄉恩

縣壽光高密濰縣各申稱蝗蝻生發有一

縣捕過一千餘石尚未盡絕者各要委官

踏勘乞賜蠲恤緣由到臣已批行該司轉

行分守濟南東兗萊州三道一面設法捕

打將小民捕過蝗蝻一石徑給官穀一石

照數易換其蝗晒乾收倉以便事畢盤驗

一面作速委官查勘詳報去後未據回覆

前來卷查先准戶部咨開如遇災傷巡撫

先行

奏報巡按一面查勘得實具

數馬集

卷之四

十二

奏造冊送部以憑議免議賑等因遵行在卷

今據前因臣看得蝗微蟲也然害稼者莫

此爲甚不食其粒而斷其莖莖斷而全苗

隨之矣謹按春秋書螟者三書蠡者七書

雨蠡于宋者一書蠨生者一蠡卽蝗也其

子初生則謂之蠨食苗心則謂之螟能飛

則爲之蝗春秋于魯宣公時三書蠡蠨說

者以爲蠡爲穀災虐取於民之效也是時

軍旅數興賦役繁重故戾氣應之及府軍

匱倉廩竭調度不給卒至廢助法而行稅
畝蓋自此始經於蠡螟一物之變屢書于
策示後世天人感應之理不可誣當慎其
所感也齊中之蝗蓋自去夏業已生發臣
急下打捕之令以粟與易民既樂於得穀
之利而又喜於去蝗之害遂爭捕之以輸
於倉各處收貯幾至萬石而蝗遂不為大
災及今春而蠮復生則其所遺子尚在土
也故始則有蠮之地禾被其災今則翼而

數馬集

卷之四

十三

能飛無所往而不為災矣以臣近日所見
其飛也蔽天其下也徧地其食苗也二三
十里之間頃刻立盡幸司道府諸臣同心
憂民督州縣驅捕不遺餘力蝗之勢稍減
而其飛者亦稍稍遠去矣然而全齊皆

皇上之民也即與齊為鄰者亦皆

皇上之民也以此之災而驅之彼庸何愈乎臣
考之經義既以蠡災為賦役繁重所致則
今欲弭災當先自輕徭薄賦始矣詩不云

乎去其螟螣及其蠹賊無害我田穰不惟
物有之凡政之不便于民者皆螟螣蠹賊
也臣境內有司豈無虐取其民如蝗之為
害者乎臣方與按臣監司察而去之此其
力之所能為者也若夫無名之征如六郡
商稅與夫大工頻興勞費無已水滄州縣
積逋難完欲罷而免之以無遺民害此則
非臣等之所能為是在

皇上留意國本發

數馬集

卷之四

十四

內帑以濟戶部之急罷橫征以恤災沴之民
而已所據各屬報到災傷相應先行
奏報伏乞

勅下戶部行巡按御史將前被災各州縣或更
有續報者一併查勘的確分別災傷輕重
酌議蠲恤緣由徑自具

奏聽該部覆議

上請定奪施行至於罷無名之征蠲貧民之負
以弭天災而固邦本亦惟

無任祈懇仰望之至

庚子年十一月

沒可爲殷鑒本年七月二十六日遊擊顧

卷之四

十五

將領遙制爲難兵卒選法不便渡海領餉

初創於漢唐之際

可矣其餘收回登州則兵有節轄事有責

卷之四

十

東海中四面皆水待舟而行其爲寇也必

視風色而風之起於東海倏南倏北倏西倏東飄泊無常非如陸路可以程計也故開船之後如南風多則寇朝鮮遼東北風多則寇福建廣東東南風多則寇登萊正東風多則寇淮揚蘇松浙江彼大海之中水天一色無一山一嶼以爲障蔽其來也無阻其至也多不及知設舟師以防之海上是爲得計若北海則內海也北爲遼陽南爲登萊青齊自登州徑渡至旅順口九

數馬集

卷之四

十七

百里是內海之咽喉自此而入天津水路三千餘里中多島嶼若大小竹牽牛廟島鼉磯皇城沙門諸島碁布星列海道迂迴曲折風一不順不飄抵南岬則飄抵北岬不則碎於礁石故防遼者防之於鴨綠江外防山東者防之於威海成山間是防其可以突至之處若旅順天津非可以逕至者也海上無數日不變之風亦無三千里不迂曲之地謂可以揚帆直達堂奧必不

其然稽之往牒永樂中倭犯遼東爲都督劉江所破其地在金州衛望海埚出旅順哀尚數百里何論直至天津乎如臣等愚計則旅順設防亦屬不急之務若爲遼東計必欲守之則兵與船宜常在遼左不宜在山東蓋每年春秋二汛渡九百里之海往彼戍守風一不順兵輒遭溺其不便一也渡海領餉阻風難達束手無策忍飢待斃其不便二也遠隔絕域兵士虛名冒餉

數馬集

卷之四

十八

不可稽查其不便三也兵在山東防在遼地若不守紀律難以鈴束其不便四也猝有倭警風水不便馳報甚難山東無緣應援其不便五也夫無益於防守而多溺乎兵士仁者不爲也計出於必不然而財費於無所用智者不爲也然而人不敢輕議罷者防寇於門戶其慮誠深而其計若預也今兩司之議欲將此兵分而爲二擇其精者五百人用沙唬等船十八隻裁去游

擊以守備統之仍舊防守旅順但專屬遼東撫按道臣節制以直隸半餉一萬三千四百兩裁去三千七百六十兩其餘專解遼東以餉旅順而山東不與知焉尚存六百餘兵掣回山東稍汰其脆弱而以其壯者分配各水營防汛餉亦隨兵漸減蓋山東此時兵船常哨至皇城島離登州五百里處北海之中旅順之兵距此止四百里亦可時常哨探南北各有分地不相推委

數馬集

卷之四

十九

防守之計無善于此如蒙

上勅下兵部覆議果臣等所言不謬將見在兵擇五百名連沙船十隻唬船飛船八隻內該捕盜十八名歲該工食銀四百五十兩六錢舵工十八名歲該工食銀三百四十五兩六錢又沙船捕盜歲該薪水銀一百二十兩唬船飛船捕盜歲該薪水銀四十八兩兵四百六十四名歲該工食銀八千三百五十二兩哨官二員家丁二名

歲該廩工紙紅銀六十八兩四錢以遊擊改守備照依青州守備事例歲該銀二百五十二兩四錢以上通共銀九千六百四十兩官兵船隻歸之遼東廩工等銀以直隸之餉照數派給遇閏加增專守旅順免其往來登州餘兵掣回山東分配水營防汛其餉隨兵漸減是直隸山東均蒙減兵之利而遼東實得資兵之用將士免渡海往來保全性命皆

數馬集

卷之四

二十

皇上之所貽也

恩莫大焉臣等謹採衆論以

聞

乞停止有司徵稅疏

萬曆三十五年三月

題爲義利不容並立裕民興利不能兼行懇

乞

聖明亟罷稅務以隆世道而維臣節事竊惟

明主之治天下所當最留意者曰民生安危曰

世道污隆民不安生則羣起而爲亂其害

難以撲滅世惟趨利則羣化而爲貪其流莫知底止是二者其機常相須也昔年稅使四出斂商賈之財以輸

內府致無知叅隨攘奪公行激成大變緹騎沉於江流多命斃于甌石中使灰於烈焰炭及乎四海鼎沸矣當此之時害在民生戚以爲掣肘中使令有司自徵則禍可立止也幸而

聖心悟悔罷礦分稅歸之有司雖稅使未及收

數馬集

卷之四

二十一

因而所以禍民者業已去其五六不意其害又移之世道而民生之害亦不能盡除也臣等請深陳其弊

皇上試垂聽焉山東稅銀屬暨監者係六郡州縣包納及割泰山香稅業有定規頗無異議屬馬堂者係委官收納悉照臨清鈔關原單毫無增加視監委官重征逆取輕重不啻倍蓰然詢之道路每每致怨有司而承委官員亦多避禍畏譏而不敢往去歲

春夏秋三季係委通判朱朝臣至冬易以王藿是二臣者豈甘以其身與稅監爲伍哉然已不能使商賈無言或以考察調簡去或以劣轉審理去至今無府佐可代則其故難言矣夫稅雖歸有司而成數固在也商賈重困自其本情十金同惜一金亦惜重稅固怨輕稅亦怨且臨清稅銀鈔關取一分而有司又取一分是一物二稅也孰能甘心輸納而毫無後言哉爲有司者

馬集

卷之四

二十一

查之稍嚴則羣然側目曰是稅監之後又一稅監也夫稅使不習詩書不誦法聖賢苟可得財何難逆取被其虐者敢怒而不敢言若有司則祖宗以來育於黃序教以禮義廉恥飲與皇上分理天下者也而使之日執牙籌與商賈較量錙銖非其任矣况敢索淵魚施密網絕流而盡取之也然寬之則常額不足如去歲春季尚被商人拖欠四千餘兩今方

補完是欲寬而不能也嚴之則人將曰是與稅監無異故爲有司者居常備備曰吾效稅監亦敗不效稅監亦敗孰與效之是不數年將令有司盡化爲稅使而後可也
嗚呼堂堂

天朝富有四海何少此數萬金而爲額外之征令縉紳化爲貊獍其貽禍世道豈不大哉
議者以

三殿方建所費不貲權稅之利何可遽罷不知

數馬集

卷之四

二十三

生財之道在杜其耗之之端不在廣其取之之途苟經理有方尾閭無洩雖不徵稅亦自足用不然則雖化瓦礫以爲金竭山海而作貢饋之彌甚何言稅哉我

太祖高皇帝嘗諭戶部云善理財者不病民以利官必生財以阜民前代竊名之官如桑弘羊之商賈楊炎之兩稅自謂能盡理財之術殊不知其取財有限而傷民無窮我國家賦稅已有定制樽節用度自有餘饒又

嘗與侍臣論宋太宗改封樁庫爲內藏庫

云人君以四海爲家因天下之財供天下之用何有公私之別太宗宋之賢君亦復如此他如漢靈帝之西苑唐德宗之瓊林大盈庫不必深責宋自乾德開寶以來有司計用度之所缺必籍其數以貸於內藏候課賦有餘則償之凡有司用度乃國家經費何以貸爲缺而許貸貸而復償是猶爲商賈者自與其家較量出入及內藏旣盈乃以牙籤別其名物叅驗帳籍晚歲出籤示真宗曰善保此足矣貽謀如此何足爲訓欽此大哉

數馬集

卷之四

三十四

聖祖之言非萬世君天下者所當法哉故明於定制之說則額外之稅不可有也監于私財之譏則

大內之藏不必蓄也彼缺而許貸貸而復償猶且譏其爲私况取之不以制散之不以時寧不嫌其爲黷臣願

皇上守

聖祖之定制存維世之深慮圖其遠者大者勿以小利

留意

內帑可發莫非民財常賦可供何必商稅卽時報罷使闔市不苦疊征閭閻得免箕斂有司得存廉節其有益於民生世道豈淺淺哉伏乞

聖明大奮乾斷速下戶部施行臣等不勝仰望

數馬集

卷之四

三十五

懇切之至

請乞乘時停免稅務疏

萬曆三十五年五月

題爲稅監病故罷稅有機懇乞

聖明乘時施惠以遏亂萌事臣於五月二十五日接到總督漕運巡撫鳳陽左副都御史李 揭帖內稱儀真收稅太監暨祿於本月初九日病故等因蓋暨祿兼管山東包稅銀六萬一千兩其存亡與山東相干故督臣移文於臣凡臣所欲請於

皇上者督臣已先

請之臣可無言但臣聞之天下治亂有機而變亂爲治亦有機機也者不先不後間不容髮爲其事於此而泯其迹於彼所謂因時避會者是也近見南都妖徒謀爲大逆幾危根本重地其煽惑人心皆以礦稅爲名而陝西稅使梁永多聚兵馬劫奪委官小民句句言其欲反千里之外且爲鼎沸此等景象亂機已見稅務當已斷無可疑然

數馬集

卷之四

三十六

因南京陝西之事而罷稅以收人心則似朝廷有畏於民而行止之權且爲小民操之不如自

皇上獨斷停免爲得策也今暨祿素稱安靜地方頗無怨心一旦病故是

大與以罷稅之會而示以更張之機若

皇上欣然信

前旨盡罷海內稅務與民更始則不測之恩自皇上出民將曰此我

后實心愛民因稅使病故而止不爲小民欲反
而有此舉動也其機微而其仁著豈不稱
大有爲之

主哉且

皇上每下

德音輒云朕心仁愛自有停止之日則亦知此
稅之終必罷矣何者各處鈔關旣抽稅以
濟邊今歸有司者復照鈔關重抽是重困
商民也各處州縣旣有地土人丁正賦今
州縣包納者復加頭會箕歛是重困農民
也天下有商民農民皆困可以爲

數馬集

卷之四

二十七

國能久而不亂者乎故臣謂宜乘其機而罷
之以轉亂爲治不然待其亂而後止則如
唐德宗之時涇原軍士入城百姓駭走大
呼告之曰汝曹勿恐不奪汝商貨僦質矣
不稅汝間架陌錢矣嗚呼此豈非千古之
永鑒哉臣所謂宜乘其機而罷者此也臣
謹會同巡按山東監察御史溫 具疏、

上請伏乞

勅下戶部速賜及期停止施行天下幸甚

數馬集卷之四終

數馬集

卷之四

二十八

欽馬集卷之五

溫陵黃克纘紹夫著

奏疏

霖雨爲災請發內帑賑濟併議改折疏

三十五
年七月

題爲霖雨踰月平田皆水小民饑溺禍亂可

憂懇乞

聖明大加賑恤并求改折以救目前事據濟南

府屬禹城濟陽陽信歷城利津新城臨邑

欽馬集

卷之五

齊河平原德清商河青城濱州長清武定

肥城萊蕪齊東鄒平霑化長山章丘二十

二州縣兗州府屬濟寧金鄉鄆城曹縣單

縣城武定陶鉅野嘉祥曹州寧陽鄒城東

平汶上十四州縣東昌府屬茌平博平范

縣冠縣濮州觀城丘縣聊城朝城武城夏

津等縣恩縣臨清館陶清平高唐十七州

縣青州府屬高苑縣俱申稱自六月初旬

大雨如注至閏六月末旬仍雨不息平地

丈餘城池衝塌房屋坍倒田禾盡沒萬姓

水中處處拆屋作筏村村哀鳴悲號各乞

要路勘蠲恤又據分守濟南東兗二道議

稱災荒具

題每蒙蠲免存留徒累州縣無裨百姓惟有

准折漕糧倉糧與俵馬各州縣民間可省

數千金庶足少甦災民各府州縣雨災皆

同而道塗水潦阻絕一時申報未齊乞悉

請改折各緣由到臣俱經批行該司道委官查

欽馬集

卷之五

勘去後未據回報卷查先准戶部咨開如

遇災傷巡撫先行

奏報巡按一面查勘得實具

奏造冊送部以憑議免議賑等因遵行在卷

今據前因臣竊惟太平之世陰陽和而風

雨時五穀熟而民人育然後人主得安享

玉食高拱于兆民之上若二氣不和雨暘

失節或陽盛而旱或陰盛而水五穀不登

黎民阻飢則貢賦難供盜賊羣起人主雖

有帑藏之積未得高枕而卧也山東六郡
屢經亢旱蟲蝗爲災民艱於食已非一歲
猶幸此郡不足彼郡有餘此邑雖災彼邑
猶熟移東就西不至大困今歲自正月不
雨至六月終乃雨已無麥矣晚種禾黍方
望有秋不意自閏月之三日至七月之六
日晝夜雷雨城郭廬舍傾倒殆盡平原廣
野悉成巨浸道途不通人民漂沒數百里
內不見田疇安有禾黍卽有僅存亦成空

數馬集

卷之五

三

穗自百餘年來未有雨水爲災如今日之
甚者也此時晴已七日而州縣爲水所困
無路可行乘桴而來以災見告者僅禹城
濟陽等五十四州縣詢之來人皆云城市
之中非筏不行鄉村小民有屋壓而歿者
有水衝而去者漂泊浮沈與魚鼈無異間
有僅存者無屋可棲無糧可食無薪可燃
惟束手待斃而已如此尚可責以復供稅
賦蓋如平時哉水旱之災雖屬

天意感召之源亦由人事臣等不能奉宣

主德造福於民以致久雨爲災分宜罷斥又聞
之洪範曰肅時雨若狂恒雨若言人君常
存祇敬則時雨應之而順若縱恣不敬則
恒雨應之也今一雨彌月可謂恒矣克謹
天戒其道在敬敬

天之實莫如勤民臣愚謂

國以民爲本民以食爲天民旣乏食則飢餓
難忍勢必起而爲盜與其撲之于旣亂之

數馬集

卷之五

四

後孰若安之於未亂之前惟宜急發

內帑二三十萬金俟水退之後容臣督行道
府分歷州縣凡災沴餘民大加賑濟使不
至流亡思亂明歲若豐則皆

陛下供貢賦之民也所損甚小而所益甚大與
之于一時而取之于無窮是恤民自爲軍
國計非爲民也且隣國凶荒尚有汎舟之誼
皇上爲民父母安忍坐視其歿而不爲之所乎
易曰屯其膏小貞吉大貞凶言屯膏不施

以處小事則可爲

國家大計則不可也臣願

皇上勿有所愛焉及查舊例被災酌免存留其所免之銀皆地方

王府祿糧官吏師生軍士俸糧名曰減免實費處補徒煩有司未覩實惠不如將被災州縣漕糧及臨德倉米太僕寺俵馬俱照舊規改折一年使民得免賠累其惠更大臣欲候各州縣報齊具

數馬集

卷之五

五

題此時水勢尚大行者難至恐悞覆勘所據各屬報到秋災相應先行

奏報伏乞

勅下戶部行巡按御史查勘的確徑自具

奏聽該部覆議

上請定奪施行仍乞大施

皇仁多發帑金行臣等賑濟以救殘黎之命臣

不勝仰望祈懇之至

請發臨德倉米以繼濟饑粥費疏

萬曆三十四年四月

題爲水旱相繼爲災饑民仰哺甚急懇乞

聖明量發臨德倉米以助賑粥以救遺黎事臣

竊惟人君之職莫大於保民保民之政莫急於救荒蓋災荒之後百姓饑餓不能自存若不大加拊贍則老弱者轉死溝壑壯者起爲盜賊於是有攻陷城邑剽掠鄉村在在鼎沸有司不能禁止如漢之赤眉黃巾唐之王仙芝黃巢皆以盜賊而亡人國家其初起時少或十數人多不過數百人

數馬集

卷之五

六

防之不早遂至於決裂而不可救故人主防小盜之發當如防大敵欲防竊發之盜當先防饑民哀其不能自活而爲之救濟非徒以全民之生亦所以自全其國也去歲山東夏末秋初兩月淫雨田禾盡沒被災者凡七十餘州縣臣具疏以

聞且請

皇上發內帑十萬金以賑之疏竟

留中按臣溫 疏

請留稅銀一年以助賑粥亦竟不報所徵惠於
皇上者惟戶兵二部改折漕糧倉糧馬價少免
輸納本色之苦而民之不免徵銀如故也

臣思

皇上以赤子付臣撫治赤子饑餓臣之罪也不
得已與司道府議仰遵

皇上諭旨着地方自爲計於是先行被災十分
至四分以上州縣令其將饑民查審籍名
在冊示以入冬將煮粥以食之民思食粥

數馬集

卷之五

七

於官嗟來可耻苟非甚貧亦不肯與名於
是濟南一府所屬禹城等州縣極貧饑民
止報十二萬四千五百六十六名口兗州
府屬金鄉等州縣只報十三萬四千四百
五十九名口東昌府屬臨清等州縣只報
九萬一百七十八名口臣又查州縣堪動
倉穀及無礙官銀在濟南所屬僅得穀三
萬四千六十二石米一千三十五石庫銀
二千五百六兩又府倉米四百九十石府

庫堪動銀一萬二千八百二十二兩在兗
州所屬得倉穀七萬六千二百六十二石
庫銀一千五百七十五兩府庫銀二千七
百五十兩又發司庫銀六千兩羅米銀一
千四百二十五兩在東昌所屬得倉穀七
萬三百三十二石庫銀三十一兩府倉穀
一千石府庫銀一萬二千兩臣念濟南倉
穀甚少又於青州所屬買米及動倉穀共
運米一萬二千二百七十石二斗又於萊

數馬集

卷之五

八

州所屬借動倉穀碾米運過六千二百四
十九石又於登州所屬借動倉穀碾米海
運一千八百石凡所運之米以其少半助
各州縣倉穀之不足以其大半平糶於省
城利津蒲臺齊東齊河禹城以抑市價之
涌貴臣又思煮粥之法強者得食弱者多
遺坐守二殮不得回家聚於市鎮卧於冷
地多生疾疫因令州縣設定幾廠將倉穀
搬運每十日縣官親至一次每名日給米

半升十日摠給米五升卽以穀一斗代之
使小民持以歸家絕甘分少則老弱嬰孩
皆可以粥雜蔬和菜則糗糲米藩皆可以
發計自去歲十月初十日起至今歲三月
終止散過十八次而所勸倉穀庫銀俱已
費盡尚有三月初十日卽散無餘者若此
時風雨以時二麥暢茂禾穀皆種秋成可
期則諭民以倉廩既空惠澤難繼民亦安
於無可奈何而各事田畝不敢望恩於

數馬集

卷之五

九

上矣乃自冬以來雨雪甚少正月至今雷未發
聲雨未濕土二麥既虞其將枯禾黍又憂
其難種月日無窮饑餓難忍一旦棄之不
顧彼易子析骸既不能繼惟有相聚爲盜
冀延旦夕之命而已是徒棄前恩而終貽
後患也臣展轉思惟無復他策惟有臨清
德州二倉所蓄尚多可以

請發若得四萬石與三郡州縣將四月分仍舊
給米三次每人一斗五升使之再延一月

如時雨卽降則二麥旋登民得粒食縱或
稍遲亦可隨時播種禾黍梁菽以爲晚收
之計俟四月初旬卽行停止其所全活相
去遠矣且民知此倉米發自
皇上則感激

聖恩愛戴不忘縱有好亂之民誘之爲盜亦將
曰有

君如此何忍負之皆願湏臾無死以待豐年是
捐此四萬石所喪甚微而所獲甚多也如

數馬集

卷之五

十

蒙

皇上加惠窮民

初下戶部臨清德州管倉部臣各動米二萬石
容臣分撥與被災見在賑饑州縣酌其人
數多寡每處數百石近河者撥運回縣稍
遠者糶銀而歸另行買米以作四月一月
施粥之用則小民絕食而得食地方無米
而有米臣亦藉此得免坐視民饑而死之
罪其爲感

心始與饑民無異矣奉

聖旨戶部知道

請罷稅使及發帑金濟邊事

萬曆三十二年五月

題為

國家之體統宜惜

宗社之安危宜慮懇乞

聖明罷權發帑以垂遠大之計事臣竊惟自古

人主未嘗諱言理財然生之有道不貪小

利而傷大體用之有時不惜小費而忽遠

數馬集

卷之五

十一

國故孟子謂賢者之居人國其君用之則

安富尊榮蓋必富而且安然後富可長有

必尊且榮然後尊可長居若今日事勢殆

富而未安尊而未榮者乎何以明之

人主貴為

天子其所遣之使宜使海內敬之愛之崇而奉

之自權稅使出橫取民財大結民怨以致

攻陳奉焚馬堂逐梁永殺楊榮今又且殺

高淮矣雖此輩所為暴虐自速其禍然以

蟒衣玉帶之使者而里閭小民得改殺而

無罪其於

國家體統不亦褻乎

人主富有四海其賦稅所入當用以給軍

國固邊圉修宮室而

皇上取入

內帑使太倉如洗邊餉不繼一告急於遼東

再告急於宣大今薊鎮之兵且入犯矣而

軍士數月枵腹欲令操戈禦敵其將能乎

數馬集

卷之五

十二

萬一叛而降其於

宗社大計得無損乎夫

國家之大體與數十萬之金錢孰重所得不

過鎰銖至舉

人主之威命靈爽而盡喪之良可惜也臣謂權

稅宜速罷者此也邊境之安危與

內帑之盈縮孰重所惜不過秋毫至舉

國家之肩背藩籬而盡棄之良可嘆也臣謂

內帑宜速發者此也或者謂

三殿鼎建工部方深賴稅銀柰何議罷是不然
九州之富自足供此役也豈藉無名之征
以成之乎

皇上昔用中官竭民膏血積之無用之地今以
其半遺工部使與

上分謗他日

殿成而塗膏衅血之譏將不免也

世廟時嘗建

三殿矣委任大司空雷禮禮專任工師徐杲所

數馬集

卷之五

十三

省以數百萬計其餘材剝料猶足以建

仁壽官而不費一錢是在

皇上專任起部而不用奄人掣肘使乾沒其間

則所省與稅之所入何啻十伯也或者又

謂邊餉甚多

內帑豈能常給是又不然天下惟正之供固

有常數今所缺者半年之餉耳出

內帑以濟半年則待哺於今者可以暫飽而

仰給於後者可以常繼是一費永寧之說

也近見部疏言金花銀歲派百萬輸之

內庭自萬曆六年突增二十萬至今幾三十
年共

進過五百四十餘萬此皆取之外庫而移之

內庫者也若出其半以抵邊餉不過以戶部
之財還爲戶部用耳

陛下何吝而不爲也且

陛下所以孜孜積財不肯輕散者豈非欲留之

宮禁以待

數馬集

卷之五

十四

聖子神孫不時之需乎然有天下者一歲所入

自足供其所出若昧於惇入之戒昔人固

有爲大盜積爲大盜守之說臣不忍言也

皇上試觀自古以來所稱貨殖之主如殷之鹿

臺漢之西園唐之瓊林大盈其人寧復有

存者乎其子孫曾得而用之乎不惟子孫

雖其身亦不能有也徒貽譏史冊取笑千

古惟不殖貨利不貴珠玉却貢獻減田租

者稱焉此亦帝王得失之林也伏願

皇上深惟

國家遠大之圖細繹安富尊榮之論勿貪其小益而忘其大損勿愛其小利而忘其大害

亟罷海內之稅與民更始發

內帑二三百萬以濟邊餉則天下危而復安聖德虧而復完萬世之下稱改過不吝雖與成湯比隆可也臣愚不勝惓惓懇懇之至

地方極災乞停權稅疏

萬曆三十七年九月

數馬集

卷之五

十五

題爲旱災異常小民困苦乞

停權稅以寬民力事臣竊惟古者人臣於上天降災而惓惓以布德施惠望其君者蓋欲挽回天意收拾人心非德惠莫能濟也故周詩曰浩浩昊天不駿其德降喪饑饉斬伐四國言天之斬刈黎民而降之饑饉也曰戎成不退饑成不遂凡百君子莫肯用訊蓋以改過遷善望其君而以忠言極諫責其臣也方今四方水旱災異可謂極矣

歲丁未北直山東大水歲戊申江南浙西

大水今歲已酉福建江西又異常大水此皆數百年而一見者百姓至今未能出泥塗而登枕席乃今山東之旱則又甚焉自正月不雨至九月中間僅五六七三月各降霰露一次地膚霜濕土膏不潤二麥既盡枯槁黍稷梁菽皆不成實且蝻螽徧地殘害稼穡卽菽菽綿花素不畏蝻其莖葉不可食者亦傷殘無遺小民終歲之計既

數馬集

卷之五

十六

掃地盡矣若使二麥得種明夏有望民心猶可小安而土皆焦燥麥難時種全齊六郡總成赤地倏忽寒冬縱或得雨亦非播種之時矣而

土供邊餉急於星火追呼鞭朴曾無少停此猶以正賦言之也若乃額外之稅進之

皇上者六郡尚有四萬三千六百餘兩臨清抽取尚有六萬兩剝削小民膏血而積之於深宮無用之地在昔豐熟民猶難堪矧今何時

可復橫取民情一日不再食則饑饉僅之
來父賣其子夫賣其妻以一人易數十錢
尚不能得一食之飽乃令其賣數千百人
以聚成千萬金而進之

內帑若

皇上觀其情狀食豈能下咽而寢豈能貼席乎
夫自萬曆二十七年抽稅至今時已久矣
中官暴虐結冤於民亦已深矣連年水旱
小民愁困無聊思一逞以洩其憾且十人

數馬集

卷之五

十七

而九矣及今不罷恐陳勝吳廣復起於秦
而黃巾赤眉復起於漢也臣非不知

皇上好利之心重於懼害且謂利未必害而諸
臣之言害者未必驗也不知害未至而先
言之則以爲過計害已至而後言之則噬
臍無及矣且天下適意之物孰有過於酒
食者乎嗜酒者少飲則歡多飲則醉若飲
之不已則腐腸伐性之害至矣嗜食者少
食則適多食則飽若食之不厭則絕胃脹

腹之禍生矣

皇上能思酒食之害而通於好利之害則今之
內庫盈溢財寶山積亦腐腸絕胃之時也故
臣以權稅在平時固宜罷而在今荒旱之
時尤宜速罷在平時如人之血氣正壯雖
飲食過度而五臟之氣猶足以運之病猶
可爲也在災旱之歲則如人之血氣旣衰
而飲食無節臟腑皆傷一旦昏眩倒地雖
扁鵲倉公不能起矣故罷稅以寬災民乃

數馬集

卷之五

十八

今日第一義且亦

布德施惠挽回

天意之一機也

天以災旱示譴而

皇上不速修德以應之不惟自離其民且恐自

絕於

天矣伏乞

勅下戶工二部將山東稅銀不論解監解部槩
行

停免使災民得免額外橫征以延旦夕之命
社稷蒼生幸甚臣等幸甚

乞停殿工罷權稅蠲常賦疏
萬曆三十八年四月

聖明停不急之役罷無名之稅蠲常賦之徵以
少慰人心挽回

天意事臣惟天災流行何代蔑有然或前季旱
而後季雨或前年豐而今年歉或此地荒
而彼地熟移前補後以彼足此民命猶得

數馬集

卷之五

十九

少延危亡未必其立至也自萬曆三十五
年秋山東淫雨累月田廬俱沒災至重矣
至三十六年春夏大旱蠡生三十七年春
夏秋冬俱旱蠡又大生濟東青萊四郡民
無擔石之儲惟望今夏麥熟庶幾藉以爲
命乃自去秋九月一雨之後至今風霾常
作滴雨不降四月已盡天無閃電地不鳴
雷旱乾益甚二麥皆枯總計全齊一百四
州縣得微雨可種禾黍者不過二十餘處

尚有七八十處盡赤地也旱威所灼草木
皆焦卽欲取草根樹皮以和糠粃亦爲難
得痛哭之聲震動天地臣與司道府州縣
雖欲極力撫恤然自去冬至今散米代粥
倉已竭矣欲遵奉

明旨取稅銀三分之一以助賑米惟臨清去歲
尚有二季未解其餘六郡包稅先是魯保
已取賑蘇松僅餘數千金耳欲追未完之
稅以賑是奪民口中之食而復還之何如

數馬集

卷之五

二十

勿奪之爲愈也臣於是蓋束手無策惟有
仰天歎歎忘餐廢寢而已欲

請銀於

內帑則非

皇上之所樂聞欲勸分於富民則恐小民藉以
生亂反覆思惟僅有三策可少緩民旦夕
之死其一曰停不急之役近接工部咨爲
四州採木派山東助銀二十五萬兩以五
年解足夫

三殿興工於今多年

皇上借此以權稅殖利則工終無告成之期中
官藉此以扣尅工料則木終無足用之日
臣昔爲湖廣叅政時長寶二府亦嘗採木
九十餘根皆從土官峒中買之一木費銀
數千兩乃得至武昌交納由武昌至京又
不知費腳價幾千兩也聞

太高玄殿之興將大木盡小用之甚且剪伐以
爲私家器物如此雖山東再派二十五萬

數馬集

卷之五

二十二

以助四川大木終屬難繼責收死不贍之
民以供此役不將驅之使亂乎臣聞

成祖定鼎燕京創建

宮殿經始於永樂四年閏七月落成於十八年

九月以

國初物力殷富猶十五年而後成況今日乎

臣竊以爲此二十五萬金應暫停三四年

俟山東豐熟流移盡還徐乃議助也

之一策也其二曰罷無名之稅

皇上以

三殿被災委官權稅結怨天下今十餘年矣未

聞有一銖一兩濟

大工之用者猶時時以空言慰安天下曰朕心
仁愛自有停止之日今荒旱如此惟正之
供尚不能輸忍令其剝肉瀝血以完額外
之稅乎且聚四方財物積之

深宮無用之地連歲大旱若糧運不至此等金

銀饑不可餐推極而論殆與瓦礫無異也

數馬集

卷之五

二十二

曷若罷稅以寬饑民使之感

恩而不爲亂此又救荒之一策也其三曰蠲常

賦之徵小民出力以供

君上猶子奉養父母自其常分然至貧困之極

父母何忍坐視其死而不爲之所乎故雖

絕甘分少亦無所愛也今

人主之富至於積金成山百姓之貧至於易子

析骸而齒銖不捐涓滴莫施

君民一體其義謂何漢文帝時天下租稅半入

諸侯王郡縣所入不能當天下之半然當
一時賜天下田租之半者再盡除田之租
稅者一蓋人主敦崇節儉則三年所積足
供一年量入爲出以不取爲與故天下稱
聖主也今縱不能盡天下而免其租至三
四年被災若山東州縣獨不可蠲免一年
乎此又救荒之一策也夫此三者

皇上縱未施行度今日民力亦未能輸也臣等
亦安忍更施鞭扑強之使輸獨念自

數馬集

卷之五

二十三

上停之罷之蠲之則爲

上恩使小民自停自罷自蠲則權且操於民不
見德而反見怨與其怨自民起孰若恩自

上施也臣自知奉職無狀不能爲民禦災捍患
而徒望澤於

君罪當萬死然使

皇上罪臣而可以少益於民臣雖死無所逃罪

蓋臣嘗讀國風之詩其詞曰隰有萋楚猗
猗其枝天之沃沃樂子之無知說者以爲

政煩賦重不堪其苦棄其不如草木之無
知而免於憂噫今之民不惟有羨於草木
且將與草木同其憔悴猶困於重賦煩政
而無所逃暗想所謂天之沃沃者寧可得
哉此臣所以不避斧鉞而代災民以

請命也如蒙

皇上垂念齊民災困至極

勅下戶工二部將臣所議三款或緩之以俟豐
年或去之以示寬恤使民情歡呼

數馬集

卷之五

二十四

天心感格變災爲祥或數日之內便得甘雨亦
未可知不則戒成不退饑成不遂昊天疾
威日甚一日天下事有不知所終者矣

皇上無謂小民饑饉非有痛於肌膚災異頻仍
非有砭於四體猶泄泄然不加之意也除
被災州縣候報齊另

題外謹摠愚見條爲三事皆目前救急之計
擬同升斗暫活枯鱗至於

大發帑藏如天澤滂沱晝夜不止此又

皇上格外之恩非愚臣所敢望也

秋災異常乞改折倉糧疏

萬曆二十八年七月

題爲夏災方罹秋災踵至小民困苦難堪乞
賜查勘破格蠲恤以賑災黎事據濟兗東青萊
登六府所屬濟陽臨邑陵縣商河樂陵蒲
臺齊東利津泗水長山霑化歷城濱州陽
信新城章丘青城齊河長清鄒平招遠等
州縣俱申稱今春以至孟夏五月無雨二
麥全枯幸蒙節次賑濟老幼得延殘喘迨

數馬集

卷之五

十五

四月終天降雨澤禾佈方盛入六月來又
復亢暘兼以蝗蝻四起平地數寸早禾晚
禾立見食殘疊災之後小民難以全活
國稅將何輸納等因又據德州肥城禹城德
平平原魚臺鄒縣壽張曲阜鉅野金鄉東
阿東平汶上寧陽朝城高唐武城觀城濮
州茌平范縣清平夏津昌樂平度掖縣濰
縣各申稱今夏雨澤稍足秋禾佈種方茂
不意天降蝗蝻瀰漫田野飛者蔽天走者

蓋地無論黍穀收麥等禾一過皆空豆田

又生綿蟲盡行食毀愈捕愈盛無計可施

又據新泰縣申稱五月二十日夜風雷大

震冰雹如蛋所種田苗俱打土平萊蕪館

陶昌邑寧海等州縣申稱六月初旬霖雨

大作河水泛溢平地深有丈餘直逼城下

居民廬舍俱被衝去五穀田苗盡行淪沒

各乞要踏勘亟救民生緣由到臣除批行

分守各道委官查勘一面通行有蝗蝻州

數馬集

卷之五

十六

縣曉諭軍民人等設法捕打如倉穀多者
每蝗一石易穀一石倉穀少者每蝗一石
易穀六斗仍令掌印官將易過蝗蝻盡數
入倉聽候盤驗及勸諭小民尋掘子種務
期盡絕外案照先准戶部咨開如遇災傷
巡撫先行

奏報巡按一面查勘得實具

奏造冊送部以憑議免議賑等因遵行在卷

今據前因臣看得山東地方自萬曆三十

五年大水之後僅三十六年秋季頗有薄收三十七年春夏大旱二麥盡枯至四月二十八日奉有發銀賑濟之

旨民心悅而天意回雨澤大霑六郡盡種禾黍五月一月初日一雨田禾茂盛倍于往年竊意三季之所失可一季而獲之民間庶幾復觀太平景象不意自六月初五日以後又四十日不再飛蝗蔽天遺子滿地食莖食葉頃刻無遺而茂盛之禾悉變而爲

數馬集

卷之五

二十七

枯槁矣惟青州之南及兗州東北一帶雨澤頗足秋禾微收其餘州縣悉困旱蝗蓋臣自去冬以來將前歲災重州縣行令正官審其極貧者計日給以粥米五月以來又將極貧次貧之人將

欽發銀米佐以倉穀庫銀分別賑濟以廣

皇上之澤涓滴之水謂可稍活枯鱗乃前災之賑未終而後災之報已至天固欲困此一方民使之饑餓以死也不知冬來又將何

以賑之臣亦知報災之舉無濟于事蓋起運例不可免所免存留又皆地方

王祿及官軍月糧必費地方處補與不免同也計惟有臨德二倉米改折賑幾民需實惠然爲數無幾爲惠甚狹臣之所敢

請者惟此而已所據報到秋災理合先行奏報伏乞

勅下戶部行巡按御史將前項被災各州

更有續報者一併覆加查勘的確分別災

數馬集

卷之五

二十八

傷輕重酌量蠲恤及臨德二倉米議與改

折徑自具

奏聽該部覆議

上請定奪施行

數馬集卷之六

溫陵黃克纘紹夫著

奏疏

舉劾散賑有司官員疏

萬曆三十八年十月

題為舉劾散賑官員以重荒政以風吏治事

臣叨撫山東已逾九年屢值旱災民不聊生然或夏季荒而秋季熟或嗇於禾黍而豐於牟麥或儉於西而熟於東民猶可勉強支持未有若去歲春夏以至今秋連荒

數馬集卷之六

四季舉全齊一百四州縣會無七八處成

熟臣與有司目擊時艱未嘗不痛哭流涕

臣自去歲冬月臣已行令各州縣先將饑

民審定極貧若干次貧若干次貧者量賑

以穀極貧者於附近市鎮設廠大縣二十

餘小縣十餘將饑民列名在冊一日給粥

米五合期至孟夏方止又以逐日分散官

院勞瘁民亦苦于伺候奔走乃計十日之

粥設米五升令縣官十日往散一次民持

米至家與妻子採野菜煮而食之均可度

饑臣免聚民市鎮夜臥冷地易生疾病自

十一月初一日賑起至三十八年正月初

二日奉

旨將聽解

帑帑稅銀以二分歸縣充餉一分賑濟饑民

臣隨將一分稅銀行司查有州縣倉庫銀

穀不足者以稅銀接濟計至四月終止在

濟南府屬齊東青城濱州新城武定章丘

數馬集

卷之六

二

商河陽信縣城臨邑蒲臺長山禹城濟陽

萊蕪霑化樂陵利津海豐鄒平長清平原

齊河濟南衛二十四處東昌府屬觀城

陶恩縣冠縣上高唐縣在平陽府屬

縣兗州府屬平陰濟寧二縣

范縣共用過稅銀一萬六千二百三十三

兩三錢七分七釐在縣庫銀七百二十二

兩六錢倉穀二萬二千四百九十五石五

八斗僧米五百三十二石賑過極貧饑民八

萬八千二百九名口次貧飢民四萬五千六百三十三名貧生一千一百四十八名時因久旱二麥全無賑事未畢民饑益甚幸五月初十日荷蒙

皇上差官解發賑銀二萬五千兩臣卽行布政司於內兌出餘銀三百八十一兩五錢又發臨清倉米四萬石計東省州縣共一百四處而今夏報重災者九十六處幾及通省矣所發銀米不足散賑臣查前項留賑

數馬集

卷之六

三

稅銀仍有二萬兩又查有司庫無礙銀四千六百五十六兩零府庫銀九千五百四兩五錢二分府倉穀五千九百七十四石三斗七升州縣庫銀八百九十九兩九錢五分五釐各官自捐俸銀四百二十六兩五錢二分倉穀四萬九千四百一十四石九斗四升米一百四十六石六斗七升德府捐米一千石與臣捐俸銀九十二兩九錢八分及查動臣衙門紙贖銀一千一十

數馬集

卷之六

四

五兩五錢七分六釐通共銀六萬一千九百六十八兩三錢三分五釐米四萬一千一百四十六石六斗七升倉穀五萬五千三百八十九石三斗一升臣等酌量州縣大小被災輕重及審定人數多寡近河者領米路遠者領銀在濟南府屬分派德州蒲臺等三十州縣共銀二萬二千七百三十九兩一錢一分五釐米五千四百六十六石六斗七升倉穀九千三百一十九石七升賑過極貧饑民一十三萬八千二百一十一名口次貧饑民八萬八千二百五十五名貧生七百二十六名兗州府屬分派東平陽穀等二十五州縣共銀九千二百九十一兩九錢五分米一萬八千二百一十四石倉穀二萬八千七十七石九斗四升賑過極貧饑民一十四萬六千二百二十五名口次貧饑民十萬八千三百二名貧生六百二名東昌府屬分派臨清冠縣

等十八州縣共銀七千九百九十一兩四錢四分米一萬七千四百七十二石倉穀四千九百五十八石八斗賑過極貧饑民六萬六千八百七十七名口次貧饑民十萬九千三百九十五名貧生四百八名青州府屬分派高苑昌樂等十一縣共銀八千五十六兩九錢九分倉穀四千九百三十三石五斗賑過極貧饑民四萬四千八百五十五名口次貧饑民四萬九十一名

數馬集

卷之六

五

貧生五十五名萊州府屬分派掖縣平度濰縣高密四州縣共銀九千一十九兩五錢二分賑過極貧饑民一萬八千六百五十八名口次貧饑民四萬五千八十九名貧生六十九名登州府屬分派黃縣棲霞萊陽等八州縣共銀四千八百六十九兩三錢二分倉穀八千一百石賑過極貧饑民六萬三千十三名口次貧饑民二萬四千六百二十三名貧生四十五名六郡通共

極次饑民八十九萬六百二十四名貧生一千九百五十五名又借給濟南府屬樂陵陽信霑化蒲臺四縣貧民預備保赤倉穀一萬三千四百四十一石兗州府屬曹州東阿二州縣貧民保赤倉穀七千四石四斗東昌府屬莘縣范縣觀城等七州縣貧民保赤倉穀二萬八千二百三十四石五斗青州府屬壽光昌樂臨朐等五縣貧民保赤倉穀九千九百六十六石九斗四府通

數馬集

卷之六

六

共穀五萬八千六百四十六石八斗於是民免餓死在在安堵皆出皇上之賜也所有收荒各官勞苦自其職分何敢自多惟是用心與否民命攸關不行舉劾有司何所勸懲臣謹會同巡按山東監察御史馮 查訪各官用心最苦及叅以平日治行素優者會同舉薦除臨朐知縣張大武館陶知縣王以仁俱已經陞任治行雖優地方無災如安丘知縣虞德隆舉

不致叙又有賑濟得法而蒞任未及十月
者另行揭薦部院與賑濟文冊造完另行
奏報外訪得濟南府知府丁浚博大猷爲端
莊模範發賑傾倉倒廩救民濡足襄蒙東
昌府知府吳玄率屬端方正大歸政果毅
精明澤及窮黎惠占遺棟青州府知府王
國翼行政光明洞達存心愷悌慈祥窮邑
同春饑民起色濟南府原署府印同知孫
森俱弘懷抱精白操持憂民念切痼疾攝

數馬集

卷之六

七

篆澤及枯槁兗州府署印同知李忠臣才
武敏捷操履貞方署郡游刃有餘散賑投
醪遍及青州府推官王好善博雅端方精
明寬大散賑之金必覈南畝之儲備嘗曹
州知州周鼎清風習習兩袖時雨霖霖四
郊吏無竊脂民感推食管曲阜縣事沂州
知州孔貞叢念悉民艱政遵家譜散賑一
方飽德推恩九族含醇沂水縣知縣馬之
國雄才卓識玉質冰心化旱歲爲豐年錫

災民以香粒章丘縣知縣張應吾清操獨
步一時循政兼施兩邑蒼生飽惠赤地流
膏鄒縣知縣胡繼先適用美材逢年嘉穀
蹄涔之魚得水吏舍之釜生塵歷城縣知
縣黃衮氣溫荆玉才利庖刀審貧戴月披
星散賑行雲施雨聊城縣知縣韋蕃冰玉
之清徹底米珠之渙有丘官虛其心民實
其腹萊陽縣知縣郭增光識宏以遠政廉
而平空庭惟見懸魚涸轍頭甍枯鮒東阿

數馬集

卷之六

八

縣知縣鄭國昌雅志潔清英才卓犖求瘼
炎蒸不避施仁疲困爲甦壽光縣知縣王
國相秋水澄心和風布惠饑民飽以香稻
災地蔭於法雲掖縣知縣陸完學長才技
擅解牛善政澤流枯鮒奔走形瘁撫字心
勞黃縣知縣湯啓輝清霜勵節時雨流膏
足跡欲遍荒郊心計不遺半菽鄒平縣知
縣王點清如寒水玉朗若記事殊收災不
啻已饑施惠廣活民命曹縣知縣李支堪

練才出匣神劔潔志在壺清水補助育方
興咏多惠平原縣知縣黃景章清襟溫其
如玉循政美若嘉禾賑恤盡心災疲起色
肥城縣知縣王槐秀操履廉貞才華睿敏
發棠惠周萬姓綰符譽擅一時德平縣知
縣賈先春兩袖春風和煦一腔秋水澄明
仁及災疲器稱遠大益都縣知縣陳繼徵
靈襟偉抱潔守通才憫災志欲吞蝗敷化
真堪馴雉陽信縣知縣路陞清修佩蕙紉

馬集

卷之六

九

蘭仁愛嘉禾瑞麥澤沛四郊春生萬戶金
鄉縣知縣彭鯤化才比庖刀批導心同卞
璧奉持興發及民徽纒御下濰縣知縣郭
存謙神氣優閒才猷鎮定補助盡歸餓腹
興除克慰衆心堂邑縣知縣王應乾保赤
爲心以家視邑憂民神周境內救荒瘠起
溝中高苑縣知縣王在公清心玉映善技
刃遊吹噓而枯槁皆蘇偃拊而饑寒悉起
戚武縣知縣王稟誠持身整肅勵志端方

馬集

卷之六

十

憂民念切痼瘵勤政塵清案牘朝城縣知
縣周士元詳慎猷爲溫良德性審戶勤諮
無告發棠大濟垂亡蓬萊縣知縣邢琦專
精剔弊注意甦民餓夫頓見懷金貧士賴
以舉火禹城縣知縣胡守經精明敏贍之
才惻怛憂勤之志惠施均一民免仇離新
泰縣知縣高如山砥節不慚墨綬散金悉
入赤貧足徧草萊手將兩露觀城縣知縣
高天祐任事不辭勞怨分金惟惠困窮吏
服精明民歌節愛陵縣知縣劉徵松心存
愷悌政布陽和滌苛逮邇霑恩散賑士民
懷德新城縣知縣高遠綜理精詳撫摩真
切施賑民需實惠平政邑有頌聲齊河縣
知縣朱有光爽朗高才剴裁妙手給賑澤
周赤子恤貧譽播青衿高密縣知縣徐升
階氣宇溫有才華煥發振作能搜積蠹拊
循悉起枯鱗嶧縣儒學訓導署本縣事張
世舉攝篆乃心凜雪賑饑極力撫摩以上

諸臣皆散賑有司之良所當薦揚以待擢
用行取者也又訪得署寧海州事登州府
通判樊在峰昏庸無職指使由人賑濟大
事不躬不親先委王州同審報貧丁而州
同畏暑不肯出城乃改委郭經歷姚吏目
上丁報一冒領均分何貴于賑乎倉穀任
斗級劉機王思明等和以糠土王州同索
銀十兩聽其混放本官弗問也賑金數百
兩盡付里長萬松等分散致州同之惡皂

數馬集

卷之六

十一

孔金尹厚公然奪於堂下此一臣者行在
清濁之間才同襪線之短所當降調閒散
使之自新者也長清縣知縣鄭士熙人本
忠實才乏精明該縣積穀數千石乃先借
與通學生員富者三石貧者一石倉穀豈
爲富生積乎貧民不賑而衙門快壯夫馬
各役傾庾均給預備倉豈專爲衙門人役
設乎張孔業等紛紛告賑批縣查審乃因
其詞語侵官將業重責枷號不已甚乎京

邊錢糧上司未忍行催憐其災也而本官
併久通官莊牛價一時比限使齊一海等
盡思逃亡不太急乎禁民搶穀荒政宜先
而出示令貧民向李東菴等借糧則明教
以爭奪而開之亂源矣此一臣者才識既
庸操持有議但歷任僅止歲餘所當改調
簡僻以責後効者也臣又查得往時撫按
復

命薦舉有司四十四五人今歲賑濟災傷幾盡

數馬集

卷之六

十二

東省故臣所薦亦近此數蓋非平日治行
高等者不薦非此番實惠及民者不薦其
難其慎採訪頗詳且臣巡撫九載未得息
肩今之薦舉所當與復

命疏同作正薦者也如蒙

皇上勅下戶部再加查訪如果臣等所言不謬
將知府等官丁浚等四十五員移咨吏部
紀錄優叙通判等官樊在峰等分別議處
庶勸懲當而人心知奮荒政肅而吏治盡

修矣奉

聖旨戶部知道

報夏災議改折發倉糧留稅銀助賑疏

萬曆三十九年五月

題爲災旱異常夏麥盡槁百姓饑饉死徙滿

目懇乞

聖明亟

賜查勘破格蠲恤改折以救遺黎事據濟南府

屬臨邑禹城濟陽平原德平商河陵縣鄒

數馬集

卷之六

十三

平齊東長清歷城章丘陽信濱州樂陵青

城利津蒲臺齊河武定等州縣各申稱上

年夏秋顆粒無收閭閻十室九空已不堪

命不意去冬三月無雪春來四月不雨風

聲時作地脉燥乾麴麥盡行枯槁秋禾未

曾佈種赤地千里蒲日蕭條但見窮簷始

而乞糠糲糟粕以充腹今則取樹皮草根

以療飢始而賣婦鬻子以度日今則離昇

槁兒自逃生甚至疲瘞無力奔徙坐以待

斃者又兼時疫流行十死八九不能收屍

者雖至親不一顧而去地隣爲之瘞埋斯

民塗炭至此已極乞大施惻隱或發銀賑

恤或請乞停徵併乞將臨德二倉麥及無

麥納米者俱行改折等因又據新泰霑化

海豐三縣申稱舊歲春旱秋蝗俱未得收

後因小雨播種麥苗一冬無雪今春久旱

高岡盡皆枯槁下窪今存一二至三月內

雖降雨澤秀而不實小民方毀枯麥播種

數馬集

卷之六

十四

秋禾奈何蝗蝻忽生壅積滿境將僅存之

麥及穀苗一掃而盡民皆驚惶無以聊生

等因又據泰安肥城二州縣申稱去歲三

冬無雪今春雖雨不時隣城麥禾僅存各

社盡皆枯死等因又據兗州府屬平陰寧

陽陽穀東阿泗水汶上曹州嘉祥八州縣

申稱連歲災祲積疲未起何期去冬不雪

又值今春少雨麥穗焦枯秋禾未立四民

枵腹一飽無時等因又據東昌府屬莘縣

在平聊城朝城堂邑博平六縣各申稱上歲三冬未獲寸雪自春至夏四月不雨兼以風靈爲害二麥枯槁秋田未種小民惶惶哭聲載道等因又據青州府屬莒州壽光日照萊州府屬膠州四州縣各申稱四鄉蝗蝻遍地生發聚如螻蟻勢同泉湧已將二麥黍穀等禾一掃皆空光景如同冬月遵行捕打以穀易換今已二千石有奇且生發不已小民哭聲滿路聞之真可流

數馬集

卷之六

十五

涕等因俱乞要踏勘蠲恤緣由到臣俱批行各該守道委官查勘外卷查先准戶部咨開如遇災傷巡撫先行

奏報巡按一面查勘得實具

奏造冊送部以憑議免議賑等因遵行在卷

今據前因該臣看得雨暘寒暑化工不能

無偏天災流行亦

國家之所常有也然或災一季或災二歲旋

卽豐登故曰雖有飢饉必有豐年天之愛

物甚矣豈其使旱魃爲虐歷二三年如一日乎山東自萬曆三十七年大旱蝗起至三十八年旱蝗更盛四季無收民之饑餓者未飽轉徙者未歸雖去歲蒙

皇上發

宮中之金及臨清倉之米大加賑濟然賑給有限而日月無窮僅可少延旦夕之命耳去歲冬初幸有一雨二麥多種庶幾指此以度餘生乃三冬無雪麥已旋枯二月初旬

數馬集

卷之六

十六

幸有一雨此後復旱今四月垂盡而旱日益甚臣等地方官雖竭倉廩以賑之然僅擇其最貧者大州邑七八千人小州邑四五千人其最貧者至萬餘人極矣每日給米半升使之餓口自仲冬盡于孟夏惟麥秋是望而今又無麥矣道傍樹皮剝食殆盡路上流移千百成羣名曰逃荒兼避賦役臣等始猶密諭有司緩徵今則行文令災重州縣停徵以待秋成矣益事勢不得

不然也加以災荒之後瘟疫盛行呻吟待斃十家而九早既爲旱蝗復踵生所發之處平地數寸捕之益多祭之益盛初夏固已如此夏深更屬可憂竊觀自古國家亂亡未有不由歲荒民貧加以飛蝗蔽天遂至大亂而不可救者也

皇上深居靜養憊民情狀目雖有不及見而此心何嘗一日不念天下臣願

皇上再發臨德二倉米各一萬石賑濟齊中災

數馬集

卷之六

十七

重饑民仍留六郡及臨清有司所收稅銀多則二季少則一季以助賑米之所不及則死者死矣不死者猶可延生逃者逃矣不逃者猶思安堵此目前急務安一方所以安天下也仍乞

勅下戶部行巡按御史將前項被災州縣或仍有續報者一體覆加查勘的確分別災傷輕重酌量蠲恤其本年臨德二倉夏稅一併改折徑自具

奏聽該部覆議

上請定奪施行 部覆得 旨依擬行

水雹異常擊死人畜請乞脩省以回

天意疏

萬曆三十九年五月

題爲異常水雹擊死人畜甚多懇乞

聖明遇災脩省以回

大意事據青州府安丘縣申稱本年四月二十

日暴雨水雹狀如雞卵勢若拋石自未至

亥平地水水橫發五穀盡傷水雹擊死泮

數馬集

卷之六

十八

死各社居民李洪等家牛七十四隻驢三十一頭羊四百四十六隻又民人王雷有雇工人劉邦守等六名在地名龍王窪內鋤田忽被水雹暴至山水驟漲平地二尺將劉邦守等五名打泮身死仍有一名宋才打傷未死又有居民李君佩在坡牧牛亦被擊死所傷地畝計長八十餘里闊約三十餘里等因申報到臣除批行青州道查勘另議賑恤外臣會同巡按山東監察

御史馮竊看得冰雹之災歲所嘗有然未有打死人畜若此之甚者也臣等考之經史春秋僖公二十九年秋大雨雹昭公三年大雨雹未言殺人畜也而聖人皆書於經其垂戒深矣至漢宣帝地節四年山陽濟陰雨雹如雞子殺二十人蜚鳥皆死是歲霍氏以謀反誅安帝元初四年六月郡國三大雨雹如雞子殺六畜古今証引京房占曰夏大雨雹天下兵大作獻帝初

數馬集

卷之六

十九

平四年六月右扶風雹如拳殺人表山松書曰前後雨雹此災為大時天下潰亂唐咸亨二年四月大雨雹震電落則天門鴟尾三先儒以為雹者陰脇陽也又曰人君惡聞其過抑賢用邪信讒殺無罪則雹下毀瓦破車殺牛馬太和五年六月濮州雨雹如拳殺人三十六牛馬甚眾宋靖康五年十月秀州華亭縣雨雹大如荔枝實壞舟仆屋此載在漢唐宋史冊者其餘未至

殺人畜者則臣等不勝引也大抵陰陽之氣和而散則為雨不和而散則為雹雹之大至人畜被殺數多此異常之變非細故也乃於臣屬地方見之臣等不能宣布

德意調和風雨罪應罷斥何敢自文然欲求所以消弭災異為民請命則又不能無望於皇上也蓋聞之洪範論云陽之專氣為雹陽專而陰脅之不能相入則轉而為雹猶臣意不合於君心也臣等職守在外不敢言及

數馬集

卷之六

二十

內事惟以地方之事言之山東三歲旱災臣等具疏

請勘請賑而疏竟不

報又念地方赤子流離商賈不至

請蠲減稅銀而疏亦

留中夫臣言之不入於

君心若此則其致此災異豈無故哉伏望

皇上惕然修省下臣等勘災減稅二疏以寬恤

災民挽回

天意又卽此推之凡臣子之言有逆於心者悉

以道求之

翻然聽從如是而災異不消太平不臻者臣等

請伏欺詐之罪

增 聖賢後裔廩員疏 萬曆三十九年十二月

題爲懇乞

聖明俯賜准復

聖賢後裔廩員以全曠典事據山東布按二

司呈蒙臣等批據孔顏曾孟四氏子孫教

數馬集 卷之六 二十一

授司廩增附生員孔貞志等呈稱本庠自

我

太祖洪武二年特設教授司至嘉靖十年蒙劉

都御史奏

准將本學生員分廩增附例同府學但彼時闔

學生員只五十名故廩以三十而增以二

十附全無故始照州學分數番衍之後仍

照府學添設迄今族姓不下萬餘入學者

已三百有奇猶未補完乞賜題

請補復十廩以全我

朝優崇之典如以廩餼難辦本學自有

欽賜學田不靡

國費等情蒙批仰布按二司會同提學道查

議詳報依蒙行准提學道關據兗州府呈

據曲阜縣申查得本學

臥碑內載嘉靖十年因生員數少姑照州學廩

增各三十名今生員蕃衍委應照例補復

及查廩餼本學原有學田銀六十九兩三

數馬集 卷之六 二十一

錢零租穀七十九石零若以此銀穀作爲

廩餼於理亦妥等因到府覆議相同轉呈

到司該本司左布政使李同芳右布政使

孫承榮按察司按察使陳道亨提督學校

副使陳瑛會看得

國家尊崇

聖道於

聖賢後裔特建四氏學以教育之誠

盛典也當時官設教授例比郡庠而廩額僅止

三十名亦以生員數少故耳今後齋蕃衍入學已三百餘人廩生猶仍舊額似非

祖宗優待四氏之意況有學田足供廩餼即加

廩十名惠亦不費而曠典可以克全增額

併加一如郡例合候裁酌會

題等因呈詳到臣該臣會同巡按山東監察

御史馮看得自古帝王如漢高帝投戈

息馬過魯即以太牢祀

孔子我

數馬集卷之六

三

太祖高皇帝卽位二年卽於曲阜縣設孔顏曾

孟四氏學其崇儒重道之心可謂千載一

揆矣學官有學錄教授視

國學則少殺視郡學則稍隆然則生徒廩食

者決當視郡學四十人無疑矣因向者人

才未盛故廩僅三十增僅二十人而未有

附焉今四氏子孫日衍月盛列青襟者三

百餘人視向者不啻六之而廩額猶視州

學非所以重

聖賢之裔而樹四海之標也今議加廩十名

方足四十之數且廩數雖增而廩糧如故

其不足者取諸學租銀穀自有餘饒

思及於四氏之士而費不累於曲阜之民青衿

赤子兩稱便焉至於增廣亦當與廩數相

同既經該司道議呈前來理合具

題伏乞

勅下禮部覆議

上請合無將四氏學廩生照府學之數再加十

數馬集卷之六

十四

名廩餼在於該學學田租銀穀內支領其

增廣生員亦如府學之額一體加添施行

廣解額以闡賢路疏

萬曆四十年三月

題爲廣解額以闡賢路以光

聖典事據山東布政使司呈蒙臣等批據濟南

等六府儒學生員劉檄張維屏王德璋等

呈要北照河南並加解額五名緣由蒙批

仰山東布政司會同按察司及提學道議

報蒙此依蒙行准山東按察司牒呈准本

司提督學校副使陳瑛開稱山東孔孟之鄉家絃戶誦歷數千載如一日海內各省所稱文獻與區誦法孔孟者解額或九十名或九十五名乃淵源之地數僅七十有五如以爲省分大小不同則一百四州縣非下於諸雄藩也如以爲在汴多寡不等則弟子員三萬有奇非遜於諸雄藩縫掖之士也解額僅域此數大都由弘正以前南宮得偶差少耳而今非復曩時比矣查

數馬集

卷之六

二十五

嘉隆以後人才日盛登科錄多至三十而萬曆庚戌科則三十有六名巨卿碩輔鵲起蟬聯貢相望於

朝署直弁江北矣據諸生呈詞觀陝西增額

荷蒙

聖恩俞允欲求比例本道竊謂無俟比例陝西卽以

聖賢之鄉爲

朝廷素優稍廣解額天下士聞之必敦崇正

學期當

上所注嚮蓋今

聖主在御壽考作人中外喁喁幸遭

明盛之運暢棧樸之風南京臺臣一疏謂文運漸有轉移解額稍宜變通此自廣勵至意而況山東重地文學爲海內嚆矢議增豈非今日所最亟哉或謂方今銓選尚虞缺少乃求增額似屬未便然本道竊見已丑以前會場取額或四百名或三百五十名

數馬集

卷之六

二十六

人多而缺未嘗少壬辰以後額僅三百人少而缺乃稱乏無異故焉總由

朝署多虛遷除途壅實其虛而疏其壅是在秉軸者之善於轉移耳諸生所呈似宜准從轉報具

題等因准此該本司左布政使李同芳左布政使管右布政使事孫承榮按察司按察使陳道亨會看得

國家以明經取士惟誦法

孔子者得登制科而山以東固孔孟之鄉淵源之地也齊魯諸生文學是其天性重以密邇

神京清濡

聖化最久邇來英才輩出視昔更爲彬彬南宮得偶多至三十六人距惟度越江北幾與諸雄藩相埒人才稱極盛矣乃鄉闈解額僅僅七十五名此特就當時人才定爲此數非所論於今日也今人才之盛旣以大

數馬集

卷之六

二十七

倍往昔則解額必當增加而名數猶然仍舊是薪樞不弘彙征途隘將廣勵學官之謂何

聖天子壽考作人加意棧樸近如陝西解額荷增五名

上所注嚮可知已人才如山東而不爲一廣其額使文獻與區不獲與河南相比此六郡諸生所以共抱遺珠之慮而亟求加恩者也似宜推廣陝西近例將山東解額比照

河南量增五名庶賢路弘闢有光

重典等因到臣該臣會同巡按山東監察御史

馮 看得各省人才有與時相爲盛衰者

而山東則孔孟之鄉歷周漢唐宋至今無時不盛故曰齊魯之於文學其天性也今天下名藩除南直隸外如浙江福建江西湖廣各解額九十名江西又多五名然計每歲會試中式則浙江福建與山東迤邐相伯仲若江右湖廣則遜於山東矣此猶以

數馬集

卷之六

二十八

江南言之也若大江以北最盛者無如中州鄉試取八十名而每歲登第多不及三十人少則二十餘人耳山東以七十五人與之較其得偶常過之乃知齊魯文學始固未嘗不盛而今則其盛之極也解額當與河南埒明矣詩云芄芃棧樸薪之樞之言人才之多也又云周王壽考遐不作人言此多士皆文王享年長久而變化鼓舞故若此其盛也今齊魯之士涵育

壽考作人之功矣臣等何幸而躬逢快觀之也既經兩司該道議呈前來相應准從

勅下禮部再加覆議如臣等所言不謬將山

上請定奪施行

二十九

罪疏
萬曆四十年三月

悲乞

聖訓削臣籍以贖累臣罪以昭功罪之平事

一介草茅叨蒙

授擢無齊垂十有一年

聖恩改臣南京兵部尚書臣感激思報亦欲一

履部任展采錯事以幾二品考滿得以正

卿榮及先世何樂多
可以取彈射哉誼激

於心不得已而有言。誠以所重在此。所輕

進接王叔子榜上 序鄧鉅史揭

其商賈次第

宗有子文武並用而力輕軍軼然若爲

一人之故遂抹殺既欠公平之體


兼忠義之心故欲以此義專爲盟軍轉

勸勞至言又思
勸得以藉口脫罪故

又云其同鄉黃大司

指自方夫
義而不據以明

臣也夫御史既以



口人之誥責臣

出
先是

獄陳用
上疏
天母九
一歲在家病

故不得永計欲

皇上念其平亂微功

赦宥生還經營喪事不別如唐太宗縱囚暫令

歸葬如期復來心空禍傷之念用賓逮繫三

年刑部問擬棄毀印信斬罪

皇上停疑不發在

廷諸臣但欲行富鄭公辱國之誅莫有仲范文正原情之議者臣與用賓生同里閭篋仕壽州曾被首薦知己之感人之所不能忘也昔者龐參曾變姓名入獄以周旋鄧融鄭弘曾負斧鑕伏闕爲焦贛訟冤魏邵曾賣郡邸以減史弼之罪彼其於薦辟上官蒙難赴捄髡首重繭出入囹圄之中而不避如此臣思古人寔獲臣心乃上書於閣部科道爲之辯明功罪大都謂罪用賓者以其身爲撫臣不能銷患於未萌致失陷郡邑又不能弭難於寇至而捐印退師此誠其罪也然難發於知州黃榜巡撫豈爲禍首甲指於武定旣破無郡安用郡符以是而罪用賓則有詞矣使用賓於是時束手無策坐待萬里遣將則全滇殘破罪誠難解而用賓拮据調兵未嘗泄泄從事也賊乘吾兵未集擁白推官至會城索印倘吝三寸棄符不權與之以徐圖進討萬

一賊乘機而入所損益大此在事外者當平心以觀未可以棄印而繩之也人臣之誼有死不足以塞責者有生而足以收功者孟明三喪秦師兄擒於晉秦穆復使爲政竟能取官及郊遂霸西戎苟林父大敗于邲舟指可掬晉景復使爲將卒能滅狄以歸受千室之賞此二子者當其喪師辱國咸欲請死及其成功而爵賞加焉故日記人之功忘人之過宜爲君者也用賓之罪不重於二子而半載之間不費內帑一金不煩外地一卒收復郡縣五六處盡滅諸賊俘渠魁獻闕下其功亦足以贖矣今阿克鄭舉輩已正典刑而撫臣同就吏訊不免於死藉人之功以滅賊而殺人之身以快仇縱用賓一人不足惜於國家體統得無損乎若謂賓功不足贖罪假使當時再遣巡撫入滇討賊事平之日將

實之否耶又令用賓討叛無功以賊遺後人逮繫至京當加何罪耶亦不過一死而已且棄印之律原謂蔑視

王章有心棄毀若曾捐之以紓民禍則其心之公私何啻霄壤如安祿山反顏杲卿力不能拒乃與長史袁復謙迎之受其金紫之服然後起兵討賊金紫可以暫受而印不可暫捐耶以此而爲棄毀此臣之所未解也臣之書大略如此臣言既可以告臣子

馬集

卷之六

三三

豈不可以告

君父正以欲殺用賓本非

陛下意也今御史以朱勃之事責臣臣誠心服當馬援見陷於梁松抱憤而死賓客故人莫敢往吊而勃獨爲上書訟寃使漢之君臣全始終之禮臣若得附朱勃之誼雖相從地下猶有餘榮況止於削籍哉但御史欲抑用賓一人以申

朝廷大綱大法臣竊以爲未安夫大綱大法兼

功罪賞罰而爲言者也第今論罪而不論功則人知懲而不知勸我

明議功之律不必設矣若論功于監軍轉餉而遺巡撫則失事當專罪守巡不當專責撫臣矣始也同罪異罰何其求之重今也同功異錄何其視之輕乎且律言謀反大逆有能捕獲者民授以民官軍校以軍職仍將犯人財產全給充賞今克舉稱兵破陷郡邑非叛逆之大者乎擒而正法豈曰無功賞既不行身復就戮封疆之臣誰不解體朱勃所謂明主醲于用賞約于用刑者恐不如是也昔李白識郭子儀於微賤之時及白失節於永王璘罪在不宥子儀請以官爵贖之得放夜郎臣何人斯敢望于儀但追慕古人思報知遇區區此心良亦不薄竊願

皇上削臣官職贖用賓一死縱之生出園園以葬其母使天下知

馬集

卷之六

三四

數馬集卷之七

溫陵黃古績紹夫著

手疏

請釋繫臣疏

奏為時當陽至德在好生懇乞

聖明釋繫臣以順天道以光

聖德事臣等竊惟人君奉天子民富以天心為

心故贊天地之化育惟君後天而奉天時

惟君時者何陽舒陰慘是也奉之者何好

數馬集卷之七

生惡殺是也在易之復曰復其見天地之

心乎夫當純陰用事之月天地好生之心

何嘗不行於其中然至一陽來復則陰慘

者去而陽舒復還為人君者宜仰體天心

嘯培陽氣使太和鼓鬯於宇宙間乃奉若

天道之首務也伏見

皇上以風狂男子張永舉召見羣臣於

慈寧宮御史劉光復以草莽儒生不諳奏對之

體聲氣高大致干

大怒坐以不敬繫之司寇今既數月矣大小文

武臣工為之懇請釋放者疏無慮數十上

而

上意未回臣等知

皇上好生之德同符天地自當有待而發然際

此葭灰初動陽氣復還之時草木無知之

物皆思所以遂其生意暢其萌芽況於含

齒戴髮之倫乎又況於觸邪禁奸之臣乎

夫人臣有迹若狂率而心實忠愛者不可

數馬集卷之七

不察也劉光復言

皇上天性慈愛意在善處當此之間想

聖母在天之靈亦所樂聞之為震驚坐以

重罪恐非

聖母之意也

皇上試思當日情狀羣然欲甘心於光復者何

故以此求情情可知矣且法者天下之公

也必天下之人皆以為法在不貸然後使

司寇議辟即使司寇議之未盡厭天下之

心猶當參酌情罪寧開一面無布密網矧
人人以爲不宜坐而文致牽合又非司寇
所引之律也違

祖宗世守之法損

聖德容納之美竊惜之昔漢文帝欲誅犯蹕
者張釋之當以罰金爲法如是止矣竟從
之汲黯對武帝面斥其內多愆而外施仁
義武帝幾不能堪然僅曰甚矣汲黯之戇
也終不加罪夫文帝三代以下之令主也

數馬集

卷之七

三

皇上所宜效法若武帝則

皇上所薄而不爲者然武帝能容汲黯而

皇上乃不能容劉光復乎臣等願乘此陽生出
之囹圄使如汲黯仍得補闕拾遺可以勸
忠德之上也不則削其官籍放歸田里使
得終養老母可以勸孝亦其次也如此則
張釋之罰金之爭不可謂今無其臣漢文
帝從諫如流不可謂今無其

君後天而奉天時道固益光

君心仰合

天心福且滋至矣臣等無任翹首仰望之至

請準衛軍疏

請樞

題爲衛軍避差日甚運甲獨累莫支

明旨森然掣補宜亟謹查覈具

題乞

賜申飭以肅運規以裕軍需事車駕清吏司案

呈奉本部送據水軍左等衛指揮楊廷棟

等呈稱京衛運糧船有定額甲有僉編歷

數馬集

卷之七

四

年以來通融掣補自萬曆十四年以後

黃快船隻更新屯種塚名承佃脩倉餘丁

議改納錢而竄入避差者日新月盛矣遺

下極重運差只於運中選補率多窮困狡

猾之徒一經僉定恣肆橫行有至水次折

乾有至中途盜賣有抵灣起欠潛踪遠遁

甚有自知盜賣糧多鑿船沉水運官嚴刑

拷比或斃於華楚或死於刎縊或終于囹

圄或降至數級職命兩傾而所掛漕糧計

積萬石合無于萬曆十四年船政更定之後節年竄入塚名認丁屯種修倉三項餘丁通行照冊查出等因到部該臣此船政分司同操運分司會查議妥以便具

題隨該管理船政主事趙昌期會同操運主事襲承薦逐一按冊查出水軍左等三十三衛快船竄丁嚴德信等三千零二十名備倉餘丁柳繼章等五百零八名種屯塚名軍餘黃長等九十名造冊呈部以憑

致馬集

卷之七

五

僉點領運等因到臣臣竊惟

國家根本之計莫重於糧運

京師百萬軍民薊昌各鎮軍士恃此爲命令運船一歲不至則軍士饑而京邊危矣其關係一何重也若快船

進貢果鮮器服之物可緩可急令與糧運較其輕重固不可同日而語矣至於修倉之役臨期僉取屯田伍拾畝例給一人故寧衛中各差先儘運糧次則快船種屯修

倉不在差數運糧有缺一體均掣事屬至

公無可影避運快之分自萬曆十四年編

一始而修倉屯田之與運分又自快丁之

避差始編丁之議先是快丁有力者領駕

船隻不勝中涓魚肉前本部右侍郎顧章

志從船政主事倪凍之議曲爲調停以救

目前每船百丁每丁以銀三錢輸部別募

水夫領船而諸丁竟得高枕無憂此其人

多以財自衛視參錢白金如拔一毛既免

致馬集

卷之七

六

船差復免轉漕彼領運有風波之虞有賠

累之苦終年赴役不得休息人情好逸惡

勞避重趨輕其天性也官旣開以徑竇彼

遂以爲窟穴故或二人朋一丁或三四人

攢一丁或同姓各戶而認爲至親或異姓

竄入而旋自立戶影射百端莫可究詰遂

減運丁十之五矣修倉聽其納錢月一過

二十五文耳非倉丁者亦因而納錢以免

率差此何謂也屯種之有附名原藉口

操之故今乃一人屯而塚名至三四人又何謂也復減餘丁十之一矣總之快丁開其端而倉屯諸役效而尤之迨至今日有力之家暗通書識改竄冊籍不爲快丁則爲倉戶不爲倉戶則爲屯丁日趨月避僅餘爲衣百結窮困不能自存者數千人仍爲運軍其中有狡譎無賴欲衣食於漕糧者則充爲旗甲使軍

國輓輸大事盡付此輩以致盜糧鑿船逃遁

數馬集

卷之七

七

起欠何所不至運官賠累日以憔悴因圖縲絀鬻田賣屋終不能償不舉百萬儲糈盡委之河伯不止也及今不圖萬一咽喉有梗無以應京邊嗷嗷之望臣部將何以自解乎查得萬曆二十二年准戶部咨開各衛軍丁不分領運操守雜差及馬快船丁一槩嚴密將有力者先儘旗甲次及別差等因隨該前任尚書周世選具

題覆奉

旨欽遵在卷詎今二十餘年因循懈弛上下相蒙牢不可破臣受事以來廣詢國人備

痛制實痛忿於此事第念革弊有漸太驟易以駭人革言三就有孚始可服衆故先委司官清查造冊見在哀括竄入富丁已數千人而快丁一項臣尚酌量從寬未敢盡法惟去其太甚者臣非好爲此多事也物極必反勢窮必更救偏補弊其術不得不出

數馬集

卷之七

八

于此臣謹遵前

旨將快丁除萬曆十四年祖冊老丁并本人子孫不掣外修倉除不派領運衛所外屯田除原領出帖及耕種一丁外查出竄丁某計三千六百一十八名悉聽臨運清審僉歸仍乞

勅下戶部移咨南京戶部并屯田御史一體遵照施行以後有仍竄垛充者容臣部照縱放軍人役役律以受財賣放從重究罪庶

常運不致終累

國計永有攸賴矣

火災請修實政疏

奏為火災疊見天心至仁懇乞

聖明躬脩實政以悅人心以承天眷事臣備員

南樞於十一月十六日接見邸報文書房

傳出揭帖奉

聖旨隆德殿等處被燬着三大營撥官軍三千

員名及錦衣衛官校打掃焦木等件欽此

數馬集 卷之七 九

臣捧讀揭帖知火災異常

聖躬為之震驚臣子之心恐懼不寧已同南京

禮部諸臣具有公疏恭慰外臣伏而思之

宮殿遇火古來時有然亦偶一值之獨於

皇上則祝融示戒者三一見於

乾清宮再見於

皇極殿門今又見於

隆德殿何上天垂戒至再至三欲其省改而不

憚煩也臣聞天之於君猶父母之於子子

之所為有拂親心親必先之以訓戒繼之

以誨呵又不能改乃加之以覆楚天於人

君其不能訓戒誨呵之者勢也惟默示其

意於風雷水火變異之中故善事天者一

觀天象必豁然興思曰吾之所為豈其有

拂天心故天以此示警耶夫天心于何而

見觀之人心則可知耳

皇上聖明馭宇自萬曆二十年前克勤克儉

仁民愛物下邇一君海內誦之自斯以後

數馬集 卷之七 十

漸不克終

郊

廟不親

殿廷不御深居宮禁失向明而治之道在卦乾

為君位離為火德二者失次固宜

上天震怒

乾清一火而

宸居非舊

正殿再火而祝朝無所也

上若能深加省咎痛自克已用人行政悉以天下人之心爲心則斯火也乃脩德格天之助雖曰災之政所以仁之也乃自稅使四出之後盡括天下財歸於

內帑百姓鬻妻賣子包賠幾二十年猶曰俟大工告成方行停止河清難俟工役之畢當待何日耶採木楚蜀一木費千餘金始至荆上江河搬運費復糶是一入

京師任其朽腐或恣中涓竊取於內而小用

數馬集

卷之七

十一

之或任貪愚橫邀於外而盜買之天下庫藏民間膏血豈能供此役也而又織絨關陝使關陝之民力竭織造吳越使吳越之民力竭近且織絨澤路聞其斂絲民間凡簡上有桑機中有婦無得免者雖曰以天下奉一人分則宜然顧此物積之深宮多成糞土取之小民何異剝肉曷若減之免之以寬民力哉至於九邊士卒枵腹乘障月糧逋負動至數百萬邊臣告急疏十餘

至始出

聖母所積三十萬金其餘仍責之大農及搜之南北部不知大農胡以匱也自金花銀加增二十萬輸入

內帑歲以爲常而太倉之積不二十載如懸罄矣今獨不可以取之戶部者還爲戶部用耶

親王婚禮珍寶費數十萬金稍不能應則固緩其期此其浮費強半爲製造乾沒以天

數馬集

卷之七

十一

性之至親而資中涓以媒利何所計之不審也委任輔臣貴實用其言無務以虛詞靡之優禮大臣宜體恤其力何苦以兼官勞之逐臣去國槩無

賜環之期循吏留部杳無拜官之日忠於

社稷者反以爲罪而辱之於繫獄勞於封疆者不赦其過而罪之以快讐章疏半屬不報臺省聞其無人白首而得一官者旅食京華不得奉檄以去跼天踏地抑鬱無聊人

心如此天意安得不震怒而災變安得不
頻仍哉蓋異時左輔近地饑饉流離至於
父食其子妻食其夫此足以示警矣而其
相殺相食之狀

皇上未及見也中州淮甸飛蝗蔽天至於田無
遺糧野無青草此足以示警矣而其殘物
害人之狀

皇上未躬親也惟於

宮殿之間肘腋之近夜半火起其光燭天使

數馬集

卷之七

十三

皇上見之心驚膽悸於斯時也必且私有禱於
祝融願稍霽天威平昔所爲有不善者不
容改圖此時此念誰實啓之可謂非

皇天之仁愛耶然旬日以來未見其發號行事
有以大慰人心者豈

皇上畏天之心與火俱燃亦與火俱熄耶噫六
合爲家四海一室其所係之大非止一殿
而已故王室如燬詩人所以嗟詠也無毀
我室姬公所以托意也

祖宗一百餘年鞏固之家室而輕視之曾不如

數百萬金錢之可愛也亦失輕重甚矣今
夫大臣不備室家之乏棟梁也臺諫不備
室家之乏牖戶也庶僚不備室家之乏棟
瓦也帑藏告竭室家之無蓋藏也小民貧
困室家之無產業也邊境不固室家之無
墻垣也有一於此可爲寒心況兼而有之
其可危孰甚焉臣願

皇上大悔前愆一更舊轍收羅人才以濟時艱

數馬集

卷之七

十四

罷稅停織與民休息大渙居積以安邊疆
修

儲教行婚禮以燕翼子孫下章疏聽人言以
宣暢下情庶幾民心悅而天意得災變可
弭而金甌可長固也不然天固火之我復
新之取盡銷銖用如泥沙是天之所以垂
戒者適足以重困小民耳何益哉臣嘗讀
史見漢昭帝時孝文廟正殿火上及羣臣
皆素服發中二千石將五校作治六日而

成此雖見漢時材物素備然其規模制作

不甚鉅麗亦可想見今

自經變而興作十餘年未有完期何相去之懸

也夫茅茨土階上古曠遠之事固爲難

若卑宮室惡衣服如大禹者豈非千古

帝王之師乎倘効法之木石勿求過大將

作悉用土人其求易辦其爲易成是亦敬

天勤民之一端也臣受

皇上知遇幾四十年今衰老矣長恐身先朝露

獻馬集

卷之七

五

以孤

主恩因遇災以收人心承

天睿爲

請不敢以諛詞進干冒

天威不勝恐懼以越之至

請修築浦城疏

萬曆四十五年八月同戶工二部題

題爲浦城奉

旨修築久未興工謹詢衆論定基地計財用擇

人任事以固畿輔重地事萬曆三十八年

六月內准兵部咨該兵科抄出巡視南京

營務監察御史傅宗臯題爲浦城奉

旨宜修泊岸用工最緊等事奉

聖旨着行南京兵部遵照前旨作速會同計議

修築不得延緩該部知道欽此欽遵移咨

到部卷查萬曆十四年五月內准兵部咨

該巡視南京營務給事中阮子孝等奏爲

敷陳京營切要事宜以固根本重地事兵

部覆議備行南京兵部將浦口城委官相

獻馬集

卷之七

六

度或依舊址以省財用或量移內地以避

水患約用錢糧人工若干在何項處備幾

年可以通完題奉

欽依備咨到部旋經會同南京戶工二部委主

事薛士彥郎中表年員外郎張朝瑞等先

後覆勘皆稱浦城枕山帶江隸以五衛貯

以三倉當南北之咽喉爲南京之保障卽

今東西北三面僅存迤南一帶坍洗入江

職等週迴再三料度南面逼近江干勢難

修築必待水勢既定然後行堅方行另議等因在卷至萬曆二十年又該給事中徐桓條議下部移行本部題覆照得浦子口地踰大江北岸背負定山南望

浦子口之漕不及二十里而近故

城於此九年增設龍虎衛并江浦縣與

卷之七

十七

同歲十一年增設武德和陽橫海三衛二十四年遷縣治於贛口山而五衛居浦口如故復置立三倉以貯屯糧卽以支給

未已也今議欲依山補築南城一面只圍應天衛及三倉在內而龍虎武德橫海三衛移入三倉隙地合候

命下行南京工部覆估工料照依往例錢糧戶

兵工三部均出勒限興工該兵部覆奉欽依移咨前來因依山之議民居大半在外人不樂從依違至今故傳御史復有前疏今奉

旨又七年矣竟未有毅然力主其事者臣等竊

集

卷之七

十八

浦城爲南京之保障缺其一面與無城同其當修築一恒人能辨之也而莫能堅決其故有二一曰任怨蓋築城未免拆人房屋怨譟易興二曰慮患蓋近江易於崩圯後患可虞夫舉大事豈能皆有德而無怨顧怨者十百而德者千萬則怨可勿計也又豈能皆有利而無患顧利有必然而患在未然則患難逆觀也浦城之議近山近江皆未免拆毀人居其怨同然依山則

置民度外民何德焉近江則所包者廣其在城內者固忻懽鼓舞即在城外與居屋應拆者亦激於義之無所辭而樂於城之有所恃雖謂有德無怨可也江水衝嚙若有所虞然五十年來水勢漸定城西沙洲既露於上流城東石骨復露於水渚惟中間一段被水衝洗近浦口山前然有山可依即舊時土牆今固十存其八也臣克繢每以春秋二季同守備勳臣操練兵馬於此徘徊四顧慨然懷想任事之難於是令守禦張承恩與浦口父老圖其方略已有成畫乃商之南京工部尚書丁賓侍郎羅朝國戶部侍郎吳中明諸臣皆懷根本之憂急桑土之計咸謂此事萬不容緩但須擇人而用之耳於是遴選其屬在戶部卽戶部口管倉江西司主事歐陽照在兵部得武庫司主事石應嵩在工部得虞衡司主事余文龍是三臣者操守凜然不滓才

猷卓爾超羣皆一時之選也又思建議原出臺省乃會科臣晏文輝臺臣郭一鶚孫光裕趙紱同議四臣皆謂城浦口以固畱畿蓋臣最宜協力順民心以興大役哲士急宜乘時乃約日渡江親閱基址而新任內守備太監高湧外守備懷遠侯常胤緒內有地方之責咸懷保障之思亦同臣等十一人往視自萬峯門登城而西周閱土墻中經浦子山東達滄波門上下於頽圯荒壁之間喬禔於盛暑烈日之內里巷闌闔周旋曲折無處不到山勢可依則依之江流宜避則避之插旗爲標使士民咸知城基所在大都去江遠者數十丈近者數丈叅以父老之見咸謂可保無虞共計應築城九百七十五丈因令三委官先築三丈以驗其費舉三丈而九百餘丈可坐計也主事三人晝夜督工十日而完城根脚按闕七尺深約六尺以見老土爲止打實

堅築荒石四層上用條石六層每層厚一尺中用丁鈎條石而以荒石填之灌以漿條石之上砌磚三十七層以至垛口其高二丈其厚三丈外磚石五尺內土二丈五尺至頂則厚止一丈六尺每丈共用工料銀三十八兩九錢八分五釐通計九百七十五丈大約用銀三萬八千一十兩有奇又估作南門及小城門二座便門一座甕城一座東西敵臺二座高山敵臺三座

直其小委官則武選司郎中龔承薦車駕司郎中孫穀職方司主事謝璉會選素才名把總王國奇王汝泰張應豹黃應詔宣承祖戴元貞蔣世恩蔣吉嗣齊大賓黃元吉鄭夢熊成已高尚易張鵬翼汪沾恩陳文理孫宣陳三略陳萬言石應科指揮繆廊才李猶龍李廷芳宋一韓王應文張國政牟天祐張問政俞之麟蕭鳴鳳呂承蔭周一陽王元勳沈繼美經歷傅天寵唐時諫張志道揭仕鎮張守志喬天賜陳棠張鳴鸞韓景曙馮啓元丁承謙王起都吳顯蔡調鼎萬化王廷機林宗孳黃應會周養楨侯佳胤領文炤程萬里五十六員內五十員各分管城工十九丈五尺餘六員督造門樓甕城等工各官渡江董役勞費可念主事三員跟隨人多每日議給廩銀三錢把總等官每日議給銀六分俱於城銀內支給已擇吉於本年八月初十日

破土與工共估該費銀五萬九百二十兩
有奇又懼委官有怠惰糜財苟且塞責
則臺臣郭一鶚等三人欲每月輪流一人
前去監工孰敢不勤勵以共成此役也銀
則三部均出每部一月或發二千兩或一
千兩寄上元縣庫聽委官領用工畢銷算
此其視前此委官余士奇等所估十四萬
四千九百有奇僅三分之一耳且業已嘗
試爲之計日可成非漫無所據而徒以節

數馬集

卷之七

三

省邀名也若用之有餘不妨將舊城一千
六百餘丈接工修理此城不修已五六十
年置之則日就傾頽徒令居民得竊其磚
以爲蓋房之用耳又土堤之外應加砌埽
頭以殺水勢如前銀不足雖三部再費一
二千兩亦出於不得已也此事已經三奉
聖旨等今次會議參之公論審之民情度之
形勢誠之則築似斷斷有可成之功於八

以下原缺

數馬集卷之八

溫陵黃克績紹夫著

奏疏

萬世治安疏

題為遼事日急

聖心故綏遠近延惑懇乞

聖明存大計捐小費以圖萬世治安事臣等讀

易見繫詞之首章云聖人之大寶曰位何

以守位曰人何以聚人曰財夫財以聚人

數馬集卷之八

人以守位則財也者誠仁者發身之物不

可謂

皇上之惜非所宜惜也但其聚之也將欲何為

夫有所用之也庶人之財用以豐衣美食

廣田宅以遺子孫人君之財用以裕國足

其固封疆而守社稷平居無事則秋毫不

敢輕費一旦外侮卒至羽檄交馳則雖傾

國而用亦所不辭何者弓馬器械非財不

備英雄豪傑非財不奮征伐守禦非財不

行於此不用後將無及及外侮消矣大寶

固矣億萬之財雖散猶存四海九州皆歸

財之數也不然縱積如丘山亦豈為我有

乎近者奴酋發難破我城堡覆我全師殺

我大將中外駭顧失色咸謂破竹之勢迎

刃而解彼若席捲長驅則山海以南望風

而潰矣司馬徵兵司農議餉皆謂兵易調

募餉難遽集欲

皇上大發帑金以張捷伐旋因夷奴暫退聲勢

數馬集卷之八

稍緩而

聖心愛惜帑藏不肯多發諸臣懇

請殆無虛日今奴夷復入破三堡矣在彼也得

寸得尺為蠶食之計在我也惜財惜費戀

無巢之安大司農計無所出為一切搜括

之議已空南戶部之藏使盡輸於遼又舉

二十九年以後拖欠水兌改折之米提空

名而責實數欲其解邊不知此皆赦後之

蠲誰肯輸納真蠲餉也割南京軍士之肉

以充遼左征戍之腹然且不可況皆無是
鳥有之物乎部議及此可謂計出無聊矣
臣等思之山河誰之山河也

社稷誰之社稷也爲山河

社稷主而不能割百十萬朽蠹之財用以聚人
而守位昧大易之訓甚矣夫財用在庶人
當吝在人君則不可吝用以寵嬖倖賞無
功則當惜用以招豪傑致死士則不當惜
小費而大償小損而大益所得孰多一恒

數馬集

卷之八

三

人能辨之

聖明之主何見不及此乃當國事危急之秋猶
守匹夫吝嗇之見臣竊惑焉且諸臣所請
僅五十萬以臣等計之則百萬未爲多也
計此五十萬能滅建夷而後朝食乎未也
苟未可減而他日復請則所求益頻

聖恩益增曷若多與之使他日免於再請也蓋
嘗讀方書見人有病虛弱者醫云須服補
藥一百二十劑及不見効則悔而易醫云

吾用八十劑足矣及其奏功乃神後醫而

拙前人後醫云已先服八十劑矣因藥力
間斷故多用四十劑吾無以賢於彼也遼
左之事臣以爲今日少與他日未免多與
一之國吝十之尤吝何如一大與之而使
客迹俱泯也抑臣觀邸報見奴酋用兵多
祖左國人云中國有書生爲之謀主語殆
不誣撫順之戰酋兵分隊而陣白旗白甲
白馬望之如練紅旗紅甲紅馬望之如霞

數馬集

卷之八

四

此夫差黃池之兵也得我降將家丁則配
以婦女與以大鷲鷄鷺又人給一牛一紬
四布月米一斗此勾越慈幼長孤欲以沼
吳之策也夫以區區奴夷猶能不愛紬布
諸物以結士卒之歡而堂堂中國屯膏不
施使謀士勇士反爲彼用且旣吝帑金又
吝爵祿一官之遷如轉巨石一

肯之下如望甘露人心舐望忠義益灰未知將
俾何人以共立大功而守此大寶也臣等

興言及此有涕滂沱伏望

皇上思

祖宗付託之重封疆一失不可復收夷兵一至不可復禦泄泄從事則寇日逼而禍日深大內阿堵徒爲大盜替各畜不用徒爲大盜守慨然發數百萬與天下豪傑共圖殄滅此賊以安遼左而固

京輔則發財聚人用人守位雖大易所稱何以加焉臣等無任懇切企望之至

數馬集

卷八

五

惡宗煽兒請勅正法疏

留樞署戶部題

題爲惡宗煽兒異常部官無端受辱懇乞

聖明大奮

乾剛殿

勅正法以維綱紀以弭亂萌事據本部陝西清吏司主事張三傑揭稱職山東東昌府觀城縣人萬曆四十一年進士八月內授南京大理寺左寺左評事三年考滿於四十五年二月內叨陞今職註選管倉兢兢守

法惟恐滋戾一應六倉收放無不以身奔走忽於今年三月二十二日到倉查工飭

曉回衙經過文德橋突遇惡庶睿燦等喇

虎般人當街聯臂狂歌見職過隨行阻住

此職下與職以爲酒徒也呼役卽行避之

伊反突入輿中橫口詬詈掄職出走踉蹌

步行擁至伊門父子兄弟率悍奴百人蜂

叢而出大喝捺入揪髮拔鬚毀冠裂裳重

行痛毆區區微命幾斃兇手跟役張諭等

數馬集

卷之八

六

六人俱行弔打死生莫必復囚職客室局

鎖門戶若非鄰生員谷台琳排門而入百

方央解職萬難脫虎口矣嗟嗟職亦

朝廷命官也況平日未嘗識其面當時未曾加

一語反之不知何因叩之伊亦無說以風

馬牛不相干之人橫罹此人間世未有之

慘職何顏復立於班行中以貽冠裳羞乎

乞爲代

題昭雪俯准俸致等因到部該部職會同合

司官看係毆辱部官事出異常卽行應天府推官雷叔聞先拘其助兇惡黨去後續據雷推官揭稱拘到惡僕數人到官審得張主事自虎賁左倉修理回衙道經文德橋其時初昏值有不到官惡宗睿燥文室文宏請客劉光朱倫陳康侯六人同飲酣醉遮街歌唱張主事前行馬上人呵聲讓道彼時睿燥等聞知乘酒稱我是王子更懼何人隨跳入轎圈內將司官扯下轎睿

數馬集

卷之八

七

燥故將自頭上巾放在袖內向說你是何官叫人搶去我巾司官當卽下轎與伊好說我戶部張主政也家籍山東與公尚且同鄉平素並無嫌疑卽如跟隨人取公之巾吾當重賞之當喚馬上不過四人並無有巾在手睿燥無言却將肩輿挈住不肯放行劉光朱倫陳康侯俱各逃散司官見燥情形甚惡卽以轎交在官總甲黃和自步行前去比睿燥有在官惡奴岳奇卽岳

鬚子素好生事前行到淮清橋宅內喚集各房惡丁蔣堯李華蔣貴朱選徐三萬元季盛等六七十人在門擁集司官適過其門睿燥首將紗帽搶下文宏將司官後鬚捋之而入文室扯去鬚髯睿燥一齊動手將胸背各處用拳亂毆不計其數岳奇當頭打一拳在官萬元搶下網巾不在官楊學郭洪爭前助毆仍扛擡進至中堂搶去金耳挖一根瑪瑙簪一根靴帶無存其餘

數馬集

卷之八

八

各丁李華蔣堯朱盛葉世蕃等數十人將跟隨皂隸張諭馬龍楊學趙奇并轎夫二人剥衣打幾危此時總甲黃和王維王祥要救因惡宗勢大不敢近前適有行路一人人口稱如何打官全然無理被睿燥痛打一頓而去地方觀者千有餘人睿燥文室文宏睿燥仍將大門緊閉禁抑司官在內至一更時有睿燥不在官堂弟明湖出來見其蓬頭跣足坐於堂上口稱錯矣方

將鞋一雙巾一頂與成冠服適有對門谷
生員聞知敲門進入向睿燥說你非病狂
如何打部中老先生各總甲又叩頭乞哀
方將司官送歸徒步至宅其時漏下三鼓
矣職等讀得至此不覺驚駭失聲曰異哉
惡庶之行兇也夫主事雖六品官乎名隸
六卿之屬身列清華之班非發跡賢科者
不得與焉偶行道上陡與兇遇酣醉狂歌
不避已矣乃反叱之下輿裂其冠而碎其

數馬集

卷之八

九

裳擡至私家叢集兇毆勢同夷虜致本官
鬚髮幾禿體無完膚與皂六人毆至垂斃
豈但口無部官抑且目無

朝廷矣夫齊之庶人皆

高皇帝子孫職等豈不知敬但厥先始封之祖
以不守法紀交結無賴私僭名號故

文皇帝廢之而居其子孫於合肥至景泰年間
始得移於南京爲後人者正宜安分守法
以蓋前愆乃邇來生齒日繁多行狂悖如

前歲良璞良璧輩窩藏江洋大盜陳明等

於家中夜出京城竊劫殆無虛日經守備
及兵部衙門會叅問發高牆案牘未乾而
睿燥睿焜等不自歛戢猶故也淫賭放債
恃酒逞兇以毆人爲樂事腰圍玉帶口稱
王子奪人產業擄人財物其所招納無賴
如岳奇李華蔣貴郭洪季盛等或係在京
或係外省若岳奇則江西人也翼虎害人
奇爲之冠搏噬小民莫敢與抗觀其施之

數馬集

卷之八

十

部臣者如此則其餘士民可知矣夫古今
所恃以維持世道者惟此紀綱紀綱立則
朝廷尊故郡幕縣尉至小官也而令無不行人
不敢犯豈畏官哉畏

朝廷之法度耳戶部主事司以清吏爲名

國家所以崇重之者至矣睿燥等合宗五百
名口咸待給口糧於戶曹此而可毆則在
京各部之縉紳孰不可毆

都城之內而紀綱凌夷至此豈可不爲之寒

心也哉且京邑真真四方之極南北一體均屬重地三輔諸郡

親王而不得封而罪宗餘孽雄行

都內環法亂紀無所不至職等以為禍亂之生漸不可長不可不稍峻其防也但

天潢與凡人異睿煉等自知毆打職官難加重罪不過革去口糧族長繫於家廟而已故敢肆無忌憚竊謂此後再有不法者重則禁之高墻輕宜居之鳳陽使其悔過遷善

數馬集

卷之八

十一

其在南京者須立一宗學擇其賢而有識者為宗長俾與宗子同教訓約束之俾不敢放逸於禮法之外仍聽南京禮部提調大事固有抑之而適以福之者小懲大戒是也亦有縱之而適以禍之者驕奢淫佚綱之於邪是也正紀綱杜亂萌端在於此伏乞

皇上勅下禮部覆議工

請咨行南京禮部議處施行其投充撥置如岳

奇率華等雖名入犯則行南京

提問查照情罪輕重依律例究擬使人知貴賤有等法紀難犯堂廉遠隔備通不生亦各庶之福也再照主事張三傑英齡偉抱幹品清操在廷訐則執法平允司庾政則守職公勤意外之辱初非自取應否令本官照舊供職或照俸陞轉於外免其休致以快惡宗之心而長其虐焰臣等未敢擅擬伏候

數馬集

卷之八

十二

聖明裁奪施行

查叅武弁倉吏疏

留樞署總督糧儲部院題

題為武弁倉吏表裏為奸俸糧預支十年操軍榜腹待哺據實查叅以彰法紀事臣待罪南樞偶因南戶部尚書侍郎乏人兼署糧儲事於四十五年十二月內據南京英武衛指揮侯承詔展奇才等呈為倉糧積弊難除官軍積窘至極等事批行管鳳陽倉主事祝萬齡嚴查去後該本官回呈稱

查得英武衛屯田每年額徵存留秋米三千一百四十二石九斗六升有零夏麥四千八百一十一石六斗二升每歲南京關撥倉糧一名經收貯倉供給本衛官軍糧餉舊規年支全米官俸支米六分麥四分例係衛江蘇委官一員輪流呈遞糧冊申請督制點單赴鳳陽分司衙門投遞查照放給遵行已久至萬曆三十七年間有本衛指揮使楊耀山與本衛在官指揮趙一鳳

馬集

卷之八

十三

賈應勳陶耀伊後故父陶模千戶黃一桂袁吉百戶劉應詔仲應龍并本衛不在官指揮展奇才十戶李應文等百戶甘學曾等各因節年逋欠地畝屯糧追比無納耀山與趙一鳳賈應勳黃一桂劉應詔不合向本年分英武倉在官攢典連銳商說我們軍官因父屯糧屢受比責浼你將各官原支俸糧抵充倉糧料得不出你守支例限七年內銷完彼此兩便等語比連銳不

合依允將耀山與趙一鳳賈應勳劉應詔仲應龍并展奇才李應文等及陶模共二十二名各該糧米不等共一千六百五十八石五斗二升一合麥十石七斗九升一合與耀山等原糧私相抵充至萬曆三十八年間陶模病故伊男陶耀亦將自己俸糧接兌又與耀山并趙一鳳袁吉劉應詔與李應文并不在官千戶楊道泰等各因本年分屯糧未完又向本年分在官攢典

馬集

卷之八

十四

唐可貴商議抵充比唐可貴亦不合依從將耀山等各該糧米共五百二十四石四斗六升麥八十石七斗九升四勺與耀山等各原糧抵充訖至萬曆四十年間耀山與趙一鳳陶耀賈應勳黃一桂袁吉劉應詔仲應龍并不在官指揮于用公等各又向本年分在官攢典陳大柱照往年將俸抵充糧石陳大柱亦不合聽允將耀山等各該糧米共六百六十三石五斗三升八合

與耀山等俸糧私相抵兌訖耀山與趙一鳳陶耀賈應勳黃一桂袁吉劉應詔仲應龍與不在官指揮張文淵等共十五名又將萬曆四十一年分屯糧向本年分在官擴興黃大鵬亦不合照前將糧米共九百八十六石八斗七升麥九十九石五斗四升七合又與耀山等俸糧私相抵兌訖耀山等因節年抵兌得價與趙一鳳賈應勳黃一桂袁吉劉應詔仲應龍各又不合并不在官指揮那以校等又將萬曆四十二年分屯糧亦向本年分在官擴興李可冠亦不合將耀山等各該糧米共一千零四十二石九斗三升七合亦私相抵兌俸糧訖除耀山等自萬曆三十七年起抵兌米麥將耀山等各歷過俸糧銷至萬曆四十四年十二月終止不論外耀山員下每月額支俸米四石八斗麥三石二斗見該預兌過米六百七十石一斗二升自萬曆四

十五年春季起算該銷至萬曆五十六年七月止麥七十五石八斗二升自四十五年起算該銷至四十六年十一月止趙一鳳員下每月額支俸米三石四斗八升見該預兌過米二百六十八石三斗五升六合自萬曆四十五年春季起算銷至萬曆五十一年五月初三日止陶耀員下每月額支俸米三石七斗二升見該預兌過米一百九十四石零四合自萬曆四十五年春季起算該銷至萬曆四十九年四月初四日止賈應勳員下每月額支俸米三石四斗八升見該預兌過米一百七十七石四斗八升自萬曆四十五年春季起算該銷至萬曆四十九年二月止黃一桂員下每月額該俸米二石二斗八升見該預兌過米一百三十九石一斗二升自萬曆四十五年春季起算該銷至萬曆五十年二月初一止袁吉員下每月額該俸米二

石五十二升麥一石六斗八升見該預兌
過米一百四十六石一斗六升麥一石三
斗二升自萬曆四十五年春季起算該銷
至萬曆四十九年十月止劉應詔員下每
月額該俸米一石八斗見該預兌過米一
百一十二石五斗三升三合自萬曆四十
五年春季起算該銷至萬曆五十年二月
十五日止仲應龍員下每月額該俸米一
石二斗見該預兌過米五十石七斗二升

數馬集

卷之八

十七

自萬曆四十五年春季起算該銷至萬曆
四十八年六月初八日止比有本衛指揮
同知侯承詔等見得耀山與趙一鳳等各
指俸糧預兌納倉屯糧甚多以致承詔等
實該歷過應支俸糧不得全領以此不甘
會同展奇才并不在官指揮陳忠翟鳴鳳
呈將前情於萬曆四十五年十二月內具
呈到臣該臣批仰鳳陽分司嚴查各官私
兌之弊應參來具

題重寃不痛懲一番此弊終不可破也速報

隨該分司祝主事查得南衛私兌之風日
盛積貯之糧全無因親詣飛英廣三衛三
倉放糧查得英武一倉額派存留正耗秋
米每年該三千一百四十三石九斗六升
零正耗麥每年該四百八十一石六斗二
升零除官吏操舍每年額支二千三百七
十九石六斗外尚該歲餘米一千三百石
零及盤見今廠中所貯止得攢典陳仕宏

數馬集

卷之八

十八

經收四十三年秋米三百餘石夏麥一十
四石有不敷萬分之一查得三五年來該
倉官攢私兌侵漁不下萬石在三倉皆然
而英武尤獨甚焉若 楊耀山陶耀趙
一鳳等假稱委官盛華一鄉公行私兌又
交通攢典連饒唐可貴黃大鵬等所交倉
米麥借支出放每石攢分其三官分其七
無論有俸無俸官十數員名俱兌至五十
六七年矣此明與攢典銷算者猶可知其

年分而私相兌借者又越至五十六七年之後也倉政大壞莫知其終矣爲此先將英武一衛私兌官攢指名開具恭候

題參其飛廣二衛候查訪明確一體申呈聽候參處等因備由於萬曆四十六年二月內呈詳到臣該臣批此大異事俸未歷者而先支至十餘年明係侵欺而官攢大膽犯法紀若弁髦仰分司俱提究發鳳陽刑廳或兩縣將官攢擬罪革職示懲此不待

嘉靖集

卷之八

十九

參提者速報遵依牌提各犯當堂面審明白牌行臨淮縣將文卷一宗冊六本備發到縣本縣遵行間袁吉具狀願將兌米先補完倉罪甘參罰等情具呈在官該本縣到知縣楊查冊卷對衆逐一細加查審前情明白開報分司轉呈前來該臣看得衛所屯糧一歲之入原以供官軍一歲之用各弁俸糧歷過一季方可支在倉一季之今耀山與趙一鳳陶耀賈應動黃一桂

嘉靖集

卷之八

二十

袁吉劉應詔仲應龍等公然將未歷之俸預支倉米有至十餘年者有五六年者而攢典連銳唐可貴陳大柱黃大鵬等敢以官米作已私物任意預放非貪其重賄何以大膽犯法至此舉在倉者而在屯戶者又不知私兌至何年矣以致武弁之強有力者預支重支而無所稽考其弱而守法者一石一斗不獲遂正支夫官猶能自言於上司若該衛與飛熊廣武操餘共三千名春操三月每人該米一石八斗至今未給羣聚索餉在守禦則欲議派幫丁還取之於屯餘在部司則憐其枵腹議給之於別倉若非臣委曲於庫中借銀支給則操餘枵腹日久能無脫巾之呼哉奸弁惡吏遺禍甚大不加重懲將何底止伏乞皇上勅下戶部咨行南京都察院轉行巡屯御史將指揮楊耀山與攢典連銳唐可貴等嚴提到官從重究擬追賠還官以後米必

入倉銀必入庫歷過俸糧按季具文請給
不許分毫抵兌其飛廣二衛俱行嚴查一
體究治庶軍儲不盡於惡弁國法不壞於
黠吏而操餘與癸之呼庶幾其少免矣

議完解欠南糧疏

督糧署總督
糧儲部院題

題為清查解欠南糧遵

諭旨以全多命事臣承乏南樞代庖糧儲於各
處起解錢糧掛欠應追者按期查比躬行

數馬集

卷之八

三十一

有司之事不敢辭也因見總巡倉場郎中
白竹所開掛欠揭帖內有十餘起係遠年
起解錢糧累斃多命終不能完因細查之
內有江西上高縣起解萬曆二十八年分
水軍左倉正米一萬一千三百四十三石
零掛欠正耗米五百一十三石解官慎懋
實貧文回催糧解黃廣二監故羅客九逃
供子羅均一監比又有江西樂平縣解萬
曆三十二年分水兌米七千八百三十八

石零船至草鞋夾地方失火燒燬完欠米
四百七十五石六斗八升解官周有德賁
文回催糧解蔡會通監故保家黃鳳聰比
又有湖廣景陵縣解三十二年分龍江左
倉米四千九百四十八石二斗掛欠米四
百七十五石藩竹銀十四兩八錢五分解
戶趙張周陳劉凡諸疎張三名監故保家
黃鳳見在聽比又有湖廣湘鄉縣解萬曆
二十九年折銀六千八十六兩一錢一分

數馬集

卷之八

三十二

九厘掛欠銀六十七兩六錢解官周鯉代
解到銀四十八兩五錢一分尚欠一十九
兩八分七厘糧解孔吳達脫逃保家黃鉞
見今代比又湘鄉縣解三十一年分龍江
左倉米一萬二千一百七十二石二斗三
升八合掛欠正耗米六千九百六十五石
七斗解官邵龍田押船戶劉瑞龍等七名
賁文回催其宗屬邵康脫逃保家黃鉞見
在代比又江西奉新縣解三十二年分旗

數馬集

卷之八

三

手東倉米九千三百二十三石二斗七升
掛欠正耗米五百二十九石解官郎克正
脫逃解戶戴余景等差保家黃鳳押回守
催未補黃鳳見今聽比又奉新縣解三十
三年旗手東倉米九千三百二十三石二
斗七升掛欠耗米四百九十二石解吏王
用仕脫逃解戶蔡余獻張獻監故保家黃
鳳見今聽比又湖廣通城縣解三十四年
豹韜左倉正米二千九十六石八斗掛欠
正耗米五百四十一石蓆竹銀六兩三錢
解戶胡茂元脫逃保家孫淮病故解戶戴
鄭凱男生員來京看父買納過九十石餘
未完保家楊太方月見在聽比又湖廣平
江縣解萬曆三十三年分驍騎右倉米八
千五百二十六石三斗二升掛欠米二百
二十五石解官舒鐫同保家鄭五給文回
催鄭五中途病故家屬鄭榮見在聽比又
平江縣解三十四年驍騎右倉正米九千

數馬集

卷之八

四

三百七十八石九斗五升掛欠米六百一
十五石七斗二升二合解戶羅廷周監故
余肖高周毛陳押回追補解到銀買米一
百八十五石餘未完保家鄭榮見今聽比
又湖廣來陽縣解三十三年分養虎倉米
六千六百三十四石二斗掛欠正耗米二
千五百五十三石二斗六升解官袁禮登
領文回催家屬袁勝監故批頭張奉貴等
脫逃保家熊舉見今聽比又來陽縣解三
十二年養虎倉米六千六百三十四石二
斗掛欠正耗米三千八百七十七石六斗
二升蓆竹銀十九兩九錢二分解官李九
林給文回催家人熊祥監故保家熊坤押
解戶蔣成器龍朝魯回縣守催未據完納
家屬熊舉見今聽比以上兩省各縣共掛
欠南京倉米本折色共十二起有因失火
燒燬而掛欠者有因原米粗惡臨倉晒颺
虧折而掛欠者有因解官侵漁解戶船戶

包攬而掛欠者惟湘鄉縣解三十一年米
一萬二千餘石而欠幾七千來陽縣解米
兩年共一萬三千餘石而欠至六千四百
石有奇明係解官解戶船戶包攬侵欺入
已若其餘九起所解甚多所欠甚少或風
水之漂蕩或鐵揚之耗蝕不盡無也而追
之不已徒令羈者監者相繼斃獄查三十
四年以前拖欠錢糧四十二年奉

聖母恩詔已皆赦免若猶追之是

數馬集

卷之八

二十五

詔令不信於民也且宿負嚴追民既粉身而不
能完新糧起解民又裹足而不敢至壅

皇恩妨國儲而坐斃民命無一可者臣敢冒昧

代為開具陳奏伏乞

勅下戶部覆議

上諭某臣所言不謬將上高樂平景陵奉新通

城平江解欠南糧及湘鄉二十九年折色

欠銀通行免追見今監羈聽比之人俱行

釋放其湘鄉縣三十一年解欠本色及奉

陽三十二三十三年拖欠本色米應否憐
其追比年久終無完期併行赦免則又浩
蕩之恩非臣所敢必也伏候
聖明裁奪施行

數馬集卷之八終

數馬集

卷之八

二十六

數馬集卷之九

溫陵黃克纘紹夫著

奏疏

議量折南糧疏

留糧萬曆四十六年七月署戶部題

題為南糧額數無多北部徵求難繼事十軍

國安危懇乞

聖明勅下部科覆議量行折徵以安根本重地

事福建清吏司案呈奉本部送准戶部咨

開該本部題為遼餉厝處惟艱等因奉

數馬集

卷之九

一

聖旨今遼餉缺乏這條議諸款有裨國計俱依

擬行前奉旨那借南部并各省直拖欠等

項錢糧及解部商稅橋梁稅廠浮羨無礙

銀兩着該部與各撫按等官即嚴催解部

以濟急用務使軍餉不缺紓朕東顧之憂

如有仍習故習玩視推諉支調遲違的爾

部不時指責叅處毋得借言內帑以誤軍

需欽此欽遵等因備咨本部查照

欽依內事理即將各倉米穀豆麥等項文到即

便轉行原派各省直府州縣盡行改折二

年解充遼餉其本色每年應若干應折銀

若干具數咨部本年目下開徵即折解部

餘一年另解其水兌軍糧三十萬石除正

支一十七萬石外自三十九年起每年改

折江西饒州等府直隸應天等府水兌糧

米一十四萬每年該銀八萬九千六百兩

零原日准本部回咨題覆以見徵三分之

一解充邊餉迄今八載共該解銀二十三

數馬集

卷之九

二

萬八千三十四兩零年來並無解到文到

希速照數解助遼餉其改折帶徵自二十

九年起至三十七年止銀兩已解在庫者

一併查算明白分照三分之一類解嗣後

當照傳御史原題每年盡解本部或定解

三分之一以濟時艱等因咨部送司卷查

萬曆三十九年十月內奉本部送准戶部

咨為酌處水兌糧米以均財用疏通倉場

官撥以平銓選事該巡倉御史傅宗臯題

前南京水軍糧三十萬石除正支一十萬石餘俱改折徵銀題奉

欽此到部通行各省直徵解去後今奉送准前因隨行各司會議查得每年額派直隸江西饒南九三府及南直隸應天等府改折水兌糧米原題一十四萬石當年回報欠詳蓋改折應除耗其正米止有一十一萬二千三十五石各折不等每年該折銀七萬四百四兩六錢三分八厘自三十

欽馬集

卷之九

三

九年起至四十五年止該折銀四十五萬六千二百四十兩三錢四厘除節年災傷戶部議覆減折又有水次州縣原係坐派運軍行糧當時傳御史具疏只舉成數其實運船起行臨縣兌支每年去糧該銀三萬四千五百二十九兩九錢三分五厘七年止實該折銀四十二萬一千七百一十兩三錢七分內江西饒南九三府已完銀九萬二千六百九兩三錢二分九厘未完

欽馬集

卷之九

四

銀九萬三千九百八兩一錢一分五厘應天府屬已完銀四千七百一十三兩六錢三分二厘未完銀一萬一十四兩八錢四分徽州府屬已完銀八萬二千七百九十四兩八錢八分未完銀三萬九千四百一十八兩九錢六分池州府屬已完銀三萬六千七百三十一兩八錢四分未完銀一萬三千二百一十二兩七錢一分八厘太平府屬每年該銀二千四百一十一兩五錢六分已完三十九年一年餘俱不解寧國府屬已完銀一萬九千六百六十一兩一分未完銀一千九百四十二兩五錢一分八厘四十三年以後該府申稱奉應天巡撫徐民式案驗仍徵本色常州府屬惟靖江縣解過銀一百零四兩五錢二分尚欠一千二百七十二兩四錢二分七厘廣德州及建平縣已完銀七千二百三十八兩二錢五分未完銀一千二百六兩四錢

七分五厘已上共止完過水兌折色銀二十四萬六千二百六十四兩五錢五分查得本部原議回咨云改折米銀難必一如數完納且水兌之數減則倉糧之放必多萬一水旱頻仍輪解不全水兌不足勢必借資於倉糧年復一年日放日減

陪京百萬之衆歲支不貲本部庫貯不滿四十萬歲支四十餘萬歲入常在三十萬上下昨歲則止收二十餘萬出浮於入堂堂

數馬集

卷之九

五

農部不足二年之備尚可爲壯根本乎夫解納難完之數既未可按以爲濟邊定額而

豐鎬重地之蓄又豈得盡蠲以赴邊餉急需但日前儲賈告亟時事孔艱則亦臣子恊恭分猷惟力是視之日也細查拖欠之數自二十九年起到三十七年止水兌正米共欠一十九萬二百三十六石七斗零帶微折米銀共欠一十三萬一千一百四十

九兩三錢一分本色倉米豆共欠八十三萬九百二十三石五斗八升俸祿鹽鈔布絹草麥等銀共欠八十九萬二千五百四十二兩零有司怠玩已極帑藏匱乏莫甚此本部當時回咨改折水兌原以供南京軍士之用非爲濟遠設也其所謂三分之一者指二十九年以後至三十七年止拖欠錢糧非指見徵之水兌米銀也今以爲定例計年取用此惟戶部自知之非本部所知也且二十九年至三十四年止逋欠錢糧俱奉

數馬集

卷之九

六

聖母推恩有

詔赦免只有三十五年至三十七年可徵而前此南戶部尚書侍郎不行查叅署印者更代不常無人任怨致逋負益多卽如水兌新議改折而江西樂平縣自三十九年起至今未解一分太平府屬則通府止解三十九年一年此後亦一分不解見徵如此

何有於舊負哉今查南京自三十九年題
水兌改折後費倉米益多各倉見貯實在
糧米僅三百五十三萬有奇尚有守支過
耗虧折不及北京一歲漕糧之數也查得
萬曆四十五年一年官軍實支本色米五
十二萬八千七百六石五斗九升以此例
之則南糧不足以供六年支用萬一地方
有事軍士補復原額則一二年而盡矣非
甚裕也至於江北倉黑豆足支四五十年

數馬集

卷之九

七

者緣江北操馬甚少每年六箇月只放一
百八十石故也實在九千九百七十二石
腐者十之七八已成灰土即議改折四五
年亦須間撥本色已腐者馬不肯食也然
折徵甚微欲以足

國亦九牛之一毛耳恐聽聞之誤便以

留京米豆可支四五十一年輒欲折價濟邊豈
知今歲取銀二十萬庫中所存不及四萬
則每年二八月折色已無銀可給矣嗷嗷

待哺之衆能保帖然無譁耶今該部題稱
欲將南京各倉米穀豆麥等項改折二年
查倉麥原係折色其水兌糧米先該巡倉
傅御史題

准改折一十四萬止存本色一十七萬除兌運
軍行糧彼處兌支其餘水兌米不足三月
支放又南京四門倉米一萬六千餘石原
係守直官軍口糧逐月支放及國子監會
同館神樂觀犧牲所拜

數馬集

卷之九

八

神宮監局等衙門各貯米豆麻穀俱供應

奉先殿

孝陵及內監酒醋織造工匠各項支用僅穀一
年無有贏餘光祿寺白粳米一萬七千石
已經該寺題折四十五年一年今亦無容
議折細籌之惟有將四十六年分江西湖
廣直隸歲該倉米共五十七萬九千二百
五石內江西府屬該米三十一萬四千五
石照例每石折銀五錢該銀一十五萬七

千二兩五錢湖廣府屬該米二十六萬石
每石折銀五錢該銀一十三萬直隸州縣
該米五千二百石每石折銀六錢該銀三
千一百二十兩共該銀二十九萬一百二
十二兩五錢黑豆每歲約該一萬五千九
百九石九斗每石折銀四錢共該銀六千
三百六十三兩九錢六分內旌德滁州來
安全椒四州縣上納江北應天倉黑豆應
自萬曆四十六年起改折五年其餘倉糧

數馬集

卷之九

九

米豆止應暫准改折一年以一半解助北
部至四十七年仍徵本色至於米豆隨糧
席竹等銀額係修理倉廩所需毫不可缺
需應照舊一併徵解其節年拖欠米豆自
三十五年起至四十三年止有已改折者
有未改折者今俱議改折移咨各省撫按
嚴行查催載入考成已徵在官者剋期起
解拖欠在民者准作三分每年帶徵一分
限三年全完候四十七年終查明將各省

各府完過銀兩筭明三分之一解部濟邊
另令各省直每年終將完過改折若干呈
報戶部以免有名無實槩來取用其四十
四年四十五年未解米仍聽本部督催以
給南京軍士若前此水兌改折米此時南
京無四萬之積決不可再來取用如此則
於南猶未甚病於遼亦可少濟不然則南
戶部各官惟有棄職而逃耳等因案呈到
部臣等看得

數馬集

卷之九

十

留都根本重地糧餉官軍命脉攸關酌盈濟
虛兵食充足係臣職業雖遼左危殆之秋
亦江南戒備之日既不可漫分畛域以失
纓冠之義又豈可茫無隄防以貽脫巾之
虞臣查先年傳御史題

請改折水兌本為南帑匱乏之故未聞專為北
部而割去南米也戶部槩認三分之一以
為已物殊失初議之意乃如江西樂平縣
之全然未解太平府屬之止解一年曾何

濟南帑之萬一南司農之屬且追悔當年之回咨爲失策矣自改折至今七年之間僅完二十四萬六千二百六十四兩五錢五分以三分之一充餉計之亦只該八萬二千八百八十八兩一錢七分前四十二年奉旨借五萬兩四十四年借二十萬兩比又奉旨取二十萬兩已解過一十五萬兩餘五萬兩候催到續解則五倍八萬二千之數矣以所得二十四萬餘而反取至四十五萬是

數馬集

卷之九

七

改折不能爲

留京用而益重

留京之困也若以四十五萬爲別借不係水兌米則南京止有此軍糧寧別有天降地出之銀可供北部悉取耶在戶部操天下利權有司人

觀時例得稽錢糧完欠方許給由陞遷尚不能督責有司而能令南部督責令其全完耶今倉糧無六年之蓄帑金無半季之存支

放少遲鼓噪立至臣能談笑雍容以空手揮之使退耶故明歲倉糧但敢量議改折一年以其半解戶部一半留給南京軍士此後年分仍應徵解本色還南京用此外斷不敢多議以蹈割背肉醫腹瘡之害且嘉靖末年侍郎黃懋官因缺糧被軍士毆死其事猶在故老耳目北部亦聞之乎臣代庖計部三兩月且思息肩似可延捱以俟後人但兵食相須無食則無兵臣責任

數馬集

卷之九

七

謂何而可悠悠漫視哉今雖軍士補不足額糧若有餘但自朝鮮中倭以後既設水陸兵三千名而改折金衢紹三府水兌米一十七萬五千餘石以充兵餉及織造支用又將大小教場

神機營標營新江口營各抽出選鋒共一萬一千六百六十名每名除月糧一石外有增鹽菜銀二錢者有增四錢者一歲共該銀四萬一千五百餘兩有增軍之實無增

軍之名俱在後次改折銀內通融動支折色既增則本色益減故三十九年以後進倉米不及舊時一半即使盡完亦入者五十餘萬石出者五十餘萬石有何可賣況強半不完哉南京安危關係不小既經各司會議前來相應照例具

題除將原存水兌糧米及四門倉會同館國子監犧牲所神樂觀并

神宮監局等衙門米豆麻穀照舊仍徵本色外

數馬集

卷之九

十三

姑將應解萬曆四十六年倉糧江西湖廣照例每石折銀五錢直隸每石折銀六錢各倉黑豆每石折銀四錢內旌德滁州來安全椒四州縣上納江北應天倉者應改折五年其餘俱改折一年以文到爲始催徵俟四十七年終通算完過若干以一半解戶部濟邊其席竹等銀原係修理倉廩額需仍應照舊徵解南京其三十五年起至四十三年止節年拖欠本折米豆亦通

徵 已咨行各該撫按嚴行催督載入考

成已徵在官者剋期起解拖欠在民者作爲三分每年帶徵一分限三年全完亦以文到之日限每年終通算完過若干以三分之一解戶部濟邊餘留南京支用必須以實收之數分別南北解留無得南坐拖欠虛數而北坐實收盡行取用其四十四年以後見徵者仍徵本色解給南京四十七年以後亦難輕議改折其水兌改折米

數馬集

卷之九

十四

原議本無三分之一解部濟邊咨案具在無得藉口爲本部所許再來取用且北部南部各有職掌

國家官軍誰不待哺如近日

明旨所云但有前奉

旨那借南部銀兩嚴催解部以濟急用而已而部咨徑云將各倉米豆穀麥文到即便轉行原派各省直府州縣盡行改折二年解充遼餉夫以南京百萬軍民而兩歲無一

金之入斗米之輸軍士有不叫號狂逞者乎此何等事情而商權未聞作文屢至臣不知其解也再照北部咨開如南糧拖欠舊例年終叅罰近來未見毅然舉行欠者不罰則完者觀望而生怠合無將累年拖欠於年終

奏報照例嚴行叅罰造冊報部以憑覆

請此則前此爲南戶部者實多因循臣愚以爲爲今之計惟有擇用督糧部臣假之事權

數馬集

卷之九

十五

俾歲歲舉劾其所舉者雖不得比撫按正薦亦當視操江巡鹽屯倉各差作爲傍薦大計之年得如總河南贛撫院冊報賢否以備考察如此則有司稍知嚴憚而南糧或可完至十分八九矣若計不出此徒將南糧盡數改折解遼且以拖欠虛數責南部解銀是驅南京百萬軍民入於死地不出一年大禍立至臣棄官而歸不難但恐無人敢爲南京戶部者耳伏乞

勅下戶兵二部及戶兵二科會議停受覆請定奪施行果臣等言屬虛自甘狂妄之罪

酌議調停均運疏

題爲疲運船甲兩空經年苦累無補謹酌議調停以裨漕務以救官軍事武選清吏司案呈奉本部送據南京水軍左衛掌印指揮楊廷棟呈稱本衛原額漕船壹百玖拾叁隻分爲叁幫領兌直隸并江西糧米奈緣甲疲船缺苦累運官數拾年來幾遇選

數馬集

卷之九

十六

用如蹈湯火蓋目覩指揮千百戶陳懋忠等拾數員或禁斃囹圄或傾蕩家產或降革祖職或刎縊捐生以致國課虧欠萬餘其有船少人多及近奉沙汰遺有空甲如錦衣等衛差少軍多易於僉補請乞特賜通融准將本衛積缺船甲量於減汰有船各衛分派洒帶移咨漕撫軍門轉行錦衣旗手貳總除增船各衛原定水次俱各照舊領兌應天府漕糧不便紛

更外山將新增帶運各船比照蘇松常鎮
肆府挨年均派水次事例某衛派帶糧船
幾隻挨兌某府某縣錢糧至於隨船甲軍
亦照近日大船軍數僉補依例支糧而水
軍左衛尚存漕船若干隻分作貳幫選官
督領則船甲既已通融缺欠易於僉補再
查漕運通志弘治末年巡撫江西彭都御
史奏

請安慶衛運船軍少差多將該衛額船貳百隻

數馬集

卷之九

十七

內減撥伍拾隻與九江新安貳衛分領載
在志書可憑各緣由到部奉批武選司同
操運分司議妥報奉此案查萬曆肆拾叁
年據廣洋等衛掌印指揮李管等具呈欲
將各運衛船甲裒多益寡酌量丁力通勻
增減若造船底料除見今沙小改大自有
應抵充數此外各減船衛分照數送增船
各衛領造已經各衛掌印官會同公議外
今將錦旗貳總所屬均攤數目呈乞俯從

區畫稍蘇積困等情到司案候查議間奉
奉送據水軍左衛條議前事奉批前因該
本司署郎中事主事王宇會同操運分司
主事龔承薦看得今運務廢壞極矣船甲
兩空僉造萬難如廣洋江陰橫海龍虎龍
虎左水軍右豹韜左龍江左右皆然不獨
一水軍左也灑派一節今日所宜亟議者
蓋各衛運船不齊有多至百六十隻以上
者有少至貳十隻以下者向原酌丁力

數馬集

卷之九

十八

派乃今人戶消長衛事變更昔簡而今繁
者雖少增不病其厲昔殷而今乏者非少
減未甦其困窮則變變則通此其時矣夫
選定而議衰益彼居逸者誰肯分勞本司
當黃選之先曾諭諸衛公議調劑時各運
爲未定之任而各官爲無著之身故皆出
公心言成石畫酌盈濟虛誠急救運困第
一義合無依各衛議單轉咨漕撫軍門照
安慶衛減派事例轉行錦衣旗手二總將

各增船衛分除原派水次照舊領兌外其
新增船隻隨照蘇松等處勾派兌運隨船
甲軍亦照大船軍數僉補庶官軍積困少
緣而

國課亦不致虧損等因具揭稟堂奉批准依
各衛議單將船酌派其增者不過數隻其
減者則有拾數隻所謂衆擎易舉不偏累
壹衛誠救偏補弊之良策也速移咨以便
來歲新運派行繳奉此案呈到部已經移
奏馬集

卷之九

十九

咨漕撫軍門酌議去後旋接回咨稱漕船
原有志額卽安慶衛前改亦曾奏
請隨經劄行漕備道覆查議妥通詳以憑會題
增減仍督行加船各衛掌印官一面照部
議將旗軍僉定漕船造完通取名數覈實
呈報以俟來歲舉行等因在卷先是萬曆
四十四年五月初六日該臣黃克纘等
題爲復船廠恤軍困以裨漕務事奉

聖旨工部知道欽此續於本年七月初五日該

工部著部事右侍郎林如楚等准工科移
會訂議確妥復

題奉

聖旨是欽此臣等卽移咨南京工部將各衛運
糧船隻缺少者見行龍江廠管船主事一
而督造外其增減漕船一節當此造船之
時正宜派定以便僉甲領運而總漕舊者
將行新者未至不便會

題又經行據武選司署郎中事主事龔承薦

數馬集

卷之九

二十

會同操運分司主事謝璉復看得各衛運
務之困敝其從來匪一日矣不得已而議
復京造議灑派兩者皆補拯之急務誠相
爲表裏者也茲京造之議幸已欽奉

明旨准復龍江關舊制矣第諸衛時事互更而
漕船定額猶昔假令膠泥故常不一通變
則困者益困敝者益敝彼船多運繁者已
苦於莫支不勝偏瘁之虞而船少運簡者
復踰於自佚無異秦越之視若是而責其

運務克濟必不得之數也通查水軍左等衛共船一千三百五十三隻見缺船計二百二十八隻今船廠既復則漕船之缺壞者已可次第修造其間孰多孰寡應減應增斟酌調停正惟此日各衛已具有均派議單甘結在案合無照安慶衛減派事例量爲加減庶損益合盈虧之宜彼此得共濟之義專候具

題施行等因案呈到部該臣看得各衛運船

數馬集

卷之九

三十一

額有多寡所由來久矣原係酌軍丁之多寡參物力之盛衰行之已一二百年似難更易但丁有昔多而今少力有昔盛而今衰若不爲之均其勞逸則富且多者得以偷安貧且寡者不堪憔悴必至舉公家之事而盡壞之此賣糧棄船之弊所以種種疊出也今欲合各衛而均攤之在力之有餘者多數船不見其重而在力之不足者減數船則見其輕且軍雖各衛而同在

留都皆

朝廷所養育之遺黎也譬如人家父祖在上子孫盛衰不同自當合力供養若貧且弱者不能養而富盛者坐視不顧曰吾之供養無缺吾事畢矣豈得爲孝子順孫也哉今各衛掌印官俱已會議妥當視力之不足者減有餘者增於二十五衛之中裒多益寡咸得其平其餘難以增減者悉仍其舊此雖下恤各衛之私而實上濟公家之務

數馬集

卷之九

三十一

南都首善官軍素稱好義此其一徵矣既經司官具呈前來相應具

題伏乞

勅下戶部如果臣等所言有益運務覆議上請將錦衣旗手二總所屬衛分船隻照後開船數應減者如議減派應增者如議量增除各衛原派水次照舊領兌外其新增船隻照蘇松常鎮事例均派兌運隨船甲軍亦照大船軍數僉補以後永爲定例咨行臣

等及漕運衙門遵奉施行

優恤援遼疏

題爲優恤援遼官兵以慰忠魂併乞

聖明因敗思奮以收後功事職方清吏司案呈

萬曆四十六年閏四月十二日奉本部送

准兵部咨內開奉

旨援遼調取南京水陸官兵坐營都司姚國輔

等三千一員名刻期出關隨經本部會同

各該衙門於本月二十日督發起程前去

數馬集

卷之九

三

續於本年八月二十三日奉本部送准順

天巡撫劉 咨開將姚國輔所統南兵嚴

行挑選出關一千八百六十五員名其餘

一千一百三十六員名俱發回南等因備

咨到部送司案呈到部臣等竊謂蠢茲小

醜陷遼城堡殺遼官軍致動

天威赫然捷伐以天下之全力制一隅之小夷

宜奴酋授首不旋踵而底定矣詎意奴賊

奸狡以虞待不虞彼練兵借兵伏兵以邀

我而我兵無勇無制無謀輕入其伏中

路喪師六萬暴骨南京將士亦與俱亡海

西燐火盡是忠臣義士之魂肅慎遺骸猶

入孤兒寡妻之夢此固大將之自送死亦

或天心之未厭亂乎近覩御史楊鶴題爲

戰骨堪憐忠魂未慰事奉

聖旨這所奏東征陣亡文武將吏軍丁爲

國捐軀忠魂可憫已有旨查明優恤便酌

議來行欽此除各官贈謚立廟及錄後等

數馬集

卷之九

三

事聽候查明另議外臣等仰體

聖意將原調官兵數內已經陣亡者同各司官

郎中楊嘉祚林文熊謝璉員外郎方道通

孟紹康主事洪啓聰沈振龍鄒維璉於該

營遙望設祭臣等將至教場則官兵父母

妻子哭聲震天老壯孩童拊膺投地自非

石人能不傷心垂涕及諭以死得其所雖

死猶生今茲祭奠優恤以荷戈小卒至動

聖明留意其恩一何厚也乃始收淚吞聲忍痛

受卹坐營都司姚國輔家屬給銀二十兩
把總張應豹等二員家屬各給銀四兩
官吳大憲等七員家屬各給銀三兩
各官員下家丁馬丁等項人役共一千
三百六十五名各給銀二兩
尚有營官查無家屬在京目兵一百七十三名
未經優卹其未亡見在遼東操練者
生還書記曾抄一冊具有姓名
憐其遠戍絕域萬死一生
把總哨官張大本等家屬共給銀二兩

辱普以必報其憂勤也
飲食不致味聽樂不盡聲
問疾焚死老老慈幼大夫舌庸苦
成臯如等皆得進對以盡臣下之長
其自奉也非其身之所種不食非夫
人之所藏不衣十年不收於國使民
有三年之積其用人也四封之內百
姓之事委之大夫種四封之外敵國
之制委之范蠡其長育人民也令壯
者無娶老婦老者無娶壯妻
女子十七不嫁其父母有罪丈夫
二十不娶其父母有罪
十年生聚十年教訓其爲計若此之
遠也今皇上深居高拱近臣不得見
面小臣不得聞聲時以封章言事亦
未知得達與否其憂勤何如也
金銀山積而吝不肯發惟搜餉於南
都派銀於田畝且索珠寶催織造日以
益急其自奉何如也
枚卜不報會推不報考選不下庸才
而有內援相繼乘麾高才而鮮私交
虛煩啓事其用人何如也
頽城

不守殘兵不練土著不補任虜殘暴莫之
省憂多徵遠兵疲人道路輕撤邊備以啓
釁端其於生聚教訓何如也書曰無怠無
荒四夷來王

皇上欲收後功則怠荒宜戒於用人行政募兵
處餉宜鼓舞一片精神以爲臣隣之倡不
然急則徵兵緩則拒諫殺數萬不能使之
驚破數城不能使之怒優柔養寇任遼左
日削海內日困以至不可救藥雖吊死問

數馬集

卷之九

二十七

傷竟何益哉臣干犯

天威不勝隕越惶悚之至

題議減差船疏

題爲部帑取用已空快船濫費宜節懇乞

聖明稍減差額以裕財用事本年六月十八日

據南京外守備差官賁到兵部咨內稱遼
警時聞救援宜棘彼中新舊之兵尚計六
萬有奇宜急買馬二萬匹共銀三十萬兩
各省募兵應預買馬一萬匹用銀一十五

萬兩與在廷諸臣計議應太僕寺出銀十
萬兩戶部那湊銀十萬兩南京兵部借動
銀十萬兩南京戶部借動銀十萬兩南京
工部借動銀十萬兩爲目前買馬之用等
因萬曆四十七年四月二十三日具題二
十八日奉

聖旨遼事緊急這馬匹等項及借銀諸事俱依
議欽此欽遵合咨前去煩爲照本部題奉
明旨內事理即將原題內借動銀十萬兩希速

數馬集

卷之九

二十八

照數允發本部差官星夜領運前來以濟
燃眉急用萬勿遲延致悞軍機等因到部
送司案呈到部爲照兩京各部俱有職事
錢糧各有編派北部之多至于數十倍以
其所費者多如鶴頸之長不可截也南部
之少亦至數十倍以其所費者少如鳬頸
之短不可續也若各部俱加樽節則額派
之數歲用自裕日積月累多者可存數百
萬少者可存數十萬何至一遇事變輒稱

匱乏而取給於留京哉夫留京之財皆

朝廷之財也以

朝廷財供邊境用臣等亦何辭以爭顧其所積有限所取已竭不得不爲

皇上告且爲戶兵二部告也南京兵部每歲江西湖廣派有江濟二衛馬快船料銀八萬兩又南直應天等府派有柴薪直堂等銀二萬餘兩爲南京百官支用此項歲入僅供歲支並無贏餘此外惟有近京牧馬草

數馬集

卷之九

三十九

場地租銀一萬餘兩計一歲所入除柴直外不過九萬餘兩萬曆四十二年臣將之南京到任聞部庫中尚積有九十餘萬而是年兵部借去十萬兩矣四十三年秋季臣至南京庫存不過八十餘萬兩而戶部又於四十四年借去五萬兩是冬南京科道晏文輝郭一鶚等查盤臣部庫駕司共行船料等銀八十六萬二千兩此外正庫司柴薪等銀僅有三萬二千兩

三錢職方司地租銀僅存七百七兩一錢

此四十五年春問實在數目查盤踞冊見

在科中可覆按也自建夷作亂以來戶部復二次借去銀三十五萬兩今兵部又借去銀十萬兩共四十五萬兩是船料銀爲一奴夷已去其大半矣雖省直時有起解而數止八萬計每年黃馬快船六百七十五隻修造差使及水夫工食用去銀五萬五千一百餘兩操賞各營及買馬發操

數馬集

卷之九

三十九

丁劄紙劄武舉盤費又遣援遼官兵安家製造軍器旗幟會同館馬夫工食共用去銀三萬餘兩視原派八萬兩即使盡解已多用五千兩况省直拖欠且過半乎臣部庫中見存有三十餘萬兩僅足三年支用此時又將有

三王分封若一時用船五六百隻每隻修理及水夫守候工食須用百餘金又去一年之積萬一地方有意外救荒除暴等事則

一費立盡不誤根本大計哉臣於兵部所
取十萬兩不敢爭也惟待差官到日陸續
起解耳語云竭澤而漁非不得魚明年無
魚今南部之積可謂竭矣坐視其竭而不
爲之計是在事外者旣以他部之財不甚
愛惜而用之有侈心在事內者又以

朝廷之財不必苦爭而與之無吝意將坐而待
盡矣臣惟理財原無別法不過開源節流
四字南兵錢糧無源可開則惟有節之之

數馬集

卷之九

三十一

法而已查得黃馬快船每年長差例該一

百二十五隻如春秋

龍衣二十二隻二次鱗魚及乾共三十二隻

畫匣板枋八隻制帛膳盒鮮筍苧布竹器

及種薑鮮菓菜臺等物該船六十三隻若

使船皆裝滿則此一百二十五隻用不及

三然舊例額船百隻在灣守候以備不時

之需前人所議良有深意且

天子玉食萬方則每歲用百舟以

貢亦不爲過臣不敢議裁無已則內有裝批
杷三隻楊梅五隻此二物者熟時從樹摘
下亦酸澁不堪

上獻况水行三千里爲氷漬壞其味發變食之
傷人腸胃是可裁也短差船一百十五隻
除新茶木裨煎香橙薑菓及司禮御用二
監杉條船照舊外內有裝大木三十八隻
雜木二十一隻銅器四十二隻又間年飛
差派有官人板船四十八隻此二款者其

數馬集

卷之九

三十一

初每年一解不過用船七八隻五六年來
或二三年積併作一差增至數倍若使其
照船實裝則減去一半猶可附載他物臣
愚以爲明歲此四項船隻可減去一半苟
未得至京何必多用船令水夫得私載貨
物因以爲利也如此一歲可省三四千金
夫月月而積之至歲必增歲歲而積之至
久必裕臣區區微私願爲部帑節流者如
此亦塞漏卮杜蟻穴意也如蒙

皇上勅下兵部覆議

上請將臣所議長差船裁革八隻短差飛差船

減去七十五隻咨行臣部遵照施行仍諭

戶兵二部此後無得輕易借銀使臣部得

息肩十年爲荷且自完之計不惟部帑可

增涓滴而

皇上崇儉美德亦與天壤共垂不朽矣

改任辭疏

萬曆四十七年七月改戎政題

奏爲酬

數馬集

卷之九

三

知不敢辭難量力恐至僨事懇乞

聖明俯容辭免以安愚分事本年七月十一日

接得邸報吏部一本缺官事奉

聖旨黃克纘改兵部尚書協理京營戎政熊廷

弼已有旨了欽此臣荷蒙

拔擢委以股肱付以軍旅上應羽林之星近

接文昌之座又適當遼師屢敗城郭再陷

畿輔震驚

九重肝食擇人而使望之何殷臣感激

恩遇所不矢以身報者非人臣也除設香案

望

闕叩頭謝

恩外宜卽時趨

命以明急公之心但稽舊例凡二品遷除俱

當疏辭以見大任不敢遽膺進退必當有

禮雖在倉卒不可廢也且人臣事君旣度

其時又度其才時方急人而才足以勝之

如是而辭則爲避難時處其難而才不足

數馬集

卷之九

三

以副之如是而辭則爲審已今臣半臂之

才耳生平居官素乏建豎州郡連率幸不

隕越至於南樞則分量已盈矣今

國家何等時外侮方興內治未備營伍廢弛

軍容單弱勢家宦寺占役冒糧按籍則十

萬有餘倚戈則一萬不足必能任怨任勞

庶幾以漸清理而臣年已七十有一右臂

常患麻木志旣就衰力復非健而上下左

右之間未必能信臣之言行臣之志徒負

數馬集卷之十

溫陵黃克

續初學記

賦

南栢臺賦

爲李本寧太史作

客有遊於雲夢之澤聞楚翰林主人善作奇字造而訪焉主人曰不腆先人敝廬有二栢焉方伯公之所植也不肖孤行役於外以燥濕之不時僅存其一迨歸自嶺北乃爲臺而移植於此子其爲我賦之客曰唯唯蓋聞子虛之誇雲夢

數馬集

卷之十

一

也包衡平以爲林窮七澤以爲園木則梗楠豫章果則榲梨橘柚草則蘭蕙芎蒲芷若射干雖蒹蘼蘼無之微咸傷蒐而曲猗然受命於地惟松栢獨也而賦中所載乃於斯之獨漏豈其所謂苞括宇宙總覽人物者徒誇示乎盛覽終綦組之難富夫香草細物幽人象之松栢巨材君子象之詳於小而略於大雖長卿其若茲乃知方伯公之所植將以大材而見貽宜後世之輿慨閱千歲以離披主人曰楚之雲夢猶齊之有

大野也雙栢植而材不爲之多衆芳萎而材不爲之少願以他規客曰古稱喬木樹之百年國之家亦宜然故觀椅桐梓漆之詩則知材之所由裕觀松栢斯兌之詩則知世澤之所日綿且獨不覩夫鬱鬱葱葱者乎斯亦佳氣之聚焉故世鮮百年之人而有千年之木在闕里之檜樹干雲霓而上躡瞻孔聖之遺澤至今猶勃然其足踣繫君侯之先代指李樹以誕育稱通家於世世接孔鄰之芳郁從柱下以迨茲爲

數馬集

卷之十

二

江漢之望族微斯栢之盤鬱孰表夫李氏之華屋主人曰故國喬木子輿所譏若闕里手澤則小子何敢望焉願以他規客曰荊州之賦載於禹貢厥田下中作乂雲夢茵簳菁茅礪砥磨礮至於栢栢獨堪梁棟此天朝之所需與杻榦而並重在君家之子姓多丹穴之鸞鳳方謝庭之寶樹肩達适之伯仲爾其游息於篇草之圃偃仰於翠栢之傍思先人之手植咸奮迅而神王藉雨露以滋培飽風霜而條暢作周家之楨幹

備栢梁之雄壯則甫栢之寓意宜世世雲仍之
不忘主人曰展氏以柳下著姓而柳之爲物蓋
微馮氏以大樹得名而樹之取類抑未且杞梓
皮革皆楚材也何必栢願以他規客曰漢之亞
相寔居烏府樹以列栢表厥位宁夫其總攬紀
綱爲國儀羽應地五嶽承天八柱類斯栢之直
節竦千仞而難伍與黃中通理之槐均上公朝
位之所宜處早棘心之天天具繁刺而楚楚緊
君侯之尊人類翼翼之山甫旣賦政於方外將

數馬集

卷之十

三

夢職之待補爾乃保身明哲乞歸將父謝事紫
薇結盟芳杜豈其將遺此志於後人而植斯栢
於堂廡也主人曰李氏之栢無心植之王氏之
槐亦無取焉願以他規客曰櫟社之樹枝拳曲
而轉解昨之則觸嗅之則海程棟梁而罔中於
匠石其何操亦有楸桑以材自殆長僅及於數
圍壽不逾乎百載或斬爲狙猴之杙或伐爲高
門之楹不材旣棄材亦有悔豈若此栢蒼然蟲
鬼旣翳翳以全神亦亭亭而露彩不貽訕於擁

腫獲培養於真宰老楨幹以俟時遠斧斤而弗
害蓋材不材之間乃方伯公之所以自待退不
長卽於山林進不爭榮於僚案無心巢許向羨
元愷撫斯栢以徜徉憐貞心之不改易世而後
遺風猶在主人曰用舍行藏孔有明訓漆園之
論非其至也願以他規客曰蓋聞木有靈椿其
爲春秋也萬有六千又聞樹有蟠桃其花而實
也各以千年誠恍惚而怪誕何長存而久延豈
莊生之說說抑方朔之諧言疇能植之逍遙之

數馬集

卷之十

四

圖抑誰霜之沆瀣之淵惟斯栢之婆娑稟木德
之獨全幹凌霄而翹竦根入地而蜿蜒吸雲氣
之浮涼漱微霜之凝澌與天地兮比壽與金石
兮同堅麋食之而膾香貂餐之而毛妍樹之者
將亦松之與游培之者庶服食而成僊豈謝長
壽於龜鶴而美遐齡於彭篴也主人曰淮南桂
樹已成陳迹種柳金城徒滋慨歎且樹猶如此
人何以堪以是思哀哀可知矣願聞其他客曰
華實之木其種實繁三百篇識之而不備爾雅

存之而不論然皆隨榮枯於造化任消長於乾坤逢勾芒而甲折遇蓐收以斷魂驚鵲鴟之一鳴嗟衆草之不芬洞庭波而喬然者葉脫白露降而天然者歸根爾乃保合太和巋然獨存淒風不能爲之肅盛夏不能爲之熱長育於雨露而忘其潤凌傲乎霜雪而忘其冽閱朝華於屢披睨夕秀於幾絕夫其蔚然茂者若忠臣孝子不可撼以遇其挺然直者若志士仁人不可挽其轍古有禹臯都俞伊呂調燮咸忠貫日月誠

數馬集

卷之十

五

開金鐵亦有逢于壯激夷齊高潔周公托孤子卿持節見危致命剖心瀝血東海運而不盪泰山壓而不折豈世變之所不能移誠孤高而截巖故板蕩方之歲寒後凋比之勁節豈直其童童翼翼者爲可敬蔚蔚艸艸者爲可悅哉請酌酒酬酒而爲之歌歌曰植瓊枝兮中庭歷冬夏兮青青枝東西兮交讓感遺物兮涕零築高臺兮移植寄遐思兮儀刑使嚴霜兮擁護堅晚節兮娉婷發天籟兮清風團翠蓋兮曜靈上有雙棲

之白鶴兮下有羣飛之鶴鶴何必托處於巖阿兮長伴一雨於冥冥於是主人避席而謝曰先君子之植此栢也義取天保之卒章焉不肖孤懼不克負荷子幸教之敢不益封殖此樹以無忘吾子之規

渡湘沅賦

余四日間渡湘沅二水但值風雨感而賦此

我行自楚望湘沅之洪流於彼江潯上有九疑綿邈之峰下有洞庭沅瀝之浦駕輕舟而欲濟嗟風波之爲迂雲霧翳以迷津雨濛濛而蔽宇

數馬集

卷之十

六

何天吳之妬人魚龍出沒而吼怒吾聞子胥沉江其神爲潮無乃屈子於焉逍遙慚弟子於宋玉令巫陽而下招惟屈子之忠憤雖魚腹兮諒千秋其不化使江水而可竭兮吾乃如夫子之所舍兮夸父吸此二流兮夸父告予以不暇令精衛發憤而填水兮歎木石之難下吁嗟屈子固將從彭咸之所居兮又何恨於魚腹上官子蘭雖專楚兮孰云巢破而卵不覆郢都旣夷兮秦杜亦星明德之後亡非一姓兮曾何異於轉

輻自古必有一死今孰令人千載而痛哭沅有芷兮湘有蘭思公子兮水雲間余既濟兮風雨霽隱隱見南嶽之蒼山

叢菊賦

朱大參菊花一本兩莖開黃紫二色授簡索賦

西風兮嫋嫋白露兮爲霜百草兮搖落而變衰有叢菊兮獨旖旎其芬芳鏤黃金以爲蓋兮雕白玉而爲盤惟根株之殊種兮斯形色之實繁何此菊之曾敷兮雙幹挺而競美抽黃英與紫艷今本同根而異藥物固有以人而勝天兮若

數馬集

卷之十

七

天桃之奪郁李茲造化之自然兮豈人力之所能使若乃雕闌晨倚絳帷初施含曉露其未乾映朝陽以生姿則有皇英二女湘水二妃施黃紵而爲裳裁紫霞而爲衣望夫君於蒼梧鴻渺渺而高飛若乃月明如素清香微發對立霜前其寒刺骨則有首陽兄弟採薇充饑不貪周粟奚以國爲雖形影之漸瘦亦鶴立而追隨則斯菊之大節固髣髴其若斯昔騷人之托興兮餐菊英以却老比木蘭之墜露兮潔清可薦於秋

吳使靈均見此雙美兮棄荃蕙其如草信主人之修姱兮將顏色之長好則斯菊之爲瑞兮固齊芝蘭而共寶於是主人滌觴醉客授簡賦詩結歲寒之盟而退

栩栩園賦

漢川尹公有歿世之量年逾弱冠卽通籍金閨洊歷中外以鴻才亮節冠冕一時至是以中丞之節來鎮齊魯雖婆娑於九列非其好也曾營別業於漢水之南鑿池種樹爲老焉之計而世

數馬集

卷之十

八

務羈牽風懷未遂乃爲圖置之奚囊朝夕展玩庶幾若宗少文臥遊其間名之曰栩栩園而使甌越生爲之賦客有私於生者曰園名栩栩豈非有慕於蒙莊而與夢蝶同其適哉生曰然客曰夫周楚之隱士也犧牛楚相腐鼠千金怡情濠濮寄跡雲林方且逍遙於無何有之鄉壙琅之野彷徨乎無爲其側而寢處其下如是故能栩栩也若乃王公大人馳驚乎竹帛之場雍容乎鐘鼎之園麟閣可圖奚徘徊於蝴蝶姬公可

夢何想像乎莊生故王孫不歸巖壑以之無色
幽人未返猿鶴望以生愁而厲實意於狗華提
空名以向寂蒙竊惑焉生曰若客所言殆以井
蛙而測深於重淵以夏蟲而議寒於凝水也夫
君子或出或處惟時之宜大隱不隱道固委蛇
時中可法何必由夷故或釋耒耜而作阿衡或
棄綸餌而爲帝師咸潛鱗而待躍亦鼓翼而俟
時何必處之是而出之非彼之信而此之疑哉
請告子以尹氏之事周之中興翼自吉甫穆如

數馬集

卷之十

九

清風雅頌所祖迨及翁歸著聲三輔奕葉相仍
宅此江許有燁中丞兼資文武天才綺練人倫
餽黼雲橫八極作霖下土迹其宦轍所至寒谷
爲春故能使鄭僑讓惠咎繇遜仁邁龔黃之治
行規召伯之南巡方召謝其捷伐而伊呂揖其
陶鈞也然猶以爲道國隆而不替時有屈而代
伸故進不怠退貴不怠貧處巖廊而思澤藪當
秉鉞而憶垂綸於是闢地數畝於漢之陽亘以
長隄周以短墻結茅爲屋引流爲塘庶幾伊人

在中央花樹之植紅碧成行疎可容徑密不
蔽光其木則霸椿檜栢棕樹甘棠堤垂柳柳井
覆梧桐玄實之槐香脂之楓節目魁瑰條幹龍
從依稀五柝彷彿長楊其竹則會稽綠筠楚地
蒼筤淇園箇籊湘浦簣管根本叢緻枝葉密蒙
擬清風以鳴玉待明月而棲鳳其花果則菌桂
桃李杏梅橘柚石榴夏熟蕙蘭冬秀烏桺大谷
低垂密覆齒菖芙蓉同姿異臭木槿朝披夜合
夕簇皆含雨露以滋生順陰陽而應候又有蹲

數馬集

卷之十

十

鳴可飯蘋繁堪薦鷄頭菱蕨礬之爲麪瓜瓞蒲
蘆蓴芹葵莧野老懷以上獻季鷹思之入饌至
於麗留水族清池並蓄鱣魴鯉鯉鯪比目縮
項槎頭滌潯跳躍或翻萍而吹浪或負水而就
旭羽毛之奇雖非所珍樂我園林厥性自馴鸞
斯鴉鷓鴣鴝丹鶉伯趙司秋玄鳥司春風月之
夜烟雨之辰聽彼好音用陶吾真近則河流遶
舍舟航來往湖水不波青天下上菱歌棹唱耳
聆心賞遠則九疑暮烟衡巫朝雲洞庭微波落

紛紛因征鴻以送目吊重華與湘君主人乃
席薜荔衣芰荷撫瑤瑟酌巨羅攤書史發謠歌
歷覽既畢繼以慨嘆曰嗟乎此地固周室諸姬
之所宅也芊姓之君實盡俘之以廣其阡陌蓋
及今而三戶僅存霸業銷索俯仰千古江流如
昔異時戰爭之所啟闢余得私而有之偕賓朋
而暫適余亦於園何有惟是草樹之成列與夫
圖書之四壁處則於焉盤桓出則載以方冊庶
幾哉四時可以長遊非魂夢之所能隔由是觀

數馬集

卷之十

十一

之公之所謂遨遊者果形耶神耶形則尋丈之
外不能相及必神也則宇宙之廣可旦暮遇奚
區區一園之間哉且也天下皆夢也所夢而聲
色勢利者迷也所夢而閉曠蕪澤者覺也彼處
富貴而夢山澤者非大覺乎必有大覺乃能知
大夢也悲天客之寐久矣於是客再拜謝曰鄙
人不敏寔慙斯義子幸教之乃遽遽然悟也願
從公於園爲逍遙之遊

筠岡賦

大西北之美者有雍州之綠筠焉爾其托深根
十陸海挺高幹引渭濱本虛中以植節體圓質
而含清浴甘雨兮沐清霜閱春夜兮歷秋晨垂
綠實之離離兮淨碧玉之纖塵類淇園之君子
兮擬竹溪之逸人截之則嚼谷之參差兮固律
呂之所珍雖隱處於排側兮終芳名之難湮抽
籊籊於旅月兮稟淑氣於大鈞低籠煙而鮮潤
兮高聳日而嶙峋來丹山之鳴鳳兮覽德輝而
相親時迎風以成籟兮發清吹於伶倫參韶箴

數馬集

卷之十

十二

之雅奏兮趨蹌乎有虞氏之臣鄰斯筠岡之玉
荀兮挺高節而常新如松栢之有心兮貫四時
而厥操維均即餘枝之偃蹇兮亦紺深而綠勻
余怪夫禹貢稱箇箴與篠簜兮獨取之荆揚而
遺秦君不見渭川之千畝兮傲霜雪而長春

題

栩栩園楚詞

淡水清兮潺湲東朝宗兮不還望林臯兮莽莽
依江上兮青山中人兮何之控威鳳兮駕赤

螭訪重華兮瑤圃將弭節兮崦嵫闢雲夢兮爲
面引江漢兮爲池植蕙蘭兮九畹種橘柚兮千
枝屑瓊玉以爲柅兮挹沆瀣而爲卮白雲爲幙
兮長松爲廈逍遙容與兮廣莫野過九江兮樹
杪落銀河兮向人瀉魚游兮藻上蝶迷兮花下
花下夢蝶兮人未歸山中桂樹兮自芳菲懷佳
期兮夕往魂繚繞而依依願相邀於皓首兮返
薜荔之初衣時不可兮驟得徒目極而心飛

少司徒郭公像贊

司徒公名已四年其長君
携此像至齊余見之不

數馬集

卷之十

三

勝存沒之感通爲之贊
陽明感事情見於詞

我思古人兮在竹素音徽既遠兮空馳慕我於
今茲兮願見之蕭條兮替兮不同時孰謂今人
兮不古處圖中之人心可許春風面兮鐵石肝
薜荔爲衣兮瓊玉爲帟若與余兮目成欲訴生
平而不得語鍾山峙兮江水流君思我兮散離
憂觸龍鱗兮遭放逐雨冥冥兮風颼颼洞庭波
兮木葉下我逢君兮在江夏居人示我兮墮淚
碑羊公之德此其亞駕青虬兮入長安我思君

兮借羽翰樹鳥還兮井水溢觀鹵簿兮憶漢官
君畱燕兮我遷齊心雖邇兮迹已睽忽返旆兮
故國空山寂寂兮鷓鴣啼十年一夢兮前事俱
非瞻此儀像兮淚滿衣世風頽兮孰砥柱彼虎
賁之千中耶圖想像其依稀羊曇痛哭兮西州
路況披圖兮與公晤我欲贊君兮筆思竭空嘆
息兮艱難之天步

觀兵東牟海神廟刻石

惟靈海之浩淼兮爲衆壑之委輸浮青天而無

數馬集

卷之十

十四

際兮窮地軸於東隅吐日月於扶桑兮神功運
而若無中包羅乎萬國兮裸人黑齒而形殊順
則奉琛而鼓棹兮逆則顛覆於大颶斯華夷之
一界限兮奚啻乾坤之粵區若乃東牟之爲郡
全跨渤海而形孤北隣肅慎於一水兮時飛楫
矢之石磐東南臨洪波之淳涵兮島嶼列而嶽
嶺彼鯨鯢之異類兮時鼓鬣而揚鬚將陸沉吾屬
國兮殆十載而帶天誅賴海若之効順兮殪長
鯨於須臾吾戈船之森列兮若逝鷁與驚鳧暫

假幟而臥鼓兮軍士投石而歡呼某叨東方之
節鉞兮敢時平而忘遠圖閱武而臨瀚海兮魚
龍潛避乎舳艫酌卮酒以酬神貺瞻廟貌而蹌
趨快大觀於宇內兮直將杯視乎江湖喜天清
而波淨兮眺蓬萊與萬壺有海市亘於長空兮
恍惚乎仙人之所都悲徐福之去而不返兮嘆
麻龍之誠愚第令海波長不揚兮詎非中國有
聖人者乎時不可兮驟過聊授筆於貞珎

數馬集卷之十一

溫陵黃克纘紹夫著

詩

南皮河上弔成安君

五章章四句

張秦存趙耳餘同功一王一侯積怨重瞳河

上草澤漁獵其中瞻烏楚漢誰者雌雄夏說

開說田齊興戎全趙既舉傳王何忠耳念諸

侯漢昭楚韓餘獨不然斬耳乃從泚上義兵

方索智窮嗟哉左車畫策徒工

數馬集

卷之十一

一

汾州詠懷古蹟三首

天門晉公子問關返舊國從者貪天功往往生

德色飄然綿山翁長往不可卽山高暮雲深千

古寒灰黑

其二

東周已失取戰國生戎馬擾擾詐力間誰是尚

賢者美哉魏國君師事方與夏流風寄汾水長

日長滿海

其三

吳子守西河秦兵不敢東得士無異故甘苦與
之同泛舟下中流欸欸効其忠一朝被讒去秦
魏成雌雄

夜宿神池堡次壁上楊太宰萬司馬韻

天外黃花成連雲百雉孤虜今鳴鏑否士復請

纓無歲月冰霜積關河草樹枯和戎如可恃諸

將莫愁胡

潘王席上應教二首

乾坤皇國大肺腑帝孫親王自全忠孝人同覩

數馬集

卷之十一

二

鳳麟唐風歌秋杜郢曲發陽春尊酒鶯花暮新

詩寵使臣

其二

霞桂舊招隱更生老校書捲簾漳水濶倚檻太

行疎賦就梁園日經存魯殿餘相如猶未吃應

詩度長街

詩蘇李觀察有詩見懷用韻奉答二首

雲白朝橫塞煙青夜泊沙陸離分寶劍縹緲泛

星槎野戍臨風笛胡天入暮笳思君春復盡徙

倚惜年華

其二

之子黃河曲相思寄鯉魚寒煙春浩蕩郵月夜
清虛憂國丹心在籌邊綠鬢疎應憐羈客暮隻
影下庭除

發壽陽夜至成晉驛

北望三關道風塵慘不開人煙仍絕壁野戍自
高臺殘月寒能照悲笳晚更催平生有壯志寥
落一興哀

數馬集

卷之十一

三

登北嶽二首

大地雄西北恒宗況挺然四時寒有雪一柱翠
擎天氣壓中原壯名居五嶽先因之窮遠目歸
雁朔風前

其二

北極標天柱峻嶒思不羣秩尊同岳伯禮重憶
虞君宇宙茲山在華夷一塞分未能畢婚嫁仰
止意徒勤

清涼石

在五臺山是
文殊誦經處

乾坤一片石萬古落空山寂寞禪關外虛無燒
鵲間香餘花雨氣色帶苔痕斑說法人何在尋
真自往還

出塞十韻

雁門稱絕塞北去又何之水渡桑乾曲山看恒
嶽危障雲凝朔氣澗雪漲寒漪霞彩明金甲塵
氛亂翠旗三冬多慘色二曜罷清曦戎馬思他
日軒車暫此時數家成井邑百里見茅茨短髮
朝仍落敝裘風更吹愁惟青鏡覺心有吳鉤知

數馬集

卷之十一

四

信美非吾土悠悠我所思

岢嵐卽事有懷李觀察

時芳

朝辭五塞南夕騁嵐州路物色澹郊墟山光明
日暮蕭條見古臺絡繹起荒戍漢築趾仍存趙
城基牛仆靈霄霽雪深漪水寒冰互返照射黃
河勁風來句注地形倚塞高天意飛沙怒野曠
叫鵠窩穴深隱狐兔峯巒望外蟠雉堞空中據
久客此時心他鄉今夜度西方有美人森森隔
煙霧

冀門贈吳太守同春之東省督學

才大今詞伯西曹憶舊僚分符吳國遠持節隴
山遙桃李春風地關河雨露朝九重思良牧
三晉動高輶處處歌棠蔭人人賦黍苗龍章新
拜寵多繡荷遷喬月旦崇鄉論文光映斗杓望
雲瞻岳岳觀海漲溟潮仰止心初慰朝宗路不
遙況茲東魯士久聽有虞韶豈弟君爲式璠璵
彼待珣何殊聲應谷堪信景隨標赤子攀征蓋
綠楊戀去鑣薦紳追濟濟書劍往蕭蕭因喜泰
數馬集 卷之十一 五

吊長平

茅拔還期鼎鼐調附驥心空切裁詩媿續貂
吁嗟乎長平之事幾千秋胡爲使我淚雙流括
讀父書而已矣起小豎子何足尤四十萬兵滿
天地可憐駢首啼相視智愚勇怯同淪亡徒使
英雄憤異世

榆關懷古

按史記韓信張耳破代兵擒夏
擊趙破咸安君
云水上仰北地

榆關關前勢偏窄小徑盤空僅盈尺車難方軌

騎難列一夫當關可坐阨成安義兵二十萬眼
底全趙如磐石深溝高壘計若施二將之頭旬
日得迂哉儒生恥詐謀避敵弗擊恐非策三萬
奇兵不暫假二千旗幟變爲赤左車有計空自
畫敗將曾奪上將魄千金生購解其縛坐之東
鄉爲上客摧燕拉齊數語間漢家元勳今猶赫
嗚呼千秋遺跡榆關頭古廟蒼蒼落日黑

戚夫人

讀史記謂侯世家見
戚夫人事感而賦之

定陶戚姬色盛時娥姁已衰寵漸移長子仁弱
數馬集 卷之十一 六

子抱呂氏居守戚氏隨帝非戚姬不安席如
意類我我將易況是夫人日夜啼玉筋綿綿沾
君簣手提三尺英雄心對此柔如蠶吐白叔孫
有舌空耳爲周昌期期爭不得縱畏盈庭逆耳
言曾如繞膝傾城色傾城顏色舞婆娑呂真若
主可奈何鴻鵠高舉橫四海惆悵楚聲一曲歌
歌一曲淚如雨妾身雖存誰爲主

邊城阻雪

平城塞上鈴聲發高鼻胡人作鈴卒江南遊客

喜探奇欲上長城覽明月黃昏列炬磧中飛夜
半雙燕天外歇天外寒多夢不成憶來朔氣侵
人骨雞雞梳髮望青天雪花片片當空沒萬里
流沙路渺茫百墨寒山勢碑碣况有雲中百里
程欲往其如山難越欲撥陰雲叩彼蒼天意陰
晴尚恍惚萬事變化難爲料豈獨雪花來倉猝
君不見今朝皤皤頭上絲昔日青青幘中髮智
者順時愚者愁莫損朱顏空咄咄

聽林將軍謳者彈琵琶歌

數馬集

卷之十一

七

昔讀荆卿傳傷心易水歌千載漸離筑至今淚
滂沱壯士已陳迹哀聲同逝波馬上啼紅粧一
曲傷綺羅此曲人間流傳久青塚玉顏幾凋朽
塞上健兒學悲歌能使苦心隨妙手輕挑細抹
調未勻裊裊春風飄弱柳春風駘蕩柳絲翻處
處黃鸝鳴求友歡聲漸少怨聲多恍惚秋空鴈
陣過淒淒切切聲相續又如百里趣利之兵鳴
甲而相摩籟急秋霄波逝黃河使壯士怒髮上
指欲伊吾鳴劍虎穴橫戈壯極以悲夜如何其

寡婦尋作孤猿求兒哀似絕而非斷淚既收而
復垂雲歛巫山夢醒楚館煙渺渺而將收雨霏
霏而未散欲急不急似緩非緩鳩在河而關關
鴻漸響而衍衍吾非刺秦之士出塞之女安能
對此慘怛而憤懣乃知音無清濁藝至則極曲
無美惡心蕩則惑况乃絕世技出以傾城色傳
容者何論宋子披圖者胡不沾臆

寄李觀察 時芳

數馬集

卷之十一

八

與君未合便傾心感君贈我雙明琛雙琛遠自
玉關至佩之照見商與參驅車憶上白登道朔
風吹天天欲老音容忽墮夢中身愛君苦不逢
君蚤歡亦不可極情亦不可畢江河已覺瀉雄
談山岳方看搖彩筆伯陽西去青天遙紫氣餘
光映寒日感君意氣干雲霄咫尺關門常見招
俟我平原十日飲坐間更許聞簫韶人生有情
難自保積雪檐林若爲掃雙旆隨風落天邊翻
令久客傷懷抱歎息仙舟不可登一夜愁魂欲
九升徘徊六合無知已何日逢君賦大鵬

石州行

石州古城何磊落漢武年中徐王作爾來二百
有餘秋煙火萬家照城郭重門晚開夜烏啼小
院春閒桃花落青樓朱郎照日明梵宇仙宮連
霞艷北風吹塵滿林胡戎馬驕嘶欲長驅三關
將士膽破碎踣躅空効轅下駒遂令此冀軼內
地頃刻十繞郡城郭城中守臣乏良圖登陴誰
復肯捐軀羽箭如麻落交衢丁壯紛紛下城趨
生靈百萬同日死哭聲震天天欲圯烈骨長埋
數馬集 卷之十一 九

井底魂紅顏半作帳中婢母舛道傍兒猶乳有
血總膏胡地斧萬戶傷心起暮煙祇今惟有數
杯亡胡人不見漢兵隨胡出不聞漢將堵輜重
絡繹橫山去馬疲往往棄林藪嗟哉中國豈無
人胡謂北返之隻輪我雖詞人膽氣弱對此猶
能髮衝巾前事不忘後事師虜昔何銳今何衰
塞下之盟君莫恃城上之守君圖之

吳城驛

清溪二月寒冰結日日狂風吹樹折沙驅欲走

不走石山浮將盡未盡雪昔歲石州困瘡痍比
年石州仍阻饑蒼生自合甘荼苦欲問蒼天豈
得知

莫相疑行

空庭古木棲寒鴟蛇倒挂枯樹枝蓬蒿斥鴳
偶飛過長鳴一聲似嚇之嗟爾相嚇欲何爲翅
逐東風下上吹能隨翡翠立洲渚曾伴鴛鴦翔
玉墀萬物寓形同宇宙不爭飲啄莫相疑

酌酒問南箕

數馬集 卷之十一 十
天上有星名南箕我今浮觴一問之詩人謂爾
不可以簞揚爾乃噓氣長把乾坤吹陽和三月
春將老花鬚柳眼覺春好惜春恨不春長嬌一
夜隨風飄若掃處處農家耕種稀川原惟有紅
沙飛密雲不作西郊雨白日吹散無晶輝有獸
名於菟與爾上下相歡呼有鳥名鷄鵠爲爾遠
徙魯城隅我本天地爲遽廬郵亭爲爾立須臾
爾無助天以爲虐時和好把憔悴蘇酌君酒君
知否獨不聞雲之君雨爲子風爲友

度太行山

黛色橫空夜渺茫，清秋曉望更蒼蒼。山從積石開天險，客指浮雲認帝鄉。三晉關河連朔漠，中原形勝接荆楊。今朝疋馬羊腸路，泣阮悲孫兩意長。

白登贈大司馬少傅鄭公

公曾有詩見贈

尚書壯氣碧霄高，十載籌邊軍務勞。櫪馬秋風嘶苜蓿，春酒薦葡萄。藏鋒匣底真龍劍，制勝尊前是豹韜。降虜安疆功第一，九重新賜錦

數馬集

卷之十一

十一

宮袍

雲中贈胡中丞三首

聞道雲中戰伐多，洗兵今爲挽天河。千山入夜無烽火，萬戶方春盛綺羅。橫槊元戎時作賦，請纓年少且高歌。黃沙一騎飛關吏，又報降王獻橐駝。

其二

桑乾如帶水潺潺，威虜城高未閉關。但有窮廬依北徙，應無石柵向南彎。春風怕嶽雲中地，朔

雪焉支塞外山，湮酪從今嘗已慣。開尊一爲破愁顏。

其三

北來肌骨苦寒侵，萬里長城迹可尋。青塚草迷妃子夢，白登笳碎健兒心。寰中形勝三雲古，塞上風煙大地陰。珍重雄雌雙寶劍，夜深頻作老龍吟。

登陽和北口邊城

萬山勢向虜中奔，漢主重圍迹尙存。甌脫不鳴

數馬集

卷之十一

十二

新箭鏑將軍尚泣舊刀痕，十千鐵騎聞秋戍。三尺龍淵倚塞門，更送夕陽樓外目。何人收地到崑崙，麻大將軍以刀痕見示

其二

萬里遨遊亦壯哉，百年高興此登臺。天荒地老畱秦堞，雨將雲臣陋漢才。南國胭脂君莫惜，陰山騾褭歲還來。聊傾尊酒勞夷使，城下歡聲震若雷。

胡中丞握蘭齋同陳戶部分韻時事將有雷

南之

氣藹蘭齋清話長殷紅琥珀醉深觴天南斜挂
燕臺月塞北遙分漢署香綵筆凌雲多氣象青
萍入夜有輝光綈袍不畏風侵骨立飲轅門到
曉霜

其二

殊方雪後此身孤海內交遊尺素無北去眼驚
夷夏界西來心繫帝王都慙慙地主能懸榻漂
泊書生欲棄繻他日一杯誰共醉郵亭風物屬
征夫

卷之十一

十三

雁門關

天險由來壯北門入雲旌旆見飛翻河山有限
中原固日月無情出塞昏雁影風高堪急度馬
蹄秋健莫追奔近聞降虜銷金甲處處春農雜
戍屯

其二

雙峯竝峙一溪分隱隱雲端見雁羣白草黃沙
天外悵悲笳急鼓隴頭軍漢朝飛將名還在

李廣

曾爲雁門守秦世荒祠事忍聞關南有此日翠華猶
望幸武宗曾巡狩至雁門郡七峯縹緲插青雲

元宵次寧武關

孤城遙枕北山隈出塞人從此地回豈有軍威
同細柳空餘羌笛怨落梅逢春綵筆猶含凍入
夜紅罍漸冷灰轉憶故鄉花信蚤慙慙來向燭
中開

望偏關寄李兩山兵憲

北防胡騎西防河天上風雲殺氣多今日廟謨
數馬集

卷之十一

十四

魏絳邊城將略倚廉頗偏關險路無荆棘絕
漠空山長薜蘿未得從君觀虜帳百年回首一
高歌

慶成王西園山亭夜宴

梁園遊樂有高臺客況逢春得好開芳草總承
新雨澤小山猶帶舊莓苔亭邊曲水流花出洞
口疎簾引月來自是賢王能設醴翻疑人醉習
池回

永和王招遊西園山亭

高臺斜日散餘暉
桃杏春深花片飛
水吐玉龍歸
碧澗風低乳燕拂
朱扉
星臨殿宇歌初罷
月照山亭客未歸
我亦王門曳裾者
愁人四牡更駢駢

送中丞許公移鎮宣府

憶昨平城塞上遊
朔雲猶似漢時秋
煙橫獨石關
山冷月照流沙鼓
角愁三輔
重關勞北顧
九陵佳氣自東浮
離心無奈旌麾遠
何日蒼蠅托紫驄

數馬集

卷之十一

十五

題高平陽明府祖母任太孺人貞節卷

玉簫何處憶麻姑
仙子壇前三世身
存餘涕淚百年心
苦對盤餐青春花柳他生夢
白首絲綸此日歡
勾令有砂堪寄遠
慈顏應駐紫金丹

登翼城南樓

山河表裏是唐墟
野老猶傳晉舊居
盛世遺風人去後
伯圖殘業鳥啼初
一溪碧瀉樓臺外
萬井青回雨露餘
欲賦思深慙季札
倚闌空有立

躊躇

襄陵公署夜坐

天畔流漸入草亭
裁詩今夕思冥冥
池花園竹傷心細
柳新蒲着意青
林定棲餘他夜鳥
簾疎照罷此時螢
黃姑隱見銀河渺
空道乘槎有使星

奉和潘王春日樓居韻

高樓縹緲棟雲輕
瑞氣氤氳帝子城
晴日簾櫳嬌語燕
春風花萼醉流鶯
分來秀色青山迥
賦

數馬集

卷之十一

十六

就新詩白雪清
聞道賜書餘萬卷
更將簪校學經生

劉大參楊僉憲招遊姑射山宴平泉上

平泉西下白雲天
流盡韶華不記年
餘瀝已膏唐地外
愁聲故落晉宮前
濯纓清對人如玉
紉佩香生澗有荃
更想歌風汾水曲
中流直欲泛懷船

葉岑驛和林登卿太守壁間韻

一天晴色浸清溪
路轉峯回上下迷
處處誅茅

禽漸綠山山伐木鳥空啼愁窺煙樹聞猿嘯喜
蹴風花送馬蹄却憶同心林水部蒼苔古壁數
行題

行次玉山程孟孺夜半自山中攜酒來訪
分韻得深字

陸亭擊析夢初破江漢懷人思正深何處芳樽
來月下一天清露坐花陰十年淮海燈前事千
古乾坤醉後心無那雞聲起愁緒側身西望絳
河沉

數馬集

卷之十一

十七

濟上別黃孔昭之長蘆訪李運使

余將之京

與君同調復同征春雁春雲萬里情大地關河
雙劍倚暮天風雨一尊傾行邊柳色深官舍夢
裏鐘聲下帝城客路離懷應自見堪憐兩地月
孤明

送李雍野侍御按三吳

青青御柳拂鳴騶君去姑蘇是舊遊臺上薰風
清使節江頭梅雨度仙舟金錢內府猶稱詘水
旱人家未釋愁故老思君如望歲閭門月色待

全樓

長陵陪祀

仙臺獨上眺晴川猶記邊庭戰伐年終古烏號
遺北塞至今龍馭在中天丹楓翠栢祥雲裏碧
瓦朱甍落照前聖主孝思頻遣使清秋風裊御
鑪煙

恭謁 永陵

園林面面盡青山先帝衣冠藏此間遶殿寒松
侵瓦綠懸崖怪石點苔斑須知江漢英靈在笑

數馬集

卷之十一

十八

識乾坤王氣環欲把中興勲業數鼎湖髯斷不
堪攀

碧雲寺

連雲宮殿枕山阿碧沼涵空野意多總爲黃金
高北斗爭將白玉琢維摩閣知鳳輦經遊處泉
似龍池湧出波咫尺居庸風景異關門烽火近
如何

香山寺

石磴迢迢挂彩虹登臨漸近碧霄宮山方南國

時相似地接神京勢更雄風雨忽來蒼翠外樓
臺半入有無中 九陵王氣堪圖畫巡幸何勞
到岱嵩

冬夜訪黃孔昭山人客舍得驚字

仙掌孤高映月明城頭畫角動悲聲孤燈雪後
千門閉短榻天涯一夢驚異代酒徒憐對泣當
年詞客感同征爐煙漸冷疎鐘發滿地霜華送
獨行

塞上曲十首贈中丞許公行邊觀虜人貢

數馬集

卷之十一

十九

馬

銀鞍紫鞵繞高旌某道元戎出冀城尊俎自能
采黠虜書生無事請長纓

其二

手拂珊瑚白玉鞭馴餘驕虜氣如綿僕姑弦上
休輕發稽首天威不犯邊

其三

西風昨夜起西山胡馬驅來滿漢關爲戴聖朝
同覆載故將雲錦貢天閑

其四

自古燕南饒驪褭未應塞北覓驂驪但教胡馬
坐銷鑠便是中原最勝謀

其五

三關地倚雁門險千載事乖馬邑豪一自禦戎
收上策狼煙秋靜塞雲高

其六

防邊舊築三城戍逐寇近消六月師馬上臨風
吹賊策正是胡兒腸斷時

數馬集

卷之十一

二十

其七

霍勳勞未足誇中原壯士委泥沙匈奴款塞
看今日對壘何須急暮笳

其八

句注山前萬馬飛漢皇從此出重圍謀臣雲雨
虛施巧會似今朝一指揮

其九

冀北幕南百萬家年來處處盡桑麻爾曹豈識
中丞力秋入寒門菊自花

其十

堪笑東南一腐儒側身天地每愁胡因歌出塞
騷勤問猶有燕然片石無

禪亭驛

銅鞮宮路柳絲輕車馬平丘縱復橫千古夜臺
羊舌夢春來惟有野煙生

畱吁公署夜坐

微雲斂盡碧天寬榆樹風聲夜夜寒羈客不堪
頻對月夢魂飛度太行難

數馬集

卷之十一

三

茶洋驛次壁間徐子與先生韻

丙子歲先生以廉憲

監閩試某是年舉于鄉

空廊寒雨滴殘更回首西風愧識荆聽罷鹿鳴
人不見韶華流盡劍溪聲

其二

花暗山亭月未圓紗窓風竹對愁眠心懷騏驎
猶千里髮短江湖又十年

和沁水王見梅相憶

薊門臘盡暗飛香月到窓紗客夢京南去虔州

連庾嶺一枝欲寄楚天長

數馬集

卷之十一

三

數馬集卷之十二

溫陵黃克纘紹夫著

詩

歸州有懷

宋玉多才媿楚臣
苦將詞賦擬靈均
襄王一夢醒何處
神女千秋色動人
夾岸啼猿巴峽曉
連峰飛雨渚宮春
招魂本是離騷派
讀罷離騷淚滿巾

昭君村二首

數馬集

卷之十二

一

十二巫峰昔降神
明妃艷色更無倫
玉顏一見君雖惜
總作陽臺夢裏人

其二

手抱琵琶出漢宮
昭君馬上淚珠紅
自甘白骨埋青塚
羞把黃金買畫工

曉發夷陵道

萬峰東下勢初平
野色蒼蒼接郢城
月送雞聲三戶曉
霜沾馬足九秋輕
虛無雲雨襄王館
搖落江山陸遜營
莫問武安征戰事
夷陵灰冷不

勝情

玉泉山關將軍廟

是雲長被害處

高構祠堂俯碧泉
英雄曾記建安前
淒風入座髯猶奮
赤日當空膽正懸
生死總歸扶漢室
興亡何處問皇天
獨憐血灑舟山日
便作千秋廟祀年

玉泉寺

勝地藏金冊清溪湧
玉泉高丘仍漢末
寶刹自唐前塔影寒
秋月鐘聲散曉烟
名山分四絕雅數馬集

卷之十二

二

詠古今傳

當陽懷古

井邑蕭蕭郢上游
居人猶自說曹劉
情牽赤子甘同敗
志復炎精蹶不休
宇宙卽今無蜀魏
英雄千古只山丘
臨風欲問霸圖事
沮水無聲日夜流

荆門九日懷蜀中僚友

故人別來久客路况高秋
未覺三巴遠難同九
日游望雲疑劍閣對月憶刀州
莫把雙魚阻汶

江畫夜流

夜宿曾司空故宅

上卿曾縮司空綬兼秩亦承少保恩今日故居
成傳舍高樓寂寂對秋原

登黃鶴樓

縹緲飛樓出郢都山川檻外見披圖乾坤此地
中分楚江漢千年迥入吳九月風高黃鶴杳一
天秋淨白雲孤夕陽紅處烟波濶好泛扁舟向
五湖

數馬集

卷之十一

三

望軒轅臺

在君山上

鼎湖龍去幾千秋一抹君山水面浮欲向軒轅
臺上望北風吹浪不勝愁

小喬墓二首

在巴陵城外相傳周郎鎮巴丘小喬卒葬於此

夫婿東吳美少年玉顏傾國古今憐休將粉黛
悲塵土埋盡英雄是此阡

其二

銅雀高臺久寂寥周家少婦骨全消當年吳女
曾歸蜀豈向阿瞞惜二喬

岳陽樓望洞庭湖

洞庭秋更好四望碧氤氲岸遠烟波失山浮氣
象分晴光宜浴日寒色易成雲欲泛滄浪去洲
中杜若芬

初入長沙遇雨志喜

三秋苦不雨全楚久咨嗟朝暮盼浮雲惟見虹
與霞我自巴蜀來日日苦風沙征帷熱不捲道
路阻以遐長沙舊卑濕遠在湘水涯守臣所分
地蕭條百萬家嗟予望雨情何異病渴茶曉入

數馬集

卷之十二

四

瀟湘路暝色忽交加暮雨連千里處處見鳴蛙
自慙中塾角敢道雨隨車籬菊變黃英園蔬長
綠芽冬寒田可麥山深人自畬薄暮憇郵亭頻
聞村鼓撼陸行飽稻梁水宿足魚蝦天功豈敢
貪聊將雨澤誇

自湘陰歸邵陽道中書懷

褰帷幾度此經過續食其如赤子何漫採歌謠
思召伯懶將詞賦弔湘娥東風吹凍宵仍合茅
屋凝霜曉更多雙鬢欲蒼猶自苦故山回首負

雲蘿

湘鄉道中 時將北行

村村農事急湘西驛騎春愁半尺泥山雨飛時
平仲綠林烟暝處鷓鴣啼峰連衡嶽鴻皆北路
向燕臺馬自嘶欲採民風大東國蕭蕭杼柚不
堪題

長沙莊太史 天合 邀遊譚大將軍 敬承 林園四

首

小國瀟湘勝名園薜荔香將軍辭細柳詞客賦

數馬集

卷之十二

五

長楊烟雨千竿竹菰蒲百畝塘觀魚有莊子此

地日徜徉

其二

歛衣穿竹徑三五小亭幽望處疑園盡行邊覺
倒欄高插石上筭暗度殘間流明發愁車馬徘徊
總勝遊

其三

烟光飛四座暮色一尊寒露氣花枝重風聲竹
葉乾賦逢枚馬作劍倚斗牛看典劇登臺望依

稀漢將壇

其四

朱公曾霸越歸去不談兵橘柚洲中暗園林郭
裏清壯心青鬢在佳句白蘋生終負滅胡志無
勞甲第營

觀察楊公招遊清源南臺同用紅塵二字

二首

嵯峨石壁倚晴空樓閣新開面面風東去江流
長自繞南來山勢故爭雄林垂丹荔輕霞外橋

數馬集

卷之十二

六

陪蒼波落照中擬向扶桑觀日出留連坐待海

大紅

其二

松逕陰陰爽氣新仙家風景淨無塵洞中日月
開今古座上峰巒共主賓蒼海潮來涼滿袖夕
陽嵐下濕沾巾山公饒有高陽興相約重尋峴
首春

宿州道中

直北川原接翠微舊遊風物自依依雲生芒碭

中天紫龍起江淮帶雨飛處處河渠勞未息村
村農畝事多違何人爲恤問閭隱回首鍾離是
帝畿

出都門貽京中一二同好

天上鴛鴦歡離羣都亭驛騎又紛紛西山碧樹
深含露北闕金莖迥入雲髮染霜華人遠別陣
迷秋色鴈中分南遊不足瀟湘謫江上應無吊
屈文

晚秋西湖泛舟夜歸二首

數馬集

卷之十二

七

茫茫烟水泛孤舟蕩漾青山影半浮翠栢黃花
秋自好白蘋紅蓼晚生愁有時獨叫霜前鴈無
數驚飛浴外鷗爲問孤峰棲隱士伊誰同結採
真遊

其二

山含秋色氣蕭蕭水接晴嵐近復遙簫鼓中流
諸谷應帆檣極浦衆星搖潭深疑有蛟龍窟岸
遠如浮鳥鵲橋古寺禪燈半明滅數聲清梵下
峇峩

秋暮武夷九曲泛舟

溪路陰陰冷夕暉綠潭澄徹水聲微洞雲深闕
仙人綠山翠新栽玉女衣夾艇衆峰愁欲墮凌
空片石勢疑飛東方向晚生明月半壁清光送
客歸

聞東封使歸感事賦詩十首

何處妖氛盛滄溟縹緲間乘風舟易至望日路
知還昔弱侵沿海今強據釜山朝鮮禮義國時
事正多艱

數馬集

卷之十二

八

其二

遼陽吾北鄙屬國乃藩籬越地徵兵日陪臣請
救時嘗聞有道守况感無衣詩一戰收平壤王
京次第披

其三

戰勝宜持勝驕兵乃敗兵如何輕逐北遽爾喪
垂成虎口身雖脫旄頭膽已驚碧蹄東去路不
復議橫行

其四

勝敗兵家事議和計最迂我分兵匪弱彼合勢
猶孤社稷依元老干城有武夫自應收羣策偏
聽一何愚

其五

斗大黃金印東封寵篡臣爲王宜自有議貢轉
堪嗔二使初浮海千艘已震鄰縱令賦黃鵠未
可信和親

其六

當日小夷使西飛入帝京關頭千騎從闕下百
數馬集

卷之十二

九

官迎贈賄應無數授封豈有名獨憐持漢節辛
苦出倭兵

其七

異國皇華使將軍寵命新百年空養士萬里遣
斯人長懼降驕虜今聞返隻輪東征盛車馬棄
寘海之濱

其八

談及東封事人人髮指冠直教鯨海震猶說燕
巢安御史身仍繫小侯心已寒白頭甘誤國不

念失夷歡

其九

堪惜石司馬曾聞直諫名有金酬說客無計却
稱兵坐失帷中筭翻求海上行陋哉方物獻忍
使至尊輕

其十

屬國雖云破倭奴喪亦多北方寒氣候大漢盛
兵戈示弱謀之下宣威計靡他請纓與借劍此
意竟蹉跎

數馬集

卷之十二

十

下十八灘至五雲驛書懷

舟行愁石灘水漲灘初漫羣峰不停飛百里倏
已半衆舸爭赴流聒耳櫓聲亂遙望五雲驛長
隄成里閉繫纜孤城邊險夷從此判澄潭遠映
空綠樹密依岸雨餘山翠深天外江流斷感昔
領郡時經過此捲幔竹馬迎使君千秋同所歎
今我辭章貢之官向江漢來慙野老芹去糜館
人聚全家寄舟楫一輩同羽翰恐後簡書期頓
失波濤岸憂時意氣多觸物風景換回首崆峒

山白雲聚復散

湘妃

一曲南薰調已殘
荒蕪山色夢中看
龍歸湖外遺弓劍
鴈度衡陽失羽翰
恨比湘江猶自淺
淚沾斑竹可曾乾
虞巡來是穆天子
相對何勞泣

登仲宣樓二首

中原板蕩客荆州
詞客哀時此上樓
最是子山同牢落
江南江北一般愁

數馬集

卷之十二

十一

其二

君家先世漢三公
文藻翩翩有父風
漫向建安稱七子
千秋名在鄴臣中

六月詩

四言

六月炎暑厥威孔驕
物或觸之如火斯焦
嗟我何爲日中乘輅
言適南國厥路非遙
僕夫載途曜靈當霄
火雲爲炭陵谷爲窯
人行其中靡靡魂銷
豈無泉水以解渴瘠
恐我征夫晨腹猶枵
豈無佳木以息今朝
王事有程組綬在腰
大夫

君子立民之標宜戒奉迎示民不怵胡爲雲集
中道鳴鑣我故之以勞人迢迢吳牛喘月引領
涼飈况茲不雨稿我田苗俯慙有衆仰媿羣僚
作詩告戒慎爾民隄

韻
邵州禱雨有應和同年劉文見侍御見贈

荒歲之禾玉不如憂民無計足儲糈占星偶應
滂沱雨驅暑漫勞霹靂車荆楚江風飛石燕昆
明池水舞鯨魚知君曾辨五原獄甘澍還堪灑

數馬集

卷之十二

十二

故墟

劉曾按山西故用顏魯公御史兩事以酬之

兩宮三殿疊災感慨成咏三首

聞道宸居紫禁深
中宵烈焰最驚心
漢皇自愛微風寢
宣后空傳永巷箴
正想殿廷焚翠羽
誰云山谷富黃金
微臣過計憂天隕
暗把桑柔細細吟

其二

漢家奏事未央宮
壯麗猶傳相國功
萬戶千門金照耀
重軒鏤檻玉玲瓏
自從朝政歸溫室
頻

使 入威寄祝融未必 至尊無感悟憂來何處對臣工

其三

太初曾記栢梁災厭勝翻傾四海財不是輪臺旋有詔當令炎漢早成灰 朝廷袞職須人補宗廟神靈遣使來莫道天心容易格周詩板蕩最堪哀

贈長沙莊太史

湘水相逢欲暮春清標驚見玉爲人從容濠上數馬集

卷之十一

七

觀魚樂想像生前夢蝶身楚賦難忘宗屈宋王言終擬代絲綸南遷賈傳居雖邇不向明時痛哭頻

秋日同陸元白觀察從 吉王遊苑應教 二首

宮樹陰陰覆苑牆乘驄此日厠遊梁池塘碧染清湘色臺榭深含杜若香花露霑衣行處濕竹風吹袖坐生涼 賢王同在忘憂館索賦頻傾酒一觴

其二

隔牆仙樂坐來聞桂子風飄處處芬溜出石間疑帶雨山移苑內欲棲雲駭魚躍藻歌初散迴馬穿花酒半醺舞袖長沙雖自促國中賓客總能文

沈游擊

漢使中行說工爲胡虜謀遺書高尺一倨傲以相酬繒絮與米藥善美兵乃休不爾候秋熟馳騎蹂田疇千古匈奴傳斯人爲漢羞今之沈游擊馬集

卷之十一

七

擊實乃中行儔本爲郵亭卒掉舌事遨遊秘計動樞府新寵出龍樓解紛往玄菟龜紐錫平酋折衝寧有術金幣恣所求彼兵久暴露苦寒投未瘳雖伏甌脫中所需續與表薦賄四十車使忘雨雪憂奉之若驕子齋糧資寇讐彼旣復能兵寧不咆貌貅傾國二十萬重爲朝鮮仇遼兵遭覆沒全羅恣虐劉誤國者誰子恨不賜杜郵摧髮罪難數偷生作楚囚鼠輩何足道所關社稷籌近聞 詔書下徵兵遍九州處處料丁壯

力填東海甌天心未悔禍班管誰能按

東征

東征之師未雲集朝鮮君臣日告急鴨綠江頭
羽書飛盡道存亡決呼吸幕府新拜大司馬分
兵三道防寇入全州頗堅糧頗足南原山城亦
已葺二壁地形百里間犄角之勢從此立豈知
夷兵來蔽野戍卒居民兩岌岌呼聲震天城夜
陷主將出走師徒泣三千壯士盡被戮縱有存
者皆俘執全州聞之師亦潰亂棄堯登戴簑笠

歐馬集

卷之十二

十五

風聲鶴唳不堪聞損師辱國何嗟及偷生雖幸
托葱靈對簿安能保首級偏裨昔日數楊陳喪
敗同時沒州邑爾母終恃法網寬天誅或待東
兵戰歸來倘見死者家相對能無顏羞澁

島山捷

玄菟城師十二萬中丞獎率士競勸吳越材官
組練明燕趙良家身手健倭兵臘月正戰瘡虎
餓穴中力已困砲聲動地黑山摧殺氣昏天海
水噴兩戰逐北百里餘折馘執俘爭來獻盾鼻

磨墨露布聞夷兵望風從此遯南原喪師吾之

耻留首庶幾雪前恨嗟哉朝鮮乃屬國休戚豈

同中國論聖主爲爾疲吾民辛苦僅復疆尺

寸爾旣摧殘知感激執禮彌恭詞彌遜我聞漢

家將衛霍不忍邊民遭冒頓興師十萬鹵獲多

士馬物故鋒亦鈍東征歲費二百萬轉餉不給

司農悶倭兵況復難盡殲祇與吾民結深怨安

攘還須有令圖窮兵自古禍滋蔓

湘鄉讀羅太守壁上詩偶題

時將之山東

歐馬集

卷之十二

十六

東風吹鴈過晴沙濟水湘雲路轉賒幾處深山
餘古木何年滄海息悲笳貂鎬四出金仍採戎
馬交馳賦更加民瘼由來關郡守君看漢詔屢
褒嘉

湘潭聞石大司馬幼子流象郡過此

腰橫白玉帝孤卿曳履登朝有舊名狐媚計工
終誤國鯨吞勢就總寒盟傳聞滄海歸翁主幾
與烏孫作舅甥今日炎荒迷罽子燕雲回首不
勝情

舟下洞庭二首

洞庭漲後水烟開有客乘風一日回
疊浪逆驅三島至狂瀾直下九江來
帆檣隱見連雲遠洲渚微茫作岸猜
我把愁心托舟子逢人空說濟川才

其二

磊石君山上下浮鼎湖東望見巴丘
誰彈帝女南薰瑟吹送騷人桂樹舟
興劇渾忘天在水涼生已覺夏成秋
風濤瞬息餘千里回首湘雲結

數馬集

卷之十二

七

暮愁

雨中訪同年蕭祭酒江上樓居四首

盪舟上鄂渚訪歲水雲間風雨三江黑
乾坤兩

鬢班荆中條碧草門外卽青山休沐經年暇

君恩好賜環二月謂江

其二

水曲如弓抱山環若几平堪藏太史草
聊濯侍臣纓陟岵憐將父登樓匪望京
鮒魚頗入饌不數五侯鯖是日寅

其三

慷慨談時事清尊興不孤才高鸚鵡作志薄麒麟
圖伯仲名相亞經綸世所須情深難驟別執手立踟躕

其四

密坐杯行久歸來夜欲分扁舟趨漢口遠火隔江濱
送客殘新月驚心墮片雲沙邊重繫纜明發轉思君

數馬集

卷之十二

六

數馬集卷之十三

溫陵黃克纘紹夫著

詩

過嚴少師故宅

袁州城中故相宅，沒入官家宿官客。丹青雖飾棟梁摧，臺榭荒涼空瓦石。春深花落覆蒼苔，不見人行見鳥跡。却有縣吏來鎖門，使我無情淚沾臆。憶昔秉鈞二十春，驕奢豪貴世莫倫。顧盼使登青雲士，睚眦枉殺赤心人。夜光連城盡輸

數馬集

卷之十三

一

入翻嫌南金未足珍，甲第王侯差可擬。丹楹刻鏤何嶙峋，侈汰不獨有山禹。怙寵仍聞子都豎炙手，須臾勢可熱。論交誰不傾肺腑，肺腑論交半朝臣。曉門未關車麟麟，若個烏臺鞞組綬。誰家鳳沼掌絲綸，此日有權傾人主。此日積金如糞土，武安除吏幾時終。潁水不清令人苦，大柄從來難久干。魚水君臣失舊歡，子竄南荒父削籍。六月凜凜冰霜寒，擬驅黃犬出東門。誰知血汚都市魂，首丘縱遂逐臣願。孤墳寂寂委荒村。

鄧通有錢終餓死，霍氏居第今寧存。君不見石家金谷久爲墟，美人樓前隕綠珠。浮雲世態多反覆，金多祇足殺其軀。古人覆轍令人戒，如公父子何其愚。嗚呼嚴公爾何愚。

行次分宜陳明府招遊鈴峰絕頂

城對青山絕幕烟，尋幽徑轉石橋前。長松濕帶千峰雨，密竹寒生四月天。江上帆檣隨鳥沒，巖邊樓閣倚空懸。交遊海內相逢少，忍負清尊散綺筵。

數馬集

卷之十三

二

皇華亭

皇華亭北望荊州，形勝西南最上游。地迴樹分雙岸去，天陰雲擁大江流。蹉跎客路逢梅雨，憔悴人家盼麥秋。前江多水惟麥早熟得食之幸夏秋水漲則田俱沒矣故云不携來王粲賦，時平誰復憶登樓。

登楚塞樓

卽夷陵城南樓臨大江

危樓尊酒坐黃昏，遠客愁思夜正繁。萬里長風吹楚塞，千山暮雨暗荊門。地形高接岷峨險，江勢遙將日月吞。檻外烟波看進艇，濟川懷抱此

中論

早發白沙驛度嶺作

絕壁屢攀躋亂山楚水西雲深
仙犬吠樹密野猿啼行覺諸天近
坐看萬嶺低何時歷九折征夢此中迷

建平驛途中卽事

逶迤石磴遶巖巔屢見飛鳥墮
馬前雲擁高峰偏有徑烟橫絕澗
忽聞泉伊誰戈退天邊日笑我車
來海上年壯士驚心生白髮腰間長
鉞正

數馬集

卷之十二

二

堪憐

巫山道中

亂峰揮不去客路此中來度嶺衣生
霧穿林石破苔江山變子國雲雨楚
王臺欲陟巫陽嶺丹梯安在哉

雨中望十二峰

江雲影裏翠重重望斷巫山十二峰
莫是高唐慙有賦故將烟雨秘行蹤

瀼西杜公草堂

西瀼昔聞說杜公此卜居空山無舊業
近水荒廬力竭乾坤正淚深歲月徂
湖南春草綠千載共悲歎

白帝城

城名仍白帝躍馬憶公孫雲起無三峽
江流有一門山中稱警蹕井裏測乾坤
千古英雄恨興亡逝水論

灩澦石

灩澦何年石中流一片孤深根盤地軸
獨力戰

數馬集

卷之十二

四

天吳夜色看浮動秋濤辨有無灘聲添
客淚兼帶峽猿呼

萬縣途中卽事

竹樹陰森五月寒三巴景似越中看
雲光片片歸巫峽柳色垂垂向錦官
水落平田初見稻江流遠地不聞灘
夷陵西上三千里此日無憂行路難

遼帥一首

聞道遼陽將渡江擊島夷收功平壤捷
乘勝王

京近亡國藩臣恨分兵 聖主私殊方弘覆載
異類怯旌旗西討鋒初銳東征力不遺山川遼
海隔日月羽書遲戰苦干戈盡師行輜重隨時
方憂進退計未決雄雌義旅原無敵天威貴重
持從來蜂蠆毒况乃鯨波滋借筋孤臣遠臨風
涕泗垂

墊江道中微雨

曉來晴復雨天意未分明盡日青山色長途布
穀聲泛禾風冉冉濕葢霧輕輕雖抱衝泥怯何

數馬集

卷之十三

五

如冒暑行

舟發錦官驛有懷省中僚長

汶水東流遠微波兩岸生尊前經歲別江上早
秋情堤樹迎人出江雲送棹行獨憐今夜夢偏

繞錦官城

舟過眉州郭

二蘇子孫不還蜀惟
老泉墓在墓頭山

秋水玻璃色無風浪正平愁兼懷古至病作泛
舟行天遠連峯碧江長抱日明蘇公餘馬鬣人
去鳥空鳴

夜泊中巖寺下秉燭登眺

即青
神山

巖際風飄磬灘頭夜泊舟秋聲千樹急星彩一
江流杖策中峰遠懸燈古寺幽平生蘿薜意隨
地足淹留

晚至李市驛

在瀘州東八十里是歲江陽
苦旱至夏末方雨苗秀而不
實

驛路通巴郡崎嶇石磴斜殘雲猶送雨遠岫忽
明霞四野禾空秀深山桂已花觀風慚素飽徙
倚到昏鴉

數馬集

卷之十三

六

暮宿白市驛

在重慶西
五十里

薄暮投山館凄然四壁風空階鳴蟋蟀深院響
梧桐鴈影秋天裏猿聲玉露中受衣寒節近砧
杵數家同

晚秋同胡觀察夜宴巴郡城樓

露白天清桂樹秋捲簾山色滿高樓心隨回鴈
陽臺外日極征帆錦水頭雪浪欲浮千嶂去銀
河添作一川流相逢郢客憐同調吟向西風破
旅愁

壽吳封君歌

隱不必辭朝市壽不必學彭喬世間萬事不受
相羈繼乃齊大椿萬六千歲稱逍遙吳公昂藏
四明客少年欲振青雲翮青雲歷落未有期綠
鬢稀疎轉堪惜以斯感慨謝風塵千秋事業付
後人不用別尋方外侶忠孝之間可以全吾真
此時行樂何不有柱下聲名滿人口朝從天上
拜絲綸夕向花間啣杯酒酒杯酒雖然歎別離望
雲亦似戲綵時不作尋常見女態善保百年冰
數馬集 卷之十三 七

渝州九日胡觀察招遊塗山

江樹猿聲客思悲登臨聊復赴君期露滋叢菊
開花日風動疎林落葉時城裏青山巴子國階
前白水禹王祠雲晴好送長天目莫但傷秋賦
楚詞

巴郡南樓風雨送武方伯之楚藩

一天風雨暗渝州尊酒邀君日暮留峽裏玄猿

愁送客江邊黃鶴待登樓洞庭波濶雲連海鄂
渚春生草滿洲作鎮舊稱羊叔子知公此地昔
曾遊

日本寶刀歌爲胡觀察兄賦

咸池之淵深萬丈日精月華儼相嚮蜃氣朝含
貝闕高波光夜應金星朗東粵洲中金最剛鑄
之爲刀價千鎰憶昔良工初鑄時五色直干虹
霓上佐以童男二百人鼓用巨索雷聲響青蛇
氣色光陸離良工猶未快心賞更淬瀚海千尋
數馬集 卷之十三 八

淵吞吐日月吸精爽歲歲風霜淬鍛新金精水
魄雪混養文章微露見龜龍鋒鋦初開愁魍魎
佩之明月吐君腰出之赤電流君掌陸剗水截
骨如意斷絕鯨鯢與犀象靈物終爲上國玕渡
海西來歷沆漭出入能親君子身提携併起刀
州想寶刀寶刀貴有用雖離窮裔入華壤邇來
掛壁空龍鳴壁上蒼苔日暗長江夏胡公天下
奇才堪中朝爲柱礎夜郎小醜干天怒孰可俘
之使君往擬傾江水淨巴庸欲借挽槍掃林莽

功成要在殲巨魁狐兔何勞入罟網君不見漢
家三劍出尚方楚國龍淵貴無兩憐君耽憐似
韓稜贈君寶刀助安攘

夜宿廣寒館

在射洪縣東三十里

朔風吹罷暮天寒銀燭清尊坐不歡靜裏溪聲
歇枕聽愁中月色隔窓看一庭黃葉巴江冷滿
眼青山蜀道難感遇千秋懷伯玉書臺空閉夜
漫漫

登鄧傘了憩龍泉館

數馬集

卷之十三

九

萬山亘長天翠色千里餘突兀當我前徘徊迷
所如登陟四五岡漸覺數峰踈中有古石磴直
上凌清虛回望衆巖壑沉黑轉愁余山風吹蕭
瑟行人盡超超空中聞雞犬絕頂乃村墟平田
數十里山勢轉以舒竹竿引泉水滴滴下茅廬
麥秀旣盈畝花幽亦復渠午烟山館發邀我一
停車候吏進村酒野老摘園蔬余旣倦攀躋於
焉暫躊躇昔聞武陵原避秦人所居此山殊軒
豁母乃桃源歟愛此民風朴衣冠似秦初便欲

拂衣去深洞訪樵漁

蓬溪女子

尺澤無吞舟整敦無隱霧所以高飛鴻弋者難
持慕如何採真女不向白雲住跌坐談楞伽未
能了章句虛名落人間俗士爭回顧求寂反得
喧憧憧官長怒譬彼隴山鳥樊籠遭禁錮念彼
持戒時志亦希太素托身非得地苦海未能渡
辟穀歲云久紅顏豈終駐萬劫總灰滅青春愁
日暮不見嬴臺女乘鸞遊雲路舉世仰遐踪那

數馬集

十三

十

得窮其故

過分水驛有懷胡觀察

時胡在巴縣

望入巴江冷梅飄小澗香喜看山欲盡愁與峽
俱長野竹千竿露林花一夜霜夔門冬日酒不
共故人嘗

白兔亭

在飛瀑

地迥山流玉龍歸洞吐泉寒聲疑夜雨遠勢落
晴天馬度千巖雪猿啼萬壑烟高堂看欲近江
上數峰連

將至萬縣

丹壁凌空峙寒流遶郭斜
門深巷竹鶴篆小溪沙
經雪山逾碧臨春樹欲花
此中堪寄傲何必問烟霞

過老虎寺嶺

山水知余癖驅車處處隨
雲霞春滿眼草樹曉含姿
此處巖巖處處是夢間關
苔徑濕欲借午風

新正二日雨後度嶺至田場館

數馬集

十三

十二

萬山蒼翠出雲端磴道苔深欲上難
鬢髮久揀行處換韶華長向客中看
花枝拂地春風細草色侵衣暮雨寒
晴憶他鄉小兒女思親未解訪平安

登綿州江東小樓

渡水凌高塔登程得小樓
風來江氣白雲歛樹光浮
榮戟憐他日故宗兄德洋
十年前以此山川觀察使
者備兵於此有北州陰平
迷故道遺恨武卿侯

送梅憲副入賀

聖壽

梅以翰林出爲給事轉今官

無臺北望五雲飛率土朝天願不違傳道西
方青鳥使遙瞻北極火龍木疏畱紫闥丹心在
詩到玉堂彩筆揮已慶聖明千萬壽還傾葵
藿答恩暉

冬日謁杜工部草堂

錦官城外有荒祠
檜木吟風動所思
唐室安危雙涕淚
杜陵今古一茅茨
尊開潭水烟清日
門掩西山雪積時
詞客打魂心正苦
湖南衰草怨歸遲

數馬集

十三

十一

吳宗舜僉憲以詩招西亭賞雪用韻奉酬
二首

錦城冬夜雪池館曉皚皚
鳥去孤亭寂鶴歸一逕開
高低眠翠竹隱見吐紅梅
寒色催尊酒兼攜佳句來

其二

白雪最高歌宜於雪下賞
玩之欲沾衣承之不足
掌因風作遠飛著葉動
微響余吟不敵君相對
聊成雨

冬夜借范介孺吳宗舜僉憲讌集西亭分

得休字

雪積西園凍不流尊開北海醉初休高談四座
驚收馬逸興中宵聞斗牛平子二京曾有賦班
生萬里未封侯君看樹樹梅花發似爲慙慙進
酒籌

吳宗舜二君俱以
督學調兵憲

早春懷工部草堂

不過杜公舊卜居風光漸與客情疎香鋪苔徑
梅應落色映茅齊柳定舒玉壘題詩千載後滄

數馬集

卷之十三

十一

浪入夢百花初西來自愧牽纓冕極目郊原興
有餘

白石戰

妖星一夜照渝州血染巴江赤水流使者盡同
司馬吉將軍誰繼義成侯謾從西蜀談雲鳥空
使南荆對馬牛滿耳巴猿皆飲恨惟憐白石不
知愁

春日同楊憲副赴吳僉憲草堂之約入夜

方歸

西郊同赴故人期錦里繁花滿舊枝酒泛梅香
催射覆月移松影照彈碁殘鐘野寺風吹遠候
火江村馬去遲溪樹陰陰溪水白分明人臥草
堂時

春日遊金沙寺二首

翠竹黃沙地禪扉客到初短橋經漲後老樹入
春餘榻有高僧偈樓多太史書未能依淨域登
眺一躊躇

其二

數馬集

卷之十三

古

出郭詎云遠避喧便得閒疎鐘睥睨未清梵水
雲間竹色當軒入溪流遶寺還翻嫌支遁隱就
買深公山

送朱大參入賀萬壽節

青天蜀道去迢迢目極燕雲瑞氣遙共執五珪
從四岳齊將萬壽祝唐堯碧雞金馬無勞訪
方丈蓬萊豈見招願得未央勤聽政看君出入
紫宸朝

夏日沈憲長招飲西亭

積潦寒三伏虛亭坐夕陰一尊留客夜十載識
君心露氣迎秋重苔痕帶雨深別離知不遠行
止意沉吟

蔡觀察以詩贈行用韻却寄

故鄉萬里心同遠異國分携道轉賒君向臨邛
觀酒肆余從卜市訪星槎交情童穉人如玉客
路風塵鬢已華秋到衡陽猶有鴈休將楚蜀比

天涯

臨邛蔡
行部處

舟中望凌雲寺

數馬集

卷之十三

五

雲亦咫尺流影在江心陰雨看皆美晴天色
轉深三峨清几席二水潤衣襟日暮扁舟遠高
標不可尋

望峨眉山

青山彩鷁日相隨望裏三峨勢屢移雲歛晴空
窺絕頂江澄秋色照低眉臥遊正愛舟中景登
眺難忘病後思寄語平羌灘上月好流清影到
天涯

舟下明月峽

放舟禹廟下風急忌舟輕巴字川同曲雷聲瀨
共鳴峽開山勢轉江濶水流平惆悵楚天遠啼
猿日夜清

梁山候代

去蜀愁殘暑深秋滯一方風含秦地勁雨挾楚
江涼爲客逢多病移官近故鄉自諳羈旅思不
怨嶺雲長

萬縣公署夜坐詠竹

喪我非真我逢君且對君卑枝低浥露密葉暗
數馬集

卷之十三

七

藏雲影動風初細聲寒夜欲分遙知巴嶺曲落
木正紛紛

晚秋出蜀作

行盡巴渝一月程憑高又見峽江清當年神女
歸何處異代騷人故有情節近授衣砧石急山
雷落木鴈空驚白沙翠嶽荆西道愁聽啼猿過
二聲

巫山二絕

暮雨朝雲十二峰秋空秀出玉芙蓉白波觸石

江聲怒祇恐襄王夢亦慵

其二

碧峰如黛倚江干
雨散雲收秋色寒
多少蛾眉傾楚國
錯將神女作妖看

數馬集卷之十三

終

數馬集

卷之十三

十七

數馬集卷之十四

詩

溫陵黃克纘紹夫著

登岱四首

望入天門一逕通
煙飛嶽頂濕濛濛
漸驚遠勢看來變
始覺真形畫未工
盡日雲霞擎玉女
千秋禮秩視三公
青齊極目連山海
信有泱泱大國風

其二

數馬集

卷之十四

一

磴道高懸十八盤
可堪回望更噴噴
當令四岳愁相並
盡使諸山失大觀
秦世荒臺天半峙
吳門匹練日中看
徂徠父紛紛在似
學虬龍繞赤蟠

其三

名嶽登臨愜素聞
勝從遷史挹清芬
鴻濛俯視三千界
封禪遙傳七十君
巖壑蒼茫寒白日
峰巒窈窕墮青雲
憑虛未有冲天翼
一嘯風前思不羣

其四

涼風吹袖葛衣輕
絕頂天空眼界明
金碧輝煌祠太乙
波濤縹緲隱蓬瀛
閒雲時向封中起
晴鶴朝從海上生
聞道島氛猶未息
側身東望不勝情

送袁觀察入賀 聖壽

長安驛路動秋風
君去朝天使節雄
地領東藩山是岱
身依北極壽呼崧
蘭臺再入當年省
蒞省瞻此日宮臣
自周南留滯久祇
將金鏡祝聖躬

數馬集

卷之十四

二

同藩臬諸君子登歷山

青山歷歷擁名都
翠藹遙看近復無
樹滿齊城千堞遠
烟籠華頂一峰孤
燕臺北望黃金市
肅慎東飛白石碣
社稷安危公等在
相逢何必問夷吾

金吾騎行

金吾縱騎猛熊虎
束縛縣令如奴虜
戟手鉞足轍後車
復輿反接未言苦
嗟爾小臣亦何罪
爲

傷豺豸于 主怒兩宮災後急朱提此物從來
產諸土中官四出鑿山求秦晉燕韓越齊魯今
日當是孰敢違愚者以身觸網罟磨牙吮血任
豺狼消飲饑餓恣獍豸 君門九重不可扣爾
縱言之亦何補去年曾逮福山令係縲榜掠爾
所觀空將杞國憂 天心珠探驪龍領下取君
不見中丞抗疏累千言此璫擢髮罪難數 朝
廷亦有諫諍臣攀檻拽裾難悟 主由來路馬
禮不齒況乃使者 君之豎我有愚忠不敢陳
數馬集 卷之十四 二

仰天長嘆淚如雨

三出師

蔚山敗卒啼且嘔得脫虎口何苦辛收拾餘燼
經幾旬依稀猶得七萬人參軍疏奏 明主頻
有詔中丞罷爲民莫府臨戎局更新九都山下
卒乘陳將軍鎧甲耀金鱗旌旗蔽天起黃塵三
道出師車鑾鑾誓滅此寇咎 楓宸師行正及
晚秋辰士氣久挫今始伸上谷老將稱絕倫泗
川園卒如雲屯敵人忽曳欒枝薪我師爭奔騎

號號步卒萬餘皆沉淪撫膺大慟淚沾巾東路
聞之亦逡巡雲中老將不待晨中宵策馬渡熊
津盡棄資糧三萬困西路之師勢頗振陸帥劉
綏舟陳璘日交鋒鏑大海濬膠舟不出事可嘆
彼海若者何不仁異域消息恐非真東西二師
潰有因喪亡千衆數亦均已矣孫吳勿復論從
來西子難効顰空令白骨暴海濱十千怨氣干
秋旻窮荒夜夜亂飛燐孰爲題書報所親致之
者誰二三臣厥罪半當歸縉紳驅逐市人行仇
數馬集 卷之十四 四

數馬集

卷之十四

四

仇小戎駟驥風非秦號令未聞三五申見彼黥
面怒目瞋自相蹂躪壑可填縱執裨將斬以徇
彼偷生者豈能悛 天子九重下絲綸罷和議
戰益諄諄談兵之人空鼓唇百萬歲靡司農縉
傷哉中原民力貧

贈于大參之任關中

寰中形勝重峭函藩屏知君望獨堪紫氣入關
人莫羨青州遺績衆能談曾聞漢吏稱三輔猶
記周詩首二南勲業君家惟定國他年竹帛莫

教態

題栩栩園圖二首

名園遙隔漢川陽
所謂伊人水一方
色借江雲俱染翰
光搖湖月動飛觴
歌成白雪音難和
讀罷南華夢正長
縱使王孫歸未得
披圖隨處見江鄉

其二

熊車問俗正逶迤
故國春風入夢思
滿地江湖舟泛泛
連天雲澤草離離
別來一任新松長
書

數馬集

卷之十四

五

去還教舊竹移爲報
林園休悵望素心長
與鹿門期

春夜偕同僚遊大明湖一首

河水泮盡水初流
日落湖平風色收
明月飛來楊柳樹
青天泛入木蘭舟
絕勝訪戴衝寒夜
不羨橫汾發擢秋
欲借陽春聽一曲
憑君攜向醉鄉遊

送袁大叅之廣南

使車遙指越王臺
薇省須君屏翰才
嶺外山川

鴻鴈少南中風氣海天開
塞帷島近逢鮫室入
饌秋高有竊雷
聞道璽書求照乘
徐看合浦去珠回

送徐大叅入賀 聖壽

長安爽氣近中秋
遙酌霞觴獻冕旒
舊直紫屏瞻帝座
新從青社領諸侯
丹心欲効華封祝
蒿目難忘杞國憂
誰念大東空杼軸
知君入告有嘉猷

裨將帥舟師自朝鮮歸賦勞

數馬集

卷之十四

六

萬里三韓入壯遊
飄然一葉海風秋
天邊鷺鶴還成陣
水底魚龍亦避舟
爾自眼中無劇孟
余知世上有條侯
王師處處猶征戰
莫遣芙蓉暗越鉤

倭寇

東溟窮天遠來往一何艱
昔傾倭國至今棄釜
山還關箭好黠武殺人如丘
山天心旣厭亂酋
宛子復辱將士喜歸國
白日開笑顏乘風各逃
道飄飄島嶼聞我師邀其歸
樓船泛波瀾焚燒

與殺戮海水爲之殷亦有生被倖相對淚潸潸
京觀旣已築六師亦已班將軍奏凱歌生入海
山關

歷下亭送麻陳二方伯一之河南一之淮

揚

治歌緩舞對離觴二妙風流共一堂瀟澗天中

局上洛江淮都會漢維揚民愁直爲徵輸急

主至應思屏翰良此日羨君將雨露薇垣新霽

柏臺霜

數馬集

卷之十四

七

贈顧方伯入賀 聖壽

江左風流顧彥先東方藩屏使君賢已將陰雨

骨齊土還取函山祝帝年瑞氣繞餘三殿曉歡

聲呼徹五雲天周王應有蓼蕭燕羨爾龍光近

御筵函山在歷城南十五里漢武帝遇王母使者于此

贈郭觀察入賀 聖壽

寶劍詩篇有郭公朝天喜躍五花驄從來海岱

稱馮翊此日乾坤盡大東臣子祝君千壽少聖

明行樂萬方同掖垣疏草知還在不數區區諫

獵雄

中秋登明遠樓和來觀察韻

浙浙西風海岱秋東方吐月影初流三千禮樂

齊中士十二山河濟上樓砧杵夜寒鄒魯地笙

歌天遠 帝王州登高故有傷時感暫酌金壘

爲我憂

十七夜明遠樓翫月和杜韻

萬里晴空豁寸心高臺攜手數登臨尊前白鬢

明如昨天上孀娥瘦自今清露忽驚寒欲滴微

數馬集

卷之十四

八

雲何事苦相侵瓊樓玉宇情無限愁聽悲秋蟬

蟬吟

入覲都下沁水王以詩見寄時王新病起

賦此奉答因問其疾

垂老交情憶壯年秋來兩地月同圓詩聲久許

過長古治績何能繼潁川五葉參齊行藥處一

枝梅發寄書前念君時有相如病清夢悠悠路

水邊

五鳳樓前觀蜀中獻播俘口號

玉輦晨登五鳳城夜郎佇盡蜀烟清恩同一面
開湯網罪比三苗抗禹征總恃山川巴地險忍
虧忠孝太原名微臣空有外寧懼遙望 天顏
喜氣生

和道州韓使君子祁見贈韻

韓贛州舊僚

郡齋相對鬱孤前回首佳期已惘然鏡裏秋霜
雙鬢改夢中江月寸心懸三趨北闕憐余老再
守南荒羨爾賢莫謂九疑回鴈盡相思好寄四
愁篇

數馬集

卷之十四

九

京邸同濠梁朱汝脩送劉懋學使君之越
州得思字

高陽美酒屈金卮千里分攜戀此時坐對人龍
濠上客行逢竹馬越中兒清聲不獨過劉寵秀
句還兼似左思聞道月卿虛席久剡溪歸棹莫
教遲

春夜同劉懋學使君集朱汝脩修竹館分
得心字

寒雲漠漠結春陰長筵鍾分去住心愛竹暫從

士信耽詩欲對此君吟臨岐判袂餘雙劍掛
壁無絃有一琴意氣平生多感激高臺回首築
黃金

富莊驛偶題

二度朝 天拜舞迴紅塵慣上客衣來無媒仕
宦饒奔走莫謂 君王不重才

蘭臯別業歌

為沁水王賦

君不見梁王昔築百霸山山在曜華兔園間猿
巖龍岫高突兀朝醒夕醉不知還梁園舊迹今

數馬集

卷之十四

十

安在草樹春深臺榭廢空傳枚乘作賦才不見
公孫從遊輩人力由來奪天工壯麗繁華有終
窮峴首非關池館盛至今猶自說羊公澤潞諸
王雅好學登高往往賦頌作上追黃初與之肩
俯視貞元奪其魄就中無如沁水賢不耽苑囿
耽山川潞子城邊買岡阜蘭臯別業開其巔青
松翠竹滌山塢土穴石床涵太古階前巖壑秀
且深四時長作烟霞主洗心復有瀑布泉對此
舒嘯心冷然石佛精舍長隣近清梵時落西方

興來得句鉤金石提攜盡是鄒枚客野鶴盤桓朱檻秋蟋蟀閉吟西堂夕我聞蘭皋樂事多欲往其如室遠何使來授簡焉能賦遙望太行一放歌

送徐方伯劉少叅同時之任閩中

徐蘭溪人劉會稽人先後視學齊中

漱水耶溪碧且清偉長公幹擅才名經傳馬帳春風暖劍合龍津斗宿明形勝寰中閩九曲永冠海上魯諸生年來處處誅求急應動旬宣使者情

數馬集

卷之十四

士

送章大叅來憲副入賀 聖壽

千里都門數日程送君尊酒爲君傾薇垣才有豫章美憲府心同浙水清岱岳東方天共永壽星南極夜初明華封祝罷無他祝願覩當年舊太平

贈徐奕開進士轉餉雲中

吾鄉賢不乏之子衆先推天上卿新命雲中餉六師許乘司馬傳戒後尙書期甌脫猶驕虜

足健兒和戎盟可恃養士費難辭凍合桑乾水烟沉代郡隄霜花冬簇劍朔氣夜冰旗咫尺明妃塚淒涼李廣祠登樓觀日逐徙帳望關氏烽火年來息軍城晚閉遲壯遊無遠道絕景有新詩去去邊人阮行行故國思歸裝惟短缺關吏自應知

仲冬旣望月有食之感懷一首

仲冬月色朗疑秋冷浸銀河凍不流何事清輝銷兔魄頓令愁思集貂裘非資霧縠能成鏡爲數馬集

卷之十四

士

讓陽光却似鈎報道嫦娥終不老嬋娟依舊滿西樓

贈潘象安秘書

潘敬淮南李相公幕賓

供奉逍遙侍紫宸天書裁罷綵毫新龍門自昔歸司隸鳳沼于今屬舍人秋興安仁凡幾首歲星方朔是前身嗟余傾蓋交何晚羨爾詩成句有神

故御史大夫涇陽李公哀詞

李公本嶽降雅志慕旦奭游川需其濟千秋此

忠赤自昔爲郎時俊彥窮蒐索一蒙國士許便
作龍門客伯樂羣已空汲黯薪無積至今國
有人猶藉公餘澤上卿周太宰副相漢台席風
霜蕭嚴廊精誠開金石試問朝夕烏何槐臺中
栢辭榮未白首恍惚成今昔盡與仲宣書空餘
賀監宅彼蒼豈不仁慶殃理變易何以慰公魂
令名在史冊

正月二日大雪志喜

時立春前
十二日也

不雨從秋杪同雲見雪天霏微霑歲暮浩蕩及

數馬集

卷之十四

十三

春前委地聲俱寂臨池凍欲堅豐年知有瑞好
賦鄂中篇

早春攜酒同趙侍御登白雪樓賦贈

行春驄馬照初春白雪樓前霽雪新水瀉銀河
歸北海山迴岱岳壯東秦松礪似苦偏宜客栢
樹餘青可贈人世故嘗來多感激莫教龍劍染
飛塵

酬邢子愿少卿

子愿高士善詩書法通音
韻余歷下余邀三司同宴

海右亭與同宴在書及
詩念我定多固有此各

清秋湖上憶經過四座香風動碧荷念我能攜
詩卷至憐君已覺鬢霜多別來廷尉門羅雀書
牋黃庭紙換鷺中歲掛冠緣底事空令才子久
蹉跎

謁海神廟觀海

元氣茫茫接太清乘春一望水雲平雪花浮浪
千疊起日色蒸霞四散明海上烽銷旗半偃津
頭潮落棹空橫馨香好答神靈貺莫遣鯨波又
震驚

數馬集

卷之十四

十四

黃縣道中

二月行將暮柳條猶未青人煙依北渚山勢入
東溟市井浮蜃氣盤食雜海鯉惟餘風太朴茅
屋不須扃

東牟觀兵夜宴蓬萊閣

城列千燈虎帳開東風吹客上蓬萊天光海色
春相映疊鼓鳴笳夜急催鰲首三山含霧動潮
頭萬馬拍空來觀兵幸值妖氛息徙倚危欄一
舉杯

其二

晚風吹浪作聲寒靈境塵寰此壯觀銀漢遙傾
建島外朱旗高掣暮雲端潮通鮫市流常滿樓
俯龍宮立未安極目扶桑千萬里茫茫知有海
天寬

送趙侍御還朝

君家老成季勲業一何新之子仍金馬傳經本
獲麟當年曾叱馭此地更埋輪白簡匡時手紅
顏報王身聽歌齊國大問俗魯風醇貞見臺中

數馬集

卷之十四

十五

相直爲淇上筠豺狼咸辟易狐鼠亦逡巡六郡
鹽利千家禾黍春滄溟恩浩蕩泰岱色嶙峋常
伯思卿士皇華重使臣自應歸列棘豈爲避靈
輿愧我蒹葭質泰茲玉樹鄰忘形奚覺穢披膽
轉須親對酒沉吟夜聞雞起舞辰同時探虎穴
幾度觸龍鱗意氣常如此安危寧足陳歸依天
北極留滯客東秦漸惜關河遠追思笑語頻世
途猶險阻宦轍轉艱辛杆軸民生困雲雷帝澤
屯巨鯢行見徙小駟詎能馴相送曹南路因之

洪清中

和江右行督叅政李伯東入賀冊立

東宮二首

春風鳴玉五雲邊才子江城奉使年鳳詔九天
傳夜半鵲橋良夕度秋前人當主器爰爲震
聖作飛龍卦是乾獨美李膺歸漢闕羣賢屬望
似登仙

聞 聖躬不安有詔罷採權釋囚繫起言

官旋復中止感事三首 詔書下司農已頒行郡國旋遣提騎

數馬集

卷之十四

十六

齋密詔與中使收回前詔

聞道諸卿相深宮問起居我皇躬聖德豈有疾
病數脫珥聞宣后辭輦望婕妤好所患傷喜怒令
人氣不舒臣子隔九關北望空躊躇願以中節
和爲方獻乘輿

其二

君疾之不恤而惟臣民憂念昔三殿災邪臣爲
國謀採權窮民力貂璫遍九州一言觸其怒三
年作楚囚忠臣遭放逐淪落老山丘今將解湯

網人心庶可收大哉王者言流行速置郵萬口
誦聖明祝以萬千秋乃知感格理熒惑何足愁

其三

詔書中夜下宰臣實奏聞 帝躬既漸泰中外
皆欣欣奈何忽反汗流議滋紛紜九天慳雨澤
四海望霓雲金吾所遣使緹騎紛成羣既非
祖宗法且異日星文臣子思回天抗疏何慙慙
徒令三太息理亂從茲分

數馬集

卷之十四

七

聞桂給事再疏論列寫懷一首時有治河之排桂復

長安市上識人稀宦海茫茫有是非三至恐驚
慈母聽二桃空費殺人機才微敢說將河挽性
拙惟應與世違好向猶龍論止足王章莫忘臥
牛衣

雨後憇新嘉驛時有曹南勘河之役

栢覆茅亭貯夕陰停車暫適此時心未知河伯
歸南北欲向波臣問淺深大地魚龍猶自沸中
原壁馬且須沉炎風暑雨休嗟怨恐負 君王

發帑金

其二

雨洗乾坤朗復陰馳驅因見使臣心人行小徑
穿承遠馬度平田涉水深禹貢河流猶泛濫商
丘城郭半浮沉君看瓠子當年事費盡關東百
萬金

嘉祥公署山上小亭

時立秋前二日

山勢峩峩百雉開迎風避暑有高臺憑欄西向
長河望已有先秋爽氣來

數馬集

卷之十四

六

崔侍御奉 命視決河圖上方略賦贈一

首

清時持斧有輝光莫識崔駟姓字香 天子亦
爲河伯禮廷臣且裏鄭莊糧凌波昨日雙文鷁
聯騎今朝五驕驄知是巨川才克濟淇園無藉
伐蒼莖

曹縣遊袁氏園亭

暫拭憂時淚言尋郭外遊穿花衣點雨臥簾簾
驚秋竹冷能醒酒蟬清可破愁年豐足禾黍隨

意且淹留

鄒孚如吏部自金陵寄詩賀余擢齊中丞

賦謝二首

紫泥先捧拜天官
畫省南遷更握蘭
流水影中

窺燕子
青山色裏見龍蟠
新詩遙寄陽春曲
衰

最驚看獬豸冠
聖主憐才終不替
欲憑殷美

勸加餐
柳公綽入為吏部郎中裴度餞別云今日君先捧紫泥

其二

治郡勳名魏穎川
司功何意獨稱賢
律吹寒谷

數馬集

卷之十四

九

知鄒子
劒辨龍泉有茂先
大海波濤三島接
東

秦形勝
兩都連保釐
無計征輸急
杼軸于今異

昔年

贈戴都督之延綏
戴秦人將家子也其父曾與戰死之

龍塞鯨波幾借籌
功成百戰未封侯
馬諸舊積

陰山去
將入新軍畫錦遊
九曲河中今舉燧
三

城戍外
昔防秋憑君一劒驅
胡虜忠孝行看兩

願酬

賦得愛妾換馬

蛾眉豈不愛丈夫志四方豈以帷房私柔此金

石腸所資在駿足致我沙漠場未論封侯貴且

作少年狂據鞍一顧盼人馬兩輝光贈君傾城

色為君易驕驕新知故自歡舊愛能無傷馬亦

有情物含悲類紅粧揮鞭從此去雲雨別襄王

自河上歸至金鄉感物書懷

北風吹長河寒氣日凜凜黃葉辭舊枝景物漸

蕭瑟而我胡為者驅馬將安即美彼南翔鴈勁

翻一何逸斷續雲中影喈喈求其匹羽族固含

數馬集

卷之十四

十

勢萬里無相失南國足稻粱況無鷹隼嫉我欲

從之去中道愁寒颼因之思古人於心若有恤

陶令輕五斗虞卿棄百鎰士亦各有志安待人

三黜矯首慕冥鴻眾鳥空啾唧

濟寧隄上望太白樓

十里城隄柳色青寒雲漠漠水泠泠長河割斷

中原地平野分來大火星鸛鵲何能踰濟瀆檣

鳥常自傷沙汀謫仙去後樓空閑疑是當年醉

未醒

咏院中雙栢二首

六言

雙栢百年舊物低枝故拂前簷冬盡餘香木減
蒼來寒翠新添能令和風增爽頓教赤日無炎
我有詩狂頻發對君時拂疎顙

其二

植處惟分左右年深若有雄雌百尺叅天鐵幹
數圍溜雨霜皮御史應誇漢府大夫恥遇秦時
何事風欺雪妬貞心歲久方知

行路難

數馬集

卷之十四

主

太行豈不高登之不崇朝洞庭豈不廣涉之一
輕捷誰知方寸間萬里隔嶢嶢風濤起目曉舟
子不及招怨生非有根毒發非有苗見妬非入
宮見嫉非立朝所以行路難古人發長謠不願
富與貴但願長逍遙向平婚嫁畢五岳坐相邀

數馬集卷之十四 終

數馬集卷之十五

詩

溫陵黃克纘紹夫著

陳誠甫大叅之京道出齊魯以詩見寄次

韻奉答

陳同縣同以春秋赴公車曾督學粵中來詩有當年獻賦並驅處及

黃河千里障

思鄉盡日望飛鴻擁傳聞君領韶風一代文章

驚嶺表六年霜雪老齊中公車策對春秋語太

史詩陳大小東遙寄佳篇嘆瓠子狂瀾欲障此

數馬集

卷之十五

心同

贈孫太史鏡湖

孫忠烈公四世孫

君家甲第冠皇州尺五天高在上頭四葉勛勞

光日月一門忠孝照陽秋石渠經義時條奏藁

閣書篇夜校讐聞道 朝廷資補袞芳名蚤已

覆金甌

邢澤宇同年以艾年棄秦中觀察歸遍遊

名山茲將登岱過歷下余邀遊大明湖尋

贈詩因和其韻致向慕之意

疾君壯歲慕鴻冥五岳高縱此暫停塞上風塵
鬢蚤白囊中意氣眼偏青舟從極浦宜回棹詩
到名山好乞靈欲向尊前論出處應慙珠玉穢
吾形

哭殤子道昌

余衰已班白世鮮百年人憐爾方受室賦質清
且恂偶忽稽康論坎壈纏其身詩書既漸逆藥
物時相親強飯春秋盛回生天地仁乃為診者
誤一藥遂沉淪呻吟旦夕間俛仰十九春螻蛄

數馬集

卷之十五

二

與蟬蛸同為殤子倫達人一死生何敢怨洪鈞
所悲骨肉喪鍾情在此辰傷哉西河慟千秋某
苦辛

答顧山人

蚤歲弄柔翰中年心力分所親惟簿書何暇細
論文蛛網生鉛槧兔鋒積塵氛憂時或有作揮
涕空紛紜憐君蒼松姿振藻吳江濱遨遊向五
岳空山友白雲篇中曾識我句裏遂知君新詩
屢投贈此意良慙勤愛君郢中曲調高白雪雰

況善中郎法時草羊欣裙爲我書八分因之張
吾軍寄謝顧逋翁詞翰非我勳何當素纓冕相
訪白鷗羣

送倪文選還巴郡

巨原昔爲郎器局稱明雅銓序悉平允清聲著
朝野晚歲爲僕射選舉盡天下知人固不易人
非易知者君今揚其芳人倫歸陶冶廣羅梗枿
材用以楨大厦有如九方臯善相天下馬牝牡
且脫略何論白與楮薦賢宜上賞知音世豈寡
數馬集 卷之十五 三

終歸九棘列休沐乃暫假羨君水作心提向玉
壺瀉巫峰高插天歸雲自飄灑與君隔燕齊贈
別淚盈把世方需仁賢如君誰能捨

和御史大夫霖寰李先生中秋寄懷韻兼

以爲贈二首

時李方起家
行河濟上

瑟瑟西風水上洲君歌明月爲君酬清光出海
寒疑濕素魄橫空澹不流彩筆晴分東岱色朱
簾夜捲大河秋庾樓原自盛賓從潦倒何緣則
勝遊

其二

塞帷仗鉞起滄洲總爲君恩未盡酬掃淨妖星
扶北極挽回銀漢向東流麒麟閣上千年事蟋
蟀詩中八月秋若使仙舟能共濟逢人誇作廣
寒遊

沁水王玉源哀詞

一代詩稱太白才蘭皋葵苑興悠哉耽書盡探
西京業愛客頻傾北海杯漳水波瀾春浩蕩太
行磐石晚崔嵬于今精爽歸何處空有文光照

數馬集

卷之十五

四

夜臺

水退後行縣至充西諸邑悵然有感

數間茅屋勢斜欹老稚猶存壯者移陌上水消
微有徑渠邊柳在半無枝地荒況急秋苗稅農
廢兼憂夏麥時欲拯蒼生何計是臨河一望轉
凄其

陪御史大夫李公行河讌于單父之琴臺

賦贈長律

東遊河伯未澄清亞相徵來視水衡漢代登仙

人羨李虞廷告瑞鼎爲精嶽分嵩岱經曾授節
建東西賊悉平昔日偏裨皆大將今時守令半
生舊都淮泗飛征蓋故里澶淵迂去旌沉馬
已慙前事失其魚空抱此時情行邊草就三都
賦菱處仍開五校營雨暗隋隄樓永夜月明蕭
寺蕭嚴更朱旗倒映陽侯宅紫氣高含單父城
執法臺中慚接武論文席上喜班荆權深魯酒
休辭薄詔到唐風好結盟繼繼陳遵投轄意依
稀必賤鼓琴聲知君諾比千金重使我心將萬
數馬集

卷之十五

五

戶輕況奉璽書趨大府敢云孤矢許專征憂天
幾欲下雙淚鑿地何由借五丁厭見村墟墮夏
屋愁看禾黍廢春耕蒼生故自憐財力長吏還
應苦送迎願以嘉謨諮岳牧徐收羣策報公卿
宣房瓠子皆陳迹麟閣雲臺有大名待挽狂瀾
歸海去玄珪入告禹功成

朱汝脩新成脩竹館移居爲賦卜居篇二

章

金馬門前賦卜居閒情未與世情疎移來舊竹

成三徑載去遺書幾車仙掌月明秋映戶西
山雪色曉侵廬此中亦結高陽客慷慨悲歌興
有餘

其二

昔日承歡奉板輿今來手自灌園蔬不須地買
鋪金埒且喜官閒近玉除草扇但愁慙內史談
詩偏欲擬黃初此君報罷平安後靜室焚香一
有書

齊臺署中雪後送黃博士之政和

數馬集

卷之十五

六

舍連朝雪故人此暫留百年同脫粟一醉解
重裘書劒晨將發文章晚見收武夷桑梓地暇
日可頻遊

其二

匹馬向南征芳樽送客情鄉關春正好驛路雪
初晴勿以青氊薄還同畫錦榮懸知載酒處問
字有侯生

謁 聖廟詩 四言

謂山蓋高其巔可陟謂海蓋深其淵可測惟我

夫子莫究其極際天蟠地斯道充塞爲萬世師
爲百王則可名非名大德不德嗟我小子實鮮
知識蚤歲誦法番老未息如窺堂粵尚阻于闕
茲來闕里 廟貌是式稽首庭除若見顏色徘徊
廊廡有嚴有翼禮匪能恭而恭斯克蒼蒼古
木挺然正直神物呵護歷歲千億周人思召甘
棠封殖匪物之懷惟德是憶況我聖道饑渴飲
食人之懷思孰能去臆我來自東保釐是職有
職不舉厥罪安匿明明聖訓就列陳力詩以責
數馬集 卷之十五 七

躬莫之敢飾

王漢冲都督從粵西寄書頗言彼中瘴癘
因有此答

破虜征苗舊策勳登壇人羨漢將軍風清臨桂
天邊漳陣捲蒼梧嶺外雲獨擁金城喧鼓角雙
標銅柱息妖氛丈夫意氣吞蠻粵莫向衡陽憶
鴈羣

送李克輔同年謫臨高

四載湖湘守征徭急此時民應愁賦重國乃罪

輪遲地到炎方盡山憐海外奇何須分楚粵隨
處有瘡痍

同翰林孟博士登嶧山

雲作衣裳石作臺扶人一杖上崔嵬孤桐名爲
青山重茵菑花從絕巘開大地烟霞三觀接長
淮風雨二陵來清芬幸挹孟夫子信有巖巖氣
象哉

登嶧山有懷御史大夫李公

石磴崎嶇石室清上方遙聽羽人笙洞深往往
數馬集 卷之十五 八

披雲入徑及時時繞壁行洙泗魯郊原接壤嶧
陽禹貢舊知名好邀謝傅同遊眺巖谷如聞有
屐聲

詠嶧陽孤桐

枯桐不再榮蒼然負奇質要知萬年物可中清
廟瑟

傷沛

漢家湯沐邑王氣今銷歇昔爲英雄數今作龍
鼉窟

登濟南城樓懷古

危樓百尺對高峯勢抱齊城翠幾重漢氏分王
親子弟周家錫履舊提封函山何處逢青鳥灤
水他年困白龍形勝有餘生計促蕭條不是爲
租庸

同嚴侍御登華不注峯

一逕迢迢上翠微洞門陰處憩斜暉孤高欲競
南山聳窈窕如合細雨飛載酒峯頭酣野色行
春郭外霽霜威琳宮下瞰平湖水醉泛蘭舟待

數馬集

卷之十五

九

月歸

邀嚴侍御遊錦屏山洞

錦屏春色近如何滿澗寒雲蔭淺莎晴日蔽虧
山宛轉亂藤高下石嵯峨聲傳谷底人相應路
入巖中客暗過不是政閒邀一醉齊州歲月竟
蹉跎

其二

翠壁丹崖面面新良工鑲出玉嶙峋幽深長恐
藏風雨靈異應須有鬼神片石飛來成白塔羣

隙處見蒼旻與君同訪源去只少花間避
地人

新安方高士以五言十四韻見贈因成二

十二韻却寄

有客謫南秀神京斗北看詩名追大曆紙價踊
長安座裏微雲淡吟邊白雪寒青山迎去棹皓
月照征鞍時醉步兵酒常依粉署蘭清風飄歷
下紫氣滿河干慷慨酬知己趙超見達官風塵
短缺在懷袖尺書殘吾從大夫列望孤上將壇
數馬集

卷之十五

十

憂時驚鬢改報國矢心丹欲効鷹鷂逐其如豺
虎繁引杯頻按劒投筋強加餐已矣雕龍技陋
哉聚鵲冠嚶嚶憐出谷坎坎畏伐檀壯志苟難
遂浮名豈所歡君才美篠簜古意托琅玕贈比
隋珠重和同郢曲難行將辭豸服歸去把漁竿
水色新安路煙光嚴子灘揚帆過浦澈繫纜恣
盤桓梁父吟應作廣陵調可彈斯遊如夢寐搔
首越天寬

答前濟陽李明府

倚文章能致身攻文今時亦誤人莫倚儒術
能飾吏儒雅翻爲俗吏忌張湯卜式稱少文遭
逢亦自升青雲楊雄頭白相如吃古來困蹟何
紛紛羨君才名滿淮海射策南宮經幾載曾道
中郎倒履迎還擬公孫開閣待驂騑亦自困羊
腸牛刀小試濟之陽催科未許容乾沒撫字終
思返流亡其稱濟上神明宰文藻風流冠僚案
每誇山嶽案難移自信冰霜心不改由來宮內
妬娥眉三至令人不自持君今暫解腰間綬印
數馬集 卷之十五 十一

首雲霄尙有期失亦不足愁得亦不足喜戴聖
九江號大儒蕭育杜陵稱男子丈夫若坐軟弱
不勝任一罷終身誰相理君才幸自不後人詞
源況倒長江水君不見薛恭不辦治頻陽移向
稟縣稱循良又不見漢廷請劒槐里令千載兒
童知名姓君但朗吟且加餐壁上龍泉莫廢彈

余侍御邀同嚴侍御遊趙司徒湖亭

綠陰滿地水平橋錦石貞心可久要圍竹翠經
雨雨染池荷香逐晚風飄城頭山色看如畫座

亦湖充定亦搖珍重尙書紆國計不妨星使暫
相邀

送余侍御南巡因登岱嶽

新奉天書下栢臺幾番時雨逐君來要觀大海
三更日試聽高峯萬壑雷鄒魯遺風行處近云
亭佳氣望中開岱山亦與燕山接詩思登臨未
易裁

朱旺口陪御史大夫霖霖李公閱新開河
議塞決口一首

數馬集

卷之十五

十一

河上誅茅啓戟門千家席寶自成村波臣未悔
畧生禍野老都忘亞相尊禹蹟山川思再奠漢
家湯沐嘆難存抱薪獨媿渾無力排決須君仔
細論

送門人進士門達由鎮江教授擢國子助
教之京

擢第當年沐 主恩之官南北一穗存書移博
士綠三傳嘲解諸生在四門玉壘秋高天外思
金山湖湧句中論文情我亦彈冠者敢謂培風

變大鵬

傅邦瑞兄司庾德州甚有清譽茲得代將
道送內子渡江卽返旆入京賦此贈兼以

爲嘲

司庾使者橐裝貧有俸全供麴米春每念儲糈
關赤子應知版築是前人細君羅襪凌波遠舊
友芳翰對月新憂國懷鄉同此夕相看蓬鬢漸
加銀

長陵明樓舊感懷一首

數馬集

卷之十五

十三

一著戎衣似武王長陵佳氣鬱蔥蔥卜年已定
燕山鼎傳世何須大內藏天遣雷霆頻震怒帝
如日月本輝光金臺極目浮雲滿想像龍髯去
渺茫

哭謝繹梅司徒一首

天地東南一宿儒憂時何意遽忘軀文章名播
雞林賈勳業形存麟閣圖萬里扶桑誇典客九
州財賦窘司徒傷心欲下羊曇淚從此蒼生屬
望孤

馬東鋪偶成

在肥城北四十里

去岱餘百里人煙有數家風來山響樹雨過水
流沙沃土西成日遙天北極霞停車聊自適一
爲問桑麻

重陽日新嘉驛小憩

九日亭臯霽金風細作寒不須愁帽落猶自覺
衣單萸菊霜中淨茅茨雨後殘天涯逢搖落尊
酒不成歡

題堦山館

數馬集

卷之十五

十四

七年官此地擁傳幾經過谷口秋容淡山中雨
意多風塵鬚鬢改土俗吏民和獨恨頻來往負
薪爲決河

單河堤上遇雨

二絕

岸亥泥深一徑微驟來風雨濕人衣朝行隄上
暮隄下却向空林羨鳥歸

其二

高秋風雨忽生寒薄暮驅車午未餐不是中丞
憂道路丁夫暴露滿河干

單父雨後行水中二十里夜宿方桂集用

前韻

山川蕩漾樹陰微泥滓車中亦上衣行路藉難
今若此數聲秋雁喚人歸

朱汝脩六十生子

新從築室夢熊熊淮海蟻珠入掌中每恨緹縈
爲季女今看家督出朱公啼聲一試知英物豎
理應呼作小同定見學詩兼草聖翩翩儒雅繼
遺風

數馬集

卷之十五

五

其二

六十年來鬢似絲初因哺子一含飴南山橋木
終難老東海蟠桃本結遲名是太真曾見賞字
稱元嘆也相宜通家我忝壽春守會有門前脩
刺時

溫御史大夫
贈以嘉名

張逸度爲余作千巖萬壑圖賦贈長句

我聞劉褒工繪事抽思常在染翰前有時畫作
雲漢圖蘊隆赫赫三伏天忽畫北風動地起滿
堂六月思著綿世人工畫不工意丹青粉飾空

自妍吳中士夫精此技愷之以來畫譜傳近世

啓南稱獨步唐周仇文亦次焉張生學畫兼數

氏神與古人相周旋既向圖中師名蹟復於象

外得真詮公孫舞劍擔夫鬪書畫悟之皆入玄

爲今染墨作長卷千巖萬壑勢相連晴峯突兀

當空立澄潭鏡裏掉青蓮山回路轉清溪瀉平

林邈迤見人煙有客山間煮白石何人洲上採

芳荃入山益深溪益暝喬木側挂蒼崖巔扶筇

歷險者誰子枯藤老樹恣攀緣流泉觸石珠跳

數馬集

卷之十五

六

躍耳邊彷彿聞潺湲招提選勝依雲構茅屋臨
流倚壁懸策蹇山翁來幾日入定高僧不計年
五色峯霞暎遠岸一天秋色浸平川江上三潮
伍相怒湖中一曲季真還漁舟遠浦歸來急似
被風吹勢欲偏我觀此畫塵慮洗便欲深山訪
佳佳不然且挂布帆從此去與爾共追范蠡船
張生張生真奇絕知爾匠意畫之先生平卷軸
有幾許慎宜珍惜勿棄捐寄我一厨好封識會
見變化通神仙

題畫中小景二首 六言

秋浮遠山重疊林疎小徑橫斜草亭無人載酒
問奇客往誰家

其二

流水前山挂白茂林兩岸交陰草舍竹扉半啓
度橋倚杖高吟

登五峯頂憩道宮內有頒賜道經經中有

神農本草

步虛驟到上清天寶砌琳宮色煥然林密忽忘

數馬集 卷之十五 七

山向背庭閒一任水潺湲翻經因得神農草覽
勝兼探老氏玄暫息塵踪遊物外逍遙何必訪

真仙

羅伯符以書畫及詩見贈賦答一律

風流儒雅一羅含染翰偏宜酒半酣班掾大名
垂塞外蘭亭遺蹟出江南袖中縑素生春色筆

下峯巒起夕嵐投贈慙慙同芍藥瓊琚欲報意

空慙

王晴江中丞以詩邀同孟賓竹觀察遊趙

司徒湖亭卽席賦謝兼約再遊 王西曹舊僚孟鳳陽

同官

園林蔥蒨水縈迴楊柳橋邊載酒來栖鳳琅玕
寒更綠躍魚萍藻凍初開燈光照夜花燃樹香
氣迎風玉吐梅王孟詩名君不忝和歌誰是謫
仙才

其二

千頃平湖水榭連柳舒梅放早春天相邀看竹
淇園日却憶含香漢署年論舊總憐添鶴髮憂

數馬集 卷之十五 十八

時空欲舞龍泉從來此地堪投轄乘興何妨續
綺筵

酬嚴侍御郟城見寄 時有東巡之約不果

燕市論交二十年歲寒長許寸心堅齊城幾度
看星聚魯地今宵對月圓江上懷歸休計日臺
中抗疏好回天相思故有東遊興魂夢空迷訪
戴船

寄畱都葉少宰

南國春風幾度新憂時屬望濟時人文成銀管

充青史詩誦金華動紫宸六代江山興廢幾千
年社稷重輕身淮陽不與廟堂議敢向天官論
積薪

送謝在杭秋官之留都

白門南望柳依依書省爲郎願不違臺上已聞
雙鳳去江頭猶見六龍飛惟將佳麗供吟咏莫
向升沉論是非我亦爽鳩曾作吏祇今偏憶謝
玄暉

甲辰季夏訪少保大司馬李公于朱旺口

數馬集

卷之十五

十九

河上辱贈詩四章久未能答公既憂歸明

年夏方克追和

大厦須棟梁濟川待舟楫男兒七尺軀讀書常
滿篋不能濟蒼生對鏡媿鬚鬣之子王佐才安
能多鴻業狂瀾下龍門故道失馬頰胼胝當隆
暑寄身在一舸豈不懷宴安斯民尚魚鼈而我
獨暇豫夜夢得交睫念此良簡書輕舟資利涉
訪君長河干清芬庶可浥

其二

登舟望洪流浩渺極千里魚鼈皆遊陸單沛蕩
爲水誰當挽天河惟君力辦此曾聞魯陽戈能
回崦嵫谷又聞女媧石能補乾坤毀西伐淇園
竹北致岱宗砥礪中金簡書得自蒼水使管者
宣房役天子勞玉趾公獨任其難將以媿臣子
我亦汲鄭流負薪從此始

其三

暮雲垂薄陰開筵眺平野南薰苦不至坐待清
露下人生貴知音何必同粉社仰觀星漢流俯

數馬集

卷之十五

二十

聽波濤瀉清觴爲我傾長劒爲我把慷慨發豪
吟篇章自流灑琴瑟燕嘉賓鹿鳴興於雅我欲
申長句氣索意難寫始信白雪歌調高和者寡

其四

良會不再值嘉言未及酬忽抱蓼莪痛君行向
瀟湘相去日以遠寤寐見無由袖中齊統扇展
轉意綢繆動以發清風吟以見情投願假飛鴻
翼乘之恣遠遊飛鴻不可致翻思雪夜舟君才
優稷契明主方借籌他日據要津微材諒見

收久要昔所賢薄終今所尤高詠伐木篇無爲
友道羞

馬穉長督學寄所上故御史大夫李漸菴

先生詩悵然有感

棲鳥啼罷曙鐘殘千古芳名史上看客去函關
霞尚紫月明涇水夜生寒青山好掛徐君劍衰
髯慵彈貢禹冠從此何人能薦士惟應歸去老
漁竿

送董學舒觀察使之楚

數馬集

卷之十五

二十一

武昌楚都會襟帶十六州江漢南國紀滔滔萬
古流中有藩王居分茅據上游形勝與華腴獨
冠西南阨轉輸及二京連雲下方舟天子所
使治拊髀思壯猷君自廣川裔清白繼前修往
歲揀玄菟轉粟贍貔貅屬國燃餘燼司馬借前
籌江晴鴨水綠海霽鯨波收遼陽旣返旆無棣
復建旂軍儲四百萬飛輓可停不長帆掛淮浦
短棹入御溝論功在九邊行役及三秋荆楚多
慄悍深遺廟廊憂移君往持衡所須在懷柔今

者喪亂平君去復何求惟當勗長吏與民相喚
吟下車問疾苦勿畱賊與蝨公暇引僚佐時登
黃鶴樓賦詩烏鵲夜懷古鸚鵡洲丈夫負奇骨
終封萬里侯行矣慎風波時時看越鉤

再詠琴臺一首

琴臺遺迹此追尋三載重來愜素心流水誰能
彈古調披星人自繼徽音隄垂弱柳秋將瘦院
鎖長松書欲陰回首最憐風化地至今村落幾
浮沉

數馬集

卷之十五

二十一

曉發曹南卽事

涼風入樹作秋聲曉露濡衣緩轡行野馬濛濛
隄外起莎雞唧唧草間鳴國從振鐸封來古地
接陶丘勢轉平欲問宣房築宮處馳驅空自想
河清

秋夜曹少司空招飲太白樓賦贈

吹角軍城動綵旂遙從太白挹風流乾坤吟罷
畱殘碣海嶽西來有此樓十里帆檣汶水月數
聲鴻雁絳河秋登臨無限濟川意好作商家傳

朱顏未改鬢微斑，卻老如聞有九還。四載省方淹闕里，幾迴簪筆肅朝班。會分桃實遊蓬島，因憶桑弧掛惠山。潦倒余慚雌甲子，相思相送穆陵關。

贈雷荊州元亮

雷豐城人時以運木入京

滾滾長江入壯懷，荊州內史興悠哉。歌翻郢曲紛成雪，劍出豐城舊姓雷。自古楚材多杞梓，于今漢苑有樓臺。未央前殿方經始，天子論功未遣回。

數馬集

卷之十五

三

邀馮元成觀察遊趙司徒林亭

同用山字

十畝園林一水環，草堂長閉苑中間。蕭蕭竹樹王雖滿，鬱鬱松枝客共攀。帝有納言猶北斗，人將別業比東山。相看無限千秋意，子夜春風坐不還。

邀馮元成觀察讌歷下亭日暮泛舟

同用寒字

湖上東風退舊寒，故交携手有新歡。笙歌半爲深謔廢，燈燭偏宜遠岸看。敢向中流論擊楫，還從大雅識登壇。因思北海當年宴，歷下高亭此

說舟

憶昔吟悼友人黃孔昭

孔昭能詩兼工畫

憶昔鳴騶赴闕庭，同遊人別太玄亭。天涯踏遍王孫草，皇國驚看處士星。刪後何人窺雅頌，詩中況自有丹青。燒燈探韻今寂寞，獨把遺編手未停。

送黃于遠茂才還閩

黃花開盡見清霜，送子南歸別恨長。誼似孔融來訪李，才同司馬倦遊梁。家園寒近柑初熟，海國秋高桂自香。潦倒余慚齊節度，贈君惟有舊干將。

數馬集

卷之十五

三

龍潭禱雨

龍王宮殿碧潭深，臥映明珠秋正沉。我欲題詩驚龍起，乘雲飛去作甘霖。

得雨投謝龍潭

深秋龍臥已多時，忽聽人間喚雨師。躍入天門雲氣合，等閒平地見淋漓。

壽嚴雲岑侍御兼送還朝

會難

數馬集卷之十五

數馬集卷之十五

數馬集卷之十六

溫陵黃克纘紹夫著

詩

同馮元成觀察登歷山再用遊湖韻二首

春色何方好相邀問歷山煙籠譚子國地接穆陵關
覓句風塵外論心宇宙間晚來移席處驚嶺可躋攀

其二

晴湖歡不足攜酒陟層巒倚石登梯穩臨風著數馬集

卷之十六

一

絮寒尊前華鵲小檻外海天寬目極隨陽雁未春向北看

送葉玉城侍御登岱山

靈嶽蒼蒼自古今觀風多暇此登臨中宵海口看如畫半壁春雲待作霖漢礪有盟金篋在秦碑無字碧苔深
茲行不爲耽名勝天遣東來起陸沉

行視河工夜至杜家樓見丁夫猶在水中

潞河悵然有感

列炬輝輝兩岸傍夜深人立水中央休將娶婦寗河伯敢把勞民怨上蒼投壁不靈神慘淡採薪難繼意彷徨追思此事無窮恨暴骨曹南草未芳

將之河上行三十里邢子愿叅知適至出程君房墨見贈遂從亭長沽酒畱欸入暮方別

綵筆當年享大名別來驚見二毛生沉吟最愛囊中草邂逅因歌野外萍酒罄金罍歡不極談數馬集

卷之十六

二

罪玉屑聽偏清殷懃兼有諭麋贈欲向臨池儆伯英

行縣至平陰時雨大降志喜

隴麥微青柳未舒蕭條百里見民居洗天風雨來靈嶽遍地春流遶石閭自是彼蒼能愛物敢云甘澍忽隨車濁醪酌罷豪吟發欲賦公田媿不如

杜將軍以三教清詞索詩賦贈

家世登壇海內聞妙齡人擬霍將軍擒生夜入

賢王帳飲馬朝驅雜虜羣久向六韜蒐秘訣暫
從三教討遺文掛牌猶自思頗牧詞賦何應併
屬君

送馮元成謫嶺南僉憲

早將詞賦擅時名持憲今爲嶺外行錦石山前
花自好沉香亭外水偏清珠官未返宮中使犀
甲猶屯海上兵遙想雷陽行部日思親憂國不
勝情

送同年劉惠徵之廣右叅藩

數馬集 卷之十六 三

社稷雄南服旬宣去路遙蒼梧虞帝狩銅柱漢
臣標見雪疣應吠行春瘴自消湘江流向楚看
送北還橈

送友人之峇竹僉憲

龍里烏江密箐寒星輶到處遠人歡漢馳八校
愁通道禹格三苗想舞干好把風霜銷瘴癘還
令離結變衣冠君家伯仲河東鳳待爾長天振
羽翰

張伯起孝廉以詩見寄用韻却贈二首

身隱奚知位可尊南州高士玉同溫蓬蒿不沒
千秋客雨露誰微一命恩博物能將彝鼎辨評
文今有註疏存新詩遠寄憐同調豈爲荆山泣
舊冤

其二

匡時無計寸心勞曾似吳中隱士高茂苑秋深
題柿葉聞門夜靜映蘭膏文章共許追楊馬勳
業何須羨禹臯最是此腰終未折孝廉名重宰
官陶

數馬集 卷之十六 四

沈穉咸高士以詩見寄用韻却贈

詹事詩名宇宙懸風流異代見君賢臨池有水
皆成墨畫壁諸山盡入絃三觀峯巒迷海日五
湖煙雨隔秋天葦葭欲諷懷人句未卸裁冠意
惘然

七夕

望斷天河欲渡難織成雲錦待君看欲知別後
閨中思軋軋機聲子夜寒

其二

鳥鵲微禽亦有情林間今夜寂無聲乘風借與
天孫便清淺銀河水面行

其三

銀潢一派水迢迢既濟方知有鵲橋不似人間
難遇合長門咫尺望偏遙

其四

索居夜夜嘆河梁修渚何如兩意長秋去秋來
成轉盼可憐容易接清光

其五

數馬集 卷之十六 五
簾前明滅一燈紅靈匹虛無此夜中天上不知
人易老故教青鳥自西東

跑突泉餞溫用廷侍御行部

春風初轉濟城東擁道爭看御史驄旌蓋暫停
山翠裏笙歌莫聽水聲中堂成背郭林園好路
入荒郊杆杵空莫怪慙慙頻勸酒天涯情語更
誰同

悼郭哲卿中丞因送其子之京請卹典

中丞鹵簿去何之僑彤遺風我所思最恨風塵

埋玉樹堪憐蘿葛托松枝九重優詔司農起千
古榮名國史知誰是嵇康竹林友山公舊誼可
能追

寄題杜日章五岳草堂二首

聞子希禽尚高風邁古人神能遊五嶽迹豈滯
三秦卜築身將隱籌邊志未伸龍泉猶掛壁莫
忘拂埃塵

其二

地逼榆關險門臨太華崇乾坤三畝宅江海一

數馬集

卷之十六

木

詩筒自覺風塵遠誰論檠戟雄蒼山圖四壁清
響應絲桐

杜將軍出塞歌

漢家自失河南地延鎮年年舉烽燧十萬入屯
古朔方云是左賢之驍騎穿塞每占星月輝鳴
鏑時如風雨至三邊猛將號如雲袖手誰能施
表餌杜陵將軍美少年駃騠七日敢爭先鳴劒
長懷臧馬志談兵暗合孫吳篇自從十五學從
軍賀蘭山下虜紛紛苦戰戈揮天際日窮追旗

中雲功成東去守榆關關在黃河九曲間
自管聞笳皆下淚今看插羽轉開顏聞笳插羽
互驚喜此地由來通貢市金繒方輸已盜邊和
戎之約胡可恃以斯決策出奇兵啣枚直過受
降城幾處星星胡地火三更寂寂骨都營旃幕
風前驚電掃胡兒夢裏怪雷砰闕氏血染青絲
騎當戶頭懸白羽旌青絲白羽夜蕭蕭入塞方
知出塞遙馬上饑寒君莫問陣前生死膽須饒
因探虎穴氣雄邊丈夫壯志勒燕然天子擢公
數馬集 卷之十六 七

當路塞論功更待國威宣君今息肩數載餘閒
來飽讀陰符書北平飛將仍典郡霸陵醉尉可
全歟杜將軍今武庫龍額侯何足慕但將敦詩
說禮風坐冊元勳流竹素

夏日龍潭禱雨

誰云澤水有龍蟠空設靈潭禱雨壇若識歷山
農父意爲霖初夏未應難

得雨謝龍潭

潛龍一躍便飛天雷動雲蒸雨沛然欲答神功

無與瘳裁詩爲報太平年

春夜與馮元成憲長遊大明湖及趙司徒
園邀邢子愿參知不至有懷二首

移棹搖空碧繫舟得樹根塵心川上滌古意曲
中論晴月明高柳寒雲滯遠村相思人不見何
處採芳蓀

其二

霽色湖中水清陰竹外亭堂開卿是月賢聚德
爲星吐鳳思摘藻換驚憶寫經誰能琴酒會忘

數馬集 卷之十六 八

却河間邢

杜門請告適沈仁甫山人以李于田少保
書至賦此贈沈兼以寄李

爲愛東方嶽色青休關抱瑟向齊庭翹材管厠
平津閣讌客今虛歷下亭談裏波濤堪起色病
中土木已忘形憑君寄語大司馬擬學鴻飛入
杳冥

贈杜子紆文學還吳歌

昔日襄陽杜必高又欲屈宋作衙官千秋此語

人絕倒盛唐典刑今不刊獨怪北面義之筆不
留綠素照詞壇乃知文章代有人惟有書法稱
獨難東吳杜生自磊落胸中學海富波瀾文場
苦戰三十載壯心未肯傷摧殘一朝棄去攻詞
賦行吟澤畔採芝蘭楷法傳從文太史歐褚之
間伯仲看就寢幾年穿臥被逢碑盡日解征鞍
右軍筆逞高成塚誠懸心正畫皆端炎蒸五月
來秦岱欲尋匹練向吳觀與我相逢函山下嘆
息舊事失青鸞短碣爲余書曲阜長篇待爾拂
數馬集 卷之十六 九

齊統婚如合浦明珠燦秀比銀河列宿繁書罷
謝余東歸去不待清秋八月寒杜陵後人無乃
是襄陽墨池今未乾鋪楊鴻藻須銀管惜不攜
爾登金鑾不然燕然頂上一片石勒之猶能贄
可汗丈夫有才多軼軻歸去乎曹娥江上暮邯
鄲

葉相公由雷京少宰召入台司賦贈一首
紫泥封詔拜台司冠蓋傾都出餞時 聖主應
思南去久蒼生惟恐北歸遲二京詞賦煙霞燦

一代忠貞日月知願覩太平新事業好將無
贊無爲

九日同溫用廷侍御千佛山登高

鏤佛山亭倚檻秋如螺華鵲翠煙浮高情賴有
彈冠侶衰髮應無落帽愁萬樹青蔥霜自淺千
巖岑寂夜還畱因君忘却十年客欲採黃花插
滿頭

初冬同溫侍御遊錦屏山

錦屏磴路管攀躋與客重遊迹已迷莫說春煙
數馬集 卷之十六 十

從竇出驚看午日隔峯低寒冰作筯垂龍洞亂
石爲沙困馬蹄衲子送人天欲暝鐘聲聽在白
雲西

壽大司徒南渚趙老先生七十詩

華髮工於爲國謀公身況復富春秋名從抗疏
時偏許官憶投閒晚見收 天子垂衣心倚重
地卿當軸矢分憂冰霜自信完清節風雪何妨
變黑頭足國幾年餘玉粒恤民千載固金甌情
深魚水絲綸美 賜出龍淵禮數優 詔至每

傳需貨急藏虛未有應金求門前寂寂掛羅雀
道上行行盡滅鷗其瞻北斗魁爲始信名川
說作舟擬拜冢卿先綰綬將辭計相更持籌遺
賢不惜多方舉墨吏無難一筆勾經濟談時韜
滿腹精神王處耿雙眸周家太保稱元老漢代
營平是徹侯永作棟梁支大厦長看砥柱障狂
流瑞同鳳鳥岡頭翥健比臯禽月下遊直向黃
庭經裴悟罔勞鴻寶枕中據乾坤正氣誰堪並
如礪蒼蒼有介丘

數馬集

卷之十六

上

李務滋侍御按部濟南讌歷下亭

玉鞭輕拂五花驄爲賦皇華入大東歷歷山川
征蓋外鞞鞞佩璫探詩中開尊疑映青藜火論
事偏生白簡風回首峨眉清夜月今宵湖上與
君同

邀李務滋侍御遊千佛山

山中伐木鳥嚶嚶載酒登臨共友生四野晚煙
連岱嶽一湖春水見齊城玄玉削出華峯秀翠
黛消爲石溜清倚檻好窮千里目心知直北是

神京

徐仲開以李少保書上時李新入樞府仲

開素以作賦見知因有此贈

三毛青鏡兩相猜匣裏龍泉久不開春雨幾時

膏下土時方苦旱文星昨夜照中台客來爲設徐生

榻賦就爭誇處士才聞道公車曾奏牘平津邸

第首重回

禮雨投龍潭戊申年三月二十日

歷下城西百尺潭潛龍止水碧於藍春深猶未

數馬集

卷之十六

上

與雲雨爲寄嘲龍詩一函

待雨謝龍潭三月念三日

漠漠浮雲起四郊夜來清響答花梢東皇已去

誰行雨知是神龍欲解嘲

贈少傅兼太子太傅大司馬蕭老先生三

十韻

乾坤鍾異質海嶽產名賢家世承何後聲華邁

鳴前鳴琴西入晉起草北還燕籌國才難盡臨

戎志益堅隴頭分背水沙苑莽蒼煙陟吧頻瞻

母防秋長在邊 驚遙徙帳士飽屢鳴弦幕府
旌麾壯賀蘭鼓角闐河邊無飲馬塞下有耕田
上谷神京邇三雲大地連中丞仍仗鉞司馬更
持權當戶皆迎餽單于總嗜羶但宜明約束安
用控戈鋌漢史營平傳周詩方叔篇均勞身出
入兼攝勢周旋王者無分土夜郎自絕天重開
唐郡邑復覩漢山川位躋孤卿重恩深雨露偏
掄材多汲引拔帥絕因緣報主身何惜憂時
淚欲濺龍門瞻在望麟閣畫屈先白髮風霜老
數馬集

卷之十六

十三

丹心日月懸應期當五百歷歲擬三千威望同
裴相精神竝倜傥懸車終未許休沐敢求便保
傳誼應爾君臣契則然羔羊美退食童叟慎初
筵後輩儀刑在清朝德業全三台星自朗五色
雲相鮮 社稷資公輔奠安億萬年

湯堯文舊寅長寄詩爲贈賦此奉答

曾從漢殿識騶牙出牧還同貢水涯豈謂迂疎
堪檠戟獨憐踪跡寄煙霞已聞辭世求靈藥猶
自耽書度歲華天竺一峯高僧寺遠何時共聽演

三車

哭對泉李冢宰

其向明時嘆積薪驚聞一代隕宗臣建牙我媿
居公地推轂人逢秉國均宇宙正思山僕射公
卿難繼漢平津龍淵賜劍歸何處應吐寒光映
北辰

聞蕭侍御雪後登岱宗賦此奉贈

方岳巡行得暫閒危峯萬仞自躋攀日生蓬島
銀爲海雪霽天門玉作山訪古已窮三觀外避

數馬集

卷之十六

十四

寒應醉五松間茲遊奇絕堪圖畫收盡乾坤爽
氣還

贈畢東郊侍御

凌雲才藻冠詞林慷慨常懷報主心石室書
紉千古祕烏臺地總百官箴東方侯伯先公領
上國風謠季子吟聞道抗疏罷鹽鐵長安紙價
踴兼金

夏夜宴歷下亭同蕭念野畢東郊二侍御

泛舟遊大明湖

雲意沉沉水氣寒移罇倚棹再邀歡衣霑香露
穿荷葉手染濃煙傷竹竿執法明時章表健談
詩良夜酒杯寬獨慚江海思歸客猶自追隨泰
法冠

深秋久旱忽聞夜雨志喜

秋來初見菊花雨五夜頻聞霹靂聲欹枕惟驚
簷溜斷披衣不待曉窻明懷歸猶可終年待望
歲何妨九月耕欲向叅軍詢米價非關王掾有
癡名

數馬集

卷之十六

五

馮元成自嶺表寄書兼遺方物勸我遠色
爲詩寄却因以嘲之二首

美人三載隔天涯萬里羅浮雁到時折得早梅
因寄遠緘來紅豆見相思知將海水供詞翰恐
被風煙改鬢絲勸我加餐仍遠色白頭曾似小
吳姬

其二

敬通不過古今同炎微愁懷一紙中隨俗檳榔
消曉瘴熏人桂樹散秋風巖崖厭寄端溪石踰

領遙分粵布筒我欲移君寘東岱江湖南望水
無窮

答吳少叅挺菴

時爲韶州分守

當年結綬白雲司共許虞廷彩鳳儀得句春生
靈運草書碑時托茯苓芝天池地遠搏鵬徒韶
石音清舞獸知暫飽荔枝誇北客章江五兩數
歸期

得馬穉長督學詩寄此奉答

諭蜀馬卿已倦遊祇將詞賦擬千秋騷人感遇
數馬集

卷之十六

十六

非無怨國士論心別有愁幾度深林懷麋鹿有
時長坂憶驂騑歷山汝水風煙隔莫厭詩筒屢
唱酬

寄壽叅藩蔡沙塘先生兼贈老恭人二首

早辭藩政賦歸田骨變黃芽人是僊種藥新開
花外逕烹茶旋汲石間泉暮中歲月柯經爛字
裏龍蛇草聖傳寄語及門老宗伯誦詩好引抑
之篇

其二

會開滄海變桑田七月家中舊降仙架上石經
書是蔡古來名翰帖爲泉身經吳郡兒童識政
在荆襄耆舊傳偕隱有人能布素他年彤管見
遺篇

久旱投龍潭

百二春炎雨點稀炎風日日掃芳菲塵高似欲
連天漲雲起無心作澍飛龍蟄久安潭水淨麥
枯空負土膏肥躍潛惕亢渾難測空說先天天
不違

數馬集

卷之十六

十七

顧益菴宮諭奉使冊封至齊禮畢有述

冊命煌煌

聖主恩雙持絳節出金門腰懸寶

珖王孫貴手啓瑤函儲相尊青社人爭瞻袞冕

朱衣我亦具縉韃百僚齊問 皇躬泰喜進佳

賓酒一罇

遊顧宮諭宴歷下亭泛湖

歷下高亭結彩霞開罇有客賦皇華湖光欲被
荷花漲山色難教竹樹遮城裏垂楊維釣艇宮
中流水過田家詞臣筆似王摩詰寫作詩圖入

錢機山

錢機山太史有詩見贈用韻却寄

曾緣鳴躍想雲津慚愧張華覩未真金錯有時
傳遠意玉堂何處挹清塵趨庭吳祐年偏少嗜
學更生識絕倫聞道宸聰資啓沃漢廷屬望在
儒臣

得雨投龍潭

池躍泥蟠各一時 皇天仁愛偶愆期未雲孰
與騰空便有歲何妨得雨遲霹靂數聲宵入夢

數馬集

卷之十六

六

陶原四望曉生姿雨暘從此皆時若龍見龍潛
慰我思

哭王玉溪太僕

南北驅馳四十春清風兩袖絕纖塵宦情六郡
知工拙物論三藩見屈伸天上也應卿是月人
間共羨鬢如銀嗟余垂老未歸去驚說雲山馬
鬣新

公爲司理不來
太守凡更六郡

重陽雨中菊花

雨妬重陽菊霏微連夜陰含情生暗淚無語

心能助幽閨怨深孤逸士吟從來誇晚節非
為滿園金

題蘇東坡墨竹

木虬蟠欲化龍和邀鳳竹舞東風玉堂仙子
蛾眉客千古高懷墨妙中

聞趙司徒出都門感賦

去國蕭然一老臣千秋邪正果誰真從來萋菲
工成錦豈有丹砂幻作銀但信剖心明日月何
劫曳履下星辰梁傾棟折今如此空使憂天淚

數馬集

卷之十六

十九

滿中

同馮侍御登歷山

繞郭千峯起暮雲登臨載酒此邀君燕山岱嶽
空中斷碣石遶陽樹外分日射平湖光錯落燁
生翠壁氣氤氲倚欄無限憂時意盡付驚颺送
雁羣

冬至前三日有詔停刑齊中獨得蒙恩賦

至馮侍御

丹鳳嘶書下玉墀葭灰垂轉地中時 聖朝解

猶遲還速野老扶筇喜更悲知有遊魂先化碧
經餘多命總如絲願將慎重用刑意持向虞廷

作七師

李本寧方伯從揚州寄詩四章次韻奉答
門名重漢諸公今古情欣御李同夢裏金鑾
空縹緲賦中玉樹自青葱周官方伯稱雄職楚
國三閭得變風莫是真人興起地文星偏映日
華宮

其二

數馬集

卷之十六

二十

遨遊新向代中來六月氷堅上五臺不二法從
摩詰問三生身悟永師迴已嫌圖籍高東壁肯
交孤卿接上台想到迷樓回首處燕梁佳句不
堪裁 公新從五臺
來近客揚州

其三

曾被浮名絆此身文園何幸挹芳塵山城忝作
分符吏京國同為輯瑞人臥病惟思遊五岳祈
平無計問三辰岱雲觸石皆虛語吹律誰回黍
谷春 公為嶺北分守時曾為嶺州
守今已撤回以蒲臬入 覲

其四

開音曾扣子雲居留滯東秦十載餘急難君驚
三至行死生予怯斷行書風霜入鬢人將老金
石爲交信莫疎欲和四愁慰平子汀頭雨雪正
紛如君第爲蕭令方被重劾奔
廷往救予新有同產之戚

葉相公三年奏績賦贈一首

三年出入未央宮蹇蹇王臣誼匪躬坐息邊塵
談笑外獨持廷議是非中天高惟賴星杓運歲
旱方思霖雨功自昔康侯多異寵周家論道屬

數馬集

卷之十六

三

三公

哭第四首

雙親膝下爾肩隨多難堪傷童子時六十年來
半離別華顛悔被一官羈

其二

一別何堪十四年相思常欲賦歸田誰知造物
能相負緘恨無由到九泉

其三

家庭萬事爾身當不但馨香祖考嘗今日赤貧

諸子弟誰同推食解衣裳

其四

孤兒猶自不勝冠萬里應知卯翼難惟有慙慙
寄書札兒身須作父身看

哭侄一首

我祖中丞貽子孫家中僅有古三墳四傳賴爾
爲家督再第余慚受 國恩昔日永棠無定主
今來誦讀頗盈門東歸空負疎公志痛哭城南
水上村

數馬集

卷之十六

三

贈杜鳳林大將軍

破虜當年百戰身歸來鬢髮已如銀登壇伯仲
皆龍額傳世韜鈴作虎臣門外趨風金甲將堂
中舉案白頭人雄心肯逐韶華老魂夢猶清九
塞塵

宋繹田侍御以青巖隱居詩見寄賦贈一

首

不緣多病臥文園抗疏歸來此避諠賦就梅花
新卷出照餘藜火舊書存烟霞盡染詞臣筆巖

應知、聖主恩莫謂山中饒勝事江湖廊廟
吏須論

蚤秋望後邀馮禮亭侍御讌明遠樓

西風宿雨收清商一曲共夷猶月生東海
涼如洗城對南山翠欲浮醉客今宵思繫馬懷
鄉十載望牽牛憑欄暗把周詩咏蟋蟀聲中四
野秋

曉馬東鋪卽事

晨征山復水景物自依依月色猶留澗露華欲
數馬集

卷之十六

三

染衣遺糧存肉莽老樹逗芳菲知有岱宗在遙
看人翠微

過魯少憇城南公署

南風蕭瑟羽旄輕古道逶迤過魯城父老迎車
遙欲臨儲榻委地市皆盈才疎久擁青齊節身
病難尋黃綺盟擬向靈光訪遺迹千秋疑有壁
中經

謁孟廟一首

嶧山前峙勢凌雲松檜陰森滿院芬奔走自多

千載士遭逢莫問七雄君身遊上國瞻依近書
到窮荒習誦聞今古人心從此正世間邪說枉
紛紛

晚秋飯界河驛

驛路通京國青山接界河民知鄒魯朴地憶聖
賢多接畝欣欣禾黍凋風悵樹柯十年空忝竊一
飯媿如何

臨城驛偶成

徐充此疆界長亭萬柳條手無將雨露意乃採
數馬集

卷之十六

五

風謠北望神京邇南通嶺海遙三齊民力困莫
道誤星輅

送劉蘿徑觀察之貴竹

新特使節擁星輅路指銅山白石橋廟食舊聞
上是竹火耕今說峒多苗千山翠藹毫堪染一
羽仁風瘴可消聞道水西非舊帥好教長戴
聖明朝

春日西郊訪穆桂陽吏部賦贈

懷人幾度訪郊居一片清心玉不如戀主豈

念天上詔題材空憶袖中書庭閒露滴丁香樹
隱靜風驚脉望魚蚤晚應趨金闕去城西蕪
逌教鋤

馬集

卷之十六

五

數馬集卷之十七

溫陵黃克績紹夫著

詩

遊靈巖四首

岱宗西望見林巒問俗登臨得縱觀樹色能添
旗色翠山光饒借劒光寒經駝白虎堪名寺法
護青虬許遶壇欲訪定師禪寂處鐵衣畱與世
人看

其二

數馬集

卷之十七

一

洞門香霧撲衣來半壁祥雲塔院開石勢凌空
攢劒戟山形隨地湧樓臺晴嵐滴滴飛成雨危
磴蒼蒼濕作苔便擬乘風登絕頂禪心詩興兩
難裁

其三

方山圓嶺勢嶙峋千古叢林氣象新石上盤根
懸檜栢巖邊積翠雜松筠舊碑磨付題詩客高
人閒登說法人其酌甘泉分玉露暫將冠蓋拂

塵

其四

靈巖巖上望西天鶴兔東來不記年鳥向櫻桃
空夏實僧拋貝葉種秋田名山宜據三齊右嘉
祿開裁兩漢前休嘆顏宮與殘壁曾聞瓦礫有
真禪

舟行至宿遷阻風

地近淮陰海氣多石尤風急水增波貫魚其喜
千帆進退鷁其如九曲何北望未能忘錫履南
行猶自擁珂戈主恩未報身將隱清夢時時
數馬集

卷之十七

二

到薛蘿

龍井二絕

蘇公會訪辨才處夜半空山入定時千古風流
難再續徘徊泉上得歸遲

其二

千仞翠栢半垂藤路繞清溪興自增玉版籜龍
堪入饌青山何處不逢僧

又六言二首

廢興新舊龍井高低大小泉亭石似鵬搏鳳起

烏知日落山暝

其二

坐上參差翠岫望中表裏西湖渴舉山僧茗飲
醉看大將昆吾是日李太將同遊

高東溟中丞招登吳山夜讌

吳山蒼蒨暮生雲怪石奇松帶錦紋燈影遠從
湖裏見歌聲靜散郡中聞屢過霽境真相負一
過心知忍遽分坐待海門高上月穿林入座挹
清芬

數馬集

卷之十七

三

其二

萬家煙火接江雲縹緲虛空見水紋宮室前朝
看已變海潮中夜坐來聞山形入郡千峯盡地
勢臨流兩澗分其道百城皆向化炎風六月藹
春芬

高東溟中丞出餞鳳山賦五言二十四韻

尋幽兼出餞坐我鳳山頭樓閣萬家郡風煙兩
越州江湖隨地湧城郭帶川流懷古因思趙爭
雄并億鏐繁華當代事戰伐幾時休王氣百年

靈地靈七葉收故宮存遺址御苑接高丘客有

與仁感人欣形勝遊朝趨文杏館夜泛木蘭舟

三伏能忘暑萬松欲送秋望中千彩鷁樹底兩

驕驪美景同欣賞深杯屢獻酬盤桓危石下徙

倚小亭陬南北招提勝東西睥睨稠方言雜汴

宋民俗帶成周處處憂機杼時時去賊蝨黃金

旌漢吏赤土拭吳鈎海宇咸安堵廟廊行借籌

功當垂竹帛名已覆金甌駑足慚附驥歸心羨

狎鷗方悲十載別何惜兩宵畱且盡河山興其

數馬集

卷之十七

四

調今古愁潮平催解纜別緒兩悠悠

過分水嶺

無諸舊地古名州形勝東南最上游壁立千峯
雲觸石支分一水芥爲舟薪樵久作周家用華
實還堪禹貢收媿我歸來頭半白空從前輩想
風流

九日攜諸子弟登清源山

六十年來汗漫遊登臨重見舊滄洲天風嶺畔
雙吹鬢潮水城邊一繫舟滿眼煙花雲外賞千

秋形勝望中收晚芳未發人垂老怕上層巒景上頭

雨後過五虎山渡江偶成

南山遙望北山城一水東流勢自繁候吏芳罇邀客醉長亭脩竹傷人行雨餘淨洗旗峯出江靜徐看錦浪生況是年豐禾蔽野驅車何敢緩王程

遊武夷登天遊觀

煙霏斂盡萬峯青蒼壁雕成怪石形疑有五丁數馬集

卷之十七

五

揮神斧縈之九曲護山靈溪邊玉女潭爲鏡雲際仙人幔作亭此日振衣千仞地行藏空自羨鴻冥

舟次延陵辱許典客投贈次韻奉答

捩落深傷宋玉秋夢魂夜夜過東甌笑市語能成虎誰道禪心可狎鷗革履曳來拋不蚤風帆歸去杳難留洗天風雨須公等看取陰霾次第收

暮至錫山嚴侍御招遊鄒督學園林

五言排律

泛舟入小渚秉燭恣睽搜山色近還暗波光遠更浮酌泉冰玉齒烹茗馥金甌曲磴依崗轉清渠傍室流開疑三徑蔣題是梁園鄒祗樹風前響曇花世外幽鶴歸眠塔影魚躍散池漚西穴藏書古禪牀染漆髹香燈僧入定冠劍客同遊奇字倉頡造新詩岑孟畱開牕迎舊竹鑿地立新洲臺上霜威霽林中風色柔聞歌知子夜撫景羨南州相府遞空設平泉石可酬因之懷今古此意總悠悠

數馬集

卷之十七

六

再題大安驛

千里辭家入蔣州回車復作故鄉遊何人更試韓穠劍有客空思范蠡舟風雪只餘雙鬢在琴書盡付一囊收擬題幽恨傷魂鳥無那滔滔海水流

興田驛阻雨紀懷

登山臨水數歸程目極天涯海上城塵土滿衣何處濯纓巖當路幾時平驅車每犯三冬雨度嶺惟逢一日晴寄語春明門外客著書今去學

虞卿

題大橫驛

時有持鸚鵡北行者

清溪一道綠煙低石磴崎嶇徑易迷何處金多
言鳥賢此中山靜定猿棲世間萬事延津水匣
裏雙龍太華泥歸去故園蘿薜在天涯芳草任
婆娑

題芋原驛

年年冠蓋向神州三老迎人此渡頭桂楫蘭舟
行處樂金閨玉帳夢中愁去經吳越千山遠歸
數馬集

卷之十七

七

隔江河萬里流雙浦龍鍾非昔日無心更起望

京樓

題楓亭驛

終歲懷歸喜定歸鄉關景物尚芳菲遊僊有洞
回頭是涉世多勞轉眼非荔樹自青楓樹落祥
禽不嚇鷺禽肥時中荷荔枝係宋縱觀東海波
濤壯猶恐李公心事違

暮春磨明菴大令見招值雨偶成

空度日日歸看舊為園城邊學種柳細雨壓檐

低更起餘風吹絮去還來林端時竹春陰合天
外朝看霽色開薇省故人能醉客應攜玉局賭
金壺

端午舟中觀競渡

舒卷如雲頗自由也從年少學風流一溪流水
兼潮漲兩岸峯嵐過雨收矯若遊龍舟闕捷行
同退鷁櫓聲柔眼前勝負何須論且向東陵訪
故侯

端午泛舟有作辱何穉孝年兄和詩復疊

數馬集

卷之十七

八

前韻

笑陶唐有許由清時何意老名流文章久得
江山助勳業還看竹帛收進艇花谿人自樂蕩
舟海曲水偏柔聊將佳節同時彥興到傳呼卽
曼侯

送華郡丞之南安

才似終童早擅奇綰符兩地政聲馳新從銅虎
分丹篆舊賦羔羊美素絲日暖章江求瘼處花
深庾嶺探春時鬱孤臺下多年別握手臨岐有

所思

送中丞丁禹門同年請告歸四明一首

海邦千里倚長城政令如春雨露清月照村墟

人貼席波恬岳嶼將歸營召公芡舍遺南國賀

監風流隱四明世事浮雲多反覆知將蘿薜重

晉纓

中秋蘇心竹太守招同謝月航何匪莪二

同年池上玩月同賦秋字

綺席宵分玉兔秋淮南太守舊風流爲山欲象

數馬集

卷之十七

九

逢景岳驅石曾浮漲海舟客子碁中爭別墅佳

人月裏度紅樓若教桂魄能常滿碧沼芳園夜

復遊

池中有石山從英州買石泛海而來

晴雨偶成

夏秋不雨已三月步禱慇懃學野人東海豈曾

驚婦周詩空自嘆黎民天高難望風雲合地

瘠何堪水旱頻聞道神京猶苦潦誰將調燮慰

楓宸

許慎夫以菊花三本見貽賦謝

搔首空齋獨坐時菊花移植到東籬開成玉蕊

人堪醉幻作金錢世恐疑且莫風霜堅晚節肯

隨桃李鬪芳姿知君雅愛離騷賦欲採秋英慰

所思

題南安廣文龔先生冊

春風入座慶雲舒山斗名高萬仞餘腹笥五經

人問字峯窮九日客藏書多滋苜蓿供疲馬遍

採芸香爲蠹魚金玉總資追琢手于今髦士盡

璠璣

數馬集

卷之十七

十

壽李儀部母吳太夫人九十

婺星高映老人星偏向東南夜夜明圖裏岡陵

霞作帶堂中環珮玉爲珩承顏有子皆華髮繞

膝諸孫不辨名從此蟠桃經幾熟三偷笑指滑

稽生

壽岡卿謝年兄七十

謝家蘭玉滿庭栽堂上朱顏半白鬚在野曾將

馴馬賦專城先佩虎符來家傳綸綍三承寵壽

比岡陵數舉杯難老弟兄何所似雙陽山色共

崔嵬

壽張母太淑人疊峯萱露圖

太淑人爲張洞齋憲長妻

三子一爲上石州守一爲高唐州二守一爲國學

海上峯高更有峯華堂開對玉芙蓉當年栢樹
凌霜秀此日萱花浥露濃南北三刀歸祿養乾
坤百歲美榮封版輿時御潘園裏行藥惟須手
一筇

讀李都護枕戈集賦贈

千羣貔虎過遼陽大將旌旗滿路充戍久不興
數馬集

卷之十七

十一

揚水怨功成應賦出車章鐵船久已沉東海銅
柱還堪鎮異方莫道枕戈心便老匣中龍劍有
星芒

遊石佛寺

客至焚香禮世尊登堂相對兩無言天開佛國
祥雲擁石作如來舊蘚存渡海鐘聲歸遠岫撼
山潮勞遠空門壯心此日堪銷盡未得高僧與
細論

題謝月航同年待月留月二軒

蟾光何不照偏對軒中人掃地迎來舊從天玩
處新此時清萬慮終古絕纖塵却笑庾樓上紛
紛隨衆賓

其二

廣庭看不足無計挽西傾欲借長繩繫還爲虛
牖明望雲愁點綴帶露挹淒清每誦謝莊賦悠
然千載情

書舍中新種荔枝二株戲作

買券曾書二十株入門驚見一枝無移根綴葉

數馬集

卷之十七

十二

憐穉子結實成丹待老夫汲水但教晨夕繼經
霜便覺歲時殊人生壽考知難料弄影婆娑且
自娛

壽蔣母吳太恭人八十

千秋彤管美存孤才識翩翩女丈夫青鏡昔驚
鸞照影丹山今見鳳將雛五花綸誥身無忝一
代綱常手自扶聞道期頤猶善飯芳園行藥正
歡娛

重陽前四日訪許慎夫對奕譚詩

按到瀛與梁武

帝與若輪庭中奇石及禮記一部慎夫

庭多詔石異草又十年前是日尊大人

仲基年兄過齊訪余飲跑突泉食

蟹美之故詩中云云深致慨云

秋江寂寞自垂綸乘興時來訪許詢較奕誰當

輸詔石論詩君欲逼唐人草多書帶翻成富菊

有金錢不是貧却憶函山十年事黃花紫蟹對

茲辰

陳惠甫大叅丁興文吏部九日招登鷺嶺

一宴巢雲賦詩二首

數馬集

卷之十七

十一

鷺嶺秋高萬木青探奇此日扣禪局上方霞作

數馬集

卷之十七

十一

諸天瑞下界江分大地形花待世尊拈說法石

為羅漢解聽經龍山峴首皆寂寞且話虛空坐

翠屏

其二

披棘攀蘿一逕微懸崖百丈挂雲扉天風瑟瑟

驚吹帽澗水淙淙欲濺衣嶺樹秋深霜葉下江

城日暮海潮歸憑欄却羨青霄翼不似空山鳥

倦飛

求字

岡迴路轉到林丘栢樹森森晚更幽怪石嵯峨

蒼蘚合小亭高下白雲開泉聲一道風澆竹山

色千重客倚樓不用別尋茅洞去華陽真隱此

中求

又賦五言律同用心字二首

碧澗淨秋色長松帶夕陰樓高雲出沒池淺石

浮沉羽客釣天奏騷人白雪吟憑欄時縱目空

有子牟心

數馬集

卷之十七

十四

其二

移雨平橋上虛亭背樹陰風微花氣合竹密棋

聲沉紫蕨供朝膳玄猿伴夕吟買山今隱矣想

見許由心

李伯東方伯於茅菴佛前彈琴

宮商含古意山水助清冷世上知音少如來側

耳聽

同李方伯伯東尚寶叔玄夜讌陳文學山

池笑賦東字

十峯夾岸一溪東水榭山房落鏡中蠹簡舊聞
藏固穴渙舟誤引入花叢題詩客夢池塘草坐
隱人高魏晉風夜飲何須更投轄篙師不渡若
爲通

同伯東兄弟遊崑崙砦

設險依巖邑崑崙障一方雲中開雉堞樹底見
青航栢古香生閣苔深綠滿牆時平聊共眺今
昔意難忘

題廖弘謨書齋

數馬集

卷之十七

十五

臨水防石險近山得地平養魚師范蠡載酒學
侯生雨過琴書潤夜深燈火明倦遊吾欲老谷
口可歸耕

彭溪客舍

霧散高峯隱見林疎一徑橫斜啼鳥聲中逆旅
稻花香裏人家

陳惠甫大參丁興文吏部晚秋枉顧艸廬
因畱小酌二首

門外羅堪設忽來長者車傾杯無浮蟻入饌有

枯魚覓句唐風後談經魯壁餘明朝太史令應
奏聚星書

其二

素交情若水小酌客常醒楊子玄猶白阮公眼
自青新懸秦代鏡舊榻漢時經秋老黃花瘦因
風動晚聲

至日同許慎夫送盧一清山人歸蘇州得
流字

揚後駱前較孰優君從異代繼風流揮毫已撮
數馬集

卷之十七

十六

吳中勝彈鋏欣爲海上遊客舍屢逢園橘熟離
正值瑄灰浮嗟余遠媿荊州守到處休誇萬
戶侯

大宗伯黃儀庭先生哀辭

曾奏彤廷五色雲東南瑞氣正氤氲文章左國
鴻儒筆禮樂夔龍盛世勳綵服情深身屢退金
甌名覆語頻聞山公啓在儀刑謝誰嘆中郎似
虎賁

又送盧山人歸蘇州

盧能詩善
畫工書

臨雙塔一齋閒爲客三秋此日還訪古身經
龍劍浦吟詩夢到虎丘山鄭虔妙蹟看將老魯
望高風杳莫攀若話吳江心已往朱簾畫舫水
雲間

洪穆菴工部贈詩勸赴金陵次韻奉答

鳳凰詔下主恩濃許到舊京聽曙鐘闕後乾
坤金闕在望來陵寢紫雲重祇疑鷗鳥飛相避
却羨冥鴻去絕蹤慚媿故人投贈意憂時何以
補山龍

數馬集

卷之十七

十七

林奉常黃宮諭蘇尙寶蘇李二觀察呂侍
御招遊李氏山池

鋪金買地結園林青草池塘灌木陰流水聲中
花徑轉沉香煙裏竹房深高臺地敞堪畱月遠
岫雲生欲作霖登眺幸隨冠蓋末夜深猶自惜
分襟

陳時聘陳惠甫二大叅丁興文吏部招遊
歐陽石室同賦風字

三年雲臥與君同欲別猶攀巖桂叢人似浮屠

桑下宿山疑禹穴地中通千尋石壁臨虹渚萬
里滄波見日宮勝地名賢今古重題詩一爲表
雄風

山臨渚江有
石橋臥其上

與李伯東方伯詠李儀部克蒼祖祠庭中

山茶花同用茶字

駘蕩條風處處花開從冬月有山茶廣庭日照
疑舒錦翠幕春深似映霞爲媚朱顏催進酒却
欺華髮使籠紗幽香豔色稱奇絕況植深根李
耳家

數馬集

卷之十七

十八

贈林太守震西先生

五十年來海內名詞壇誰不避前旌匡廬勝處
多奇語汝穎塗中有頌聲行藥不勞鳩杖引澆
花欲待蜜房生于今壽考齊衛武金錫真如百
鍊成

閩中丞表睇我公世有令德厥祖再還遺
金廼翁不娶繼室皆人所難也發祥有自
食報無窮爲賦詩二章

中丞清節繼表安世德芳於九畹蘭燕翼曾將

數桂植鯉庭畱得一經看揮鋤不學華歆顧爲
御還憂閔子寒今日恩波已三錫海東江左總
彈冠

其二

衣冠獨數大江南奕世清風作美譚色本是空
寧注想財能不惑更何貪新開漢署材稱栢欲
作周栢木有楠願借冠君畱數載旌旗長照化
龍潭

贈郡博士張先生

數馬集

卷之十七

十九

君家甲第舊崔嵬拂面春風絳帳開孝友德推
張仲美薪樵材爲辟王培校書虎觀方求士講
藝鱣堂豈滯才我有執經諸穉子時時載酒問
臺駘

奉命往南都不果行

問訊王孫草道傍幾許長三春愁暮雨此日向
朝陽老馬途能識歸禽力倦翔荔支花已放又
得一年嘗

贈陳葆初公祖入賀

萬壽

製旌遙指五雲邊爲採風謠達 帝前舊從伯
夷觀舜樂新隨四岳祝堯年九天日月明華袞
五鳳樓臺對御筵朝罷彤弓應有賜南行還賦
忝苗篇

貞兒入京秋試書示

驤首長安道還爲驅馬行一枝月桂在萬里雲
衢平詞學春山秀神宜秋水清背城看戰勝須
念倚門情

陪林奉常李儀曹蘇尚璽遊筍江放舟登

數馬集

卷之十七

二十

溜石墩

時歲荒米價鉅貴方告
濯於吳粵故遊人甚少

城枕三峰百堞開蒼溪數曲遶樓臺江間簫鼓
遊人少天外帆檣估客來洲渚遙分平野綠石
橋橫障晚潮迴舍舟扶杖登高處萬里薰風亦
快哉

題林弘伯夢古齋

古道茫茫不可尋今時誰見古人心文章行業
在方冊夢裏相逢古亦今君本濁世佳公子趨
庭日日聞經史作賦欲凌蜀客雲偏師擬奪長

卿壘築室自名夢古齋圖書四壁映蒼苔神交
常在漢唐上此外羊求得往迴我本東南西北
人歸來三臥荔園春聽君談數清人耳欲訪蓬
山芙蓉綸

贈夏純孺父母之鄧州

宓子臨民手一琴四郊桃樹自成陰庭閒舞罷
風前鶴政異馴餘陌上禽月滿春臺畱作鏡雲
飛嵩岳待爲霖攀轅父老爭圖像難寫水壺不
染心

數馬集

卷之十七

王

中秋同史蓮岳少宰邀蔡五岳使君登李

儀部江樓

江城露下暑初收問俗褰帷上此樓翫月庾公
宵有興憂天杞國客同遊海門波湧空中魄溪
岸風生檻外秋咲指南山蒼翠色年年長映水
東流

其二

微雲纖靄望中收皓魄分光入小樓映水樹疑
依月種凌波人作弄珠遊暫維五馬驂驅夕芙蓉

聽千家蟋蟀秋欲賦中和論講德玉堂仙子舊
風流

客有貽詩稱余疏掾陳御史大夫之誼者
用韻答之

憂國惟知望歲登匡時敢謂擅才能交情每嘆
青雲薄世事頓驚白髮增九曲秋烟迷玉女三
山夜月夢金陵相逢若話虞卿在解綬還擔舊
日簪

送丁興文郎中應 召入掌銓政

數馬集

卷之十七

王

早歲含香奉 至尊清秋召命出金門十年時
事閒中見一代人才靜裏論宜把誠臣方勁草
更將廉吏比芳蓀巨源藻鑑懸郎署僕射于今
啟事存

題顧雪坡讓封卷

微侯豈不貴達士輕之如鴻毛讓國豈不賢季
札之義未足褒古今辭受貴合義箕山潁水徒
爲豪借問兩角戰蠻觸何如三咽同并蠮畢竟
賢愚皆灰滅太山未必大秋毫我聞雪坡翁讓

疾誼至高漢皇方伸帶礪約絳灌豈湮汗馬勞
胡爲固讓與其弟不貪茅土與旌旄自是賦性
本高潔千仞欲學鳳凰翺俯視世間人爵貴僅
如燕雀戲蓬蒿染翰胷中富山水搗詞筆下起
波濤有時清江明月夜左執巨觥右螭螭有時
空齋雪片落爐燒柑拙枕離騷人生所貴在適
意何必饌玉衣錦袍第五驃騎同稱謂強爲低
昂似桔槔我去雪坡二百載聞風想見廉頑操
眼底奸雄方得志翻咲夷齊西山逃閒來一讀

數馬集

卷之十七

三

坡傳數聲鶴鳴在九臯

九日發崇安度分水關感時書事兼懷表
中丞李侍御

狎鷗海上已忘機又逐閒雲出岫飛客裏晚芳
遺雜佩天邊曙色急寒衣蒼溪翠嶺無今昔北
關東山有是非桑梓阻饑猶未起柏臺回首思
依依

晚秋由鉛山之弋陽作

山谷逶迤一逕斜藤梢棘刺每交加收花向日

施粉霜葉殿秋欲散霞市上全無畱客舍竹
中時復貯人家驚湖勝地看非遠惱殺亂峰故
故遮

弋陽道中卽事

岳蘿橫棘滿山腰轉憶狂風野火燒乳虎林深
方引子遊魚溪淺未蕃苗吳楚間以小魚爲魚苗車臨絕
澗防苔徑旆指前溪過板橋險阻疑將賢路隔
逐臣南去幾還朝

婺源道中有懷汪少司空

數馬集

卷之十七

四

青山歷盡更岩崑僕馭長吁馬不驕村近白雲
逢木客人隨紅葉度楓橋莫嗟世路羊腸險未
覺南天鳥道遙欲問司空家近遠長林秋色晚
蕭蕭

數馬集卷之十八

溫陵黃克纘紹夫著

詩

孟冬十六日同常懷遠陳平江二通侯丁

大司空蔣少宰沈少宗伯二學士於南京

奉先殿捧 帝后神主暫移西宮賦詩紀

事

重城深鎖彤庭路 原廟衣冠百霸護遷 主

欲將廟貌新僂僂奉入金根輅翠華高舉明月

數馬集

卷之十八

一

中仙樂送歸別殿去黼座餘香濃染衣步出宮

門屢回顧憶昔 高皇初建邦雄據江山九鼎

鑄宸居壯擬未央宮羽衛森環石城戍龍髯一

斷難再攀洛邑新營玉輦駐虎踞長存萬載基

駿奔遙想百官富金爵觚稜氣象高咫尺欲迷

新豐樹惟有 五世帝后霸千秋思沛樂其故

薦新幾度走貂璫雜草有時逢狐兔今者榱瓦

欲傾欹司空奏 帝動思慕水衡有錢匠有緩

新之宜令安且固兩都並建古則然一葦無愁

江可渡公侯大國盟山河草莽微軀沾雨露欣

同捧日下雲中踴躍何能忘憂懼欲將盛事播

聲歌安得詩如寶鼎句翰林主人楊班才揮毫

好作二都賦

送孟晉純廢子之京

鳳池人別大江頭欣向重輪日下遊次仲說經

年尚少桓榮稽古志初酬長空雲送蛟龍雨故

國風高鶴雀樓 聖主籌邊資廟略可能無意

索中求

數馬集

卷之十八

二

酬李翼軒先生留都見贈四首

黃金臺上憶同遊立馬相看鬢未秋幾度檄書

傳北海三年盡室寄南州江潮聽罷聲皆寂山

寺來多景盡搜其是客遊殊出處頓令歸思滿

滄洲

其二

江漢英霸聚一身鑾坡屬望在儒臣觀風數攬

三秦轡問俗頻頒五岳春舊祿半分名下士高

才寡和郢中 寄適莫怪編書滯為憂鍾山紫

氣新

其三

書生力弱怕灣弧漫領貔貅守舊都欲上樓臺
瞻日月每愁風浪阻江湖壯猷難慰吳三老作
賦深慚楚大夫秋秋蕭蕭春草綠知君覓句得
驪珠

其四

常嘆相思欲見難到門無暇整衣冠天涯旅舍
催移竹歲晚交情比握蘭道德新經何日就齊
數馬集

卷之十八

三

梁舊蹟隔春看清尊莫訝緩迎客惱殺軍書滿
將壇

酬徐魏國誕日贈詩

上公御命鎮南方先世元勳異姓王鐵馬千羣
閑豹略戈船萬櫓學龍驤丁年授鉞謀猷壯甲
帳談詩翰墨香慚愧餘生雙鬢白贈言何以報

球瑯

贈巨源齊王孫

秣陵西第識王孫前朝遺風逸氣存

青社改玉京長傍紫宸殿道德經中守靈
向神仙字裏翻泥是福山危劍地行今應好採
芳蓀

題劉銓部宇烈母妹姦烈卷

銓部之母從父宦江南回

蜀江中遇盜母女相攜投江而死

長江浩蕩魄安棲耿耿雙珠沉作泥鳴玉思從
貞母志結縞身是士人妻寸心須向中宵白此
臂寧容暴客攜欲訪幽宮弔遺恨憑誰為照太
真犀

數馬集

卷之十八

四

陪懷遠侯常紹龍渡江至浦口觀兵

雲帆高掛大江流曉日初升宿霧收遠岸低昂

橫浦樹長空浩蕩濟川舟滄溟倒注湯池滿紫

氣濃依寢殿浮南國安危誰倚仗軍中自有

漢條侯

遊莫愁湖

官湖艷說莫愁名湖上春風四面生嬌臉已隨
流水逝殘眉猶作遠山橫江樓勢動蘭橈轉浦
樹陰移綺席清江左風流饒勝事憂時無暇語

傾城

靖海寺三宿巖

奉詔勞師破虜歸停車曾此扣禪扉江干父老
留三宿海上旌旗轉六飛潰卒扶傷身赴敵元
戎抱恨血沾衣大功已被書生建羽扇還堪手
一揮

夏日柳營勞師遇雨同衛桐陽攜酒過文
部花園因柬蔣少宰二首

書生騎馬學臨戎乘興還過小苑中紫禁卽
數馬集 卷之十八 五

羅逕外青山惟隔女牆東牕開高閣花香入雨
濕長松霧氣籠載酒不逢巨源飲相看似有竹
林風

其二

遨遊常嘆故山遙大隱寧知在市朝種果不妨
分禁樹鑿池何必引江湖新荷出水珠還細翠
竹臨風玉自搖消渴相如方苦熱可容高臥過
秋宵

姜養昌年兄來遊攝山因攜酒出會于草

堂寺葢舊有棲霞之約因遇雨而移于此

賦詩見志

一麾辭北闕蹉跎三十春歸來入陪京玄鬢白
如銀故交久零落生存餘幾人感我同門友歲
晚倍相親 命駕躡山巔訪我大江濱慰我饑
渴懷攬衣不及晨脩途遵北渚繚繞帝城闔山
深僥霧雨徑入密松筠攀條度翠嶺石壁青嶙
峩劃然見長江浩蕩浴蒼旻上有大士居雙寺
自爲隣入門禮大士握手會嘉賓雖無香積飯
數馬集 卷之十八 六

而有鱸與尊相對話疇昔舊事難重陳君本旬
宣使今爲放逐臣夜來棲霞宿雲氣滿巾巾玄
言盪吾胸一洗萬古塵沉吟子衿詩想見風俗
淳願以黃髮期相邀結淨因

東吳林文學枉顧金陵宦邸兼贈七言律

詩依韻奉答

衰慵苦被二毛侵苔徑蒼蒼上客臨漢代納言
曾革履周家髦士總青衿曲江取友年偏小長
吉工詩思轉深莫羨愈風論草檄清時貢賦重

球琳

林與中少師
為忘年友

送林若撫文學歸吳兼呈馮元成憲長

空庭雨過草交侵
門外何人載酒臨
喜聽池蛙成鼓吹
愁同籠鳥禿衣衿
虎丘野寺三山遠
燕子危磯兩岸深
聞說鄴中正高會
東阿虛席待陳琳

潘王殿下寄詩至留都賦上應教有序

內

歲使至上黨王宴于便殿得縱觀古今書
籍臨行賦五言詩為贈回首三十餘年矣
偶小史從潘安來獲拜 肅翰因追
舊事作此詩篇末兼致山岳之祝云

數馬集

卷之十八

七

曾讌陳王鄴下來
應劉席上得追陪
五言賦今偏師避
二面書為四牡開
藩國何人齡比鵲
江城有客背成鮐
遙將天末太行色
持作千秋獻壽杯

送錢肇陽霸樞還松江有序

肇陽往為蓬萊令甚著聲

聲意有不樂輒投檄去茲千里訪予自下
中秋前夕與余坐談神氣爽然越二日無
疾而逝蓋起然於死生得失之外
者也然余不能無悲因賦此詩

投簪何意到春明
命駕還來訪友生
陳寔豈因賢子貴
巨卿偏篤古人情
玉樓有召神先往
絳

闕無塵夢更清
道德五千知著就
故交空賦大招成

讀鄭工部允運賦饑民鬻妻詩偶成

道傍棄置兩心悲
君既腸空妾亦饑
鄉井斷煙何處望
天涯去婦幾人歸
分形豈有懷中鏡
掩體全無嫁日衣
今夜月明回首盼
孤鴻和影一雙飛

其二

紅顏瘦盡淚泉流
偕老何從到白頭
一死不難

數馬集

卷之十八

八

舒妾恨百錢聊且為
君謀糟糠不棄今
如此梁笥無情去
即休縱使年豐難
再贖西風落葉不堪愁

登平山閣

層巒高閣面江開
勢壓南州何壯哉
根本舊畿懸日月
經綸大業想雲雷
山含王氣蒼蒼峙
水瀉秋空滾滾來
獨有搏風雙健翮
翱翔偏繞鳳凰臺

晚秋珍珠泉亭中小酌

清溪數曲響潺潺與客尋源得野泉湧地自成
星彩亂傾盤不數夜光圓僧來汲澗烹茶獻人
提臨流枕石眠四面青山秋氣合濯纓安得久
留連

贈黃平太守黃海鶴詞丈

東南名閥富珪璋文藻頻登白玉堂君似蠹魚
耽典籍人從威鳳覩文章道州出守從司業太
白狂歌謫夜郎天祿古書猶未校秋來螢火爲
誰囊

數馬集

卷之十八

九

云云

張聲輝世丈擢第授海豐令過家寧親賦

詩贈行

宮保襄惠公姪孫襄惠曾
守廉州後爲兩廣總制

蓬萊闕下拜絲綸喜見腰間墨綬新擢第名魁
同榜客還鄉心慰倚門人絃歌聲裏羅浮地魚
米壚中嶺海春司馬遺風應不變百年清節可
重論

九日登木末亭在方正學先生祠堂後前

有雨花臺後卽聚寶門外報恩寺塔

木葉蕭蕭秋氣來旌忠祠背小亭開懷人欲下
千秋淚對客堪停九日杯清磬韻中多寶塔疎
枝影裏雨花臺祇應尋訪高僧去却向三生問
往廻

登金陵石頭城

羣雄盡盡掃天驕王氣寰中此地饒玉輦一從
歸北極金陵依舊作南朝祥雲片片棲宮樹曉
日瞳瞳上海潮城郭周遭行幾度石頭山勢總
岿然

數馬集

卷之十八

十

得兒回家書示諸子

爲客再經秋懷歸戀慈父兩地三千里一心存
仰俯賴有君賜祿不用愁資斧惟憐爾疾病減
食傷臟腑江邊多雪霜海上足風雨念此斷人
腸牽衣背重撫吾今已衰老竊祿曾何補當賦
歸去來灌園學老圃父子得相守庶免倚門苦
送顧祭酒拜宮詹 新命之京

成均任重道兼尊爲佐 青宮更北轅奪席舊
聞諸博士質疑應遣小黃門要知帷幄橫經語

不似臣隣逆耳言望氣此時看玉燭祥光夜夜
映台垣

贈汪少司成遷宮允旋朝

祥雍勝友總如雲周室薪樵更屬君穉子及門
皆講藝諸生授簡盡能文龍樓遙下新綸綽
鶴禁將親舊典墳帷幄從容訪民瘼四方愁嘆
不堪聞

拙圃吟二章爲吏部計明葵父母作

守拙從來計最優世情空向巧中求甫田易長

數馬集卷之十八 十一

騎驕秀淺水宜浮泛泛舟但把耕桑供俎豆不
妨文史作箕裘承恩繡服兼衣綵杖履追隨此
地遊

其二

吏隱經年臥淺莎回思巧宦欲如何薄遊隨處
開三逕退食自公賦五紵丙舍春深添桺栢橫
塘風晚送芰荷剛時未許山中久空使青山入
夢多

賦得景陽宮井

景陽宮路草萋萋欲訪前朝迹已迷玉樹未終
樓上曲金蓮已染井中泥興亡國與蛾眉共生
死身隨馬足西艷色成空良不妄君看此地有
招提

送王支提督學之山東

手持丹詔出江東多士如雲待至公問俗未經
青社地齋心先謁素王宮峰頭五夜明初日寓
內三齊表大風爲報舊遊諸俊士使君高節古
人同

數馬集卷之十八 十二

送衛桐陽年丈入賀萬壽節

舊國官僚盛長衢車馬紛旌旗明海日鐘鼓動
江雲拜舞駕鸞輿集馳驅隊仗分錦囊藏寶錄龍
劍耀星文祖帳三山道征帆二水濱遙將光岳
壽去祝聖明君酒泛峰霞獻永沾香霧芬受
釐瞻北極聽樂想南薰獨念邊儲急兼憂禁闥
焚天孫艱組織農父罷耕耘縱有華封頌何如
野老芹具官忝司馬負重等飛蚊華袞九關隔
同袍兩意勤願將金鑑錄上使宸聰聞

送余大郭鴻臚入賀 千秋

日下重輪瑞氣紅月卿朝謁發江東在陰鳴鶴

相和切時皇長孫尚未雨潛龍比德同正想

經書陳寶幄懸知名壽集青宮北歸快覩 天

顏喜補袞應畱禁闥中

興化府司理晏恭盟先生宋丞相晏元獻

之後也厥父 封君名高贊序德化鄉閭

白首明經艱於一第然豫章人稱南州高

士可下陳蕃之榻者必晏君也課子登第

數馬集

卷之十八

十三

爲莆陽司理存心仁恕蒞政廉明三載考

績 朝廷方徵入爲諫官而以子官官其

父夫春雨流膏由枝及根此非獨司理賢

也蓋有 封君之教焉而邇其淵源則元

獻之流澤遠矣莆之士民思人及樹方詠

甘棠之章予忝爲司理伯父侍御公門人

孔李通家誼非一世爰賦長律美其尊人

敢從他郡侵文士長者之權聊抒衷言致

循吏鴻儒之慕云耳

相國流芳五百年天生耆舊繼前賢能敦薄俗

同文範善養高年視倕仝三獻雖嗟玉難遇一

經深喜子能傳拜官北闕青春好砥節南州白

璧堅山館荔枝閒聽訟嶺雲松樹坐聞泉鯉湖

月照燒丹鼎鯨海波恬下瀨船諫諍擬將 龍

袞補袞封兼覩 鳳綸宣醇風萬石家相似陰

德于公報不愆匪獨綵衣娛膝下還將繡服舞

堂前欲知慶澤由來遠請讀玄成祖德篇

恭謁 孝陵循垣至靈谷寺賦詩八首

數馬集

卷之十八

十四

高皇避雨此山阿山勢橫空紫氣多四海卽今

歸玉帛萬方終古息干戈時聞複道龍媒騁其

說崇臺鳳輦過最愛蒼蒼松柏樹百靈咸護蜿

蜒柯中官稱其靈異

其二

茂林深處見繚垣馳道東邊碧草墩三尺豈能

辭漢賊一杯畱與作吳閭風前樹學蛟龍舞江

上山爲虎豹蹲誰勒豐碑紀功德雄文千載照

乾坤垣內有孫權墓乃高皇帝所置也

其三

黃金臺殿勢層層袖染雲霞此日登真主自能
興白水亾秦何事鑿金陵龍髯久寂橋山夢鶴
駕空聞子晉升自古卜年依勝地周家麟趾總
繩繩陵左爲懿文太子園

其四

明禋幾度羣臣趨獨許元勲禮數殊西幸六飛
親定楚東征萬騎遣吞吳笑誇文德高千古不
數兵威逐五胡珍重玉龜成九鼎直疑玄武是

數馬集

卷之十八

五

荆湖歲時百官拜於庭獨魏國在殿中行禮有勅書奉祀也帝座前積藏一碧石龜得之土中

其五

纍纍附葬首中山墳對雙峰尺五間貌似鄮侯
風更遠氣雄征虜意常閑論功已錫真王爵圖
像應高列宿班一片忠魂長耿耿至今凝睇望
龍顏園中有中王像

其六

開岐二冢象祁連勲業當居衛霍前數畝青山

分馬鬣一溪流水洗龍泉夢回區脫猶擐甲虜
得名王更着鞭若論平胡功次第 高皇雨露
不曾偏開平王追元順帝至開平俘其宗王慶生平章鼎住岐陽王兩出塞虜其平章

其七

廟食山中蔣子文勤民漢世有功勲揮戈戰罷
江邊日飲血神棲嶺上雲野老入門懷舊樹詞
人異代訪孤墳秣陵仙尉今王爵千載英靈護
聖君

數馬集

卷之十八

六

其六

門外遠峰青佛殿虛無接翠屏十里鐘聲
聞廣陌四山嵐氣落空庭春深地布梅花席夜
靜風傳貝葉經功德水枯皇澤在慈雲長此覆
禪局霧谷寺中有入功德水寺南有梅花數千樹春深遊客無數皆被衣樹上藉落花而

送丁改亭大司空考績入京

長因臥病謝青驄詔起南都職事雄開府共推
中執法秉鈞還許大司空朝瞻紫氣駕鴻上夜

夢蒼山龍虎中却羨蕭何爲漢相功成更築未央宮

哭御史大夫陳公

建節西南十六秋碧鷄如黛瘴烟收餌垂虎口
孤城在血洗龍泉壯志酬對簿誰能容李廣論
功恨不遇咎繇空餘千古莫弘碧化作長虹貫
斗牛

哭王漢冲都督

書傳圯上漢畱侯勲業輸君幄裏籌鄖國忘軀
數馬集 卷之十八 十七

安反側賀蘭平亂奮戈矛三苗霆擊妖氛淨六
詔風驅瘴癘收五指平來珠作郡九真遁去蜃
爲樓腰間寶玉千金價史上功名百世畱正擬
扁舟載西子十洲今作閭僊遊

爲陳侍御題苦節純孝卷

事君苦樂與君同君去如何棄妾躬一劍酬恩
呼吸裏千秋延祀死生中青春不負偏棲意
白首猶存嚴飾風楊元珍女形管有人書母德褒
章早出大明宮右弼順人苦節

其二

延陵故里一章縫未識嚴親遵閔凶開篋惟看
新典籍逢人欲訪舊音容通儒多出諸生籍美
饌偏爲慈母供大孝從來能錫類繡衣今不愧

陶鎔

右陳封君純孝

贈符卿蘇石水先生奉箋賀 東宮千秋

秦時尙璽漢時卿南國嵩呼上國行麗藻久增
龍虎勝高梧今作鳳凰鳴天開金鑑千秋色水
遡銀潢一派明 聖主資君典禮樂叔孫應薦
數馬集 卷之十八 十八

魯諸生

李春演武臺會舉將才初試弓馬

馳驅將報國結束事戎衣雨歇弓初勁風高馬
欲飛人因投筆奮駿識按圖非看取伊吾北長
驅立漢威

遊燕子磯

江南江北一磯分磯上常飛燕子羣瓜步遠帆
明海日平山高閣隔汀雲狎鷗沙上閒漁父貰
酒村中急馬軍欲識狂瀾能砥柱驚風吹浪坐

來聞

題張東山太守南國攀轅卷

敬亭歸去故山遙
蹀躞春風五馬驕
父老攀車同合浦
士紳陳牒魏楊喬
千秋始信民皆直
兩漢休誇吏獨饒
君看洛陽橋下水
潮回猶作晚來潮

金陵酬李方伯還素兄寄贈韻

銀印拋來學草玄
才名當代敢爭先
論交愧我吹鄒律
啓事何人握晉銓
鬢髮愁多霜併集
鄉

數馬集

卷之十八

九

闕地迥月同圓
金陵已覺繁華歇
惟有江山似昔年

錢山人以詩投贈用韻酬之

南國金湯故自雄
漢庭謀議有諸公
持籌誰曳星辰履
染翰人開錦繡宮
遼海軍書飛塞上
秦淮歌管沸城中
君如錢起詩相贈
裘帶終慚事不同

送董廷尉見龍歸三山

憶別三山海上春
憂時長見兩眉顰
獄間猶閉

衝星劍眼底偏憐臥雪人
杞國有天終不隕
寢丘無地豈辭貧
宦情都付東流水
莫泛烟波學隱淪

其二

欲傍幔亭訪故鄉
攬槍夜夜吐光芒
三秋共想鱸魚美
千仞今驚鳳鳥翔
鐵嶺狼烟猶未息
金臺駿骨肯畱良
禁中但恐求頗牧
定遡蒹葭水一方

元宵日同周大司農衛大司寇遊梅花塢

數馬集

卷之十八

十

南國笙歌沸此辰
上卿連騎出城闌
高燒火樹非無譏
半吐梅花別有春
素質猶含冬雪潤
輕香細逐惠風新
祠官野老慙慙說
垂實先應獻紫宸

贈周存庵先生遷春宮詹事還朝

鶴禁將開寶幄新
辟雍召入舊儒臣
秘書誦讀恭爲火
盛德褒揚管是銀
受賜不榮稽古力
稱歸自重授經人
陪京多士臨岐贈
盡是吹噓宇宙春

裨將率師援遼戍寬奠臘月遣人取寒衣

仲春方至金陵賦示

綿裘凍裂北風寒絕塞烽烟道路難取到永時知盛夏秋來仍有雪漫漫

常紹龍先生邀遊棲霞寺得詩二首

五載金陵客棲霞此日遊入林雙塔峙背嶺一川流殿說梁時建經從竺國求上公能載酒松下且淹留

其二

數馬集 卷之十八 三

樹外僧迎客山鐘何處鳴一燈前代火千佛古人形絕頂臨天塹遙峯接帝城紅塵隔數里聊可話無生

再題燕子磯

年來幾度燕磯遊空擁旌旗坐水頭壯士心馳遼海日孤臣淚灑秣陵秋尊前潮送金焦雨檻外江添蜀漢流恥學終軍請纓去閒看漁父泛虛舟

遼陽紀事前十首

二百餘年貢獻臣一朝跋扈海西濱民歸地往者誰子恨殺新盟帶礪人

其二

不道山河寸寸金但云甌脫界難尋書生三向轅門哭難挽中丞卵翼心願願向巡撫乞師力言奴賊必陷撫順三不見聽

其三

撫順城中數萬家春來白骨亂如麻賊臣事主終無賴枯矢陰教載一車李永芳與賊通謀陷撫順遂臣賊

數馬集 卷之十八 三

其四

十千穀騎遼陽軍全鎮徵來鶩鶴羣晝夜奔馳三百里可憐身首盡橫分大將張承胤為遼撫所逼追賊至撫順關覆沒

其五

大廷推轂再登壇鐵嶺軍聲滿長安待到遼城惟引避不將旗鼓向呼韓賊數人陷城堡十餘所李如柏俱避不與戰

其六

新徵司馬起睢陽十萬與師領牙璋劍錫尚方

關在匣斗間空見掃欒槍時白氣彗星風霾諸異畢見而經略不懼

其七

睥睨雲連遼海間清河自昔號雄關不知乘郭人何在虜騎縱橫往復還

其八

秦吳越蜀盡徵兵冒暑衝寒萬里行最苦人間生死別深閨夜夜夢遼城

其九

數馬集

卷之十八

三

建業援兵首渡遼雄心誓欲滅天驕儲胥不識

歸何處聞道南軍盡楚腰南京兵出關五月人僅得二金而餉銀出

南京者已幾百萬

其十

三百萬金饋我師司農羽檄四方馳縱教此虜身未滅稅畝何憂轉餉遲

遼陽紀事後十首

關西老將勇如彪破虜何須幄裏籌三萬齊驅探虎穴可憐流血作丹丘

其二

渾河壅水學囊沙此事沉吟實可嗟大將投鞭何處渡三軍猶得半還家聞我師一半未渡王宣死於河軍得免者

萬五千人

其三

曾聞李廣殺無辜絕域剄身為失途今日將軍同此恨天誅畢竟付狂奴杜趙二將皆以殺款虜邀功被劾

其四

代帥今非馬服君愁看虜騎陣如雲前軍失利

數馬集

卷之十八

三

身先退蹙踏萬人肢體分馬林蔚州人聞麻岩兵敗即奔回士馬自

相踐踐身死

其五

拋却軍儲事遠征戶曹本是一書生將軍不死監軍死三尺酬恩七尺輕潘宗顏督餉未幾即改兵備督陣墜馬死

其六

英雄舊說豫章劉少婦從戎亦鎧鏐買首猶能戕賊將為君死敵又何求傳聞此戰殺一酋長幾入其巢劉之功也

其七

江北江南士氣雄嫖姚年少在軍中重圍已陷
猶酣戰集矢還開五石弓南京領兵部司姚國輔鳳陽人也素驍勇

其八

高麗自古是箕封奏遣將軍萬眾從每誦木瓜
知報德損師猶可教臣莫

其九

四路興師一路畱戈矛不與子同仇將軍原自
屯內地幾誤追鋒出建州

數馬集

卷之十八

五

其十

建旗鳴鼓化為燐盡是前鋒逆戰臣義士身沒
魂不没人如可贖百其身偏將作前鋒死者數十人如麻岩輩是也

若千把總則無鼓矣

立秋日五鼓入文部試吏郎中文太青贈

七言律詩用韻賦答

疎星淡月近秋清入署初聞蟋蟀鳴漢法三章
人誦習周官六典鑑虛明鴈懷繫帛關河遠鵲
想填橋羽翼輕宋玉憂時同屈子故逢搖落不

為宗而以王道思唐應德為羽翼故惠甫之
文絕類曾王其淵源固有自也尚論人物每屈
指陳同父蓋其豪爽骯髒之氣不及見諸施行
於類已者有取焉惠甫兩為郡守一為憲副俱
垂及三年當封先生為中憲大夫然皆未滿遷
去故先生猶仍郎署封逍遙里閑與安人同享
祿養者二十餘年諸子青衿濟濟諸孫繞膝下
者繩繩也黃克繡曰陳故舊族其先以科貢顯
至惠甫始舉進士至叅政方嚮用未已其子弟
數馬集

卷之十八

五

又多克肖蓋先生之餘烈也夫其解才推食濟
人於急難危困之中其為陰德大矣于公高門
王氏植槐豈虛也哉配氏封安人子若干人
長亮采即惠甫娶李氏封安人次某某孫男幾
人某某墓在南安縣許甲山蓋先生所自卜也
銘曰士不必遇視德優劣聖門四科不稱官閥
如先生者卓為世傑博極羣書韋編數絕九方
難值駑駿無別不有神駒孰章駟職輝煌綸誥
游耄耄鄉邦之人慕誼誦節惟我與君交情

而眷顧朝濛濛而與雲公夕隱隱
既澍俾土潤而河滿兮必霑足而始住彼二麥
雖無及兮庶禾菽之盡撫出生民於如燬兮奚
啻校蹄涔之枯鮒民既得保其家室兮上供亦
藉以不負且神作鎮於東方兮以生物爲先務
倘雲行而雨施兮誰不歸德於神祚踞遣使而
陳詞兮蕤沉香之一炷諒愚誠之切至兮或不
爲神之所吐企山巔而望雲兮冀爲霖於巨壑

謝泰山文

嗟、承之失度兮爲旱乾與水溢億兆愁、共
禱兮天道遠而難必豈誠精之未孚兮抑政事
之多失乃今觀於岱宗兮何感應之甚疾自王
正以及夏五兮狂風助虐於烈日穀種艱于入
地兮求半葵而不實蓋已遍告羣神兮孰民隱
一能恤望岱嶽於咫尺兮蒼蒼峙而崑崙令長
吏以歸誠兮曾陳詞之未卒雲翳翳以飛騰兮
始奮而電出雨滂沱於境內兮驚夜月之離
事於耕農兮千山翠而如沐感靈嶽

以下原缺

數馬集卷之十九

序

溫陵黃克纘紹大著

重脩闕里志序

古今之爲志者若一統志郡邑志皆史之遺也志一統者六合之外不能該矣志郡邑者封域之外不能及矣若乃事關一人而可包涵乎宇宙譜繫一里而可囊括乎乾坤惟闕里之志爲然闕里吾夫子所生地也幼而嬉戲於斯長數馬集

卷之十九

而習禮講學於斯老而刪述論著沒而墓葬廟食於斯其精神命脈千古如見故雖數畝之宅而可以孕唐育虞甄商陶周蕩滌漢唐宋無不具也司馬遷作世家載夫子道德功業又作孔門弟子載七十子言行可謂聖門之忠臣然叙世系自防叔始叙後裔至孔安國父子止叙帝王尊崇則過魯特祀之外寥寥無聞邇而上之則自殷至契未暇及也推而下之則自漢至今皆有待也弘治乙丑督學使者陳鎬始爲之志

大都以家語爲據而經史百家咸博採焉大學士李東陽爲之序志行百餘年矣曲阜令孔君貞叢懼遺文散失且病前志尙論未詳乃因讀禮餘閑與二三博士刪其繁蕪補其遺漏始於圖像終於藝文爲類有十九山川之靈秀賢哲之輩出禮樂之損益歷代綸綍之輝煌爵位田土之頒錫與夫景行私淑見於言語文字者悉載于篇語而近誣如不知防墓者正之雖戴記所載弗取也賢而見遺如秦冉顏何者存之雖數馬集

卷之十九

家語不錄弗疑也蒐羅廣而取舍精斧之藻之文彩煥然爲書不過數十萬言而太和元氣流行於元會運世者咸醞釀其中真聖門之箕裘述作之冠冕也書成孔君請纘爲之序纘也顧愚何敢以無能之詞貽羞聖籍然備官齊魯奔走闕里亦既私幸望見宮牆矣若因是而得附名簡末以幾不朽纘之上願也乃序孔君用心之勤明斯志所係之大以告來禩曰此非孔氏之譜乃天下萬世之公譜也抑因是而感於聖

澤之有自焉昔在唐虞稷主稼穡功在養民契明人倫功在教民其後世賢聖繼出皆有天下數百年然未有能以萬世爲土者也惟契教民之功視養民尤大故其後復生夫子以闡明脩道之教澤流無窮蓋以聖繼聖以教弘教天之報施契者於是爲盛奚止六百載帝王已哉夫子曰某也殷人也誠由殷而思契也志闕里者斷自契始其水木本源之思乎

刻聖門弟子籍序

數馬集

卷之十九

三

嘗謂古今人物極盛而不可再者有二唐虞之際君臣之盛也洙泗之間師友之盛也三代非無君臣欲求都兪禹臯臣隣稷契垂益夔龍四岳十二牧各極其選難矣雖謂唐虞而後千載無君臣可也三代非無師友欲求顏仁閔孝赤禮點樂由求子賜司儻作宰七十子之徒咸身通六藝難矣雖謂洙泗而後千載無師友可也嗚呼唐虞遠矣有能紹述先王之道垂世立教俟之不窮則二帝事業猶可興乎故謂洙泗之

中有唐虞可也然則兼此二盛者惟夫子耳夫子之門人俎豆於學宮者雖三尺童子皆知其賢顧其人非魯論所紀載者儒者多不熟此如觀於宗廟之中而籩豆簠簋鐘磬箕箒之屬未能周知烏在其見宗廟之美也余以孔子家語及史記仲尼弟子籍考之幾八十人然或此載而彼遺或此無而彼有如琴牢陳亢縣亶則獨見於家語公伯寮秦冉鄒單則獨見於史記至文翁畫圖則又有林放遽伯玉申枨申黨歷世

數馬集

卷之十九

四

既遠雖博古君子亦不能定也總之家語所載者近是若公伯寮得罪聖門遽伯玉爲夫子所嚴事均不宜居弟子列史記又載子貢說吳越事大類戰國策士傾險之術聖門所不道又稱宰我與田常作亂以夷其族夫子恥之說者謂闕止字子我爲陳恒所殺蓋太史公之誤夫漢去古未遠猶失實若是況千百世之後乎故凡漢人所傳疑而未定者闕之可也御史中丞茶陵譚公講明正學以興起斯文爲已任入蜀來

進續而謂之曰學者多稱孔子弟子及問其人率多忽焉又安望其以孔門爲師提撕警覺惟造士者之責續唯唯於是退而考其人及其遺事刻之學官大都以家語爲據而附以左氏史記之文使學士得有所考又自左丘素臣而下歷漢唐宋元得從祀者二十九人附著于篇總曰孔子弟子蓋亦聖人之徒云耳嗚呼孔門師友之盛一披籍可覩矣世雖遠哉學者猶可神遊洙泗想像唐虞也若乃我朝理學諸臣則

數馬集

卷之十九

五

中丞公別有傳茲不具論

鄒縣重修孟志序

孟之有志也做闕里志而爲之也夫闕里盛矣不可以復加矣爲孟志者何繼孔也繼孔必以志乎曰繼之者於志可徵也始作者誰充東觀察史君也續之者誰今鄒令胡繼先也蒐討載籍以共成其書者鄉先生觀察潘君孝廉周生也叙之者何明此志重修之本末也嘗謂世之儒者專言孔則孔子日月也兼言孔孟則孔子

日也孟子月也月吾知其爲太陰之精能繼日之光而已必盛言月之大如俗所謂七寶合成有八萬二千戶者是小月也又有嫦娥奔月玄兔搗藥之說皆誣月也故夫世之不敢以言語文章稱揚孟子者乃善尊孟子者也不善稱而強爲之稱者是以微雲而滓穢太清者也續自七八歲卽讀孟子矣但知其書始於見梁王而言仁義終於論道統而寄意見知聞知而已語學術則善養浩然之氣以配天地也存心養性

數馬集

卷之十九

六

以事天而立命也論王道則制田里教樹畜省刑薄歛而卒歸於庠序孝悌以教民也考其發祥則乾坤霽粹繼孔而鍾區區九龍嶧山不足爲其勝也表厥宅里則廣居是居正位是立大道是行今之廟貌堂構不足比其壯麗也稽其歷覽則上自唐虞下至三代無不夢寐而神交焉而遊梁遊齊之迹不必論其先後也語後裔則本支百世竹帛萬年或守在鄒魯或散居四方或出爲名臣或處爲高士有同派者有異源

者不必強合也景行仰止人心同然或尊以公
侯而不爲重或稱鄒國男子而不爲輕或敷藻
連篇而不爲敬或短句寂寥而不爲陋此皆勒
之貞珉載在簡冊觀者當自得之而所謂至尊
至敬者不與存也予於孟志獨取其所載孟獻
子懿子僖子諸大夫祖功宗德不可泯也公宜
仇氏姓字頗隱非表而出之或未盡知也師友
淵源則由思曾而遡於孔子及門受業則自樂
正子以及咸丘桃應師弟之間皆依附青雲以
數馬集 卷之十九 七

不借賢於前代以爲重也且世之學孟子者當
求之于七篇而決之于方寸不專在于此志也
若乃潘君周生用心之勤胡令表章之功自當
與志並垂不朽固非俗儒俗吏之所能爲也某
既不敢以言語文字推尊孟子而猶序其志者
冀以燭火而增光於日月也乃授胡令而弁之
首簡

關廟志序

關廟舊有志至兩浙方伯新盤趙公始全公解
數馬集 卷之十九 八

人與侯爲千載比隣輯關志亦枌榆中之甘棠
也志既刻于越矣復刻于齊者公嗣子侍御準
臺先生按齊出示齊人某因刻之以廣其傳者
也夫忠義之慕古今同心寧獨其鄉邦之人知
有侯已哉竊嘗觀古仁人志士其勳烈節槩震
動一時者生則慕之沒則已焉其大者垂勳竹
帛著節後代然近則思之久則已焉未有如侯
侯靈常存廟食千載不以生存死亾不以近盛
久衰者也侯漢人求侯於漢將十其深謀遠慮

用兵行師之道舉無遺策孰與三傑戰必勝攻必取翼成中興之業孰與耿弇馮異功成身退守山河帶礪之封善始善終孰與鄧禹寇恂而精靈不泯以寰宇爲食邑以天地爲長年則侯及過之此無他遭炎漢方興之運事高光聖明之主所遇豪傑皆非其敵則案枕斗筭之才皆可成大功况英雄如侯者哉惟夫炎精將燼龜鼎漸遷猛將智士皆趨強有力者以圖富貴而侯獨周旋帝胃死生不移擒於下邳棲於許昌

數馬集

卷之十九

九

問關千里惟正之求其志視或詡遼冕輩何啻狗鼠哉襄樊之役威震華夏不幸見襲阿蒙慨復不終吞舟失水制於螻蟻其所遭之窮則天也人乎何尤嗚呼提三尺扶弱主以與霸業垂於奸雄爭勝負凡侯所欲爲者極難耳爲於不可爲之時竭盡心力幾有濟矣不濟而後以死繼之一腔忠義堅如金石明如日月雖三尺童子無不憐而思之敬而事之此固三傑耿鄧輩所不能得之於一時而侯能得之於萬世者

假令侯而在予雖爲之執鞭所欣慕焉志中文羅縹古今王侯卿士大夫所謂誦美侯德者而問巷謳吟亦兼採之其或辭不雅馴則余稍加刪潤然不欲盡改之以失古者歌謠之體且使某爲不誠於侯也刻成遂書于末簡

刻全唐風雅序

詩至於唐三百篇之一變也而稱風雅者以唐詩繼三百篇也世儒謂刪後無詩其意甚高而其語不能無過夫以風雅律唐詩則雖謂無詩

數馬集

卷之十九

十

亦可以唐詩追風雅則雖謂再覩風雅亦可何也必字字句句皆如風雅則其去風雅也遠矣予嘗謂文章與世推移如制度然古人疆理天下其制作不可及矣而有一事可以佐古人之未備者郡縣是也古人經緯天下其文章不可及矣而有一體可以續古人之遺韻者唐詩是也法之善則百王不能易詞之美則千載莫能變是二者雖與宇宙相終始可也嘗試論之風雅之與唐異者其體莊而古其詞簡而文其比

興深而婉唐人不能爲也若因事造端比物連類其所處者皆君臣父子骨肉交遊之間而其所以詠者皆忠孝仁義禮樂之事雖古人不能與唐異也唐擬古而自爲古變古而創爲律古有常格律有定韻法度可循駢儷易工窮學力之所至騁才情之所極上下古今出入宇宙羅網山川飛潛動植仙佛怪誕之事以理裁之皆可爲吾用也故唐詩雖風雅一大變乎然變而不失其正其爛然者使人目奪溫然者使人氣和

數馬集

卷之十九

七

凄然者使人神清其情至之語往往使人感慨欲嘯而繼之以泣也斯亦何慚於風雅乎古今選唐詩者無慮數十家惟高廷禮之品彙李于麟之詩選最著高之收廣廣則難精且紀事搜主等篇未經寓目能無遺乎李之選嚴嚴則多棄卽李建勳韋莊諸人已相僞朝何必錄乎故今所選於高去十之五而增入者十一於李去十之一而增入者十五大都取其文章爾雅音韻諧暢雄渾高古沉抑頓挫無不兼取而用意

必歸於忠厚庶幾風雅之遺樂而淫如萬楚五絲續命之句無取也怒而罵如商隱不及莫愁之章可棄也輕而佻如禹錫江湘臥龍之句可刪也諸如此類咸以意裁擷一代之精華爲後學之準則代分初中與晚而評無取羽翼正宗蓋儀鳳通天之際淫哇盛行神龍景雲之間雅音未暢差快人意獨一開元而天寶至德海內風塵已騷然動矣安所稱盛彼杜陵昌黎儼然爲百代師與王岑錢劉皆唐中葉人何必高視

數馬集

卷之十九

七

初盛而卑視中唐也故予欲於二百九十年間以九十餘年爲初百年爲中九十年爲晚論詩中唐視初晚輒倍收焉有識之士其許我乎或曰于麟選詩不過數百篇而謂唐詩盡於此今予所選數倍于李可該全唐乎曰何可該也夫子刪詩而其門人引素絢之章與之論學乃逸詩也豈曰刪後悉皆唾餘夫採珠合浦夜光之氣上燭于天大者取之去數斛而光不爲之損小者捐之畱數斛而光不爲之增惟多故也唐

以詩取士固詩之合浦也今雖精擇博取而滄海遺珠常以爲恨敢曰此外無詩第恐買櫝還珠爲賈胡所竊笑耳於是授之剞劂以俟世之工詩者評焉

李少保詩集敘

歲在癸卯河決單父 天子憂之召今少保大司馬李公治水於豫充徐揚且使近河節鉞諸臣咸稟而爲政某亦與焉中秋之夕公至于濟寧惠而思我有詩人倡予和子之興爲賦北海

歐陽集

卷之十九

十三

風流志憶也某始知公之長于詩其冬各以荒度至單父讌于琴臺邂逅相遇實適我願爲獻宮珪人告之章公爲之賦巨鰲奠四極其詩益上氣益壯明年夏公開泃告成又濬朱旺口某往視之公讌之河上爲賦峩峩山上松凡四章詩有白水盟心鑒以晴昊語則周公所謂若游大川暨汝與共濟者也某獻誅茅小詩一章其四詩者今猶未和蓋人各有才公才大某非其偶也於是公乃盡出生平所爲詩示某某初爲

之諷嵩下嘆曰美哉翩翩乎白馬金羈河朔少年逸氣也秋興登嶽則懷古之思轉深矣爲之諷南都嘆曰美哉洋洋乎博而雅麗而奇殆與龍蟠虎踞之勢相頡頏也落花行路難諸篇其寓意深矣其取類廣矣非漸濡於 高皇帝之澤不及此爲之諷中州齊魯嘆曰美哉雍雍乎莊而偉辨而精若洙泗講藝白虎論經非鴻生鉅儒不能聲出金玉而詞吐珠璣也爲之諷田居則又嘆曰至矣哉憂深而思遠功大而衷虛

歐陽集

卷之十九

十四

悠悠乎有湫流枕石之趣若誦逍遙秋水諸篇而神遊於六合之外也爲之諷西征則又嘆曰美哉沉而雄忠而不避難其有六月采芑之遺用能執訊獲醜以奏膚功豈虛也哉某嘗竊論古今詞人有才勝情勝養勝法勝而氣匪剛大其詩必弱公於詩長短大小輕重疾徐無不如意則不窮于才陰晴舒慘悲喜聚散咸極真遠則不窮于情比物連類援古證今咸切事情小窮于養開闔變化氣格音韻咸準古人而

中繩墨則不愆于法，是四者而剛大之氣，實宣洩之，故能上凌風雅，下逼漢唐，大曆而後莫敢望也。不寧惟是，凡公所爲，破北，俘夜郎，關土，啟疆，樹駿，流鴻，雖謀猶壯哉，亦浩然之氣塞于兩間，能籠蓋宇宙，而震懼羣夷也。公年方及艾，製作將益富勳業，將益盛，今暫奉太夫人歸葬他日，天子召公作相，使補山甫之袞，而作吉甫穆如之頌，某猶及見之，當執弱翰以從，盡錄而歸，以備一代風雅，公其許我乎。

數馬集

卷之十九

五

名劍記序

名劍記者，括蒼李大將軍所集古昔名劍奇異之事，與泰和郭大夫名馬記爭豪於躡景匹輝，於騰空者也。將軍總戎山東，奉命率師遠戍三，并行至碣石，腰間世傳寶劍，時發光怪，狀遂博和載籍，見古之英雄豪傑所佩之劍，往往耀光煥彩，不與世間凡物同私心，益喜自負，成屬國，凡三年，倭奴不敢渡海，乃班師南旋，改鎮兩越，萬里滄溟，波恬浪靜，匣中劍鋒以不用爲用，其

視渴飲壯士之血，饑飧上將之頭者，功寔倍之，承平無事，將軍且解組家居矣，然一旦邊海有警，欲求故劍，舍將軍何適哉？將軍既刻此記，寄余溫陵，且徵文爲序，余孱然書生也，安知劍術，然竊聞莊子說劍於趙文王矣，劍有三其上爲天子之劍，高而不適於用，其下爲庶人之劍，卑而無濟於時，惟諸侯之劍，可爲將軍誦之，其言曰：諸侯之劍，以智勇士爲鋒，以清廉士爲鏑，以賢良士爲脊，以忠勝士爲鐔，以豪傑士爲鉞，上

數馬集

卷之十九

六

法圖天以順三光，下法方地以順四時，中和民意以安四鄰，夫諸侯國君也，其劍與人臣異，然今之大將推轂而遣得專，斷割之權，君有劍臣代操之，轅門之下，偏裨雲集，不有智者，可効其謀，廉者可効其節，忠且賢者可輸其誠，勇者傑者可効其力，乎此皆所以共運是劍者，而非劍之質也。若語其質，則沉雄果毅，以爲鐵，廣大寬裕，以爲鑑，紀律韜鈴，以爲炭，呼吸陰陽，以爲鼓，橐籥，去瑕以爲鍛，鍊刑賞號令，以爲淬礪，夫

然故其犀利可以戮鯨鯢其光鉞可以射牛斗
所在國重所去國輕臨敵制勝光怪不可名狀
故足述也不然劔特一人之敵項籍且恥學之
縱如張華得豐城寶劔佩以周旋而三台星圻
人劔兩亾竟何益哉李君世將也良劔不可斯
須去身如農之必用犁鋤工之必用斧鑿其刻
行此篇固伏波將軍鑄爲銅馬之遺意也讀馬
經者未必能相馬而馬具是矣讀劔記者未必
能識劔而劔具是矣要以鼓舞英雄發其雄心
數馬集 卷之十九 七

獨奕篇序

獨奕篇者何奕必有偶無偶而奕故稱獨奕也
奕可以無偶乎曰有偶者乃奕之奕非不奕之
奕也泉人雅嗜奕縉紳士子尤甚人品者未易
悉數也予少時亦識其大意然慮妨本業不敢
嗜也及入仕則理劇撥繁所歷皆簿書錢穀軍
旅刑名之務日夕焦勞雖欲寄興於奕亦無暇

刻其或風雪之辰星月之夜閉門獨坐無可晤
語時取楸枰碁子披古人譜一覆按之則皆訛
亂難明間得盡其一勢歡然大笑如泛天河得
支機石不啻也以其難解亦輒棄去不視乃尋
不奕之奕以書籍爲方罫以筆研爲籌畫以善
否爲白黑以得失爲工拙上下古今咸縱觀焉
其文章詩賦及行事之有涉於奕者則別記之
以爲喚睡破寂之具積年餘遂成卷帙命爲獨
奕篇或曰子好奕乎曰予非好奕蓋將以諷奕
數馬集 卷之十九 太

安危呼吸之機可以基而忽也凡若此類曜皆未及廣蒐博採其可已乎曰然則奕經奕法何以兼收而不遺也曰是其中亦有可採者焉蓋制勝之方余不能知而致敗之原爲病有五一日貪貪者志在得而反多失一日躁躁者急於勝反速其敗一日詐詐者不可欺人徒以自欺一日疎疎者以隙示人開門延敵一日溺溺者迷於小技致妨大事凡此五病非徒病奕世間萬事皆如奕棋矣彼貪取土地人民貪致爵位數馬集卷之十九九

貨利求得無已不顧後害者皆貪也躁於建功立事躁於升華躋榮率意妄行不顧顛蹶者皆躁也懷智藏奸托之以誠反言易詞示之以信惟務欺人肺肝如見者皆詐也知防前而不知慮後知彼隙而不知已瑕百孔千瘡難以彌縫鄣塞者非疎乎鸕毒是懷腐鼠是嗜以習坎爲平地以阿鼻獄爲福堂往而不能返入而不能出者非溺乎悲夫此所以多亡國敗家覆宗滅身與基之全局死亡者無以異也君子知此五

病蚤爲揀藥則持身必光明正大舉動必寬裕精詳迷入之地必知回首世局雖新而坐應不亂縱不大勝亦不至於大敗雖稱國奕又何媿哉

數馬集

卷之十九

三

數馬集卷之十九終

數馬集卷之二十

溫陵黃克纘紹夫著

序

刻明朝理學名臣傳序

古者學深於道而能相忘於道故唐虞三代士未嘗以理學稱也然書傳所載危微精一之論制事制心之旨高者窮無際深者入無垠雖老師宿儒亦未易究其義也自楊墨出而後孔孟之正道以鳴佛老興而後程朱之正學以顯名數馬集

卷之二十

一

盛於此而實蠹於彼故不塞不流不止不行亦其勢然耳我朝以唐虞三代立國以仁義禮樂造士士能通一經以上者咸斧藻其躬追琢其詞以待世用蓋聖賢之道如日中天何所弗明也然學者往往背其師說高之或驚於虛無卑之或流於功利雖戶說以渺論亦不能一於是有志之士復聚徒以講明之而命之曰理學夫必標門立戶而後爲學則今之建立學宮羣博士弟子以誦法聖賢者果何物耶嗚呼是可

以觀世變矣御史中丞茶陵譚公隆精南嶽擢秀清湘蓋自游鄉校時業已潛心聖學故出而用世以誠心長者愛民以直道事君以廉潔風有位所用皆其所學所行如其所言非徒托之空談而以聚黨樹幟爲高者也然猶以士之爲學雖無適不然而前脩可則當切鄉往之於是集我朝以來理學諸儒自薛文清以下至陳王諸布衣某若干人輯其生平履歷及嘉言善行可爲法則者人爲一傳用比詩人高山仰止

數馬集

卷之二十

二

之義間出以示纘曰此不佞之師資也纘既奉而卒業因請公之多士蓋纘至愚極陋往讀朱陸德性問學之辨及王文成知行合一之說尙未能昭晰於心惡足與論學抑傳中所載若江右諸君子以象山餘姚爲宗其於考亭亦微有相爲柄鑒者又烏能無疑雖然江河不同流而同歸於海日月不同行而同麗於天學者能以聖賢爲必可師則或以穎悟入或以實踐入皆可以造道所病者假老佛之餘以亂吾真托縣

解之言以飾其陋甚者竊吹孔林濫中闕里纓情好爵而以講學爲捷徑耳噫六經語孟學之源也膠庠黨序學之地也堯舜周孔學之師也居敬窮理學之要也仁義禮智信學之實得也脩身齊家治國平天下學之體用也若諸君子者豈能外此學哉然則讀是傳者固不必別求其所爲學而自有可爲諸君子者在矣

射禮序

古者諸侯歲貢士於天子天子試之於射宮慶數馬集

卷之二十

三

讓進退於是乎出故射宮曰澤宮澤者擇也天子之所以擇士也其擇之以射也何蓋控弦矯前期於必中爲技而已此曲藝之射非士君子之射也周旋進退登降揖讓體容比禮節奏比樂爲儀而已此射之射非不射之射也幼壯孝弟耆耄好禮雖至耄期而稱道不亂者此德在射先禮在射後惟有道之君子能之故聖王務操焉昔孔子射於矍相之圃觀者如堵墻及子路出延射則去者半入者半公國之裘揚驪而

語則去者半處者半及序點揚驪而語則僅有存者豈非以無德而射雖習儀以亟不可以在此位乎國家建學造士以明倫爲先親義序別信乃其的也敬以直內爲志正義以方外爲體直動不妄發發必有中故曰爲人君者以爲君鵠爲人臣者以爲臣鵠爲人父者以爲父鵠爲人子者以爲子鵠射也者各射已之鵠非縱送發釋之謂也然桑弧蓬矢男子有事據德游藝聖門不廢國學黨庠俱有射圃以教士射豈

數馬集

卷之二十

四

靡文之尙則禮樂之道歸焉耳蜀中丞茶陵譚公侍御嘉禾王公謂移風易俗莫善於禮既檄予刻四禮節要以惠蜀人因及射禮予考禮經言射事不啻詳矣若曲禮有義而無其儀儀禮有儀而無其義義之不習義將安著又考射禮乃繼鄉飲酒而舉者鄉飲以序長幼射禮以觀德行義不備廢今郡國鄉飲酒禮歲凡再舉若射禮缺焉非所以教禮讓習威儀而示正已之道也於是取古射儀令博士弟子爲綿蕞習之

徵署中書有楚督學顏公鯨註釋射儀因加增益令博士俞機楊尚直爲圖付諸梓人噫古禮不行久矣儒者溺於故常謂中彼有的即可稱射何必多其儀節以煩賓主是樂割刀之便而忘鸞刀之中音者也脩古君子當必不怠其初士能求之儀禮而得古人之射又求之曲禮而得古人之所以射則所謂觀德云者殆庶幾矣由此而貢之天子司敎者亦與有榮籍焉

刻蜀中憲約序

數馬集

卷之二十

五

蓋記禮者曰禮之以多爲貴者以其外心者也禮之以少爲貴者以其內心也禮之儀自朝聘會同以至軍旅燕享無所不備自玄纁玉帛以至周旋磬折拾級聚足無所不該可謂多矣而又曰以少爲貴豈非所謂醴酒之用而玄酒之貴者乎故曰內心者重其質也今之藩臬大夫卽古之岳牧士庶人所由以觀禮已則無禮人將何觀故謂禮一豈爲吾輩設者是東晉之習大亂天下之道也然世道由質而之文易由文而

之質難燕享贈賄至傾中人之資揖讓周旋至窮一飽之力日靡月盛令人厭苦且有議禮爲衍楊接摺爲桎梏鑿枘者則非禮之過用禮者之過也蜀方伯楊公習於禮者也出所刻滇中憲約以示予大都謂吾儕有位羣僚所式奢靡之來不在下人故一切禮文交際欲朴以忠送迎起居欲省以約有時而不以貨財爲禮者非爲貧也有時而不以筋力爲禮者非爲老也留有餘之財以還吾民留不盡之力以全吾真返

數馬集

卷之二十

六

樸還醇期於可久誠揀時之藥石而縉紳之模範也夫蜀在西南嶺徼中風俗淳朴令與吳越較華競麗誠不同日而語矣顧風俗漸靡自昔而然摘僻爲禮整斲爲恭上行下効日以滋甚則斯刻也直滇中可行哉於蜀尤急矣余嘗愛左氏之言曰苟有明信澗溪沼沚之毛蘋蘩蕓藻之菜筐筥錡釜之器潢汙行潦之水可薦於鬼神可羞於王公是語也卽禮所謂以少爲貴者也余不敏不能昭忠信以風蜀人則取方伯

憲約校而刻之願與二三大夫及郡邑長吏奉以周旋竊附於詩人行輩河酌之義

吳侍御觀風錄序

夫風者可以觀俗亦可以觀政故奉使者重之予讀春秋傳見季札觀列國之風焉謂憂而不困者其風衛泱泱乎大者其風齊美而蕩者其風函大而婉儉而易行者其風魏曲而有直體者其風雅凡上人之所披拂與下人之所漸靡皆于風乎觀之此觀道之盛也然皆上世之遺

數馬集

卷之二十

七

風焉乃若身際其盛則無如召伯巡行南國躬布文王之政故羔羊騶虞見上之所以風乎下甘棠勿翦見下之所以觀乎上嗚呼美哉觀乎不可以復加矣蜀在禹貢梁州之域自周視之則岐山之南也安知昔之所謂南國者非江漢發源之區岷嶓既藝之地耶顧蜀國之風書缺不載惟漢有之作賦凌雲著論講德斯長卿子淵之風也一變而爲楊雄之玄風再變而爲蘇氏之文風三變而爲張魏道德之風此變而善

變者也其在於今則家六經而戶孔孟矣物盛則衰之所從生文盛則靡之所由起崇尚玄虛而離去本實者豈曰無之觀風者病焉侍御四明吳公以延陵後人負攬轡澄清之志益自奉命使蜀日而正直忠厚之風已蓬蓬然起於東海而入於西海矣下車以來察廉吏迸貪墨恤孤獨理冤滯崇孝節課文藝時而嘘枯潤槁於風爲春時而解慍阜財於風爲夏時而蕭瑟憐慙於風爲秋時而摧貪萎暴於風爲冬風之入

數馬集

卷之二十

八

人如草之必偃如果木之必甲折而菁菁者莪其感被尤神也行部所至橫經講藝園橋觀聽者翕然丕變至於吐心爲言吐言爲章則士風之淳漓又於此卜之故樂與之評隲不厭既歷八郡得諸士之文最雅馴者百六十餘篇出以示某某奉而卒業喟然嘆曰嗟乎是蜀士之風也其有張魏之遺乎夫文太質則傷肌太巧則傷骨質而不俚巧而不鑿根源理道不事玄虛此蜀士之文直指公之所觀也而風俗亦係之

矣迹其所應以觀其所感則巡行布政之際崇
能黜浮之功不爲無助某以一日長多士樂觀
厥風之盛乃付諸剗剗俾人之觀者知蜀士盛
於今日固大國之雄風也

西巡草序

西巡草者直指使者四明吳君按蜀之所爲作
也古者使臣以宣上德達下情爲事其詩曰載
馳載驅周爰諮諏戒盡職也然其勞於王事則
有恤侍室家之思迨乎行役旣久則有山川時

數馬集

卷之二十

九

物之感故陟岵望父陟屺望母鸛鳴于垤婦嘆
于室三百篇亟稱之至於登山而咏茱萸登樓
而怨楊柳要皆本乎人情合乎風雅非苟而已
也傳稱登高能賦者可以爲大夫無亦以舒闡
性靈感發心志詩固不可以已乎吳君以名御
史出按三巴端軌奉法肅然如霜宣鬱導和沛
然如雨民安其居吏循其職則旣無負皇華之
遣矣行部有暇輒登名山覽大川訪問古先哲
人遺跡悲歌慷慨情見于詞家故越也有八十

五齡之嚴親在焉奉移忠之教深望雲之思登
高眺遠意豈須更不在於越乎故其見之於詩
者非嘆將父則念諸昆人倫物理隨觸而形憂
時感事因心而發而歲序之推遷山川之遼隔
皆溫然敦厚之情之所寄寓也蓋昔有思親而
擊磬者鍾子期嘆曰嗟乎心非臂也臂非椎非
石也誠乎此而應乎彼則直指君之詩是已某
嘗病當世之爲詩者多無因而強作吳門歷下
豈不稱工而殘膏餘瀝亦或以誤後人故以風

數馬集

卷之二十

十

雲月露求之則有餘以人倫忠孝索之則不足
況乎狂誕成風痛哭成習者哉此子美所爲淪
亾而北征所爲絕響也直指君之詩大致一本
於忠孝而其師友淵源多在開元大曆之間則
斯刻也雖僅僅豹之一斑哉乃其全亦可觀矣
同寅滇南吳君讀直指君詩謂有合於風雅欲
付梓人而令某爲之序某輩皆奉教於直指者
也盛稱其美則諛不能詩而強以爲知詩則誣
故直序其作詩之大指如此而詞調之工不同

於俗則天下後世自有知音者在

刻蜀士崇正錄序

崇正錄者黃子所校蜀士文藝也世之談文者日趨於奇矣獨正之崇何病奇也其病奇者何病奇而離於正也國家明經取士謂士人心術以言爲徵故貴溫厚不貴賤薄貴爾雅不貴奇譎貴平淡不貴艱深去聖益遠習尚益偏昔之談文南華爲政今之談文西方爲政以彼糟粕濟我真醇當世以文章起家稱爲舉業嚆矢數馬集

卷之二十

十一

者皆二氏之餘也夫未訛而習之垂髫而誦之非六經語孟之言不聞於耳非濂洛關閩之書不接於目無亦謂學古入官執此以往而先資自獻輒躬自背之謂之何哉蜀天府之國而才士之淵藪也余考傳驗圖窮覽山川大都地以奇勝物亦肖之故峨嵋干霄巫峰拂雲霧關玉壘翱翔天表則奇巴江字流三峽雷震灩澦之石半浮瞿唐之水皆立則奇相如著聲於凌雲君平收譽於支機王褒作頌於賢臣子雲拔藻

於法玄則又奇鑿山而鹽引井而火碧出蓑弘之血鳥生杜宇之魂則又大奇謂宜多士之文惟爾鄉之山川是肖先民是程薄雅淡而不爲惟奇詭之是驚而今所錄文獨悠然澹然宗理道而切事情若屈首功令而不敢踰越尺寸者此豈蜀士工於用奇而拙於自見哉則余之錄錄亾奇不足以盡其長也蓋紫衣賤服而化齊風長纓鄙好而變鄒俗所尚在此所應在彼余何知近於正者爲有合何以奇爲或曰善爲文

數馬集

卷之二十

十二

如用兵然奇正相生變化無窮偏廢可乎曰可哉兵以奇勝必以正合世稱善用奇者無如李廣軍行無部伍行陣不擊刁斗自衛至省約矣然爲虜生得者一軍沒者一無功者再若程不識之正部伍擊刁斗治軍薄至煩擾也然卒未嘗遇害此奇正之効也夫文而不本於正是行師而無部伍次舍而無刁斗也卽馳辨若波濤摘藻如春華君子曰靡況乎其拂經叛道爲世大禁者哉是錄也名曰崇正荒若莊幻若釋

予知其必無矣文英一百三十餘篇蓋擇其尤雅馴者故郡不數人人不數首於此蓋以見正之難未可謂無奇云

四川選貢序齒錄序

古者命鄉論秀升之司徒曰選士司徒論選士之秀者升之學曰俊士升於學者不征於司徒曰造士大樂正論造士之秀者告于王而升之司馬曰進士然後司馬辨論官材請于王而官之爵之祿之蓋國家貢士之法寔周制也惟

數馬集

卷之二十

十三

周升于司徒今則升于宗伯爲少異耳自甲科之制重而貢士之制輕矣貢於鄉者不復掄才惟以年之先後鱗次待用其人往往日暮途窮不能自振雖升於宗伯輒乞微祿以去上焉者僅可備有司之乏其次則郡邑文學掌故而已邇少宗伯任丘劉公爲留京大司成以南雍首善而生徒不能滿百賢關謂何乃議請自今貢士間用選法以次升者五之四以不次升者五之一令白首待用者無積薪之嘆而茂材異等

者亦得稍自振拔庶國家獲士之用而堂堂辟雍勝友如雲環橋門而觀聽者不徒稱美漢世而已天子是其議著爲令不佞承乏西川寔當諸邑貢士之期乃羣多士試之得一百十有七人皆向所稱俊秀而可升於國學者也諸士挾策將赴宗伯氏不佞乃令敘其齒之長幼及里居世系爲錄而鐫之講兄弟之好也或曰選士掄材惟不尚年也其齒之也何曰此鄉黨之禮也禮君子居鄉不以賢智先人故十年以長

數馬集

卷之二十

十四

則兄事之五年以長則肩隨之諸士非同蜀產哉齒胡可廢也然則限年之法其可以得士乎夫呂望耄而造周鄧禹少而興漢崇奉髮則通達國體者黜矣喜新進則四世克勤者遠矣何可偏也其選之也何曰是將老其才而用之也駃騠之生也七日而超其母然非御以羈羈加以鞭策教訓而服習之則亂氣使僨陰血周作還淳之敗可立俟也語有之男智莫如夫女智莫如婦蓋言習也夫諸士之廩于鄉也不爲不

養矣其在于男則猶未夫其在于女則猶未婦
乎其所謂說者皆古先聖賢之糟粕而微言與
論與夫天祿石渠之藏或有所未聞與所嚴事
者下邑之大夫與二三賢士而王公大人德業
冠當時聲稱洽天壤者或有所未覩與所講習
者鄉射飲酒讀法禮文之事而治世之大經大
法內安外攘之略或有所未講與 聖天子淵
默思治拊髀求賢方且內憂國匱外憂民饑宣
房瓠子之歌無歲不興負薪下捷之策靡日不
數馬集 卷之二十 五

講而又匈奴驚驚東夷跳梁戰守和之議甲可
乙否莫能堅決未有設權畫奇欲係單于之頸
而笞中行說之輩者此亦主憂臣辱之時也諸
士于蓬戶甕牖之中亦嘗有所規畫可以釋
聖明之慮于萬一者乎如猶未也則茲行也當
必養是務急無漫語用矣夫用與養非有二也
三分鼎足之業不出草廬之數語與劉滅項之
勳竟符登壇之成算諸士誠能以養爲用異日
者由大宗伯而進于天官氏高則爲伊傳周呂

下亦不失爲龔黃卓魯蜚英揚采比肩當時使
評蜀士者謂梗楠杞梓惟蜀有也茲豈惟不佞
之光其二三子之先人後世寔焜耀無窮豈不
於茲錄爲有榮哉昔者文翁治蜀興學化民苦
蜀無學士乃遣相如東受七經還教吏民于是
蜀學比鄒魯故其志曰文翁倡其教相如爲之
師夫興學如文翁豈不千古美談哉獨恨所遣
者乃詞賦之相如無能師範百世以爲文翁重
耳今諸士之學于辟雍也則人人受經矣不佞
數馬集 卷之二十 六

誠不敢望文翁獨願諸士立志不相如而止也
則茲錄之刻不惟蜀士重而不佞亦因以重矣
若乃念枌榆之誼篤昆弟之好施及子孫有隆
勿替此則厚道宜然不佞所望於諸士者誠不
止此諸士亦厚有樹立哉

四川鄉試序齒錄序

歲甲午秋 上復遣廷臣掄蜀士得七十人者
以報遵常制也先是直指使者四明吳君奉
命西巡所至崇教化行風俗課文藝所以廣厲

學官者甚備士荷父師之誨業已靡然而風既被舉則相與敘其長幼世系爲年籍以講世好乞言于直指君弁于首簡大都教以事君立身交友之誼而卒歸于厚道諸士終身誦之有餘師矣不佞可無置喙在禮女子之嫁也父母施衿結褵申敬順之戒其義至微淺然世不以俗故廢禮則不佞於諸士安得默然而已乎古稱舉士之盛無如舜舉元愷以左氏傳所載考之高陽高辛昭其族也蒼舒噴鼓以及季狸昭其數馬集

許曷嘗拘小禮而崇小讓及至臨大事履大位其相推第期於成國家之事而不失遜讓之美雖後世所稱彈冠結綬者莫敢望焉其於友道不亦篤乎此聖賢事也春秋卿大夫猶有以齒讓者狐偃范匄是矣有以賢讓者趙衰欒枝是矣有以功讓者卻克魏絳是矣此其人猶身相友也伍舉之奔也聲子遇於鄭郊班荆道故曰必復子竟言於子木而返之以交則參朝隔於易世以地則楚蔡駁於異國以事則出亡難於數馬集

伎之光其爾先代後裔實焜燿無窮錄可朽也
名不可滅也不則易世之後有以一人不類而
遺數十人之羞者矣又不然當爾多士之身且
有以勢相傾以利相軋令貞士羞與爲友者矣
此視春秋卿大夫且有厚顏況虞夏諸臣耶余
觀近世談蜀士者大都侈言卿雲愛其儒雅余
不爲諸士願蓋余聞廣柔其傍有禹穴云故爲
諸士言元愷謂而鄉有禹元愷之一也倘不能
然則寧爲秋實無爲春華江陽綿竹亦皆可師
數馬集 卷之二十 九

四川武舉錄序

古者取士之途出於一今者取士之途出於二
惟出於一故儒言儒服者皆可備折衝禦侮之
任而赴赴武夫可爲公侯干城者亦可以爲腹
心嗚呼何其盛也自文武分而人才始不逮古
自求武以武而武始不振矣然而設網彌天收

功二目則亦庶幾有干城腹心者出於其間乎
歲甲午蜀旣賓興文士復脩武試如令甲侍御
四明吳公念拔士爲將 天子重托其難其慎
視掄文有加焉時御史中丞譚公方延攬英豪
銳志安攘之業諸材官騶發欽飛射士鱗集待
試者咸斌斌質有其文武入彀者凡四十人某
寔與校閱之役例當一言綴于末簡蓋不佞以
章句起家奉 命範諸青衿士求士以文余之
責也若求士以武則非其任且英雄假魂之士

數馬集

卷之二十

三

豈章句腐儒所能物色哉余茲懼焉竊計 國
家三歲中郡國所舉士無慮數百人方其列賢
書上大司馬人人自以爲膺起爲頗牧幸得一
當以報知已及至有事則 當宁側席常苦乏
人且寤寐古之豪傑而不可遇以近日東北二
房觀之何跳梁無忌也尙可謂國有人乎夫士
惟能文者未必能武故復以武求士而武復不
振令當事者將安所倚重乎蜀自文翁興學以
來文士之盛至今日極矣若以武自表見者何

參寥也母論其遠卽如近者士酋衡令邀我偏
帥傍觀者謂以全蜀討一州如太山壓卵碎之
易耳然士未有能建長策施長組繫士酋之頸
而獻之闕下者抑又何也將累歲所舉士無
一足稱任使者乎審若茲益令評蜀士者謂武
不如文且咨嗟嘆息思得文士之用如相如喻
蜀其人者矣嗟乎求蜀士於今則武誠不如文
求蜀士於古則文亦不如武何者蜀先世文人
則相如楊雄爲之魁豈若武有吉甫驅獫狁匡
王國而憲萬邦乎峨峨岷山發祥如故劔閣王
壘之霸今無恙也而安內攘外之臣累世不一
覩又令人重致疑矣意者亦主司求士徒得其
似而未得其真乎昔之言相馬者謂良馬可以
形容筋骨相也相天下馬者若滅若沒若失若
亡有貴乎馬者存焉相士亦然故稱引詩書談
說禮樂鶴列魚麗無不知也以是求士則十不
得一引弓盈貫措杯肘上適矢復沓方矢復寓
以是求士則二十不得一韎韁跗注服兵擐甲

曼胡之纓短後之衣以是求士則百不得一豈
非所求愈似則所失愈遠乎夫主司所執覘士
者舍騎射對策無他術然皆得其粗而不能得
其精則主司之技始窮雖然粗者之不棄精者
之所以獲也請就諸士所執之射以廣諸士之
意可乎夫射一也有賢將之射有才將之射有
庸將之射有敗將之射賢將之射以忠爲弓以
智爲弦以義爲矢以仁爲羽以勇爲鏑以伐暴
安民爲鵠引無不中中無不貫此射之上也才
將之射以師爲弓以律爲矢以謀爲弦以勇爲
羽以出奇爲鏑以勝敵爲鵠亦引無不中中無
不貫此射之次也庸將之射以拓爲弓以竿爲
矢以荆麋之筋爲弦以七爲鏑以翎爲羽以人
爲鵠發未必中中未必斃此射之下也敗將之
射以貪爲弓以暴爲矢以剛愎爲弦以恣睢爲
羽以殺人爲鏑以身家富貴爲鵠雖幸而偶中
亦旋以自斃此其於射未知操弓引矢者也諸
士業以武見收矣異日者大司馬且剪拂使之

上則秉鉞登壇次則守埤乘障有能審此四射
奉以周旋則効力疆場爲國禦侮繼左賢而
殫休屠是一發之樂也北清沙漠東澄瀚海竝
啓麟閣共圖丹青是再發之樂也如是則蜀士
以武稱者奚必遠遜於文雖古萬邦爲憲者何
以過此不然則騎射直一夫之技而射策直媒
身之資耳豈侍御公與藩臬大夫所以求士意
哉不佞弱人也提枹鼓立軍門使將士先登則
不佞所短故其所以告爾諸士者無他奇惟願

數馬集

卷之二十

三

諸士於射審之而已若曰是區區儒服言服者
烏足與談戎事則文武之岐而二也蓋自昔嘆
之矣

四川甲午武舉齒錄序

余旣從侍御公校士武闈拔士四十人業已借
射爲喻示諸士的至是諸士復請余言謂翔鳳
等幸際 明時辱侍御公簡拔異日得負橐鞬
周旋行間諸士也才惟侍御公與諸大夫之賜
其不才也侍御公與諸大夫惟士之怨士敢自

隨以辱知已惟念昔者孫龐同師卒以兵法相
戕蘇張同學卒以口舌相傾無他入害其能出
如其寵耳四子之行心竊耻之請得如文士爲
同年籍序長幼講兄弟庶幾崇厚敦讓世世守
之母貽友道羞大夫其一言以冠諸首余惟論
交在心不在籍籍可尋也亦可替也故崇厚者
不言厚敦讓者不言讓談厚與讓而交始衰且
世豈少剖心折肝之士哉一旦反眼如不相識
甚至傳刃其腹者禍生於有求而怨結於不怨

數馬集

卷之二十

三

也張耳陳餘爲布衣時相然信以死及據國爭
權卒相滅亾者鉅鹿之圍耳之望餘者深而解
脫印綬推與張耳餘亦望耳不讓故也甚矣望
之一言爲交道之害也以厚始者以薄終以讓
合者以爭敗諸士欲敦世世之誼稱爲兄弟則
無如怨矣能怨則所求於已者重而所望於人
者輕人已相忘交乃長久何以明之夫貧富者
命功名者會緩急者時存亾者心炎涼者習其
人而叔牙君卿也必能分管仲之財而對呂公

之榻若以已之貧望人之富者非怨矣其人而韓長孺鄭莊也必能薦達賢士推轂長者而以已之困望人之達者非怨矣其人而無忌虞卿也必能急平原之困殉布衣之交而以已之急望人之殉者非怨矣其人而馮驩仲孺也必能不以有勢合以無勢去而謝薛公之客署翟公之門者非怨矣士於初舉時業未成而勳未就無勢利功名可以易心無緩急炎涼可以變志則肫肫然厚耳濟濟然讓耳故貴爲將軍者下

數馬集

卷之二十

三

與校尉齒貴爲校尉者又下與任子布衣齒曰今日之舉兄弟之誼也何論世閥一旦涉世之流翻覆萬態則厚薄爭讓於是乎見而孫龐以之齒終蘇張以之隙末豈不貽世之大詬乎諸士愕然曰如大夫之言母乃衰世之意而教諸士以薄乎且士所望於大夫者不止此豈無奇說偉論可爲諸士樹不朽者乎曰惡是何言也昔序賢書其事公故公言之欲爾諸士無負國家今序年籍其事私故私言之欲爾諸士無

負友誼且吾所謂望之一言豈惟交道之害於事君亦然矣淮陰不望漢高則下齊不爲假王而九族可以無赤伯通不望光武則遼東白豕不以自伐而身首可無橫分故以市井之行待其身而以士君子之行望於人者未有能濟者也然則怨之爲道友道也臣道也諸士執此以往可矣乃若諄諄論交天日是誓謂間茲命明神殛之則中世之所敦已非上世之所貴況乎未必終如其始者哉諸士戒之無負斯籍矣

數馬集

卷之二十

三

鼓馬集卷之二十一

溫陵黃克纘紹夫著

序

山東武舉鄉試錄序

余讀詩至兔罝未嘗不嘆其世之盛也以彼赴
赴武夫而可爲干城腹心之托豈非文武備足
而以全才稱於當時者哉世之衰也士大夫厭
武事而賤武人其詩曰彼侯人兮何戈與祿彼
其之子三百赤芾夫荷戈與祿何足爲士辱顧
數馬集 卷之二十一

彼有兕罝之才不耳有之卽赤芾輝煌豈爲過
哉今制武闈試士先之以騎射繼之以韜略
文事武備欲其兼有蓋望士若斯之重也士之
應是選者非質有其文武烏能不媿兔罝勝其
任而愉快乎歲庚子天下復當貢士某承乏齊
藩旣從侍御楊公有事文闈茲復與武闈之役
士以武求試者得寓目焉時大司空劉公誕敷
文德成允成功大中丞劉公文武憲邦有嚴有
翼士之聞風思奮者斌斌盛矣又當島夷新破

大將振旅諸材官毅騎伏飛射士從征玄菟戮
鯨鯢築京觀者若而人轉輸瀚海乘長風破萬
里浪者若而人咸賈其餘勇願得一試以見所
長卽伏在草野躡躡擔簦而至者亦皆誦法孫
吳能麟齡擊賊有甲冑難犯之色於是侍御公
緩心悉慮務盡其所長三試之得六十人者以
獻某循例當序簡首乃進諸士而告之曰侍御
公之舉若將令若將也蓋爲將之易惟今日其
最難也亦惟今日天下承平無事匈奴款塞

數馬集

卷之二十一

二

主上富於春秋威靈遐邇西平靈夏東逐倭奴
適又滅西南夷取其地而郡縣之雷霆所擊無
不立折者雖遼左之時復盜邊然非有異時
冒頓老上之雄也諸將帥謹守亭鄣無鋒鏑矢
石之憂不過十年建大將旗鼓如取諸寄何其
易也雖然上聖主也誅鋤強寇兵屢勝矣將
吏習爲告窳所用以借資結援者不取諸敵而
取諸士卒夫以積懦之將事聖明之主居屢
勝之下吾見夫將之難爲也蓋憂在外者患兵

病憂存內者患其力乏海內則力殫於橫征膏血厭於餓虎元元憂懼莫必其命幸無奸雄爲之勝廣則已有則內變一起如川斯潰此多士他日之憂也語有之兵戢而動動則威觀則玩玩則無震故盛世多危機而驕兵難慮敵明主多督責而庸將乏遠圖此通患也且與之言無事則悅其順已與之言有事則疑其嘗已將同乎衆而爲之則已賴其寵而禍國家將異乎衆而爲之則人害其能而禍吾身是爲將

焉樹蒺藜者夏不得休息秋得其刺焉然則樹梗楠豫章之材者非異日將資其大用而收其大効乎諸士無意自樹則已卽欲自樹則上之捍蔽社稷擁衛生民是梗楠豫章之庇也次之効力疆場昭宣令譽是桃李之實也不則志在身圖惟利是嗜剝下以養交縱敵以生患是蒺藜而已國家何利而植若人哉古名將以武科起家者惟郭令公彼其平安史復長安再造唐室皆可能也惟是大節耿耿可貫金石讒

二園詩集序

楊雄有言雕蟲小技壯夫不爲夫雄嘗賦長楊以擬相如作反離騷以方屈原矣而善詩賦若是矧夫薄雄不爲者其所以投豈

幕戶官之岐路已哉然猶有嗜之不厭至較
上拙於一言課殿最於數韻窮思極慮嘔心不
休者彼其人如杜少陵氏困窮拂鬱奔走憔悴
藉以抒其無聊之懷洩其激昂之氣無足怪者
若乃身為國棟道立世程指麾回天地經緯昭
日月名垂圖冊功勒鼎鍾奚取立言之工而冀
聲施後世哉夫詩以道性情者也性動而為情
情發而為聲聲諧而為韻天機所觸孰能無詠
惟才有長短格有高下語有淺深則存乎人矣
數馬集 卷之二十一 五

而為好者擅之以為高厭薄者卑之以為技皆
非通論也且也廟廊與山林殊體治世與衰亂
殊音遭遇不同製作亦異故有矢都俞之韻于
叔季之世則惑矣詠黍離匪風之章于載芟良
耜之日則背矣賦牢愁憤懣之詞于謨明弼諧
之朝則狂矣予嘗執此上下古今謂自昔詩人
皆因時而立言非無因而強作近世輕浮淺薄
之士鼻祖時賢拾其餘瀝不狂而叫號無疾而
呻吟溫柔敦厚之風漸滅盡矣不有大雅君子

其孰能正之哉御史大夫三原溫公以正氣直
道挺立于時自為令以歷諫官躋九列出而分
陝入為正卿其風裁政績皆足為人倫楷範予
嘗從計吏後謁公京邸公與之坐而談民生吏
治率多憂盛危明之慮絕口不言詩也邇者壽
春朱汝修氏以公門人所刻公二園草寄余奉
而卒業乃知公兼才也不言詩而詩工殆管公
明所謂善易者不言易乎即世稱五七言長城
直以偏師攻之無難矣公天才卓犖學問宏富
數馬集 卷之二十一 六

本之以溫厚發之以曠逸近體諸作衣鉢少陵
稍以冲淡變其古拙樂府歌行雅慕青蓮奇峭
若翠氣骨相肖五言古體追蹤伯玉而彼以感
遇於興為多此以抒情於賦獨盛其大指則篤
於君親師友之倫其囊括則紀懷二十五章足
以盡二園之一部矣自司空以前袞職鮮闕帖
屹非遙其為詩和以平思而不怨迨栢臺以後
世變驚心風木係念其為詩婉以諷慘怛而有
餘悲故夫飛鳥迴翔雞鳴所以箴規也詔書寬

恤鴻鴈所以哀鳴也尊前一鴈小宛所以不寐也風烟接連則虎賁衛士所以庶幾典刑也凡若此類皆風人之極致大雅之遺音豈徒雕章繹采與柔翰之子較勲績者哉烝民不云乎吉甫作誦穆如清風韋玄成不云乎誰謂華高企其齊而蓋公之詩非騷人墨士之詩而吉甫玄成之詩也昔稱三立並垂不朽而德盛者言遺功多者文掩若公之詩當與道德勲業分道而馳並輝映來世矣某也簿書俗吏何敢妄評公

數馬集

卷之二十一

七

詩顧於雕蟲之技未能忘情間嘗奉教於君子矣不揣固陋序于簡端匪曰玄晏之論可重三都亦謂附驥之蠅可幾千里云耳草多得於宦遊而名二園者公不忘故園也亦惓惓孝友之一念云

竹雪亭詩序

詩固未易工評詩亦未易也杜子美云晚節漸於詩律細評杜者謂不讀萬卷書不可以觀杜詩是可見工詩與評詩之難矣蓋杜之於詩其

取材也精其致思也勤其托興也遠其守律也嚴其驅使景物也暇故凡天地間之可驚可喜可悲可傷可以裂眚怒髮可以蠲忿解頤可以麾戈按劍泣鬼驚神者無不具備而以稱於古今曰詩人也彼未深於詩者竊殘膏於往哲拾遺藩於時賢一語稍近晚唐輒謂開元大曆俱出其下無怪乎有識之竊笑也夫子美聖於詩者也是不易能要以才各有所近而詣各有所極如崔顥孟浩然常建劉長卿諸人或以豪爽

數馬集

卷之二十一

八

或以冲淡或以清麗凄惋斌斌然成一家言斯亦千載人豪也余友固陵梁園馬兄之詩殆庶幾焉兄與余筮仕同在淮南及入爲爽鳩郎與出而督學守郡同在江右相與最久相得最驩然其時於詩未數數言者誠難之也去年冬以竹雪亭詩二卷寄余齊臺使爲之序余再三讀之始知兄之於詩殫精極思其夢寐常與開寶諸公周旋苟以薄識浮氣觀之固亦未易窺其際也請撮其勝會而與知音者共賞可乎七言

數馬集

卷之二十一

九

祥如朱旗寒帶青山影寶帳晴懸紫電光乾坤
老去情應淡湖海春來夢更清杯酒喜逢人日
醉盆花時傍客愁鮮斗酒尚能消永夜孤燈應
共照寒灰江流不盡孤臣淚山月應懸戀主情
如此之類雖實之右丞隨州集中未易高下五
言如開門山月白灌竹野泉清樹色晴看雨溪
光晚帶烟逢人仍問渡投策即爲家有淚窮途
盡無家穉子親湖海看新寵烟霞即舊盟燈光
聯塔影梵語帶泉聲月兼江水白花映酒樓清
數馬集 卷之二十一 九
觀心簾月靜得句野雲閒報主英雄淚懷人老
病心愁應窺白髮貧豈戀青袍慣裁陶令菊學
種故侯瓜烹茶看客到開戶與僧期起語如天
風下木葉悵望一江秋村杵愁偏急孤眠夢欲
驚平林試一望漠漠隱孤城落句如乾坤正無
事散髮對汀鷗我心如江水夜夜遶金山托興
深遠造語工緻雖子美常建何以過之蓋其志
潔其才清其托意在白雪綠筠能甘袁安之卧
其落唾如金莖玉露可解相如之渴詩調清婉

數馬集

卷之二十一

十

大類其爲人使羈臣逐客讀之當思君戀闕而
泣然出涕使幽人逸士讀之當憑虛御風而飄
飄欲仙惜長篇古體猶未多見推此類也雖與
漢魏並驅可也何難爲崔孟爲常劉哉嗟乎君
汝南名士也居官內行脩飭其知交皆海內氣
節之士使能少自挹損以遊于世何至坐蜚語
見廢然君非早退必爲吏事糾纏安能大肆其
力於詩嗇於此而豐於彼造物者若有意以厚
之矣李太白云司州杓力士鑑李白與爾同生
數馬集 卷之二十一 十
死余謂杜律沈韻亦馬兄之鐫杓也遂書以爲
竹雪亭詩序

少宗伯黃毅庵先生河干集序

嘗謂古今文章之盛當於廟廊之上求之如伊
訓說命多士立政詩雅頌諸篇出於大聖賢所
作無論矣兩漢以來若治安天人之策聖主賢
臣之頌前後出師之表諷諫勵志之詩千古膾
炙人口皆哲輔蓋臣之所爲作也蓋其所與上
下議論皆致治保邦之謨其所援引證據皆金

麗石室之書以天下之大制作發天下之大文章以千古之大識見出千古之大議論故能鴻藻與江河俱流而麗詞與日星並耀也至如山澤之瞿非無著述用以感慨時事發舒懷抱則可耳將以稱於天下曰極盛之文則未也少宗伯黃明起先生予里中親友也幼而岐嶷能爲日食之對長益好學早親太乙之藜編摩史局馳騁乎圖書墨翰之場造士辟雍餉核乎三都二京之勝衡文吳楚校士南宮近世得人於斯數馬集

卷之二十一

十一

爲盛海內稱文章司命者必歸焉茲以文集示余余覽未終篇作而嘆曰美哉郁郁乎盛世之文也麗而質壯而婉奇而能正非陶鎔於聖化之久不及此夫文一體易工衆善難備鄴下諸子皆稱美才猶或以詞賦稱或以章表稱或以五言或以書記或以著論稱未有兼擅所長卓然名家者也明起之文章表則托志忠雅誦法孔明論說則折理精微步趨韓愈撰序記則敘事有法希子長之遺風造碑銘則大雅不羣繼

中郎之逸軌書翰清潤煒燁與報孫答蘇相爲輝映至於詩歌直追正始近體諸作氣格和平音律諧暢宛然開元大曆之音也蓋文章本于性靈關乎學術譬如名山喬岳廣大峻極莫得而窮其際然後雲烟興焉寶玉生焉瀑布懸崖而喬木參天焉皆自然之文章也明起之學淵源父祖胥富萬卷志在千秋異時詞林諸臣有相傾相擠以求柄用者明起處之恬如也其學富故其才豐其韻高故其詞逸雍容爾雅之風數馬集

卷之二十一

十二

直凌漢唐而上之其必傳無疑也不佞里居與明起時時過從惟相與蒿目時政鮮及文章識者謂明起不欲以所長自見然明起實優於政事今集中所載如廢弛紛更任事議事諸篇皆深達治體有如人主思用舊臣召公河干使秉國成執此以往可也易曰觀乎人文以化成天下詩云吉甫作頌穆如清風予深於明起有望矣

黃孔昭詩集序

自古才能技藝之士雖精妙至於入神必待文人稱述而後可傳於世如宜僚之九伯昏無人之射梓慶之爲據朱汙漫之屠龍高漸離之擊筑扁鵲倉公之神於醫非莊生史遷爲之敘述則千載之下誰知之者其不待人稱述而能自傳者惟詩文耳問巷匹夫無勢力權位足以取重于時而一語動人千古流韻彼兔置野人簡兮伶官考槃隱士中谷婦人載之國風者無論矣若唐之孟浩然張志和秦系諸人俱終身布

數馬集

卷之二十一

十三

衣而其詩與王維岑參輩並垂不朽則信乎詩能傳人不待人而傳也黃孔昭者吾泉布衣也少好學有志節工書善畫有故老謂之曰君工畫不能使畫重而工詩則畫重可取唐詩讀之公乃遍讀唐詩曰詩止此乎又取選詩及三百篇讀之於是盡窺古今制作之妙發而爲詩其四言古體則風人之遺也五言古詩則漢魏之選也五七言律絕與歌行諸篇則開元大曆之響也向之謂君學詩者一日過君見其製作則

大驚曰吾且學詩於子矣孔昭猶以簞門圭竇未覩宇宙之大是醯雞也乃躡蹻擔簦入武夷泛彭蠡登匡廬嵩岳爲汗漫之遊縱觀大江黃河海岱之勝徘徊洙泗二京間觀其衣冠禮樂以廣其心胃而寄其仰止於是發爲詠歌益壯麗清遠古色蒼然蓋山川之靈亦不爲無助云時吳下王元美天目徐子與武昌吳明卿方以詩文負大名於世四方以詩爲贅者偃蹇卑屈稱爲弟子惟恐其不我欲君一見與之均禮分

數馬集

卷之二十一

十四

韻倡和忘其尊貴三公亦呼爲老友不敢以丈人行自居也余於孔昭爲桑梓後輩戊子歲君西赴故人之約附余北行長途跋涉遇景必詠詩必示余余亦勉強和焉後二年而君沒其藁猶於祝融今之人梓者皆先有別刻及余卷軸中所遺也十亡其一矣余恐久益散失乃凡門人章蔭刻于聊城借爲之序如此夫君之詩豈以余言爲輕重哉人有生而美者久與之處若相忘其美也若知之若不知之而其可喜也終

無已有人焉爲之圖而贊之則其美益聞於
方孟浩然王季友諸公詩得元結殷璠評選遂
與盛唐名公鉅卿比肩爭價余序君詩母亦欲
使人覩君全璧後有誦其詩欲論其世者庶知
君爲一代高人也殷璠曰名不副實才不合道
縱權壓梁竇終無取焉余謂詩之傳在工與否
不在布衣與梁竇也公於畫工宋元人山水然
志不屑爲卒獨以其詩行云

鑑井吟小引

數馬集

卷之二十一

十五

鑑井吟者予離齊道經吳越及家居所作諸詩
也名鑑井者詩之美惡吾自知之若鑑形於井
其妍醜莫能遁也昔子輿有病跼蹐而鑑于井
曰嗟乎造物者將以予爲此拘拘也子祀曰汝
惡之乎曰亡予何惡夫曲僂發背上有五管以
隱於齊肩高於頂句贅指天亦奇醜矣而子輿
不以爲病彼其所謂美惡固有出於形骸之外
者矣詩小技也然必才與學合景與情合然後
發言成韻可追風雅若格卑調弱思竭腸枯非

才也書圖未窺拾人餘瀝非學也塵事糾紛懷
抱鬱結非情也僻處窮陬無佳風月非景也予
自離齊以來東方千騎旣非曩遊王人言幾
成市虎連歲水旱滿眼饑饉舊時籍爲洪水
漂流幾無復存值此數年何有四合惟是
大川望之則善故都舊國見之則歡騷人墨士
遇之則成吟詞不必工惟取托物造端卽事
起興此亦天下之至樂也每開卷展玩若得若
失若妍若醜如鑑形止水鬚眉面目無一不了
然者殷深源曰我與我周旋久寧作我故予於
是吟不忍棄也方就正於大方之家因作鑑井
吟引

數馬集

卷之二十一

十六

卷之二十一終

數馬集卷之二十二

溫陵黃克纘紹夫著

序

芝樓草序

古今豪傑之士志狹函夏勇邁古今視伊呂以上人若旦暮可遇不則亦且效陳子公裴守約輩斬郅支而俘遮旬以焜耀史冊若使之局趣轅下與驚駘欵段分道而馳彼有死不能也其於操觚也亦然一言一字必欲鼻祖丘明師友

數馬集

卷之二十二

南華問奇於子雲龔怪於長吉瀝肝嘔血非智盡力索不止此其人豈世之醜齷腐儒所敢望哉予於寧陽張學龍先生見之先生以名進士從水部郎出守中都懼陝漢觀察改湟中坐蜚語落職家食者十餘年用御史中丞餘姚孫公薦起家遼陽有禦屬國功晉叅大政竟挂計典復歸待用某筮仕壽春爲先生宇下吏見先生穆穆落落如千間大厦足以蔭庇萬人私心歎服謂世有豪傑若斯人取丞相封侯直尸

掌耳然先生入秦人遼再起而再不利此無異故今世用人類謹守功令不失尺寸數米而炊簡髮而櫛斯爲良吏若稍破拘攣如李牧田租所入悉以享士魏尚上功首數差六級則引繩批根者且隨其後矣何足怪哉先生旣歸自遼左則以其所著芝樓草寄余齊臺且使序之余碌碌無奇人也何足序先生文然竊知先生之詳矣先生家龔丘泰山在後鄒嶧在前巖巖奇氣鍾於一身童而習之則素臣之書也胸富

數馬集

卷之二十二

二

丘索口開詞令其文之古雅富艷者似左治水呂梁剖符濠上縱觀乎縣水流沫之處而彷彿乎逍遙曼衍之場其文之曠放奇譎者似莊習玄於聘取制於仲探秘於淮南蒐逸於呂覽其文之淵深博雅者似杜下諸人西涉河湟東歷肅慎馳騁玄菟樂浪之墟窮絕塞異域之感其壯猛揚厲則車麟駟馘之風也其慷慨悲歌委曲頓挫則蘇李相與爲河梁之別也近體諸作雖未離唐人蹊逕然奇思奇句往往破的一涉

陳言輒棄不用是先生之詩文大都類其爲人者如此夫騶駟駉朝秣吳越夕刷幽并過都歷塊豈能無時失故步要以追風躡景瞬息千里令世間凡馬不敢望其後塵則渥洼神種斯可貴耳丁敬禮有云文之佳惡吾自得之後世誰相知定吾文者先生詩文異日自有定價某非子建何敢輕爲評騭顧因讀先生集而獨於出處之際三致意者謂才如先生終當以力業顯區區雕蟲直先生之餘緒耳請以是爲芝蘭數馬集

卷之二十二

三

草序

刻郭中丞三臺疏草序

三臺草者中丞郭公所歷三臺諫疏也古者臣子善則稱君過則歸己故傳其將順無傳其匡救揚主令名與天罔極忠之盛也若乃彌縫其闕箴規其失盡言無隱而以忠諫顯非臣子之心所樂居也書有之木從繩則正后從諫則聖夫使言而見用是吾君有補過之美何損於日月之明卽其未用亦足以明不諱之朝人人咸

得自盡婉吾君於天地江海之量雖微物細流無不容也若然則傳之乃以揚主德豈爲彰已直乎始公爲留臺侍御時故相大瑞表裏擅權引繩批根斥逐士大夫不附已及攻已者公上疏申理雖得罪以去旋卽賜環諸賢亦相繼徵用是公之諫行也再入留臺會秋官郎董君以諫止禁兵被譴公力救之左遷爲廷尉評無何禁兵罷董卽召用是公之諫又行也及由考功躋卿寺以中丞出撫全楚日夕討楚之典數馬集

卷之二十二

四

故而釐正之以鳩其民平賦役汰浮靡抑權貴黜貪墨崇先賢城巖邑疏凡數十上大都從者十九報罷者十一公之言又大行矣召入西臺晉貳御史大夫所論說稱引多關宗社大計國家理亂大機時若未當主心然上不替公任之愈重且聖謨淵深臣下難測欣然轉圜又若有俟焉者未可謂公之言遂不用於今日也余每讀公疏輒侈公遭遇謂漢於賈誼旣棄其言併斥其身唐於陸贄雖顯用其身實陰

棄其言忠賢所患如出一轍公之遭遇方之二
賢不啻過之然則疏草之傳不惟可想見公之
乃且於聖明之德爲有光矣豈不休哉嗟
乎論天下事易任天下事難竊觀今世士大夫
以諫顯者多矣及任之以事非矯而爲刻則流
而成靡非輕爲以喪功則縮朒以基患回視向
之所以切劘人主者若出二人焉然則談何
容易也公在朝廷則言朝廷在疆場則任疆場
司黜陟則公黜陟清不近名和不同俗勇不喜
數焉集

卷之二十二

五

王羽卿都護撰登壇必究序

余昔備官壽春有事武闡得淮陰王羽卿論策
讀之見其才智輻輳籌略蠡出心知其爲登壇
士也無何果舉於大司馬氏備兵襄陽時鄖陽

制府奪一裨將公署以廣學宮將士大譁以兵
劫制府謀作亂會羽卿以事至鄖奮身入軍中
以禍福開譬之衆乃釋甲聽命羽卿由此名重
天下啁劉之變復從大將軍攻靈夏拔其城盡
誅反者羽卿有力焉海氛起朝鮮朝廷發天
下適戍間左揀之數年不靖波臣震恐中國動
搖廷議謂江淮南北咽喉陪京保障倭朝揚帆
則夕可至乃授羽卿節鉞俾鎮江淮羽卿至則
大閱士卒修戰具以整暇待之威稜所懾海波

數焉集

卷之二十二

六

爲恬轅門無事惟日觀將士投石拔距而已乃
悉緝囊中秘書採撫古今奇聞彙爲將畧自天
文地理內夏外夷江河海防以及選將行軍攻
城乘鄣樵蘇羨舍諸類雖一器一藝無不具載
蓋本之六經以討其源博之左國子史以該其
變考之武經七書以求其法參之歷代將傳以
驗其用稽之近世名臣封事以採其識旁及於
百家衆技稗官小說以盡其能爲卷四十爲目
七十有二名曰登壇必究寄余齊藩署中使爲

之序余惟法之可以言傳者法之麤也其不可
以言傳者法之精也猶龍氏有言佳兵不祥之
器有道者不處至論柔能勝剛弱能制強則又
退然處於至懦至怯之地使人墮於機阱之中
而不能出一何深也故兵死地也以不用爲用
始可語用矣若乃屢校滅趾智不如蔡賈勇鬻
伎著書垂世斯已贅矣彼尉繚子李衛公諸書
方之孫氏猶拾漚也況乎其益以數千萬言哉
霍去病不學兵法而蹀血虜庭北至祁連馬服
數馬集

卷之二十二

七

子徒讀父書而長平坑卒邯鄲幾亡兵固可以
空言談乎雖然用兵以已亂猶用藥以治病也
方書雖不足以盡病而俞扁不以其故貶方庸
醫雖或以藥殺人而後世不以其故廢藥聞有
泥古而失之者矣未有師心而能得者也譬之
奕然執譜局以應敵豈必敵之應我盡如其勢
然熟而用之神而明之攻圍劫殺之變盡於是
矣然則謂羽卿茲書卽青囊之秘術方野之奇
譜可也近世東牟戚大將軍著紀効新書談兵

者以爲嚆矢戚故樹勳海上所紀禦倭之法爲
詳他未盡及也讀羽卿書如入武庫觀五兵色
色具備顧用之者何如耳嗟乎將以忠義爲上
輒鈴次之當羽卿奮身入亂軍時死生不顧忠
義之性豈可以假人耶至其登壇誓師諄諄成
法所謂臨事而懼好謀而成者哉余於羽卿有
二日之雅因敘其書以俟夫知兵者採焉

袁中丞撫閩疏草序

夫人臣議事易而任事難議事者成則功歸於
數馬集

卷之二十二

八

已敗則罪諉於人任事者百爲百成方稱以爲
功九成一虧輒指以爲罪夫事非勇往直任之
難而委曲周旋必求上下兼濟之難也故便於
身不便於民仁者不爲也便於民有損於國義
者不爲也予上下史冊觀古名臣若申屠嘉之
欲斬鄧通鼂錯汲黯之矯制開倉趙克國之籌
畫先零可謂能任矣然嘉雖執法終犯投鼠之
戒充國雖固守便宜而內有公卿異同之議外
有辛許掣肘之虞惟長孺權宜救民臣主相信

史冊艷之甚矣任事之難也中丞睇我袁公填撫吾閩其心仁以恕其操廉以貞其政寬以肅蓋自爲方伯時士民已親而戴之若納赤子於慈母之懷惟恐其頃刻離也視事未幾會權使高家惡盈罪稔激變於閩飛矢吐火幾令全城燬燼公於是時手握水陸兵凡數萬豈不能下令軍中使披堅執銳助士民攻宋然宋死而上必震怒如是者身危又豈不能選擇猛將率勁卒千人人宋之穴執宋歸朝然宋知死而數馬集

卷之二十二

九

致力衝突而出遇之者立見齏粉如是者身危夫身危其小者也使軍民殺宋則朝廷威令不行而國體傷使宋屠戮軍民則朝廷命使幾與倭虜無異而國體又傷以是任事是債之也公於是際不動聲色惟內曉宋謂取民之物必當償直外曉軍民謂所取財貨吾當責償爾無妄動變大而小視之機危而安處之及宋出不意突來劫質公惟少整衣而出開門而迎耳其規摹操縱固未嘗有毫髮之差也連上五疏

斥其悖逆始終以生死去留聽之君父事之民言去而國體全所存者大而所傷者小公於任事亦稱良工苦心矣今讀公撫閩奏疏凡四十餘篇爲聖母而恭慰者三廣孝思也爲處置有司者四進退監司者五重吏治也爲却球夷貢使者一爲海防而鑒別條議者六消海氛也爲水災奏報請卹者再重民命也爲罷權稅參惡璫而發者九除民害也稅璫去而乞身者六乞免代者二明士節也公之心事皎如日星數馬集

卷之二十二

十

不佞於權璫一事獨論之詳者公之所難在是而公之去亦坐是蓋上召璫歸而有咎公以疎取侮者亦責備賢者之意然不虞爲璫釋憾也事固有當預防亦有不可預防者魚朝恩嘗給子儀脩具元載使人告以軍容將不利公其下吏中願從子儀不聽但以家僮十數往朝恩曰何事朝之寡告以所聞泣曰非公長者得無致疑乎故公之轅門晝掩卽子儀之不聽衷甲也宋雖頑冥不靈見公不以兵自衛亦知公無

傷害意但欲劫公爲畫自免之策耳大都聞人之利在家之去家去則禍根拔公雖力求罷以謝家無不可者丈夫在事能爲地方去大害捍大患則分內畢矣小小榮辱得喪何足以掛胸臆公戒行矣代公者已擇人矣而吾猶不能無望於公者以敵郡之被災於今三歲饑餓困乏未有甚於此時大破常格而拯贍之令實惠必及於民此汲長孺之義也夫任事於在事時易而任事於謝事時難公疏中有此一段未畢之數馬集

卷之二十二

十一

事豈可以謝事而廢之易曰渙有丘匪夷所思蓋必常人思慮所不能及乃稱任哉

巡撫中丞袁公啓後光前冊序

閩巡撫中丞袁公厥祖贈公有還賈人遺金及却轉輸耗金事楚中士大夫侈爲美談已播之歌詠傳於四方矣而厥父封公年二十有六喪偶誼不再娶有曾子王駿之風人未之知也藩叅韓公及郡守邑令諸公乃聞其潛德告於泉中諸生先時權稅大璫怙衆肆虐激軍民之怒

變幾不測中丞公果疏暴其兇狀必去之如鷹鷂之逐鳥雀也旣得請乃堅乞休沐以釋璫憾泉中士民願再借公而力不能留也乃合公三世而頌之額其冊曰令德啟後殊伐光前而陳生鳴華輩謂某宜有言以弁諸首某歷稽載籍還金事蓋多有之未有併轉輸耗金力却不受者也贈公毫無所取信稱介哉昔李汧公能葬旅邸書生而以餘金寘之棺下竟歸其家廉矣及鎮鳳翔邑民耕田得金一甕送縣縣令信宿

數馬集

卷之二十二

十一

開示皆土塊也以狀聞府公大怒疑其私易時袁相滋在幕閣甕得二百五十塊若鎔金如其數當重六百斤問其甕乃二農夫以竹昇至縣計甕金非二人可舉是卽路時已化爲土矣公乃豁然夫汧公不愛書生之金而不能無疑於縣令之易豈得失之際猶未能忘情耶况縣民得金乃郡中所本無而輸金得耗又袁公所宜有以此較彼其超然利外實爲過之古之不娶如朱暉已踰五十諸葛瑾尚有愛妾無論矣卽

陳化少壯堅辭孫氏宗女王摩詰妻亡三十餘年獨居一室恐亦未能如封公之少年也抑情全愛其用意深遠未易與俗人言也嗟夫是祖是孫清風婉美是父是子立誼素高其爲閩民除害而毅然以身當之則父祖之訓素嚴奉以周旋罔敢隕越也萬石君家素稱馴謹安世一門屢著忠孝公何媿焉九萬扶搖六月暫息何物國尹能進退士大夫 朝廷行且召公矣詩云貽厥孫謀以燕翼子贈公以之又云慤斯慤數馬集 卷之二十二 十三

史異序

史異者紀異也何異乎紀天地日星山川人物之變常也於變常何紀乎常者治徵變者亂徵也稱史異者皆正史之所載也裨官野史獨不記異乎以國史不書或妄誕而難信也史載矣而又集爲一書者欲人君知恐懼脩省也作之

者誰吾鄉水部余君也君以變異散在各史則及常者以常者掩集而成書則一披覽而千古興亡得失之徵得寓目焉蓋和氣致祥乖氣致異日月星辰山川人物之精與人君之行事每相感召故或先事而告警或後事而著應無示也無不示也惟聖人能轉異以爲常故曰致中和天地位焉萬物育焉天位於上於是有和風甘雨景星慶雲而彗孛水電之異息矣地位於下於是有海晏河清坤寧艮止而山崩地震之數馬集 卷之二十二 十四

數馬集

卷之二十二

十四

變絕矣萬物育於中於是含齒戴髮飛走動植之倫各適其常而物怪人妖不書於冊矣自古雖極治之世不能無異惟修德用人以禳之則雖有其異而無其應故洪水滔天而堯不以其故貶聖雉升鼎耳而高宗不以其故損賢夫人君者德則其祥不德則其妖也妖由人興不由天降故變古易常橫徵暴斂是君之彗孛水電也窮治土木妄興師旅是世之山崩地震也女寵內豎貪夫邪臣招權納賄結黨蠹政是世之

物怪人妖也有一於斯雖無變異亦禍人國可不慎乎 聖明御宇垂五十年海內雍熙視唐開元宋慶曆不啻過之而邇年海內異常之事時時報聞若牛妖豕異猶其小者近者陪京鼠渡江矣日相摩矣天狗墜地矣又有京師河赤陵寢地震白氣貫天彗星掃斗經月方散見者寒心果氣數適值陰陽錯亂有不知其然而然者耶抑用人行政壅滯鬱結有上拂天意者耶何上天示儆其仁愛之無已也余觀春秋所書

數馬集

卷之二十一

五

若星亭於大辰於北斗星隕如雨梁山沙鹿崩大水大雨雹之類蓋詳哉其言之然二百四十年間惟此數事未有一年之內而變異迭出視春秋時尤有甚焉亦可畏矣哉余君之爲此書蓋徵事於既往而寓意於方來忠愛之心藹然可想然篇中所載皆前世不祥之事何可使入主聞之耶噫責不專在 人主也十月之詩言日食電震百川沸騰山冢萃崩所以警其君者至矣而後章繼之曰三事大夫莫肯夙夜邦

君諸侯莫肯朝夕然則覽是書者凡百有位各思恐懼脩職以彌天變始稱畏天始稱敬君哉

重脩寧都縣志序

贛東之邑寧爲大幅員之廣財賦之繁永冠文物之盛甲于諸邑載在前志者可觀也志久不續將有遺佚之患先是邑令趙君謀所以續之然私而不公君子曰誣會邑縉紳先生給事盧君中執法吳君俱暫輟承明之直歸于枌榆二君一時稱爲博物君子者也乃取前志與博士

數馬集

卷之二十二

十六

第子員某增損之沿革稽於往牒去取付之公評芟其誣妄補其缺略志是以完二君屬余爲序余惟志者以志政也邑有得失郡亦與焉政之臂也余無所逃譏其或反是以自旌也若之何序之三辭使者而請益力乃謾爲之序曰余讀寧志蓋深有感於風會之流而重自愧云昔季札使魯歷觀上國之風於盛德之遺衰世之俗迺邇於數百年之前遠料於數十世之後存亡之變無不逆覩聞其詩猶知某世況覽其志

平以今寧志考之則金精玉屏水則東江西
江賦稅則南餉畱都北輸大司農其人則司空
御史大夫以下可悉數也至於忠孝節義高士
逸民代不絕書籍令延陵季子觀之當必嗒嗟
嘆美以爲大國之風無疑也惟是邇年以來教
化不行而俗不長厚往往好勝樂鬪競毛羽而
趨刀錐驚上以爲高操吏以爲能賦稅日逋居
積日微與舊志所稱民善治生有勤儉風士知
務學不習浮靡者稍異將樂土之民好淫莫漸
數馬集 卷之二十二 七

太霞六集序

太霞六集者鎮西大將軍杜君韜武名其所纂

註諸書也曰太霞者君寤寐三聖而有感於雲
霞之祥故因以爲號也六籍者何曰三教會函
也五岳統志也註孫子也輯左氏也六朝文範
初唐詩則也夫春秋武功詳於左傳孫子兵法
載在十三篇杜君世將覃精於此固其宜也若
乃棲神五岳皈心三教與駢儷聲律之文此騷
人墨士縑衣黃冠之流所據梧憑几而圖之者
君欲囊括之以爲已有無乃遠於職業而苦於
望洋矣乎曰天上無癡愚神仙人間無不學將
數馬集 卷之二十二 六

靡使然耶抑上之人所以化誨感諷之者非其
道耶夫上德維風民應如草余之不德民無則
焉若爾鄉之先民及今賢士大夫皆爾士民之
師也去雕爲樸是惟今日母今後之觀者曰其
細已甚則善矣於詩有之鼠牙雀角刺訟也蟋
蟀在堂訓勤也蟋蟀之羽譏玩細娛也余不佞
請以是書于首簡

帥兎置武夫貌若赳赳其中皆有蘊藉故可以
爲腹心干城尹吉甫之善作頌卻縠之敦詩書
關漢壽岳武穆莫不以丘明爲師手之不忍釋
卷彼其生平勛業節義多出於此不但能執干
戈以衛社稷而已知此則歿武著書之意可得
而論矣夫三教各自傳世近代莆田林氏始合
而爲一予不能深知然釋老亦有一段要渺之
論使世之歆艷馳驚卒歸於盡者而彼以空寂
玄遠之旨引其歸宿故儒者多喜談而樂道之

若於儒家揭大學一篇於釋家取金剛經於道
家取黃庭經各爲之註脚此於三教之旨必有
裨獎者故能揭白日于中天得玄珠于赤水也
其言曰詮道而遂耽隱逸故欲臥遊五岳隱
居而不忘家學故復勤思左氏孫子兵法既述
泛覽縑緗故於六朝初唐詩文又有取焉蓋君
子經史百家博覽收漁無不涉其波瀾而擷其
英華此六籍者又其生平精神之所萃也故能
論說古今鑒觀成敗謀臣策士不能傲之以其

數馬集

卷之二十二

尤

所不知節鎮監司不能嘗之以其所未試副戎
罕夏而橫戈虎穴建牙延綏而躡血龍城斬賊
大騎先後以數千計磨墨循鼻上功露布不假
凡璋之檄時賦仲宣之詩使絳灌失武隨賈謝
文今世大將可稱寡二矣關西故以韜武父叔
握符登壇累立戰功爲熊羆不貳心之臣韜武
繼之益振家聲而風流儒雅抑又過之此亦吉
甫卻縠之流耶其得於六籍者多矣君家居時
曾介長垣李少保締交於予予嘉其議論風采

心知其必能策勳西曆照耀史冊也茲遣使金
陵徵予敘其六籍予誼不得辭遂爲之序且勗
之曰予左氏之徒也垂隴之會趙文子令七子
賦詩以卒君貺於草蟲黍苗諸章僅取其一二
語如我心則降匪交匪敖之義有深美焉余於
太霞六籍未能遍及請各舉一二語以爲君贈
可乎在太霞之卒章曰絜矩能絜矩則偏裨卒
伍咸得分願於釋氏吾取其慧慧則通微於老
氏吾取其柔柔則勝剛於五岳當學其定定則

數馬集

卷之二十二

予

如撼山之難於孫子當觀其變變則非常法之
初於六朝當取其麗麗則旌旗部伍煥然改觀
於初唐當識其有典有則斯風韻器局居然大
雅是數者武之善物也用以成功可用以居功
亦可且君家武庫有左傳癖於城濮蕭魚諸役
勇犯趙衰知瑩魏絳諸人相與謀議津津乎有
味其言之也然則欲學左氏者其在好謀而成
哉請以是弁六籍簡端

鄒孚如先生文集序

大文章之重豈不以人哉左丘遷固俱長於史而左氏與經並傳三閭揚馬俱工於賦而三閭爲賦鼻祖董賈錯偃俱工章奏而董賈爲世楷模長庚少陵俱爲詩豪而詩仙不若詩聖彼其文采豈不俱稱瞻麗哉而優劣之間文重人者十五人重文者十九其故可知也方今文士勤思著述殺青穴水充棟汗牛卑者無論卽負大名執牛耳者咸相謂當世文章若無我當屬卿矣而有識之士殊不謂然若余友鄒孚如氏殆不與人爭名而名歸之者也孚如生有異質九歲爲博士弟子十八以禮經魁楚闈二十五成進士蓋楚雖多士如林而靈根慧業迥絕一時余嘗謂孚如者余登第時長孚如七歲同習政刑曹觀孚如才藻翩翩與一時名士唱和每一篇出京師傳播爲之昏貴未嘗不自慚其稚魯少文欲舉筆視而焚之也余出知壽春入爲爽鳩郎孚如以秘書郎丁艱家居及起爲吏部郎余復以守章貢行矣蓋疏逖者十二年至辛卯

冬上計京師而孚如爲考功郎中時二千石百餘人署中旅見不敢以私謁也辭歸章貢而孚如典銓又數月以議銓事不合乞假歸矣余從蜀入楚將之官齊臬乃道雲夢訪孚如於家讀其甫栢臺賦及吊許由以下諸君子詩五十章喟然嘆曰天以雲夢奉孚如其精神意氣與古人相上下發爲文章盡洩江漢衡岳武當靈秀視立朝時益工以粹矣後數年孚如起家爲南職方郎余叨齊填撫遣人相聞孚如寄近體詩二章今刻集中乃天寶王岑諸人口中語也又余全寄余心欲爲之序而沉迷簿書蹉跎歲月前諾未踐墓木將拱嗚呼延陵之劍可負心乎哉夫孚如之文福唐葉公論之詳矣若志傳叙論若制策騷賦若古詩近體咸有品隲余雖欲再加一言亦何所藉手以重孚如於地下余所聞者孚如居官獎廉抑貪所舉盡天下之選居鄉食貧砥行所交皆一世之豪其著爲文章意所同慕則地下朽骨不惜千言心所鄙薄則

當世權門難徵隻字蓋乎如以人重文而人不
因文重也且今世爲文之弊有他人所必有而
乎如獨無者其說有四鬼輯經傳援引證據但
求其實不務疏通其名曰滯摹倣前人割裂章
句抵掌優孟忘其非是其名爲竊身偶不用怨
憤填胸微文刺譏貶損當世其名爲誹誌傳之
作百斛是求生爲盜蹠死可伯夷其名曰誣凡
此四弊雖號稱名家者不免焉乎如無是也取
材於經史折衷於聖賢就人論事事盡而言止

數馬集

卷之二十二

三

因事明理透而詞終故入告君父有賈誼陸
賁之風出交友朋有子美退之之韻其文出入
左國史漢最下不失爲廬陵眉山讀其集想見
其人真一時文士之雄也而官止太僕貳卿壽
不及知命三立事業多躓半途人不可以無年
信夫噫是人也也有是集也可以傳矣余才非玄
晏序愧三都因念石交兼樂附驥遂忘其醜而
爲之序然視昔人所謂嫁卿阿鶩者豈不爲差
快人意哉

卷之二十二終

數馬集卷之二十三

溫陵黃克纘紹夫著

序

贈大方伯武秦川之任楚藩序

武先生以蜀觀察使者遷楚右方伯將東道出巴渝間時不佞以校士至武昌胡君以治兵至相與餞于巴郡南樓禮也胡君謂先生故歷官闕楚所憇之甘棠在焉吾儕皆先生舊子弟也可無一言爲先生贈不佞敬諾然媿言之無文

數馬集

卷之二十三

一

也因循歲月先生又遷左方伯胡君屢以書來問言難食居諸易邁先生且周歷三臺矣子將若何不佞乃爲文以寄併謝不敏夫今天下有大藩者誰不首楚哉五岳四瀆得九之三焉其以名山大川稱者更僕未易數也左三吳右西蜀五嶺跨其南伊洛纏其北三湘七澤之所出也高燥卑濕之所包也梗柎豫章桂椒橘柚之屬之所產也倣儻奇瑰之士齒角皮革器用之物之所聚也天下誰不仰楚之灌輸而資其

餘潤故楚者天下所倚以爲重而方伯者又楚之所倚以爲重者也昔有虞建官首重十二牧與內之四岳九官俱以時亮天工寄之國初以十三藩爲中書行省政是之從出其尊與宰相等嗣是乃改稱藩司秩亦少殺焉而世之居是官者漸溺其職矣謂版籍財賦我實司之上供下徵可幸無罪如是則談旬宣於楚者惟包茅是貢無缺縮酒之用杞梓皮革是人無廢上方之供足矣何難楚也夫藩以統郡郡以統邑

數馬集

卷之二十三

二

上下相制遠邇相維百官之能否生民之利病與夫財賦之出入刑罰之中否戎政之修廢風俗之美惡雖曰各有主者而總其大者方伯也地居則耳目有所難周政殷則綜理有所不逮故邇而不遺乎遠者爲下也尊而不侵乎卑者爲上也環楚之疆分爲十餘郡又分爲百餘縣吾正之以風于上而與郡主吏約曰封以內二十石有不察是我也諸墨綬長吏有不察是爾也又令二千石與縣長吏約曰封以內長吏有

不察是我也諸黃綬小吏有不察是爾也如是
則上請其職下安其業朝夕交微而無有二心
自下學者去之以徇曰無若某之曠厥官而差
使此操術約而成功博政之善物也雖有虞
十二牧之選何以加焉不然日取米鹽錢穀之
類朝課而暮督之是有司也奚方伯之爲武先
生以京吳名賢歷官內外牛刀初試嶺梅嚮風
仗馬載鳴朝端生色是又東填閩西填蜀三填
楚矣所至以惇大明敏稱夫解牛而進乎技滅
數馬集

卷之三十三

三

聖而全其質此無異故惟其習也今宇內稱人
倫領袖吏道師表無如武先生楚雖大藩乎先
生固吞如楚國者八九於胸中矣何不辨治楚
而某欲以區區之愚爲先生助無乃贅乎雖然
先民有言詢于芻蕘武先生之德在皇華之四
章矣異日有由十二牧徵入爲九官使竹帛勲
名與禹益夔龍輩相伯仲者非他人必武先生
也請書是言以爲先生他日之驗

贈陽思白公祖入覲序

言聲后肆覲日敷奏以言明試以功詩言天
子受明曰我有嘉賓中心貺之鐘鼓既設一朝
饗之矣奏言試功則工於粉飾者謂矣心貺謙
享則請於吏治者奮矣蓋 覲典有關於治道
如此哉 朝令甲藩臬守令三載一 朝實本
朝覲覲畢天官氏甄其治行之卓異者疏名以
請賜宴于庭以示旌異猶有成周之遺焉歲壬
子爲我 皇上御曆之四十年久道化成諸郡
國復當覲期臬郡大父陽公將以其治臬狀入
數馬集

卷之二十三

四

告子 朝郡邑文學先生林君等美公治臬之
功思所以彰其盛美相率造某乞言爲贈某曰
不佞十六年于外矣其于桑梓事耳而不目請
言其槩皆作而言曰公之美政更僕未易數也
其大者則持已廉而若魚之脂膏不潤待人恕
而伯山之疎綱常張接士大夫有禮而劉季陵
杜周甫咸在賓禮之列保甲嚴而揭篋擔囊者
不得進若鞭撻甯越以立威名則不爲也且僕
僑校官也請專言校事異時諸生將應省試郡

公舉賓興而遺之其實具則諸生途費中出也
公曰孰登我堂而飲我酒可爲乾饌而使我
有咎哉諸君之言其信而有徵如此然某猶謂未
盡其大也夫泉民愚朴足迹不至公庭語言不
通鞭朴是懼其豪強之家常假手黃綬小吏以
魚肉之公知此害一切政事必躬必親權不傍
移然後下邑不擾民得帖席焉或曰漢良二千
石若成綰王堂輩皆委用功曹循名責實坐觀
成效今觀於公異事同理何也曰漢之功曹多

數馬集

卷之二十三

五

起家明經孝廉有公輔之望故足特今之黃綬
小吏多起家刀筆或入貲爲官前途已窮故不
足任也公勞其身以爲民而民安瘠其身以爲
民而民肥恩威兼著遠邇交頌聞其應 觀皇
皇然若乍離慈母而失其乳哺初遠嚴父而違
其義方也臥轍攀畱不佞當爲士民先之然
朝觀大典吏治隆替攸關何可以郡人之私廢
臣子之禮且 主上神聖明見萬里撫按監司
又各以公卓異 問則 召見譙勞增秩賜金

使復還舊治俟周澤益洽然後徵入爲九卿丞
相如漢宣用黃霸故事豈不古今媲美哉某嘗
備員楚藩于公有舊雅自媿俗吏不任執事之
役於其行也旣賦蓼蕭爲公今日贈又賦彤弓
爲公他日贈也

賀大方伯劉右川三載考績序

今爲 天子藩臬之臣視內臣不啻勞矣然或
各治一事軍旅財賦教化刑名是也或分治一
方以道統郡以郡統邑是也兼是數者而總於
數馬集

卷之二十三

六

方岳其事十伯則其勞亦十伯益稱難已是職
也其助虞之十二牧乎虞肇十有二州今天下
分十有三藩其數等而其地倍之卽如禹貢九
州青兗居二而今皆屬山以東是於舜之州十
二之二也居是職者豈不尤艱且重哉汲縣右
川劉公以名進士歷縣令郎署郡守以至左方
伯於是屏翰蜀齊且三禩矣故事方伯考績
天子卽有再世之恩彤弓之錫以旌其伐藩臬
諸大夫乃具酒觴公而使某綴言以賀某聞之

安見無石師而能言與能言者處也某朝夕公
側敢以言之無文辭乎山東郡縣百餘吏墨綬
黃綬以千數滌心向化亦惟藩帥之德意是度
公以羔羊之節風之無不奮者間有簞簋不飭
輒持三尺繩其後蓋吏治蒸蒸向風矣若是者
惟公庸諸大夫曰美哉節儉以直齊魯之貢田
賦百萬漆絲鹽絺之屬稱是大司農以東藩密
邇督責獨先公劑其緩急平其征輸惟正之外
無秋毫累以徵怨于百姓若是者惟公庸諸大
數馬集 卷之二十三 七

夫曰美哉廉潔以寬齊俗舒遲養名諸掾史褒
衣大裾率怠緩不事事公辯色聽政雖太寒盛
暑不輟諸郡邑吏欲白事者士大夫孝廉明經
皆即掾吏欲詣部者軍旅郵驛財賦有所出納
者咸朝至而暮得請吏不得陰持其權以緩急
爲市若是者惟公庸諸大夫曰美哉勤肅以敏
海外之夷犯我屬國命將出師侯其屢轉輸
航海歲計二十四萬公隨宜調度不廢公亦不
病私居常不動聲色及持籌而計之綽然中孚

是者惟公庸諸大夫曰美哉宏博以通市井
小人以礦稅之利熒惑 天聽中賢四出暴我
生民奉行於下者或卑污而爲之囊橐或激抗
而嚙其爪牙公苦心調劑力扶善類擁衛赤子
不激不隨民賴以安若是者惟公庸諸大夫曰
美哉仁愛以忠大都藩政難矣而當公之時尤
難賴公沉毅鎮靜於天下事罔不親歷而備嘗
者故人或專治一事而不足公兼總衆事而有
餘人或難於時勢之所易而公獨易於時勢之
數馬集 卷之二十三 八

所難也公爲政不數米而炊簡髮而櫛以傷大
體至於事有不可徇禮有不可越者卽一顰一
笑一錢一帛不輕假人夫非卓然獨立負槐鼎
之望者其孰能之晉舜之命十二牧曰食哉惟
時柔遠能邇惇德允元而難壬人公之政蓋兼
之矣持此以報 天子必將陟爲九官徵爲三
事宅揆司徒之命以次及公詩云王命召虎來
旬來宣公今日之謂也又云衮職有闕仲山甫
補之公他日之謂也某不佞不能揚公之美願

常有慨於中謂近世用人殊失出入均勞之義夫舍其賢而習於事者使栖遲偃仰者躡而先之今必不然且以公之考績卜之也遂書以爲公賀

贈溫用庭侍御移按應天府序

國家之制歲遣直指使者巡行郡國俾察吏能否問民疾苦稽財賦審刑罰興教化脩武備咸以詔書從事有廢格者得以柱後惠文彈治之居是職者嚴則政傷於驚急寬則網漏於吞

數馬集

卷之二十三

九

舟民胥病焉吾鄉用廷溫公以縣令高等人爲御史出按山東與不佞同事者二期寬嚴之施咸協厥中吏民奉法率教無不凜然如秋煦然如春也時齊地所最苦者中官以征稅魚肉小民公上疏劾其違詔之罪又請減歲額以三萬計濟兗東郡兩月霖雨歲苦不登公請一切貢賦悉以金代輸省民雜費以數十萬計齊民無不手頷曰溫公活我天子以公奉使稱職乃移公應天於是戒行有日矣不佞供帳祖餞于

齊城門外公顧予曰何以贈我不佞唯唯予何以贈公惟當爲吳得賢使君賀耳夫金陵高皇帝所都其支輔太平等郡則帝業始基之地也二百餘年淪洽德澤涵泳教化風俗淳美號稱易治齊雖泱泱大國之風未可與畿輔比隆也公治齊旣卓有成效移之於吳以齊治治之何異駕騄耳馳康莊栢天主車而叅伯爲御者乎然竊聞之南北異俗政教異施故談民俗於北則有踰越於三尺之外而鮮藏奸於三尺之

數馬集

卷之二十三

十

中談吏治於南則違法行私者莫罪易見而倚公爲奸者其情難窮此其大較也且也沃土之民或流爲侈靡工巧之俗或化爲淫僻矯侈爲風化巧爲拙礪世礪俗者當寘意焉魯周公陳王業於幽凡民之于耜耨趾播穀穫稻以至條桑治蠶無所不備蓋周家之興愛養幽民俾得盡力於農桑而民亦忠愛其上其男子則曰躋彼公堂稱彼兕觥其女子則曰我朱孔陽爲公子裳今南畿諸郡亦周之幽也蠲租減賦之

詔未聞數下但見轉輸京國歲漕米千艘大
木章錦繡文采萬疋髹器萬枚而中官額外
之費白金十數萬而奇花異果不與焉此視周
家之於商民何如也以故無聊思逞都城之內
幾於喋血欲求所謂稱觥祝壽者何可得哉公
忠植于性義形于色既爲齊民減無名之征於
畿民必爲動念而不佞僭僣倦以告者芻蕘之
見不敢不盡也詩不云乎載馳載驅周爰咨謀
公謀於我矣又何隱焉公行矣持此以惠南中

數馬集

卷之二十三

十一

六郡他日六郡思公亦如今日之齊也 聖天
子且尊顯公以風示天下曰是能爲我輩固根
本者當高爵重祿以酬爾勞凡我桑梓同事之
人庶幾有焜耀哉公聞言忻然有當於心迺起
謝曰吾子之言及此是畿甸之福也敢不奉以
周旋無忘吾子之貺

賀葉相公三載奏績蒙

恩晉秩榮及四

世序

當今之世 人主尤重爵祿故雖以懋官懋

賞之典施之素所尊禮之臣人亦侈爲盛事蓋
幸腹心手足之誼猶有存者而爲世道得人慶
也往公之入相也同官凡有五人無何而僅存
其二同鄉李公又屢被人言不敢與一廟堂議
其夙夜在公論思獻替者惟公一人而已庚戌
冬三年奏績 上嘉乃勳晉青宮太保文淵閣
大學士禮部尙書如故榮及三代任一子爲祕
書郎此常典也而在今日則亦殊禮云在廷諸
公以文章筆札爲事能揚寵光而譽盛德者莫

數馬集

卷之二十三

十二

人如林何有於封疆之吏然某固公鄉人也鄉
有名相如楊文敏者雖在前朝猶欲引以爲重
況同時乎又某以撫齊九載部疏增秩久不得
報微公惠得晉今官諸嘗官於齊者復乞公大
篇以焜耀之夫無言不酬無德不報古之誼也
請効桓野王奏笛撫箏歌爲臣良獨難之句可
乎古者君臣相得造膝論心今則地隔九閭就
日之誠未易自達於啓沃難矣丙魏姚宋協力
贊襄今則孤忠自許若涉巨川罔與共濟於夾

輔難矣進退百官豈異人任而柄歸銓宰僅於
啓事時代撰 綸綍可其奏而已故用人爲難
世之淳也內外朝野合德同風今一人也而甲
乙異議一朝也而彼此角立意見既岐戈矛易
起故調劑爲難政歸六卿權有分屬而其不能
得之于 上者則曰此閣臣之任彼以一部爭
一事而不能得此以獨力爭衆事而責其盡得
乎是又合衆職以爲職之難也蓋 上御極已
四十年其進退公卿多矣其閱歷世故審矣意

數馬集

卷之二十三

上

有所獨向權有所獨操則雖危言讜論皆未易
入故爲輔相者將順易而匡救難靖其易而靖
獻難如不橫私意不樹私人不殖私家此公之
所易也閉者啓之入者出之塞者通之雖公亦
以爲難也公惟盡其分之所當言殫其力之所
能挽其濟則曰 國之福也卿大夫士之力也
不濟則從容以圖之直而不激異而不諛惟自
咎其誠意之未孚感格之未盡其一片苦心眞
足以暴白於天下而 上亦有以深知其心故

言雖不盡行而行者益多人雖不盡用而用者
非寡權使無參官逮吏之橫言路無廷辱遠謫
之事苗民餓隸有傾藏倒庾之恩邊鄙不聳四
海晏然雖 上德哉而三年輔相之功安可誣
也 上惟重其人兼重其勳故尊崇其身且先
裕其前後篤股肱一體之誼於天地不交之時
而以敬大臣者爲體羣臣之漸則其關於世道
豈不甚重安得不爲公榮之也然嘗讀公章奏
見其於三五大政未及施行常引以爲已辜又

數馬集

卷之二十三

十四

若不能一日釋於其慮者何也位高任重則屬
望者愈殷今之大僚庶官除書未下播棄禁錮
寬政未及諸如此類孰不待公以慰其願公亦
何嘗不思所以慰之而其勢固未易也在易乾
之九三曰君子終日乾乾夕惕若厲無咎公之
心以之睽之九二曰遇主于巷無咎公之事以
之用公之心行公之事使 上皆欣然聽納則
順風縱壑未足爲喻相業何必不如富韓令聞
何必逮遜元愷哉 明主可以誠感惟在今日

然則公之迂續休命蓋未有既也請書之以爲公賀

贈南冢宰沈雷門三年考績序

周禮太宰之職掌建邦之六典以佐王治邦國所謂六典者治教禮刑政事也是各有專職矣而以掌建歸之太宰者用得其人惟爾能不得其人惟爾有咎故曰建邦六典也我朝兩京竝建六卿司屬皆備官其在南銓則有黜幽而無陟明權亦少殺矣然表正之責在南尤重蓋數馬集

卷之二十三

十五

輦轂之下有天子臨之于上有公卿輔弼布列于下百官奉職思自表見固人人奮也若畱京則去日月照臨遠矣衆皆有心人自爲政所其屬目惟太宰一人非德弘才美蔚爲時宗者未易稱也會稽沈雷門老先生以一代名臣久臥東山天下咸想望其風采乃起爲南冢卿視事之日都人士見其夙夜在公素絲砥節無不爭相藻潔思挹清芬視毛珩之在位士大夫不敢侈衣美食者殆庶幾焉時當六載計吏先生

博採輿論而叅以考功氏之言所黜降者若而人至公至平允當人心卽被斥者亦無所恨且夫人之難知非察貪之難貪而飾之以廉者爲難非燭邪之難邪而托之于正者爲難又非徒知之難知莫不賢而決去之爲難先生辨奸之明不可以情遁去奸之力不可以勢免處是非巨藏之地而辨之若白黑然此其所以難也今歲孟夏先生將以三年政績奏報于朝其屬諸大夫蘇君輩向某徵文以賀某非能言者竊

數馬集

卷之二十三

十六

憶壯年守在章貢先生以方伯實監臨之每蒙國士之許藉吹噓之力茲獲以南都司馬佐先天下風誼則舊屬情則師友也嘗謂他人報政各以其績爲績先生報政則合六官之績爲績蓋自先生淘汰流品肅清豐鎬而大法小廉頓異於往日皆先生功也矧夫弼教明刑則臯陶庭堅之任辨官計吏則宅揆統均之勞旬宣屏翰則有虞岳牧之選是於舜之臣十六相之三也茲行且遂當軸持衡進退天下士或以三公

行冢宰之事則有虞成周舊政可師或以冢宰
兼三公之職則我朝盛際前事堪式先生行
矣三考黜陟幽明庶績咸熙於先生再見之矣
若乃褒崇先世焜燿後人固常典也亦殊典也
先生其出入三觀以對揚天子之休命

贈蔣恬菴南少宰三年考績序

高皇帝既分宰相之權于六卿爰命冢宰建邦
六典而以少宰佐之率用文學儒臣以居厥位
蓋語事任則爲人倫藻鑑語地望則與台垣接

數馬集

卷之二十三

七

武誠重之也自九鼎既北士依日月之光而北
銓稱重然宅揆之路何岐南北輿望所歸雖南
重也苟其不然雖北輕也輕重之間將在德矣
予鄉恬菴蔣公以名進士讀書中祕乞歸侍親
遲回子舍者十餘年迨授官翰苑則後來者居
上已積長孺之薪而公處之澹如也孜孜討論
典章練習政務不妄談說一事是非一人典試
京闈得士爲盛司鐸南雍教化大行及貳畱銓
卽攝行冢宰事以品騰人物爲已任佐計平允

無作惡亦無私庇先是大司農乏人公署其
年四方財穀灌輸輻湊諸衛軍士待哺者十萬
餘人公目省文案心計盈縮手書簿牒酬應如
流罔有滯務且夫米鹽錢穀非素習也豆區釜
鍾閭閻銖兩至紛拏也諸司僚案非平咎其事
之人也評官試吏綴文屬詞又非無事之日也
而能從容批導遊刃有餘雖素爲計相者莫能
及焉又與諸曹大夫同心同德藹然一堂無不
願佐下風者非甚盛德何以獲此公貳銓三暮

數馬集

卷之二十三

十八

將上最京師戶曹諸君欣佩高義以不佞忝公
桑梓且繼公代庖相率徵文爲贈不佞非能言
者嘗聞漢之三公率用明經大儒公孫韋平諸
人是也唐之宰相多由翰林學士房杜燕許諸
人是也欲博覽古今備主顧問非久居內翰養
之有素何可輕許我明黃扉之選專用詞臣
意在斯乎公固翰苑之英公輔之器也而久於
南銓兼攝度支於一代版籍財賦悉知其數倘
明主有問口能據實以對固不必如陳平曰有

者漫爲大言以欺人也此行必留相 天子
如道世楊新都葉福唐故事俾海內手額曰內
閣有人政本不孤矣若乃榮逮先世蔭及後昆
則自有 令甲在不足賀也詩云衮職有闕仲
山甫補之請以是爲先生贈

數馬集卷之二十三

終

數馬集卷之二十三

十九

數馬集卷之二十四

溫陵黃克纘紹夫著

序

壽沁水王玉源殿下五十序

疆梧大淵獻之歲不佞以爽鳩郎奉使三晉歷
太原上黨得拜沁水王玉源于藩國覩莫玉貌
乃大雅驃騎之倫讀其詩文則子政貞忠長庚
俊逸兼而有之王與不佞商確風雅亦心相許
焉宦遊楚蜀閱十有二載而鱗羽可托時惠德
數馬集 卷之二十四

昔今年春不佞從湖南拜觀察山東之 命道
出長沙王之世子以書來謂家君辱交大夫久
知家君莫如大夫茲五月八日爲家君誕辰於
是登五十矣敢乞大夫一言爲壽不佞唯唯蓋
我 國家之制分郡國王諸子弟食租衣稅一
仰給於縣官而不與聞政事傳及孫子皆生於
甲帳畫堂之中長於雪宮曜華之內目習玄黃
耳熟絲竹腸胃漬於醪醴骨髓焦於芳香而又
有蛾眉曼睂姱容修態以蕩其心而滑其精神

皆非所以培養壽命之道也故書有之曰不知
稼穡之艱難惟耽樂之從自時厥後亦罔或克
壽何者夫人勞則善心生逸則淫心生亦其常
也莫有生而聰慧不爲積習所移則又無所用
其才而逞其雄心往往托之博奕技藝坐隱於
方罫之間馳騁於篋箴之場神迷體倦而不知
止夫精神之攝形骸命曰天君神躁於內則形
彫於外壽可冀乎王賦性忠孝宅心醇粹於世
之可以傷生伐性者淡然一無所嗜惟闢園一
數馬集 卷之二十四

區築室數椽誦讀其中枕藉經史漸漬道義賢
士大夫以事至上黨則禮而賓之楚元設醴於
穆生梁孝授簡於相如以王方之翹賢猶甚也
文鏡西京詩擬盛唐蒿日憂世多忠君愛國之
懷而出之以天倪和之以萬籟恬淡閑逸無憤
鬱乖戾之氣以好若彼以養若此是宜其神完
氣王而爲壽考之徵也夫恒山太行綿亘千里
精氣磅礴固宜鍾爲異人異物產則參苓地黃
服食之家往往稱之王周薄鴻寶而不談斥神

仙爲鳥有而藉以延年久視則比之煥霞及露者不猶信而有徵乎然則王之壽當由艾耄而躋期頤無疑也抑不佞聞之切磋琢磨之詩衛武公之德若是故雖年踰九十猶不忘卿士之文微王旣富於春秋而日親士大夫與之礪砥又取法武公然則不佞何以壽王惟指太行而作頌挹漳水以爲尊莫可乎詩曰三壽作朋如岡如陵不佞願王之如岡陵也

壽中憲大夫守九江汝寧二郡震西林先

數馬集

卷之二十四

三

生八十序

世言神仙能長生久視余不敢信惟厚於稟而薄於用者則壽考期頤之祥徵焉夫厚於稟則氣多內固而天者全嗇於用則才不外耗而人者全故混沌以鑿而壞庖刃以藏而新自古文人才士以耄耄稱者十無一二焉震西先生產於吾晉之南鄉其地背負大海前揖紫帽清源諸峯所稟得山川清粹之氣爲多早登科第歷守宿通二州入爲民部冬官郎出領九江汝寧

二郡以文章飾吏治至今汝潁江淮間談之猶以爲文翁召信臣復出也當其簿書鞅掌訟牒盈庭猾胥黠吏從旁睥睨如老從事之試朱博者何限而公目疲案牘耳勞聽受手造文檄沛乎無畱行旦晝則劬勩於吏事夜則畋漁於書史稍暇則探奇覽勝與賓朋僚案分韻賦詩風乎有開元大曆之音至臨池染翰精工斌媚往往與晉人相肖唐宋而下勿論也夫以公之所稟若彼而用之于政事文章其果銳若此宜

數馬集

卷之二十四

四

精爲竭而神爲瘁不捐其天和不止然公且益清粹潤澤若未嘗有勞心勞形之事以當其前者此非所養有大過人者哉公以壬辰歲解汝南綬歸日與里中諸老莊詹輩爲山澤之遊遍訪清紫九日靈源寶蓋諸勝每至一地畱連數日飲不極醉膳不極味托興山水寄意篇章其聲詩往往傳於縉紳以爲洛下香山於今再觀年登上壽而望之貌若耆年不知胡果吉皎諸公老而益健亦復能如是乎蓋公於仕宦有所

以試其才而才不盡用於文藝有所以寄其神而神不輕耗身居黃堂與神山海上無異老於塵世與羲皇上人無異不內鍊而丹成不傍採而藥具天人可謂兩全而百年自其分內也嘗讀列仙傳見吳國韓崇仕爲汝南太守治化大行後遇仙人王瑋玄授以度世之道遂得輕舉公登其後身耶何宦迹之相類也然聞天上無癡懋神仙得道必慧業文人猶恨崇雖仙去而文采不表見於後世也莫陶弘景乎掛冠神武隱

數馬集

卷之二十四

五

居華陽採藥脩真年逾八十而有壯容至今學苑本草之書瘞鶴朱陽之蹟垂範千載與金石同不朽公之得道未知視陶何如然文章藻翰流落人間者短韻片楮皆可珍藏則謂公爲華陽仙子抑何媿乎余雅善公而子婿郭生允詹又與公子結婚姻之好今歲五月某日爲公懸弧之辰年登八十郭生馳書于齊索文以壽余何能文惟念河岳英靈其鍾有限文章壽考兼之實難若震西公可謂兼之矣遂歌行葦之四

單以爲公壽

壽榮封大驃騎張會江八十序

夫壽者天賦之而地鍾之故并有丹砂則廖氏率皆壽考村多枸杞則南丘人每至百年彼其精粹之氣洩之於物猶能壽人若是況夫扶輿之精淑混淪磅礴鍾于人身出則爲文武之英處則爲完德之老壽考維祺爲世希邁固不偶也余所居在泉城南門外其鄉曰龍津曰青龍張黃二族多聚居于此地據溪山之勝清源峙

數馬集

卷之二十四

六

其北紫帽峙其南海潮一日再至山允蒼翠浮于水面居民室宇若在蓬萊島中亦泉南一大觀也張氏父子兄弟世以科貢顯余家學實淵源于張某人之壽考視郭內獨盛以余所及見則會江之父月洲先生叔星湖先生俱壽垂九十余伯父梅川先生九十有二又有陳榕江公伯仲皆壽九十比屋之間有四五老人童顏鶴髮歲時過從人稱地仙豈非溫陵山川淳厚之氣獨萃於城南以有此哉今會江公又壽八十

矣仲春五日爲懸弧之辰鄉之父兄子弟相率詣余徵文爲壽予媿不文然知公之壽蓋未有艾也天之道嗇于彼必豐于此公白首窮經試于場屋不獲一遇可謂困矣造物者必與之高年以慰其硤礪無聊之情優游暮齡以食其報宜壽一矣公父祖遊宦則爲循吏居鄉則爲醇儒嘉言善行皆可矜式至今鄉人思之易曰積善之家必有余慶餘慶之屬非公而誰宜壽二矣公賦性醇篤與物無忤慈祥簡默飲人以和數馬集

卷之二十四

七

宗族鄉黨之間怡怡如也語曰仁者壽若公所謂不訥近仁者非耶宜壽三矣夫以宜壽之人而處多壽之地全郡溪山之勝獨萃於吾鄉而又偏盛於張氏之家則公之年卽逾九望百不足爲永雖以三千歲爲春秋可也抑嘗讀闕宮之詩曰戎狄是膺又曰俾爾昌而熾俾爾壽而富黃髮台背壽胥與試夫僖公之膺戎狄何與壽考事而詩人美之蓋攘外所以安內其功德及民則天必以壽考報之今公令子遊戎君文

武兼資方領公徒數千春秋耀武於海上以固漏卮俾島夷不敢竊發其有德於閩人甚大推此德也以頌其父則昌熾富壽之詩必繼闕宮作父兄子弟之請其可辭乎余不佞忝竊通家久役方歸將與公爲前輩五老之遊歲歲登公之堂酌公大斗以介景福公其許我追隨後塵乎遂書之以佐稱觴

壽馬按院太夫人八十五序

曾子曰孝子之養老也樂其心不違其志養志

數馬集

卷之二十四

八

之說非自孟子發之也竊謂養固貴志壽亦宜然夫志因人異有以財貨玉帛望其子者有以爵位功名望者有以仁義大節忠孝大倫望者語爵位功名於財貨玉帛者之前必見拒矣語忠孝仁義於爵位功名者之前必不酬矣語愈高則求合於所望者愈遠彼其所志在是得則喜失則怒雖傷其天性而滑其天和不顧何以養壽命之源乎若馮母太夫人則可以忠孝仁義之說壽之者也余與侍御禮亭馮君奉命

撫按山東契同友于家庭之事無不聞也而馮君按齊二年時時遙望白雲顧瞻子舍屢上書乞歸養蓋太夫人於是壽八十有五矣余賀之曰太夫人之壽未可量也何也瀛海德棣雞犬之聲相聞太夫人春秋雖高筋力強健不以鳩杖自扶德棣之人類能言之且以予所聞馮封君誼至高能以父產盡讓諸弟姪而時出所有以賑內外親之貧乏者皆太夫人有以成其美也又聞其教侍御也惟廉潔是敦惟寬大是崇

數馬集

卷之二十四

九

惟忠君報國是務是三言者侍御皆設誠而力行之爲令廉平爲直指正直忠厚旦時問母所欲與者割俸以廣愛用慰母心母也天只其性遂矣其神王矣百年分內未足爲多也侍御曰家慈純孝人也往先王母年九十餘猶康強無恙諸子婦雖白首稍拂其意輒召加譙讓家慈率諸婦長跽以請乃罷遣爲一進七箸及其侍疾口嘗湯藥手承唾洩衣服浣滌必躬必親不令孫婦侍婢代之其天性然也夫以孝事姑必

以孝望子故不肖急欲歸養未敢以親之強健爲解也曰余嘗聞乳姑之事矣婦乳其姑姑祝其婦曰願新婦有子有孫皆如新婦孝敬太夫人孝其姑姑必祝之曰願新婦福壽康寧視老身九十五齡且遠過之行孝孝報天之道也侍御君又近從數舍間內修養志之禮以順適其心而外終臣子之義以遵奉其教教之得行是太夫人之志遂也以此爲壽其視承歡膝下大小固不同矣嘗讀四牡之詩曰是用作歌將母

數馬集

卷之二十四

十

來諗陟屺之詩曰嗟余季行役夙夜無寐尚慎旃哉夫以不遑將母告之于君者孝道也因王事靡盬而戒子以當慎者母道也今太夫人之志欲侍御夙夜匪懈以襄王事侍御君惟志是務養而不牽於匹夫咫尺之誼以拂其心則身膺五福壽躋百齡是今日所以致之於親者也蓋天下之物凡有待於外者皆有時而窮如爵位功名財貨玉帛豈能壽親或反以爲親累惟仁義忠孝之道取之無盡用之不窮以此

不歡則身名兩敗形神俱泰故羊琇之母戒其
子曰人則致孝于親出則致節于國陶侃之母
戒以官餼餉親反爲親慮又因其少有酒過爲
之限制終身不敢踰越至今稱二子者皆歸功
於母而辛湛懿行載之史冊與天罔極侍御君
以志壽太夫人太夫人之年且與竹帛俱永豈
直老與期頤而已哉歲之十月二十日爲太夫
人設帳之辰值某方有畱樞 新命戒裝垂發
不能修飾文詞以佐君稱觴乃以壽志之說爲
數馬集 卷之二十四 十一

侍御君反覆陳之亦從太夫人之志也

壽 勅封安人陳母蔡太夫人八十序

端蒙單闕之歲仲春八日爲大叅陳惠甫母蔡
安人誕辰於是年八十矣銓部丁君湛初嘗受
業惠甫尊人承德公乃謁予曰里中縉紳將有
祝於陳母以濬數奉教君子敢以贈言爲請不
佞億爲諸生時曾從黌序中肩隨承德公微聞
安人性至孝其立誼至高當居約時薄田數畝
盡罄以葬舅姑衣服簪珥盡出以嫁夫妹無所

愛也拮据卒瘞佐天下帷使無交謫之嘆旣以
子貴則淡泊以教廉勤慎以教忠惠甫守湖州
以均田獲罪安人聞之不以爲愠而以爲喜也
承德公既躋八袞而僊去矣則一意皈依淨土
益樂善好施務濟人之厄此皆足以壽安人者
而非其大也當嘉靖庚辛間島夷大蹂吾泉人
爭入城避亂陳氏諸親以急抵者堂廡爲滿多
寄橐裝焉安人隨其親疎禮之分財減糈以濟
貧乏罔有失所其往來之不常有陷賊及喪亡
數馬集 卷之二十四 十二

者盡呼其親屬以橐裝還之安人之德若是其
身膺全福而躋上壽非苟而已也不佞躬親亂
離斯瘼每誦我行其野之詩爲之嘆息曰婚姻
之故言就爾宿爾不我畜言歸思復有復猶可
若思復無所將安歸乎使人人盡如安人其畜
養全活可勝計哉此余之所以壽安人而撮其
大者也夫泉之淑媛賢母有子登第而稱太君
年八十而稱上壽者豈少哉余獨有羨於安人
之福爲不可及者蓋或身壽矣而無與偕老或

子貴矣而未必象賢扶輿淳龐精淑之氣鍾之於人豈能無少嗇乎承德公身雖不第而經明行脩泉中稱爲名士惠甫宦轍所至清操皜然其所抱負有國士之風近辭東粵大叅歸入子舍日率諸弟戲絲承歡安人又老且益健不以靈壽自扶鬢髮童顏含飴弄孫繞膝而爭梨栗者繩繩也安人之孕精於大塊者厚矣天之所以報施善人亦已豐矣彤管有煒垂之百世皆安人之壽也豈直期頤云乎哉不佞與惠甫交數馬集

卷之二十四

十三

最深同官於齊最久莫風度之美子所愛文章才識之高予所畏也夫採玉於山而知崑崙之大探珠於淵而知合浦之深惠甫有母則珠王之崑崙合浦也不佞雖拙于詞哉敢無一言以昭宣安人之令德於是歌鳴鳩之首章以美其儀又歌鳴鳩之四章以祝其壽

賀 誥封宜人李母吳太夫人九十偕子心湖儀部六十序

人生福壽備之實難苟德弗稱猶弗備也故富

賢蕃衍壽考康寧得乎天哉而基於人婦順母慈子孝臣忠脩乎人哉而感於天古之富貴壽考名湮滅而不彰者何可勝數惟有德而壽者稱焉其所以受天之祐者必有由矣予同年李克蒼母吳太夫人年登九十矣孟冬二十九日爲設悅之辰諸昆日趨子舍問寢食而滌厠牀者以母在不敢稱老然已皤然古稀矣卽克蒼於次爲季亦已躋六十壽其華誕卽月之十五日也雙慶駢集桑梓親友侈爲盛事登堂稱觴數馬集

卷之二十四

十四

而俾某致祝頌之詞某之季女爲太夫人孫婦蒙愛最篤知太夫人之視全福而享遐齡非偶然也蓋李吳皆清源冠族太夫人方笄歸於年伯南湖翁其姑嫡也屬毛離裏之愛不無少異而太夫人力脩婦道以爲婦也姑者莫尊於夫也母先意承志竭其誠敬姑愛之忘其子之非已出也且謂吾婦必昌李氏之胤而食行孝之報南湖翁偶儻不羣不問家人產業太夫人督諸婢僕拮据從事內睦宗黨外應賓客使翁無

墮之憂舉丈夫子四人咸教以詩書勉以忠孝
長君雖老覺宮居然一郡名士叔舉明經季登
甲第翩翩出而從仕惟仲善治生所殖與封君
比入孫曾濟濟圍繞膝下翟冠襖飾君子偕老
目覩克蒼領郡爲循吏登朝爲直臣論劾言
官一疏都下紙貴其得於庭闈之訓多矣晚從
選人召克蒼歸曰吾老矣不必待用也母子相
聚歡然北堂神日以怡而壽日以永太夫人既
如岡如陵而克蒼亦栢翠松茂豫當世棟梁之

數馬集

卷之二十四

十五

具泉中稱吉祥善事一時執出其右者嘗合夫
人之德福而論之孝如樂羊婦而無傷貧之嘆
賢如王霸妻而無黃頭歷齒之羞善養如尹母
而兼以祿養諸子羅列如伯仁兄弟而無阿奴
碌碌之誚壽考維祺老萊子之母可以方之而
或戲綵衣或搢笏佩魚或投懷學兒啼是有三
萊子以娛其母也豈不兼衆美而萃衆福哉或
者以克蒼兄直道亮節屢登啓事方將優以特
卿登之八座而徵書日久未下於太夫人之

心有未愉快不知三公之賢可以易一日之養
否陟岵之章嗟余季之行役北山之詩嘆父母
之懷憂第令蒲輪旦夕卽至而以六十歲子別
九十歲母能無上表陳情乞遂烏鳥之私哉是
天有大貺于太夫人使天倫樂事集於百齡旣
壽其躬復壽其子以爲他日壽國壽民之地也
何樂如之易曰安貞之吉應地無疆太夫人以
之又曰其德不爽壽考不忘克蒼以之請以是
爲李氏母子壽

數馬集

卷之二十四

十六

贈林龍淵文學序

堪輿家謂子孫之福澤由於父祖之葬地余不
敢深信讀晉書見陶侃失牛遇老父指示牛處
曰葬此當位極人臣又指別地曰葬此則世爲
方伯後侃與周訪葬之果如其言此與網梭折
翼之說均屬怪誕或出當時附會然郭景純爲
人葬龍耳謂不出三年當致天子夫翠華臨幸
何與人家榮瘁而亦可以葬地下之此何說也
噫自有此天地卽有此山川有此山川卽有此

人物苟其地據形勢之雄偉萃陰陽之精粹

爲人物必自聰明俊傑有以大過人者故青

家之言不可謂盡誣也山人林龍淵少讀儒書

遊黌序中歲乃習堪輿精曾楊之術與縉紳家

卜地其所取用多秀聳寬裕儼然爲一方大觀

余每歷覽故家馬鬣有宿草焉其地稍可人意

問之則龍淵所卜也至爲大學士李公修治先

墳一經點綴山若增而明水若增而秀雖神化

丹青未足以喻其妙余年旣垂老身復倦遊思

數馬集

卷之二十四

七

得一丘一壑爲他日蛻骨之所乃日攜龍淵

奇於清源紫帽諸山麓間而龍淵乃出此卷徵

余贈言余言不足重也若龍淵於吾泉山川能

得其氣象雄偉風氣完固者持以畀予則其地

雖世所遺棄余且以連城寶之而龍淵之名將

因地益重矣蓋九方臯相馬牝牡驪黃皆在所

略善相地者宜有一種神解余深有望於龍淵

遂書此以資抵掌

數馬集卷之二十四 終

數馬集卷之二十五

溫陵黃克纘

碑記

魯王新建兗州城南泗水石橋碑銘

士君子每侈言濟人然有其心而無其力則懦弱之夫皆藉口焉有其力而無其責則吝嗇之夫皆委咎焉此非常之功所以必待非常之人而後濟也由兗郡而南數里有泗水從曲阜西南流入於漕河其地橫絕兩京周道爲七省必數馬集

卷之二十五

經之津縉紳冠蓋之所趨也士民商賈財賄貨物之所涉也當冬春時流漸清淺一艇可度入夏秋則山水暴漲狂濤洶湧刺舟者虞於覆沒涉川者苦於難待往來病之有以其事聞於魯王者曰是其地可石而橋也匪橋不濟匪石不久匪王此橋不立王曰其費幾何曰以歲入之祿計之損二十年事辦矣曰不穀荷我先世祖高皇及列聖之賜幸不虞於匱乏我先世諸王又弘大帛大布之風以貽其子孫若春秋

數馬集

卷之二十五

祭祀燕享贈遺飲食居室無所靡費以其餘用之茲役於國未病而於民有濟是我先世諸王之志也予其敢辭於是命中官潘鳳專董其役令某某等佐之伐木於林鑿石於山地得椿而基固石臥楹而柱成柱銳其末而豐其中以殺暴湍使水不能怒兩柱之間虛而爲洞者十有五洞之上爲石梁去水三丈有奇梁之左右爲石欄其堵七十有二計橋之長七十餘丈其廣二丈八尺琢鏤必精砌造無罅望之隱然臥波長虹也役始萬曆甲辰之春成於己酉之夏於是近者遠者輿者馬者擔者負者步而趨者臨流而觀莫不駭其創建之神而美其明德之遠也長史趙君世典爲余粉繪社中人來告成事於余余因名之曰泗水橋而額其橋之坊曰魯國石虹又請爲之記辭曰恐近諛也然橋之功大矣有司者不能成而王代成之敢忘德乎嘗讀漢諸侯王世家及西京雜記當文景時長沙定王以其地褊小舞爲帝壽張袖舉手故令左

石笑其拙魯恭王作靈光殿舉鬼壯麗規制上
應星宿其養孔雀鳩鵲鬪雞雁鴨一年至費穀
二千石梁孝王築百靈之山于兔園中宮觀臺
榭連亘數十里一何侈也夫不足於財者則以
國小地狹不能迴旋爲恨有餘於財者則惟用
之臺池鳥獸以爲歡娛何能損半菽出一金以
濟人爲事乎我朝藩王食租衣稅終歲祿入
僅及石奮一家之奉王不用之于彼而用之于
此視棄二十年祿狹鍾釜也遂能成石虹於通

數馬集

卷之二十五

三

津濟遐邇於萬禩其識見之遠視魯其梁孝諸
王何啻霄壤哉蓋王宅心淡泊棲意玄遠居
常食不兼味臥不重裯蕭然一室迸去姬侍與
白士無異至語以布德市義則赴之若渴不曰
其責不在而有所愛惜也咎杜元凱建河梁于
孟津人免覆溺之患然功在一時而不及異代
李昭德累石橋于洛水歲省繕治之勞然事本
因舊而非由創始今茲泗橋美同杜李績邁晉
唐君子曰是一舉而三善備焉推君惠以濟

人忠也廣祖德以及物孝也匪已是私惟民
是利仁也忠孝且仁豈非大宗之屏翰星潢之
冠冕乎王高帝雲孫嘗出數千金修泮宮及
顏曾廟鄒魯之士誦誼無窮茲役也爲費益鉅
爲功益大魯世不乏史克其可無昌熾之頌乃
系之以銘曰岱之南泗水出流于兗時乃溢塞
裳欲涉河無梁泛舟狂瀾壯膽失誰能鞭石爲
此橋高帝聞孫揮萬鎰咎稱畏途今如砥車
轍馬迹去何逸蓬萊闕下會車書奔走衣冠與
數馬集

卷之二十五

四

琤琤經過此地盡徘徊何幸從容得就日美哉
石虹照千秋當與泰岱同宰擇我爲此銘告行
客青史好將銀管述

巡撫福建副都御史表公生祠碑

今之治民者由守令藩臬以至填撫中丞位愈
高則其得民愈難豈非以分親則情易達地遠
則澤難究乎然人心惟在所感感之而善雖遠
應也感之不善雖邇遠也況於興大利除大害
斧斤大輒非有權力未易得志故守令藩臬者

衆人之父而填撫中丞則衆父父也余鄉居東
南海上地瘠而狹外有倭夷伺釁欲動內有權
使焦然以逞異時填撫豈無以全閩爲畏壘者
而舉動偶疎瑕釁立見求其善刀而藏躊躇滿
志者蓋亦鮮矣延陵表公自爲方伯至於開府
其儆于有位曰政治之壞由官邪也官之失德
賄賂章也余不佞誓不以脂膏自潤凡我同事
其洗心奉職無私用里甲無濫取貨物無賦外
加羨無罪外加罰無縱墨綬小吏以擾閭閻行
數馬集

卷之二十五

五

之數年貪墨之風幾爲一變其防海也關出有
禁而綱目常寬曰閩故仰哺外地稀芋蔗漿諸
物方舟而出米穀菽麥之利連帆而入商于吳
粵者無禁也沿海戰艦易其朽蠹利其器用明
其紀律惟求寇來有備不以衛民者病民權使
高築竭澤而漁激變軍民幾于喋血城市宋率
衆露刃劫公使爲畫策公談笑麾衆使退連上
五疏暴其罪狀有 詔令公執宋歸朝而閩中
二十年盤踞大奸去如拉朽矣然公亦屢疏乞

罷以謝宋 上念公功許公暫歸士民相率上
書留公者雲集闕下度不可畱乃爲祠愬公像
而世世尸祝之三衛士伍相告語曰吾儕武人
受公惠尤渥其別爲祠以朝夕祀公祠成閩帥
李君大生走使金陵乞記其事余惟楊子法言
有云爲政有幾曰思數故愛人及樹勿剪勿伐
志思也我忝我麥莫我肯德志數也近世直道
風微生祠幾遍郡邑類侈言思而諱言數然海
濱之民三代之遺直也上愚之以狙公則與之
數馬集

卷之二十五

六

爲羣狙上格之以豚魚則與之爲豚魚以予耳
目所覩記郡縣官去有繫驢駒永今朝者有托
青蠅爲吊客者匹夫匹婦之心何可強也今表
公之行乞畱不得而歌詠之歌詠不足而俎豆
之此其致思雖甘棠勿剪何以異焉予在齊與
中丞同官最久相知最深嘗謂公事親孝如黃
文彊居官廉如楊伯起撫閩之政如羊征南開
布思信甚得江漢之心襄陽人於峴山爲建碑
立廟於公今日之事有相類者嗚呼孰謂古今

人不相及哉公諱一驥字季有常州江陰人萬曆癸未進士宜書於貞砥以告後人

通議大夫詹事府詹事兼翰林院侍讀學士經筵日講官和字劉先生神道碑

夫帷幄侍從之臣日執經史誦讀人主前非道德仁義唐虞三代之際不陳豈不啓心沃心哉而其功業不少槩見於世要以潛孚默奪使天下陰受其賜則誦讀之功安可少也予師和字先生其人矣先生姓劉諱虞襲字直卿莫先

數馬集

卷之二十五

七

御龍氏裔也世居高平縣之中太里曾祖贊始遷于縣東米山鎮祖諱韜鄉進士官學博封戶部主事父諱崇文登嘉靖丁未進士仕至淮安太守母張氏封安人初淮安公以戶部郎使江西還攜家僦居都門外主人趙翁夜夢異冠紫衣人扣門入覺而聞張安人誕先生也識者知其爲非常人稍長聰慧岐嶷日誦數千言未及舞象能通書易春秋年十六以春秋魁鄉試二十成進士讀書中秘益納金匱石室之藏咀其

英華爲文沉深奇峭諸同館咸退舍授翰林編修先生既年最少而才又最高且官詞林懼以驕喪厥美乃深自謙抑與士大夫接雖名位出已下遠甚必罄折推讓不敢亢也以廉節自砥不家於官而官於家奉使秦藩自郊勞燕享以至贈遺之禮悉無所受爲編修九年再分校禮闈取士四十餘人如蕭司成良有許御史中丞弘綱梅少司馬國楨俱海內知名士餘濟濟布列中外稱得人云遷侍讀兼起居注旋晉

數馬集

卷之二十五

八

左春坊左諭德兼侍講嘗說詩至夜如何其章極言自古人主始末常不憂勤而後稍荒寧也于治亂盛衰之機深致意焉上爲動容顧輔臣曰講官能舉厥職矣遷左庶子力辭此畿典試同官咸高其識遷太常寺少卿兼侍讀學士掌翰林院事明年遷詹事府詹事侍讀學士如故時太子未建先生曰我宮臣之長也職守謂何乃上疏言外議諠譁主器不可不早定疏入不報先生念淮安公張安人俱年逼桑榆情

深帖吧方具疏乞歸養而安人訃至呼號擗踊
水漿不入口者三日乃上疏謂臣生不能養死
無以報慈親願微 皇上恩予臣今官 誥命
恤典庶有所藉手以報地下 上念先生講讀
久功在緝熙宥密間不可忘也 封淮安公通
議大夫詹事府詹事母淑人予祭葬先生奔歸
襄大事哀毀骨立雖年逾強仕已憔悴成禿翁
矣里中饑先生出私帑以賑凡貧不能舉火死
不能具棺者咸以身任之掩骼埋胔鄉黨誦誼

數馬集

卷之二十五

九

馬服闋撫按交章稱薦有 詔起纂修正史副
總裁官方處先生以大位會忌者撫浮詞以阻
之遂辭不赴無何而淮安公逝先生益悲悼一
慟幾絕遂病脾不三月告逝春秋四十有五嗣
宗死孝方之媿矣有子元徵方在襁褓弟虞龍
爲走京師乞 恩澤 上賜先生祭葬蔭子入
太學嗚呼可謂生榮死哀矣然一時士論謂先
生壽弗永而志未究若有所憾於造物者豈謂
先生未相耶相不相於先生非有輕重也王式

有云臣以詩三百五篇朝夕授王至於忠臣孝
子之篇未嘗不反覆誦之也於危亡失道之君
未嘗不流涕深陳之也臣以三百五篇諫蓋古
人於講讀盡心如此自萬曆癸未以至己丑先
生爲日講者七年 上春秋方壯心志漸廣非
忠言至誠日有感格能保勤政講學用人愛民
無改於初年耶由今日觀之先生陳善閉邪之
功可追思矣藉令爲相而不得盡行其志亦何
以易此元配郭氏繼配侯氏皆封安人子一卽

數馬集

卷之二十五

十

元徵女二婚字俱名家語具山陰王相公誌中
先生旣葬五年而墓碑未樹虞龍以續爲先生
門下士宜任執筆之役續則安能然竊覩漢代
名臣如司空楊秉諸公皆其門人學徒爲之樹
碑頌德繼敢以不文辭乃爲之頌曰舞大夏兮
遊 帝庭登石渠兮廁羣英鳳之雛兮卷阿鳴
鋪鴻藻兮揚盛明金華闢兮經史橫進講藝兮
鳴玉珩陳無逸兮戒豐亨心正直兮議崇宏弼
帝德兮福黎烝前星耀兮泰階平功孰並兮散

帝方倚兮爲宰衡乘赤螭兮上玉京雲
慘淡兮皇垂情恩禮加兮秩視卿賞延世兮錫
佳城太行西畔兮山崢嶸誰其埋玉兮乃天
子之五更

嘉議大夫太僕寺卿王溪王先生神道碑
夫通塞之途有二而工拙握其樞脩短之途非
一而靜躁定其券然拙不必通而通亦時出於
拙靜不皆壽而壽常多出於靜稽其大略而君
子處世養生之道端可識矣若王溪先生者吾

數馬集

卷之二十五

十一

師乎吾師乎先生諱任重字尹卿九世祖爲吉
安教授從河南固始徙居晉江之吳安鄉累傳
爲某公生某俱以公貴贈大夫雲南布政司叅
政公生而恬靜穎悟讀書但兀坐默識而終身
不忘吳安距縣三十里俗尙醇朴而公尤遠
退讓有古人風其學雖上下古今而外貌若一
無所能其文鋒可使千人辟易而其言若不出
諸口一試于督學胡公輒冠曹偶遂舉于鄉諸
後輩驟見之者猶以爲村間老學究也及聞其

名乃相顧驚服連丁太淑人及叅政公憂哀毀
過禮躬營葬地負土成墳人稱篤孝登隆慶戊
辰進士司理廣州五嶺重地四方雜處番舶往
來奸盜百出析楊中不無冤滯公虛心訊鞠濟
以仁恕獄爲一清臺使多推轂公會郡守以事
拂當道意餘怒及公遷同知柳州府事還方徭
俗罔畏法紀號爲難治而縉紳中有張甲者方
居顯位其子弟橫行郡中至乘輿馬與守令爭
道公執而禁之盡發其平日魚肉小民狀繩以

數馬集

卷之二十五

十二

法不貸郡中肅然旋晉本郡太守善撫馭得吏
民和山賊煽動遣卒平之然竟用得罪於張故
調賢陽府時江陵秉政郵禁方嚴而公之賢陽
猶循舊例發傳往有希江陵意者摘四人以明
奉法公與焉遂謫金華推官公雖被重謫然太
宰大理嚴公數稱公廉潔實心爲民居無何卽
轉揚州府同知遂遷曲靖太守益嚴公鄰郡也
士僧繼榮者故羅雄知州外奉郡約束實四出
劫掠公白之當道是不可以虛名羈縻者集兵

剿之繼榮就擒人民安堵遂改爲羅平州鑄印
置吏永爲不侵不叛之邦三年上計 詔書褒
美封公父曲靖太守母恭人擢按察司副使治
瀾滄地近麓川往多夷患公積粟蒐卒信賞必
罰恩威兩孚洱海宴然轉陝西同卿兼兵備僉
事考牧攻駒雲錦成羣嚴兵固圉邊陲無警遷
雲南叅政會計猛賊公職當督饟兼率偏師協
力犄角遂俘猛酋擄剽其地設三縣置吏如羅
平故事公有勞焉值考績 誥封祖父父俱雲
數馬集

卷之二十五

十三

南叅政祖母母俱淑人蓋異數也尋遷山東按
察使兼叅議專理漕運時河決王垆呂梁皆竭
漕舟萬艘於黃河中築壩而行公多方督率濬
淺疏滯晝夜輓四百萬漕糧抵京無後期盛
暑舟中頗病目方遷雲南右布政使而公決意
乞歸矣閭部皆同年友多方挽留不能得 上
念公勞乃晉公太僕寺卿復以平猛賊功錫金
幣陞一級予致仕於是杜門謝客獨處一室不
交當世凡官於泉者惟初蒞任同諸縉紳一見

他日未嘗至庭也郡守淮南竇公墓公高風造
門請益適有隱田法當沒入欲以遺公公不受
其瞻然不滓皆此類也所居都民例輸福全所
倉糧官吏武弁因緣爲奸轉運守候動至破產
公爲條其利害於當道盡革宿弊都人誼之爲
立祠頌德劉季陵勵操於寒蟬杜周甫允益於
明府徵斯二事公兼之矣公二親皆未及祿養
入仕時惟一庶母在迎養邸中事之盡禮庶弟
任選方六歲鞠養教訓底于成人猶子從姪親

數馬集

卷之二十五

十四

愛不異已子內外姻戚遇之咸有恩意暇時步
歸吳安澣衣故履與野老談水旱話桑麻徜徉
阡陌間人不知爲九列大夫也生平不畜姬侍
與 淑人篤冀野之敬至老不倦家居雖盛暑
必正衣冠危坐知故見訪清談竟日焚枯酌醴
食脫粟怡如也七十八而終公拙於進取屢遭
砍斫然卒至九卿薄於奉養極其恬靜而卒躋
上壽某於仕宦欲師公之拙於養生欲師公之
靜拙頗有之靜未能也蓋泉故文物之邦獨公

與王大司寇恭質公及某俱生於縣之東南鄉
人與地俱朴憶己丑春公入覲某方以比部郎
出守丙申又與公同以藩叅入賀每有桑梓
之會公必遣人覘某往否若未往必邀與俱詢
其故則曰吾儕鄉間人語相合耳公位雖稍遜
恭質而名德與之相伯仲其淳風古意卓爲一
時師表邑人稱南鄉二王先生皆沒可祭於社
云某之女孫字公長孫乃不辭鄙陋爲公碑文
而係之以銘曰仕必通顯乃至九卿胡四十年

數馬集

卷之二十五

五

未宦帝城遐方初郡幾度踐更雖忤權賢能
和黎氓于旬于宣半在昆明天南萬里豈樂于
行於宦則拙於心則清拙旣終顯清亦終名僕
臣卿秩以爲公榮四不足一俾公罔驚予告歸
田秋林春杭羽儀鄉邦紉蘭佩蘅門臨泮水夜
聽書聲優游泮渙躋此遐齡無誘於外不搢其
精何必吐納乃善養生高舟之峯蒼翠崢嶸蜿
蜒而西馬鬣斯營過者起敬足爲玉溪先生之

學

數馬集卷之二十五 終

溫陵黃克纘紹夫著

記

重修岱嶽廟記

宇內之山嶽爲大嶽有五岱爲長故有虞巡狩
先于岱宗夏周因之首觀東后豈非以東方發
生萬物交代之處升高祭天用告成功舍岱何適
乎古者有事山川皆除地爲壇嶽廟之建或曰
唐人爲之然開元勒銘猶云設壇場于山下躬
數馬集 卷之二十六 一

封燎于山上則未有廟也至宋大中祥符間肇
脩封祀躬欸祠下念唐封王爵未足對揚休應
遂偕五嶽咸陞帝號大脩廟祀宣和因之益宏
厥制繚牆外周累巘分翼儼然帝者之居實自
宋始也明興 高皇帝正五嶽之神號文皇帝
却封禪之諛說大聖人作爲高出千古而嶽廟
特仍其舊時遣祠官致祭壞則新之若曰泰山
與雲致雨澤及蒼生廟以祀神有其舉之莫敢
廢也嘉靖丁未毀于回祿猶請修于 朝議者

以泰山靄異四方瞻仰走珪幣而禮神者歲收
其餘利足以濡漑軍民而有司不能推神之有
以新其廟宇者乎於是聚材鳩工積十餘年乃
復舊觀從此小有修葺不復請水衡錢矣歲乙
亥權使紛出某爲藩長始議以太山稅錢割一
萬六千緡與中涓進之大內至今未罷而經費
始詘適廟貌年久不葺將至大壞所需四千九
百五十餘金有司不能辦也乃謀于叅政徐君
夢麟搜贖錢濟邊之羨得一千二百兩有奇道
數馬集 卷之二十六 二

府胥史先侵冒今扣償者可得九百金有奇其
餘取給于神貺焉爰令太安州同知賀本昌臨
胸縣丞吳復金專董其役採石山麓市木河濱
設埏陶甃計直召傭凡垣牆棟宇之圯者頽者
虛而折者穿且漏者悉易而新之計所繕治爲
正殿者一爲宮者三爲小殿者二爲樓者七爲
亭者二爲門者十一爲城者百堞以及齋房步
櫺神祠客舍罔不修飾金碧耀日觚稜拂雲而
廟貌煥然改觀焉經始于乙巳十月落成于丁

未十二月厥費頗鉅不可不紀其始末以示將來某曰予以戊戌夏入齊嘗祇謁岳廟登絕頂云俯仰茲山蓋以蒼天爲曠宇坤維爲厚地降轡爲棟梁洞壑爲門戶雲烟爲樓臺雷霆爲鐘鼓云亭梁父爲几席河濟汶泗爲溝池而其所謂神者彷彿乎降婁玄枵之間呼吸之氣通于帝座此真神靈之所宅也若乃岱麓之廟人以已居居神神果居之乎雖然此非以神從人也乃以人事神也以人事神則非壯其宮室嚴其數馬集

卷之二十六

三

階陞丹青以飾之鐘鼓以樂之馨香以薦之何以申報賽而昭明德哉詩云高山仰止景行行止又云敬其明神宜無悔怒此之謂也

金陵清涼山祀閩三忠祠記

閩有三忠皆靖難時爲建文君死者也死二百十餘年矣今乃爲之祠以其得罪文皇未敢訟言其忠故有待於今日也夫建文君當高皇壽考作人之後獲忠義之報最多史冊所載如齊黃方練輩不可勝書也獨祀三忠者三

公皆閩人閩之後進自祀莫先哲也三忠者莫一爲閩縣葉公福官刑科給事中北平師起自誓必死遣僕歸報其母曰福爲王臣誼不得爲孝子矣及師至福守金川門會有內叛納燕師者公遂死之其一爲莆田陳公繼之官戶科給事中疏陳備禦之策文皇御之既渡江榜示奸臣二十九人繼之與焉與黃子澄齊泰等同誅死妻子沒入官家屬戍邊其一爲莆田陳公彥回守徽州募兵赴援遣其弟彥困歸治家事

數馬集

卷之二十六

四

誓以身殉國及內難已靖被械至京不屈棄市籍莫家是三公者死有先後而忠於所事之死靡他可以媿天下後世之懷二心者莫行同也或謂建文君不能庇其本根猜忌諸父使人自危及大內火起天命有歸孰非吾君之子不見蹇夏三楊存有顯號沒有榮名乎曰乾坤之所以不毀日月之所以常明者以有此忠義也武王伐暴救民而夷齊以餓死全節太宗友于喋血而王魏以事仇貶名食人之祿而不死

人之難將安用之若蹇夏諸公未可與三君子同日而語也或曰守死善道龔勝蹈焉貞而不諂薛方近之若三公者志則忠矣其猶在雪庵雲門之後乎曰二子者史猶闕其姓名使當時身不居位則人有君而人事之吾安得死之若在位用事之臣則惟有一死可以明志彼晦迹自免直賢於顯背舊君者耳固亦三君子之所羞也余讀史君所撰三公傳竊爲之評謂葉公當城破而死是睢陽既陷張巡先死之日也陳

數馬集

卷之二十六

五

公被執不屈而死是杲卿斷舌合門被害之日也徽守陳公勤王不遂械繫至京而死是文丞相南劍起兵燕市就刑之日也一片忠心均可扶乾坤而貫日月無方練之信任而有其死報無齊黃之啟釁而有其完節吾閩山川剛勁峻拔之氣數百年鍾於三人金陵乃其灑血之地可無祀哉嗚呼忠義在人何時蔑有惟變故之臨死生利害有以奪之故平日許國之心往往棄君賣國以求榮必天祐其性者始不變焉此

所以死者蘭摧於前而來者玉碎於後也惟世間有真忠義而後奸雄之徒窺人神器者知吾之威力能奪人之天下而不能奪匪石難轉之心能滅人之身家而不能滅藏血爲碧之魂遂巡觀望猶有所憚而不敢發其有關於世道豈不大哉立祠之議倡自南史部侍郎史君繼偕而屯田御史陳君玉輝相度形勢於石城北隅宋熙寧間上流民圖福清鄭公祠傍有隙地焉弘敞幽邃可以並建四公直節忠心千載媲美

數馬集

卷之二十六

六

可謂芳隣矣又考靖難詔下時漳州教授陳思賢率諸生伍性原林珏曾廷瑞陳應宗鄒君默呂賢爲建文君哭臨于學宮郡人執送京師思賢死之六生咸以身殉史君議祀三忠而欲列六生于左右謂其人諸生而其行則國士也僉以爲宜若建祠之費則大學士葉君向高應天巡撫都御史徐君民式咸有厚助而史君陳君捐資特多戶部郎宋君祖騰則身董其役者也史君既遷北部少宰乃以祠記屬余余何

知敢任執筆之役然匹夫慕義何處不勉焉尸
稍撰次其語而與御史大夫蔡君應科少宰蔣
君孟育各捐資買地以俟春秋祭祀且刻石于
祠以告桑梓之續宦于南都者詩曰高山仰止
景行行止余願與諸君子共勗焉

合州重建鄒汝愚祠堂記一

嗚呼自古賢人君子盡忠世主不遇而死者何
可勝數然皆其臣是而其君非也獨賈太傅遭
遇漢文不世出之主言幾售矣竟貶長沙悲痛
數馬集 卷之二十六 七

天絕此千載而下所爲憤鬱而不平也茫茫宇
宙慶殃反覆賢人罹禍古今一揆若鄒汝愚先
生者又令人深怨而極悲矣先生弱冠登第讀
中秘書值 孝宗皇帝卽位聰明仁孝千載一
時乃矢口言天下大計欲進賢而退不肖自以
爲引繩批根可幸無罪故直抵執政侵貂璫而
不避也豐蔀蔽明日中見斗竟令權奸得售其
計以他事中之遠謫炎荒溘焉朝露嗚呼先生
之志過於賈誼南海之謫遠於長沙身沒之年

短於三十悠悠天道慘毒寔多何忍言哉昔太
史公作伯夷傳謂盜跖老死東陵夷齊餓死西
山致疑於天道之是非夫夷齊之餓夷齊之所
安也彼其志扶綱常身甘槁死視百歲猶旦暮
等彭喬於蜉蝣苟得死所雖千萬載可也又何
恨於彼蒼獨謂先生所處則可以無死者一言
不合遇巷有期間關萬里生還可俟使 帝宣
室求賢逐臣見訪則君臣之交歡於魚水豈慕
不遇世死者哉乃爲炎風瘴雨所苦一疾不起
數馬集 卷之二十六 八

天之報施善人於是爲不可知矣先生旣客死
厥配劉孺人扶柩歸蜀皓首全節從先生於九
原邦人士爲立忠節祠而俎豆之志雙美也祠
在空山閒寂無人歲久不葺且有風雨飄颻之
患新安汪潛夫督學西蜀詢諸士子謂祠廟不
稱何以崇先哲而風後學乃檄州守曾君移于
城內而更新之由是廟貌改觀士知鄉往行道
之人顧瞻嘆息謂此鄒先生祠也樹以人懷焉
緣屋愛天理民瘼此爲不泯矣余承乏西來樂

觀成事乃爲之記蓋先生下獄時有欲以危法中先生者少司寇惠安彭公予鄉人也獄成不署名先生得不死其謫石城余鄉蔡虛齋先生贈以詩有終不爲君恨天地有正氣之語某不肖何敢望二先生後塵然好德之心同符先哲讀先生傳而不潸然出涕者非夫也故不揣鄙陋敘其始末若先生之所以不朽者固不在祠之有無也曾名嘉乘楚人崇獎忠節得爲政首務是可書

數馬集

卷之二十六

九

太師申文定公祠內新建 宸奎閣三間

亭記

文定先生卒之二年郡中士民謂先生德化三吳澤被八埏文章禮樂照映來禩古稱三立可謂兼之崇德報功非專祠不可當事者使有司爲之祠公子罔卿敬中孝廉美中二君欲自任其役不以俎豆勞及鄉人又於祠內建 宸奎閣以藏所得 誥 勅宸翰建三問亭以彰先後存問異數禮也祠已有記則觀察馮君爲之

又以某爲先生庚辰所舉士使爲閣亭記某聞之記曰大臣不可不敬爲民表也自古人臣得位非難遇主難遇主非難而始終敬禮爲難故外合中睽則九齡陸贄恩晉於當年初敬終怠則絳侯魏徵禮衰於晚節主恩無常爲臣不易古今所患如出一轍若先生遭遇 聖明敬之終始視古之臯傅畢召殆庶幾焉其所以自結主知豈偶然哉當 肅皇時大廷對策拔寘第一固謂得一賢相以遺子孫及事 上於東宮

數馬集

卷之二十六

十

出入講帷周旋中矩講讀經史啟沃乃心舊德名臣中外屬目負相臣之望一矣明習典章通達國體舉條例而敦睦之恩洽對行幄而憂勤之意彰箴拒諫而雷霆之怒息龍姿鳳目玉筍蘭芽之言進而長幼之倫定倉卒應對若此其審也有相臣之識二矣繼嚴之後宜濟以寬一切操切非 上本意先生輔之以醇厚養之以和平召謫戍于嶺表羅放逐于朝端御史獄論報不以多殺爲賢大吏之官上計不以某得

爲罪人得舒眉立無重足得相臣之體三矣人臣無專導則逼君先生往轍是鑒寵利不居以用人歸銓部以諫諍歸臺省以威福歸人主溫恭朝夕執事有恪易稱無成而代有終得相臣之讓四矣秉政十有四年主臣同心勵精圖治假廟勤視朝早經筵常御從諫如流進賢無轉石之艱取民無竭澤之漁四方饑饉則發內帑以賑之尙方宣索則執成法以裁之明夷虜順逆之情而邊臣決策罷欵不遽從也知隴川解數馬集

卷之二十六

十一

疥之疾而滇撫調兵請餉不輕徇也礦事已有萌芽而奸民私採爲患畿輔者必誅無赦也是時士重廉節吏脩職業海宇又安府庫充實致治之美庶幾貞觀慶曆其爲相業甚盛五矣凡此數者克當 聖心故倚任甚殷敬禮甚篤稱爲先生不以官不以名爵以三孤榮及四世召見溫室者五 賜 勅褒獎者二解帶帶之者一因求去而 手詔慰諭者十四及歸志已決猶令冢宰率六官挽留豈無他相謂不厚

棟不能任重誠難之也至如 建儲一事業有成約小臣喜事觸怒致緩其期然先生以誠事上上亦以誠待先生及 儲位旣建遣使存問首言此事以慰先生心蓋匹夫相與尙不忘信況於 天子肯失信於相臣哉自先生去後上下睽而莫志不通於是深居宮禁鮮與臣下接闕尹得以礦稅中之至今則卿貳虛席臺省空署雖元老敝舌諫臣秃筆不能挽回於萬一夫主上一人耳由前言之則十諫十聽如以石投

卷之二十六

十二

水莫之逆也由後言之則十諫九違如以水投石莫之受也觀進言之難易徵敬禮之盛衰然後知褒寵非虛文三問非繆節一片忠誠真有揭日月而行爲 人主所深重者進退存沒之間而感慨係之矣易云康侯用錫馬蕃庶晝日三接又云王三錫命懷萬邦也如先生所謂安國之侯非耶錫命頻仍心懷天下豈爲私哉騎箕之歲方登八袞使者及門而先生已逝彌留遺表惓惓時政闕失言不及私長沙公之獻

方斯寂如矣嗚呼後之君子謁公祠下仰止斯閣觀御墨之猶新徙倚斯亭感皇華之屢賁慨然懷想君臣際遇之難則知太平事業固先生能致之亦聖主能用之也今中外否塞極矣安知不復有江河若決之時乎凡先生立朝居鄉德業文章之全及子孫鳳毛麟趾之盛士大夫以爲美談者有國史家乘及全集在茲不具論論其建閣作亭之意如此

太子太保禮部尙書東閣大學士文定于

數馬集

卷之二十六

三

公祠堂記

余奔走天下景行前哲每顧瞻祠宇輒想見其爲人然竊病今之祀于官祀于鄉者何百里而比肩也夫身媿三立而欲廟食百世其名曰濫使遇狄梁公能無議去畱乎入齊考諸州縣祀典則郡不數人人必絕代華袞斧鉞之風鄒魯之間何其嚴也時太宗伯文定于公召入輔政没于京師穀城士民惜高山之已頽嘆仰止之無從請立祠以祀垂之世世余與藩臬大夫

及督學使者議僉曰是宜祀居數歲予改官南樞聞言乞歸而先生之子秘書君遣使入閩問記于余余惟名世之賢必垂世之文乃足掄揚盛美予豈其人然官齊最久竊嘗奉教于君子矣先生幼而岐嶷有老成之度稟誨父師下帷發憤董仲舒之不窺園圃未足喻其專也早登高第緩步玉堂擢管摛詞雍容爾雅詩則晉魏盛唐文則西京六代敷綸宣誥有典有則人稱昌黎永叔之才侍講金華正位宗伯殫心啟沃

數馬集

卷之二十六

四

砥節寅清彝倫攸敘神人洽和夷蕪之禮樂班伯之讜言也謝事家居方踰強仕杜門著述不交當世急病振乏由親逮疎鄉隣化之遐邇禮讓少有過失惟恐于公知之雖陳仲弓荀季和之德比鄉邦不是過也夫是數者有一于躬猶將生爲楷模沒祭于社況兼而有之俎豆尸祝不亦宜乎或者以公功業未究猶爲德言所掩夫功已就而人始信者其信淺功未竟而人先信者其信深司馬公退居洛陽小民咸願其入

相天子以活百姓故元祐相業至今爛焉文定
公家食十七年中外想望其風采不後於司馬
公論公者當於天下翕然歸嚮之日而不當於
應召趨朝之時也況公在講帷其所開導轉移
造福蒼生者爲功固不小哉夫褒德顯忠以風
有位者史氏之事也立祠崇報以式鄉閭者有
司之責也予不佞昔忝齊臺其敢不勉竭鄙陋
以慰邦人屬望之意遂書此以復中秘君庶幾
附名石末賴公以傳如鄒湛之于羊叔子覲首
數馬集

卷之二十六

五

立談數語遂成千古嘉話也

德陽縣孝感廟增建姜母祠記

德陽縣故有孝感廟祀漢孝子姜仕游及妻龐
氏萬曆丁亥縣令建德柯華謂仕游有子代母
遠汲溺死孝如其父乃塑像于孝子傍以教順
也又七年甲午大叅昆明朱君行部德陽顧瞻
廟宇謂孝子與妻子儼然俎豆而其母不祀孝
子之心安乎於是檄縣令張需於祠之後爲屋
數楹以居其母像有司歲時致祭俾母子婦姑

得合食焉屋旣成俾予記之予惟姜龐之孝感
動神人至於地湧醴泉旦出雙鯉赤眉聞之而
弛兵不入顯宗召見而使平諸舉者其孝道之
盛庶幾與虞舜爭烈矣舜之孝以父母頑嚚顯
而姜龐之孝亦以母之不慈著也中庸大虞舜
之孝曰宗廟享之子孫保之不聞舜以頑嚚故
而廢禮於親則享親固孝之大務也然在舜自
享其親則可耳若干載之後爲其父母立祀無
乃贅乎且夫母慈子孝姑愛婦敬所謂順也以
數馬集

卷之二十六

六

體之故而遂其婦不可謂愛以婦之故而死
其孫不可謂慈追而祀之於禮何居噫是禮以
義起者也夫姜龐自孝其親何與他人而千載
祠之欲天下後世之有姜龐也慕其人而不推
極其心猶爲浮慕之焉耳且鄰母他人也彼以
母狎故且事之如母力作其鱸常以供二母之
膳若春秋祠事而母獨見遺是死而事母不得
如生而事鄰母之孝也雖有馨香孝子其享之
乎故祠母以祠孝子此禮以義起者也抑余聞

之漢以孝廉取士士生其時非有踴絕之行不能自表見故許武割產於弟自取肥田廣宅欲以成弟之讓及二弟既舉悉推還之一無所留吾又安知姜母之逐婦也非欲以成子之孝而使其名聞於時乎子名既彰逐婦復還然則姜氏之母又未可以虞母之詈視之矣雖與其子同祀亦誰曰不宜詩云孝子不匱永錫爾類姜麗以之又云他人有心予忖度之朱君以之

沁水王新闢西園記

數馬集

卷之二十六

七

今之郡王卽周之叔父昆弟也周室衆建諸姬光輔王室其土地人民得撫而有之故懿親之國內有禮樂刑政而外有朝聘會同之事終歲勤勞罔敢卽安雖欲爲苑囿池臺之樂以快意適觀如國政何魯隱觀魚于棠僖伯以不軌不物謂之亂政晉成虎祁諸侯朝而歸者皆有二心夫豈一宮室苑囿之爲有無而侯度人心從此驟矣故勞之以政則不得逸之以身者亦其勢然也 國家建磐石之宗名號禮秩視周獨

隆然徒寵以封國奉已而已不在民也故雖有奇璋俶儻之才無所用之其賢而文者往往自托於聲歌書史之間放浪於丘園林藪之外以見已志若今沁水王者是也王天資穎悟於古今事變聖賢述作無所不窺而尤長於詩歌與開元大曆諸人相爲頡頏席累朝熙皞之澤承先王之宗祀無紛華綺麗之好以奪其心於是闢地於府第之東遊息讀書其中名曰西園義取孟浩然鹿門之歌凡一亭一榭悉取歌中

數馬集

卷之二十六

七

字以命之志高尚也園之中爲月照臺覆以小亭取名於鐘者尙其象也下爲鹿門小山如屏峙焉庶幾有隱君子如龐公者遜於其間乎轉而西爲寂寥徑松蘿之所翳也招提之所隣也聽鶴鳴而縻好爵有餘清者矣上爲棲隱岩烟樹樓翔其前清晝軒當其後崇山茂林映帶左右可以老焉軒之基曰沙岍面水而橋曰渡頭江蘼杜若吐馥揚芳擗蕙汀洲紉蘭幽谷寂寥枯槁方斯陋矣軒之後爲巖扉湘竹野梅移植

于此騷人墨卿多所品題儻亦有宋玉景差之
思乎扉之後爲芙蓉山壘石數仞谿谿豁開色
如青蓮置几于上榮以麗公之號志神交也騁
目而望則大行五臺諸勝隱隱天末俯視漳河
僅如一線又不知人世營營如塵埃野馬者作
何狀也下山而憇有館曰已昏齋曰幽齋爲蕩
滌昏垢諷詠詩書之所而其地益幽遠矣計園
之在一隅也方廣不能數十畝而臺榭林麓之
觀無不具備雖訪名山於鹿門泛虛舟於漢水

數馬集

卷之二十六

十九

其樂忘返亦不是過蓋莊生所譏有拙於用大
者余又善王之工於用小也竊又嘗試論之古
博有國之君南面王之樂其視山林枯槁之士
不啻太山之於毫末王獨浮雲富貴寤寐古之
幽人若深有羨於龐公而旦暮遇之者此其志
豈易與俗人言哉夫守宗盟而飭侯度者藩王
之分也就鼓澤而處閒曠者避世之事也二者
不能相有而王獨以身兼之藉令王生於西周
與周公比肩事主是不入而輔相則出而分陝

方吐握巡行之不暇雖欲與二三子優游於此
園其可得哉然則王之獲有此樂皆 天子之
所賜也大雅曰母念爾祖聿脩厥德王念之哉
謹以是爲西園記

遊雙清亭記

寶慶郡北有雙清亭當漬郤二水交流之衝橫
跨砥柱上爲一郡名勝萬曆乙未秋余以旬宣
之役至郡明年春有 祝釐之行又明年夏復
還舊役郡處楚之西南縉紳大夫行李往來者

數馬集

卷之二十六

辛

鮮遊其地余雖有山水癖然簿書之暇閑閣高
臥恐娛于遊以招廢事之譏是歲仲秋湖南觀
察副使同年陸君以行部至觀風旣畢攬轡將
行余乃邀與同遊時九月朔日也天霽秋高江
水澄徹虛舟順流如坐鏡中不三里抵岸而江
面屋有康濟廟相與登焉江流一派若銀河瀉
入懷中雖殘暑稀微不覺清冷之氣逼人肌骨
也廟有石磴長四尺許相傳漁人得於江中擊
之備五音聞數里外倘所謂擊石拊石百獸率

舞者耶乃知泗濱之磬虛得名耳循廟而西山
麓隱隱橫入江中有小徑可三尺許怪石嵯峨
峙于莫傍俗戒勿鑿鑿則雷電交作前太守某
稍鑿去之亦竟無他異又西則山勢已斷數石
隆隆起江中橋之乃通亭于其上背負禹山面
瞰郢城據九江之上游爲二水之砥柱坐而觴
客則高岡低阜乍昂乍伏兩岸蒹葭蒼蒼相映
涼風襲人酒後生寒感授衣之初及念蟋蟀之
在堂則有無已太康職思其居者矣又西有小
數馬集

卷之二十六

主

閣高出亭上憑欄而望則九疑衡山瀟湘洞庭
若與空際白雲相爲出沒者亦登臨之極觀也
黃冠數人出石燕相示余意其爲零陵石燕雨
而能飛者也乃云此石出江水中與零陵石異
其大不能半寸取二三枚磨之令熱真醞盤中
各一隅能行相合易稱同氣相求豈是物耶夫
楚之名山大川不啻多矣邵介荆粵間與三苗
接壤其山川之勝豈可與衡武江漢同日而論
哉然登斯亭者飄然有神遊八極之想雖陟黃

鶴而望長江躋祝融而觀日出亦不能勝昔人
所謂會心處不必在遠翳然林木便自有濠濮
間想者蓋有味乎其言之也且夫觀九疑者思
重華泛湘流者悲帝子陟荆山者吊軒轅大觀
之下多哀思焉余與陸君同仕湖南雖抱希文
江湖之憂然無賈傳南遷之感邂逅登眺一丘
一壑皆足自娛又何羨於全楚之大觀爲哉噫
寧獨山水卽世上之繁華富貴功名竹帛皆類
此矣鵬搏九萬鷗起槍榆其於逍遙一也遂書
數馬集

卷之二十六

主

以爲遊雙清亭記

連城縣遷學重新記

士固囿於地乎何鄒魯之間獨稱多士士不囿
於地乎胡遐荒僻壤而人才獨寥寥也昔潮人
不知書得韓昌黎而文風遂振偃耳本殊俗遇
蘇子瞻而人士輩出此果係於地乎抑係於人
也連城爲汀屬邑處閩東南陬與漳泉接壤其
山川風氣亦略相類異時學宮建在城中便士
肄習而科第未盛有咎地之不利者乃遷之城

外而士之不得志於科第猶故也近有徐令者乃謀復舊類仍居縣傍而因陋就簡大觀未備歲癸丑虔南丘君來令斯邑砥節好脩精勤蒞事下車及蒞政通民和徘徊學宮謂是雖遷復而規制弗稱猶弗遷也乃聚材鳩工新其棟宇易其甃瓦階庭廊廡視昔煥如也遣使徵記於予予不文嘗記管子云聖王之處士也使就閒燕令士羣萃而州處閒燕則父與父言義子與子言孝其事君者言敬其幼者言悌少而習焉

一旦臨以事變則或以毀譽焉而遷或以得喪焉而遷或以死生患難焉而遷其所遷之地將就福實乃趨禍其所去之地將以避辱實乃解榮甚矣遷之爲害也苟知其爲害而速反之則易所謂不遠之復書之所謂改過不吝者也連之學始也由內而外今也由外而內遷有得失而有司者以科第期士其心同也科第在讀書不在學宮世之重士在學術不在科第今學宮既儼然維新又得賢令以爲之提撕鼓舞他

雙流縣新修磚城記

夫事有出於爲民其功不在旦夕而在千百世之遠者驟而爲之則以爲興不急之役而妨於吾民怠而已耶則徂於睂睫之安一旦有急乃

如猶往四顧而不及措手此天下事所以戒夫
紛更而亦病夫因循也春秋之義重用民力如
城鄆城中城城西郭皆譏謂莫勞民于守國之
末務也而管子恃陋不設備楚人伐之入其三
都則又罪其城惡由此觀之城郭溝池之固豈
有土者所可廢哉益州西南四十許里有雙流
縣在漢爲廣都邑世有土城以居其民歷唐宋
至今其陋猶故先是知縣王璵稍廣舊制爲土
城四百八十丈高不及仞時方承平無事聊以
數馬集

卷之二十六

五

固邑之圉云爾至是日益以頽高僅可隱藉令
怯簷發墮之盜斬關而入吏卒未有以禁也又
況有斬木揭竿屠城掠邑者將何以待之語曰
雖有絲麻無棄菅蒯雖有姬姜不棄焦悴蓋言
備也先是令雙流者豈皆智不及此哉曰吾幸
旦夕無事且遺以俟後人噫是終無可城時也
歲癸巳泉南杜君方偉來綰邑綬周視城垣慨
然太息曰是直偷安歲月僥倖無事焉耳一旦
枹鼓有警百萬蒼生何以爲命會叅政昆明朱

君行部至縣杞君以城爲請朱曰諾此急務也
如時訓舉羸何旣而熟思曰今歲雖不稔然昔
之荒政亦有以興役食貧民者子莫圖之於是
杜君出莫俸六十金爲士大夫倡進邑之博士
文和李節主簿王惠尉許天爵及父老子弟相
與謀之咸曰民所願也苟利於民費所不辭於
是父老其計邑之賦額五千四百八十石石出
白金四錢爲磚石之費白之朱君爲請於中丞
王君御史吳君得報可遂更拓舊城而廣之以
數馬集

卷之二十六

五

石爲基而砌之以磚俾勿壞悅道使民民皆子
來而貧民乏食者亦得傭其中以資升斗經始
於癸巳仲冬告成於甲午季春城廣七百四十
丈厚一丈高一丈五尺上加女牆三尺望之巍
然金城也於是邑父老子弟嘉朱君杜君之能
擁衛我民乃相率請予徵言以記其事余惟城
郭之設民社所關勞在一時功在萬世利害大
小相去十伯而世或因陋就簡視其傾圯而莫
之圖者病在怠與畏耳怠者不能爲畏者不敢

爲而天下事於是無一可爲者矣故睥目藩腹
于思見議口衆我寡萃元去之民之不可與興
役類如此君子謂斯役也非杜令君不能成而
非朱君主之于上則令君且有疑畏之患安能
使斯城成於不日哉是二君皆有大功於雙流
民也可以書矣朱君名運昌昆明人

無爲州新築護田長隄記

昔者聖門論政首稱因民之所利而利之夫民
有利民所圖也官何與焉利非民有也天地之
數焉集

卷之二十六

三

有也民能資利於天地而不能使天地之利悉
爲民用於是爲上者相其土宜而導之使開聚
其物力而鼓之使奮憂其患害而曲爲之防虞
莫置乏而廣爲之助民有利而上導之雖謂利
出於上可也故召信臣開通溝瀆起水門隄閘
凡數十處郡以殷富鄧晨興鴻郤陂溉地數千
頃而郡以豐熟此其彰明較著者也夫溝瀆陂
池猶其小者至若李冰穿二江于成都灌漑田
疇而蜀民至今享其利西門豹鑿十二渠引河

水灌田而鄴中至今遵其法語水之大者莫如
江河矣縱其潰決雖有桑田悉巨浸也固其隄
防鮮有沮洳悉良田也太史公叙河渠書喟然
嘆曰甚矣水之爲利害大也意在斯乎余遊宦
四方慨然懷想於爲民興利之臣乃于無爲州
陳君見之無爲廬江支郡也濱江而田者十居
六七皆與水爭尋丈之地障之則爲田而潰之
則爲淵一或不戒而萬頃沉溺三秋失望雖遲
之十數年尙不能復故也陳君以歲之甲寅來

數焉集

卷之二十六

三

視州事巡行阡陌知民間恃隄防以爲命乃新
築二壩以爲田之藩衛歲丁巳江水大漲隄岸
幾沒君從士民請復築三壩長四十餘里基廣
七丈上半之費白金七千九百餘兩役夫萬一
千有奇舉錘成雲引渠爲雨不踰十旬而大工
告成向之浮沉震蕩於波濤之中者今屹如丘
陵可長恃以無恐縱遇凶荒而滔滔江漢酌焉
不竭雖謂天不能災地無遺利可也是役也田
因其舊議倡於民而諮諏審度捐帑鳩工則陳

君之爲也卽未知與穿江引河者功德孰大而
南陽陳留殆不得專美於前矣抑非獨陳君德
也蓋亦上官之澤焉古者郡守事得專制驛置
奏報計日得請今之支郡有大府臨之於上又
有觀察使者以彈治之有填撫大臣以保釐之
一議不合則惡澤皆壅且夫八千金非小利也
役萬衆非小勞也築隄四十餘里非細故也儉
者惜財慈者惜力況乎其意見橫生以相抑也
何工之可成陳君所遭則有若太守馮君觀察
數馬集

卷之二十六

五

賈君填撫尚書陳君皆志急民艱議與君合者
也其功成有自矣易曰說以先民民忘其勞記
曰上有大澤則民夫人待於下流不佞以此爲
陳君之勞說之誼也推而下之之說也又以此
爲上官之澤待之誼也適而「之」之說也馮爲
余督學時門人陳爲里閭親友隄成徵記於予
余故喜談而樂道之如此陳君名薦楚之鄖陽
人賈君名之鳳晉之陽城人馮君名聖世蜀之
合江人知州陳君名

賈君名聖世蜀之合江人知州陳君名

數馬集卷之二十七

溫陵黃克纘紹夫著

論

古今疏治黃河全書論

論曰河防之事昔人言之詳矣自宋以前河尚北流故治河者多寘力於北自宋以後河始南流故治河者每紛爭於南余讀宋叅政張洎疏則知禹蹟不惟導河北過泇水至於大陸播爲九河以入於海於南亦自滎澤分爲陰溝引注數馬集

卷之二十七

一

東南以通淮泗泊之言蓋必有所考據漢武帝作瓠子之歌云藺桑浮兮淮泗滿則河自漢時已入淮泗而丘文莊謂宋神宗時河始入淮殆不然矣漢宋金元河雖屢決然南行不過數途或由滎澤中牟出潁川入淮或由渦至亳入淮或由趙皮寨朱家口符離橋出宿遷或由曹單沛陽下徐州其舍也必有以拒之其趨也必有以來之水何心哉弘治間河決黃陵岡至張秋運道淤塞劉忠宣公開賈魯河由丁家道口下

徐又濬孫家渡口導水由中牟至潁州入於淮又濬四府營下歸德入宿遷小河口蓋三分其勢使之南行豈非以漕渠在北河北徙且無漕乎大旣不欲其北則當縱之東南行稍加疏導以順適其性豈可限以一途令其數百年不他徙此必無之理也蓋河濁水也帶泥而行行遲則泥止泥止則河淤下淤則上決故近歲黃堙口之決則堅城集李吉口之淤爲之也蒙牆寺之決則堅城集未通而黃堙遽塞爲之也迨李

數馬集

卷之二十七

二

吉口開矣王家口塞矣而蘇莊復大決則堅城以下全未疏通爲之也議河者旣人私其地不聽河行又力排於上不求下通如是而欲其無決爲河伯者不亦難乎且夫開河之利害亦可以觀矣集三省人夫數十萬居於河干片席爲屋卧土爲牀狂風大雪而無所避炎日飛塵而無所蔽齧冰剡水則指常龜裂入河淘沙則足每皸瘃十步之內污穢積聚一席之中數人穴居冬傷於寒春夏必發人氣薰蒸疾疫盛行一

或得病則懼其相染口尚呻吟而身已棄中野矣初猶坎地一埋千人旬日之外亦不復瘞禽獸飽人之肉河渠積人之骨長平新安未足爲喻且夫計土受直終日鑿土所得不及一分貧者不肯應募富者論地派夫有一人而募百夫者有一夫而預給六金者破家鬻產不能勝役孤子嫠婦無所控訴故請之於朝者名曰百萬而費之於民者實五六百萬也至於採柳之役取之尙易運之甚難河決之地道路不通舟

鼓馬集

卷之二十七

三

楫難行一金之柳十金運之及至埽場非賄不受計其所費與運相等椿木蔴蒿採辦亦然近河諸郡苦無寧日故歐公有失火放火之喻誠篤論也然則河不可治乎曰未決則遠其堤岸使水有所遊衍既決則疏其下流使水有所歸向如是而已矣不得已而興役亦當體恤民隱傳採公議未可以胸臆決事也曰河若南行且侵祖陵奈何曰河南行未必爲陵害也凡水之力小固不能敵大橫出固不能敵奔流余嘗

鼓馬集

卷之二十七

四

南遊楚西遊豫章矣九江之水入洞庭而入大江每爲江水所擠周旋而不得出故滙而爲洞庭寬廣幾八百里章貢之水下彭蠡而入大江亦爲江水所遏回復而不得出故滙而爲彭蠡寬廣五六百里今淮之不能敵黃亦明矣洪澤湖之滙則黃故之以也庚辰辛巳間黃河下徐州無恙而淮被遏不得出上侵祖陵松栢枯者數十株壬寅癸卯間河半入淮以淮之全資河之半合力駛流清河口之沙刷洗殆盡而泗州祖陵瀝水皆涸人淮何嘗爲陵病哉但宋宿之人不欲河由南行淹其田地如武安君田蚡者於今尤多往往以陵藉口其言公而其意私也臣子受國厚恩誠不願河近祖陵若由符離橋下宿遷此則去陵甚遠有重岡高丘爲之限亦何必障之使北哉今河已北下徐州而猶追言之者恐河尚有南行日也余至齊魯凡再觀決河三遇塞河兩與開河之役於河之利害觀之頗熟暇日歷考載籍上下三

千五百餘年凡有事於河者採其議論方略疏導障塞之詳具載於篇亦河防得失之林也後之觀者得有所考鏡焉

用衆在乎心一 武試

善御衆者能使人皆以吾之心爲心惟順於吾心故其力可得而用也夫人心亦渙矣有智者有愚者有勇者有怯者有智愚勇怯半者語之以利則趨語之以害則避大都可與某安樂而不可與某患難可與某生而不可與某死雖時

馮馬集

卷之二十七

五

然自喜之心亦不勝其怯懦不振之氣一與人變則掉臂而去矣善御衆者必有以合之合之者順之使無逆情安之使無疑慮鼓舞之使志不倦整齊之使勢不渙必吾之心與衆之心一衆之心又與吾之心一於是舉天下之人惟吾之所欲用進退左右而無不如意此古之善用兵者必以一人爲本也李衛公之對太宗曰用衆在乎心一蓋以禁祥去疑爲一人之心術也請推本而詳言之嘗聞之太上以無心

慮天下其次以有心合天下忘天下者使民鶉居而敵食鳥行而無彰摘珠毀玉使盜不起焚符破璽使民朴鄙格斗折衝使民不爭銷兵鑄劍使天下某遊於容成大庭氏之世而無所用衆然而不可能者勢也於是乎有強凌弱衆暴寡智詐愚智繳充蹊坑奔塞路原野厭人之肉川谷流人之血不得已而以戰去戰以殺止殺然後時雨之師始稱於三代易曰師出以律失律凶也又曰能以衆正可以王矣由此言之雖

馮馬集

卷之二十七

六

聖人亦有時而用衆用衆者以有心合天下者也然用衆則不能無智愚勇怯有智愚勇怯則不能無生得失故形迹疑似易眩也妖祥喜忌易惑也耳目視聽易亂也患生於狐疑而敵乘於倉卒敗之道也此無他惟心不一耳一之之道不在疆場而在廟廊不在旦夕而在平時苟所以聯屬之者素無其具則臣主異心將士異志將進不可與同功退不可與同患勇者圖之怯者撓焉智者計之愚者墮焉知愛身而不知

愛君知畏敵而不知畏我呼吸之間輒有順逆
蹶足搖手之頃遂成向背是故君與將二則城
濮交綏而得臣不入矣將與偏裨二則先穀違
命而舟指可掬矣偏裨與卒伍二則駟介庶庶
而河上逍遙矣況乎其舉國之心咸二也則倒
戈亡殷土崩瓦解秦禍之至也其何日之有
先王知其然故貴而必以賤爲本高而必以下
爲基無霍熒獨無愚黔首疾痛饑寒民病亦病
逆樂安全民利亦利洞然出其腹心以交於民
數馬集 卷之二十七 七

得獨後止如丘山發如風雨不恃一人之力而
以千萬人之力爲力不恃一人之技而以千萬
人之技爲技以此衆戰孰能禦之以此攻城何
攻不克是之謂羣與將一若身之使臂有剛愎
無禮如子玉者殺無赦是之謂將與偏裨一若
臂之使指有違命濟師如先穀者殺無赦是之
謂民與君一如手足之赴腹心有左不攻于左
右不攻于右渙散無統若高克河上之師者殺
無赦茲非徒繩束要結之也人同此心非一人
數馬集 卷之二十七 八

使民亦通其腹心於我而無所壅閼故民未知
義未安其居不可使也於是教之君臣上下以
安其居民未知信未宣其用不可使也於是爲
之明徵訓詞以示之信民未知禮未生其美不
可使也於是爲之坐作進退周旋揖讓以示之
禮平居無事綢繆固結無關鍵而不可開無繩
約而不可解一旦有急則義以激之信以維之
禮以整齊之號令紀律以左右先後之勇者不
得獨進怯者不得獨退智者不得獨前愚者不

所能異亦人同此法非一人所能違也蓋當其
散則舟中可虞輦下可懼當其合則赴湯不避
蹈火不辭區區妖祥喜忌形迹疑似之說僅足
以震撼渙散之人心而同心一德之衆又豈外
物之所得而動搖哉昔者禹之伐苗其誓師曰
爾尚一乃心力其克有勲武之伐紂其告友邦
曰紂有臣億萬惟億萬心予有臣三千惟一心
善用衆者迹於夏周之所以興則知師壯而二
少克也師老而二雖衆敗也成敗之機難合

之故有天下國家者可以思矣。愚獨怪夫後世之霍用其民也。平居尊崇貴倨視民若奴隸夷。不關休戚於其心。及其有事則又權使而霍。川之驅離心離德之衆以就鎬鋒死。亡之苦彼有奮臂而呼揭竿而起已耳。安能俛首喪氣以趨必亡哉。善乎魯莊公與曹劌之論戰曰。衣食所安不敢專也。必以分人。又曰。小大之獄雖不能察。必以情。夫聽獄之與戰遠矣。而識者以是爲忠之屬。可以一戰噫。知此者可以用衆。可以

數馬集 卷之二十七

九

諸心一矣

策

孫子策 武試

問世之談兵者。率以孫子爲師。余讀史記蓋有二孫子焉。其一爲孫武。佐闔廬而破楚入郢。其一爲孫臏。佐齊威而破魏殺龐涓。世所傳十三篇者。蓋武作也。而太史公又謂孫子臏。兵法脩列。則又若爲臏作者。是耶非耶。遷又謂能言者未必能行。豈武臏之書可以教人而不能自

用耶。今其書具在。乃其法有驗。有不驗焉。試舉一二。與諸士商之。法云。能使敵自至者。利之也。而伏兵馬邑下者。何爲。單于穿塞而還。法云。能而示之。不能而發。使暴所長。於燕者。何爲。燕齊望風而靡。法云。歸師勿遏。窮寇勿追。而鴻溝背紂者。何爲。竟蹙拔山之雄。法云。知戰之日。則可千里而會戰。而謂兵難遙度者。何爲。竟殲先零之種。法云。百里而趣利者。擒三將軍。而自陰平道行。無人之地。七百里者。何爲。竟舉全蜀。法云

數馬集

卷之二十七

十

半渡而擊者。利。而兵渡淝水以決勝負者。何爲。竟破秦師。攻其所必救。法也。而以梁委吳。深兵高壘者。何爲。竟虜吳楚。將在軍。君命有所不受。法也。而表請決戰。仗節以制者。何以竟斃蜀將無慮。而易敵。必擒於人。法也。而每戰必錦裘繡帽。指揮陣前者。胡爲。光復社稷。以飽待饑。法也。而棄衣糧以勵士卒者。胡爲。竟克長安。若此者。或犯其所忌。而背其所喜。或害也。而趨。或利也。而避。然成敗之數。卒與法異。豈孫子之書直輪

所謂精粗而善用孫子者固自有得手應心
者在耶方今聖天子側席求賢每飯未嘗不
在鉅鹿駿骨且求真龍何懼諸生有能明孫氏
法以資世用者使者且以名聞其悉陳之母
護

兵不可以無法無法者敗兵不可以泥法泥法
者亦敗蓋法有定制而兵無定形有定制者書
可得而盡言無定形者言不可得而盡變善用
兵者通無窮之算以遊於無方之途故不離乎

數馬集

卷之二十七

十一

法而亦不膠乎法通其意罔滯其迹權其變罔
泥其常故有時而與法相符合契者用法也有時
而與法相背馳者亦用法也於此則用而於彼
則不用者尤善用法者也不則滯而罔通執而
無權雖武子再生孫臏復起亦不能制勝於天
下矣上古聖人不諱言兵然不聞以兵法垂訓
者誠懼兵之流禍無窮也故弧矢之利足以示
威重門擊柝足以示備今天下後世有不得已
而用兵者急則寵爪牙之士寬則脩干羽之舞

數馬集

卷之二十七

十二

有事則車攻馬同以示撻伐無事則放牛歸馬
以示不用如是者非短於兵也誠慎之也降而
春秋又降而戰國以術相高以勢相馭兩智遇
而智之多者見矣兩力遇而力之強者見矣諸
侯王非此無以啓霸業而逞雄心游說策士非
此無以取世資而投時好在春秋則有孫武其
佐吳也敗子常奔昭王五戰入郢大抵皆武謀
也在戰國則有孫臏其佐齊也破魏師殺龐涓
虜太子申大抵皆臏謀也二子者威伸敵國名
著春秋猶欲鬻其餘技論著兵法以垂不朽故
世傳孫子法云武之書世多有之臏書自漢以
後無傳焉迹其行事則武能入楚而不能却包
胥之兵臏能破魏而不能免鮑莊子之耻此太
史公所以致論於言行之間也夫尺不能無短
寸不能無長龍有時而蟄蠖有時而伸執二子
之事以律其言且不能不爲言受詬訾執天下
後世之事以病二子之言彼豈能爲天下任其
無咎哉要之十得而一失則失不足以掩其得

百利而一害則害不足以蔽其利。善於孫子取其窮奇正之變極分合之巧神。批亢擣虛之術。擅出沒變化之長而已。區區小失。又何計焉。請因明問而終言之可乎。今夫兵法誘之以利。欲使敵自至也。然不曰微乎。微乎入於無形乎。彼王恢者。伏三十萬衆馬邑傍。而欲尉史不以情告之。難矣。示之以弱。欲使人易我也。然不曰不戰而屈人之兵乎。彼韓信者。暴下趙四十城之威於燕齊。欲令二國不望風而靡也。難矣。歸師數馬集。卷之二十七 主

勿遏窮寇。勿追固也。而楚軍糧少。食盡。狼狽東歸。豈可養虎自遺患乎。故追至固陵。斃羽垓下。正法所謂擊其情歸者耳。知戰之日。千里而會戰。固也。而羗戎連結。匈奴聚散。無常。豈可千里而遙度乎。故馳至金城。圖上方略。正法所謂懸權而動者耳。百里而趣利。雖法之所禁。然兵固有出其不意者。彼蜀知守。雖不知守陰平。則鄧艾之潛師繞出其後。正法所謂行千里而不勞者。行於無入之地也。雖有智者。亦不能爲。

蜀守矣。半濟而被擊。雖法之所忌。然兵固有乘其未定者。彼秦兵一麾而退。豈不失次而鬪。則謝玄之濟師以擊其亂。正法所謂速乘人之不及定者也。雖有勇者。亦不能爲秦奮矣。攻其所必救。雖法之所善。然兵固有以靜而制動者。彼七國攻梁而不能克。欲戰而不得戰。則亞夫之委梁以俟其敝。正法所謂致人而不致於人者也。縱得劇孟。亦不能爲七國重矣。將雖以專制爲能。而量度彼已。未可以逞非。托君命。何以戢衆志乎。此司馬懿之假請戰以示武也。法曰。勇怯勢也。彼其見之審乎。將雖以持重爲務。而久在行間。士頗相畏。非耀軍容。何以破敵膽乎。此李太尉之盛裘帽以示威也。法曰。將軍可奪心。彼益策之熟乎。兵雖以飽待饑。而孤軍深入。難以持久。非決戰何以成大功乎。此王鎮惡之棄衣糧示士卒以必戰也。法曰。死地示之以不活。彼其算之當乎。由前數事言之。或背其所喜。或犯其所忌。或與法合而無功。或與法整而濟事。

千變萬化不可勝窮故謂法之可無非也是不
按古方而用藥者也謂法之不可無非也是病
已傳變而不知改方以就病者也謂法之可無
而亦不可無者非也是列禦寇之射乃射之射
非不射之射也故善用法者迹若與之背而實
與之合生之徒也不善用法者迹若與之合實
則與之背死之徒也藥之有實莖也桔梗也雞
雍也豕零也遞相爲帝者也此變化之說也兵
之有分數也形名也奇正也虛實也遞相爲用

數馬集

卷之二十七

五

者也此亦變化之說也知變化之道者則知神
之所爲知神之所爲則彼先王步伐止齊之制
不過用兵之迹豈所以迹哉而孫子乃欲擅之
以爲高書之以著教固已貽輪扁之譏而來芻
狗之誚矣況乎其不善用孫子者幾何而不以
人國僥倖也哉嗚呼六經之治貴於未亂兵家
之勝貴於未戰故百戰百勝非兵之善也不戰
而勝乃善之善也世德下衰詐力是事今欲焚
孫子之書緘臚起之口而結司馬尉繚之舌固

未能也無已則如霍去病之不學古兵法謂用
兵顧方略何如斯得其意於法之外者乎無已
則如岳武穆之不習陣圖謂運用之妙存乎一
心斯神其變於法之中者乎噫指窮於爲薪火
傳也不可謂薪之非火也然則孫氏之法殆難
與淺見寡謀者道矣

御將策

武試

數馬集

卷之二十七

六

問古之御將者曰信賞必罰又曰使功不如使
過夫賞信則有功者不終朝而爵及罰必則有
過者不踰時而誅行使功諒矣使過無乃鑿乎
以往事鏡之春秋時惟楚最強而賞罰亦惟楚
最明其敗于晉也一則曰大夫若入其若申息
之老何一則曰先大夫之隕師徒者亦旣聞之
矣二子死不旋踵而楚益以強大此信賞必罰
之效也然稱霸西戎者不替俘囚之將一匡天
下者不死檻車之辱因敗爲功烏可盡少且所
云過者豈必敗軍擒將亡國餘俘云乎哉古之
名將其居約時有母死不奔喪者有受金諸將

自有出人勝下者有被罪受黥者有奮迹奴
者是數子者之行鄉曲所不道世主羞以爲臣
及杖拭而使之則功名著於春秋用人者將以
合抱略寸朽耶抑以二卵棄干城耶諸士杖策
而來誼豈以數子自居顧主司者欲得人以勝
任使則登用之途亦可少廣乎將自有正當之
論在也願明著于篇

御將有定法而亦有操縱於法之外者期得其
力而已取士有定衡而亦有取舍於衡之外者
璚馬集 卷之二十七 七

期收其用而已定法者賞不可以無功得刑不
可以親故免與天下其守之者也定衡者取必
合於人心之所好舍必合於人心之所惡與天
下其評之者也顧世不能皆有功無過而功或
因過而成人不能皆有善無惡而善或因惡而
施在人者操縱而取舍之杖拭而撻羅之則或
以一肯收功或以片長著効益足彰吾知人之
明而示吾用人之廣嗟夫此外乎法而法固不
離乎衡而衡固不爽也執事以御將求將之

下策武士且以觀士之所嚮愚非敦詩書而
說禮樂其人也竊嘗俯仰今昔有慨於中久矣
可無一言以復明問蓋聞上古之世尊德而不
任詐尊道而不任力賞無所施罰無所試故曰
有虞氏不賞不罰而民可用至德也夏后氏賞
而不罰至教也此世之盛也降及殷周而道德
衰矣然非純用詐力也其任將也必備五德曰
智信仁勇嚴也必明五慎曰理備果戒約也有
功則賞而賞不踰時欲使人速得爲善之利也

璚馬集

卷之二十七

八

有罪必罰而罰不遷刻欲使人速觀爲不善之
害也是二者雖兼舉而並用然猶果於用賞而
至於用罰何者賞不當不失爲過恩罰不當則
流於濫刑此賞罰忠厚之論也且天下之不幸
濯收而其才足以收功於末路者豈少哉故城
濮之敗得臣死矣而晉人曰今而後喜可知也
鄆陵之役子反斃矣而晉人亦曰楚莫余毒也
已蓋皆以爲晉再勝而楚再敗焉彼齊桓秦穆
霸者之主豈不知係累之夫不可與圖存敗軍

之將不可以語勇而諸囚之辱置之不問三敗
之耻任之愈堅何哉誠謂才如仲父不宜以一
節棄賢如孟明不宜以小失廢也則能雪峭函
之耻成一匡之功威伸敵國澤流無窮此齊秦
復過之明效也向使二君誅而不宥棄而不使
則二子者不免爲僇人賤行矣故忍小耻而成
大功臣之智也捐細故而就大業君之明也世
論二子不困阨則不能激豈知二君使過之誼
固若是宏乎此用將者也非求將者也求將者
數馬集 卷之二十七 九

豈不欲阿衡尚父其人哉顧夫負高世之才者
鮮鄉曲之譽抱絕人之智者或蒙世俗之譏
取士於三代之下必孝如曾參廉如伯夷狷介
如原憲則彼豈肯絳塵世之網鯁驕君之餌而
許人以驅馳乎是故良劍期乎斷割不期乎鎖
鑰良馬期乎千里不期乎騏驥惟適於用而已
矣恐可使也則使之不觀魏用吳起而秦兵不
敢東嚮乎彼其不奔母喪之罪可略也貪可使
也則使之不觀漢用陳平而六出奇計功並三

傑乎彼其受諸將之金可恕也頑鈍無耻可使
也則若漢用淮陰侯而舉全趙下燕齊厥功爛
焉而出人胯下之過可勿論矣賤莫賤於胥靡
而夷布以驪山之從身被刑法竟成滅楚之功
彼黥面之耻何足計乎辱莫辱於奴虜而仲卿
以封侯之相困於鞭笞竟成破虜之績彼奴隸
之辱何足恤乎是數子者當其未遇則庸夫羞
與等夷迨其既遇則英雄莫與儔伍故曰泥蟠
而天飛者應龍之神也先賤而後貴者隋和之
數馬集 卷之二十七 十

少也使應龍不遇風雲潛於潢汙則魚龜得而
娖之豈知其能奮霧德超忽荒而據昊蒼乎使
隋和以暗投人不遇知己則且按劍相盼豈知
其能炫景曜吐精英曠千載而流光乎嗟乎窮
達遇也成敗數也智愚賢不肖人也由管仲孟
明觀之則功過不足以論士何者士固有利不
利時也由吳起陳平觀之則素行不足以盡士
何也士固有自爲謀則過而爲人謀則良者也
由信布衛青觀之則知汙賤不足以病士何者

士固有屈於前而伸於後者也世主能弘齊秦之聽而後楚國之誅破拘攣之見而廣登用之途則垂超東隅者可奮翼於桑榆朝而扣牛操築者夕可王侯將相何必拘以定法律以定衡使不羈之士與牛驥同皁哉雖然亦顧其過與其人何如耳才大而過小則棄其過而錄其才可也才小而過大則棄其才而誅其過可也昔先穀違命喪師君子譏晉失刑馬謖失律被誅君子謂孔明能斷善爲國者固不希未成之功

數馬集

卷之二十七

主

而喪已成之法也孟嘗得士於鷄鳴狗盜君子謂有士如此不如無士吳有焚妻子之臣魏有對使食子之將君子謂成功如吳魏不如無功爲國者固不以一時之功而易萬世之患也輓逆馭將者不患有功不賞而患爵賞之太濫不患有過不宥而患刑罰之不行不患取人不廣而患用舍之不當殺降邀功也而曰折馘執俘全軍覆沒也而曰殺傷相等媚寇事敵也而曰虜懼引去賓客賄養掛名尺籍也而爲萬戶侯

市井無賴奔走游閒也而特廟廊議如是則有志之士羞與同功知耻之人羞與同賞恩威不問月會歲整令天下爭以虛文相欺罔以巧術相竄避則向之所謂賞罰取舍者徒爲奸人竊權之資焉耳昔者秦王有病召醫破癰潰淫者得車一乘舐之者得車五乘所治愈下得車愈多而秦人之乘車者咸以爲耻嗚呼物無貴賤因人所貴而貴之無不貴也因人所賤而賤之無不賤也然則欲擇任將帥鼓舞豪傑者惟在

數馬集

卷之二十七

主

數馬集

傳

邢子愿先生傳

邢子愿名個濟南臨邑人曷爲稱字賢也賢不可名故齊之三尺童子皆知有子愿先生云邢之先出於周公在左氏傳富辰之言曰凡蔣邢者皆周公之胤也春秋書城邢書邢遷於夷儀凡數見於經厥後子孫遂盛於河間鄭顥子昂其祖也自伯通始伯

通子仲玉習青烏家書獲吉地以葬生子鑑鑑
生政以鄉舉知岢嵐州有宦蹟生子溥舉明經
爲博野教諭以子如默貴贈吏科都給事中
三子其季如約封監察御史卽子愿父也子愿
夙稟靈慧家多藏書年十四已能盡讀補博士
弟子員十七試於督學安福鄒公文第一召至
濟南讀書爲親行冠禮齊中以爲美談 穆宗
卽位詔選天下髦士縣一人貢太學子愿應詔
至京盡友天下士學日益博文日益有名庚午

數馬集

卷之二十七

三

舉於京甲戌成進士授南宮令邑當燕齊之郊
雞犬之聲相聞君治邑如家廩食囊衣悉自家
中具之不以煩邑人小大之獄察之必以情隣
邑有訟久不能決得君片言而決至於法無可
貸者雖權貴居間上官示意不少徇也贖金盡
市粟以備荒年稍有餘羨卽以脩學官周寒士
歲課月試供給賞勞甚豐於諸生中得韓方伯
策郭參知士吉其登科第者相繼不絕以卓異
徵拜監察御史出按河東鹺政所部秦晉中州

地甚廣遠鹺禁故嚴州縣游徼捕不及格往往
以其人抵罪械赴臺疲於奔命子愿戒勿逮始
免道斃云使回贖鍰無所取報謝無所受一時
以杜后惠文按部者咸服其廉已按三吳精察
練達舞文者無所售其奸雲間大盜張邦陵雄
據海上出沒波濤斥鹵間爲民害君設方略令
所司擒斬之懸於市遂解散其餘黨民賴以安
先是權貴子有鹿蒙虎皮欲鬻餘技以欺世者
多引名士以爲重同年某御史素重子愿遂列

數馬集

卷之二十七

三

名評薦中子愿不知也至是權貴敗銓部引繩
抵根凡與其子遊者俱罷官而子愿以跡素疎
逃得外轉楚藩叅議子愿不自白怡然之官督
漕粟至淮上往返風濤中二年艱險萬狀猶以
前事轉陝西行太僕少卿時年僅三十餘耳私
念二尊人春秋高不欲遠離乃乞身歸養朝夕
承歡四方珍膳無不畢致一日之齊河視其大
女忽聞母病時已昏夜從者請俟星月君策馬
馳百里呼城門而入長跼請罪謂兒不朝夕膝

下致母有此疾及醫藥救療百計不効至於大故擗踊泣血勺飲不入口者數日父自以意寬譬之乃稍稍啜粥杖而後起人稱篤孝父年大耋猶康強無恙子愿每歲大會親戚鄉黨率子姪稱觴上壽徵歌舞開筵讌旬日乃罷或病其過侈曰吾親耄矣苟可博一日之歡雖傾家爲樂寧有愛乎父年九十餘下世哀毀如喪母啟前母趙孺人柩及母萬孺人同葬送者數千人堂坊壤厦之築旌旒萋萋之觀挺隧華表之樹

數馬集

卷之二十七

三

堅固輝煌惟力是視齊魯觀者嘖嘖謂今日始見仁人孝子之葬其親也天性友愛衣服飲食有無美惡與二弟共之雖羣從兄弟及姑姊妹之子視之亦如同產爲治奩擇婿嫁小功妹一人嫁姑之孤女一人理衾槨殮從嫂二人殮從姪孝廉一人爲從姪擇配具聘禮者二人又與當道書乞贖白雪樓而爲李于鱗立後其高誼真可以風薄俗而激頽波矣至如劉浮光者以相人之術來依子愿父非有許負之能不過窮

而無所歸者耳子愿乃館穀之終身憐其死而無後每遇寒食輒令家僮携雞酒往祭其墓若是者徒念其曾爲父客餒之是忘父也公孫對食於故人君卿供養乎呂公古今一揆而子愿仁孝殆遠過之矣子愿夙以古文詞鳴最熟太史公班孟堅晚乃馳騁於東漢晉宋間好作駢儷語一時操觚之士於大江以北咸推子愿狎主齊盟詩則出入李杜王岑高古典雅每每工而拙用之于鱗之後君爲代興余時與唱和每

數馬集

卷之二十七

三

詩筒至輒私念此中有佳句如尹婕妤望見邢夫人自痛其不如也臨池之美上下晉唐宋元而尤工二王法四方以佳箋名箋求書者常置盈几子愿興至爲一揮灑之其精工斐亹煥若神明雜之閣帖真蹟中殆不可復辨此品當爲第一小楷臨米似拙而媚掛壁書多臨大令而時雜用米體今世書家類稱邢董然董僅工方寸行書其餘諸體不能及也畫則僅倣子昂草石聊以自適餘非所長去董玄宰遠矣子愿素

寡疾因長子王瑞才而早夭思念成疾患秘結
醫者驟以利劑投之取快一時余在濟南聞之
曰噫子愿已矣姚僧坦之言曾不聞乎逾半月
計至死之日海內知與不知皆爲泣下時方爲
余作城安德記遂爲絕筆云黃某曰世但知子
愿文章翰墨之美不知其篤於人倫厚於故舊
行誼甚高雖古人不能及也余宦齊十五年與
子愿會者屢矣相見惟評隲古今商確文藝時
或爲地方求賑爲賢士先容此外無一語及他
數馬集 卷之二十七 七

事也子愿有木棉地二十餘頃所入盡以供客
客去頗有贈遺最後贈以字一幅簞一二握而
已人以文藝富而子愿以文藝貧其門人李楸
猷子壻史高先子王稱等撰其行列語皆實事
非苟溢美而已余又聞邢大司馬從朝鮮歸彼
國閨秀曾介之求子愿文翰昔白傳詩篇雞林
賈爭市蕭子雲筆蹟高麗使望舟拜求不謂子
愿詞翰乃爲外國婦人女子珍愛噫名盛矣不
令他美俱爲所掩乎惟焦弱侯之言曰吾鄉子

愿禮義之宗也噫舍其小而取其大世之深知
子愿者其在新人乎

贊

朱烈婦傳贊

朱烈婦者河南太康縣朱世傑女也年十五適
同邑張經邦經邦故儒家子弱冠涉藝文補郡
博士弟子員烈婦歸無何夫有弱病乃以身禱
爲茹淡者三年夫病有間矣值舅承基卒夫哀
毀逾禮疾大作不可藥烈婦卽與訣曰夫爲父
數馬集 卷之二十七 夫

死妾當以身從終不令夫亾而妾獨生經邦領
之烈婦卽闔門自經會家人奔抹得死越五
日而經邦絕烈婦乃沐浴更衣與祖姑石姑時
訣二姑爲風諭勸止者百端且許與夫兄寧邦
之子爲嗣曰撫是藐諸孤他日可以下報而夫
於九原母徒自苦爲也對曰立孤在姑不在婦
婦已有前言矣庸可食乎姑幸有他子母以婦
爲念次日家人防少懈卽縊死於柩傍時年十
七萬曆辛卯五月八日也又三日乃殮顏色如

生外史氏曰女之事夫猶臣之事主也昔程嬰
公孫杵曰義存趙孤杵曰擇其易者謂立孤難
於死也余考載籍若夏侯令女殘體毀形僅以
完節抑何其難豈若定計於鮮耶夫金石可開
而我心難轉誠自信矣然事勢變於前而情愛
奪於後及至窘逼乃悔不自引決不亦晚乎死
生亦大矣豈可云易要於得所爲難此臣妾一
理若朱烈婦者可謂善處死矣漢中太守郭君
某爲烈婦鄉人與余道其詳余故論次其事而

數馬集

卷之二十七

七

爲之贊曰孰謂婦柔而賜則剛孰謂婦殤而年
則長慷慨殉夫植我綱常乾坤可毀爾名乃亾
亦有完節皚然冰霜孰與一死烈烈秋陽赴義
貴果濡忍乃傷罔俾婦子愧我冠裳

齊王孫像贊

遡銀河兮濬源傷金門兮卜築攀叢桂兮小山
植幽蘭兮空谷侶長江兮鷗鷺友鍾山兮麋鹿
精瓊玉兮爲精貫薜荔兮爲服養玄牝兮柱下
叅大乘兮天竺等世事兮浮雲惟留神兮卷軸

開小苑兮延賓時抽毫兮進牘橫四海兮騁詞
揮百城兮果腹貴不減兮驃騎祿莫豐兮苜蓿
村以不用爲用光以不煜爲煜邴邴乎其喜也
楚楚乎其樸也惟德機兮盡杜故和氣溢兮面
目是殆飲墜露於水蘭而發落英於秋菊者耶
視繅素兮儀刑誰不儼然其作肅

跋

跋林若撫文學出示申文定公翰墨卷

士君子出爲世用與海內賢豪經營治道潤色

數馬集

卷之二十七

三

皇猷于操觚染翰之事或未遑及迨功成身退
游泉石翟公之門已虛魏其之客他往向之
所謂經營潤色者俯仰之間皆爲陳迹於是始
托興烟霞寄懷吟詠以翰墨爲君子以筆研爲
良友雖里閭之後生俊士咸忘年忘分而與之
交此申少師文定先生所以于林若撫有合也
若撫天才適麗詩律精工落花諸作於先生所
以致繁華衰謝之感者能發其微而廣其意故
先生愛而友之今觀所與往返諸詩翰藹然有

親賢下士風雖曲江之愛長源張鑑之重敬輿
何以遇之繼爲先生庚辰所舉士觀先生藻翰
若奉親顏而聆溫教字字連城語語夜光唐風
晉體玩之不能釋手若撫其善寶藏之令子孫
世守勿失哉

跋李還素所藏黃孔昭顏範卿詩畫卷

詩繪均於寫物陶情所貴意在筆外故善繪者
以繪繪詩善詩者以詩詩繪自王摩詰雲裏帝
城雨中春樹之後實難其人吾鄉黃孔昭顏範

數馬集

卷之二十七

三

卿皆以詩名而黃工繪事有胷中丘壑顏精草
隸稱筆下龍蛇此卷桃溪馬峰雨霽二景乃黃
爲李還素兄作水墨淋漓有梅花道人丰度而
顏之詩則衣鉢少陵而時出入於中唐者也觀
者得其意於筆墨之外則一木一石玩之有風
雅韻一字一句詠之有丹青想雖不足以盡二
公亦足見二公之才情矣余爲郎爽鳩時獲與
二公對榻分韻今觀此卷若見其人然常謂黃
之詩能兼繪繪未能兼詩顏之晚年揮毫進乎

投矣還素出之蠹魚寶同駿骨豈惟羅浮石笋
感深張祐寔爲保壽破瓮喜得張萱云爾

書趙孝廉賢婦卷後

渠縣孝廉趙生永舉鄉試時得奇疾命且墮墜
其妻顧天封股爲湯以進趙生立甦鄉人以爲
美談卽趙生亦甚德其妻與人言未旣淚輒承
睫且乞言名公以爲其妻重也泰和郭君相奎
吾鄉陳君士勉俱有贈言郭之言婉而則陳之
言直而徵皆名言也予行縣至渠界趙生出迎

數馬集

卷之二十七

三

道左復以爲請余惟封股難矣而聖人不貴子
且不得施於親妻而可施於夫乎不惟情慾之
感婦人是厚有如公甫文伯之母所譏而床第
之言不喻闕卽以彰聞於人亦非盛德事也夫
人子殺其身有益於親者則爲之若傷其身而
無殺於親則虧體辱先死有餘戮故聖人不貴
封股之行謂於親之存亡未可必也以身事人
者其情愛懇至當不異於屬毛離裏而天合人
合則必有分矣又其體敵也安得爲越禮傷生

之事以微不可必之命乎予以記傳所載考之
爲夫割股千載之上何寂然無聞也意者閭閻
之間編戶匹婦之微艱難其身以求免其夫者
時亦有之史悉削而不載乎不然豈無名章徹
也予於趙婦三復其行事未嘗不嘆其難以爲
真誠所格蒼穹可回庶幾古所謂貫金石者安
得以婦人女子小之惟是行匪中道不可以訓
則願趙生母忘孟光之賢足矣不必彰之於人
以爲婦不負生生亦不負婦也然則當熊而立

馬集

卷之二十七

七

文

駁胡正甫爲楊子雲辯誣文

黃克纘曰春秋之法厚道以待君子直道以待
小人厚於待君子故善未著而必褒直於待小
人故惡已彰而必貶凡春秋所書有爲尊者諱
爲親者諱爲賢者諱未聞有爲小人諱者況不

惟諱之且爲之委曲以逃其罪乎楊雄爲莽大
入劇秦美新載在史冊使雄有孝子慈孫必且
羞以爲祖而近世胡直必欲爲之解且曰漢書
雄傳稱雄仕成帝哀平間未嘗仕莽贊謂雄仕
莽作符命投閣年七十一天鳳五年卒蓋班孟
堅早世曹大家輩傳失其實雄至京見成帝年
已四十餘矣自成帝建始改元至天鳳五年五
十有二歲以五十二歲合四十餘已近百年則
與年七十一者相抵又考雄至京大司馬王音

馬集

卷之二十七

七

奇其文而音聲永始初年則雄來必在永始之
前然則謂雄近於莽年者妄也劇秦美新或出
於谷子雲至悲雄爲守道君子千載蒙誣嗚呼
必若胡氏之言當令自古史傳記載盡付烈火
歲月漫無考據乃可爲雄辭罪又當盡愚人心
使昧黑白乃可爲雄左袒不然吾恐天下後世
不可盡誣也余不暇遠引就胡氏之言折之按
漢書及綱目編年成帝卽位已丑改元建始五
年癸巳改元河平九年丁酉改元陽朔十一年

已亥八月大司馬大將軍王鳳卒以王音爲大司馬車騎將軍十三年辛丑改元鴻嘉十七年乙巳改元永始明年丙午大司馬車騎將軍音卒史稱雄爲大司馬王音所奇音爲大司馬在永始間則雄入京在永始之前信矣二十一年已酉改元元延二十五年癸丑改元綏和明年甲寅春三月帝崩哀帝立元年乙卯改稱建平五年己未改元元壽六年庚申帝崩平帝立元年辛酉改元元始五年乙丑莽弑帝立孺子嬰

十四合三十七實年七十一彼胡氏乃謂自成帝建始改元至天鳳五年計五十有二歲以五十二合四十餘已近百年者果何所據耶胡不以編年計之也胡氏又引其鄉人簡治芳所引桓譚新語謂雄作甘泉賦憂腸出收而內之明日遂卒蓋在永始四年考漢書是年戊申春正月帝如甘泉郊泰時三月如河東祠后土雄獻甘泉賦又三年辛亥帝較獵長楊射熊館雄獻長楊賦雄既死矣而長楊賦又誰作耶雄在哀帝時丁傳董賢用事諸附離之者或起家至二千石時雄方草太玄有以自守故作解嘲以自遣必謂雄卒於成帝永始間則哀帝時作解嘲者又誰耶新室文母崩莽詔雄作誄曰太陰之精沙麓之靈片合於漢配元生成雄既先莽死矣斯誄也又誰作耶大都雄之仕莽史傳所載斑斑可考胡氏直愛太玄法言文字奇譎不忍其人有莽大夫之譏故爲之委曲覆匿所謂愛而不知其惡者也至以劇秦美新爲谷子雲所

見大謬夫谷子雲阿附王鳳直攻成帝
雄不相甲乙然永當成帝元延元年爲北地太守時災異數見上使淳于長受所欲言對奏天子感其言尋徵入爲大司農卒是谷子雲死在成帝末又安得至莽時復有谷子雲乎班氏父子距西京不遠其記事之詳雖一姓一字亦不苟也與雄同時者有陳遵字孟公而列侯中有陳孟公者班氏別爲陳驚座千載之下以爲談柄奚至以谷子雲所作誣楊子雲何獨詳於孟數馬集

卷之二十七


三

公而略於子雲耶漢書又載桓譚對王邑嚴尤稱雄書必傳凡人貴近而賤遠彼親見子雲諱位容貌不能動人故輕其書邑尤皆莽時人而桓譚與之論譚若此乃引新語所載妖夢謂雄卒於成帝永始中彼時雄太玄尚未作也桓譚謂其必傳者果何書耶不徵於信史而徵於新語抑又惑矣嗚呼三代以後道學不明功利溺人以莽操爲揖遜以反君事仇爲當然不惟忍耻北面且爲之出死力以驅除焉如翟義徐

以下原缺

數馬集卷之二十八

溫陵黃克



啟

答劉頃陽少參寄詩宿啓

奉命旬宣。方懋功於陸海。留神刪述。復振藻於
林。廣蒐乃見兼才。遠寄奚當厚雅。恭惟臺下
儲精長白。發秘汗青。留垣久著。直聲幕府。每資
石畫。馳驅西北。儼負內安外攘之猷。上下古今。
益賞陽春白雪之韵。謂自三百篇之後。何人再

數馬集

卷之二十八

振其精英。際此二千年之間。惟我當窮其蘊奧。
分門別類。如列宿之麗于空。擊石敲金。若鈞天
之奏于世。不佞簿書俗品。章句庸才。巴水塗山。
識荆于一顧。濟南濼上。復御李于片時。弱冠
談詩。識有慚于專對。垂老作吏。政無補於多艱。
惟曲籍乃其素耽。時時在手。矧詩歌大雅雅製。
字字悅心。惠此奎璧之篇。真如鼎呂之重。漢唐
晉魏。何殊以雅以南。李杜曹王。何異為律為古。
直將二十八部。若此三六。肅此奉酬。不宣

私相。寒人而不野已。舉事而君更然。然則待者雖已。

報何乾室侍御

三屏翰。慙莫効於涓埃。一旦遭逢。幸分榮于
聚戟。伐檀是懼。負乘堪羞。恭惟門下才高何遜。
望重周鼎。批驪頷以探珠。繼鳳鳴而獻瑞。匪惟
署蘭臺之選。實稱秉鈞持軸之才。某章句小
生。藩臬下品。鉛刀効割。惟當居簿書錢穀之間。
美錦學裁。豈能勝軍旅俎豆之事。茲乾坤何日
正。旋轉無期。政出中官。各都悉成市虎。屢入八
數馬集

卷之二十八

史窮邑一任牧狼。負隅匪尺捶之櫻。巨澤豈抱
薪之塞。而使孱夫任重。何殊短綆汲深。乃拜瑤
緘。過承珍錫。一言見許。戴崇岳以難勝。多幣寵
。匪微躬之敢受。敬因來羽。布此謝悰。

答董定所恤刑

西曹碩彥。於越名家。奉寬大之。詔書。普平反
之閭澤。開一面之網。而非漏於吞舟。失三驅之
禽。而不令其登俎。使海隅無夜哭之鬼。而獄底
有春回之期。懿哉陰功。遠矣明德。不佞曾叨

役微殫厥心。每傷桑梓之鄉。多陷羅織之獄。聽者憑意之喜怒。而加以不赦之辜。識者視又之刻深。而據爲一成之案。且鮫人漁父。情不能達於上官。而鳥語猿音。言僅獲通于下里。非至仁至察。得之於破牘殘楮之中。而不惑不疑。索之於輕生自盡之外。孰能出非濫出。而生無幸生乎。遠拜雅情。兼惠全疏。藹然慈祥。惻怛之周流。雨露膏澤之溥被。謹對使拜領。容專役馳。

數馬集

卷之二十八

三

報李及泉總河

惟國家有非常之事。乃知賢者爲能立功。值山川有變遷之時。始識神人獨優濟世。自黃河之南徙。致清泗之合流。祖陵被其嚙傷。運道因之哽塞。臣工濟濟。莫分聖主之憂。才望巍巍。獨稱司空之任。精神意氣。總注其念於波臣。河伯之間。天地山川。將鑒其誠於沉馬投璧之外。行挽狂瀾於旣倒。直扶國脉於瀕危。禁追趨後塵。未能先荷版築。側聞高論。預知早底平。

成幕府弘開。自宜申乎燕賀。多儀下逮。益仰戴乎鴻私。方命實難。反躬增媿。

答各道賀覃恩啓

國本既定。鴻恩覃敷。慚無微勞。亦荷殊典。先代以詩書垂訓。沾被猶堪。小子乃菽麥未分。遭蒙何幸。數年東土。寔資僚案之提攜。此日殊榮。深懼身名之隕越。愛比老牛。豈忘補黑衣之缺情。深門鳳恐。徒招赤芾之譏辱。承賀言不勝戴德。

啓朱金庭相公

數馬集

卷之二十八

四

絲綸重地。代言特簡。乎舊臣禮樂崇班。論道應資乎碩德。王庭乎號海寓。交歡恭惟相公閣下。鍾兩越英靈之姿。應千載明良之會。論思獻納。當年名比夔龍。輔弼贊襄。四海人推周召。乃乞身於強健。早遁迹于丘園。身係國之重輕。世卜公之出處。遂承優詔。特起東山。出政而代天工。望歸調燮。典樂而教胄。子禮絕孤卿。寥寥黃閣之中。大生氣色。喁喁蒼生之望。快覩昇平。某海嶠庸流。封疆俗吏。迹羈濟上。莫登元禮之門。

心注河干疑入孫弘之閣望青絲於百丈結紫
氣於五雲敢獻芹曝之私冀蒙菲葑之采

答李集虛翰林

渥注神駿五花散而成文丹穴長雛九苞紛其
絢綵生爲國寶豈駑馬可共馳驅出作世珍匪
凡禽可同頡頏惟門下稟崑山之玉質振江左
之金聲詩禮趨庭人羨鄴侯之卷軸忠貞體國
世瞻元禮之門牆綵筆生花豈曰江淹才盡清
風作誦應誇吉甫名高方鍊石以補天行從龍
數馬集

卷之二十八

五

而夾日至如某者伏櫪庸材幸托當年驥尾題
門凡鳥敢希此日鳳毛徒以孔李通家屢落九
霄之咳唾溜青共事獲敦兩世之綢繆弘獎過
情小技稱爲君子隆施逾格高誼邁于古人明
德莫酬寸心徒結

報曾景默總河

玄圭錫命丰膺水土之司蒼珮兼榮弘啓平成
之績旌旗動色僚屬分光恭惟台臺匡廬拔地
北斗司天正氣足悅乎黃流高標直齊乎嵩岱

帝心簡在咨四岳而用司空輿論咸歸亞六
卿而分邦土帆檣映日立令河伯効靈春鍾如
雲佇見天吳順軌某久沾餘潤快挹清芬頒綸
紱于中州寔增踴躍仰光輝于東土徒切掄揚
敬飭鸞遷聊申燕賀冀輪流于大海庶廣濟于
迷津

東邢知吾同卿

年華易邁春事更新不佞處多憂多懼之時門
下當大變大故之日一言相慰爲幸已多貺儀
數馬集

卷之二十八

六

辱臨無乃過侈惟是飯精菰米出自內厨酒釀
葡萄發從春甕方丈之席讓珍一石之醉謝德
在遺者旣無病于禮卽受之亦何損于廉敢拜
賜而共于妻孥人有餘飽且縱飲而樂茲節序
肺亦生春

答彭秀南中丞

鎖鑰北門非名碩而莫昇保簾東土豈迂疎之
能堪忝竊爲慚獎諭過當恭惟老父母臺下匡
廬毓秀彭蠡發祥花滿刺桐久著稱于卓魯倍

高垣拔屨會送乎夔龍渤海江陰望高彈壓漁
陽碣石功最旬宣遂畫中丞之熊使寢南牧之
馬紫荆以北居然萬里長城青塚而東寂若三
秋斥埃如某才非世用事每違時敢望後車之
塵亦備建牙之數泰山在望謝禮樂於三千滄
海長流媿山河於十二經營半載來嘖嘖之人
言展轉寸心憶遙遙之故里而辱瓊瑤之贈益
增負乘之羞驅策老駘敢謂故人無意乘軒一
鶴終令臣子有言慙拜高情圖申下悃

數馬集

卷之二十八

七

答袁敬字方伯

保釐循績久昭布於天中填撫新綸擬傳宣於
帝闕彈冠方切分貺爲榮恭惟老年丈臺下
材比豫章重同彭蠡干霄承露宜爲清廟之
棟梁浴日洗天堪作蒼生之霖雨踐更中外諸
艱無不備嘗周歷臬藩大事自優擔負方錫專
征之節鉞再弘分陝之勳勞弟竊第庚年附驥
亦能千里同官楚服鳴鶴常和在陰地接齊梁
此日常分餘潤情同蘭芷何時不挹清芬屢拜

德音疊蒙雅贐春風駘蕩欣聞福履日綏帝
眷綢繆佇聽綸音時降先茲附謝嗣展微誠

中秋與同事啟

中秋應節皓魄浮空流萬里之金波響千家之
玉杵門下出司財賦入對尊罍斟酌嫦娥天上
人間同此夕徘徊銀漢去年此月復今宵某同
事三齊于茲五載每逢佳節思從庾亮登樓恐
負良時空効蘇公覓句玄鳥歸而應候賓鴻去
而懷人敢遣一倅獻茲朋酒豈有玄黃之績爲
數馬集

卷之二十八

八

公子裳願以沼沚之毛爲使者壽伏惟不鄙無
任分榮

東劉健菴中丞

地拱神京應風雲而建節天臨北極依日月以
褰帷宣威則烽淨塞垣牧馬無高秋之警布德
則民恬畿輔遵鴻有中澤之歸蓋安攘自有長
才而遠邇咸席餘庇齊東薊北分咫尺之清光
瀛海岱山挹沾濡之潤澤非才如某杖鉞何能
典禮寅清久瞻依于常伯治軍整暇新覩快乎

中丞爰布一言聊申積悃詞非錦繡何勞玉案
之酬物覩蘋蘩敢博瑯玕之贈因之增愧但竊
分榮托塞雁以傳書望盧龍而拜賜

答重陽啓

昨逢重九序屬三秋日月並應佳名宇宙共忻
晚節恭惟門下金鷄揚其號令玉露湛其襟懷
放鶴亭前望彩雲而來鶴黃樓檻外瞻紫禁以
登樓平對入青徐見舟車之絡繹遙天連海岱
念閭里之蕭條黃菊滿籬對秋光而懷舊茱萸

數馬集

卷之二十八

九

繁臂驚節序而傷神乃托賓鴻遙傳錦字感龍
山之故事使我嘲賓登鵲華之高峰感君送酒
無言不報有德難酬

答梅春寰賀壽

時際玄冬歲往春能再至人逢斑鬢年衰壯不
復回遠辱贈瑤島勝刻臆恭惟臺下襟承家學
才爲國華馥郁庭階盡是芝蘭之美翱翔天路
悉稱鸞鳳之儔治水河干智惟行其無事轉輸
京國功且濟及兆民宜祝遐齡爰需大擢如共

舊蒲朽質過沐雨露之私犬馬餘生漸逼桑榆

之境治官不効曾掛人言養壽無方空思仙術

每值懸弧之日轉益無聊時讀負乘之章徒增

有覲而故人誼重欲挹滄海以爲觴使賤子搖

魂若冠泰山而難戴魯頌之歌則君侯之事也

華封之祝則臣子願獻焉感德良深酬言不盡

賀蕭岳峰加少傅

時以刑部尚書署兵部事兼太子太傅

六卿分治兼官望重于夏秋三少貳公左棘榮

躋于保傅論功稱最頒詔騰歡恭惟老先生閣

數馬集

卷之二十八

十

下岱宗稟秀滄海毓精正直事君人品同宋朝

韓富忠誠任事勳業齊漢代蕭曹爲北門之鎖

鑰幾二十年握兩部之樞機又八九載延內史

外懷之績紹謨明弼諧之風是宜忠簡帝心

榮膺國棟納言如舊曳履而上星辰論道稱孤

賜劍而登殿陞行且代絲綸於紫閣豈惟兼輔

佐乎青官某位列齊藩忝光華於熊軾心懸

魏闕借恩波于鳳池實賴示以周行使不迷于

所週觀茲異典特慶殊遭蓋政令日新方藉主

張於元老而紀綱猶在寡資振挈於端人敢叙
鄉往之誠用伸芹曝之念仰于鑒在不任欣承

答曾景默總河辭赴宴啟開河未成來請赴宴故不赴

竊惟河落九天率數年而一決禹乘八載乃萬
世而莫安孰能俄頃之間頓底平成之績恭惟
臺下才堪砥柱氣挽天河當蒙牆波頽而淮黃
之勢已合及新河議起而道路之見各殊力請
于朝遂興斯役畚鍤雲集僅自冬而徂春黎庶
子來遂濬黃以通泗將使彭城以北漕舟咸魚
數馬集
卷之二十八
士
貫而來直令長淮以南陵寢隨龍飛俱莫蓋
成大功者不惜小費聖主出水衡之金錢而
垂永賴者不惑浮言司空堅肝腸之鐵石明德
遠矣厥功爛焉某碌碌無奇硜硜執一憂同杞
國空懷潰冒衝突之虞歌憶宣房未躬負土抱
薪之役若同胼胝而錫宴是為貪天之功即復
馳驅以臨流不過誦公之德身雖羈於濟上神
已馳於曹南謹托使人致此謝悃

答尹春寰中丞

東越東南地據九州上腴濟神京西北帝思

兩浙重臣簡命方新用人惟舊餘潤寧沾死里

未光先照三齊恭惟臺下孕秀荆衡炳靈江漢

符分半虎翁歸三輔著聲刃解全牛吉甫萬邦

為憲十二百二咸倚金湯東秦西秦悉資保障

滔滔南紀三秋暫息驅馳栩栩名園再歲能通

夢寐乃卧席之未煖已召命之載臨天目峰

前擁翔鸞而開節鎮錢塘渡口騰白馬而閱江

潮百萬儲督連錦纜牙檣爭輸禹貢十千士卒

數馬集
卷之二十八
士

下瀨大樹漢旌士庶倚為安危

其領袖匪受知于北闕寧直起乎東山某筮

仕江淮會長鳴于一盼歷官海岱辱推轂以三

遷初報起家已彈冠而相慶迨聞受事即磨楯

以陳詞所懼在心於儀為末而飛來雙翮不勝

道路之艱艱備百朋奚啻瓊瑤之重是墜簪故

履仁者不遺而乾餼木瓜下吏增媿者也禮無

敢却感則難云因使以謝惟祈台照

答丁哲初主政

湖南接席千秋意氣如新濟上驅車數舍音容
若覩忽承聲款重感慙慙恭惟門下珪璋國彥
詩禮庭趨弱冠承恩工射邠生之策大邦作理
能明孝婦之冤補闕拾遺擬躋赤墀文陛含香
人直暫資經國籌邊在粉社以爲榮於梗材猶
未稱不佞情深共事若闕道之于濂溪喜竊彈
冠効王陽之爲貢禹道經齊魯惟憑頰鯉以傳
心契洽芝蘭難騁花驄以會面翻勤瑤翰遠惠
珍儀言言皆肺腑之談燁燁悉珠璣之品紫花
數馬集

卷之二十八

三

可服憶風人於緇衣瓊某堪殮坪平子之青玉
願言努力莫旣謝棕

答李我存水部

時從閩校士來

龍門地迫作冠冕於南州水部名高司咽嗟於
東土交慚倚玉喜荷贈瑤恭惟門下吳山鍾其
秀拔湖水漾以澄清文比浙江潮湧波濤於萬
斛胸同滄海日耀金碧以千層得士九十人看
待衡於海國懸崖三千仞觀蹈水於呂梁矧汶
泗居其上流而轉輪藉以北向隨盈隨涸驚心

清濁之流或洩或隄竭力胼胝之事濟大川者
是爲舟楫識時務者在乎俊傑某憂民有志專
閫無能分隣光於一宵竊自幸已沾河潤於九
里敢無言乎而金玉之音以時而至瓊琚之報
視投益奢感與媿并而忤隨忤會敢不拜冬官
之賜庶幾結歲寒之盟

答溧陽徐令

舍侄門人

南宮射策馬前得意方新北海開尊歷下交歡
如昨憶輪儲于塞外遂剖符于江東贈我以言
數馬集

卷之二十八

四

不盡陽春白雪自君之別久無去鴈來魚坐鳴
子賤之琴民風返朴高飛王喬之鳥天路斯遙
令尹關門瞻昨宵之紫氣使君地主阻暮歲之
清觴忽枉瑤械兼承瓊惠論交必稱乎小阮生
死之情自深錫履有慚乎太公古今之人相遠
過蒙獎飾徒感纏綿紫帽羅裳敢忘粉榆之社
龍溪瀛里况屬肺腑之親願結此心同堅晚節
肅此奉謝不盡私衷

答王霽宇總督

謝酒廂八祀

報德崇勳於有司爲常典祀先廣孝惟仁人爲
美談在公論固常明欲任德其奚收恭惟臺下
海嶽英靈國家楨幹忠貞世篤人稱名卿之子
名卿之孫安攘才高世謂軍中有韓軍中有范
念深祖德曾忘身以急公思及鄉邦未專祠以
食報爰新堂構聿啓烝嘗駿奔雖勞乎縣官愛
慕寔緣乎父老葢甘棠思召猶勤勿剪之歌而
畏壘祝庚默成不言之化所過若彼于居亦然
其仰止高山知典刑之在望邇流北海嘆潤澤
數馬集 卷之二十八 五

之方長順此衆心享于前哲豈望馳書千里之
外顧謂增榮一字之褒君子篤于親禮則然矣
先生祭於社古不云乎拜命增媿分光有榮聊
布謝衷統容微展

賀溫御史大夫加太子太保
秉憲西臺六載懋貞忠之績奏動 北闕 九
重施寵渥之隆官亞三孤俾趨踰於 鶴禁禮
殊百辟仍領袖乎豸冠中外具瞻士紳共快恭
惟台臺儲精太華孕秀長庚清如玉井之水人

倫芥藻明比秦臺之鏡世道綱維出入紫扉世
擬朝陽鳴鳳保釐於越人皆解劍易牛納言作
虞氏之司空執法總漢家之御史危言危行奸
諛因以回心正已正人忠直因之吐氣蓋狂瀾
將倒賴砥柱於中流而大厦方搖寄棟梁於巨
木時當再考 帝錫崇階白玉橫腰爲烏臺耆
舊之望 青宮作保乃 龍潛羽翼之臣非丹
款素蘊于一腔則殊眷曷來于 五位行互持
鑑衡而均四海曷止詔德義而保 儲皇某承
數馬集 卷之二十八 五

答李霖寰總河

聖主心存拯溺拊髀思濟世之才賢臣誼不避
勞引手援隕淵之衆東西南北咸受命而不辭
癸甲辛壬何過門之暇入豈惟遺吾 君以逸
行將冀斯世之安恭惟台臺伯仲元愷奔走蕭
曹傾峽倒流浩蕩千秋詞藻決雲中斷肅清萬

里妖氛破虜平蠻勲已垂乎帶礪洗兵放馬身
暫憇乎林臯乃唐堯其咨深惟洪水之微而帝
臣不蔽共先大智之庸席不暇溫起家而領五
藩之節制舟無停棹沿河而涉九曲之波瀾渡
泗入淮訪二陵之佳氣鬱鬱蒼蒼弔古懷今
歎有夏之餘休巍巍蕩蕩大風沛上傷心此日
之豚魚紫氣新豐拭目他年之雞犬思之必且
達旦挽此豈待崇朝若某才匪濟川職惟守土
負薪有力何敢便其私圖借筋無能終有孤乎

五馬集

卷之二十八

七

明問若杪秋水落使衰鄭莊之糧則大野地連
敢後尚書之約遺之藻翰已騰笥篋之輝錫以
瓊瑤並重丘山之戴輶德有慚於青玉齋心願
告以玄圭頓首使前馳神天末

答黃與參大參

地拱神京藩輔會叨於五載嶽分泰岱保釐誤
錫於九重追惟此日之受知實藉同寅之舊
雅恭惟臺下東吳望族西浙偉人鸞掖文章海
內當年價重鯉庭詩禮江南此日名高騰茂實

於水衡胼胝之功猶在播芳聲於濟瀆旬宣之
績獨隆某誼媿斷金情深倚玉念東流之河伯
三年無沉璧之虞忽南去之波臣一旦成懷山
之勢人之所關若此我之爲想誠勞茲報仙舟
再經岱地黃流浩渺觀文鷁而潛消赤子浮沉
望慈航而克濟且懷故友以馳情因擢中丞而
有贈小東杆軸閭閻之情狀堪憐大內斗箕
臣子之挽回無計敢因弘獎遽昧微衷惟願冠
蓋重來東秦有得朋之助絲綸早下北極無

五馬集

卷之二十八

八

反汗之譏則吾儕之冠可彈而小民之席得貼
矣

答中秋啓

秋色中分顚氣映黃樓而競爽冰輪正滿清光
出淮海而生寒佳節屢逢賞心莫共徒想南樓
之興未傾北海之尊乃瑤翰墜自雲端似桂魄
來從天上彷彿乎清入肺腑依稀乎照徹關山
千里懷人玉繩低橫野戍中宵對月金波朗映
河干九頓附楫八行鳴謝

答嚴雲岑侍御中秋

勝告

清秋已半殘暑未消惟天上一輪不似終歲尋
常之色而人間萬戶共憐此夜皎潔之心況在
客中可孤娥影臺下光輝照世瑩徹絕塵蟾影
可數秋毫兔魄自成靈藥省方旣畢有開籠放
白鵬之思行部再周起渡江覓鱸魚之興濟南
充北有月遂不同看河澹星稀兩地空今懷想
然猶分茲醺醪贈以琅玕彷彿樓前望關山而
徙倚依稀席上睇天漢以流連苟寸心之可通
數馬集

卷之二十八

九

信千里之堪共言不能謝神焉已飛

數馬集卷之二十九

溫陵黃克纘紹夫著

啓

答李霖寰總河端午啓

葵花舒赤情傾夏日東升艾葉搖青馥逐薰風
南至吹噓皆惠照映爲榮恭惟台臺備德於乾
在時爲夏乾健也陽極盛而陰生夏大也物
大而功著承家開國前無尚父之勳平地成天
今有司空之績蒲觴應節衣綵服而泛丹砂柏
數馬集

卷之二十九

一

署凝祥縷色絲而纏玉臂躬旣膺乎百福澤更
沛乎七藩錦纜牙檣望帝京而入貢榜人舟
十誦使相以長年某德媿浴蘭心同施柏奉仁
風之浩蕩庶幾解恤於民樂永日以徜徉敢謂
拯溺由已拜茲厚貺益仞高情切玉包金想襟
懷之馥郁爛霞煥錦誦詞藻之輝煌慚報德有
未能敢綴言而致謝

答李霖寰總河中秋啓

兼序
贈詩

桂殿飄香此際常稱不夜栢臺弭節斯時况值

中秋同在齊天儼嬋娟於咫尺適從堯地分氣
色以陸離何處而無冰輪因君乃醉玉液恭惟
台臺山斗高名管樂弘抱李樹誕生耳李雄才
拔出天雄立德立言立功於今寧有其二作礪
作舟作雨亘古僅得其雙熊軾巡行控制三藩
節度使版輿迎養起居八座太夫人明月照青
徐樓頭邀謫仙共醉清風披海岱濟上作杜甫
浩吟驅河伯使東行波搖弄珠之女命望舒作
前馭鏡開偷藥之娥徘徊乎瓊樓玉宇之思斟
數馬集

卷之二十九

二

酌乎廣寒清虛之事行其忠悃發此壯懷某歷
下羈樓六載免欺鶴髮河干盼望半秋蟾戀貂
裘遂得分來未光穿簾櫳而朗照沾之餘瀝淪
肺腑以馨香詞托蒹葭豈無在水一方之想報
慚木李空有遡遊往從之情四句五夜之秋光
同看月霽五十六言之佳句待續風流言不宜
心感惟刻臆

中秋啓李霖寰總河

九秋方半瞻素魄之流天五夜方長湧金波於

滿地悠悠清實向栢臺而近人藹藹澄暉依水
衡而作鏡無緣共賞有願趨陪恭惟台臺氣鍾
秋顯心比月明照徹關山塞北遙分桂影才傾
江漢巴西大普蟾輝左輔中原士仰餘光披拂
銀河天漢 帝資鴻力昭回耿耿方寸間無微
雲之點綴盈盈一水隔總大海之朝宗蒼赤爲
懷豈以下車而忘荒度乾坤比量詎當良夜而
廢登臨長嘯太白之樓風生濟上朗詠希逸之
句思滿毫端某誼忝同舟竊附通家之北海情
數馬集 卷之二十九 三

答李霖寰總河賀壽啓

質同蒲柳吹噓誤及於春風賜比瓊瑤報稱有
慚乎明月敢將芹忱上獻槐卿恭惟台臺文能
興衰道堪濟溺應五百年之運見知聞知值三
千歲之春始花始實葢旌旄所至衆咸躋於春

堂而警唾一沾人遂臻於壽域某欣從同事獲
仰後塵少不如人甘作簿書沉淪之吏老之將
至已非康莊蹀躞之時乃遇懸弧過蒙贈佩年
幸其增於舊福欲其履乎新北海爲尊既難挹
此而注彼南山若礪願因自壽以壽君敬陳欸
款之誠用祝綿綿之佑仰手台鑒不任神馳

啟嚴雲岑侍御

奮迅於功名之途則積歲逾增閱棲遲於危
亂之日則稽時徒悚心神俯媿蒼生嗟一籌之

數馬集

卷之二十九

四

莫展內慚素志驚三載之虛過匪藉台臺心存
共濟如旦奭之涉巨川契比斷金若溫陶之獎
王室則值此天災人害之駢集何由偷安况重
以河伯宮尹之交侵曷能假息顛躓當不旋踵
旦夕豈能舒眉惟推挽有人雖庸夫可以得志
而卵翼及我故高位猶能久尸報政 天朝但
云虛塵九棘仰稽民部業已空糜千鍾摩頂曷
酬 主恩擢髮難數已罪辱頒盛貺祗切深憂
敬托蘊藻之微仰報瓊瑤之賜德以報德非玄

繡之所能將言不盡言豈毫穎之所可悉

荅李霖寰賀壽

時歷季而成年春能再至人閱齡而漸老少不
重來辱獎飾于大方增光榮于下走恭惟臺下
松椿比質山斗齊名與天地相爲無窮古今稱
柱下之李以元會而爲一世春秋熟海上之桃
功勒景鍾分之猶能不朽藥成丹鼎飴之亦可
成仙如某蒲柳之姿原無棟梁之具百年過半
鬢絲已改舊時九列誤塵 恩綍恐孤此日豈

數馬集

卷之二十九

五

直無心行樂尚圖抗疏辭榮仰止高山徒羨蒼
蒼若礪馳神濟水空懷浩浩長流乃辱念及懸
弧采芳菲而見贈褒以華袞蒙粉滌以何堪一
面勝萬戶封已諸素願尺牘抵千金璧永作珍
藏敢忘詩人木瓜之情願篤易詞金蘭之好庶
相邀於皓首同躋壽乎期頤

荅王對蒼司徒

八座崇班首重司徒之任兩都重寄均資名世
之賢 簡自北辰榮分東土恭惟閣下 社稷

重臣乾坤間氣千尋壁立胸中羅岱嶽之峰萬

斛泉飛筆下湧滄溟之浪建牙仗鉞聲名遠播

於寰區借筭持籌勛業久藏於盟府乞身而退

已浮范蠡之舟應 召復來暫典臯陶之獄惟

留都爲 王業根本 聖主之注念獨深而大

農繫軍國安危南國之儲需尤急遂從 特簡

使躋上卿轉 北斗之杓斟酌四時元氣登文

昌之 萬國供輸行當入作阿衡奚啻稱

爲計相某備官濟上望青社而非遙引領江南

數馬集

卷之二十九

六

恨白門之猶隔致表間之禮鄉名敢擬於鄭公
効彈冠之情交誼實慙於貢禹而華翰遠至佳
貺辱臨知厚德不遺於非葑畧其下體顧微情
僅同於片曝何當隆施受有餘榮感而生媿先
茲附謝容展鄙私

荅嚴雲岑侍御重陽啟

節屆高秋感韶光於鴈陣辰逢九日想逸興於
龍山懷抱當向誰開風流直爲君醉恭惟臺下
宅心寥廓寄念清虛騰年出塵翔翔雲霄之路

花驄按轡動搖海嶽之靈行部三年逢秋幾度
登高無侶何愁落帽之風戀 闕有心空憶授
衣之候茲來遠使得拜清言寄贈一枝天外朱
羸之菊剖餘雙鯉書中常棣之華似促膝以論
心若開筵而醉酒雖老去而悲搖落亦興來而
中聖賢慚先施之未能敢陳詞而致謝

九日啟嚴雲岑侍御

秋到重陽宜滿城之風雨花逢九日亦遍地之
金錢佳節已臨甘霖未溥方有事於名

數馬集

卷之二十九

七

致輒稽乎朋酒之陳辱臺下遠念同心寄酬佳
節懷人則歷峰華頂謂倩傍人正冠感物則紫
萸黃華擬使携香滿袖顧時序之如此曾意興
之無餘聞岱岳以南菊吐花而冒雨知使車所
止天從願以澤人是宜吹鬢東山落帽泗水卽
使閉門搔首亦當呼酒開顏敬獻桑落之尊用
助栢臺之興破彼寂寥何須藍水玉山忘其羈
棲勿問他鄉故國

答同年杜見田

十載塞垣壯金湯於薊北三年屬國存藩屏於
天東授鉞非遙同袍共企恭惟臺下儲精岱岳
毓秀海邦入佐司農足儲楮以富國出臨邊郡
訓豺虎以如林馳驅玄菟馬韓鎖鑰漁陽上谷
鯨鱗歛迹知滄海之無波鋒鏑全銷見玉關之
不閉臣僚罕見其匹吾黨誇有斯人宜專節鉞
之司作時方召卽正銓衡之位爲國夔龍弟早
附芳塵夙稱臭味金門待詔猶思對局之時東
土建牙復邇維棄之地音容久曠寤寐爲勞辱
數馬集

卷之二十九

八

記憶於寸心寄神情於千里風霜雨露養成五
葉之人形貂貉璵璠織作三冬之裘飾惠而貺
我有同十朋之珍感且厚顏無異三山之戴敬
拜服食之品用延犬馬之年外有微酬托之來
使

東曹嗣山總河

河伯橫流波臣震蕩 天子念徐充之昏墊懼
轉輸之艱難 特簡名臣付以重任蓋以撫綏
東南則三吳誦德鞏固根本則兩淮歸仁且甘

在河干能使濟汶順軌今司邦土奚難河泗安
瀾起魚沛於重淵直須手援挽波瀾於旣倒少
假心籌行入佐乎 聖明竚大弘乎經濟某承
乏東土獲佐下風胼胝無能坐視生民之陷溺
曠綬有日仰資元老之經營敬遣吏人肅迎台
駕知簡書之當畏異於往時庶蒼赤之更生卽
在此日

賀曹嗣山總河

國家命脉資河流以濟軍需社稷忠貞膺 帝

數馬集

卷之二十九

九

命而司邦上榮兼蒼珮錫重玄珪恭惟台臺燕
趙偉人乾坤間氣應千之運卬嶽於焉降神
鍾八斗之才子建於今嗣世五年河上驅天吳
而使朝宗十載江南奠鍾山而安若礪有異才
者必膺異眷宜受 帝堯特達之知建偉績者
必待偉人竚收神禹平成之烈蓋倏南倏北陽
侯之遷徙無常而護運護陵亞相之經畫未一
加已通於此日河猶決夫昔年魚單濟豐處處
遭乎陷溺金錢竹木事事困於徵求思得元老

出之深淵何異大旱望乎時雨旌旗北指河伯
宜避威靈舟楫南來守臣當奉約束事關 宗
社敢不矢以同心害切生靈惟祈痼然一體執
鞭固所願也抱薪亦何辭焉茲當下車之初未
遂趨府之願敬將芹藻陳其踴躍之誠望采菲
葑鑒其歸依之念

荅曹嗣山總河

春風淑氣渡江從使節俱來河濱洪波入泗待
神功而奠歡深魯地貺及齊僚恭惟台臺人傑

數馬集

卷之二十九

十

授天帝臣名世剖符同漢吏循聲滿淮水東西
分陝比召公遺愛著大江南北一言而安反側
宦寺消魂百萬以足儲精廟廊倚眷以堯時而
遭洪水懼漕輓之艱難因舜命而作司空期府
事之修治已饑已溺真若推納溝中民力民財
無不熟籌掌上玄珪未告陽侯固已効靈白壁
一投河神行爲聽命某叨從列棘之後宜効負
薪之勞矯首轅門與龍門而何異傷心汶水合
黃水而同流願假慈航濟茲有衆乃陸離藻翰

遙分栢府之光鄭重瓊瑤迥出文昌之署秋毫
莫効飛塵願集於泰山河潤可沾勺水終歸於
大海敬陳謝悃仰冀臺涵

荅溫用廷侍御

在兩浙時

使星按部光寒吳越之墟法雨隨車澤潤滄桑
之域吏民戴德閭里分榮恭惟臺下鯢變清漳
鵬飛峻海剖符名邑馴知再見於
臺棲鳥復還乎栢署辨奸賤貨之論既爲
朝廷復爲來梓謀繩愆糾繆之疏不爲性命計

數馬集

卷之二十九

十一

肯爲功名計茲省方海曲持節江干柱後惠文
布清風於廣斥胸中愷悌流湛露於窮簷天目
雲間盡屬勝遊之地吳歌剡曲孰非誦德之聲
某幸屬粉榆竊聆緒論快吾黨之有人謂太真
復出漸治行之無似豈次公可論過辱華袞之
詞兼拜鼎彝之賜錢塘江水未若此情之深鴈
蕩峰巒願比高名之峻肅茲附謝未罄所懷

啟沈太素中丞

東土旬宣懋著三年偉績中州節鎮竚看九列

芳猷簡在出於帝心推轂協乎輿論文經武
緯河洛快觀熊車春雨秋霜梁宋爭來竹馬某
海隅陋質山左備官值歲事之不登加河流之
旁溢撫摩鞠育全賴保釐之賢左右後先實借
經綸之手一朝擢去覺孤立而無依兩河中分
願垂睎而永顧露肝披膽敢有隱於白日青天
舊誼新情可共指夫嵩山岱嶽仰承別誨益動
遐思載俟抵梁之晨當遣渡河之使

荅馬鏡石

數馬集

卷之二十九

十二

國家肩背實倚重於遼陽東北疆場咸取途於
山海當其衝者臥甲操戈膺斯任者施綸設餌
恭惟臺下抱安攘之弘猷負經綸之偉略以韜
鈴爲甲冑匈奴遠避旌旗以信義爲干城日逐
遙歸啓戟行勒勳於彝鼎將秉軸於廟廊某托
跡海濱備官歷下識荆未遂知今世之有伏波
式段方殷信邊疆之用馬燧忽承鴈使遠寄魚
箋來梓情深投贈總皆瓊玉開河阻隔提携何
啻干耶拜德難勝懷人逾切

荅王華岡主政

計吏大典憐才公心恕以蒐乎匪人重在揚平
善類至於門下江南名士宇內高賢戶曹清淨
著聲豫郡循良懋績十年偃蹇司馬久滯江州
兩部量移馮唐猶屈郎署不佞同官昔忝二千
石共事今叨三數年志願君子之得輿情効古
人之推轂吹毛求疵之舉非所加於正人乘風
破浪之期是所望於良友敢因明諭布其鄙私
荅甘紫亭中丞

數馬集

卷之二十九

主

天目秋高逐熊車而至止岱宗地迥瞻虎帳以
忭歡佳貺遙頒餘輝遠被恭惟臺下熙運夔龍
憲邦申甫濬源章貢襟懷彭蠡淵涵孕秀崆峒
氣節匡廬聳拔栢臺簪筆風稜見山岳動搖赫
寺明刑仁恕爲朝廷倚賴持鉞於江淮河泗
未竟厥施搜材於巖穴山林乃昇斯任名藩海
宇十三何如兩越之重常賦帝京百萬足當
半壁之雄江之潮海之波映旌旗而恬若文爲
經武爲緯瞻儀刑而肅如葢發號施令之初仁

已孚於十郡而遺簪墜履之感情已注於三齊
豈以昔日綰符不獲辜於父兄子弟今時建節
且並列爲爪牙股肱室邇人遐魚之來卽鴻之
徃情通意契瓊有贈而桃可投謹對使以颺言
長臨風而懷德

荅留都科道

三載黜幽事有關於大典兩都持論權最重於
明時辱虛懷以下詢敢披誠而臆對蓋監司
於風化品格爲先而吏治係於民生操持爲

數馬集

卷之二十九

主

明明法紀誰敢妄干籍籍語言豈能終掩故
毛以索垢則恐世無全人而緣跡以觀心亦見
士多遺行今茲公舉惟據輿評台臺持一鑑以
高懸奉三尺而無爽咨諏遠及法先民之訪芻
堯彈射將加如良農之去莠莠何敢秋毫有隱
以誤知人之明惟懼風聞未真俟採通都之論
中秋啟曹嗣山總河

水輪湧海蟾光高映霜臺玉露垂空秋色平分
水部天上雲收霞歛人間波靜川流恭惟台臺

秀鍾恒嶽望重中朝爲 帝股肱之臣敷歷南
北司國咽喉之任平治山河役不逾時狂瀾盡
歸滄海名方畫閣成功宜執玄珪茲念魚鱉之
民始登枕席猶屈夔龍之侶久涉泥塗金波千
里映鵲船以流輝丹桂一枝向龍門而飄馥某
幸瞻光霽暫隔關山睇月戶萬有二千欲丐囊
間玉屑計秋期半於九十共看夜裏金丸香霧
氤氲遐想南樓清興涼風蕭瑟願供北海芳尊
倘葑菲非以下體而遺則蘊藻可望上公以獻

數馬集

卷之二十九

五

仰祈台炤曷任斗瞻

荅陳景玄漕臺

恭惟臺下挺標南岳振藻中朝抽金匱石室之
藏文追賈董抱浴日洗天之志品擬臯夔譙論
正言適應龍虎風雲之會民生吏治徧觀燕齊
吳楚之墟飛輓與雲連直爲神京西北轉輸盡
天下豈徒半壁東南某承乏瀟湘儼文星於咫尺
備官海岱瞻法曜以歸依皇華寄以諏詢念
有懷而靡及草木收其臭味信無言而不酬一

羣渡金陵致瑤函於雙鯉五花照文錦來瓊貺
於乘驄贈以金錯刀情之深兮若江水報無青
玉案我所思兮在衡山敬托鄙詞陳茲謝悃

賀沈相公正旦啟

鳳閣春回德澤隨三陽並布麟圖勲渥熙隆與
五福同躋朝野同懽華夷胥慶恭惟相公閣下
至誠無息大道爲公獨相三年人坐春臺壽域
協恭數載世謂杜斷房謀定 國本以一言不
假綺黃之力安 社稷以爲悅堪稱旦奭之臣

數馬集

卷之二十九

七

人心不同市或談而成虎陽和旣布鷹終化而
爲鳩小往大來咸占泰運貞下元起共仰乾清
洞壑再封地道安其博厚農商皆悅天心謁其
慈仁徵召窮乎隱淪中外列茲俊乂孰司調元
之柄可徵補袞之功宜福與世運俱長而眷與
歲華並盛者也某才垂用世識寡通方畿輔之
民皆吾民微潤何惜升斗江淮之吏非齊吏分
疆致起戈矛惟相公察其無他如陽春煦以有
脚感方除之日月猶然竊祿如舊時睹交泰之

沁天敢望承恩入新歲祝岱山以若礪望北極於五雲

荅宋繹田侍御

北辰將命人稱翰苑神仙南國觀風地是故都根本窮江山之勝槩寄來梓之遐思惠比瓊瑤句垂琬琰恭惟台臺東秦才士盛世名流天門挺爾孤高日觀鬱其雄峙蘭臺石室輝煌太乙青藜文陛赤墀震竦西臺白簡手携雨露灑落三山二水之間袖帶風霜浥遍晉殿吳宮之外

數馬集

卷之二十九

七

其備員海岱密邇云亭想像清芬宋弘之威容器宇瞻依丰采廣平之政事文章驄馬行行猶艱面晤江流浩浩徒切心馳驛使忽來吳地之梅花正發瑤槭辱往濟南之柳眼爲青極知弘獎風流葑菲無以下體但慚靖共正直案稅用過其材奉大教以周旋拜隆施而刻鏤

荅蔡雲岑侍御中秋啟

時嚴在城

河上風光想玉人於數舍齊中月色醉瓊液於三秋無由卽鄉了問官徒欲向嫦娥分藥恭惟

臺下胸有廣寒名高柱下令動搖乎山嶽宅心一任清虛法振肅乎青齊微雲豈能點綴茲當報命久緩代期家在夢中挹嬋娟於兩地情馳歷下憶酩酊於他年一詠一觴邀明蟾而爲伍此時此夜分綠蟻以同酣惠比瓊投人非室邇願恩綸遂躋於卿月看絳節復返乎使星瓊宇玉樓朗吟蘇公之句貂裘鶴髮遙憐子美之愁爾時各天無忘今夕

啟高唐王

數馬集

卷之二十九

末

崇德尊賢乃聖朝之盛典樂善循禮實藩國之芳規行旣孚於家邦寵宜膺夫綸綍恭惟殿下銀潢衍派玉葉垂芬孝敬天成誦詩廢蓼莪之詠仁慈性植好賢賡杜之歌祿入散於周親雖貧士且賴以舉火閭澤及於枯骨卽行路亦免於興嗟某職奉詔書治先風俗在閭閻一節之善尚宜表揚矧郡國美行之彰豈應泯湮入告我后堪爲寶牒之光傳布四方永作价珪之範在舉者豈堪任德卽當者

奚必稱酬而藻翰來臨瓊儀遠錫徒令捫心增
媿對使自慙幣帛尊疊冒不恭而返賜鏡儀書
刻承雅意以登嘉附布謝悰仰祈鑑炤

賀曹嗣山總河壽啟

斗柄指南屬萬里熙明之會譽星垂耀應百年
壽考之徵倚恒嶽而懸弧濟大川而作楫恭惟
台臺炳靈畿輔毓粹乾坤期當五百年而人
生信天將降大任河決十數載而流始順豈地
無意効靈洵爲才兼文武之全卓乎身係君民

數馬集

卷之二十九

九

之望上卿綠鬢白玉行見橫腰穉子斑衣蒼壁
持來繞膝時逢五月值蟠桃正熟之期兆啟中
台當玉燭耀光之會人歌五福指月恒而日升
帝錫千齡示波恬而浪息某心同弱草願學松
栢之堅貞質比飛塵欲附峰巒以長久隔盈盈
之濟水莫遂鳬趣指巍巍之岱宗祈齊鶴筭

賀蹇理菴制府

司馬位崇專閫控長城之寄 青宮望重殊恩
壯元老之猷天降絲綸人增踴躍恭惟閣下熙

運夔龍明時方召文園學海波瀾與巴宇爭流

并鉞參旗威望與塗山並峙教典齊魯至今絃
誦遺風澤洽勾吳當日黍苗甘雨薊門鎖鑰驕
胡何敢馳驅遼左綢繆窮塞咸安枕席 五位
不憂北顧 九陵深倚重關秩晉六卿仍使運
籌鉅鎮榮登八座又令作保 東宮 天子用
以酬勞臣斯爲盛典將士因之趨幕府共祝萬
年某岐海鯁生宦途鴛品蜀中振鐸幸登畫錦
之堂山左視師遙奉夏官之律觀茲勝事同効
數馬集

卷之二十九

二

荅溫用廷侍御端午啟

雨洗岱宗消五月之旱熱雲橫歷下分一夜之
甘霖民歌禾黍更生吏樂艾蒲應節辱丹符之
遠賁兼綵縷之疊頒珍重瑤章藹粉榆之在念
綢繆瓊貺寄昌歆以繫思開樽如挹芬芳拜賜
願增福祉一言附謝九頓歸誠

荅李光宇侍御

蜀中

翰苑讐經擬代絲綸之任栢臺持憲新居諫諍
之司福澤行被蒼生榮華先分知己恭惟臺下
玉壘標奇錦江漾彩方童子賦碁之日穎比鄴
侯及經師請業之時博同李謐石渠較藝名高
金馬之班烏府乏人職列青驄之選惟才是使
豈此之薄而彼之榮何官不宜况春之華而秋
之實言開國是一言便可千秋手整朝綱雙手
堪扶二曜不佞夙緣文字得睹風神識謝九方
敢云索之牝牡驪黃之外學慚康節豈能辨之
數馬集

卷之二十九

圭

根荦萌蘖之中而門下雅道獨持高情偏注植
桃李而得食古有斯言校木瓜以獲酬今誠非
妄煨燴重幣未敢受之以累清曹馥郁佳蔬直
當嘗之使沾大惠扇仁風於蜀素肌骨皆清退
煩暑於吳茗心脾爲醒筆難盡謝意與俱馳

荅江成宇臨清鄉紳

西川掄士幸頻挹乎德輝東土備官更接連乎
仁里天涯每憐舊識地主敢忘高賢室雖邇而
人遐形未合而心接盛年有幾一謫可堪十年

百載易過三立始垂千載知君方留神不朽事
業魏走徒疲精無益簿書蒿目憂民曾何補饑
溺赤子抗疏論事難盡達 恭默聖君故知往
不如今且謂進當思退辱故人之投贈意重瓊
瑤感夙志之多違慚生尸素因風寄謝望月增
思

數馬集卷之二十九 終

數馬集

卷之二十九

圭

數馬集卷之三十

啓

溫陵黃克纘紹夫著

答李玄石中丞

地本唐虞開府宜資名世界嚴夷夏運籌實藉
偉人 天子所重西藩鄰國敢誇左輔王盟應
歸於登圻代興未擬於投壺恭惟台臺才高二
輔望重兩河壯內安外攘之猷鎖鑰冀北弘文
經武緯之畧綬輯晉南表裏山河三載民安枕
數馬集 卷之三十 一

席恩威霜露百城吏肅典型養士壯虎豹之威
投石思戰施組繫犬羊之頸搖尾乞憐信國家
萬里長城當今韓范爲宇宙千年間氣他日富
歐某邊海迂儒遐方俗吏刑名錢穀効一割於
鉛刀經濟韜鈴泰六年於玉斧五臺三觀何能
頡頏西東馮翊扶風幸爾股肱左右情徒深於
御李禮尚廢於投桃忽枉瑤函遠辱珍贈煌煌
華衮分同臺以爲榮燦燦朱提擬南金而更重
敢拜明德併謝高情

謝宗伯于穀峰先生

內臺假節時已歷乎三秋左輔曠官罪將盈乎
萬狀方反躬而增懼何頒賜以分榮恭惟老先
生台座學爲帝師才稱王佐高門衍慶應陰德
而誕祥曳履登朝弼清時而作輔寅清禮秩望
重夔龍啓沃君心功歸伊傳急流勇退方漢代
之疏公高臥未安比晉朝之謝傳至於文章制
作凡順孫孝子誰不乞言若乃道德儀刑雖野
老田夫亦知矜式高山仰止世人瞻似岱宗衆
數馬集 卷之三十 一

水會歸學士稱爲北海是以一言爲時輕重又
以一身係國安危者也某待罪大邦媿乏片善
糜大官之廩祿空咏伐檀觀赤子之流離每慙
負乘泮水無由就下勞民安得小康雖報政於
廟廊難伸眉於黎庶仰藉萬間之庇得逃三黜
之羞揮翰陸離榮已同於華衮投瓊珍重好復
比乎緇衣眞戴嶽以難勝徒隕淵而增懼

賀葉臺山相公

東閣崇嚴弼 一人而論道 北辰清切聯四

輔以分猷異命遙下於金陵晉錫遂登乎玉鉉
情協夢卜懽動臣隣恭惟相公閣下胸吞雲夢
背負天風鍾玉融石竺之精才堪輔世負泰山
北斗之望文足興衰千里留都心常懸於日月
六年少宰望無間於紳纓華夏咸識高名兒童
亦知舊德 九重渙號簡二三執政以爲股肱
兩地升賢舉億萬生靈而繫命脉吾鄉自楊相
而後二百年而再鍾今日與李公同升四百里
而一值夷典三禮官已躋於秩宗禹宅百揆望

數馬集

卷之三十

主

史於紫閣拔從遠地信 大聖人之作爲奮
自踈踪知賢宰相之遭際縉紳彈冠而觀燮理
士庶翹首以望太平某案稅微材簿書俗品衣
冠不乏幸生桑梓之中道德可師不隔門牆之
外談詩論政榆楊資華國之文奉詔宣麻慶幸
得揀時之相心同雀躍喜陶冶之方新勢阻鳬
趨覺併幪之有賴敬馳下吏代布賀私

荅曹嗣山總河中秋啟

萋野秋中顯氣動南樓之興岱方月滿清芬浮

北海之尊念深玉宇之寒感切瓊漿之賜恭惟
臺下文光射斗法曜當空奉玉檢以奠堯封望
隆卿月執玄珪而追禹蹟身泛仙槎千里漕渠
流入太液秋水一天星宿分來金掌露華璧馬
暫投何異靈光偶食金波再泛共誇朏魄示冲
其九載抗旌三秋負弩冰輪在望歸依敢後於
纖阿香霧微遮談笑莫陪乎庾亮遠來嘉貺雅
倍恒情在水一方欲迴流而未遂望月兩地敢
搔首以同看

數馬集

卷之三十

四

荅曹嗣山總河賀晉秩啟

有贈

侍從九列華班幸厠衣冠之末文章千古盛事
敢邀黼藻之榮拜大貺以難酬托空言而致謝
恭惟台臺氣排山岳手正乾坤緯武經文南國
蒼生禔福真川敷土西來河伯安瀾揆之至難
而不爲之驚行其無事而終克有濟誠今時救
溺之元老乃千年名世之大臣如某徒以文墨
雍容佐司空之末議時取簿書期會課長吏之
成勞於國何裨晉官實媿台臺爲乞故老之言

揄揚不置大彰 明主之寵焜耀有加豈以爲
決爲排曾從十二萬人之後或念曰僚曰案已
厠六曹貳卿之餘故大書特書以示榮且多儀
多物以爲禮中心鏤矣奕世寶焉採濟北之芳
蓀欲當芹獻無泰山之青玉有媿瓊施

荅周鶴峒雲南按院

奉使天南繡斧芒寒昆水馳書濟北雲箋色映
岱山佳貺輝煌雅情珍重恭惟臺下流芳益國
挺秀武當橋梓弟兄應昌期於楚地雲龍風虎

數馬集

卷之三十

五

著直節於虞庭祥刑垂譽於星沙明明司李貞
度有聲於滇海皇皇者華鑿地生金開塞有勞
於調劑禦夷戕使安輯大費乎經營某昔守湖
南資同心而共濟今官山左仰餘馥以遙分萬
里襟期想像於金馬碧雞之外千秋意氣遲徊
於點蒼羅錦之前茲惠瑤章兼蒙珍貺北來有
鴈高情若下雲霄南去無魚鄙意難酬瓊玖齋
心九頓附使一言

荅曹嗣山總河賀晉秩啟

瑤章珍重摘詞況出於名卿錦繡輝煌投贈謬
及乎下走感惟刻臆詞不能酬恭惟台臺昂宿
儲精恒山毓粹宦績著大江南北人稱一代宗
臣威望鎮岱岳東西世仰兩朝元老天河手挽
微司空人其爲魚國脉身培有河臣 帝不沉
馬旣出疲民於昏墊復貽守土以安寧某待罪
三齊媿胼手胝足之未効備員六載懼分猷共
念之或遲卽華秩之驟遷皆鼎言之誤借何日
不聆聲款寧待乞言於公卿仲紙卽爲丹書

數馬集

卷之三十

六

須更榮以黼黻豈草木昭其芳味而金蘭許以
同心總戎揄侍中貂謂是貫魚而進殊錫爲少
司馬佳其附驥以升焜耀多儀不啻百朋之重
揄揚滿幅寧論一字之褒頓首登嘉宜示雲仍
而作寶銘心致謝將指天日以不忘

荅曹嗣山總河

黻序育才偶濫收於穉子青雲發軔敢辱獎於
宗工誼重通家感深贈佩恭惟台臺文章範世
勲業康時汲引後生下逮繭粟之續接待賤士

不遺黃口之雛蓋人之大賢於微物何所不愛而誼深同事於小子九極用情第庭訓未閑面墻是懼偶逐隊於里選得廁名於學宮非敢誣主司以徇情實且虞孤寒之竊議門題鳳字恐貽鄉黨之羞家有蠹書難強愚頑之讀而台臺方且以青衿爲喜以佳幣辱臨殆將誇其出藍實未覩其曳白如公子登科接武信有萬石數馬之恭使豚兒執策以從僅同越石張蓋之役蒙茲佳貺益重滯慙未敢反璧於叢臺尚容獻數馬集

卷之三十一

七

環於幕府

啟戴給諫

蜀中門人

人間榮壽考五福載在箕疇世上重英才三樂垂之孟訓辛敦斯義敢忘微酬恭惟台丈文光射斗正氣塞天國是人心賴一言而底定用賢行政藉再疏以脩明紙價高於京師聲華震乎中外三巴生色兩掖增光某教乏文翁敢謂七經曾授學慚楊子何有奇字堪傳觀吾黨之有人喜斯文之識大茲行年六十方慚樗櫟之得

全而激水三千樂觀鯢鵬之變化遠承使者爲祝遐齡壽國壽民賴高賢以不朽知止知足席餘庇以苟延雖無錦繡琅玕可酬厚雅敢採澗谿沼沚用表微誠仰祈鑒涵曷勝祈慰

荅戴給諫賀壽

時歷季而成年春能再至人閱齡而漸老少不重來辱獎飾於黃扉增光榮於絳帳恭惟門下挺標玉壘毓秀金華天祿窮經胷中羅元會運世諫垣視草筆底凜成敗興衰直將維國祚數馬集

卷之三十一

八

於靈長豈止正士風於偏黨閔子言必有中張公天亦可回如某蒲柳之姿原無樑棟之具六旬已至鬢絲大改舊時九列誤塵恩綍恐孤此日武夷六十六峰之秀時入夢思大峨八十八盤之巔如同隔世惟願交遊垂芳於竹素庶幾麋鹿得返於林丘乃辱念及懸弧采芳菲而遠寄贈之華袞施粉滌以遙臨南極老人敢望星辰懸象東川名士願言井絡增輝詠詩人木瓜之詞將何以報篤易詞金蘭之契幸勿見遺

荅張蓬玄堂邑鄉紳

持衡秉鑑乃丈夫得志之秋事賢友仁寔君子
居邦之禮未陳踴躍忽枉高華感激有心惶媿
無地恭惟台臺海岳名流乾坤間氣文章道德
品素擅乎三齊政事刑名譽獨高乎八郡人倫
領袖方膺品藻之司海宇衣冠盡入妍媸之鏡
望維乘而敬止同衣繡以歸來某位忝治齊才
媿微管過于廬而必式豈無是心望龍門而獲
登未諧斯願一片致賀尺牘未通亦以天部過
數馬集 卷之三十 九

啟曹嗣山總河

庠序才多偶濫收乎稚齒詩書業廣徒增媿於
面牆辱元老之垂睇使後生之益奮恭惟台臺
文章名世科甲傳家紹前哲之風流登其門者
如同元禮作後學之山斗被其教者若仰退之
公旦位尊吐哺禮白屋之士恭邕望重倒屣迎

王公之孫千古美談於今再覩小子初辨菽麥
未識亥豚逐隊萬人之中宜淘汰之見及躡足
多士之後乃簸揚之居先遂厠黷門望宮牆於
數仞暫遊泮水採芹藻於三春此於功名之途
本未足爲輕重卽論箕裘之業亦何裨於有無
而獎錫驟加情文備至固知屋烏之愛雖猶子
以莫踰徒令舐犢之私因名公而彌切通家孔
李誦高誼於千秋結綬蕭朱懷深情以沒世薄
陳蒞藻少荅瓊瑤仰冀台涵曷勝私忭
數馬集 卷之三十 十

荅秦耻壘南刑部郎中

來梓多賢誰是衣冠文武縉紳有後君稱述作
箕裘詞湧海潮追漢唐而稱美筆搥峯嶽比魏
晉而爭雄恩波流三山二水之間平刑粉署製
作盈龍蟠虎踞之外攬勝舊都斯乃海內禮樂
之英豈直泉南山川之秀某才居人後齒媿君
前足跡遍天涯慚無文章功業宦輒周郡國空
知錢穀刑名偶台駕之過東秦得通鄉往主文
星之臨岱嶽尚阻追陪念舊社於枌榆知公有

幾懷故家之橋梓於我尤勞忽枉金玉之音兼
拜瓊瑤之贈陽春白雪知屬和之皆難戲海遊
空見翰墨之堪寶惠已大矣報實難焉至於執
誼之謙尤爲存心之厚婆娑衰髮敢曰是丈人
行浩蕩長才惟歎是佳公子願作忘年之友共
圖不朽之謀會面未由剖心以荅

荅王笠云蒙城令

舊晉江

清源山下遍植堯花刺桐城邊猶遺棠蔭雖無
端而得謫終勿翦以興歌茲 帝里分符添園

數馬集

卷之三

十

問俗蕭條滿目緣水旱之頻仍霖霖隨車知瘡
痍之頓起北方民質是曰是而非曰非瘠土俗
淳樂其樂而利其利行見蜚聲文部拜命清曹
大昭輿論之公益究高才之用某質同蒲柳器
匪巖廊仗鉞塞帷鉛刀豈堪効割拯饑濟溺驚
足空欲奔馳而老父母獎飾過情慰存逾禮自
非木石敢忘瓊瑤騁目淮南憶冠劍遨遊之地
馳情座右見父母撫字之心拜賜難酬附書以
謝

荅蕭念野侍御

百年大旦暮惟君子不爲虛生千載此乾坤若
賢人自不能朽故五百年乃生名世卽八千歲
僅爲一春方祝遐齡媿丹衷之莫展遽叨厚報
辱青玉之寵頒恭惟台臺堪輿間氣燕趙名賢
柱史省方共羨皂囊驄馬真人出世咸觀紫氣
青牛昔日燕臺掛扶桑之一矢今朝岱郡添海
屋之雙籌玉液爲尊悵莫躬於燕賀金聲擲地
忽遠逮乎鱗箋拜賜踰涯何異投桃報玖陳詞
數馬集

卷之三

十

鳴謝願方翠栢蒼松多壽多男矧是箕裘奕世
福民福國竚看銜鑑當朝伏乞鑒涵可勝雀躍
荅朱午臺憲副

甌越承宣治行高於神爵清源彈治德化感乎
豚魚久荷帡幪兼承優渥恭惟老公祖臺下天
目人豪朱公世胃校書中秘窺金匱石室之藏
起草清曹負周鼎商彝之望一麾出守清聲與
劍浦爭流八郡持衡明德共桐城俱永茲觀風
於唐虞之國益展采乎汾晉之墟河東固 天

子股肱使者誠吏民師帥某泉南下士托餘庇
於萬間冀野舊遊望清微於兩地情深結綬未
陳踴躍之私意感授衣忽荷綢繆之眷卻爲不
恭念多儀與瓊瑤珍重服之無斂思寸綬亦機
杼所遺敬布謝忱爰托來使

荅蕭念野按院賀壽啟

孤矢志在四方壯心未已乾坤事集雙鬢暮景
堪嗟過辱矜睇難圖報稱恭惟台臺去天尺五
應運三千與宇宙相爲無窮史載忠言謹論以

數馬集

卷之三

十三

元會而爲一世人稱廉政芳猷東土久躋春臺
同事深席餘庇某才慚用世學媿尊生蒲柳微
姿應秋風而漸謝斗筭小器叨重鎮以難勝非
左提右挈之有人懼隕淵墜谷之無日茲當逼
歲適值賤辰感齊地之荐饑一籌莫展歎榆年
之將至九轉無成方思抗疏辭榮敢念及時行
樂乃蒙連城分惠華袞爲褒挹北海以爲尊難
攀一醉指岱宗而作豆莫誦初筵蘊藻是將第
採毛於沼沚木瓜長咏難報德於瓊琚仰祈台

涇不勝私幸

荅李晴原方伯

保釐重任竊位是慚卿貳舊銜承恩已重矧糜
祿已逾九載而匡時莫展一籌連歲旱蝗小民
艱於粒食六州賦稅邊境難以灌輸雖焦勞至
兩髯俱斑而饑荒任千里皆赤方懼誅而引退
敢希寵以躋榮 聖主寬以待臣不加斧鉞冢
宰明於察吏暫餘青黃而功罪終不可淆黜陟
卒未有定身惟一去庶可逃負國負民之愆疏
數馬集

卷之三

十四

荅總河劉華石中丞

凡三陳尚未諧知止知足之願辱馳詞以見獎
實引鏡而知羞敢托短裁奉酬遠意
栢府新開濟上旌旗動色華臧遠被齊中僚案
知榮惠比瓊瑤戴同山嶽恭惟台臺扶輿間氣
陸海名人玉樹水壺嚼爾人倫冠冕天辛雲錦
蔚爲神化丹青敷歷中外幾四十年控制河山
逾數千里馮夷用命錦帆片片飛來雨師效靈
漕渠盈盈普濟某恭逢名世竊附慈航海岱堯

封敢謂灌輸可後幽燕爲貢庶幾鞭策得前陳
踴躍之懷惟假溪毛澗藻接綢繆之寵重承玉
案瓊英仰高厚之難酬惟臚腑之可勒築宮宣
房之上此時蒼珮暫懸聽履未央之間他日玄
珪入告敢附燕牘少布謝私

荅舊充西道少參胡華流

遊宦非遇桑梓之幸而遭逢賢哲爲幸居官非
露才諝之難而設施正大爲難門下東來齊中
共事雖僅數月未覩成功然不佞存心想已窺
數馬集

卷之三十

五

其底蘊而老丈行事亦已露其精神可謂兩相
遇而有合豈云外相孚而尚遠既聆丰韻於舉
動談笑之間復挹其誠於簿書文移之外固千
里而一值豈吾黨而多逢忽移西江遂辭東岱
高飛鴈影陣寒南浦之雲遠寄魚書光照西臺
之署夫相邀末路固豪傑之素心而努力中原
亦臣子之常分顧閩人常見輕於海內而智士
當早見於幾先已思種東陵之瓜難久淹北海
之轍不俟秋風起尊盧每入夢思願見粉社中

虎大遭運會茲乃腹心之語敢復肺腑之交

賀葉臺山相公壽啟

世道熙明必覩中台之朗耀 皇圖永久惟祈
上相之期願慶匪一人歡同百辟恭惟相公閣
下北斗中天之柄南極老人之星輔佐 聖明
幹旋在淵默深居之地調和臺省輯睦於黨同
伐異之時救患恤災惠欲均於南北增兵足餉
威漸震於華夷是爲億兆所依宜爾名壽兼得
黑頭公相去衛武尚二十七年赤膽端揆方子
數馬集

卷之三十

十六

儀宜二十四考早秋氣爽堂開北海稱觴東閣
風清人指南山作頌某備員齊魯托庇粉榆久
宦外藩何由望公孫之閣灰心撫仕有懷歸父
母之邦顧剪拂長鳴驚足亦知思奮而粉飾增
價鴻私豈敢頓忘川至日升願壽躬因以壽
國天長地久惟吾相效之吾 君敬採沼沚之
毛少效岡陵之祝倘蒙俯納曷任分榮

東韓日觀南戶部員外

視草陪京歷攬窮山川之勝含香粉署助勦佐

軍國之籌騰惟 豐鎬之鄉實總江淮之會

二陵風雨佳氣鬱其蒼蒼四郡生靈遺俗觀其
濟濟輸將百萬中都之命脉攸關利害兩端以
庚之寬嚴攸判落唾便爲甘雨發念卽是慈航
不效夙忝舊知謬膺重任褰帷伏鉞媿乏匡世
之才闢帳談經猶憶升堂之彥十年聚散京邸
猶記音容一紙寒溫齊地忽來魚鴈玄纁爲贈
知情好之慇懃錦繡盈篇嘆文章之鉅麗惟是
清曹之賜必損常祿之需未敢拜嘉聊資致謝

數馬集

卷之三十

七

答按院馮禮亭重陽啟

瑞氣藹三秋懷人頓驚於鴈陣佳辰逢九日瞻
雲暗想手屢樓遠辱使來頓令心醉恭惟台臺
清霜勁節湛露粹衷按轡望重青驄行行且止
持節風生白簡皇皇者華海國秋高感授衣而
有賦函山地近思落帽而無從把茱萸以細看
人今自健折菊花而寄贈室豈云遐便當呼酒
開顏直似披襟促席破此岑寂奚須藍水玉山
忘却羈棲一任他鄉故國

東王漢卿都督

撫齊八年省臯萬狀災旱無歲不有妖孽兩地
俱生引退已遲望進何敢盼金臺固在天上念
白日亦隔雲端治水鮮成功乃常情何不樂就
入京無隻字卽中貴猶或致疑身久滯而未移
汗將渙而且反驚心時事回首丘園麾下馳騁
極乎東西勲業著於南北馬伏波之標銅柱今
豈無人霍去病之躡祁連行當接武鳳凰臺上
橫白玉以棲遲龍虎勢中引金尊而唱和故人

數馬集

卷之三十

八

在念使者來臨誼豈輕於泰山情若深於江水
顧由中貺外非知己之所敢承而輕幣重情實
私心之所自信敢將全璧聊代報瓊

荅孟連洙通政

斗轉璇杓 宸極布三陽之泰春回玉律 王
正開萬象之新遠辱函抵深銘篆恭惟台臺
九列名臣三齊高品出則春生秋肅體備四氣
之和處則枕石漱流人爲兩間之瑞 廟廊待
爾於列棘士紳仰望以俟多蒙大藩親春

光凡十四度企瞻碩德欣名世應五百年庚後
爲辛知世運有維新之會岱方乃震占岩穴有
振起之人孟云舍我其誰公宜束裝以俟春雲
送暖忽馳咫尺之書曉日凝暉高映陸離之貺
慚蘋蘩蕙藻尚未獻於高門驚錦繡瓊瑤已先
施於敝署知用情之最渥覺受賜之未安領之
以心感惟鏤臆

荅邢知吾同卿賀壽啟

身多疾病久懷鄉井之思職有曠綬常抱俸錢
數馬集

卷之三

十九

之媿春去猶能再至年過當不重回數莖白髮
難拋驚說門懸弧矢一寸丹心猶在愁看邑有
流亡辱知己之見存勞使人以施貺椒花尊裏
頓教瘦骨爲堅爆竹聲中似覺病魔頓失念犬
馬之齒益長思瓊琚之施何堪聊附數言遙申
九頓

荅邢知吾同卿賀壽啟

行百里者半於九十蓋言末路之難望百年者
衰於耳順益信古稀之語不佞遊宦大邦棲遲

已十四載獲躋下壽蹉跎又過三年疊遭旱蝗
憂民束手無策自譬犬馬臨老瘦骨空存惟有
知難而辭官敢喜逢春而增壽門下情深世講
貺出歲除旨酒嘉肴醉飽不遺穉子縉詞名翰
輝煌可到雲孫不直破久客愁顏抑且回殘年
春色斯之爲感將何以酬

數馬集卷之三

終

數馬集

卷之三

二十

數馬集卷之三十一

溫陵黃克

著

東蕭漢冲

入秋以來兩拜手書之辱與念同門友生聚散
靡定遠者之不可以驟致而邇者之不可以久
縈此古人所以有槁葉風飄之感也嗟乎
之下勝友雲集春明之外高軒日至猶然抱
索之悲懷人遐之感况於寥寥下國策策獨

數馬集

卷之三十一

者乎往者寄書謂一麾四載奉令承教可幸無
罪庶幾接談笑於朝夕分光榮於咫尺今者催
科劣等薄俸見夸量移之事所不敢望夫躁進
多顛緩行不蹶苟可樹立尺寸何論久暫崇卑
顧國家於待州吏之例嚴矣其進也不遑
而其敗也輒隕淵谷在事之人見其如此亦每
每以附贅懸疣睨而叱之雖世之採士於秋實
者未嘗乏人亦千百而一遇耳向承教戒謹當
佩服所以略陳固陋者亦欲知某之苦心耳

鴻有便勿吝德音

東王麟泉老先生

夫士也時濁則歛迹韜光時清則揚眉吐氣執
此兩端以遊於世固將列於士君子之林矣若
迺世變江河砥柱不搖逆方銳之鋒反極盛之
勢振積衰之習蹈不測之險遂使庸夫吐舌奸
人喪氣此則烈丈夫之所爲而加於士君子一
等也異時權臣秉鈞三綱幾絕威制勢劫天下
望風而靡老先生以瞿然儒生出位而爭之顯

數馬集

卷之三十一

斥其非逆折其勢彼奸肆蠱直謂挾泰山而壓
累卵碎之易耳竟以公論所歸神明所相孤忠
自若氷山忽頽啟天下忠義之心樹豪傑激昂
之氣非老先生其誰哉巨奸既沒大閹就擒二
三宵人失其所怙正如孤雛腐鼠耳而紛紛排
擊藉口披丹猶然蒙直諫之芳聲被不次之榮
寵況於蹈不測擊方銳爲忠義倡者宜何如也
故夫三孤虛位九重側席未足爲老先生賀
而立德立言並稱不朽是小子所甘心執鞭者

也泉中後生布滿京國淮南小吏奚敢瞻望餘
暉第龜山鰲海相去咫尺寶蓋雙峰巍然在望
同邑之中誼屬比隣而又先嫂趙孺人借寵名
言垂光泉壤則某於老先生殆里閭之最親也
故敢進諛詞以誦盛德庶幾薦其願慕之誠至
夫乞隣文之餘光吸升斗之餘潤則小子何敢
望焉

東坡先生

季子一使上國即善向叔遷瑋諱君子驪若平

數馬集

卷之三十一

三

生某不佞何敢望前賢休光然入晉以來嘗一
見叔向遽瑗矣冀門握別秋氣益涼步月思家
關河萬里游子無親同旅爲親悵望台旌猶然
兩地也寧無心邇人遐之感乎

東坡先生

日者拜翰貺之辱方驅車出省會匆匆裁謝未
盡悃誠忽念當今人士殊才異等比肩相望然
文章政事力難兼優而春華秋實世不並有門
下奮迹雍州備土厚水深之秀摘藻則方駕西

京分符則獨步中土備邊塞上則胡人不敢南
下牧馬雖古之方叔召虎何以加焉竊謂華實
並懋如門下者今世莫兩矣君家元禮名重漢
代當時被其容接者謂爲登龍某今者方以三
尺奉役使未敢談及雕蟲末技然側聞門下懷
文抱質爲世所推猶願遲之他日有請於門下
倘不見拒則爲李君御車所欣慕焉

東總督鄭少傳

日以職事之末拜謁台階匪惟生平積慕利見

數馬集

卷之三十一

四

爲快而謦欬餘澤奉以周旋雖徐孺之下陳榻
不是過矣回道循邊垣眺遠悵呼吸蠅集叱咤
角崩一以爲豕蛇一以爲赤子可謂顧指氣使
無不如意者非老先生威望震懾操縱得宜則
一介使人於彼何有而馴服若是哉往譚白登
故事常恨歌風之主輕而取慢至用奇謀秘計
爲史冊所諱言未嘗不嘆良平之寡謀絳灌之
無勇也千載而下寧知有今日事藉令漢主有
霸當於地下揚眉吐氣是今日之遊實漢唐以

來所稱奇絕者也。大賜未報，復拜謁，貶之辱撫臆，論心莫知所報。

答河東道劉參知

姑射勝遊，欣從清塵之末，無何而南出堯祠矣。兩枉旌麾，爲遊子光寵，無論一介行李，藉以生色。卽川原草木，亦披拂餘香矣。西遊龍門，南渡汾水，窮巨麗而覽淳風，雖唐虞之化，猶有存哉。然德澤在人，所至歌之，故當薦饑之餘，猶能保其家室，以待豐年。天不遺斯民，夏秋之交，甘雨

數馬集

卷之三十一

五

時降譚者，皆頌門下憂勤之功。咄咄王人，其何力之與存，而敢貪天功，以厚自誣，抵河東爰書方急，未遑專役，致謝辱翰，貶重責臨之懼，三施之難報也。對使拜嘉，附書報謝，北望姑汾，悠然神往。

將之章貢舟次潞河與孔昭山人

百年同調，萬里同行。客中再聚，客中再別。此情不堪言矣。至潞河，夜已昏黑，時則萬檣如林，萬燈如畫，欸乃嘈雜之聲，終夜不休，撫景悅人望。

京發慨此汲黯，所以畱連於郎署。季布所以還回於河東也。疎燈獨照，斗酒自勞，視對榻披懷，刻燭聯句，歡譔之與寂寞，又不同矣。州郡勞人，古人所歎，使不佞有溫陵附郭田一頃，便當強拉足下，遍遊五岳，不令足下畱燕僕獨之贛也。繫纜沙邊，楊帆有日，回首長安，雲生五色，足下與二三君子在其下，身無羽翼，烏能奮飛清夢往矣。我魂勞矣。

東陳石澗

數馬集

卷之三十一

六

同榜中獨稱吾丈，老於世故，精於吏治，而掛冠獨早，窮達蓋有數哉。總之貪污之害，潔也，私曲之蔽，正也。翦茸之傷，能也。自古歎之，今何足異。丈雖中譏，以歸而廣人，且尸祝之名，垂不朽。區區窮達，又何論矣。弟迂贛，稱最所至，毫無善狀，惟痛自澡潔，恐貽同榜羞。今雖領郡，乎然太守風味，與西曹卽無異也。世情重赫赫，而弟獨事悶悶，操是以涉世之末流難矣。起家非臺省，取譽非建言，欲以區區郡吏，豎立尺寸竹帛，何由。

千載仕宦何由上卿哉每對鏡拔髻不勝掛冠之想直未能堅決耳丈素工音律茲當益精第亦時時學吟未知清源三峰之上何日與丈登眺效孟韓聯句也丈尚在年伯母制中弟不宜及他然數年胸臆臨楮不能已已幸勿以爲罪

東胡杭州

都門獲奉顏色聆警欵者兩年意氣之交倍於桑梓臨當領郡足下愛我輒以浙東西諸郡爲不佞憂乃主爵者知人卒與小郡而足下勞苦數馬集

卷之三十一

七

功高不當得郡竟以大郡畀也是足下以大才得勞而不佞以小才得逸理固宜然足下才高非全浙何以自見令足下循資轉提刑使者朝夕治簿書持文墨議論何益於殿最又不然畀以僻郡令高卧齋中日三竿起視事逡巡而退稱清淨吏足矣又安所見解牛之技承蜩之手豐功厚澤與吳山浙水競高深也不佞弟雖喜小畀然故衡途簿書車馬亦時時令人奔走大勞不勞小勞乃勞其於損精搖神一也若問以

事業聲稱則無當矣適同寅王君人旋附上起居狀潯暑方毒願言珍重

復邊巡撫

章貢之役極知無當任使辱垂光照拂之得從優調譬則王良執策而駑駘驥咸就驅馳剪拂長鳴顧盼增價物則有之人亦宜然渡江而西復辱郊勞之典令人達之境上分輕貶重深懼不報泛沅渡湘風波是虞以四月晦乃上荆門蜀道之難於今知之雖崎嶇霄漢出入雲數馬集

卷之三十一

八

霧未免驚心駭目然奇峰插天驚濤赴海亦足徵岷峨之偉觀知靈傑之不偶也入省之期在五月二十一日沃野千里曠然發蒙人文未睹佳麗可挹時方有寮案應酬未遑及他事適有使者來自豫章敬附短狀奉謝兼候起居臨楮不勝鄉往

答雲南督學王憲臯

憶往在三柏署時與老丈馬梁園李實軒同事皆李老先生所知士也老丈最先督學馬君嗣

得之不佞弟與李獨分行出守日執手脈在泥
壘中望尊貴人顏色自分永棄無復他望不意
亦備數行間望二丈之清塵慙非分矣春初離
郡中夏抵蜀奔走八千餘里視老丈滇中其險
與遠亦復過之同病相憐老丈得無爲弟苦乎
初至有選貢之役日閱數十卷眼花如霧已令
人厭薄此官鄙性愚戇不能作人間私書一切
往來爲之謝絕未免爲通士所嫉老丈謂弟其
能久遊蜀乎同袍友生音問漸絕五年矣通方
勢馬集 卷之三十一

東顧襟宇

築戟今北上矣薊門重地增一長城獨西蜀紛
紛多事不能久借石畫了此而後朝食爲可憾
耳況弟輩一旦失所儀刑能無睽違之感乎北
邊倭患誠所當備但有遼左爲之阻隔而天津
海道從來倭不能通彼不熟知深淺決不敢輕
入門下但安靜以鎮之未可輕自騷擾第所慮

者閩浙間耳自古及今未有越萬里之海而有
人國者故高麗殘破倭必棄之棄之則必生心
東南恐浙直之間未可高枕而卧也門下試將
弟言留爲後日之驗何如知已難逢何日握手
再談臨風不任哽咽

報梅瓊宇

同事二三兄弟惟執事者厚我不寧朝夕密邇
驩之故也譬之臭味則蘭芷荃蘅不殊焉以
佞之奔命四方無能常在左右德音是聆則猶
數馬集 卷之三十一

有迭怨而執事者方有上國行驛而告我愴可
知也官如傳舍執事者居此久矣天子方庸舊
人豈一蜀之能留滯余輩後會未可知縱他日
相遇中原亦安可以歲月計乎此詩人所爲賦
伐木也別必有贈贈必有言不佞猶無以爲贈
不虞執事之先之也使人之辱敬拜大貺尙圖
脩我不腆以佐行李

東楊仰恂憲副

承公移見教深爲遠慮蓋撫臺初舉事時銳於

成功莫敢諫者獨不佞校士淪州知不可輕敵也
也曾以書諫之不見信也又嘗面陳綦江一路
乃堂堂正正之兵須得精兵五六千佐以余酋
等土兵乃可進其各州縣民兵決不可用也越
組言事誰復信之竟以取敗今者撫臺既有意
外之事方寸已亂恐老師涸財故不從臺議此
殆非人言所能挽也驚鳥獲之手而責其闕此
當今御將陋習但業已如此惟當謹守隘口以
俟新撫臺至日圖之竊意楊酋尙慮貴州之襲
數馬集 卷之三十一 士

其後亦未敢輕出也因敗爲功乃師之常故有
擊其驕有擊其怠者此番敗後若得良將勁卒
乘彼實力於南且徂我之不能復師從後襲之
安知不能成功然此皆空談也爲麾下抵掌

東莊泰巖

春間入京使回拜翰教之辱知親翁之屈於水
衡以有忌之者夫臺省誠美然今之爲是官者
直則言不用而身危不直則不能逃於官謫君
子雖不難危其身以益其君然亦何樂於徒言

以遭斥辱故言不言兩無所濟也水衡有官守
而無言責隨事宜力皆可以報矧今河渠之議
當事者難之淇園之竹已罄而河伯之不仁猶
故漕道爲梗則朝廷未可安枕而卧也親翁
好讀太史公書又素明習當世事必能建必然
之畫爲國家命脉保百年無事者此之爲報
奚必下於補闕拾遺出入禁闥哉聞邸報知
楚國掄才寔借水鑑杞梓皮革盡貢天府異日
令四方談惟楚有材惟親翁收之豈不甚休第
數馬集 卷之三十一 士

碌碌無能幸終試事然不任之狀則在在著聞
且蜀士大夫宦楚者甚多計親翁必有聞也

東李九我

壬辰春逐隊上計得奉顏色嗣是奔走東西於
京國故人不相問聞者三載矣伏惟翁丈清望
鴻才蔚爲時宗故上侍講幄下佐青宮儼
然以身負論道經邦之望吾閩自楊文敏公後
寥寥乏人茲得翁丈當振起百年運會不伊呂
不休豈直文敏而止乎願努力爲之第才微望

輕校士之役殊非其任茲蹉跎歲月幸無大終
然於士大夫之心終多不滿以性之木強不能
因人俯仰也有可以鞭策我乎幸一教之適華
陽周令行取入京附此候起居周金玉君子子
賤子產之流也信翁丈之取士得人焉

東范凝宇

客夏入嘉州咫尺峨眉不獲登眺惟觀玉貌粹
然若眉山秀色照映人目殊足慰也西遊小草
不能數十首無一奇語足以驚人所不能自匿
數馬集 卷之三十一 十三
於門下者以門下主盟風雅於下里之音或能
進以陽春白雪使之易調耳辱弘獎風流賜之
佳引殊出望外賦非三都卽遇張華賞鑒亦安
能使紙價增貴哉

東范岫雲

拙作久匿未敢出以示人偶爲吳泰華所見付
綿州刻之非第本意所欲請正於老丈者以老
丈爲當世作者得一言品題便當增價且庶幾
直言相正可奉指南雖見笑於大方家所不辭

也辱賜佳序詞多溢美未嘗顯指其短如所與
屠長卿書箴其叫號凌厲之失者豈人非蔡經
不足當王方平之鞭抑張公謂我當於霍光傳
中求之耶承賜大刻終宵披讀尙未能遍大都
古賦似卿雲樂府逼漢魏近體自成一家駸駸
與王岑諸人肩隨至於卦疇天文諸作則大玄
渾天之匹子雲平子之流也商彝周鼎古色蒼
然見之自知爲千百年物豈近世學操觚者所
可窺其藩籬哉敬珍襲之矣序未敢刻必老丈
數馬集 卷之三十一 十四
明賜鍼砭再示一言乃敢引以爲重耳伏乞裁
紹幸甚

答曾守身

入蜀博觀蜀士文信多才矣獨首稱足下以制
義論策技不兼工而斌斌文質惟足下一人固
宜戰勝上國扶搖青雲無難也以足下之才藻
宜讀書中秘盡發天祿石渠之藏明習古今事
爲他日秉鈞用不宜勞以吏事然吾輩竝立無
之不可苟以古人自期則區區內外又非所論

矣初登第百凡以簡約爲主簡約故能廉靜他日辭受取與皆權輿於此三尺法人事在其中觀之自有益詩文乃足下餘事然今世俱宗王李而不取法於古亦非其至來啟甚工知足下之游心於古也故及之貴鄉聯第三五君未及通書以不佞有一日之雅故未敢先之也廩儀二星奉邸旅一飯之用幸炤存

答蔡拱鵬

束髮交遊今髮且種種矣萬里蜀道一旦相遇數馬集

卷之三十一

五

能不跼然而喜乃聚首未幾卽成離別昔人謂情之所鍾正在我輩若此語不誣當令人黯然銷魂矣第才本樗櫟器類斗筭過辱稱許非所敢聞雕蟲篆刻壯夫所羞卽使詞麗春華辨馳秋濤猶云無益世用況効顰學步徒取姍笑者乎吏事俗務時堪効割然亦與人無異若比之泰豆氏之御當使龔黃張趙置身何所弟當掩耳而走矣藩叅例轉固仁兄所夙爲者以此爲交遊光寵恐慚兒女但自第得之則覺涯分已

逾耳舟次南溪夜二鼓拜翰教之辱秉燭裁謝不盡縷縷

答劉孔源

叨附同袍幾二十載然猶以貌交老丈入蜀某事半年乃得披肝瀝膽托於金蘭所謂心交者也弟旣愚戇而老丈復真誠直亮表裏如一兩相投固宜其忘形骸化臭味日不自覺矣分攜以來江路風波觸目可畏行次梁山而賤眷吏役踵接病瘡緣行道之日暑傷元氣及稍休息數馬集

卷之三十一

六

又風雨寒冷暗侵其外病者十三卽賤弟亦岌岌戰慄焉今固候代未能行也卽行至中途恐進退難之矣老年丈南陽心迹人人共知凡談及者無不以大功未賞爲恨古今此心耳雖一二自爲黨欲售其言者亦安能蔽天下耳目以傷善人則老年丈開府中原固計日可俟第幸得從藩臬後再奉大教是所願也

東湯隣初二守

入楚道經虔州思與老丈爲分霄之談不謂台

駕外出竟爾參商乃知人生聚會亦有數也老
丈在處辛勤已幾六載當道推轂卽日且有領
郡之命可無負生平豎立第寥寂官舍塊然獨
處殊令人動念耳同時故人已若晨星惟諸士
民相念如故迎者載道送者填舟弟於此行亦
稍自愉快昔謂江右俗偷殊不爾也濤箋四幅
奉用

東王壽軒大叅

白雲司中一別十八載濶焉聞問承乏大邦無

數馬集

卷之三十一

七

所短長辱縉紳先生多所獎借不至隕越其得
重移南楚皆執事者之明賜也中州多故而開
礦使者方爲地方憂非藉門下彌縫其間殺彼
虐氛寬我民力恐南陽白水之間妄意真人再
起者且接踵也於是知門下之苦心矣第碌碌
素餐幸湖南無事得閉閣高卧卽有採木之役
亦已就緒可無大憂然過爾優游筋力日倦此
古人所以致惜於寸陰也門下將何以教督之

東董敏軒

邊垂弗靖丈夫當負躡矢周旋行間成封侯之

業豈能鬱鬱居蹄涔間微升斗餘濶哉弟每訪
及東倭負約襲我屬國未嘗不以如意挈唾壺
歌老驥伏櫪志在千里也留滯湖南荏苒歲暮
見老丈移官之秦當一面之寄輒心壯之夫小
戎駟鐵秦風也其聲壯烈有好戰之習以老丈
慷慨沉毅敎而用之當令左賢折首匈奴斷臂
何物宰僧火落敢窺內地哉使者來道榮戟以
月之十二日發衡陽下瀟湘計此時已抵六六
數馬集

卷之三十一

末

灣將乘長風破洞庭千里浪斯亦天地間一壯
遊也弟株守邵陵不能出湘潭一步以送征帆
而辱老丈遣使存之感極成愧矣茲遣一介導
之江潯不腆脂轄惟台丈鑒存幸甚

東陸津陽憲副

台駕巡邵陵僅數日而父老子弟誦賢使君有
甘棠之思焉弟匆匆馳歸積誠莫展僅於水心
亭一敘契濶至若天池愛蓮諸處皆稱名勝丈
歸而弟亦無由獨至其地乃於九日一登天池

觀以望瀟湘誦涼風起天末君子意何如之句
不勝懷人之感恨不同傾菊酒遍插茱萸也東
事告急誠主憂臣辱之時顧第何能出一籌
此時爲朝鮮計惟有堅壁以老其師出舟師以
絕其後俟至冬間彼饑無所食寒無所衣乃出
健卒以搏之庶可取勝耳大都禦倭須用浙將
步兵麻貴所將騎兵恐不宜於倭蓋短刀可以
制馬如兀木之拐子馬挫於岳武穆之麻劊刀
乃其驗也數時邸報杳無所見卽如夜襲朝鮮
數馬集

卷之三十一

九

東劉給練

之報亦未之覩也新撫臺遣人迎否便中示知
久慕蹇諤之風末由介紹以自通於門下去秋
逐隊入賀竊從紫扉間望見顏色然亦旅進旅
退而已非有傾蓋立談之雅也頃讀邸報見臺
下疏薦邊才謬以不佞備數過誤之知或有人
焉爲之先容然於不佞則甚自愧矣伏念生長
海濱於倭奴之擄掠虔劉我雖嘗目覩其事而
親罹其禍然書生也豈能執鞭弭橐鞬以與之

指周旋間嘗錄囚三晉北上白登西度雁門歷
霸武苛嵐覩人牧馬鳴鏑之處有慨於衷不
無介子子公之想然沾沾自喜非實用之才也
誠知秉銓者自有定衡必不誤用以貽覆餗之
誚而靜言思之夫士也孰無知己之感此越石
所以伸於晏嬰而子長所爲忻慕於異代也適
有便鴻入京敬脩尺楮敘其鄉往之意用致謝
於門下惟門下其有以終教之幸甚

答陳荆山大參

數馬集

卷之三十一

三

二三兄弟惟老年丈首持文衡爲當世師而不
佞第最愚駑亦踵芳塵之末當一面焉茲者天
以江漢畀老丈使黃鶴金沙盡歸陶冶而不佞
第移居湖湘在楚南服千里懷人則雪夜之舟
可鼓棹焉豈不甚幸顧一入召陵便成隔絕衡
陽歸雁非春去秋來則尺書難託欲握手論心
敘數年之濶難矣惟老丈居全楚之會瀟湘沅
澧皆歸宇下第之低昂懸於品題能不各鞭策
時有以羽翼之第之願也不腆爲賀深懼菲薄

而老夫復頒隆施益用媿感使旋草此奉謝不勝鄉往

東耿天臺

曩在西曹得以三尺法事老先生而老先生亦以文無害許之至於讀法之暇談經論道高會講堂使刑名法比之司諒然有道德性命之談至今思之猶庶幾想見其盛而不可再則老先生造就之功亦鴻且遠矣馳驅南北無由再奉教澤惟是斤斤繩墨不敢頽然自放以負知己數馬集

卷之三十一

三

則此心常如一日徼天之幸承乏大邦望老先生之廬在盈盈一水間德芬沾被千里非遠乃江漢瀟湘終難飛越至言渺論何由祇領常爽然自失也老先生經綸事業尙未盡究邇來朝廷方崇華髮重乞言三老五更之席虛次以俟惟老先生益爲吾道世道自重三湘古稱難治盜賊最多財賦繁重民風澆薄雜以三苗之俗挽回變化非空言可能惟老先生念切桑梓乞有以詔教之俾不就隕越以羞任使則某之

上願也敢布腹心

東耿叔臺

老公祖振鐸海濱海濱士風爲之一變其所收皆一時名士而不肖豚犬亦廁名門墻之末此愚父子所爲永懷明德深懼不報者也西遊巴蜀乃老公祖過化之墟蜀人士至今思之猶昔之思文翁也周遊歷覽錦江涪水之濱庶幾望見老公祖顏色而其人已去其樹猶存勿翦勿伐古今之情一也茲承乏入楚望台顏在盈盈數馬集

卷之三十一

三

一水間無由縮地請教心切鄉往湖南賦重民貧逋負以百萬計守土者誠難爲力不識老公祖亦以其爲桑梓計之餘爲不佞計將何樹立以免罪戾是所日夜引領北望者也

答俞督學

惟楚有材惟老公祖陶冶之無論江漢沅湘之間雲蒸龍變應時而起卽蕞爾邵陽一經品題而多士彙征有如拔茅時雨化物斯不虛矣功高望重方簡在明廷拔置卿貳而海濱之人

屬有天幸暫借旌旄之重以鎮撫之漳南雖僻
固考亭過化之地也觀風問俗當益隆禮教而
偃明正學當今鄒魯行當問諸海濱不佞辱在
宇下亦當仰流承潤竊以自淑何快如之

數馬集

卷之三十一

三

數馬集卷之三十一終

數馬集卷之三十二

溫陵黃克纘紹夫著

書

答馮文所大衆

門下高名震世奇語驚人不佞竊願執鞭久矣承乏召南隸名楚藩之末庶幾分丐餘光照我鄰壤且圖通名姓於記室以敘鄉往奈視事以來新舊直指接踵而至奔走長寶間未有寧居三百爰書兩郡官評舍卒難就令人寢食俱廢數馬集

卷之三十二

一

居常自負謂束髮爲吏典州郡者十年自此爲監司無難耳詎知其不易迺爾以劇廢禮罪可赦乎門下不加督過惠以好音收爲臭味信乎大賢無所不容真如江海之納百川也清風亭稿博雅奇絕如莊氏齊諧張華博物皆希有之珍也敬拜賜矣

答譚岳南中丞

西蜀備辱教愛以道義相勸勉某亦兢兢奉以周旋量移大邦深荷破格之寵至於臨岐相戒

惟惓惓爲鄉邦造福言不及私蓋仁人君子之用心視天下之疾痛痾痒猶在己也況於鄉邦之人乎某入楚以來無所短長惟是政有不便於民如裁節過當宜從故額者悉已告于兩臺而復其舊以是爲可以報稱明命拜翰教欣然披讀如在錦城親承雅誨不勝感激別諭事心竊疑之監司之於所相臨頗嚴而使之割愛以奉所交非所聞也子產不徇宣子之命韓厥能戮趙孟之僕古今不美僞厥而美韓趙能容不肖以二子之義事先生謂以是報先生之知遇何如

數馬集

卷之三十二

二

東馮文所大衆

第自長沙歸邵州乃得詳讀楚粵草玄言名理如與魏晉間人面談至於評品人才低昂輕重雖號一時水鑑者不能及也獨慙迂疎如弟亦謬掛唇齒夫白首相知猶或按劍乃未交一臂輒荷吹噓此情此誼豈宜於今人中求之獨念任人而所任者不稱則舉者亦與有辱第固不

敢望大用萬一用過其才債賴他日如老丈何
山巨源薦人自代而得絕交之書弟固願交老
丈弟恐所謂不堪者不止如稽叔夜所云而已

東潘鵬江吏部

親翁以冰鑑之姿居銓衡之地命下日無論知
與不知咸慶主爵得人非以清望藻鏡素愜人
心故耶吾鄉邇來居銓部者鮮克令終大都平
日未嘗畱意人才及至入曹又復以政未及我
且周慎自持不敢薦引一士又不然則且薄於

數馬集

卷之三十二

三

桑梓以示公道此吾鄉之通弊也夫其人果賢
卽四海九州之遠猶且薦之况鄉人乎卽不操
用人之柄猶當推轂之况身任其事乎近世號
知人者稱御史大夫涇陽李公彼其於天下人
才自黃綬小吏以至大僚無不詢問苟得一人
則不惜齒牙餘論爲之推轂胸中網羅一世人
物蓋自爲銓卽時而已然矣願親翁以之爲法
使朝廷他日獲才賢之用而稱親翁知人同
符李公也恃愛不知煩瑣想能心照

答曾吏部

往承乏名邦獲觀山川文物之盛不惟淵雲墨
妙世不乏人而穆如清風追蹤吉甫者于江陽
再親焉維時造廬請教未得躬承下風之論悵
然不歡出蜀來乃知 詔書特下州邑勸駕山
以東實借棨戟之臨名賢用世泰運攸關不佞
且持此以卜世道之興隆矣微天之幸承乏東
省廁名寮案得侍芳塵身雖未往神則已飛此
古人所以齊龍門於御李榮萬戶於識荆也歡
慰何如使來拜翰教之辱津津舊雅適隨直指
行部未得趨命肅此附謝諸惟面布不宣

東武崗曹僉憲

不佞將離邵陽矣苟無德於地方敢以怨遺乎
惟是 郡王之祿 國家所以仁周親也而有
司者欲責之以償債家寔難爲詞故惟聽執事
者之自取情法實當如此非謂今日之不宜取
乃昔日不宜借耳方今 主上易於聳動如近
日楊晴川之事可爲寒心萬一有以蜚語聞者

謂吾輩扣 宗祿以抵私債且動以千計則事危矣此亦才宗不可不慮也倘門下能渙有丘稍棄子錢而收其母則萬萬無此事惜在門下者無一馮驩耳不佞相愛以德故敢吐露肝膈

東伍寧方大叅

附驥以來宦轍睽違幾十餘載客歲維舟錢塘辱老年丈遣使存之不勝踴躍然咫尺不得望見清光終鬱于懷抱也邵民有幸得借旌麾之重以填撫之不惟百萬蒼生樂戴所天而第數

集

卷之三十二

五

年積警所持以蕩滌而覆匿之者實惟老丈欣慰何如邵處山谷間政事甚簡民俗亦醇第素無他長一以鎮靜處之惟前此屢罹饑饉金省老勸民出穀建立社倉民資其利今已有成績吾儕繼其後者何忍廢之老丈久歷中外天下利病若洞肺腑何藉第言顧舊政告新古人所美第於社倉一事因之而已亦不能有所增也惟老丈斟酌行之以利邵民

東李少叅臨清激變事

撫臺深以激變首惡未報爲憂又懼王朝佐一人不足以稱塞 明旨欲丈速審結其事第竊謂清源商民傷心之怨蓄之已久呼號往訴冀其改圖此璫又令人持箭亂射爾時無不欲食其肉者何必首惡爲之倡哉若以放火爲造端則一人倡之千萬人和之爲禍首者固不在多人也倘丈會馬丈將此招速就爾時二司會審第敢任其無咎當極力速兩臺疏報也再遲則督責之 旨又下益不可收拾矣敢布腹心

數馬集

卷之三十二

六

東陳景山大叅

聞之同時人 賀者云湖省奉表乃老丈也聖天子萬壽視昔益增臣子不勝欣慰第近時聖德日損礦稅遍天下歛怨蒼生吾輩進萬年觴不能無喜亦不能無憂也第仗庇謬補齊藩之缺無德而驟進耻也才小而肩重危也重以天災人害遍地而是蝗蝻蔽目豺虎縱橫當斯之時匡救無策惟有一去足以遠害又未能堅決懼覆亾之無日矣老丈愛我其將何以鞭策

之

東馬少叅

播賊猖獗第以爲敵國外患 主上之福也庶幾其有悔心而楚璫一疏降三郡守逮二府僚此等舉動徒以刑威刼制天下之口不惟吾黨喪氣卽荷戈之士亦聞之而解體矣蒿目憂時第與老丈寔同此心顧回天無力仰屋竊嘆亦且思爲避亂計矣辱談及不覺煩煩

東邢崑田

數馬集

卷之三十二

七

向在蜀中株守文墨無能佐末議萬一辱臺下曲賜推轂誼感于心入齊曾具小書于長公處托以有便代致而臺下方赴援外國公爾忘私悠悠海外恐家信猶焚不使亂心況尋常寒溫語乎宜此書之浮沉也伏惟臺下作時方召著名華夷三韓之役盡戮鯨鯢大築京觀存我屬國使爲藩籬論功行賞 天子且有樞密之拜世及之典俾勒鼎彝而圖麟閣凡屬庇覆懼忤可知某入齊年餘賴寵再遷常思奮竭驚鈍以

報知已而時事多艱中貴煽虐動多掣肘日惟長嘆今歲六郡半罹旱災入秋以來蝗蝻復作拊循之策更難爲力臺下念切桑梓其何以教督之

答馮琢庵少宰

恭惟臺下負霖雨之才應風雲之會特起東山行登紫閣海內人士誰不瞻邇下風仰希末照而某承乏東土禮得奉蒲輪而勸駕者徒以束髮入仕向無一人先容于左右而臺下今且持

數馬集

卷之三十二

八

鑑衡以低昂天下士有如某而急于自通雖禮之所許亦道之所不載也縱臺下不加督責如自媿何詎意臺下度納溟渤胸腹泰岱不難屈宰臣之尊以下交于守藩吏藻翰溫詞多所獎借夫某也亦奚所短長足挂大君子之齒頰哉蓋媿極而繼之以激昂矣翰教下臨適患瘍毒展轉床褥間攬衣覓筆賦此鳴謝

答張浩宇大叅

待罪壽春不習爲吏辱台臺曲加誨植以不隕

越至于今皆台臺所留也。御結之思永矢弗諼。惟臺下以垂天之翼，乘搏風之勢，瞬息萬里，直抵南溟。然猶中道壅闕，六月暫息，則宦海之爲風濤，雖鯢鵬亦難之矣。茲途陽鎖鑰，特起托重才，稱其地，然後乃今將圖南矣。建牙開府，直旦暮遇之，可勝愉快。某才本款段性，復愚直循資累勞，得叨大藩，反已量力，涯分已逾。矧東土多事，兩端煽虐，歲復不稔，人情洶洶，綿力處此虞於不免。台臺爲分榆計，其何以鞭策之。

數馬集

卷之三十二

九

東尹春寰中丞

頃者專役奉候，深慙蒞藻之微，有資台嚴乃辱翰教，慰諭甚至，且重以腆貺，益增感悚。方今海內縱橫豺虎，人心思亂，凡在位者，俱戀旦夕之微榮，忘歲月之大禍。至如某者，力小重任，尤宜引決而徘徊不去，有慙明哲多矣。來教猶惓惓汲引薦之，政府謂可備建牙之選，夫建牙誠榮然在今日，憂始大耳。某自念可無憂者，入仕以來，未嘗上執政書，卽有人先容而政府亦于某

何有暫隱于藩臬間，以觀時變，則可耳。若建牙之憂，則非所及也。老先生鉅才重望，暫爾家食，行卽出肩世道，建補天浴日之功，豈某菲劣所敢仰望。惟願益頤元神，爲蒼生自重，某不勝懇禱之至。

答袁文海督學

嶺表文物華，兩甲于天下。其山川如南海之汪洋，渤澥羅浮之盤鬱，奇峭爲人才之淵藪，神仙之窟宅，珍寶之府藏。而台丈擁文旌以遊其間。

數馬集

卷之三十二

十

采秀擷芳，使文章歸于爾雅，風俗化于醇厚。出其緒餘以品題山川，藻飾名勝，真丈夫之壯遊。視在東土，日親桓寬鹽鐵論，司空城旦書，相去萬萬矣。惟是秋試已逼，地里最遐，卽趣裝就道，往理試事，恐懼奔走，不暇卽遇。名山大川，亦不及登眺，欲如在東時，與弟輩泛晴湖，酌清泉，探韻賦詩，寧可得乎。

東莊冲虛翰林

待罪湖南，得緣行部，屢奉顏色，玄言名理，清人

肌骨量移山左辱鴻篇爲贈又勞親舉王趾祖
餞江干情好綢繆卽瀟湘流水未知與此意孰
短長也入齊爲簿書所困卽知台駕旋京久侍
講幄而因循歲餘無能一通聞問故人念我
我實自外罪將何辭方今 朝宁失政政在中
官四海元元莫知托命匪藉大人君子格 上
非心一洗舊愆與民更始天下事殆不知其所
終此門下今日責也若某飲河鼯鼠于量已盈
卽漆室之憂常抱于 國家之事何濟惟仰屋
數馬集 卷之三十二 十一
竊嘆思一去之爲快而已

復楊荆岩論德

王武定來拜翰教恍如對面茲鍾君來復承翰
貺不三月而兩奉德音是可謂人還心邇矣媿
弟簿書沉淪經年不一奉候何凉德也時事業
已如此無足爲異惟是山東二豎視他省尤甚
臨清一擊頗知歛戢其未被擊者不啻乳虎虐
民虐官且由郡邑以及監司卽河漕大臣亦且
凌之不已邇爲查庫入齊徑欲二司行見按院

禮三司一笑而已渠無奈臬閫二司何則假解
稅銀百端凌第益第去歲爲州縣不能具六萬
又不忍豺虎遍搏噬小民故議司中處二萬州
縣處四萬而令其將差官盡數取回乃州縣稍
安而司中解銀則被其百端凌虐以萬加千猶
不肖受恐終不免于毒手也齊中二十六年正
賦逋欠近百萬第奉 旨住俸自冬徂春已完
八十餘萬尚有十餘萬最爲難完將來未知稅
駕之所承雅念問及故詳布之

東楊集

卷之三十二

十一

東楊貫齋荆西道

泰安守來拜翰貺之辱且以再遷爲第賀今之
仕宦所可力致者序遷至藩長止耳自此以上
則非政府銓部之所知厚未有無故而得者第
待罪齊中適當藩臬積滯之後一旦疏通遂得
魚貫至此實係序遷非超遷也親翁資望最隆
且起自家食謂宜處以奉常太僕之任而僅從
常調政府銓部之待同榜如此況于所疏遠者
乎齊中曠使虎噬狼吞強人包納其害猶可惟

以盜砂匿稅爲詞廣開告訐一事而株連數
人一歲而蕩覆數百家撫按莫敢問司道莫敢
櫻第雖覲顏就列實非其本心也聞楚中事頗
相類然一擊之後其氛頓減則親翁與之相處
猶易調停乎

東陳景山武昌道

申歲同有事于京國聚首兩月歸來復長驅齊
道聯舟而南中間謁闕里渡長江遊西湖迎朝
錢塘江上天下大觀莫不與丈共之人生聚散

數馬

卷之三十二

七

若此豈不稱勝遊哉轉入齊而丈復入楚金
沙黃鶴則第嘗寓目焉今且被丈私爲畏壘矣
祝釐之行無緣縮地一會僅遣人入京一問起
居而來教云病瘡豈車馬勞頓使然耶第去秋
亦病瘡甚閱三月方得脫然使丈聞之能無同
病相憐意耶齊中宦況無足爲道丈第取邸報
閱之便知藩宣者所苦與楚無異而石米二金
人至相食又楚之所無也楚之虐人者一擊便
歛齊則日甚一日且凌司道無異有司矣可爲

痛哭流涕者此也大計在邇楚有弟之舊吳在
焉洗濯覆匿惟丈是望因風詳惠好音

東長沙劉太守

向有楚役自齊回者奉尺一爲候想入台覽矣
長沙賦重民貧採木未已繼以兵興茲又有礦
稅之役疲困餘民何以自存賴有賢師帥以拊
循之庶幾不至轉死溝壑耳山東二豎狼貪爲

數馬
被擊近已稍斂其一則乳虎也
稅已自結矣輒借盜砂匿稅爲名廣開告訐

卷之三十二

十四

傾數百家至于凌轢司道上及河漕大臣雖漢
唐之曹節田令孜輩其氣焰不是過也第忍耻
就列不能有所匡救又不能早自引去慙媿甚
矣適便羽入楚爲計典之在邇也湘中罪讐以
累老丈惟丈其覆露之

東邵陽劉見田侍御

待罪邵州深懼隕越賴老年丈休沐歸家時時
得奉教益佩以周旋今日之備數守藩皆老丈
賜也至于尊酒論文抵掌談天下事意之相投

形骸可略斯亦海內之石交同籍之骨肉也入齊以來音問間闕得報知主上思諫諍之臣卽家拜官趣使就道計丈此時雖戀山林之樂忘鐘鼎之動如上命何計必驅車而北矣海內多故豺虎遍天下稍借白簡讐其一二尤橫者實今日朝野所共仰望第人輕任重于世無所短長入齊與二豎爲伍惟含垢忍羞以庶幾爲民匡救萬一而卒無濟也念楚中舊轍未能忘情因遣一役入楚兼候起居不腆微儀聊將數馬集

卷之三十二

五

遠意伏惟炤存爲幸

答原任歷城張知縣

歷下共事歡若平生時齊中居然太平景象也別後時事幾不可爲歲荒民飢重以助天爲虐者日縱爪牙恣其搏噬顧安所得救民水火出世屯溺如門下其人者重來爲齊造命也不佞濫竽齊藩于議稅救荒二事頗殫厥心然涓涓之水旣難救涸轍之魚而飢鷹乳虎又不可以樊籠檻阱制伏之者心窮于無所用而技窮于

無所施矣環視世界固無淨土然有人害者或免天災卽所稱人害者亦孰有一時駢集若齊之酷且虐者乎苟細談之恐門下亦不忍聞也負職爲媿交情殊慵二年來不通問問茲辱專使翰貺臨之何情渥也長篇駢語文彩鉅麗媿不佞簿書鞅掌無能修飾蔓詞以謝肅此布區區不勝惶悚

李翼軒憲長

徐石樓至自越辱惠翰貺感臺下臆中時相念數馬集

卷之三十二

六

也當宁搜羅巖穴蜀命初下謂宜階此卽躋常伯叅密勿之議而復有浙中憲臺之轉豈將益老其才而大用之耶然非所以處舊人而隆碩德也某才非世用濫竽已極向在蜀中以不能善事僚長幾罹官誚誠有如臺下所示至于從遊諸子卽無德以及之自分國所取罪何至入門而操戈相向哉世道茫茫風波無極非登彼岸則安危聽之耳

東藩雪松少卿

丙申歲逐隊都下得一再晤敘契闊一出春明
遂成隔絕矣門下直聲清節爲九卿中白眉而
數載不調令人有積薪之嘆總之世道如此凡
今仕者非吏隱則祿仕也門下避世金馬門以
觀時變卽淹大用幸無憂虞若弟輩祿仕藩臬
進則與惡璫抵牾退又不能爲元元造命履強
弩之機而當餓虎之口是拚性命而爲脣石謀
也日觀山右撫臺已見辱矣從此而下望風披
靡不折而爲奴顏婢膝何能自免恐天下事無
數馬集 卷之三十二 七

答萊州道盛

承教平度之災異殊可駭人石礪而飛三十里
與磁甕飛五里之外者抑又甚矣木櫃衣布盡
飛而大石填滿茲若有物以爲之者尤可駭異
總之世道昏亂危亡將至視漢桓靈之時不甚
相遠故其災異亦相彷彿耳近日山西稅監敢
叅巡撫加以無根穢語而 旨意亦有貪濫等

語時事可知矣方今元元無主所持者外之撫
臣略可主持數分今若此則併撫臣俱爲所逐
他日何所不至山右如此其有狠于山右者當
磨牙鼓掌而噬矣吾輩其可不爲寒心又何怪
天變之不示異也談及于此無涕可揮直付之
長嘆而已

答永平道顧襟宇

北平漁陽之間漢所當何奴左臂其在于今
北平鎮係焉 當宁者重其地而三借旌麾

卷之三十二

六

以填撫之使左賢日逐輩遠遁幕北不敢窺山
海一步則臺下之功茂哉威望日隆燕遼節鉞
之寄且旦夕至辱在交遊豈勝焜耀不佞孱然
書生談米鹽錢穀猶堪効一割至于疆場之事
則非其任矣而時事日新司米鹽錢穀亦不易
稱況又有豺虎而翼者以牽制之其不遭搏噬
者無幾安能有所匡救以盡職分萬一覩邸報
以臺下之和粹猶不免爲此輩所怒況如第者
乎非賴 主上聖明置之不問則効尤而至者

且踵接矣吾輩又豈得一夕安枕也

柬李卓吾

某生也晚嘗從鄉薦紳後聞老先生名二千石五馬而隱于禪宗法門間其所論著駸駸乎軼大士如來而上之出其緒餘猶能上下古今貫穿史冊類爲藏書托之褒貶使操觚之士奉爲司南信霽根之最慧而秀氣之獨鍾者也某于佛氏之教素未窺其藩籬然于老先生則已知其爲高士而私竊嚮往之也守土東藩聞道駕數馬集

卷之三十二

九

客遊河漕劉先生所至人相遇正不必論出世用世惟道之符卽九列爲空門三台爲淨室可也辱在地主無能躬承至論則托之吏人獻其一芹亦知養元氣吸日輪者無藉于此倘亦可爲從遊諸子弟具蔬菜之供乎仰干炤納不任神馳

答遼東道張浩宇

案稅之材待罪名邦無能有所規畫以佐百姓萬一而時事乖異調劑爲難每一念至寤寐永

嘆媿不能早自引去塞外吏賢者路也伏念守壽春仰藉陶鑄以有今日入齊以來硜硜自守未有錙銖仰荅鴻造而再辱翰貺遠賜存之故舊不遺此情何渥感深報淺益令人無地自容夫劍客啣恩國士思遇情雖不同其于畢誠効力願得一當以報知己其心一也某雖不材敢忘厚雅使來值賓興事竣方歌鹿鳴南山以娛客也倥偬中草率奉復兼布謝悰北望遼陽雲天極目不勝懷人之感

數馬集

卷之三十二

辛

項因衡陽有鴈輒附尺書稍敘間關羣羣附候殊媿簡褻辱萃扎遠寄大貺隆頒感情好之慙慙觀文采之鉅麗真如鄂渚瀟湘論心對榻也方今羣小爲政縉紳見凌所在皆然楚齊爲甚台丈所處信當餓虎之喙顧臬司不關出納持三尺繩諸殃民者儻事干中貴卽稍從委曲不失爲文明柔順之正若弟則議包採議包稅議搜帑百難萃之近且欲空司藏取解二十萬金

有奇久與相持莫遂其欲川決而潰將來不知所稅駕也榮轉之命久格不下此今日常事恐非瑞故之以矧清望久隆節鉞直旦暮遇之何藉此也惟第則進退無據俟逐隊都下信當掛冠神武門耳

與陳太監

頃讀大疏見臺下議帑金事原無成心于諸款疑其有所餘故欲取解而于果有碍者亦未嘗執必解以爲是也茲奉 旨覆查不佞敢進其

數馬集

卷之三十二

主

愚蓋天下事非一家私事惟當與衆共成之如臺下之欲多解懼內帑之不足也兩臺之不敢曲徇爲邊餉及地方之不足也或內或外總之皆 朝廷事豈爲私乎但忠 朝廷者宜慮其遠者大者方今九邊匱乏軍士脫巾遼左寧夏幾成大變此臺下所知也賊罰濟邊從來已久敝司催各州縣經年不得及額故不能起解而取之以進則邊餉益缺矣本省兵餉去冬題減二十餘萬則遼左已撤之兵豈有復編餉理所

編及以鄉兵銀抵補者皆必支之數也臺下但見庫中有遼萊兵餉不知遼兵雖撤而旅順水兵屬之山東今馬文煥所統三千餘人是也至于萊州南北尚有二營其餉將何恃乎香稅向時歲餘四萬除給濟青二衛班軍衣鞋地方公費及文武二場所用三年之間約用九萬餘兩敝司去冬雖有四萬已抵貴監稅銀動支萬餘今歲科場無可用又將修廟修城銀動支萬餘班軍衣鞋又支數千兩院司道府公費又支數

數馬集

卷之三十二

主

千今且空矣且泰山今年之稅不及曩時十之一盡解貴監猶然不足此有耳目者所共見也不佞方憂明歲班軍衣鞋及諸費無所從出而臺下尙欲取解將何以應乎積貯乃生民大命備賑之數今歲動支已多豐歉不常豈可盡取凡此皆臺下所未盡知至于瑣屑各款如德衡三府祿米年給一年顏料派利米原脩戶部二年多派取解之數雖有在庫乃待支持解者豈爲多餘乎今臺下之議與兩院懸絕彼此各執

其是若不佞不就中調停則 明旨所謂會勘
明實者終無完結之日且事相因則易成有司
知 明旨欲會同撫按勘實亦安敢不遵撫按
之文而徑解乎雖臺下督責甚嚴恐未免稽遲
月日矣不佞意欲于前議之外查其應支稍緩
者再行酌議一二萬一以體 朝廷之意一以
終臺下之事且 明旨于真實無碍者尙許留
一半爲地方兵餉蠲賑之用如江西議銀一萬
六千兩尙准留八千若山東有五萬以進是須
數馬集

卷之三十二

三

有十萬方得此數也不佞欲通達此意久矣又
恐臺下疑而不信故遲遲未敢盡言且棘闥倥
偬亦無暇及茲不日又且入覲矣故敢盡其愚
說若臺下以爲可從乞賜

數馬集卷之三十三

溫陵黃克纘紹夫著

書

答李景山總兵

遠戍外國古人所難而麾下填撫三韓業更兩
冬島夷雖遁屬國式微振旅之期尙未可卜卽
班定遠白首西域何以異此回首西望將無以
山海爲玉門關乎不佞久荷雅教闕焉聞問忽
承翰札始知有三年之戚夫簡書可畏將母不
數馬集 卷之三十三 一
遑斯已忠矣至于縑墨從戎情何以堪自非念
焉 主憂以忠奪孝孰能不置戚戚于懷乎相
去萬里無緣奔吊敬附不腆聊致唁私

又

朝鮮君臣不能自振此吾國之憂也然憂有急
于此者不在外而在內麾下以爲今日中原何
如哉愁困無聊人人思亂內之不恤而外是圖
且彼國之苦吾兵久矣方願我去而我強留師
旣老矣餉復不繼恐非我師之利也承談及敢

進其愚幸勿罪焉

東彭秀南

老父母之在敝邑廉明愛利至今歌誦無論其
它卽田畝之稅輕今者十之五于五之中又省
額外十之一焉此父老子弟所共談也第移楚
時曾一入里門親奉貢獻以供公上稽之故額
知其如此不勝驚駭細求其故則邑中吏胥以
縉紳諸生總其成額爲應免之數其無田可免
者陰借之以免富室而收其直使縉紳諸生
數馬集 卷之三十三 二
優免之名而吏胥獲厚利之實諸生日增而貧
民日困矣乃委曲聞之當道下縣核之顧不核
共冒者反拘諸應免者欲加以冒免之名諸子
弟不能自白復行重賄乃止嗟乎敝邑之民安
得不驢首老父母而願其仗節來閩也第才不
及老父母萬一而愚戇過之典州郡領藩臬俱
以愚戇獲免茲隨例上計靜俟幽黜辱使者之
臨多乃獎借不勝感悚計事將畢主爵者行疏
循良異等聞之 朝廷下 璽書旌異老父母

聲實兼鴻宜首膺之若第駑駘得免斥逐爲幸
敢有他冀敝省填撫久乏若得借重旌麾一照
臨之豈惟弟之私幸其全閩士民有厚賴焉

與懷隆道馬

仲宣樓頭一醉華筵轉盼五載矣上谷濟南相
去千里猶托寒末得時聞德音覩魚鴈之相續
忘參商之爲隔矣隨例上計瞻望匪遙忽枉瑤
函來自塞上情既慇懃詞多弘獎感念同心永
言弗替計事竣弟幸逃吏議則大厦之比也若

數馬集

卷之三十一

三

乃治績異等膺開府殊擢此則翁文輩拮据塞
上宜有此酬也弟何敢望

東王霽宇

夜郎新定蜀黔之民瘡痍未起建立郡縣經始
爲難上徧擇大臣莫可遣者而畀之臺下且輟
北門之鎖鑰而專三藩之斧鉞其所以施惠西
南半壁者甚厚日得郵報知旌麾暫過梓里卽
馳而西不俟代者可謂畏簡書而念靡盬矣某
叨守齊藩望台光咫尺無緣出迎道左以慰登

龍之望抱歉實深又曩者督學西蜀攝篆臬司
值石大司馬遣其私人徐宗達等人播交通索
其重賄欲入京爲之奏辨被奏民捉獲行司鞠
問某惡其以天子大臣爲小醜內援交構之人
悉加重刑禁錮年餘此事大拂當事者之意戊
戌大察幾乎不免今雖陳事可無追談所以向
臺下喋喋者欲使知任事不易庶幾能白某之
愚直耳

復馬長平督學

數馬集

卷之三十一

四

入蜀時于豫章一奉顏色別來時事變遷人情
反覆竟使臺下抱不白之冤不佞雖向人前曉
曉代白信者十九然已無如之何矣尹春寰在
齊時曾懇之以邊材相推轂渠亦惓惓留意第
事機未投卽以制歸矣良心未死三寸猶存敢
忘臺下高誼者非人也弟兢兢守官積勞至藩
長涯分已逾不收有他望第觀時政日乖豺狼
滿地欲舒發憤悶一効報國之誠而權不在已
計無可施垂首喪氣與時浮沉念之不如掛冠

歸去與田夫野老徜徉山澤間猶得遠禍機也
讀村遊諸作冲然古雅大似陶公且處困鬱之
中絕無幾微見于詩詞其所養大非不佞第所
及匪諛匪諛楚蜀小草奉上請政聞臺下喪子
念之使人愴神幸割情自慰

與李翼軒穎川道

日以不腆爲候辱青玉案之報且感且媿閱報
知榮補穎川豐鎬重地借重彈壓聞近來憲署
移鎮壽春此某筮仕所牧地也城常患水築有
數馬集

卷之三十三

五

護城石隄十里高一丈四尺直指姚公助以吏
役所入貲五千其餘則某數年夫馬支應節省
餘金也隄上書有姚公隄真隸二碑則程孟儒
光祿遊穎時筆也某交孟儒寔始是歲念臺下
與程素厚因憶及此凄然有今昔之感矣中都
守金君里閭中兒女至戚也其人直諒有志操
願臺下知之

答邢知吾

承惠大篇雄渾雅麗大似初唐三復之餘不勝

感誦妙臨諸帖逼真右軍蘭亭數句尤得筆外
之意卽米南宮恐未必能過也藏之篋笥直與
晉唐諸帖並珍矣連日公牘頻仍未暇賡和
雅俟少閒當別有請敬附來使致謝

東王泉臯中丞

旬宣之役深慙無當不意誤辱 聖明授以節
鉞聞命飲冰內如灼以東省多事之後兵未
盡撤餉懼不供大司農又倚爲外帑一時而差
九制科坐索邊餉數至三十餘萬此皆撫民者

數馬集

卷之三十三

六

之憂也大貂不守成約包稅之外又復抽擾濫
開告訐廣搜人財小民無所控訴惟有聞之兩
院而已就中調劑爲力非易況以某之才微望
輕安能勝此重任乎臺下向在省中耿直著聲
茲目擊時艱豈能坐視桑梓之民顛連無告愛
助之教益真切望之矣

東劉在田侍御

老公祖使節出都門第方隨計吏後以是日赴
大鴻臚習綿叢坐此不能于春明外一送行旌

念之殊爲一缺事台駕入閩計今數月觀邸報見留海澄疏此一大公案也閩中官評顛倒惟今番最甚海澄南安俱稱卓絕竟爾不免其餘齟齬及無賴者多得保全良不可曉老公祖下車計當一肅清官屬之幸士民之福也第愚直不能詭道以干譽顧其行事在貴郡時老公祖所目覩民間詞訟付之正官彼郡首領縣佐領安敢批一詞郡縣所擬嫌其重而減者多矣敢增一罪乎閩中吏治則多郡首領縣佐領爲政數馬集

卷之三十三

七

小民不得安生多坐此也老公祖持此以察郡縣則賢否已思過半而佐領橫肆之風庶幾少息矣弟仗庇承乏方望老公祖披懷以教而敢獻愚直之言者爲桑梓計也顧同榜中相知雖多如老公祖者絕少實望不我遐棄惠以德音弟亦不敢避形迹而諱深言望老公祖之采擇焉

答于穀峰宗伯

方今 當宁博求耆舊入贊化樞海內人士咸

謂公才公望無踰老先生而蒲輪之徵猶然未下殊孤蒼生之仰然時事如此旋乾轉坤非其人不可正恐老先生雖忘情當世而渭水東山終非老先生有也某才劣性迂于東省非有秋毫之補茲填撫乏人誤蒙簡用此如責豎子以千鈞之任非壓則仆耳矧虎狼在邇吞噬是虞制之則力窮于尺捶馴之則怒起于生物強弱剛柔無適而可且民力已窮征求方急司農所遣以督邊餉者其五已至其四方來繼此而坐數馬集

卷之三十三

八

守貢賦者源源未已此如簞人子朝不謀夕而責逋負收子錢者戶內外趾相接也海內兵革幸略銷息而一切衰世急切之政泛濫橫出萬一再有他變不知作何收拾談及于此大可寒心老先生素抱經世之略且目擊桑梓之急其將何以教之佳祝禮宜拜嘉第貴鄉諸老以賀儀至者悉已辭回以省差役往返敬藉手使者完璧以謝想在原察望教真切勿吝德音

報沈蛟門相公

年來內外阻隔血脉壅闕勢極難返動成踈謫
賴相公調和其間精誠上格邇者 綸音一下
國本遂定九列言路以次充盈中外人心
莫不忻懽鼓舞庶幾六年敝政一旦掃清普天
豺狼盡行驅逐誦 聖明之德而稱相公之功
不衰某簿書俗吏荷蒙拔擢得備疆場之役感
前事之艱難如彼見新政之旋轉如此洗天威
雨何幸得沾被之視事後例有一言以謝敢采
澗谿之毛附之以獻仰惟台慈鑒存不勝嚮往
數馬集 卷之三十三 九

之至

報姜養冲年丈

葛廣文至拜翰教若以弟得當一面爲弟幸者
同籍心知固宜有此第未知第苦耳山東外道
九人缺者六人弟不自量効前人有所薦引卽
爲省中彈射此不足以辱第弟不憂也二瑞虐
民爲惡已極稍一出示禁戢委官而小民卽與
之抗幾乎生變猶幸未至毆傷人命今二瑞側
目不一吞噬不已也黃河決于歸德彼中難于

障塞則議令山東于曹單間新開一河于決口
之上爲之洩水費且百萬又有開泇河開膠河
之議 明旨俱責成巡撫而民窮財盡徒手難
施甲可乙否築室難成又邊餉告匱司農遣使
者十二輩坐守轉輸旣慮邊兵有變謂吾缺餉
又慮小民激變謂吾竭澤生平遊宦頗能不憂
寵辱今任事三月而鬚髮已斑白矣蓋填撫本
難而當此時此地則又難之難也惟得全名節
致政而歸卽爲厚幸此外更敢復有他冀乎葛

數馬集

卷之三十三

十

君爲丈所稱其人必有道長者當優遇之褚懷
溪丈十載子舍不求人知此今世所希倘可効
齒頰豈敢有愛冗極草草不盡

報李及泉總河

國家事最不宜偏執已見但求其事之濟否耳
若王家口之開能使河水東注不傷曹單等縣
則費至百萬亦豈可辭然能必其不如李吉口
之旋開旋淤否乎能必曹單之民不爲魚鱉否
乎今日之事正當博議此二端有能任其無咎

則歸之何不可者不然則害山東與害河南一也會勘之舉容異日追隨汪憲長之旨已下計日可到亦一助也不宣

東汪登源中丞

旅順之兵鄙意欲撤久矣因台臺曾有教言令少侯之故爾舒徐不謂萬丘老遠有此疏欲使山東自爲計此語似欠公平正恐部中遽覆盡如其言貽山東之累欲具疏以便併覆而大教適至感臺下持議公平視齊猶燕真仁人君子

數馬集

卷之三十三

士

之用心也第請內帑及均出之說終屬難行不如早爲之所盡議撤去而厚給路費一策也姑留其半而齊獨任之亦一策也二者惟戶兵二部所擇焉敬以揭帖奉覽舉劾有司自是常典但賢否因乎政殿最因乎糧當兩酌之俟旬日外卽遣人齎報伏惟台照幸甚

答程相如遊擊

相如足下不佞故舊之情何嘗不在念哉顧事到當前不如人意令不佞忍心降氣爲世間耻

等事則有寧去官不爲耳向者承教謂彼東行當循理守法而豺狼之性終不能馴良民被噬者以數十家不佞卽未能盡發其奸忍無一言以謝百姓乎事在不佞未任事之前者不佞何所不容及身當其事則清議可畏便覺功名爲輕足下交不佞有年矣豈不知不佞爲人卽不敢置足下于幕下亦有懲于此也世間功名俱有定數不佞于此勘破頗透若一二君子能反昔日所爲則不佞于故者無失其爲故何樂于

數馬集

卷之三十三

士

暴人之過惡且上聰明易悟若一旦停止如近日仁愛之言諸君子亦宜思爲退計今宇宙之廣有以自容何可專結怨于士大夫與蒼生哉江生故不害人足下之言是也若俱如此生不佞不求多矣

東陳蘭臺問卿

世道嶮巇一事偶隙懷之終身談笑之間悉爲戈矛言之令人股票大都菲才薄德寔自召侮不可專咎人也惟老公祖急流勇退飄然塵壚

之外卽有繒繳亦將安施不佞于是嘆掛冠之不早而戀戀鷄肋有慙知已矣

東趙寧宇中丞

當世號稱多才然至紛紜擾攘之際人心鼎沸大亂將作欲談笑而消之不露聲色而四封宴然當此之時則不得不屬之老公祖矣彼饒饒者徒見其成功之易不知其幹旋之難尙欲以必不可行之事厚相責望此任事之臣所爲灰心而長嘆也某才拙望卑處非其據事惟信心

數馬集

卷之三十三

三

信理初不知有意外之風波半載之間兩遭醜公雖臯非已作欲辭之而不受然至于効市井無賴互相詬病其爲耻辱固已多矣此時齊中無直指故忍而在此謂兩璫倚角懼百姓之無所托命也俟入秋涼當決意求退矣

東陳稅監

礦稅包納盡歸有司不得復差官舍此議自門下發之而藩司極力擔當謂必無他今承大教過稅旣抽又復委官至于包礦則盡照舊聞之

人言謂門下初意甚善而程守訓者輒以事歸有司則門下爲無權以此相聳動故爾中變夫使門下安然受礦稅之利有司依期徵解孰云無權必欲權歸委官恐委官之利乃門下之害也至於派包之數有應減及公費有應存留地方者亦係開採常規門下寬一分則地方受賜一分其于徵納更易事有損之而益者門下何可不深思也此事沈君任之甚力今門下中變其說將置沈君于何地惟門下其再惟之

數馬集

卷之三十三

古

東溫用廷侍御

不佞生平靡所樹立叨冒至此亦云幸矣妬者之口固其人以薄道自居然不佞自反亦多內媿其原則由大計時註舊縣縣考語自招彈射也世道人心事事可憂倘得歸田寔爲上願業已再疏求去寔非粉飾辱門下念鄉曲誼語多獎借且加慰諭焉誠用情之厚不佞何以堪之近日奸弁又有上疏欲于貴縣採精金十萬文銀三十萬者此其意似欲于呂宋邀取外國商

不則海上行劫恐

事從此

吾輩踟天踏地無所紓其忠憤奈何奈何想
關桑梓寔同此憂餘情具別楮伏惟炤諒

東王慕蓼博士

里閭中以文章科名起家者蘇李而後則稱門
下矣辟雍清華之地人才所自出讀韓昌黎進
學解儼然以作人自任國子先生豈必遜于下
堂學士耶不佞未挹清塵而以里中所稱述
門下斌斌質有其文行當爲粉榆社樹

數馬集

卷之三十一

主

簿書俗吏以課最爲勳績積勞至領一濡涯分
極矣而以不善諸俗兩遭口語此亦不佞知止
知足之日養叔所謂宜善息者也悠悠宦況無
足爲門下道者適次犬子道貞將遊太學執經
門下敬以尺牘先之惟門下進而教焉

報三閣下書

某才品卑卑兩遭口語自分不齒于士君子之
林矣引身退避庶謝人言乃辱相公閣下曲加
粉滌屢蒙 溫旨慰留在相公取人長之于泥

滓淖濁之中而略之于牝牡驪黃之外在某則

未有得當可報恩遇徒增中夜耿耿耳黃河南

徙陵運可虞凡在臣子俱宜多方講求爲河漕

建萬年之策決不敢委靡退托以誤大事但膠

萊河之議再三相度勢果難開蓋河無水源徒

夏秋時雨水稍有停蓄不則且流且涸自來未

有通舟楫者矧南海北海流沙浩漫縱開成河

潮至則水浸沙崩潮退則風吹沙平元人爲之

而不成劉尚書濬之而罔功今萬萬無再試之

數馬集

卷之三十三

主

理卽此河果成而改造漕舟費尙百萬豈今時
財力所能辦也竊意今日議河能挽黃濟漕使
河水下徐州策之上也不得已則費十五六萬
金開泇河使漕艘至邳州卽入內河策之次也
徐州建閘終非長久之計萬一明歲天旱則閘
水乾矣但挽黃入徐有虞城以南虞城以北新
舊黃河二路最宜詳擇若開泇河則徐州之民
盡失其利多方阻止此在當事者審察之耳恐
犯出位之罪聊陳其槩伏候採擇施行謹啓

東許少薇京兆

同門之中首登九列者惟老丈茲領京兆儼然擁肩輿坐臯比稱貴倨矣猶然不厭吏事日親簿書理錢穀爲輦轂下小民理枉甦困如異時作縣日耶如是則青史之上獨數趙張已哉第雖叨附後塵然一歲之間屢辱人言視此蠹官真如桎梏惟恨未得脫然塵外作一無榮無辱之人老丈愛我其何以出之迷途而登之淨土也榮任已久爲賤事遂稽奉候知能原諒也

數馬集

卷之二十三

七

報閣下工部都水司工科山東大老及科道

閱報見總河有開河疏此番舉動俱總河自裁某于九月二十八日聞總河自歸德移駐曹縣卽馳往會勘十月初一日至曹而總河已先一日至李吉口及某往李吉口而總河已往碭山縣六座樓地方是日接總河書有勘則不妨先後疏則不宜異同之語某乃循河而上至下劉口則總河先已定開蒙牆決口下郭遂莊業召

山東徭夫一千八百名開過九十丈矣某周行

河上三宿而歸十四日至省乃聞復開王家口某向已有疏以職掌歸之總河茲不復置喙且未會面亦無會稿初無所容其喙也恐都下見某無會疏則以爲復持異議見無爭疏則以爲苟焉面從二者皆某之所不敢出也此時兩省人夫二十萬人聚于曹單河無不成之理但新河成而欲塞黃河其憂在再決此總河事也因不敢具疏不得不一言以明心迹惟台臺察之

數馬集

卷之二十三

八

若以會勘無疏見罪則某惟有束身待放耳惶恐惶恐

東莊泰岩大叅

榮擢叅藩卽于舊地玉壘銅梁之勝可供眺覽耶筒丙穴之美足供譙樂而播酋已平兵戈無警百丈上瀨所載東南諸物無不自外江至于瀘陽茲宦遊之樂土而西南之奇觀也第去此八年寤寐有懷猶不能緩矧親翁身履其勝者乎東土今歲頗豐而河工孔亟此時聚二十萬

衆于曹單間足踐冰雪手淘淤泥皸瘃凍餒民不聊生狂噪之變端倪已露第止之不能據之無術仰屋竊嘆欲裂冠而去者屢矣相知者皆以開府爲第榮而不知其憂譏慮禍終夜不能貼席也聞人于內寡援卽變非已作亦且嫁禍于我況身與其事者乎親翁其何以教之使知免難之策適沈公祖欲遣人入蜀敬附不腆奉賀併布其區區伏惟台炤幸甚

東閣下書

數馬集

卷之三十三

七

開河事總河極力擔當最爲可服凡在同事俱當左右贊襄之但河本難治而總河易言之川壅而潰其傷必多此任事者之計失將貽害于他日也某極知越俎有罪然隣馬之逸猶爲園葵之憂況身與其事者乎不得已具疏一言庶幾廣求善後之策卽招人彈射所不顧也抑自古議事而意見不合則必去其異議者而後持議者得以收功今日之事似當容某告致以專委任而責成功但不將利害明言而去則人將

以某爲悻悻求勝者故復有此疏耳伏惟台臺裁察

東曾景默總河

向者金鄉暫住實圖一晤乃縣令謂寶眷將至別無公署可住乃停一日遂爾東歸至今念之猶悚然不寧也河工兩疏規畫詳盡處置得宜必能挽河東注不佞因都下有言求勘不容者不得不一疏詳其始末昨已具揭奉覽大抵私心以王家口開亦不妨卽河不全注亦可稍分其勢但塞舊河則恐有他決之患故疏中欲臺下再加商度以求萬全且免不佞他日以隱默見罪要之于河工不敢有阻撓也預備倉穀三分之一及無礙銀則向已催行速解惟是保赤倉係民間自出春放秋還不經按院查盤但一報成數而已此項欲動似奪民間之有中如登州亦有已解者不敢復議其未解者望臺下再一斟酌鄙意以爲此事當再請之主上卽不與銀亦知事體重大所費不貲外藏空虛庶搜

數馬集

卷之三十三

三

括之令或稍寬也何如何如

報曹景默總河

天下不可無任事之臣亦不可無慮事之臣昔歐陽公王荊公皆貴鄉人也議河一事亦自不合然心非爲私同歸于國而已某愚昧誠多過慮然私心亦爲地方至于事機所係門下毅然任之則何敢不心服也辱教具見休休之量惟私祝河伯効靈使地方得以息肩則拜 明賜不淺矣

數馬集

卷之三十三

主

東朱四還中丞

七閩地狹人稠歲所耕穫不足供今年之食稍無歲則米價踊貴人心驚惶賴老公祖鎮之以寬大招徠商賈南自東粵北至江南遞相灌輸民藉以寧沿海水寨多倡爲接濟之禁以阻商船而索厚利夫閩人通倭則誠有之然皆漳之窮民于海上掠取商貨以往若有貨之舟則皆南往高州北往蘇松者也將官見賊舟則畏避如虎甚且爲其所掠盡殺其兵而取其舟張其

旗幟以誤商舶惟見貨舟則多方攻逐索其厚利稍不如意則以通倭誣之故近日海上經過水寨非費十數金不可此老公祖所未知也機易之說不知其意云何大都漳之奸民欲藉朝廷之令于海上盡徼呂宋舟而奪其金然往呂宋者俱以納餉且聞稅使亦權其利以進矣此若以美言籠稅使令其上疏叅奸民實之法而許稅使稍加其貢額或可挽 皇上之聽乎高固中使之賢者與齊中二豎大不侔也第才

數馬集

卷之三十三

主

望南輕屢遭人言意未嘗一日忘返調劑二增心血俱竭僅得視前稍稍歛其狂逞至于開河一事曹單二縣聚人夫二十萬于冰雪中其不激而爲驪山之役者幾希民窮財盡盜賊蜂起穎毫陳宋之間已見告矣功未必成而禍尙未知所終老公祖又何以爲第策也

東德府李劉二承奉

承翰教傳 德殿下令旨生敬奉誦知 殿下念母遺命所以恕其第者甚至古人云仁人之

于弟也不藏怒焉不宿怨焉親之欲其貴愛之
欲其富故象雖欲殺舜而舜之親愛無已此古
今所以稱至聖也嘉祥紀城之罪雖有可恨若
殿下以大舜親愛之心處之則必念同胞之
情手足之誼加恩愈篤使先王先妃之心慰
于地下豈不干 睿德有光哉且夫命名或因
平時月或因平小宗一派未必便有他意若以
親愛之心處之便可兩忘外間間嘉祥被禁頗
久故向輔導官一言之公等皆以德輔 王者
數馬集 卷之三 三

轉啟焉

東夏鶴田省垣

門下正直忠厚當在 朝廷以維持 國是區
區中山島嶼間一侏僂耳何足勤 天子耳目
之臣涉萬里波濤而寵異之誠知門下事不避
難使不辱命如敝鄉謝常伯能將雨露而灑扶

桑然區區私心以爲此何時也中國腹心之地
百孔千瘡當與賢人君子挽回氣運何必以彼
鱗介而勞我冠裳哉使節且按敝省造舟爲梁
倘未卽行于 宗社隱憂生民禍亂且目覩之
此非直某一人過慮已也不腆程儀聊以餽客
仰惟炤存幸甚

賀尹春寰中丞

兩越首藩人物財賦甲于天下 聖明特起臺

下田間授之節鉞蓋兩越重則東南半壁恃以

數馬集 卷之三 三

無恐計此時憲節已入越視事東 奉約束而民

膏陰雨矣某自筮仕至今屢辱 禮遂得以榮

稅之材繼保釐之後成法具在東 事堪師乃愚

竊招贅再辱人言德之不猶又 足怪方今黃

河南徙運道艱難徐豫齊魯間 三十萬衆開

一新河欲挽河伯使之北向役 已有次第而河

之北不北猶未可知蓋財力兩 困公私俱竭矣

倘此功不成未知京師仰給何 處此杞人私憂

長恐 國家卒有意外之慮也將 何以教之

報沈蛟門相公

開河之役山東夫衆于二月終告竣日夕望河南工完依期放水不意天不助順三月以來疾疫大起河南之夫病死過半卽僅存者亦皆奄奄待斃彼此不能相顧恐三月終放水之說又成畫餅矣大都天下事見始可以知終某于去冬興工時已知其必有此事及山東工完夫散而河上斗米價至二錢有餘薪亦如之夫旣疾疫薪米又貴安得不枕藉以死也總之大役不可輕興治河原無善策相公之言欲徐觀其勞之所向最爲有見主開王家口議者起于河南一二卑官而總河輕聽今無及矣可惜以一腔任事之忠而爲人所誤至此是不敢聞于他人惟向相公一言之恐以某爲惡成樂敗謹將充西道來大叅稟帖呈覽中州之不幸亦山東之不幸某豈敢幸其禍災惟恨向日不能明目極爭卽兩次具疏亦多畏首畏尾將利害之言盡行削去致有今日耳

數馬集卷之三十三

數馬集卷之三十四

書

溫陵黃克



東陳稅監

奉到大教欲于埧城壩委官抽稅謂徐州稅少
商有從揚州淮安別尋捷路越過徐州者夫商
人欲越江北必于邳宿之間別尋徑路豈能飛
越徒借此爲名欲重山東之困耳近見會試舉
人由此經過者委官亦奪其行李此輩入京者
數馬集 卷之三十四

三四人衆口噉噉咸謂不佞不能禁戢冒縮
胸之名至其含怨于門下者恐亦不少也夫埧
城委官能認稅幾何而使吾輩犯衆怨結士大
夫之讐亦何利而爲之山東縉紳任兩衙門者
每每以稅既包認委官騷擾如故以是爲不佞
罪不佞亦付之無可奈何矣敬具衷言奉達幸
勿聽細人之言再生事端以失同事之雅爲望
東孟麟野諫議

久疎聞問緣大計未畢尙心旌搖搖懼有南中

言濫之勸當閨門恩過也日見江北直指疏頗
以蘇家莊之決爲山東罪查會總河原疏自堅
城集濬至鎮口江北其估銀六十八萬其後以
錢糧不繼遂減去十分之九江北所費官帑不
及九萬故四月初八日放水李吉口堅城以下
卽已傷決其水強半由碭山出小浮橋所趨非
所濬而總河樞回座船難行家眷下小舟十餘
日方至徐州亦下流不通之一驗也爾時王家
口未塞尙已如此及六月終塞完而蘇家莊卽
數馬集 卷之三十四

大決原非隄壞乃溢而出隄上故隄遂衝去水
盡趨沛而城郭人民沼矣今不咎下流不通而
罪守隄者之不謹雖有金隄庸能與河伯爭乎
又謂蒙牆決時河南委谷山東此更未究其原
蓋黃涸之決由李吉口之淤李吉口之淤由堅
城集河身之高下流未通同知鄭金遠將黃涸
口塞至強半而蒙牆決矣是蒙牆之決亦江北
貽之也總之治河如人一身若血氣流通自無
他病一有壅滯則病勢百出不佞何敢出位再

請阻恐加河雖開太行隄雖築而黃河之不通
如故他日曹單虞永之間必且再決彼此相咎
終無已時也沿標之決則黃涸宜開縱水從符
離出宿遷于祖陵無礙可免三省再決之患
若加河成運道不賴于黃河雖寘之不治亦可
但今日忌諱不敢言耳不則堅城以下終當再
濬但工大而費多非一時所能辦是二策者不
可不熟計而明言之也門下持籌于內必能爲
國家定是非以明公道會賈僚諸公乞爲道鄙
數馬集

卷之三十四

三

意此非欲辭罪乃公論也惟台裁焉

東李霖寰總河

河上維舟不能一日而傾倒情憐可當千秋屈
指當今人物孰可與臺下伯仲而某得附臭味
之末分促膝之深談斯已奇矣鄒湛有云公令
聞令望必與此山俱傳如湛輩乃當湮滅無聞
然羊公不朽而湛之名亦附以不朽士固不可
無所托耶泰山之遊倘得隨杖屨之後掃峯頭
片石共醉流霞安知異日羊鄒風流不傳播人

間耶望之望之歸來簿書正劇卒卒奉謝未盡
欲言

又

舟中一晤備辱汲引之情至濟寧復拜翰貺之
辱雖太白樓頭未獲奉杯酒以從而披讀大教
醇德飲人五內生春淳于髡謂一斗亦醉百斗
亦醉不佞謂不飲亦醉固不在酒也但高樓在
望山川在目更得題詩其上使知千載而下有
二太白此則今日盛事而某不能無缺望耳充

數馬集

卷之三十四

四

西道已促之往河而彼復入省辭謂異時盡力
河上不惟無功而幾乎取罪今日再往恐功未
必成而議者踵至夫議論紛紜孰能無忌惟是
盡心所事付成敗于天付是非于人則何所不
可不佞以此勸之而臬司亦欲將東昌道務送
之武德彼旦夕卽馳往矣天時已熟人夫寢處
席中氣味薰蒸頗易生疾不佞謂宜稍寬假之
或將山東穀金買席夫各給一使十人共爲一
廠高大之以避暑熱至于米穀不足貳令其勤

單縣庫銀二三千兩差人往上流如費郡近河
諸縣買米散與各夫庶免饑餓之患此亦爲夫
役計不得不爾者也惟台裁之

東李霖寰總河

單父之會直春秋中之一遇耳得臺下放歌一
篇氣壓今古驅河岳精靈以供役使幾使太白
猛虎長蛇之句却步而走便欲勒之琴臺以垂
千秋不朽盛事第恐排律拙作局趣如轅下駒
不堪與渥洼天馬趨步後塵耳羅生字咄咄逼
數馬集

卷之三十四

五

古軸字似蘇卷字似黃而愈大愈佳展玩珍惜
若西王母降于承華殿使董雙成奏雲和笙佐
酒漢宮婦女從此皆無顏色況敢論僊凡之際
乎妙矣妙矣來教謂媵妍主媵夫媵則妍矣何
敢望主恐如婢可作夫人便爲羅生誚也謝繹
梅便作古人蓋素無疾病一朝痰厥而逝敝鄉
山川力薄一贊司徒亦不能久存其在林下者
復何望乎數日前渠有字問及齊中海錯方遣
人持四種至門而門內哭聲發矣一飲一啄莫

非前定何況生死壽夭以臺下念之深故併及
之佳扇拜領便當奉揚仁風以慰黎庶若元規
之塵未足障也謝謝

東蹇理菴總督

承翰教知朝鮮情形內有畏于中國而不敢與
倭和外實怯于兵威而不敢與倭隙倭之情在
資金山以給對馬島其勢必爭爭則朝鮮不支
恐折而入于倭此近日談東事之大較也然中
國藉朝鮮爲藩籬藩籬撤則倭禍必中遼左是
數馬集

卷之三十四

遼既防、又復防倭益難爲力今欲救之耶則
中國之物力已竭欲棄之耶則昔日之爲德不
終而倭患益逼無一可者惟有若台議所謂明
偵探脩內備以遙爲之聲援而已雖然倭人之
必爭者金山也若金山已失則智者不能爲之
謀倘其未失則量調浙兵三四千先據金山令
朝鮮量助半餉而中國給其半如旅順之戍原
非要地蓋其海潮來則盈潮去則涸膠舟可虞
倭未必至孰若將此兵及餉盡移之金山但原

額不過一千三百餘其不足者山東登萊可抽補不過稍增行糧于中國無損也先據要害且耕且守彼來無可據其謀自伐議者謂倭若由旅順揚帆直至天津則門戶疎虞可慮此殊不然夫北海口島嶼森列夜間行舟必觸礁石若夜間不行必尋灣泊則今皇城鼉磯諸島自有舟師戍守彼便能飛越數千里險地直至天津耶故山東古有倭患乃登州東南一帶無島嶼間隔倭船被風飄至便爾登岸亦猶往閩浙七

日七夜揚帆可至也若入北海則海淺而嶼多舟行多礙自古曾有倭船至萊州而達青州者耶勢不能也鄙意謂守旅順不如守釜山但當遣一偵探人直至彼觀其虛實一面調一南將慣于防倭者領兵則他日不至大興師而中國不至大疲敝耳惟台臺裁教焉

東李霖寰總河

念五日從嚴直指處見報加河成功疏深爲國家歡慰蓋此事開漕渠通塞徐究利害一成

則兩省人民可以息肩京師百萬官民不憂乏食凡爲臣子俱以手加額若復惡成樂敗必無人心者也但舉事本難衆論難一因久未見疏揭不勝私憂而傍有言放水之後邳州一帶僅深尺餘深慮漕舟難行者此亦無怪其然以臺下來教參之則淺誠有之但宜再濬耳彼未知濬之必通但聞放之未利安得不私憂過慮惟能前知其當然雖淺不懼而徐爲之計則績用必成雖人有後言何足恤哉若某則素知加河可開向固從諛臺下力主此議者而彼復勸某疏其不然某復不顧前疏妄加詆毀是前後自相矛盾世其以某爲何如人哉今功成矣某雖不敢分功然未嘗不欲免罪喜幸之念豈後于臺下而復倡此議不亦愚乎萬萬無是理矣守巡有司奉憲令惟謹採柳之役于今三年且爲數甚多其勢不能如期非敢慢也承命卽行守道嚴加催督或可次第輪納然異時王家口放水在先塞河在後漸爲之亦非旦夕塞完也

惜台裁之

河東李霖寰總河

伏承台翰問及塞決之事仰見虛已採納不遺
芻蕘甚盛心也顧某隨人口吻與河泊從事曷
嘗躬親荒度豈敢以臆說而決天下國家大事
然以前事度之則前日之失乃今日用藥之斷
案也請以前事証後事可乎夫前歲之決以苑
家樓至興旺口龐家屯俱不及深挑望之河形
非不濶然在也而沙土積淤水流至此不能東
數馬集

卷之三十四

九

下故上流水溢河岸決口至十餘處則欲塞決
必先挑下流明矣今下流挑矣若決口不塞則
水勢泛漫趣北多而趣南少以異時李吉口觀
之黃涸不塞李吉連開四次俱至冬就淤然則
濬下流而不塞決口與不濬同也故今者開塞
二事勢實相因然不度其開之可洩水與否而
遽議塞決則上流必復有潰決之患不度其塞
之能辨與否而遽議放水則下流必復有壅塞
之患故爲今日計須查去歲四月放水之時施

家樓至龐家屯水深若干今開若干果能洩全
河水勢十分七八然後議塞決又須查各處株
柳運麻運草果已足塞決七分之用然後下埽
于決口放水於舊河物力可繼收功可期不然
則寧遲之以俟物料稍集待九月水退風涼果
舊河猶未深闊不妨再濬然後議放水議塞決
此萬全之策也況水滂之後民力極疲盛暑之
中疾疫未息以異時四省協力難就之功一旦
責之三四疲縣恐非旦夕可辦而塞者未完開
數馬集

卷之三十四

十

者復淤是兩失之也鄙見若此非台臺虛心下
問不敢越俎而談諺云寧遲毋錯中外士大夫
亦何敢以神禹八年之功而責之台臺令其旦
夕就緒哉伏惟裁謦不勝悚息之至

東張誠宇諫議

久疎問候便覺情好間闊辱臺下不忘舊雅時
賜教督此情何敢忘也日者小疏叅諸璫役其
事蹟則遠年近日合而爲一第邇因徐河變遷
羣小聚集于郊嶧之間縱橫益甚故類叅人命

使之少傲日讀舊異大疏亦陰爲不佞間出奇
兵以相左右雖未必上心卽悟而此輩知公
論不容逃形潛影不敢復窺兗界者亦十人而
七是臺下有功于地方甚大不佞能無嚙結敬
先具尺一布其謝悰不盡之衷統容嗣致不宣

東李霖寰總河

是月七日乃得前惠疏揭及諸密諭旋卽具書
專遣一役奉報計此時已入台覽矣開河塞河
鄙見亦謂事本相因開而不塞終屬易淤第所

數馬集

卷之三十四

十一

憂者堅城一帶未得深廣塞河之料一時難集
若如來教則向之所慮皆過也河旣成矣料旣
集矣不于此時併力堵塞又復何待大都事難
遙度機貴目覩臺下所言必有確見此時天氣
正熱不佞雖憚遠行然旣奉台命矣敢不蹙蹙
從事俟至河上觀其情狀然後爲臺下贊一言
也道傍之說不必深惑丈夫以身肩天下事倘
機會在前豈悠悠之談所能阻撓矧在同事孰
非以心體國者無論今日卽異時曾公與某迹

雖相左然某亦何嘗操一自私之念以誤天下
國家大計哉功之不就彼實自誤死者有知決
不敢委咎于人也言之深者非筆所盡謹短裁
附使者以復俟展謁時布其腹心不盡願言

東張元白武義令

高才宿學宜登制科而竟艱一第命實爲之然
綰綬臨民得行其志一奢約卽民之貧富攸關
一喜怒卽民之死生所係一勤怠則民之待命
邑門者且以歲月計藉令登第領一縣而出其

數馬集

卷之三十四

十二

所設施亦不過此數端故不患其名之不立而
患其政之不清政清民愛當道知之自當譽命
上聞列之臺諫列之郎署出爲藩臬郡守亦與
制科不甚相遠也尊伯明習世故于此處知之
極真而且以相勗者欲堅其志也武義雖刁悍
然吾慎于防吏胥而誠于愛赤子催科用鼓舞
而不尙刑罰問理求得情而不求贖醵囹圄之
中勿輕禁人佐領之官勿輕信任小事以速斷
爲主大獄則虛心再訊如此而民不懷聲不起

者非所聞也家鄉稍近遊客宜絕初至者不其禮之則人絕念其于至戚難拒絕者不得已延入衙中分俸與之吾泉爲令出門而即于清議者多坐遊客也不佞宦情已淡此中有河患有礦稅之患竭心力冒患難爲之幸及三年報政後卽上疏挂冠此亦明哲見幾之時也盛使來適從河上歸扁舟一葉作字亦難草草奉布不盡

東李霖寰總河

數馬集

卷之三十四

十一

河上追隨數日深感提攜之雅智術短淺有懷輒吐臺下不之罪且懽然信之追咎開誠布公集思廣益者豈異代人哉歸途接諸道府州縣多言河未可成蓋某所見者堅城以下七八里若從此東行三十里間其淺狹更甚猶未之見也吾儕欲成天下大功須度其事勢有七八分可就方始下手若事未半于前歲而望其功之倍恐決裂益甚收拾益難求速反遲理則宜然近得曹縣稟帖深以委用塞河爲相害渠非推

諉也亦見南直之人不肯用命徒欲吾上流堵塞使愈決愈上則彼可安枕而臥耳又聞劉中河急欲放水使河之勢分則王家口之隄可以不壞是中州之計行也夫三省之人各一其心所恃以主持于上折衷衆論者惟台臺耳某叨在同舟若有言不盡是爲相負故遣人再申前論今日事勢但當暫養民力徐集埽料俟秋後水退再作區處萬不得已則如前歲故事與三省人徒自朱旺口至六座樓大開濬之憲節臺移駐南直界嚴督彼中有司如式開濬若聞朱旺口一帶則充西道足以任之不然則疏請三省撫臣分地而濬某亦願效胼胝而不辭也某非敢是已非人蓋知彼中積習牢不可破無論濬黃卽今歲開濬亦是如此若徒付之中河與郡廳此河終無挽期矣又舟回濟寧見南陽以上運河兩岸被水衝決視去時不啻數倍此隄若沒則緯道已斷漕艘難行雖有沕河反居下流甚可憂也須令管河州判早爲之圖其徭夫

數馬集

卷之三十四

十四

宜製回爲運道計此亦今時急務也惟公臺裁

東睦東蓀檢討徐檀燕行人

青社分茅辱使節實照臨之不寧天潢派獲撫有其爵位侈爲盛事卽守在封疆者快覩龍光與煌煌綸綍相爲輝映亦愉快哉郊昕瞻對芬氣襲人恨簡書有程未敢扳畱信宿以飫清論遙望紫氣漸入淄青則邦君負弩前迎時耳歸途未知復由歷下否不腆贐儀不佞與嚴數馬集

卷之三十四

十五

東李霖寰總河

從河上歸僅得律詩一首業書扇頭遣使馳上求正乃小役去時卽尊使來時也同心同調彼此贈答其發使之時不先不後可謂若合符契矣白樂天之懷夢得所謂計程今日到梁州者殆類是乎惟是小作僅五十六字才窘格卑而大作四章翩翩建安黃初氣骨詞有盡而意無

盡稽阮諸公望之且當退舍況今人乎不意此行得此大貺藉是可不朽千秋何其快也卽欲屬和緣按臺將出省爲請告計連日酬酢而半月簿書堆積几案又費批答稍俟秋涼當勉竭綿材以希大雅之遺響也先此致謝未悉區區

東李光宇庶吉士

憶觀風大國時于里選中識足下知爲異品今春見南宮捷書旋覩中祕之報不勝踴躍竇省固多奇材然求千里駒于稚齒之日則足下翺數馬集

卷之三十四

十六

翺乎逐電而馳矣中祕育材之地絲綸調燮之臣于是乎出博載籍習典故養德器敦儉朴乃今日先務若詩酒相高馳騫于翰墨之場則第二義也不佞才識卑卑朝廷用過其才常有隕越之懼茲撫東土且三年矣中秋後卽當報績觀時度才似當引去以避賢路顧未知得如其願否適賔縣門友舟過東郡遣人相存因附尺素以相勉勵薄儀侑械于諸友不能遍也幸勿以告焉

東李霖寰總河

往讀贈詩謂丈夫輪心生可捐未嘗不歸命臺
下欲生死以之也故朱旺口之開一往視之卽
向臺下言其淺狹未能盡容全河且謂吾輩作
事須度有七八分功夫方可望一二分天助今
興工僅三四分耳此座上之屢言舟中之別語
也臺下因水勢大發開新河以殺之此自出于
不得已至于欲塞全河令其東南向則不佞以
爲未可此自一時鄙見固非充西道之所搖惑

數馬集

卷之三十四

十七

也日者蘇家莊之行實借此爲名一致奠于太
夫人盡通家子姪之禮談及河事意其太驟謂
當緩圖心實無他及至金鄉而濟寧道稟至次
雞黍舖而台教至惓惓懼不佞出寬假之言以
解散河夫及運柳者之心不佞固已深悔此行
或以形迹而招疑也至河上用言慰安河夫及
諸委官之心惟勉以終事許以後賞絕無一言
以惑其志此在河各官之所聞也至省接咨文
乃大嘆息謂臺下真相疑矣蓋咎之叮嚀猶防

之未至河之前今之會行則顯言于旣至河之
後是不佞明以阻撓爲知己者之所責備私心
惶愧何以自容故急于自白不知其詞之激也
旋復悔之謂與臺下相知自以爲千古意氣一
語相左卽見于詞色豈丈夫哉業于會題單縣
郵筒中致悔意承大教見仁人君子何所不容
若悻悻然小丈夫真容身無地所不感激而益
輪恒誠者明神殛之矣會稿奉璧不盡之衷具
于別楮

數馬集

卷之三十四

十八

東孫鑑湖檢討

天時人事岌岌已有亂徵而主上方且視爲
細故以小璫爲可恃以公論爲不足信欲以一
二空言籠絡天下真所謂安危利災者哉挽回
無術仰屋竊嘆欲庶幾主之一悟惟忠貞世
篤侍在帷幄者或有格心之論若乃疎遠之臣
待罪一方因事抹藥使不至橫潰莫制此如治
病者不從腹心而于四肢治之去其擁腫消其
微毒直少快一時耳何益于人身存亡之數哉

不依案稅之材本無能爲又時值災禱頻仍黃河大決兗西一帶悉爲江湖治之愈甚而遭害愈烈民視治河甚于河害守土者無所施其拯拉惟有痛哭流涕已耳久疎問候辱教深至故敢布其區區惟台慈諒察

東沈蛟門相公

今歲太行隄之決乃舊歲決口下流之水也李繼河開朱旺口自是得策但日時無多錢糧不繼所募之工僅及十分二三及丁憂後因豐縣

數馬集

卷之三十四

十九

告急遂開口以殺水勢而河上官見水已流遂謂全河可挽決口可塞職曾親往觀之知其萬萬必淤也業向總河言之初尚不信後乃知其非誣大都河之難治正在李吉口以下堅城集至六座樓一帶二三十里間淤淺難開曾總河初會議時曾估此一段用銀六十八萬後因工程浩大一切錢糧俱移之王家口爲河南出脫水苗而此處所費不及八萬故放水時全河俱深一二丈而此一段獨僅僅五六尺或三四尺

曾公樞歸膠淺不得達徐州家口俱移下小船行至旬日此人人所共知也及王家口塞完而蘇家莊大決以水無所洩耳今歲之決猶是前歲餘苗但黃水已漸至南陽運道不無淤淺之慮而河南諸公以前歲議論不合每每欲嫁禍于某如都水司旣上疏欲總河節制巡撫矣今秋新河已淤月餘彼豈不知又上疏專責備巡撫塞河職恐終被陷害故一言自明不然則某豈好越俎談河哉且河亦非某所能辦也心迹

數馬集

卷之三十四

二十

之間惟台臺諒察惶恐惶恐

東趙淇陽太史

曩台旌過歷下值不佞有至情之痛不及具杯酒接慇懃之歡至今爲歉玉堂清署固絲綸之所從出而經濟之所由講也異時河決蒙牆當事者窮三省物力以紓難于彼而貽禍于此狂瀾一倒豐沛魚濟悉爲巨浸運道危矣今固未易治也卽有人能治之能俾都水氏不從中制乎卽不從中制能令主上捐百萬以供此費

乎夫談河于今是臣子之所避而主上之所
靳者也門下歷觀往事漢時議河且謂四海之
衆不可誣宜博求能浚川疏河者今既不擇又
以爲無所用治其患安得不日深不佞且望之
而禱而以是爲不佞願非所敢聞也惟台慈諒
察

東趙南渚司農

漕糧改折行于米賸之時則民受其利若米賤
而折八錢民已不堪況曹州定陶等處不通水
數馬集

卷之三十四

主

路米已運至水次又復搬回每石須費腳價及
入倉之費三四錢變賣之時僅值五六錢耳總
河此舉本欲利民反貽之害若民力能堪則河
南之民不赴京陳情矣山東改折無多又幸老
先生垂念桑梓有言必從故敢緩頰再瀆第恐
司官尚執前議有難色耳抑某又有憂焉清口
此時未通今歲江南漕糧有七八分不能如期
賴黃河以北有此數萬米輸之太倉亦渴時一
勺也爲國家長慮尚須及時圖短運之策奈

何將已收之糧而拒之乎幸與司官一商之恃
愛敢布其愚惶悚惶悚

東三閣下

河工之役所不忍言懼難爲總河也今此公以
四月初十日已矣卽河流全挽亦不啻萬骨之
枯乃聞初八日開口水頗東行一二日後卽汪
洋南奔入新河者十只二三而疫疾之作始自
河夫次自鄉民又及於各官河南物故者小委
官二人贊畫趙推官以及總河今朱大叅又病
數馬集

卷之三十四

主

危矣汪憲長幸有起色猶未能任事河功無所
統攝僅有許錢二運司同劉郎中猶在擔當塞
河日下三四埽而下埽之時亦有連數十人俱
爲水挽入河中者談之令人悚惕今推河臣須
得諳練河事非嘗試妄爲者以職所見惟沈方
伯季文其人耳極知薦人非職分內事但國
家大事不敢避嫌隱默也惶悚惶悚

答顧山人

僕與足下未及傾蓋然知爲東吳名士也往王

衍父以楚蜀草敘煩大筆不佞于詩不求名聲
卽求本寧敘與足下書皆出行父意其得托名
家以爲重雖不佞之幸非不佞之心也大都今
世忌名高吾輩吟咏取適一時妍媸高下天下
後世自有公評安用求名然不佞猶未免于菑
木則名之一念終未能忘第不欲效世俗定價
于雌黃之口耳再辱佳咏媿未能酬不佞持節
內地與塞上不同未免爲俗套所拘必欲相過
當分十日廩相餉耳齊草一冊奉博一笑

數馬集

卷之三十四

圭

數馬集卷之三十四 終

數馬集卷之三十五

溫陵黃克纘紹夫著

書

答王柱明車駕

王家口河工彼中議論久定雖百利口不能與之爭惟有曲從而已所論黃河難塞實本至理今河水已放水從新河者半而黃河已塞八十餘丈今未塞者三十丈須用埽百萬用船二三斗隻以眼前觀若微宗社之靈似有數分可

數馬集

卷之三十五

十一

望全塞然李吉口以下業已潰決七十餘丈單縣今歲被淹過半矣昨遣人護送會公樞至徐州二百里河行十餘日乃知堅城集以下俱淺澁橫流深不及二三尺豐碭之民半爲魚鼈夫損中州萬餘之命而以水患移之單碭諸縣是楚王有疾而移之令尹司馬也仁者不爲況河固難盡塞卽盡塞而秋水一至下流淤淺曹單堅城之間其潰決可勝言哉何者半水如此若以全河注之不決何待三省河工惟山東派夫

最多完工甚早染病最少及河南夫疫不俟施藥施錢費幾千金今河夫散矣中州夫貧病不能歸者四千人聚于曹縣乞食不俟行充西道擇其能行者二千人各施銀三錢以資其歸又行縣煮粥以食其垂死不能行者不俟惟修陰德以待天之自定耳觀工部近日疏似若以不俟與總河相左不受其節制不知不俟之効力總河固多于三省也人豈盡知論我者亦不敢怨乎生惟自反不敢尤人門下必能信之

數馬集

卷之三十五

十二

東趙準台尙寶

承問河工事此不俟所不敢深言者也然與門下同事同心又不敢淺言之王家口之開中州役夫幾三十萬物故者人云過半大都不下四五萬也江北役夫一二萬亦物故過半惟東土役夫十三萬病故者僅百人而所開自下劉口至堅城集流通無淤堅城以下江北所開者水僅深一尺倒灌而上致單縣李吉口湮沒四十里若碭山一縣悉爲巨浸水無所出乃于侯

家集別衝一路稍稍下小浮橋入徐州此與原
開六座樓鑿口絕不相涉也此時王家口黃河
尚有二十餘丈未塞其深五丈水勢甚猛而一
二運同必欲強塞費三省之柳稍麻草幾百萬
金役夫一萬其工食日費三四百金不知將來
作何結局大都舊河視新河深二丈有奇用埽
強欄之水不得不半入新河然下流不通渰沒
潰決已不可言若盡塞舊河其害當何紀極此
語不可向他人言之恐水部又將謂不佞不受
數馬集

卷之三十五

三

總河節制欲破壞其功也可爲長太息者此矣

東顧沖吾中丞

三秦形勢之地自古帝王都也在今則北控強
虜西隣吐蕃軍儲之需絀絀之費採權之擾爲
天下最非夫文武兼資剛柔並用恩威素著者
曷稱保釐之任當宁者以昇臺下正以臺下在
秦久最得秦人心因舊澤而沛新仁其入更深
也臺下猶以任大責重時艱民困爲慮真聖賢
兢業惕勵之心而治秦方略于此亦可觀矣不

侯弟治齊二暮強半杜門卽不能卽去心已遊
長松茂林間雖強出視事非其好也風波稍息
而骨肉摧殘更何好懷可向知己者道惟願臺
下弘濟時艱樹駿流鴻以割華分榮耳

東馬心董考功

門下於黜陟之權蓋三辭之而三避之然至當
事求人必推門下豈非無意於黜陟人者乃所
以善黜陟人者乎若戀戀顧望惟恐其不我屬
則天下且謂自處爭鬬之羣安能辨爭之是非

數馬集

卷之三十五

四

故不佞謂門下此行于天下之人才邪正從靜
觀中察之已審固無勞借聽于聾借視于瞽矣
而門下猶惓惓下問若以某爲有所知者于此
知仁人君子之用心至明也亦至虛也東土吏
治想在台鑒此時各郡開報未一稍俟秋杪當
一一請教方敢登之疏冊至于方面則年來乏
人甚多大計時視舊額似當少減此亦愛惜人
才之意非專爲東土也蓋主上旣不點用仕
途多積薪之嘆落落晨星與繁星滿天時景象

大不同尚可以舊數取盈乎

東尹春寰中丞

兩浙天下首藩不惟財賦人物甲於天下卽健兒奸雄亦爲天下冠異時劉誠意王新建成大功者固浙人然作奸犯科擾亂天下者亦浙人也今京師猾書及稅監用事者所在皆是天下無事則已有則浙人必爲禍胎所恃台臺鎮以安靜而礦稅使有孫隆爲之倡率不至虐暴生亂耳若海上之事則倭奴此時方偃兵息民惟

數馬集

卷之三十五

五

渾人稍誘其無賴者十數人掠於海濱不足爲憂苟訓練舟師擇良裨將足以制之有餘矣山東二璫近日以不剛不柔處之視昔少欽連歲頗亦有秋惟河工一事去冬東兗二郡動支二十萬私費民財不下百萬曾公開王家口全爲歸德一郡不爲祖陵今人力勝天已將舊河強塞而水亦大半復入徐州矣河南患水視昔已減而兗地水患則倍于河南矣蓋治水先治下流曾公不治下流而以鄰國爲壑用夫四

五十萬死者十餘萬惟于王家口致力必使河南之水向曹單東流而後已而直隸堅城集以下全不開濬以致水無所洩今七月杪單縣碭山之間復決而北豐沛悉爲魚鼈水破沛城人民死者又不計其數救歸德而害兩省亦以兩省濱河地無一士大夫與之爭而某稍持異議輒令掌科以他事劾之誰敢復開口乎某之進退無所畱戀惟兗地患水人民流離江淮剽悍盜賊易起今歲糧運八月已盡尙止一半入開

數馬集

卷之三十五

六

天下事誠不知所終臺下素以天下爲已任試觀此事究竟何如此時新總河已視事聰明練達必有長策然民力已竭病者未起恐難再役耳承明問故敢悉其愚衷諸侯有便嗣布不盡

東劉彬子憲副

曾景默之開王家口直以救歸德之水何暇顧其他若使當日如門下所估將堅城以下大開則今雖有旁溢亦何至冲破城池貽害生靈若此之慘也彼惟恐錢糧有限黃河難塞將二省

之金錢盡縮之以與河南此等存心安望其昌
厥後乎今總河之疏亦明言因錢糧不足未經
大濬以致堅城淤塞遂有此決于山東江北各
道似不相妨但狂瀾方倒欲塞其潰而使之由
地中行則必大開堅城至鎮口方可今有此物
力乎卽有金錢而勞者方息病者未起徐充之
民半在水中何人與成此役乎不佞不敢以前
言偶中爲幸猶懼中州諸當事者以決河在單
縣欲加罪于東省也一官不足惜第將來之事
數馬集 卷之三十五 七

東李霖寰總河

治河大事臺下廣詢善謀仰見虛懷採擇不遺
芻蕘顧某愚昧安能佐下風萬一惟聞歐陽公
有言河決如失火開河如放火則昔日王家口
之開是也鄙意謂治水當治下流若堅城以至
鎮口河道流通則黃堍不當決矣黃堍之塞未

終而蒙牆決王家口之塞未終而鳳池口決及
塞完而李吉口又大決總之不通下流故今
欲治之決當在堅城以下用功或開至鎮口或
尋四月放水溢行之路或就今決漫流之路孰
低孰高因勢利導此其大較也但今春役夫三
省共五六十萬死者相續疫者未起而僅存之
民俱被水渰無以爲命視去冬景象大相懸絕
恐工役之興尙宜斟酌耳單縣爲某所分地宜
卽趨視決口恐水方盛不便踏勘秋終冬初當
數馬集 卷之三十五 八

走視且從臺下請教也不盡願言

東蹇理菴總督

盧龍遼左國之門戶內固京師外防黠虜控制
失宜則邊鄙爲聳 天子畱意安懷特起元老
俾以鎖鑰膽落單于煙清遼塞笈日戎馬之場
今爲耕穫之地三年報最惟 帝念功晉位大
司馬仍持節臥護諸將易不云乎王三錫命懷
萬邦也是豈惟薊門以北藉以貼席卽畿輔而
南海岱以東不虞虜患莫聞倭警孰非幕府運

壽之功哉增秩任事煥耀師中萬邦之懷正謂是矣某守在齊封欣觀盛遇宜効吉甫作誦以贊元勳媿乏穆如之詠徒抱踴躍之私敬遣材官代申燕賀倘蒙俯納其爲光榮多矣

東蕭嶽峯司馬

頃接貴部咨文見順天撫院爲買布係節年舊例應付乃州縣當然事關疆場大計豈敢故違以取罪戾但此中所指先年買少而今漸多者非聽屬縣之言乃據彼中咨文也逮年文移間

數馬集

卷之三十五

九

有遺失若七八年間咨文具在不得而增減也二十四年只買三萬餘疋二十五年亦三萬餘疋二十六七八年並不移文或在別處買之至二十九年買十三萬八千三百七十三疋三十年買十七萬九千三百八十五疋三十一年買二十三萬九千三十五疋三十二年買十九萬六千六百一十七疋此皆彼中咨文可據非妄報之數也山東見布日增貽累地方車戶恐係委官私買故移咨一查此則同事之情非欲暴

揚其過乃竟無一字回答遽爾上疏且布買十陵縣臨邑鄉間市鎮而令陵縣以車送之每大車一輛用羸十隻方可裝布二千疋約重四千斤若以二十萬布計之須用大車一百輛羸一千隻陵縣偏僻小邑又無驛遞一時取大車百輛邑中頗饒之家俱亡匿矣是以順天一鎮之事而專累陵縣一邑爲民父母安得不爲小民計乎敬將二十四年起原來咨文移送貴部幸一查之使知山東之苦累彼中布疋亦可分散

數馬集

卷之三十五

十

各處買之何必山東哉

東邢知吾同鄉

人旋復拜旨酒香豉楂膏之惠咸飲饌之佳珍衛生之要物也隋碑精工古雅實爲歐陽率更書法之祖承晉開唐良不我欺篋中又增一古帖矣羅伯符爲李霖老薦來在此二十餘日此生真書有分草書無功行書大幅儘有遒勁處惜其用心不虛時有麓疎之病始信書法之難耳不佞入仕以來以簿書爲勳績古帖雖時寓

目臨池未有十日右軍有云若使寡人耽之至此未必謝之此張芝池水盡黑所以獨步千古也門下摹臨晉帖幾奪二王惟時雜以米南宮筆遂稍遜之曾于青州見門下爲馮大宗伯書屏風典雅蒼勁純是二王筆法此體似爲尤勝恃愛敢私布之寄去一卷俟春和有暇乞爲揮灑將傳之世世永以爲寶也寒甚千萬珍重不宣

東余漢城大參

數馬集

卷之三十五

十一

在慮囚三晉時以平反爰書上塵台覽辱老年文示云無用是司空城旦書願以他刻故以華陽國志代之回首舊事今十九年矣老年文教興三秦望隆九列而急流勇退高尚其事此同補所望爲羽儀而海內所稱鳳凰翔于千仞者也然文惟早退故得專精于著作之途高碑大碣長篇短韻上逼漢魏下亦不失爲盛唐此其所得視爭輩戀戀一官無能有所表樹其優劣何如也弟故拙宦沉迷簿書錢穀中二十餘年

意誤蒙擢用使撫一方時事紛紜如採權人警水旱天苗興人徒塞河又助天爲虐咸不能有所裨叔徒糜厚祿而據高位抑何顏之厚也老丈固以此爲弟榮乎臨胸令遣人賁至大教兼拜佳集奉而卒業真若連城夜允玩之不忍釋手肅此布謝

東李少春侍御

數馬集

卷之三十五

十二

畿輔重地得借使星一照臨之剔釐激揚苗彥之地化爲樂國咫尺無棣悉爲河潤之鄉不佞受事久矣而簿書執掌拙懶相仍遂成疏節門下不加督過且以翰貺先之感激何如齊中今歲強半豐熟惟東北一隅被苗獨甚濟寧魚臺已成陸沉此則苗于河非苗于雨也不獨魚濟卽無棣左右十餘州縣異時倉庾常有數萬穀一鬻之于曾再鬻之于李盡輸河上而今歲遇苗遂束手無策則此十餘州縣亦河伯貽之苗矣談及河事則人以爲越俎且以矛盾故相側

目而遺害地方迄無窮極誰生厲階至今爲梗
哉自知曠職實多大計必蒙幽斥息肩爲幸萬
萬無怨惟辱臺下雅愛惓惓故悉吐露肝鬲佳
貺暫拜容專役致謝未悉願言

東李霖寰總河

往讀西征田居二草心固壯之謂是太白復生
于美不死今得讀全集則才思縱橫氣格豪邁
長或百韻短或四言多至一題二三十首少或
十數首如泛滄海觀波濤洶湧鯤鯨出沒令人

數馬集

卷之三十五

十一

口噤目懾神思飛越始知天地間有巨觀彼河
伯江神直小小者況于淮濟汶泗之儔乎欲強
作序文附驥以傳恐美醜懸絕爲人嗤笑又未
知尊意以爲可否如不拒當竭十日之精神作
數百語以請也某學詩有年存稿不少然自今
閱替則爲郡守以前語多未妥故躊躇畏縮未
敢盡出示人不能不俟稍暇則改若臺下則有
作輒工自南都以前與先生交遊人才有真
不可強也阿之輩已依人特去不當遽內征田

居于郵中再惠三四部以公于知己者

東暨稅監

人臣共事一君宜以天下事爲一家事勿得自
生私意如異時內臣奉使者但知信其下一
偏之說而不肯與同事外臣商確可否不知外
臣之意上則仰體 聖心下則拊循百姓使不
爲變蓋兩利之術也東省有幸得以礦稅之事
歸之臺下去虐就寬豈惟小民以手加額卽不
佞輩得微同事之雅亦莫不欣然願締石交蓋

數馬集

卷之三十五

十四

以臺下平日行事視諸監獨稱安靜近且請之
主明乞罷礦稅無已乃歸有司此其意爲小民
慮正所以爲 國家慮深遠非取目前承順以
爲小忠而已忠言一出萬世流芳而謂不能爲
山東六郡民還定安集出之水火者無是理矣
故不佞專使布其區區爲民也實爲國也

又

承教三事具見臺下奉 命恭謹不敢不致詳
之意然山東江北分爲省直山東有馬監銀七

萬八千今歸臺下稅銀六萬八千包礦銀一萬
八十而又每百加十五兩以爲方物鋪墊之費
又有包金銀五千六百兩及公費三千六百其
計歲出礦稅正額十七萬一千七百餘金矣而
又加以方物之費通計兩監歲輸幾二十萬矣
六郡頻遭水旱供此已難至于徐州四萬則徐
淮衝途百貨必經之地取之自易安可復于山
東代抽豈山東乃直隸之屬邑乎不佞屢次疏
爭正惟爲此今幸奉明旨照數包納一官不
數馬集 卷之三十五 十五

委疏中明言 皇上明許又何煩再議也至于
鹽稅則三十二年邊餉至今未解者必取盈十
五萬則遼東宣府軍士一旦脫巾誰任其咎若
三年之議則不敢不以漸割補完前此小疏曾
明言之今俱錄出奉覽至于馬騾則臨步水寶
會場亦聽布政司委官抽銀類解似不必再委
以滋多事沈貢在陳公處撥置害民所得數萬
惡不減于郭良萬萬不可入其言知臺下以公
心體國故敢悉吐衷曲伏惟裁察幸甚

東孫藍石中丞

天降苗禍三輔大饑此四方歸依之地不惟臺
下側焉興懷卽隣近藩服亦與有隱憂晉饑
秦輸之粟秦饑晉閉之糴君子以背惠不祥宜
其及也況吾君相朝夕以爲念而臣子漠然
無急病之情豈人臣哉均輸調穀職分之常何
敢自多惟是去秋霖雨濟東諸郡亦多被苗故
今所輸亦僅僅升斗之水稍潤涸魴若大挽西
江則有朝廷發賑司農出粟臺下勸分散積
數馬集 卷之三十五 十六

大脩荒政小民可恃以爲命區區移粟何能爲
也拜翰教齒及深以爲媿未悉願言

東耿華平驗封

主上慎重爵祿至矣獨念啓事之司治亂攸係
起門下于田間復還舊署使司黜陟凡在士紳
孰不忻歡鼓舞謂正人復用時清可期哉某守
在齊藩聞問之言間闊已久閱報敬遣一介爲
門下勸駕蓋古者天子徵辟嘗使刺史郡守
經使就道不佞竊附斯義矣銓選之事不敢私

干惟是齊中最急者臨清濟寧二道蓋臨清馬
璫駐止商人被虐人心兀兀非得一風力監司
以彈壓之則璫役何所忌憚若濟寧則自前歲
決河以來州境沉沒過半魚臺一邑蕩而爲湖
近日縣令已逃乃簿尉于中途追之以歸城郭
幾沉不佞于司中動六千金使之築護城隄猶
無固志欲議遷徙是烏可不爲之急求治河本
道而爲之所也往見馬心老推方面不憚五六
疏近日只一二疏而止此何望能濟急于萬惟
數馬集

卷之三十五

七

門下畱意

東曹嗣山總河

凡議河者憂河而已至于民乃治河之本未及
慮也門下不獨憂河而又憂民興言及此是百
萬蒼生之福也以愛民之心格上天之心則治
河之功可次第成矣某愚慙素以多言取咎今
宜深戒然承門下救民之議敢不將順以贊厥
成夫勞民以救民雖勞不怨然欲救民而所以
救之之策不能萬全則亦未可輕議故與其輕

爲之無寧重發之與其悔之於終無如慎之于
始始謀出于萬全而後毅然爲之一舉而收成
功民乃見德而忘其勞矣今日之河病運病民
而陵實無恙于斯二者圖萬全之策在臺下
必有成畫俟歷覽稍周規爲稍定某當奔走河
干以奉約束猶願慎擇其人與之共視地形若
管之易于談河而輕于一試者勿惑其言則所
謂如知其難則易者至矣是三省生民百年之
計也錢糧大竭當力請之內帑雖不全給亦必
數馬集

卷之三十五

八

量與其不足者方可派之漕糧七省勿偏累一
方則此子遺之民庶幾其雖勞不怨乎惟臺下
裁察

東耿華平吏部

新命已頒簡書可畏緬想北行之轍或經歷下
可得少聆德音也別諭清沙泊事蓋亦躊躇久
之第此事曾博訪輿論叅以藩臬郡縣之言咸
謂泊固棄地小清孝婦水之所游漾也自趙令
章作令喜以墾田見奇乃容數姓人田其中廬

且墓其中每水發田泮則決高苑之隄以洩水使高博人民不得粒食是以兩縣之害而易數姓之利孰多孰寡智者所能辨也夫安土重遷人之常情今卽委曲處置爲之開糧爲之給資而失其廬墓失其故業孰能忻然樂從顧不遷之能令縣中立一文券歲歲不決高苑之隄至以干戈相殺戮無已時乎此又不佞所大恐也拜命之辱姑與道府再議之然于此亦見任事之難矣伏惟台慈裁察

數馬集

卷之三十五

十九

東趙南渚司農

頃奉台教運糧之事以身任之不令解官進退維谷此不惟饑民受惠卽此中解官亦受其賜矣斛斗俱令各道府較正烙去大都視直隸諸斗甚相懸絕若用以私糶其獲利不啻倍之登州糧船所失無多其二十一隻查無下落者業已乘風破浪先至天津卽所云溺死六人者今覆查之亦止五人此時六府所輸俱已盡到大都不下四萬石卽未能使幾甸之民盡有起色

而不至盡填溝壑則台臺與政府救民之功不可誣也若不過因人成事且亦升斗之潤何足爲有無恐台臺猶以糧船漂泊爲慮故敢以聞併附去萊道稟帖使知係的信也其中詞之過激似亦不必形之口吻吾輩以濟人爲心原不求見德于人惟會沈老先生乞言前二十一船幸已無恙以慰其懸望之心

東曹嗣山總河

數馬集

卷之三十五

二十

郵中奉到大教知台駕由朱旺口而下至郭煖樓閱南北二渠已得其高下之勢至謂工費不止百萬乃深于治河者蓋異時相度形勢俱徐邳塞河之人主持其議渠所估不及二分之一但恐我之苦難而止耳如爲巨室然匠人所估常止半費至爲之不成則主人豈可中止此天下通弊也故今口議河須多請金錢須稍寬限期蓋費至百萬猶恐未濟況不及其半乎大禹神聖猶俟八年況吾儕不敢望禹者乎卽不必八年亦可以一二年圖之奈何以二三月間便

欲收功乎以故不論寒暑不計饑寒疾疫而所傷者多財既徒費功亦罔成雖天意之未定亦人謀之未臧也極欲躬走河上一迂旌以承指示緣賤體每涉初夏便有注夏之病腰體沉重幾不能動入秋乃覺便利卽向者兩會李霖老亦在秋冬間也張鳳彩調曹縣甚當會疏不敢異同濟寧守旣與地方相得近又爲之議處錢糧不使爲無米之炊仍畱之濟上以俟鞭策諸容嗣布未悉

數馬集

卷之三十五

三

東會中水主政

往不佞行役大邦次止嘉州望峨嵋在几席間而以考校期逼竟不能渡瀘一眺至今夢寐猶以此爲一欠事夫處塵世何日不忙要在山水興豪每遇名勝志在必登乃無後時之悔耳足下此行頗無簡書拘束東過岱宗乘興登眺使山靈不以俗吏笑人一何壯也叨在心期未能奉陪履舄躋日觀而望吳門以洗胸中塵慮然一談及而此意已飄然出天門之上矣不腆

魯酒稍助登高之興幸乞炤存

谷曹嗣山總河

奉到大教諸議河者紛紛如謂加成可以通漕而河可漸治謂決在下流不能上薄張秋謂連歲治河民疲力竭不能堪此大役須以數年爲期此皆至論也惟謂蒙牆在南決口在北有昭陽泄水沛單魚濟受苗未必爲蒙牆之患者恐未必然蓋河惟直趨于海則其勢順而其流駛上流乃免潰決然猶一二歲之中時有旁溢之

數馬集

卷之三十五

三

患今蘇莊決口向猶直射沛縣而下徐州今則盡轉而北入魚濟矣以下流原無正河所決之地歲淤而高其勢不得不轉而逆流也逆流不快一遇水漲而李吉口以上南北之間在在可決非直蒙牆也但蒙牆乃賈魯原開正道兩岸具在河身源深且新壩之築直以人力強河使東非其性也埽中之土日淘月蝕有如水穿而過寧保其不決乎又王堦一路亦舊黃河人符離出宿遷正道往劉忠宣因河決張秋曾開四

路一由潁入淮一由曹入亳合潁入淮一由王
壩口分爲二渠一由符離出宿遷一由碭山界
入徐故凡河決處皆自漢以來河所經由地蓋
北流不快則決而南南地既高則決而北其勢
必然也前輩治河如徐武功劉忠宣俱開四五
股由南行漕乃可保決乃可塞惟朱鎮山開夏
鎮新河以避河侵而決河不治聽其勢之自定
乃出李吉口下小浮橋耳彼時河南行久勢將
趨北也且河不能侵張秋固也而昭陽之湖已
數馬集

卷之三十五

三

與漕河通若南陽上下黃水益入日就淤墊則
加河雖成反在下流與無加等耳去歲緯路已
沒今欲修不能若無南陽漕渠與河侵張秋何
異此理易見人人皆知但連歲開河民旣未甦
財又甚匱稍寬一年以觀河勢所歸亦是一策
據眼前亦便不至無漕也愚見如斯伏惟台慈
裁察

又答曹嗣山

承大教毅然欲挽黃河以平水土而寧漕道甚

盛心也某素因議河開罪當路矢緘默自全不
輕發言久矣顧于全齊休戚卽欲隱而不言言
而不早又恐具疏之時復有異同是某始終以
議河蒙罪欲避之而罪反大也不得不吐露于
始夫今日開河司道之議以爲懼河侵漕將久
而墊淤乎是爲 國家漕運而挽河也 國家
大事省直當均任之卽不請內帑不派七省亦
當均于三路卽江北州縣頗少亦當派三分之
二若中州則視山東爲大奈何使山東任其三
數馬集

卷之三十五

四

河南任其二而江北僅任其一也將以爲河決
山東魚濟單被苗今日之舉爲救山東于陷溺
乎則臺下曾任濟寧濟之士民依然家人父子
試一問之民間願開河乎不願開河乎蓋一聞
赴河如赴湯火惟願聽之于天不願卜之于人
也異時會景老請問金及漕糧五十萬費民間
四五百萬專爲河南水苗而山東且私費二百
餘萬引河水以自灌彼徒以陵運爲詞山東亦
不敢辭也今日開河在山東猶可以已被淹田

地不過代爲納糧而已而此河不治則王家口壩終不能保王堦上下隨處皆可決憂河者獨山東哉竊謂開河若爲漕運則彼此均任其責若爲水菑則河南爲急山東爲緩斷斷乎彼當多派庶可以償異日浪費 朝廷之金而少洩山東死亡流離之恨也臺下持心如鑒空衡平初無偏重而司道建議乃難爲山東若此不知鳴鳩飼子朝自上而下則夕自下而上向旣爲河南而偏矣今可再偏乎抑某又有言開河非數馬集

卷之三十五

圭

難而相度爲難來書專爲處銀尚未定所開之處不知仍在朱旺口乎抑稍更易之也夫河之所棄人不能與之爭萬一費七十萬金而河復不通是益重三省之困也今日可不慮及乎謂欲俟指示定處方敢奔走一視而徐議派銀庶無後悔狂瞽之人不識忌諱惟台臺諒察

數馬集卷之三十六

溫陵黃克纘紹夫著

書

答九江權關曾中水門人

部中以權關爲美差蓋人所求之而惟恐不得者而賢友屢辭夫惟屢辭此趙南老所以必欲借重而不以他屬者也財利非能汚人人自汚之如九江權船於丈尺之間雖不能減而稅從公平不妄加增則人人感悅賢聲起矣視事欲數馬集

卷之三十六

一

勤日日放關不滯人舟楫稅銀親兌不使吏書得以重壓只此便是盡職固不必推正稅以與人而後爲廉也台駕至齊河不佞茫然不及知故不能具一薄程以獻辱使者臨之具感厚雅由齊河至省只四十里倘迂道一顧固所願也非所敢必也佳貺拜川絲息香外有寄吊敝同年彭秀南書儀二封幸令從者轉致之此老在敝縣甚得民心其子孝廉居家幸門下爲致意焉

答李霖寰少保

台駕言歸條經春夏每寤寐有懷猶時時見同舟聯榻劇談世務而傍及詩文也白水盟心言猶在耳離合之嘆彼此同之臺下勲業文章高出一世國史名臣自有本傳何假無能之辭爲之揄揚所汲汲欲附名集末者以名世自不易逢鳳翼固不易附晏子異代子長尙願執鞭況當吾世親炙其人而諷詠其詩文乎故愚不頌賢拙不稱能而某爲之者區區之心欲有所托

數馬集

卷之三十六

二

以傳于天下後世也至謂玄晏之論可重三都則臺下之才遠過太沖鄙人之言敢望玄晏哉遠承翰貺情好珍重佳卷及硯鼻諸物皆名筆美器誼不敢辭謹已拜嘉四詩已和當專役馳上曹嗣老初閱河歸挽黃未有定議第加工已畢今歲漕舟不憂愆期臺下之功百世之利也使旋肅此奉謝未悉願言

東陳懷雲銀臺

銀臺尊賢向鮮持節鎮撫藩封者而老公祖以

開府之命畱中遂藉此出臨藩國便道爲畫繡之遊以俟新綸不亦可乎且武陵佳勝桃花源水今無恙也抵舍後方渡湘而西逾嶽麓而涉沅水望天柱日觀于雲霞縹緲間豈非大丈夫壯遊乎聞仙舟過漕河弟守在歷下無能縮地請益惟是使星照臨于地方吏治民生必悉之矣馳驅所得幸以相示此亦詩人賦皇華意也

答尹春寰中丞

向承惠書知所以得謫之由坐評鴈屬官不少數馬集

卷之三十六

主

假借致于南北廣布流言嗟乎此仕途之通患近世之極痛也不惟兩越卽北方頗稱直道去歲論一郡守亦被鼓扇風濤幾涓公論至今談之猶令人色變也雌黃易亂白黑終明不媿者心倘來者遇臺下以虛舟觸舟視之則金陵固不爭之場而江漢亦徜徉之地何不快也某之慙直甚于台臺信心而行更不顧後爲人張目者屢矣幸有憐其拙官信其無他者故近推西川則忌者力阻迨推大農丞則信者某挽或阻

或挽皆有定數至于主上愛惜名器持不與人則九列僅存其十一班超終老于玉門觸目如斯某何敢望且夫不用其身而陰借其力節鉞有衰經之士榮戟多已擯之人恐台臺尚須坐俟數載況如某者敢望一旦遷移也朝論紛紜苗異日甚自燕以南麥旣盡秕蝗復蔽野饑饉頻仍盜賊將起天變人怒于茲已極與其得遷不如罷歸此非妄言實至論也辱遠使相存不勝感戴肅此附謝未悉願言

數馬集

卷之三十六

四

與部科論淮徐道事

淮徐道卜汝梁之爲人天下所知也駐在徐州日與暨祿相接教祿以抽過稅凡三移文而後止又于進銀疏內歷數山東應抽過稅之處今若不出一言將來必且多方撥置爲山東之害若其人之穢惡不知人間有羞恥事則某固深知之亦逆料其必出穢言以相加也近見其所刻揭帖猶明目張膽言喬嵩原疏載山東應抽過稅若干處及陳增原委官若干人夫當陳增

委官時某尙爲右方伯且 明旨方嚴誰能禁之今則具疏以請稅俱包納不許委官一人又奉有 明旨矣以 新旨而停舊旨例也彼于喬嵩之疏抽擾害民者信如著蔡于撫臣之疏禁止委抽者則忽如弁髦且內官所不敢爲者而彼欲強爲之非所謂視內官尤甚者乎渠因盤璫物匿珍寶甚多遂悻然告休爲搬運深藏之計恐不知者誤信其言故敢一及之若夫得失禍福則某固付之度外久矣謹啓

數馬集

卷之三十一

五

與京中要路論淮徐道事

山東過稅之抽三移文暨祿幸而得止淮徐道之揭職自可已然職非好暴人之過以爲功也其受淮徐道之害亟矣蓋陳增初故時鄒平知縣王紹徽先被陳璫爲恭進礦金礦銀事叅奏住俸曲處俸餘四百兩托蒲臺委官李麒同一快手解至徐州值陳增正死渠恐淮徐道混拏將銀及鹽稅銀四百五十兩私銀四百兩憑委官趙良將交與主家吳允宗逃回山東職卽行

文淮徐道令李麒前去查明渠卽隱下鹽稅及麒私銀只將鄒平銀取出五十兩賞允宗以五十兩賞其快手管大本餘三百兩作李麒賊銀被彼搜獲者造冊解進李麒執稱尙有銀八百五十兩趙良將爲之證將麒責十五板職以鄒平清吏處銀四百亦甚苦也乃于今春移書暨祿祿以銀旣解進豈可作賊沒之遂連追出允宗大本銀百兩印給四百兩批廻職乃爲代題開俸是稅監猶可理論而縉紳難以情告也汝

數馬集

卷之三十一

六

梁戀稅三月乃與暨交代造冊將陳增平日某處委官抽銀若干及勒捐山東解金銀批廻百餘張凡王惟忠輩索銀未遂妄捏掛欠如招遠萊陽有欠黃金八十兩者又將解銀年分未完者俱造冊交與暨祿遂爲不刊之書今職與力爭惟抽過稅一款幸疏已得 旨內官止矣而淮道不止此外又議馬騾又議掛欠又議拖欠夫天下有不索財內監者乎而交代者又與以定數豈易挽耶去冬十月十五日滕鄒二縣承

安將往徐州查所畱掛欠批迴路遇淮徐道差人執票一起承差陳詩吳行友一起快手魯錦一起王時來俱稱赴京公幹內有陳增管寶石潘棟在內人言籍籍謂潘棟盡以寶石精金獻之淮道故將棟等送回七人者皆增心腹非其快手也至十九日又差快手位鳳鳴二十三日承差周楫二十五快手韓國望俱稱赴京公幹姑無論其送潘棟等何故而一兵道數日之間六次差人往京用馬十七匹果何說也縣驛簿

數馬集

卷之三十一

七

籍班班可考山東驛遞安能當一外道騷擾耶至于司房王鵬經給馬票填本道舍人王一鵬與之逃來山東監役卽已役已身非監身耶此非于山東有干與者職不宜言亦不忍言不知彼中撫院亦知之否矢在弦上不得不發伏乞裁察

啓曹嗣山總河

今日閱宋掌科疏則中州之人急欲開黃河以保王家口其意良切固亦正論但未知連年開

河物力彫殘當有意外之慮耳至謂以全力而用之加則殊非公論蓋開加費旣無多視王家口之役不能十分之一而有濟于運其工視王家口不啻十之令今日無加則雖堅城不淤黃河安瀾而徐州以下河中石閘在在爲梗馬家淺諸處以五六百人拽一舟終日不能升也能保全運無虞不亦難乎此語不惟難爲梅水部而且難爲李霖老矣第司河議居要地者皆中州人則沿黃之議在臺下亦不可不速彼固居

數馬集

卷之三十一

八

答曹嗣山總河

日蒙派銀之議非敢有異同蓋山東自東征添餉以來歲增四十五萬其銀多派之田糧而田糧多鄉先生有也以此交口言有司加賦五六年來多方裁兵僅減去三十萬尚存十五萬又

礦稅二項包銀十餘萬視十年以前時尚多三十萬橫征今若再加三十萬則六十萬矣彼縉紳士民豈不驚駭故鄙意以爲量力度勢僅可出十五萬庶上不廢公下不虐民京師鄉先生或猶能相安于無言不然且咎不佞之不爭不佞亦何以自解也大都興大役者天時地利人和缺一不可時詘舉羸恐違天時相度不審恐失地利增賦太多恐違人和惟臺下于此三者再加籌度慎重而發使百無一失 國家幸甚 數馬集 卷之三十一 九

生民幸甚

答耿華平銓曹

宦途半虛天工多曠蒿目世道者咸以人才爲急而用人之人又其所最急也門下清忠明允人倫攸屬雖退處林臯實負公輔之望故當寧亟加推轂欲使品藻才賢扶翼世運虛席以冀日望歸 朝不佞叨守齊藩獲瞻手範彈冠之念實倍怛情茲當臨岐竊願有請夫取與不苟臨事能成者才之上也抗節鯁鯁皦然不滓者

才之次也當今之時抗節亦可以收名而挽回尤資于斷割歷觀世尚頽然風靡外托抗節以爲名高而于世道實無所裨益紛紛聚訟何所底極然則徇名責實掄才于不激不隨之間其持衡者之急務乎遠辱翰貺多荷獎借敬拜碑刻四幅而奕世芳猷具覩其詳矣餘儀藉手完璧致謝適爲稅事與江北有小言疏草一紙奉覽併祈台照不宣

答洪訥韋憲長

數馬集 卷之三十一 十
粉榆之鄉近稱仕國然惟館中二三君子翩翩廊廟其由藩臬躋者固若晨星也門下文章品格卓冠一時久歷中外茂著成績吾黨姻戚可膺節鉞而揀樞衡者當以翁丈爲稱首而秉志謙沖用情篤至於世誼中每弘獎不佞若以爲可効一割之用者夫不佞賦性太戇任事太真濫厠疆場已逾涯分若九列崇班貳卿要秩庸敢冀乎惟是吾鄉積習遠迹避嫌不相汲引甚有橫生如媚恐其逼已者此則賢者所不能免

而不佞私誓于心不敢効前輩所爲也夫南金竹箭世所稱美況出于鄉而忍相貶損以墜其聲價乎竊于門下願共篤斯義矣

答謝在杭舊東昌司理

送者回辱手教及寄來葉台老二幣書扇俱領訖爭過稅事自有公論不足深辨然江北黨多助之者衆不佞寡援所恃者一理耳卽不幸被其中傷亦不過掛冠歸耳我以卻稅渠以抽稅我之卻稅也奉有明旨渠之欲抽稅也實抗數馬集 卷之三十一 十一

明旨不佞雖負亦勝雖去亦榮況暨祿奉

旨已久而自十月抽至二月公然解進戀中涓之稅劾中涓之爲稍有媿恥者何忍蹈之乃以委官經紀詆人不知誰爲委官經紀耶小疏入抄不知南中議論何如但恐抄多不全茲附十冊凡要路相知者幸爲致一冊漕儲道一言之失不佞業已付之東流矣有便幸慰安之若再有畱滯胸中者有如咬日填補事俟有機會當爲寄數字于銓部此時京中紛爭內外壅格卽

用力無益也幸少自寬適將往河上冗甚不及具葉台老書會時乞致謝俟有便別圖嗣音也不盡

啓董定所恤部

文章法律迥然二事側聞門下贊龍虎之文久矣乃持三尺奉詔書慮囚海濱當事者誠知門下能以經術緣飾法比多仁恕愛利可生全無知赤子耶不佞向嘗備官西曹錄囚三晉所縱舍死罪百五十人而推情尋迹開以生倪者數馬集 卷之三十一 十一

亦復不少至于身負重贓久禁囹圄者多爲之議減或爲奏釋其所以全活之者與出之死地無異回首舊事今十八年矣而覩門下茲行猶津津然色喜謂吾輩念在濟人藉此稍修陰功正不必榮階廕仕而後爲快耳

啓刑知吾

不奉起居又半載矣俗事苦人日不暇給想在諒察近爲抽取過稅事不能含忍具一揭于部科斥徐道之共資同年李修吾以其屬也助之

相攻語具疏中不佞以李叅程王致令被逮誠有風力第陳增物故稅事卽歸併暨祿時正隆冬縱不抽稅以寬商民亦何不可而淮徐道卽呈請抽銀甘以其身行中涓之事又開手本送暨祿令其踵陳增故事議抽山東不知不佞方疏請包稅專禁抽擾新奉 明旨何敢以弁髦視之幸暨祿中止又于進銀疏內明言山東越省不便委官抽取以致稅銀虧少茲誠不知何心淮徐道無責也而李亦憑之入疏何也世變數馬集 卷之三十一 三

東蹇理菴大司馬

翰教自燕邸而墜兼得讀平播碑文敘事精密

鑄詞古雅以平淮蔡刻石方之則韓碑柳雅兼長竝美固足以垂方史冊而焜耀來禩也敬當珍襲以爲世寶買布更關疆場豈敢自分畛域以誤大計然互相稽查使武弁不得因緣爲奸實以相成承教知無所督過益仞休休之量茲萊州叅戎朱拱極之任古北口敬托代候起居朱老成有識潔已愛士尙辱翦拂遇之必能不負鞭策也臨啓不勝嚮往

東曹嗣山總河

數馬集 卷之三十一 古
台旌西指歷曹南而上延津濱河守隄吏視蟻穴僕奮錘惟謹汎濫河伯從此當遵奉約束退處于清冷之淵不敢與吾民爭尺寸地矣某匆勿歸來未得追隨後塵相荒度之役乃心未嘗不馳驟于曹單金鄉沮洳間也任城高會臨風懷古追賀李之遺蹤庶幾見之欲吟一詩以請正詞壇而李詩在上有景亦道不得沉吟數日乃成小律錄之扇頭聊博一笑不腆芹藻以從者之久淹于外也少佐風飡惟惠然存之榮感

不淺矣

答丹徒令張綱菴門人

榆士大邦觀英賢濟濟不啻種玉藍田採珠南海至于連城夜光令人驚咤以爲千百載一遇者則惟足下與二三子不可多得也去春觀戰勝之報不勝踴躍館選不與則又私心惜之然古稱三立功居其一儒者濟物惟作令易行其志一喜怒關人休戚一奢儉關人貧富一勤惰關人聚散京口名邑苟惠澤及人便可爲吾畏數馬集 卷之三十一 五

壘將來爲諫官爲卿執其建豎皆基于此視區區讀書中秘以言語文章爲動績未可同日論也勉之勉之不佞故起家州守當時及第爲翰林者今已無存而一二在事稍稱白眉者皆縮符牧民之人也舟過齊境不佞不及伸餉客之禮而翰使遠臨足下用意良厚不腆程儀容專役致之不宜

一 答曹嗣山總河

奔秀河干觀諸州邑蕩蕩于陽侯波濤中不勝

慨嘆及至沙寧得謁台親接緒論退而喜曰向見江左夷吾吾無憂矣夫談河者懼于不任而亦戒于輕任臺下任矣而又出之以詳慎之思咨諏之審故雖畚鍤未施而旣倒狂瀾已就吾經理中矣匪佞匪倭不肖巡行所部問民疾苦職也而臺下猥自枉重郊勞譙享贈賄有加焉臨岐祖送登眺畱連千秋意氣令人直以心相許初不覺底裏盡露而話太繁也歸來文移山積方圖遣使奉謝而使者已辱臨之開械奉讀數馬集 卷之三十一 六

答魏道冲太史

向與二令叔一爲同年一爲同官仰慕尊門文章氣節爲世作程私心鄉往恨未能交尊大人及門下驩然長安馬上亦時時望見尊公顏色矣門下奮述揚芳高步玉堂之上朝修詞令夕講經濟行見天子念魏氏之笏比之甘棠拔置稍位以嗣先世風烈是方今人士所仰望也

不佞簿書俗吏米鹽錢穀之間時効一割若乃文章聲律雖復効顰如西域賈胡人長安市中觀諸寶物惟知畱連豈能懷爲已有乎過承弘獎媿報實深咎李北海久斥在外一旦入朝衣冠古朴觀者如市不佞羨之慕之願何時得逐隊都門如門下所謂登龍者乎辱華翰先施深以得交爲慰肅此奉謝不盡願言

答曹嗣山總河

河干暴露前此李霖老親嘗之不佞亦親見之數馬集

卷之三十六

七

矣此時猶可若至三月以後其氣息薰蒸真有令人難堪者吾儕爲國任事何敢自逸然視之燕燕居息者真不啻霄壤恨國家之酬河臣反不得與九邊同論是可嘆也朱旺口舊河惟據所聞及以鄙意度之謂積土難移故議稍移而上若故迹可因與開生地不同自當從舊此惟臺下身任其責豈可從傍阻撓司庫三萬金亦已交與委官發解拙見謂宜令充西道于附近州縣各發銀二千令買米運至單縣以備河夫

買用前歲河南夫病亦多坐饑餓無覓米處也惟台裁之

答吳二泉岡卿

近日海內談清品者則吾鄉癸未榜有二人焉門下與李九老是也夫砥節礪俗世固有之然欲清以立身勤以任事不激不亢以歸中道則吾鄉二君又非皎皎以立名者固人倫之標準國家之楨幹也不佞簿書俗吏耳慕清修而不能至知任事而不能通時或激亢以見尤于世數馬集

卷之三十六

八

人齊來一因河事得罪于中州一因稅事得罪于江北中夜循省惟有早圖引退庶幾不履禍機無媿老氏止足之戒云爾每覩門下薦歷九列大政將及深爲世道彈冠欲一通候以敘鄉往而疏懶成僻遂令門下先之且弘獎過情不勝感媿使旋肅此附謝不盡之衷具于別楮

答于念東岡卿

初秋擬之河上得拜謁盡所願言暑熱交侵遂至八月乃往而台駕行矣瞻望靡及徒有神往

賢郡患水日甚一日雖助餉折糧所減近二萬金稍寬旦夕然漂沒浮沉已幾一半將何以自存門下身當其患亦有良策可出之重淵否日來總河議濬朱旺口復用舊河不佞意謂此地兩挑兩淤其所開之土原未他徙而所淤之泥又增在內是視昔倍之也然今已興工勢且難止各道中亦有謂當稍移上流六七里者然從中主議多淮邳豐沛人恐其議未易奪也金錢有限民力大竭將來不知何所底止遠辱翰教數馬集

卷之三十一

九

恍若面晤冗中肅此報謝不盡區區

答充西道來憲長

天下事不可不果決亦不可不慎重派夫十萬以三月畢工計用土方銀四十萬則每月須放銀十三萬三千三百有奇又外幫十八萬每月須放銀六萬門下能計東充二郡有銀五十八萬可以借用然後興工不則夫到河上無銀可繼亂之道也況戶部以七萬漕糧向爾爭執與上部動氣而欲使山東解邊之銀盡爾借用萬

一邊兵有變誰任其咎不佞謂總河若不題准則解部之銀決不敢借也此惟以山東一省計之耳又聞江北荒流民渡江而南者日以數萬卽四萬之夫無銀可給江北能供此役乎若山東開而江北不開他日工完又令山東開江北之工是山東獨任其苦也聞近日三部議銀山東大老已徵色發聲謂關河關七省事奈何獨累山東今使任其半已不公矣況可使獨任乎六郡外幫夫役十八萬兩計一月之外能使數馬集

卷之三十一

三

之陸續解到惟河上借銀三十萬則萬萬不敢任當與總河及濟寧道再商之此大事也始之不慎後悔無及

答溧陽縣令

山東過稅上固免之而徐道不免移文于暨璫具呈于撫按形之文移者三兄之章奏者一不佞不得已以一揭爭之原爲小民除患有何甚于清議若三吳士論必不佞之非而彼之是則守封疆者必惟人肆虐噤不敢出一言然後爲

君子倡此論者其人品可知不佞又何辨焉六安釋憾之說尤爲可笑論六安者乃孔道長不佞楚中曾與相處不孔之怨而卜之怨乎且卜已久轉徐州六安雖其舊屬豈必開報者皆由于卜若同鄉在仕途者被人指摘不佞皆爲脩怨則終年代人爭閒氣寧有了日乎不佞所爭者公事所恃者正理亦不能向持論之人一一辯白夫省臺操是非以譏議乎天下天下亦操是非以評品乎省臺古今大可畏者固自有在

數馬集

卷之三十六

主

答曹嗣山總河

天馬賤辰何勞尊長記憶拜登華貺慚感交深河上天寒兩京江淮之銀又復未至每念河夫凍餓未嘗不展轉思惟顧東方庫藏如洗真無

可佐急用者所諭工部事例可以開除卽行司另借起解矣臨清倉糧三移咨而司農三不允今無可奈何乃求之管倉者得其私許遂令各縣徑解兗州此時亦輸有近半矣承命再查未解若干約于孟春卽動司庫借補也尙有一策可以相助皇上稅銀半許部用若移咨工部將暨祿三十四年上半年之稅徑畱河工則正二月間可得銀一萬五千兩亦渴時一滴也江北河漕可依此行之否惟台裁不宜

數馬集

卷之三

六


答馮文所僉憲

自念門下阻凍廣川孤寂旅舍欲遣人邀文旌暫過驛下懼于天寒難于命駕欲俟涉春圖之而使轡以高文至矣古雅宏麗清新聳拔自是門下餘事乃其稱許過當弘獎失實則沒峨江漢海嶺之靈當知某文便不至此若加誚讓何所逃罪以是蒙舉得無類顧愷之夜詠爲謝瞻所贊美耶佳集四五種愈出愈奇淘汰精鍊玉潔珠輝使王元美見之當嘆百部之爲繁三吳

數馬集卷之三十七

書

溫陵黃克



答總河曹嗣山

河工垂成而意外之事尚有若塞河之再決者乃知河固未易談談河真未易也初謂新河已寬然聞尚有溢處初謂已深然聞尚有張采莊九里溝二淺處今郭煖樓之分流得無爲九里之流不駛乎蘇莊之再決得無爲張采莊之淺

數馬集

卷之三十七

爲梗江北地方不敢妄度獨張采莊之地最高則嘗再三與濟寧道言之非今日也此時水未大發而下流已不能洩若秋水大至當復何如姑畱決口數丈以俟漲過然後議之亦不得已之計耳又聞宿遷以下河亦大淺糧船難行則河之爲阻又不獨徐州之上矣此三處鄙意以爲當待八月後于其傍調徭夫再開一灣河以通其阻庶幾冬來不至復淤耳此屬臆說惟老先生博採輿論以徐圖之因虛懷下問故敢

盡言也

東李湘洲國子監

曩待罪湖南往來三湘間得數瞻風範聆緒論真若天柱南嶽倒影瀟湘其清爽澄碧令人對之神怡照之骨清也入齊以來爲塵務所困闕焉聞問惟憶仙舟過漕河曾一通尺疏然不知又歷幾年所矣門下清望彌隆涵養益粹經綸啓沃之任虛席以俟此時上下未交政事多壅轉否爲泰豈異人任哉某微材劇用竊位適涯雖抱區區咫尺之義無捋饑饉昏墊之民且拘而不通直而少婉要路隣封時多督過其不至隕越以羞知己者幸耳適犬子將執經門下肅此候起居不腆附將聊脩蘊藻之誠惟台慈炤存幸甚

數馬集

卷之三十七

書

答鄭崑岩中丞

齊秦間隔邈如天涯惟聞破虜安疆鴻業屢建乃知南人未嘗不可用于西北而文章之士未嘗不能建撻伐之功也榮擢制府輿論推服

可汗闕氏仰首受係又不止右賢遠遁當尸折
首而已俟抵任當陳踴躍使來奉到佳刻把玩
盈日賦則屈宋漢魏樂府古詩逼真選體五七
言律洋洋盛唐書檄序記俱韓柳以上人語至
於典章律例記事拾遺種種皆經世之計謨有
用之實學三太史序文雖臻厥美猶未窮其妙
也此雖臺下餘緒然求之今世名卿才士殆稱
寡匹矣別論濟南丞孫君文章政事俱出俗吏
承命當益加珍愛

數馬集

卷之三十三

三

答參將杜文煥

久聞麾下文武具備東西間隔願交無由遽使
至拜李霖老書及大教知垂情于不肖者甚備
顧不肖爲郎署及視學時頗畱意文事亦嘗操
翰染墨今久困簿書未得息肩舊業荒蕪久矣
麾下天才卓犖世所鮮儔暫息鞍馬沉酣典籍
發爲麗藻直窺古人堂奧豈不佞所能置喙惟
是李公之命所不敢辭而麾下雅意又知音者
所共賞也用是旣攸其詞復贈以詩恨塵務如

蟬日不暇給來使處客舍數日恐不能久俟遂
從簿書餘晷中成之粉飾無鹽以勝西子殊可
羞耳佳貺槩不敢領嫌于鬻文也惟麾下諒之
東莊冲虛少詹

憶將發瀟湘時辱門下臨岐纒纒兼賜贈言令
人顧嶽麓而徘徊逗橘洲而夷猶也一入麾下
丰範日遠辛丑上計都下一瞻顏色風塵奔走
匆匆分袂欲如何者秉燭開尊賦詩屬和寧可
復得門下視草鑿坡資望益隆茲啓沃 青宮

數馬集

卷之三十七

四

出入 講幄參密勿之議躋論思之班爲日非
遙矣某無能爲役倘藉台庇不卽罷去他日台
臺都俞賡歌于內某奔走禦侮于外筋力未衰
猶堪一任鞭策乎

答曹嗣山總河

三疏揭俱領大教河工從昔易生議論新河雖
開原未衝闊水稍溢出何足爲病而同在地方
者已自求多若河勢不成如前歲決口難塞新
河在在淺澁當何如指摘也查議息事之 旨

右不可不回奏則當具疏言此開河時錢糧不敷民力已困亦不暇議築河堤夏秋水雖溢出至冬當自歸漕卽人字河原係議濬分流以防秋漲非河決也弱不敵強秋當自淤且劉忠宣河工告成之後尚築縷水隄離黃河三四里又築太行隄離縷水隄十餘里常畱寬廣之地以爲伏秋河水游衍之所今河隄且未築又何暇議縷隄行隄乎今日河工當看河之大勢所趨何處安可以一二分餘水渰及民田便指爲河

數馬集

卷之三十七

五

之病如此則誰敢任事哉且人字河亦非充西道所分土也明主可以理奪宰執自有高見分管之官不必議處以灰任事之心鄙見如斯惟台臺再酌之

東陳景玄漕院

自使節臨江而萬艘雲飛盡入濟河不待初秋而漕事已垂竣矣茲雖吏士用命亦精誠感格四瀆効靈故涸者溢險者夷由江而淮而河而加若枕席度舟故無難也守土之吏藉此得免

華關之患迨後期之罰豈非厚幸黃河旣挽縷隄未築天時人力誠未暇及河水稍溢亦其常態一經秋漲河形自闊隆冬水落則流自歸漕以今事勢度之成功之數十居七八若以王家口之役方之則爾時放水處處梗澁在在潰決下徐之流十無四五似未可與今日例論也不佞於河上行視十數次歷年開河俱未滿意此番若遲于放水再俟旬日以待江北九里溝工完則數十年永賴寔在斯役惜開口太早其病

數馬集

卷之三十七

六

在徐州之上十里地開而未深與邳宿之間淺而未開不得專咎上流且郭煖樓原屬顧大叅所開非來憲長分地也河乃公事凡在地方俱當明言臺下鑑空衡平毫無成心故某敢盡其愚計在亮察

東林柱宇罔卿

閩人寡援其砥節當官常百倍于人然不免于入後若門下之居西臺非所謂刻意勵節者乎猶外推數次而後以罔寺與之自非公論難以

盡依則澆澆不分而賢否莫辨矣然此亦吾閩人之過蓋世多阿意奉迎爲人驅除而吾鄉不然如省中曾君一廉自守不攻善類而年例之推業已首及豈非乏攻擊之疏無鷹犬之用耶嗚呼時事如此尚可以一日居此位哉稅使未收民窮財盡近京之地飛蝗蔽天河工未竟民心岌岌而廊廟之上方分門樹黨同我者進異我者退此時而不知引退亦甚愚矣某以直指未到故爾遲遲今且上疏力求乞休矣臺下

數馬集

卷之三十七

七

愛我其以爲然否

答曹嗣山總河

治河實難不惟茫無下手時難于相度而功已垂成尚有潰冒衝突之患蘇子所謂惟能前知其當然事至不懼而徐爲之所是以得至于成功則今日事勢是也見漕院疏以河小溢傷南直之田便有督過究西道意不知河之溢豈今日哉卽平居安瀾時夏秋稍漲濱河常有十數里以爲河伯游衍之所人亦不能與之爭也當

王家口初開時南溢夏邑北溢單縣豐沛蕭錫之間無處無水豈可與今同日而論故治河難矣而調衆口猶難大疏說塞決口當相機宜極是不然恐聞者又增一番說話也張綵莊及九里溝總看伏秋衝刷何如若衝刷得去便成大河此事亦有一二分要藉神力也同在地方因有所聞故前偶及之亦恃台臺之能採納耳承教具悉區畫之詳真無遺策大司農窘甚催銀委官亦將到斯亦無怪其然但山東之銀在二

數馬集

卷之三十七

八

郡借五萬者業已取回卽日起解其餘州縣所借台臺亦坐有見銀抵還若州縣查明倉口二郡守畱心催委官速行則盡夏月亦可至部數日前有書來言借銀三十萬業具書回覆謂借則無可應但此月內當督發三十萬金以應其急了此則三十二年以前逋負不及百分之一亦海內所希有者何必督過哉此書想亦已到可稍耐其心矣敬附此聞不盡

東李霖寰司馬

久疎聞問欲俟公除方馳一介候起居而大教至矣眷念交遊深存意氣綰結之情形于翰墨感激感激洊河之開實萬世永賴而議者因妬婦之口信爲實然萬艘齊行也而曰偶遭大雨避險就夷也而曰棄深就淺蓋至三年通漕猶云終成棄河都下但聞治黃之議猶費百數十萬輒亦信洊之不足恃紛紛疑之不知昔之治河欲去其害兼資其利今之治黃去洊之害以保洊之利耳使黃不逆行運道不被侵南陽漕數馬集

卷之三十七

九

渠不淺澀則雖如臺下前疏拱手以謝河伯曰賴天之靈已有運道何不可者故因當事有問輒剖折明白以復朱相公沈少司空及署工科者此自國家大事當以公心言之豈爲臺下相處素厚而後明目張膽明其開洊之功哉朱旺口新河已八九分垂成但當時於迎河處開剝太薄未及放水而水自衝入江北之工九里溝有數十丈全然未開不佞到河上歷言張綵莊地高欲再開四五尺而濟寧道不甚從也僅

再濬二尺水東注全河俱深丈一二尺獨此二處僅深八尺耳傍溢泛濫坐此之由今仗水衝刷二地亦漸至丈餘矣塞決本易以此流則彼淤也乃塞者見其易成議以一月完工不佞以工速成則易壞椿樑必不盡用欲稍遲之而不從也及至合龍門而水遂再決餘椿數千一夜被人燒毀此不用椿之驗也今復再塞頗廢前功大都河之成毀自有天意然於人謀亦不能無工拙不佞蓋嘗謀之於事先而非言之於事數馬集

卷之三十七

十

後幸大勢已定故今猶可望成功耳以臺下之惓惓于此故詳言之

答成生洲主政

畱銓清曹人倫所屬名公鉅卿接踵而出卽近者李霖老嘗用之以懋勲清時垂光來禩矣又何羨於青瑣栢臺曉曉然以口舌爲勲績搏擊爲正直哉承教知已入南龍蟠虎踞之勝燕磯牛渚之奇供我登眺發我吟詠而諸曹閒暇勝友如雲道德功業則孫耿諸公文章節槩則葉

劉省臺諸老詞人則如區如焦如曾如謝名畫則如吳如朱二胡二魏其揮毫染翰有聲詞場者更僕未易數也不佞五載齊臺嘗願息肩于南與山川名士結此良緣而造物不我與徒形寤歎恐罪罟日積終當罷去惟有維舟浦口潛約一二知己遍遊諸名勝而復歸耳使來過承弘獎當之殊媿應酬方劇不能具四六以謝其佳貺則藉手完璧致謝伏乞照亮

答王漢冲總兵

數馬集

卷之三十七

十一

丈夫建牙萬里佩征蠻將軍綬叱咤風雲鞭笞徭獠令內地得安邊釁不作斯亦可以垂芳千禩勒銘鼎彝何必嶺海珠崖而後可以行其志哉波之勝粵西者不過樓船灣卒月餉頗多番舶珠官珍奇雜沓借其餉可以自潤資其貨可以畧遷然而有志之士且以爲恥况于都護之爵惟均佩印之名猶古舍此向彼庸何愈乎願足下無以不移粵東爲歎也夫勲業無常時至則建變故難測利多則傾苟命當封侯分宜腰

玉則蒼梧桂林亦可以樹不朽矣不佞居齊五年息肩無所隨分盡職不萌異思事所當爭衆怨不避苟心無媿何恤人言惟視官爲倘來故于心無係累也辱愛最厚故併及之

東沈龍江相公

人君用臣貴能聽其言而行其志不然雖尊崇其身無益也主上以舊學碩德起相公于田畝之中天下喁喁想望太平而用之不盡其才任之不罄其忠入告雖切間隔如故礦稅未罷

數馬集

卷之三十七

十二

大僚未庸郊廟未親日講未御言路未補內帑未散賦斂未寬廢黜未起囚繫未釋凡相公所欲積誠懇禱望主上以必行者皆如以水投石莫之受也如此則榮以三孤繫以白玉眞虛禮耳夫以道事君不可則止大臣之義也相公引身而退保清節于始終全令名于出處無媿古今完人惟世道頽波砥柱無托覩國運者不能無歎息于此耳台駕歸必經齊疆謹遣材官護送代爲負弩

答金戴槐恤刑

近讀台翰知往返遼陽經三閱月所覩塞外險
易之處武弁驕蹇之情醜脫蕭條之狀以及行
軍屯田之宜琳宮梵宇之盛無不備具居然一
出塞圖也而籌邊之略亦寓其中不佞少懷壯
志常欲歷覽九邊縱觀形勝而宦轍所經多在
中原僅一眺白登踰鴈門歷寧武岢嵐周遊雲
中太原之墟而已猶未及東盡鴨綠江北抵黃
龍府其山川景物尤爲奇也虜之盛衰固無定
數馬集

卷之三十七

十三

形惟中國士馬健飽制禦有方則可轉弱爲強
而其要又在 朝廷今中涓橫據山海債帥奔
走宦寺本原之地先自污濁又安能振作邊政
以固藩籬也因承宏議輒盡鄙懷總之杞憂雖
切亦付之無可奈何而已遠回未及修候先辱
翰教感謝不盡

東沈蛟門相公

自古任天下之重甚難而任天下十當今之世
尤難蓋 上心未易轉移而士紳妄有窺測苦

心調停不以爲功而壅滯齟齬卽以爲罪至於
勢位相逼嫌隙易生黨同伐異風波倏起妄意
得序者進成功者退力爲驅除而不顧 國家
之大體後世之公評當此之時卽丙魏姚宋亦
豈能安其位而行其志哉所賴 主上聖明洞
見始末曲從乞身之請而併罷忤者以伸衆論
使天下知人臣不能和衷欲擠人以自便者終
不得遂則何益矣嗟乎富貴爵祿同歸于盡惟
有三立與天同久往礦稅之興非自相公始也
數馬集

卷之三十七

十四

而調劑中外使不至激而爲變且以次蠲除焉
又東平倭西平播勳業著于寰宇不專權不植
利寬大與天下相安固球時之賢相也今得請
歸家優游暮年人間之福莫大於是亦何必疲
精力于畏途較長短于衆口哉某于相公之去
旣爲 國家惜又爲知己幸也仙舟過漕河未
得奔走迎送謹遣材官行臺代爲負弩

東黃雲蛟巡漕

日以河事浸漬台聽不以狂瞽爲罪且多採納

幸甚感甚某於河工非其專責顧念天下事當求其大利而略其小害如加之利在通漕漕苟通矣雖有時淺涸乃小害無傷也黃之利在趨徐苟歸徐矣雖有時旁溢亦小害無傷也要在以徐圖之耳夫加河已行三載而議者猶指爲棄河苟非親履其地得不爲人言所惑乎河雖未免旁溢然視昔日破沛城浮魚臺危沒金鄉單濟今其害已減十之七八矣當事者固當周善後之思審勢者當許其爲徐圖之計此某之

數馬集

卷之三十七

十五

所願有獻于臺下者也聞仙舟已過清源行且報命京國咫尺清光竟孤一晤不惟臺下有落莫之嘆而不佞亦以不御李君爲恨矣

東朱蘭嶠翰林

辛丑之春隨計吏後一奉顏色嗣是風波震蕩簿領沉迷遂成疎闊念之未嘗不自媿也南北踐更詞林舊事而畱都又門下故里往見雅游諸詠龍蟠虎踞之勢雨花燕子之奇俱入三四公品題茲行且以江山爲園圃以烟霞爲屏

障收其勝槩括之吟囊用勒金石而播簡冊不朽盛事也媿不佞俗吏一領齊臺便逾五載無山得入白門躡鍾山一杖一屨追隨嘯詠真今山川笑人無計解嘲也聞舟過河下敬以不腆程儀奉牒榜人外素卷一軸欲乞小楷如麻姑壇記大者二三十行以爲法式知門下能維舟片時不我靳也敢私布之

東彭晞陽

錦江玉局之遊回首已逾一紀頭顱鬚髮半已數馬集

卷之三十七

十六

成翁不知老丈亦復何如林居閒適早脫塵網計精神當十倍于弟但長才未展終令人鬱鬱耳有以修養書見遺者觀老丈著論鑿鑿皆參同悟真中語夫能立言以教人而不能鍊性以成仙者世未之有老丈其已與廣成赤松諸君遊乎弟久羈塵鞅未證此道且肩人重任不得不任勞怨每與權倖爭是非輒如履虎尾而奪狼食欲養其內猶恐人之食其外也視老丈逍遙物表保壽命而全太和不幾霄壤哉令弟以

試事入齊會間得問門下起居茲以不腆奉寄
少助參朮之費長江在望神與俱西

東彭旦陽張雨若二主考

文星照臨歷下幸得一望清光詫爲盛事雖萬
戶侯之封不榮于此奈放榜數日此有簿書之
勞彼有應酬之劇促膝談心不能數刻而使節
行矣會難別易自昔而然何但今日乃形嗟嘆
岱岳之遊海內大觀恨不能持節納履以隨後
塵南望天門日觀見紫氣隆隆而起則使節陟
數馬集

卷之三十七

十七

其巔矣不腆尊酒少助登高之興幸乞鑒存舊
作一首書之扇頭請正亦登岱作也邢子愿草
扇及疏草拙刻二三種奉覽不盡願言

東李桂亭年丈

丁酉之春經過舊遊獲謁臺下清風惠政歌頌
載途逾十餘載卿貳雖陟節鉞未移五嶺南北
日坐春風中銷瘴癘于林菁偃甲兵于山海久
道成化匪直虔南赤子霑被歲澤已也 主上
慎重用人六卿之席尚虛其四卽日 徵書南

下使典銓衡海內縉紳咸待品藻同籍領袖非
兄翁而誰某最稱愚陋所歷仕宦俱從刀筆錢
穀間稍著微勞叨茲重任實逾其分性復褊淺
不能與世浮沉至處權貴尤乏含忍自分得遭
斥逐以安止足實符素心何暇計得失于一時
希通顯于末路也兄翁自佐充時卽已知我鎮
虔南又悉弟行事當必有以裁而教之寧如書
中獎借云爾乎

東溫用廷按臺

數馬集

卷之三十七

十八

武定古無棣之墟近世漢庶人之所分封也
宣宗曾駐蹕城下耀德觀兵消變未形吾鄉楊
文敏是參謀帷幄焉茲者使節按臨于此思昔
躍馬揮戈之場勃然動 聖君賢相之想可稱
齊中勝遊矣惜不佞株守歷下無能奉陪徒勤
鄉往未知其山川形勢可稱東秦十二否北風
漸寒惟若時自愛不宣

東張凌虛

不佞聞張孝廉之名舊矣遺榮謝世不上公車

以筆墨書史自娛所著文選纂註刪六臣之繁
蕪而補其闕爲昭明異代忠臣斯亦千載不朽
之業也吳下故多高士自五嶽山人而後門下
實繼芳躅不佞敬之慕之自惟方挂世網未得
與鴻冥之士論心敘契日犬子輩遣人求書門
下辱贈詩二章弘獎過當若以不佞形勞案牘
而能神遊風雅者至於鶴和九臯之句則直取
其臭味要之佩纓自媿俗吏何以得此劉玄德
所謂孔北海亦知人間有劉備今古之情固不
數馬集

卷之三十七

十九

殊也遂於簿書之暇和韻二章書之便面遠寄
門下豈敢混魚目于明珠抑將求滅堊於斤匠
云爾素卷別求揮灑風便幸惠德音也

東姚養谷諫議

從邸報中得讀大疏以馬璫疏揭互異參其欺
罔雖 聖明不能割情正法然凜凜斧鉞足以
寒此璫之膽令其垂首喪氣不敢復萌指鹿之
奸矣東土商民實藉洪庇免遭魚肉豈惟不佞
在事諸人默荷覆露已哉且因山東而推及遼

左爲之請罷權務使塞外蕭索之甌脫疲困之
軍士見之當溫如挾纊喜若投膠踴躍願赴匈
奴一戰不敢自愛其死也此誼今世罕舉而自
臺下發之感激心服所不鐫之五內非夫也便
中肅此言謝

答李霖寰司馬

伏念臺下讀禮三年已及公除援琴而歌固知
其未能成聲然世道多故 廟廊空虛冢卿栢
臺乏人已久度德論才非臺下誰屬哉至于東

數馬集

卷之三十七

二十

西二 聚衆窺伺宣雲戒心薊遼喪膽若求尊
俎折衝則北門鎖鑰又當暫屬臺下未可謂彼
有人焉可以高枕而卧也河上之役自朱旺而
下順流者六七十里過此則南北泛溢與舊日
蘇莊無異蓋所開之渠上闕下狹又未畢工水
卒衝入故溢而北潰百里成湖僅有一半入舊
時淤河耳乃知天下事談之甚易成之甚難今
日河工未可槩敘底績也以皆臺下所欲聞故
併及之

東徐石樓中丞

閩中生齒日繁衣食日窘商于海者既被殺戮
喪其資本耕于山者復遭旱潦失其俯仰故連
歲之間人心思亂非仗撫治有方消弭有術則
一發于延建再發于漳南民之淪胥以亡當不
知所底止矣感念再造此恩何極東省兩歲之
間蝗蝻大起接連燕豫所在爲災羣飛蔽天聚
食遍地雖出穀購易多方撲捕終不能盡仲秋
以來三月不雨三麥播種十僅二三竊恐冬盡

數馬集

卷之三十七

三

春初民窮思亂變且不測也且虜歟日久弊端
日開聚衆要挾羽書告急司農大匱邊餉不支
主上雖時發德音而終不免爲財利所惑橫征
未除正賦日急從古天下之亂未有不自失民
心始今其時矣老公祖坐策時事亦可以爲可
久安長治否

數馬集卷之三十七終

數馬集卷之三十八

書

溫陵黃克纘紹夫著

答顧冲吾中丞

翁丈榮滿晉擢夏卿公論共愜知已欣慰欲遣一使奉賀以計典方逼官評未就故遲之也往者縣官被逮一言回天足爲吾黨生色第叅馬璫亦出不得已蓋彼因樹恩瀛海將彼中稅銀俱于清源取足故歷數其重稅之狀庶幾轉數馬集

卷之三十八

一

移聖心而疏入旋值歸併有司機會故齊中亦得輕至數萬從此清源不容此璫再履其地亦一快也渠不得逞志又復上疏誑欲再議以河間稅銀未有所出既失于此欲求增於彼迨叅疏再上渠亦惶媿今已遵奉前旨不敢再爭窮寇勿追敬遵來教矣余直指三疏切直視翁丈疏更甚中毒亦或坐此以後當謹防之第于此中亦增千餘精兵爲衛蓋馬璫刺客甚多人皆爲第懼之也試錄拜領外山東錄二冊墨

刻二種拙疏二冊併請政不盡

答王玉沙憲長

西蜀居萬嶺之中民風偷薄吏治不肅得老年丈提綱振紀其間當月異而歲不同至于臬司胥史紛如蝟毛請丐恩澤糾纏不已往惟蔡見老在蜀稍能立法以維其弊第不揣以代庖之人妄爲紛更一切勞怨不避離蜀之後幾中白簡至今談之猶爲色變老年丈盛德雅望樹表立標深山窮谷之中虎冠鷲擊之吏且爲回心數馬集

卷之三十八

二

簡化況于么膺小鼠者乎資望兼隆大計後且有殊擢弟忝竊以來精神意氣日就衰倦明夏滿六年考欲圖歸計不知得遂所願否

東楊荆岩少宗伯

小疏朴野無文直取其明白易入庶幾主上觀之有所感發乃茲刻數首雖不盡見用而用者已十之七八矣如叅程守訓疏以作威作福爲言且謂近日中官叅論有司徑擬差官校拏解來京是旨意徑白出中官矣從此後遂無

有叅官擬差官校者德州守備不待委官叅奏
徑貽銀五百兩疏言稅監委官遂無以失銀賴
人者如此之類疏雖不下而言實見用竊謂于
世道微有所益茲得太親翁大敘以弁其首許
第河工礦稅二事真得第之苦心處所謂鮑子
知我也一言重于九鼎又文章之餘事矣敘已
刻就敬遣人齎十冊奉覽不腆程儀聊申芹敬
非敢曰潤筆也惟勿麾而却之幸甚

答吳問卿

數馬集

卷之三十八

三

漢石慶寂稱醇謹然天子問馬不過執策數馬
以對及謂馬字連尾而五今少一譴死而已至
於馬之良否與解馬之利病未聞其有所建明
也不佞五載爲州解馬者屢五載撫齊議馬者
亦屢然欲于毛齒牝牡之外識其神駿尅減強
賣之外盡其弊端亦不能一一形之戒諭載之
簿牒也門下窮俸馬之弊書相馬之術無微不
析無幽不照使任事之臣而皆若此則天閑雲
錦豈少于沙苑九邊駉騎豈下于渥洼哉移此

相馬者以相人將騏驎無鹽車之困而款段無
路車之騷矣銓衡之任虛席以俟第益爲海內
望之邊報日急司農急餉齊中密邇督責最嚴
自第爲方伯以來解京正額俱完九分之九惟
一二極災極疲之地鞭朴所不能施者微有逋
負今猶責之不已自古天下之亂未有不昶于
民日貧而賦日急者甚可憂也

答茅二岑水部

數馬集

卷之三十八

四

往聞鹿門先生有賢子能繼前業而光大之門
下是也然不知其曾令章丘而循聲表表又不
知臺中建白及南水部所上疏俱垂世之言非
得佳刻讀之則猶耳食也至于菽園詩草往往
有漢魏風致盛唐諸公皆所不論門下真有光
尊人哉夏鎮漕渠咽喉與山東接壤通塞利害
勢實相關借重名賢豈惟魚沛蒙福交之東西
實利賴之不佞誼叨某事以計典之逼未遑遣
使賀視事辱使者先之情好綢繆文采鉅麗若
以不佞爲可與同好而辱收之不佞何以得此

哉感激高誼先附使者布其謝私惟台慈之鑒諒焉

又

河工年來頻舉惟加爲有實用所少者略加充拓及時時濬淺耳此惟調兩省徭夫足任其事不爲繁費也黃河雖三次開濬公私之費計以千萬竟未成功今歲倥成矣以上廣下狹竟從中潰而下流遂至泛濫然所決之地幸邇徐州其泮沒無多且南陽漕渠垂淤不淤此亦開河數馬集

卷之三十八

五

之一効也今民力大困役難再興鄙意以爲宜少徐之再經冬春觀水勢趨向何如然後會議總之國家所急在漕漕苟利矣徐碭小害自其常事可緩圖也辱門下虛懷下問敢私布之然非敢云石畫也水衡諸公豈無灼見乎餘不敢贅

東葉玉城嵯臺

會溫用老道臺下欲用舊曹縣于拾遺疏中此君長垣人也離曹甚近取謗之由不能盡無但

不佞與之相處八年爲勘河往曹縣五次百姓未有一詞侵及于彼其才之揮霍則一榜中不過一二人而已蓋自河決蒙牆三省會勘及開王家口巡漕總河總漕巡撫三省守巡河道三四工部及東交歸德太守管河同知通判贊畫推官解銀中書太僕來曹者一日常二三十員本官應之夫馬下程小飯中火件件不失其所用之財半出羨餘又爲曾總河蓋一駐劄衙門費銀數千修二察院費銀千兩議者謂其收銀數馬集

卷之三十八

六

頗重其實與諸州縣收銀無異也他人得羨餘用之于私而彼用之于公亦可原矣又謂其糶倉米與河夫得餘金二千兩當開王家口時米價踴貴非彼糶倉米四五千石則餓死之夫更多餘銀悉用以補公費不足不佞曾查之俱有着落非入已也此官以河道銀不解陳增爲其所叅提問表憲長擬以公徒非不佞上疏免之則終身受累矣今若加以惡名是爲陳璫報怨也原其所由緣交西道川中議楊酋事以呈兩

院公文撫勦互異爲趙準臺李霖寰參調入齊
爲河決單縣太行隄李霖寰又欲叅之不佞力
揅得免以成令係李同縣又授業門人思釋憾
于彼言于不佞者屢矣不佞荅以若守道交州
言其當處則亦處之然竟未有指摘之者乃因
進表入京遂布謗言如彼用心真所謂睚眦必
報且怒移甲乙非君子也以臺下同事地方有
言不敢不吐不佞於成初非有平昔之知不過
泛泛屬官耳伏惟裁察

數馬集

卷之三十八

七

答喬聚垣中丞

三巴第所嘗遊也其山川之奇拔民物之殷富
文風之盛麗甲於中土惟是氓夷錯處自汶江
以南便多羌蠻時時梗吾教化吏治窳惰山谷
深邃民幾不見天日異時持節鎮撫者緣俗而
治未能有所裨濯震蕩二十年來蜀治視中土
稱不振焉天惠蜀民使老年丈仗鉞以鎮撫之
挽汶江之水以洗駝笮之風消峨嵋之雪以澆
雜夷之俗在此行也第去蜀踰一紀矣寤寐參

井猶時時入夔門而遊天府與青青子衿上下
議論卽今歲所舉蜀士猶強半爲第薪煎之遺
焉第豈忘蜀哉因翰教下及不勝舊遊之念而
深有望于老年丈之化蜀也坐席未溫而分廩
以貺第誼厚矣第何敢辭第青天蜀道報使非
易稍寬歲月俟覓便圖之耳使旋先此附謝伏
惟台炤不宣

答李景山總兵

丈夫建節疆場立功殊域若非相時引退優游

數馬集

卷之三十八

八

林壑則鐘鳴漏盡夜行不休不免爲有識者所
笑足下結髮從戎著勳華夏垂老息肩故里寄
迹名山出處全節豈非古今所希邁哉不佞居
齊十載如鳥倦飛雖功業罔建而濃華已澹倘
明歲得遂所請擬過武林遨遊西湖天竺間不
過涉名勝不止麾下能効韓蘄王策蹇從我于
烟水雲霞間乎令郎故是奇才取封侯如拾芥
能稍濟以冲晦則所向無空濶矣翰教至值計
事方竣疲困殊甚率爾奉復不盡所懷

東宋澤田侍御

頃拜翰教之辱，匆附謝。次日閱邸報，得大疏讀之，則侃侃乎匡時正論也。今世之敝，坐主旣自聖，不恤人言而爲之臣者，亦姑委于君之不能納。泄泄從事，或聊以緩語，遜詞開其端，使君自擇玩時愒日，死而後已。其弊至于上下相蒙，大小成風，曰吾非不言，君自不用耳。嗚呼！古稱陳力就列，不能者止。大臣以道事君，誼固若此哉。門下一言而當事者因之竦動，其心激昂，其數馬集

卷之三十八

九

氣稍稍欲以去，就死生諍之，庶幾感悟。人主卽未知將來何如，而于用人一事，亦微有轉動者。其機已漸萌芽矣。仁人之言，其利溥哉。此疏當與諍臣論，並傳匪諛，匪諛欲馳一介，候起居恐旌節巡行南北，靡定謹寓尺素于譚府侯。有入京回使，代爲轉寄，惟祈台鑒，炤原幸甚。

東王旭陽行人

側聞使節渡海而歸，業已抵家。夫涉萬里之波濤，揚中國之恩信，舟楫不驚，冊函無恙，此雖伏

天子威靈，海若効順而忠信涉川，孚及豚魚，使臣之勞不可泯也。異時敝鄉謝司徒曾履此險，歸來卽躋九列，登八座。今日之事，可謂後先媲美矣。不知往來海外，次止閩中山川風俗，民生利病，形之歌咏者，亦鐫爲奉使錄，使朝士得聞之，否不佞久叨大邦澤，則不究而齒益增。今且倦飛思返故林矣。然讀史見張騫遍歷外國，時復思慕昔人，乘槎得織女支機石，以問嚴君平者，決非虛語。于使節歸，不覺踴躍而願有聞也。數馬集

卷之三十八

十

答浙江楊總戎

嶠夷三載海波不揚，青齊晏然，便是德威所被。何必擒生折馘，乃爲功也。榮擢兩越，爲海內宸重鎮，且居閩海上流，若讐服島夷，不敢竊發，則東甌以南，陰受其賜。奚論吳山浙水，恃以爲重已哉。閱報知視師有日，轅門旌旗一旦變色，諸裨將俯伏聽命，不敢仰視丈夫得志，非肘係大將兵符，曷稱愉快。浙固戚少保立功之地，東陽

台紹諸兵勇於公圖少保以法律整齊之至今
稱雄天下願麾下益壯厥猶紹少保遺烈策勳
南北豈不休哉

答王霽宇御史大夫

久客名邦謂虛度韶華則可若夫久道成化對
時育物則無以稱之正恐鬢髮彫謝令春色笑
人耳若乃北極恩光從十數年不令諸道節
度得窺春明門惟一少司空從服闋起耳分限
已定何敢有他覬遷延未卽告歸猶屬不知去
數馬集

卷之三十八

七

上朱金庭相公

權稅事荷相公鼎力調停歸之有司民間禍害
去其大半矣而有司奉行未必能仰體德意商
人重利每每不肯輸納臨清六萬八千之數去
歲幾不足額卽六郡有司包納六萬者亦多逋
以累藩司大都欲取利必不顧名節欲顧名
卽必不能取利商人不思今日之寬視昔日已

減數倍一加稽核便自生謫至有與稅監無異
之言實不可使聞于人不得已具疏請乞停
止亦知鴻毛之言不足挽回天聽然亦聊陳
正理以冀上之萬一悔悟而已矧有相公補
天妙手必能曲爲轉移是外吏所延頸而思望
者也

答黃雲蛟侍御

恭惟臺下三持使節掄文執憲大昭芳譽宜擢
九列以俟秉均而當宁難于用人致柱后惠

數馬集

卷之三十八

七

文有若晨星遂使前勞未酬後差踵至卽所居
地便督漕輓代後進之士供厥常職賢勞之嘆
能無如北山所云乎惟是臣子體國夷險不
辭老成持重經畫素預用以彈壓有司鞭策將
士使四百萬之賦灌輸並進則台臺有功於
國一入都門天子當有殊酬矣某叨在守土
常賦之供每懼後期仰藉風猷以鞭策之吏士
之幸不佞之福也不腆奉賀聊修常禮而辱翰
使遠臨虛心下問瓊瑤之賜使投桃者增媿焉

敢不稽首登受以戴明德使旋肅此致謝諸客
爾布不宣

東戴相軒諫議李光宇侍御

向見散館報開列館職方用爲慰乃奉 旨則
諫議也果抄者談耶抑閣中有更改耶然前輩
上君子不得爲宰相則願爲諫官宰相得行其
道而一榜得至宰相者幾人且非三十年不可
到諫官得行其言朝拜官夕可上疏是諫官未
必下於館職也惟是進言之方須擇其有關於
數馬集 卷之三十八 主

世道人所不能言者而言之則言用而澤及天
下卽不用而讜論在萬世皆足不朽若有爲而
言或爲人羽翼或代人驅除或泛言塞責皆無
取焉老丈試取近時章奏覽之其言之當否可
十得其五六矣不佞叨冒已久行且爲乞身計
惟願知己之友建豎光明俊偉使得託之于人
曰此某蜀中所取士也豈不榮哉

東江禹門給諫

昔人稱言官得行其志與宰相等今之宰相志

不得行蓋十有七八矣而言官章奏猶十行五
六是諫官得售其志又勝于宰相也台臺鍾聞
海之英擷典籍之華宜留內翰以豫卜相而格
于例出居諫垣自恒情視之若未爲華選然吾
鄉宰相入國朝甚少其起于諫諍官至正卿者
不少也試觀今日六垣中一何寥寥耶然則正
色立 朝讜言弼 主以重吾鄉因以重諫垣
非台臺孰望哉古稱諫行言聽膏澤下於民士
君子欲行其志舍諫官何適不佞叨居左輔竊
數馬集 卷之三十八 主

覩盛事且常恨吾鄉仕宦易爲人所輕願從台
臺一振其積衰之勢輒不俟識面遂進其狂說
附以不腆聊以侑械非敢云賀也惟台鑒賜涵
爲荷

東張二水翰林

不佞少居海曲往來青陽涵江間見南山聳翠
溪水橫流尊府之祖居在焉知其間必鍾祥毓
靈生俊偉人物以應山川及爲小孫求婚于令
侄知尊叔侄應南宮之試者彬彬濟濟也今春

見報而門下儼然及第自 先朝以來四十年
間吾邑及第者五人其發之也盛則其收功也
必宏無論卿貳輩出枚卜當及而稷契夔龍事
業亦從此出矣羨羨不佞俗吏也自州郡以上
無所不試獨絕意于內翰之一途已不能爲而
令粉榆親戚中爲之豈不爲吾邑之光山川之
榮哉

東夏給諫諱子陽

往言奉使外國者如徐福入海訪三神山將至

數馬集

卷之三十八

五

卽爲風引去其難如此以台臺使琉球觀之夏
去秋還如履平地無亦 國家威靈所暢海若
潛踪風伯効順而使者精誠可格豚魚利涉大
川海不揚波耶夫萬里巨浸渤澥自異數月往
返變態靡常夜望星斗晝看雲山神龍巨魚鼓
舞出沒世外奇觀必有可喜可駭可賦可傳者
非使臣彩筆鋪張其盛孰能播之來襁哉竊願
有聞也報 命後八座開府次第陞遷然皆合
臺分內物未足侈爲盛事惟陳旅賁之章申越

裳之戒以輔佐 聖天子盛治是所望於諫諍
之臣者耳

東溫用廷按臺

論相之典吾鄉與推者三人然次日卽有四疏
攻九老而荆老亦爲宋掌科波及吾閩人何負
天下而攻之若此卽今與推者七人除趙南老
清品無議其餘數人欲如九老之一介不取能
之乎彼羣攻者亦有良心獨不試思彼之立身
行已可與之論清濁否不佞見此益增感慨已
數馬集

卷之三十八

六

決意必歸不欲與魑魅世界爭短長矣

答王霽宇御史大夫

主上一日而立四輔此百年之曠典也若王若
于德望素孚海內屬目已久曩爾閩徵亦有李
葉二人同時彙征在小國得之誠爲過望然此
二君者或清修震俗或開誠布公雖未知後來
相業何如而不敢爲不善以負四海仰望之心
皆可坐策其必能也第聞王荆老因子病孫幼
情甚無聊恐不能爲世道強出若出則 主上

猶或折節虛已以聽也

東申瑤泉相公

門生蒙老師造就忘其駑駘得逐驂驪之後塵
蓋及今夏末且以撫齊報六年政矣賦性愚拙
遇事則直已而行不復知宦途有委婉遷就事
往往爲人督過然心本無他人或見諒以此未
至顛覆不貽辱老師門牆顧今歲則體漸病而
志漸灰矣嗜進不敢求退不能遲回濟南終貽
恥辱緬想老師紅顏棟國黑頭辭歸青史功名
數馬集 卷之三十八 七

答杜爵齋太守

同門兄弟老丈實首列清華諫諍之章流傳海
內咳唾珠璣未足云也何意一謫遂成畱滯江
淮之間首尾十年然使老丈不謫便躋清卿優
游九列如肖薇諸兄稱快矣安得淮陽循良之

政與汲長孺並流史冊哉今已陳臬德棣駸駸

大用昔之久屈安知不大伸耶弟愚不曉事遍
歷勞人之職然寸寸自致三十年不休回首前
事直如駑馬之度驂驪將抵國門而筋力竭矣
斯亦弟枯槁顛仆遠放荒郊之時也而老丈方
且任重致遠過都歷塊愈遠愈健斯真驥駑之
判乎大章超盛入初凌沈轅宋已爲難及若草
書則翩翩右軍非二十年臨池不能到也始信
兼才何所不有附使致謝晤言在即不盡縷縷
數馬集 卷之三十八 六

東李光宇鹽院

聞使節將按長蘆山東舊時行部遍歷濟南兗
州東昌而青萊登各官俱會于歷城泰安間計
爾時當得面敘契濶殊喜躍也不佞以閏月望
當考六年滿但觀近來議論紛紛殊無忠厚正
直意思心竊危之欲自引去而疏久不下欲再
陳又聞 聖上爲相公喪子久不進閣一切奏
本俱不開封姑稍遲之老丈垂問 國家大計
此自策之素定然既承問矣不敢不畧言其槩

大都稅事不罷民力終不能支天下不能無事
雖言者接踵付之罔聞然終不可不言也稅雖
半歸工部然國家欲建三殿何待抽稅嘉
靖中不建三殿乎彼時不聞有稅也近日江
北暨祿身故雖具疏請止然名爲罷稅而疏內
密以稅事歸魯保是導之也此可單言也大僚
不補司道多缺行取不下太子不講學章疏
不批答場疆金錢不以養兵士而以奉驕虜京
師守衛軍士半屬內官山人冒名頂糧戶工部
數馬集
卷之三十八
十九
商人爲中官索取鋪墊無不破家蕩產無人敢
當至于南京進鮮御衣御器等船動以數十
隻代裝商貨一驛折乾夫動至二三百兩南兵
部當稍裁抑之少填船隻如百損給以一船則
民力稍甦矣大都今世錢財半費之邊半入之
中官搜求愈廣而匱乏愈甚不節其流而廣開
其源孰能給之此數款者雖言未必行然亦可
少遏其濫觴乎恃在知己故敢不諱然老丈自
有權衡非不佞所能助也惶悚惶悚

卷終

數馬集卷之三十九

溫陵黃克纘紹夫著

書

東李九我相公

主上聖明不爲忌者之言舍賢相不用雖帝堯
知人之明亦不過此矣吾鄉自楊文敏後相業
無聞今茲簡在當繹思素懷忠義之旨益
求報補蓋因人言而意氣激昂者非也因人言
而隨俗轉移者亦非也某沉迷簿書間方因病

數馬集

卷之三十九

一

求去何敢談天下大事然仰望相公樹光明俊
偉之業爲吾閩山川生色則此心終惓惓耳仰
體清節不敢以寸幣爲賀惟進其愚言想台慈
能信之也

東于穀峰相公

領節臨藩忽周六載尸位之謂夙夜匪忘雖陳
考績之章實附乞身之請幸而得遂則縱麋鹿
于豐草可任優游苟不從心則騁駑駘于末途
且復蹙蹙顧自分既審求退未已則以負乘見

適者或以知止見原不任之罪庶可未減乎老
先生方際會風雲沐浴日月進退百僚陶冶萬
彙一言弘獎華袞不足爲榮數字誤褒丘山有
難比重若乃贈以章服寵以彝尊此宰相之殊
禮藩吏之極榮也某何人斯可以當此九頓登
嘉未敢方命容馳一介踵門叩謝曷勝感戢之
至

又

修顏廟碑銘自是千古一大文字須令鍾王執

數馬集

卷之三十九

二

筆方可垂之琬琰奈世鮮其人一二縉紳以書
法著名者又如王子敬可使書羊欣之裙而不
可使書太極殿之扁故假手杜生謂其楷法精
細稍便青衿効法而已過蒙獎飾非所敢當也
登州有蘇長公海市圖及詩和者甚衆欲重勒
之然此生良熱艱于遠行業已飄然南旋不能
爲蓬萊閣結一段勝緣也刻手有一沈生在此
原非從吳刻石攜至者貴門生邢子愿或未之
知此君草書逼真二王文章高出六朝二十年

林下無人起用茲座師作相乃彼彈冠相慶之時也

東鄭崑岩中丞

往讀佳集及諸籌邊疏深嘆人才難得邊事久壞而曉暢戎務深懷遠圖者莫如臺下方期以著績華夷流光竹素爲國家建百年無事之計不謂方至平城卽已遘疾壯志未酬乞身而歸功名建立莫不有數可勝嘆哉然今日事勢在事實難言官權重制府權輕設施未竟議論數馬集

卷之三十九

三

札濟寧州

靈雨異常濟兗東三郡見在水中頽屋沉竈濡首滅頂者共六十餘州縣非如黃河之決僅四州縣被淹猶可移彼救此稍得全活也雖行道

府欲查搜倉穀庫藏爲分甘絕少計然河工三舉所在如掃各邑自救不暇安能救人斯亦危急存亡之秋也已奏乞發內帑恐亦終成畫餅錢糧暫停徵不可如常催併姑俟從容圖之不佞欲以一手獨障江河能乎哉可付長嘆

東曹嗣山總河

積雨踰月百川湧沸以衣帶黃河納天下水之半豈不溢出至于黃壩口故道則河伯素所經行賈魯劉忠宣俱嘗濬之異時道府竊議謂開數馬集

卷之三十九

四

此口則河不必治陵固無傷運亦不害奈中州諸公不欲水經宋地唱爲侵祖陵之說以聳動聖心必欲開王家口下李吉口堅城集乃快其意此一方之偏論非天下之公言也今雖稍決然大勢尚歸朱旺新河則水退塞之亦易爲力萬一難塞雖畱之以殺水勢亦自不妨蓋舊時借黃爲運道徐邳乾涸則漕舟難行今已有加河不假手河伯矣何苦拂逆水性強之北行符離在泗州之北二百餘里水出宿遷小

河口于 祖陵何與而藉口侵 陵誣矣此番大水實乃天意非人力之所能爲同在地方利害相關敢不慎密以副台命謹啓

啓葉相公

頃承大教深憂輔弼之難知係衷言實出遠慮昔日諸公惟不憂其難故不能盡忠極慮以匡國家反懷私圖樹黨求勝使功名損于末路物望孤于曩時相公之憂及此所謂既知其難則易者至矣惟是海內民窮財盡今歲水災跨都

數馬集

卷之三十九

五

連省木棲木處之民豈堪供輸貢稅而邊餉國費急于星火郡國倉庾搜括如洗縱懷百憂難展一籌自古 國家之亂皆由數千里水旱無以救之盜賊乘之而起漢之黃巾唐之芝巢可爲明鑒須二三相公轉移 聖心代處邊餉弘施救濟庶幾可收拾耳此腹心元氣之論非虛談也行道艱難小民困苦之狀想在台炤流民圖貴邑前輩事也令人追慕不已

東楊止菴少宰

頃接邸報見貴部覆某六年考滿擬加部銜誤被 聖恩陞貳司馬仍舊巡撫自惟待罪多年臯鑒山積不蒙罷斥已爲厚幸乃假以華袞褒其任事卽協濟河工調停礦稅皆職分當爲何足以掛齒頰而獎飾過當侈爲美談遂得增秩兼官求退反進策驚駘以遠到許短翮以高翔雖自知其不能亦翹然而私喜此非老先生特達之知不以庸衆相視安敢望課功于論罪之日割榮於遠辱之時哉感激高情直銘五內不

數馬集

卷之三十九

六

知所報惟有勉自樹立以不負推轂庶幾酬德于異日耳

答張滄州親丈

夏初得報知榮選滄州旋見撫按雷用原守疏而部中久不覆知親翁未免稍候以全遜讓之誼乃至秋來竟無音耗亦意親翁當往視事矣滄州瀛海重地州守職在親民若加意吏治爲民造福便可垂不朽之名不佞初試亦爲此官雖勉自砥礪然從今思之少年行事尚未盡當

蓋追徵詞訟乃有司二大要領追徵不在鞭朴
宜用鼓舞完負之數每比須自記之不可開自
吏書問理須虚心隔別研審不可寄耳目于人
小事當速爲決斷勿久滯累民至于喜怒之際
刑罰易偏囹圄之中每多冤死戒之慎之勿復
輕加于民所當嚴以待之者衙門人役而已千
緒萬端總不出清愼勤三字親翁年方強仕徒
以親老不能待一第勉就此官前途尚遠惟在
勵志于始耳不佞以六載上計叨增一秩循分
數馬集

卷之三十九

七

已逾終當爲求退計時當災沴未敢言也

答朱蓼水太史

不佞俗吏也起家州郡于民間疾苦頗能知之
然格于時勢拘于文法未能爲民興利除害卽
時有所區畫正如升斗之水稍濟枯鱗欲以議
于汪濊之澤何有哉六載上計放黜是甘忽有
增秩之命此皆齊之先生長者假以齒頰俾
得匿其大過見其微長冒茲榮階逾于所望每
一慮至汗流沾背門下新奉 絲綸造士畱都

方駕餘艘以南征乘長風而破浪乃猶念及不
佞以貶臨之高誼何可忘哉且史氏銀管榮辱
攸關弘獎一言重于九鼎不佞何德以當厚雅
惟有銘鏤藏之世世而已

東翁完虛諫議

頃因六載上計得荷 殊恩因具尺楮謝貴垣
諸公時方匆遽僅具短札不及詳布計徹記室
矣每讀大疏于銓曹時事大有所匡正季世之
人多市私恩 國家令甲已成故紙非臺下以
數馬集

卷之三十九

八

一言維之則未流濫觴誠不知其所極也不佞
獲蒙增秩尚爾抱愧蓋近日陝西保定曾以六
載晉少司馬然半屬邊鎮所可援以爲例者惟
江右南贛耳臣子進退遲速恪守法度則得者
感恩失者無怨不則人生倖心且有超遷之望
不佞雖不才決不敢借援于人以破壞 祖宗
制度也知台臺爲 國惓惓惜繁纓故敢布其
縷縷

東邢知吾同卿

沈生來承示餘清堂千文爲米南宮得意筆
帖篋中亦有之第臨手不佳其字多軟媚且米
書之妙在行草大書若楷書則不如松雪多矣
顧愷之謝莊亦爲臨者損其筋骨大都董思白
好米法臨者亦然雖晉宋間字亦時雜以米體
此戲鴻堂所以不重于海內也今令吳生臨之
若登石有道勁意則刻之不則未敢襲戲鴻花
樣也尊題松雪叢竹楷法道媚翩翩有晉人風
此當在元章上不佞非薄元章薄其以草法作
數馬集

卷之三十九

九

楷法也何如何如

札充西道來憲長

賑濟則冒領者多食粥則苟非甚貧甚餓決不
苟就不佞原行第恐驅而聚之寺中俾饑寒以
死耳此事全在縣官留意或食粥數日人有定
名却以米十日一散亦自不害原禪固有食粥
果便仍舊煮粥之語總之該道擇其長便行之
未嘗禁煮粥也往在山西見縣官以煮粥得薦
者其殺人極多蓋皆聚之一處夜卧冷地日來

伺候不得一餐其老人盜米見粥不足卽以冷
水投之食之未有不瀉者道中先將此等事提
醒州縣令速爲經營不佞不以成心相掣肘也

東泉州顧司理

曩與尊大人共事蜀中每談及子弟則盛稱二
子年方垂髫善爲應制之文俯仰十五年而老
公祖已巍然登第卽令弟先生亦以名士著稱
三吳矣知子莫如父詎不其然秋來閱報見敝
郡理官借重老公祖蕞爾海濱何足以辱發硯

數馬集

卷之三十九

十

之刃惟是敝郡士紳頗多異時爲理者或以寬
治之則豪家僮客時復橫行欲矯其敝者則又
厲威嚴太過不察是非槩加懲治是兩失也夫
士民一體而士又民之秀者待之宜有差等惟
于枉直正理毫無所低昂則見直者旣感其恩
而受罪者亦服其當人心自有直道孰得而泯
滅也老公祖素受庭訓加以高明之資其易于
治泉不啻承蜩而某輒敢僭盡區區者欲使桑
梓大受其福也

東宋可泉中丞

入齊數年每與共事談東省先達至老先生咸謂出則建事立功通達治體處則敦節礪俗造福鄉閭心竊嚮往之未能就正焉頃以再考蒙恩增秩辱老先生不加鄙夷以翰貺臨之自惟治齊不効過隨歲增方思引避以免曠官之咎而老先生乃加弘獎厚相期許若以某愾愾之愚稍能不負齊者聞言知媿且因以自勉苟此邦之有道太老不加譴呵則桑榆之收庶其有數馬集

卷之三十九

十一

答何玄谷同卿

老公祖分司同政爲 國家羅逸足而預邊計所關甚大茲年終舉刺而以有司下詢仰見慎重人材不止舉策數馬髣髴萬石之恭而已齊中有司新經按臺論刺四人其單中所載俱未有干物議者倘可從寬政則望老公祖槩宥之不則擇其起解最遲慢者輕刺之此亦鞭其後

之說也抑又有請焉敝鄉吳二泉清慎君子也

但看馬太慎下人因而指摘瑕病駁馬太多致有司僉報馬頭莫敢應者夫馬之肥瘦易知其材之高下與病之有無雖生長北方慣習鞍馬者亦不能盡曉南方書生視之茫然也不佞筮仕壽春俵馬五次共二百餘匹至今不能識馬非惟不能求之牝牡驪黃之外雖馬之年歲有齒可驗中亦有以老爲壯以壯爲老者總之惟尺寸是準惟馬頭是依惟獸醫之言是聽不尅

數馬集

卷之三十九

十一

三十金正價不准鄉士夫貴賣如是而五年無駁退者非不佞能擇馬前輩同寺諸公實不苛求也老公祖練達仁明必無此事但不佞有感前事之刻申其一言幸老公祖採擇焉

札青州道府

柳廷瓚一小醜耳東方有三守備專爲盜賊而設乃無奈數賊何也亦可醜矣已行令戴罪拏賊自贖如有名賊首不盡獲定行參論青州兵恐不堪用當選鋒兵一百以巡海爲名遣赴貴

道聽指麾此事亦不可張皇其參差及言州日照沂水平度等處亦行牌督責之矣窩主有名不論勢要但訪得實卽指名呈報當盡法處之不必有所顧忌此賊撲之不早恐貽大害幸畱意

札青州道黃憲長

張同知獲一賊甚見用心知此賊之無能爲若有一二十壯士縛之易耳泰安吏目拏獲三名俱平度人供柳賊往兗州賣馬約正月來相會數馬集

卷之三十九

十三

其意似欲從泰安往顏神者今可差人于彼候之渠未知偵者被獲必來窺探也徐小樓供同柳廷瓚行劫九次其所得俱銀無一衣服盡入楊朝野家蓋朝野分付不取別物恐易敗露故惟與人要銀此雖士夫之弟旣爲盜不妨差官兵嚴搜盡發其帑藏無令其漏網卽其兄亦自不好倘相波連卽叅來具疏提之可也密之速之青州兵多發無用彼以乏糧藉口只可擇精者百餘名于安丘聽縣官約束行事守備不堪

用姑聽其回青事畢叅革可也

答趙南渚大司徒

朝廷方以九邊之餉王姬之車費台臺之經營可謂手拮据而口卒瘠矣何從而得餘閒念及封疆之吏犬馬餘生也卽念矣又何暇揮鴻藻勒名言以焜耀下里之望惟是福壽佳圖五葉靈草來錦繡于中山拔精英于上黨張之可以榮里閑服之可以希神仙以是見旣卽九鼎不足爲重而藻火不足爲華矣雖仰望名作如北數馬集

卷之三十九

十四

斗在天庸敢冀乎謹九頓拜領附此申謝不盡鄉往統容嗣布

答楊貫齋方伯

近來人心頗僻不務修職業而藉口清議簧鼓是非入其黨者雖指夷爲跖指桀犬爲騶虞亦無人敢矯其非而爲之魁者方且揚揚自得思以超遷速化其黨爲之媒不辭也亦可怪矣哉吾鄉人因遭口語妄生疑惑至欲修戈矛于親暱母亦其徒唱爲異說以動之不佞前日云云

所以安其心而明吾鄉黨中之無有外志于人也天下事惟以直道處之是非禍福付之倘來主上亦自有張主豈專聽此輩簒弄橫行無忌哉

東戴鳳岐

近者使目粵來得拜台教多獎借語至于語及生平殊多感慨大閩人寡援于世自非早然樹立不可以吹毛求也安能仗鉞專閫躋位上卿哉邇來朝士多分門戶而輕詆恣侮者率不復

數馬集

卷之三十九

十五

論其素履求其行事以口舌爲雌黃致華髮元老多不免焉識者方以此卜世道之隆替未知顛波所底止也要之百世之下自有公論老先生惟以用舍歸之朝廷以是非付之天下萬世足矣某愚慙徑直屢爲人所擠陷獨能輕視一官置之度外當辨則辨雖觸忌諱而不顧故一時士論亦頗有直之者老先生以涉世之道宜如此哉殆不然矣前書裁答未盡鄙意因高州詹承行再布縷縷不盡之私具如別楮

東馮文所觀察

使旌度嶺而中原文星照臨百粵常怪牛女之南夜間常有紫氣豈合浦還珠能光耀乃爾耶殆文明之祥矣昔昌黎刺潮而潮人始知書子瞻謫海外而海外婦人女子無不知有蘇學士者今日端州當奉馮使君與韓蘇並垂千載也不佞每遊歷下亭眺千佛山頭吟佳句不勝懷人之想無奈南飛鴻鴈曾不過嶺安能度蒼梧越銅鼓而爲我傳尺素哉嶺南風氣頗惡早眠

數馬集

卷之三十九

十六

屢起節嗜慾親藥物斯爲要務不佞年來苦寒至冬常借鑪火以開硯冰久之不覺積火爲虐頰腫齒痛飲食頓減求歸未遂雖以加銜勉畱非其好也年漸衰老調攝宜慎願足下念之

札登州道閻憲副

近據青州道報柳賊十一月二十七日在安丘劫人殺死捕賊義民官今此日又在卽墨連劫三家是二郡俱有夥賊隨處行劫托名柳廷瓚也卽青州發兵三百亦無敢尾其後者畏縮如

此何以臨大敵哉老夫發兵守平度極是渠有
家屬在監必欲劫出方敢大肆其毒鄙意謂當
捕其族中之豪有力者禁之聲言某時日解登
州渠必來劫奪因伏兵盡擒之上策也不然質
其親屬令誘之來救家屬因令其家屬擒之以
獻亦一策也此賊若不斬滅東方未有息肩之
期青州道不欲鋒兵巡海以守備能辦擒賊不
知青萊二守備均不堪任也登營挑兵住于膠
卽平濰間似不可少惟留意焉

數馬集

卷之三十九

七

答畢東郊離臺

不佞閩海鄙人也生平遊宦又多在簿書錢穀
間毫無建樹惟頗耽文墨喜議論於當世名公
以文章氣節著者未嘗不私心嚮往恨不獲執
鞭以從也臺下胸羅萬卷筆掃千軍片言隻字
遺落人間皆知珍重而入栢署以來所論奏彈
劾皆關政治隆替夷夏休戚人材進退大節非
苟而已也不佞仰慕徒殷願交無自茲幸使節
當出按東土得徵同事之末拜謁下風是生平

之願慰也故先遣一介具書奉迓然猶拘於故
常未敢以寸縷一芹輕瀆台嚴辱臺下答書慰
勞榮最矣矣聞行部當在春仲已勅泰山靈石
守吏磨石以待題詠不佞亦且勉竭鄙腸以賡
和焉外拙詩二冊墨刻一部附上請正

東蕭大司馬

蘇子瞻爲韓魏公作醉白堂記首云仕宦而至
將相富貴而歸故鄉此人情之所榮而今昔之
所同夫功成名遂而不歸故鄉終日疲勞不得

數馬集

卷之三十九

八

休息未可稱全福也老先生安攘功高敷歷中
外者五十年而腰玉稱孤卿者又二十年茲
賜歸林泉優游晚景真人間未有之福陽春和
暖壽域弘開昌熾之休岡陵等算親朋子姓繞
膝下而介眉壽且筋力強健精神滿腹登天門
日觀之上望安期羨門諸仙於扶桑日出間若
將遇之豈不稱愉快哉某羈守歷下未得奉觴
上壽謹馳一介以不腆尊酒代華封之祝伏祈
台慈鑒涵曷勝榮藉之至

東大司馬李霖寰

鎮撫議辟大司寇以爲法宜爾也然以鄙見觀之巧詆故入殊失造律之意今夫律例強盜劫財能執同盜之人出首者免罪仍與常人一體給賞曾有巡撫能平反賊而與反賊同斬西市者乎棄印紆難誠有罪矣然度力未能拒則顏杲卿權受祿山之署後來起兵不失爲忠臣陳之人品固不敢望顏獨不可與執盜之盜同原乎人須是殺一不辜而得天下有所不爲若殺

數馬集

卷之三十九

七

不應死大臣以悅科道亦與古人用心異矣總河重任非不肖所能肩且主上知其不任垂發收回所謂知臣莫若主也邢蓬萊近覺賈意振刷但司道猶未開薦倘不肖果得息肩當爲台臺與崔際老破格薦之若此推竟成畫餅則亦已耳肅此奉復未悉願言

東陳毓台薦師

頃見會議報不勝驚駭古人殺一不辜而得天下有所不爲今人殺人以媚悅言官則爲之矣

大司寇避一時之小嫌不顧萬世之公論無足

道矣至於身荷國士之知者竟默默不敢出一言亦可嘆哉疏入久不報想主上於功罪之間必有定論決不輕從以虧聖德第代言者心雖無他膽則甚小未知究竟何如近與直指商議渠謂吾泉縉紳在京者多人宜同候朝房求救於葉閣下此自關同郡體面卽移書黃九石托其號召九石已有回書許以親往然號召事竟不言及母亦恐形迹暴著爲人側目乎王

數馬集

卷之三十九

七

弘廷回書道其托楊副郎於招中密爲維持渠於敘功及參語目謂有力然擬罪已重竟何益矣招已抄寄似無文致語其書附上老師一覽幸強自寬終有見天日時也門生欲上疏恐機會不投故少俟之

東曹仰筠廷尉

敝鄉陳毓台撫滇不能消息未萌至以印與賊爲全城計誠不爲無罪但已剿平賊黨功足以贖矣乃與各賊並解就訊令討賊之人旋何

面以見賊徒且各道俱有專責巡撫特總其成
道臣免罪而巡撫就逮豈持法之平乎此公寡
援又攻者方急莫敢相救不佞爲州守時曾被
其首薦心竊傷之輒敢冒罪爲發一言倘會高
東老及法司諸公亦可議其將功贖罪稍存巡
撫體面否夫今日之臺省他日之巡撫也方爲
言官時攻巡撫惟恨不寘之死及爲巡撫時則
未嘗不以持心平恕望言官古人云此事不可
開端其語不爲無見至於李大叅之死原出巡
撫馬集

卷之三十九

手

按叅疏巡撫且爲解救被省中叅駁奈何專咎
巡撫耶此語出人且必以多言罪之然權國
家大體及功罪定案道理亦當如此縱以是蒙
罪亦不失爲觀過知仁固不佞所甘心也惶悚
惶悚

東于念東中丞

關中形勝自古爲帝王都今雖列於藩服而三
面隣控制中原固雄藩也保釐之任非文武
兼才不昇台臺以經綸妙手安攘鴻猷卓然爲

士紳領袖出其緒餘以傍及六藝泛濫百家俱
淹通洞貫信宇宙全才哉故主上於諸藩開
府皆屢舉未當其心獨於台臺則朝會推而夕
得允魚水鳧藻可諭君臣遇合之隆矣此
固海內士人所共彈冠非第全陝將士軍民私
相忻忭已也不佞辱愛最渥得報不勝踴躍茲
聞台駕暫歸晝錦咫尺清光未緣晤對謹遣一
役以不腆蘊藻致其賀私惟祈台慈鑑涵曷勝
榮幸

東史武麟侍御

卷之三十九

圭

恭聞使節巡歷畿輔兩河已入東郡界攬轡澄
清則墨吏解綬停車問俗則疲民息肩且鄴城
鉅麗偏霸之所割據帝丘淇水康叔之所作新
天雄滑臺萊公所爲鎖鑰跋履山川訪古遺跡
足以快壯觀而發豪思殆皇華之勝遊而諮諏
之良會也不佞仰慕丰裁無緣親炙聞使車入
境不勝踴躍吏治民瘼且將借視聽以發其聾
聵焉謹遣吏役代迓前旌不腆芹藻獻之庖人

惟惠然鑒涵曷勝榮藉

答衛淇竹中丞

海內虛耗至今日極矣水旱災荒無處不有而吳楚之墟又特甚焉豫章處西吳上游有台臺福曜以照臨之雖有微災不爲民害而分其餘潤猶能沾溉隣封仁及吳越一時褰帷仗鉞無不推爲白眉可勝鄉往不佞叨冒大東處非其據八年之中水旱居六去秋雖獲微稔而數歲積逋併於一時邊鎮督責急于星火入春以來數馬集

卷之三十九

圭

未聞雷聲不見雨點黃霧四塞咫尺迷人今歲麥秋又失望矣大懼隕越以忝委任而台臺加以弘獎若謂能爲地方有無者媿矣媿矣去歲各驛馬價勞憲檄催給稍濟燃眉未遑修謝乃拜台貺之辱感何可言使旋肅此附謝不盡之私倘容嗣布未悉

答王霽宇御史大夫

禦夷之道患在示弱然欲驟示之強亦須內治脩明可戰可守然後強可示也往者惟夷之求

莫之敢抗竭天下供輸以奉驕子終無底止示弱甚矣彼旣入犯不得不彰撻伐以示之威然聞邊塞兵馬器械亭障廢弛已甚亦須整頓二三年戰守之略方可得而議台臺今所調兵馬只可示之有備而已必欲深入恐非完計卽出其不意幸而得功彼怒而大逞將何以制之竊謂彼若有乞憐認罰之意宜暫許之許之之後須將兵馬爲人占用者清之虛冒懦弱朽鈍者補之將帥工剝削者去之亭障脩其要害使戎卒有恃無恐爲我耳目而不爲夷用然後戰可議也書生談兵不過紙上空言因明問而遙度事勢聊以臆對如此不知可備芻蕘之採否

答錢龍陽論王祥

讀筆記有云王祥卧冰一事豈不至孝而立朝則否蓋彼倘知移孝爲忠之道卽立身揚名詎云非孝何區區一卧冰止也此是千古正論然鄙意謂祥原非能孝者事繼母猶母雖子道當然而以非理虐使之則當幾諫以冀其悟豈可

數馬集

卷之三十九

圭

隱忍曲從使因卧冰凍死不陷父母於不義乎
惟不知孝故不能移忠高貴鄉公時祥以大司
農封萬歲亭侯天子幸太學祥爲三老南面几
杖以師道自居天子北面乞言及昭弑君祥雖
涕淚交流不敢出一言卽陳玄伯欲斬賈充以
謝天下語亦不敢發也竟仕昭父子位至太保
視王偉元輩不當媿死乎若祥者僅可與劉殷
爲偶耳豈曰能孝

數馬集

卷之三

七

數馬集卷之三十九

數馬集卷之四十

書

溫陵黃克



答伍益齋憲副

不奉音問已幾十年令婿來獲拜大教曠岩面
命且知久拋簪笏養高衡岳之下精神益王純
嘏益臻其視逐逐一官勞精疲神以徇外物者
其所得爲何如也不佞自辭湖南卽羈縻于齊
離家已十五年宦中生子俱已壯大家中得
亦復就長令異日會聚而祖孫叔侄多不相
亦可大喙況不佞精神消耗鬚髮變白卽平日
親愛兄弟乍見亦不知何人事有大於此者又
未可以歲月料此可爲就宦而不知歸者之戒
矢讀來書輒爽然自失也

上李九我相公

相公在事四海方望肅清不意科道羣然攻之
至不遺餘力不知世道何故一旦至此大都倡
議者不過數人其餘從風而靡有異同者且以

姦黨目之斯亦乾坤一晦暝之候也千古之下

自有公論天理人心豈盡至泯滅無存哉第事
已至此進退兩難舉國皆狂不狂者亦且飲以
狂藥相公何以全聲名於末路鄙意竊謂惟有
堅求去位一策而已杞憂徒切不勝憤惋

答沈太素中丞

臺諫操權至令政府被攻甘受斧鑕而不敢一
言以辨此亦千載一時也而不能盡以公心體
國徒逞血氣求勝所愛卽爲聖賢所憎卽爲

數馬集

卷之四十

二

雖至高自稱許以名流自居者又翱翔擊搏
中之驚悍者也所欲援立大有氣力中外皆
知之然觀皇上殊無卜相意卽卜亦未必點
用虛作一場風波徒以政府之權歸之中貴耳
恐國家事從此愈不可爲也孫太宰來廟廊頗
得安靜至於九列欲內外均推尤得公平之體
第未知兩衙門終能不爭否渠視九列以爲已
之私物外之藩臬有一人竊據皆其所必攻者
也老公祖正當服官之時偶疾謝事他日尊體

稍健自有相推轂者昨妄詆之人見大疏亦自媿悔也

上葉臺山相公

殺戮重臣本非朝廷美事況罪不至死而功足以贖乃與倡亂者同棄市他日孰敢爲朝廷任事大司寇未會議時曾以書達之渠懼言官罪其鬻獄堅不敢任夫古人殺一不辜而得天下有所不爲今懼人相誣而忍殺撫臣不過重去位耳非所謂患失而無所不至者乎九卿數馬集

卷之四十

主

科道可以會議而居政府者獨不與聞何視科道太重而視閣臣太輕也宋時知高郵軍晁仲約斂民財以退海賊朝廷以爲辱國富鄭公欲斬之范希文謂其力不拒權爲全城之計情有可原遂得免死今捐印退師事與此同而討平逆賊其功則異相公今日雖不與斷斯獄而閣中持議別無他人海內撫臣寧不以范希文相望乎某昨覩報不覺痛哭非爲陳一人謂他日地方有事雖能平定亦不免於死懼爲陳之續

也欲上疏救之恐無益於事反堅其罪然緣救陳爲人所攻得全身而去猶勝仕於慘刻之朝爲刀筆吏弄其文墨也上司寇書敬抄上奉覽若台臺不以爲妄當別具疏以請專候裁示以爲進退

東張南禺諫議

青瑣委蛇直聲震竦凡在知交分榮割華惟是索垢方嚴疆臣思咎擬欲引分自効謝事求全致尺素久孤契闊莫展而門下念存舊遊臆不敢交遠惠德音兼賜佳貺發函申紙真若馨歎任前而儀刑可挹也重以弘獎言過其實夫游揚不佞於公卿縉紳間此自門下盛雅乃若引鏡照面妍醜自知何敢當揄揚之弘藻忘引退之素心乎厚貺自非省垣所宜施於外吏者敢拜十筴以揚仁風餘儀藉手完璧致謝仰祈台昭不宣

東趙南渚司農

承大教謂建夷與元昊順逆不同誠確論也世

無杜衍呂夷簡雖有范希文亦安得行其志任
新進少年逞其雄辨而已近覩大疏詞頗激切
而助彼以攻者且復踵至當此時實難爲國
家任事蓋主上不覽章奏是非曲直不分而
推陞不下益復無所忌憚理固然也山東久旱
近稍得雨然長山濟陽武定一帶旱猶復赤地
登州亦然青萊半種乖氣致異牛妖疊見此某
之不德使然苦無消弭之術惟有徐圖乞罪而
已麥既寡收秋禾未卜催科實難承命不敢不

東蕭念野按臺

恭值嶽降之晨宜効封人致祝而平原歷下咫
尺千里不能登堂稱觴敬具朋酒特遣材官代
爲叩首稱賀陽氣方盛宜河朔十日之飲臺下
署中獨酌頗憶歷下亭高會乎願進無筭酌以
應無疆眉壽

東劉心磐主政

滋陽藩封重地兩京孔道應酬調濟最稱繁劇
門下意定神閒治民獲上與古循良相頡頏農
署之召未滿人心然臣子隨分盡職皆可自
見前輩名臣出於藩臬郡守者何限哉承翰教
知已入部供事此時方講求財賦不佞以爲內
而上供外而軍需俱宜復萬曆初年之例毫
無加增財方可足不然雖心計如桑孔亦不能
爲今日謀也何如何如

東畢東郊鹽院

得緣按部遂炙清光生平企仰於焉大快緬想
弭節靈巖便登岱嶽東望徂徠漸近闕里徘徊
瞻眺足慰仰止之思亦天下之大觀也計此時
兗郡事竣西出聊攝行且遍歷畿輔盡觀大國
之風宣德求虞雖詩人所稱咨謀諏度何以過
之惟是福星漸遠守土之吏不勝瞻望謹遣一
介以不腆程儀獻于境上惟祈台慈鑒存曷勝
懸企之至

啓魯殿下

夫今之親王食租衣稅其入有限與昔之王侯專有一國田賦者異矣而徒枉輿梁濟人是務又有司之事非王國之所宜爲也老國主乃能捐數歲之祿建此石梁所費不貲所濟無量真古今盛事官於東土者所樂執筆爲之揄揚但某素不能文而勒石紀功惟出於鄉之縉紳則其言可信今傳後若叨撫茲土者似非所宜爲也頃舍親趙長史誦述德意業已告以此言而使者已來徵文何敢固辭但與兩司商數馬集

卷之四十

七

之亦以爲未便敢瀝情以告望殿下信其非僞別徵鄉先生之言大賜未敢祇領伏乞睿慈諒登不勝悚息

東趙中宇南少宰

同榜中筮仕爲州縣者惟弟與老年丈俱不得於上官幾遭毒手然老丈自入臺之後卽處順境不出臺中數年便至少宰弟雖復附驥綴少司馬之末行然中更領郡踐歷藩臬至巡撫風波歛蕩欲傾覆者屢矣由後觀之則弟所處無

一時不如筮仕日也撫齊八年餘旣無緣得入春明門卽治河至危苦事亦三推而陪者得之今四推竟臨時不用也引分自安欲作掛冠計恐人以忿悻疑之老丈將何以爲弟計乎聞奉萬年觴入祝聖明此時正當深宮靜養無山望見聖顏然一朝大明宮分天香一縷攜兩袖而歸亦愉快事也

東通政司左叅議吳因之

召駕入京卽綰銀臺之符司喉舌之任四方奏

數馬集

卷之四十

八

報夷狄盜賊增兵請餉水旱妖異爲民請命及論劾貪墨薦揚良吏心佐百姓者咸藉台臺以達於聖聰蓋此時壅弊生患疏入不報者十居六七自非清方執法如臺下者爲通達下情使不敢隱則天門九重何從向閭人問通塞哉不佞在齊猶稱近地而所患與遐方無異仰藉寵靈爲庇不淺

東高筠一南諫議

向拜翰使之辱匆匆報謝無何而下詢計典之

使至矣再奉德音恍如面晤忻慰忻慰南北紛爭近已稍息從此隨事諫諍各執其事似不必以前事畱意也鄙見以此時士風頗趨於刻稍乏忠厚長者之風如敝鄉陳毓台撫滇雖無德於民然蠻夷好亂自古有之難發能收亦當貸其一死而攻者不殺之不止人主豈可使之手滑小臣猶不宜輕殺況大臣乎不佞非敢爲同鄉稱冤但於朝廷刑政亦微覺有虧損耳何如何如

數馬集

卷之四十

九

東王養初京兆

大京兆有九列之尊而行二千石之事發念動意卽澤及編民妹足樂也加以金陵佳麗自公多暇命駕出遊役青山於句裏含綠水於杯中風流京尹豈非仕宦中神仙哉弟代匱齊臺已逾八載寤寐展轉惟願得南中一卿貳顧乃靳而不與又欲舉胼胝跋涉之事以重苦之雖上未必用然私心驚疑謂終不免辱於泥塗也其何以鞭策之

東黃雨石南諫議

滕縣途中匆匆一晤至今丰神言論猶在目也數年來言路不患不切直患其切直而流於激亦有入于慘刻深險之論不自知者如引曾毓事欲斬李九老引張經事欲斬陳毓老皆犯天下後世之公議而不顧者不佞以李雖褊急何嘗誤人天下國家陳雖無德於民然能收功末途何至不贖一死奏疏傳之天下來世自有人見古今惟胡澹菴欲斬秦檜痛快人心苟好不

數馬集

卷之四十

十

東楊長源主政

往入齊時由清湘泛洞庭出大江下武昌道經雲夢觀其所謂盤紆弗鬱而想其玫瑰琳瑯者庶幾見之益不以物而以人也門下應期孕秀章冠楚材綰綬江濱則黎民鐫石含香粉署則

司農借籌茲奉 命督儲清源視事之初剔奸
去弊思與兩省災民省其繁費惠風甘雨未足
比澤江漢餘波其流潤遠矣不佞密邇台光未
遑修賀而辱雅贖先施何媿如之敬遣一介專
此報謝塵事蜩集不能肅具駢語仰祈台慈鑒
存幸甚

東顏心葵漕院

理河難事非微力所勝然當事者固欲用之豈
敢辭難無奈事從中格卽樂於陞遷亦不敢信
數馬集

卷之四十

十一

爲可得也膠萊河可通誠爲萬世之利豈不願
與地方成一不朽事第不佞尙疑源頭無活水
卽河成建閘必大雨水乃盈渠雨過則涸耳又
北海俱沙旋開旋平非千里長流建瓴而下以
衝刷之終爲易淤北風一吹海沙填滿一歲非
淘十數次未易通也且欲開此河非費三百萬
不可河成又須另造海舟淺船費亦難量此時
物力正竭似當待 國用充足然後議之書刻
萊州有之碑刻則河邊公館有石載之頗詳不

佞署中未有也近刻楷帖一部疏草一部奏
請政

答孫肖崗主政

奉讀大篇似謂不佞已轉總河而相爲彈冠者
夫河性善決治之最難三十年未有一善終者
卽得之亦非不佞之福矧 主上知其蹇劣不
任胼胝之役雖已經稟擬竟遲留而不與也不
佞益深以不用爲幸而且以不才爲媿何足以
勞尊慈惟是地方旱蝗濟郡苦饑其餘諸郡熟
數馬集

卷之四十

十二

者半而歉者半拮据捄荒前債未畢而後債踵
至終夜焦思惟圖乞歸耳夜來幸得一雨二麥
猶可播種晨興稍有佳緒裁此奉謝不覺縷縷
東史武陵侍御

齊中共事深以得奉德音爲幸願無由一晤以
慰仰止則私心猶耿耿耳三吳多士如林台臺
考校爲時已逼而能評無滯卷舉無遺賢自非
天才卓犖當此鮮不亂矣至乃直節芳標以身
爲範則諸士欣就樂育固自有在不直評隲之

公丘神而已霍君在齊河政事爲一時之冠去後之思則不佞所聞若如所慮云云則無有也樂成賢令之名不佞同然承教敬吐肺腑仰惟台鑒幸甚

東翁青陽翰林

今世稱叔季矣議論紛紛總以戈矛從事非惟馳驅爪牙之臣動捫文網卽文墨侍從最號清秩者橫遭口語亦鮮完人惟臺下真身渠獲與世無爭故能獨立紛華之場儼負公輔之望疾

數馬集

卷之四十

十三

風勁草於斯驗矣然宮端虛位循序宜遷猶然遲遲若有所俟退讓之美於斯益弘不佞生平碌碌以錢穀刑名爲勳績久叨重地積垢已多至若弘獎過實豈所敢聞值茲荒歲賑救無策欲圖解綬以逃辜又懼避難以滋謗朝夕惶恐進退無從拜翰論祇增媿色耳使旋草草奉復不盡之私統容嗣布

答喬傲我侍御

濟陽人來承翰教談及時事此不佞所不敢言

者也夫舉世方以爲伊周爲姚宋惟恨其不速居要地而猥加此庇議人必謂是喪心病狂者也不然必其有宿怨者要之天下有真是非或溺於所愛或惕於所懼隨人唱和皆自昧其本心者耳門下卓然自立不肯雷同非平日定守定力不能有此然此言尙不可聞於人也世路風波方震蕩天地豈宜作違衆之談因台翰云云偶私論之幸乞秘密

答戴鳳岐總制

數馬集

卷之四十

十四

欽州失事其損甚小若使他省之人當此意外之變重則數仕輕則罰俸足矣而遽爾奪職何聞人受禍獨重也卽如滇事難發之時捐印誠爲非體然已平定收復功足贖罪乃不免逮問重擬固科道之作惡亦吾鄉之人少香火之情也不佞每抱不平於司寇司馬廷尉爲出一言然竟無如之何從此且力求乞休以避禍機大台臺此歸未必不爲福得失之際可無介懷金憲副來辱寄翰旣方知有太夫人之變未及

奉旨深用魏歎茲附薄儀聊當生芻倘賜鑒入
不勝懸注

東曾九虛侍御

旱蝗爲災中州東土彼此同之濟東二郡五十
州縣其被災者四十餘處惟東郡尙餘六七縣
稍足餬口耳臺下念解戶糴買之苦而以恤隣
平糴望之于齊惓惓爲民盛心敢不體諒但此
中原未閉糴惟民間米價與時翔貴有禁之不
能止者昔人採災聽米價之高任民糴買而價

數馬集

卷之四十

五

反日平者無他故價稍貴則人肯出米以售米
多則價漸減若禁其貴糴則有米者亦匿不出
民無所告糴而價反倍之不佞承教惟卽行令
州縣勿遏禁以病隣國至於時直則聽民間自
爲低昂不敢抑也鄙見如斯統惟台炤幸甚

東何崑柱翰林

往遊楚中於江漢諸名人多獲交驩獨以未交
台臺爲歉文章德業第從縉紳後稍聆其餘緒
耳方今海內衣冠文物以舊畿爲第一欲掄材

於其土非具古今卓識鮮不目眩心悸抱失人
之嘆而台臺奉命以往略其驪黃取其神雋
從此大江南南北雖稱都無畱良焉可矣去時過
齊以避嫌故未通一書札以敘鄉往茲聞竣事
旋朝且持十四郡俊彥獻之聖主以人事
君忠莫大焉可勝忻慰不佞叨爲地主宜有餽
牽以禮過賓而值歲之不易僅能具粗糲草具
甚媿之也仰祈台慈鑑涵曷勝榮藉

答戴副總諱延春

數馬集

卷之四十

十六

起家京營雖屬閑地然視灞陵故將軍爲醉尉
所呵則復燃之灰與未燃時有間矣矧借此爲
柄用地異日出鎮衝邊建大將旗鼓立功於朔
漠之北惟所自樹耳不佞叨在知己深以爲幸
願麾下折節下人勿厭薄今日而思自見於異
日也使來承翰貺具感厚雅念都下米珠薪桂
俸給無多不敢分之以重其困俱藉手完璧致
謝山薺葡萄則領入矣邊患未寧願言自愛

答高東溟中丞

方今海內無處不困蓋皆苦於賦斂繁重而兩
浙織造轉餉防海三者兼之宜煩老丈之劈畫
也然幸去歲大水之後今歲夏秋皆熟春蠶之
利其價倍賤錢穀之饒異于往時此仁人爲之
福星故上天賜以福澤而民實大受其庇也貴
省十年來強半水旱僅去秋頗熟而今歲旱蝗
則赤地千里矣九月望前道路不通訛言踵起
蓋岌岌乎有將亂之形焉茲幸秋杪雨雪蝗旣
凍盡三麥得種民心稍安以弟薄福所遭如此
數馬集

卷之四十

十七

蓋無口不懷尊鱸之思也翁丈爲桑梓慮其何
以鞭策之

數馬集卷之四十一

書

溫陵黃克纘紹夫著

東吳挺菴少叅

西曹舊僚此時在仕籍中不足四五人皆雲離
雨散會合無期至於操筆爲詩文稱同志者則
已寥寥絕響矣仁丈再出行李幸過山東聞之
不勝踴躍而林守歷下竟孤良會從簿書隙中
作數字相聞不盡此衷萬一嶺外天南鴻鴈絕

數馬集

卷之四十一

稀馮使來辱寄書相存讀見懷二詩瞻念良厚
詩詞溫雅清麗當是錢劉以上人語再三諷詠
若身遊曲江與仁丈周旋聽韶石清韻依稀于
虞廷之音也計典已遍方苦官評未就勉成一
律以酬大作布鼓越門之誚知不免矣臨風南
望不任依依

上葉臺山相公

濟南春夏禾麥俱無而東郡秋禾亦強半被蝗
食殘故收折之議乃一時救急之計從則民安

不從則米貴而民思亂非誑語也兩疏不報今

復再請未知能徼大惠使地方稍被恩澤否議
諡事撫州爲政日見所上疏專爲教龍華而發
大都舊時大老有纖郤於江右者皆不與也郭
希老在南臺時疏論陳皆所叅趙應元以媚江
陵此撫州諸公所切齒者宜台臺懇之而未許
也若論人品則三原大夫險而岐視中丞猶隔
數舍但台臺談及時亦當委曲勿觸江右人所
忌乃可更望留意幸甚

數馬集

卷之四十一

東曾純源工部

德州城圯有年於此海內有事則此處必先受
兵議欲脩建其費至三四萬金不佞亦知苟安
旦夕可免勞擾然度之事勢必不得已也灰石
柴草俱買之直隸地方給一執照使之搬用亦
欲其免於關津畱難而已至于承委省祭因而
夾帶有干國法則豈敢縱之承諭卽行董役別
駕及臨清州嚴加申飭併查二役有無別弊此
後門下一以成法行之但驗係官買石灰柴草

草速放若作姦犯科夾帶別船有梗厥法必治無宥是乃所以相成不佞不敢怪也

東巖雲岑侍御

憶台臺在事時每苦于不得代日夜思歸曾幾何時而優游里居已五年矣乃不佞猶守舊局求息肩而不可得令郎爾時方就外傳今已駸駸成人且與縣中才俊馳逐詞場矣不佞諸子雖俱長成而強半回家考試有初婚者有未婚者朝夕俱不在眼前非惟學業進退不可得聞

數馬集

卷之四十一

三

而饑寒痛癢常經歲不知回思功名二字真令人喪失真心不如田舍翁猶得保全天性也年來亦甚懷去志但當此時勢如入籠之鳥安能奮飛南北水旱無一豐熟之地民心思亂十家而九悠悠九閩孰與控告載胥及溺惟有委運大化而已仰望台臺真不啻雲霄之上辱承翰貺感與慨增裁書敘心轉復於邑

東畢東郊鹽院

秋來辱大雅之贈盛唐風韻溢於篇什時時諷

詠不忘四扇揮洒蒼然古勁雖米元章執筆不能方其道美也煙雨一扇在有意無意之間超然出塵初訝爲陳白陽作後乃知爲名筆出入懷袖疑身在五湖烟水中遊矣久欲馳書奉謝以使節出按部未覩旋期得郵報知竣畿南事從安德回京咫尺清光無由再晤北望漕河五色雲燁燁起其上知文光照映也不勝踴躍謹遣一吏以不腆程儀獻之庖人併謝大作及揮翰之雅時值計典方逼草率短布仰祈台炤不宣

數馬集

卷之四十一

四

東黃雨石諫議

竊觀近日大疏如議謚薦人諸疏俱大快公論而吾鄉先輩往往得蒙表揚真盛德事視諸輕詆善毀者其用意厚薄不可同日語矣近日朝政益滯閣臣無權權歸內豎竊謂兩衙門諸公待李趙輩亦當稍存體面使之得列爲人不然主上固已輕之若草芥而吾輩復詆之曾犬馬之不若彼固不足惜而國家之體不亦

甚褻乎彼出京紛紛者誠爲變體然閣部效之
恐將來不成紀綱亦當有以善處之但 皇上
全無一言則二公誠進退維谷耳外臣輕談時
事不自知其不可恃臺下梓里誼重必能不加
督過前承台貺已具書奉謝茲使者旋再布區
區伏惟台昭不宣

荅汪靜峰方伯

聞老年丈入 覲道出東魯正擬遣人問行李
而使至矣所惠佳幣槩不敢領惟石經全刻
數馬集

卷之四十一

五

則弟所願得而知其卷帙甚繁不敢向老年丈
求之者也一旦得之似隋珠和璧從天而墜珍
愛寧有極哉關中尚有諸碑弟多有之然不能
全亦有在家遺失者不知行李中有筆陣圖聖
教序九成宮醴泉銘金蘭帖化度寺碑夫子廟
堂碑智永千文懷素聖母帖自敘帖李邕書李
思訓碑臧懷忠碑柳金剛經玄秋塔銘此皆陝
刻若有之各見寄一紙無則或俟吏人回時榻
寄乃大惠也冗甚草草奉謝不盡願言

東邢崑田司馬

方今宇內民窮財盡餉竭兵弱而夷狄變動邊
陲告急欲求任事之臣不得不搜巖穴而台臺
首膺 召命秉樞留都此非第長江天塹恃以
爲重旋卽入相 聖明大弘安攘之謨特借此
爲起家地耳某嘗私論禍亂之興能銷弭者未
嘗無人惟當事者用之不當其才而傍觀者輒
以文墨議論束縛其手足終不能有所展布宋
之失汴京是也今之北虜建夷幸不如金人之
數馬集

卷之四十一

六

盛而內之空虛愁嘆實爲過之從傍掣肘者抑
又甚焉故欲肩宇宙必有瑰瑋雄特之材不爲
尋常法度制縛乃克勝任然調兵理財則二者
均難之矣辱蒙教愛親邸報不勝踴躍蓋以用
得其人爲天下幸又以民力不支爲天下憂台
臺于此必籌之審矣世方急人似不必拘拘疏
辭之例惟台臺鑒納幸甚

東林隆南憲長

以翁丈之將入 覲京中必有繁費故具一薄

程爲臚殊媿非褻反辱使者酬以隆禮令人自媿鄙陋不啻投桃得瓊也海內英賢盡集都下聚間議論於時政得失人材邪正必有歸一之論不知亦有左袒李趙者否吾泉人正爲人側目如弟者又愚不曉事時時爲陳稱冤雖禍甘之然未知持平論者亦謂弟言然否李還素于吾鄉中其言頗與弟合又不知入覲同鄉諸公亦皆同此心否今日見山東一省公揭爲馮宗伯訟冤陳固少遜馮然受禍之慘吾鄉竟無數馬集

卷之四十一

七

人同赴朝房見執政言其不應死者僅一翰林一禮部稍稍以私言之閩人之不如齊人可知也身在事外言之無益然覩別省人桑梓之情不能不發一嘆

東雷何思翰林

最爾海濱其聲教文物豈能與上國齒至煩天子鑒坡禁密之臣往典試事毋亦以閩士頗知誦法古者非宿學名儒未易司其鑑別耶及讀賢書文章爾雅返之弘正無論矣乃其所拔

非俊傑髦士則瞻博諸生至有王敬美所許魁天下者于今乃收則知馭騁七日而超其母易於識別而老驥伏櫪志在千里者不遇伯樂孰能顧盼而剪拂之耶不佞曩曾備員上國于荆巫之下長江之濱想像其人當必有標格巍峩詞源浩瀚與山川相輝映者台臺其人也瞻企有年識荆無自幸使節往閩道出齊魯又以嫌疑未敢敘其鄉往茲聞旋朝羅羣才以效明時區區閩士大被榮施不佞閩人也敢無一言數馬集

卷之四十一

八

爲桑梓謝乎外具不腆蘊藻爲從者之羞仰祈鑒涵曷勝感戢

荅康驤漢侍御

西南事雖主者不能無罪然業已收之桑榆而不免論死將來誰肯出力平亂儻其不能收功又將何以加之世道刻薄以能殺人者爲忠讜至于李趙生平砥礪一旦指爲大貪大姦若遇刻元祐碑石工不當有愧色乎臺下所言擁戴欲作元勳得無指山中宰相乎此人當時被禍

誠爲可念然以武昌鄉官而主楚人之訟假王者且誣人受賄萬金其行已亦自不直縱事理甚當亦宜稍引避也他日日出其設施可逆觀大都欲快恩讐逞胸臆未必安靜無事也如何如何

東冲吾中丞

今世所謂邊患者惟能熟諳敵情調和諸將卽可爲大將矣老成持重不輕舉以邀功廉靜寡慾不妄費以敵則台臺之見知主上誠

數馬集

卷之四十一

九

自有在故舉

軍悉以付之西睦諸番北

制單于鞭笞

其意丈夫用世不握大

將符作

制一面猶爲不遇也不佞

弟于談兵

後惜生長南方人輒以

肌弱書生

於邊塞一窺左足近有議

使治河者

智不任復從中格當使筋

力强健之時不以外從金革內事脩砥過此則

志氣漸衰難以鞭使此陶士行所以運甓自勞

恐優游不堪事也

東顧冲吾中丞

見郎報三秦有斬馘之功台臺一爲大帥而號令更新將士用命固宜追逐醜虜所向無前也天子方策勲告廟懸金吾世爵以旌殊伐而銓部以風紀之司需人爲急特借重畱都鎮壓輿望蓋此時南中議論紛雜同年同省互相參論各有所爲非出公心惟老成正大之臣爲之表率庶幾其少靜乎某自分不堪用世行當引退惟願天上故人秉鈞當軸肅清世道俾人心士

數馬集

卷之四十一

十

習粹然一出于正不以權謀智力排擊清脩之士是有識者所仰賴也

東李贊宇憲副

從吉已久棲遲故里猶未命駕北入長安聞有兒女婚娶事想此時亦已畢矣人生勲業須及時早建一人衰年百凡俱懶如不佞者忝竊逾分居齊且十三年此時鬚髮斑白手足偏枯無論意氣不能奮發卽欲如向者偃偻俯仰與世人周旋亦已難矣况世故驚心風波駭目每讀

邸報見一時名人被譏刺刻畫幾無完膚未嘗
不聽風聲鶴唳而銷魂奪魄也惟願親翁及時
建樹爲桑梓生色不佞行作歸計以明止足之
義非恃親愛不謾及也

荅張太華翰林

待罪日久積過滋深天與人仇無歲不下捕蝗
之令勤禱雨之祠發賑饑之粟相濡以濕爲惠
幾何長恐變起民窮身及于難思稅駕而無由
欲解綬而安得何敢望天上之九列聆警效子

數馬集

卷之四十一

十一

春明也往者休沐在里曾奉德音再入鑾坡聞
問斯缺外吏避嫌于內交空械懼勞于裁荅恕
不加計爲幸已多忽枉華劄兼之雅况自愧疎
懶何以當之謹奉雅情藉手使完璧以謝不
盡之私具于別楮

東蘇雲浦巡漕

國家都燕仰給轉漕比歲南苦勞北苦旱惟正
之供常懼後時茲聞使節已按下邳憲令一頒
文武爭奮錦纜牙檣次第渡淮而北無復逍遙

河上以干後至之罰者矣某監竿齊魯已涉九
秋旱蝗相仍催科未已公私兩利甚難爲畫智
盡力索蓋無日不思掛冠也惟望台臺念其昔
曾楚遊今共齊事示以司南俾災旱之民稍獲
枌瞻實爲厚幸若乃灌輸之事則今歲已蒙寬
政改折強半竭力督催不敢緩也

東薛青雷中丞

往與台臺論說生平以剖符領郡爲一快事言
猶在耳豈敢諱之蓋郡守親民于民間利病朝

數馬集

卷之四十一

十二

聞夕可與革若巡撫則于民遠矣親細事則爲
侵官持大體則多廢事故首務察吏俾害民者
不得肆其次則擇其關繫重大者爲之處分要
不若郡守專意宰割之爲快也台臺清節稜稜
敦實去華不佞弟素所心服邊事廢弛皆坐互
相欺蔽媚寇養姦致錢穀虛糜兵無實用此敝
蘄遼最甚宣雲以西抑又次之台丈雅意節省
當不崇朝盡清諸弊然其來已久驟行之恐將
官亦有不能堪者惟當與諸道相約束自吾輩

始無占用兵馬無受其餽遺使彼不得藉口以
斂兵士而貢市之賞舊者雖爲難革新者不可
苟增其人已故則其賞當停一一以實行之亦
或振起之一術乎夫弟撫內地尚不見効而越
俎以談邊事真如饑人說食以台丈知已故敢
貢其狂瞽庶幾爲安攘一助耳

又啓

昨具一書候起居想去人在途尚未至也餉事
前書已詳言之大都三十七年餉至今秋始徵

數馬集

卷之四十一

三

從來如斯非今日也可令部司于舊牘查之當
知非誣赤地千里所在告飢鞭朴逋賦誠所不
忍儻得一雨民心稍安亦當漸次起解弟撫齊
不敢言功但本省兵餉在尹春老時派至四十
五萬此時漸消默去已十之六七歲省齊民三
十萬而民不知也去歲旱蝗第三疏得改折三
十餘萬米故米價不至大踊諸如減監稅二三
萬故爲被水五州縣處補三年錢糧弟于巡撫
不敢不竭其愚然當事之人亦豈盡知惟銜鬻

聲名結納權勢則推轂常先及耳今秋決意求
去故敢向台丈密露此語知必不以示人也一咲

荅原任蓬萊錢知縣大復

不佞居常談天下吏治但曰賢不肖自有公評
付之監司郡守而我無與焉乃毀譽之言有不
可以常情測度者如顯訾一人則不得不使之
核實者勢也而彼復陰洩于其人曰上官踪迹
爾此其中既有市心矣上或明爲之解曰此非
不肖人也彼知其意之無他則又告之曰某上

數馬集

卷之四十一

四

官有言我爲代白業已釋然矣上下之間終日
爲其所愚而彼陰操其權以爲任德地甚矣人
情之險詖也當門下乞休時不佞直以令郎高
捷不欲居勞人之職而已細讀諸刻乃知出于
戒心居多然門下今日林居與諸士講明正學
立德立言垂之不朽則彼陰陽其術以相簸弄
者適足以相成就且不足爲宦業損也大抵今
世別是一樣氣候 朝廷之上郡國之間亦多
此機軸吾輩惟以誠心直道行之是非禍福聽

其自至而已承遣使貽書眷念舊雅未免效世俗所爲此未深知不佞者不佞雖不講學然于知交決不以俗情相望惟讀諸刻持示兒曹以爲發揮經傳一助拜門下之賜多矣外摘刻疏草一部奉上請正秋間決意乞身何日會聚楊杞疑義然其道無繇矣

東徐海石侍御

頃於孫方伯處得老公祖所寄條陳疏皆切中敝省痼病至於末段禁左道一事尤爲急務未

數馬集

卷之四十一

五

幾而延建間左道幾釀大亂則此語可爲先見之明而汪道長以爲禁女巫此何說也又讀近日二三大疏理直氣壯以一人應數人足以折其氣而閉其口彼爲人居間作偏証者祇見詞遁氣餒不復有丈夫氣殊可咲也不佞久不敢通書以此人廣布耳目恐老公祖門下有一人一字相往來者亦必知之不欲無故自取怨毒且於勢不能有所輕重通書無益計老公祖自能諒之喬君疏出左袒之者惶媿欲死矣今後

似可置之度外不必過歸師而追窮寇也何如何如

東蕭岳峰司馬

高君未第時及登第後皆曾相接知其才氣無雙但典客清曹何以不與臺省之選豈英氣大露未免爲人所忌耶易學潔淨精微夫子猶謂假我數年學易可無大過故不肖於此經雖伯父諸兄習之三代有因之得科第者然終不敢卒業竟棄之而學春秋讀高君大小象爻詞多

數馬集

卷之四十一

六

祖程傳本義自是無病至於元亨利貞二十四變於交易變易之義良不相背然義文八卦旣變爲六十四矣元亨利貞聖人所論略有次序似與春夏秋冬相類貞下可以起元而貞利亨元交加互出向來無此議論如焦氏易林一卦皆有六十四卦此又變之極也未聞一卦皆有二十四個亨利貞元大抵易數之變聖人所畫已盡後來太玄及元會運世皆就一個算數而推極之不能有益於義文之上反覺蛇足爲病

會間可以是証之否惶恐惶恐

東李實軒方伯

蜀中採木一役大爲蜀累每州縣派木數株動委之佐領佐領持金派夫往土官地市木半歲卽報曰有矣但要多夫砍曳耳又派一番折金以去木在高山而佐領之家已肥官已左遷矣索之則茫然無一株也有更數官而不能得一木者此從昔通弊極難整頓惟正官之賢者或以木價付商人而責其運至水次方全給之亦數馬集

卷之四十一

七

有徑與土官買者弟在楚時皆知此不知蜀中亦可以此法行之否

荅張華東諫議

爲貴縣處補錢糧實有此念然細思之事體尚未盡妥蓋魚臺等縣被黃河決渰數百里俱成巨浸甚至有一縣無一寸乾地者當時處補錢糧管具疏 題請得 旨故搜各府州縣無礙代完人自無詞若貴縣則自國初至今有此土地有此錢糧何爲今日不能完納而待上官代

爲處補若論災傷則濟屬被災尤有甚者今若不 題請而徑發恐屬專擅欲 題請則未有

名也坐是展轉難於下筆惟赦前錢糧將赦後那解者抵而補之理爲順耳且府倉平糶米麥萬石僅得銀六七千兩而遽云許二萬金則視處銀亦太易矣彼爲縣令徵收抑何其難也兵餉若各處俱解無分毫通則或減此千五百金而以曠役抵之亦足支持但各處多逋負目前夏季尚不足支也豈敢卽以許人且增餉則通

數馬集

卷之四十一

八

省俱增減則通省俱減而獨一縣不派何以行文藩司藩司何以行文各府也事體貴妥豈似人家私財欲以與人卽與之乎臺下於此必有高見幸再教之使不佞有以藉手也外小疏一部奉覽惶悚惶悚

東楊滄嶼中丞

往者三韓之行膚功疊奏偶一失利遂爲忌者求多家食十餘載方以遼左相委 國家用人緩則寵文墨之吏急則思爪牙之臣自昔然矣

老丈英姿傑出久臥隆中識見益定謀猷益壯
此行使遼左變弱爲強變虛爲實指顧之間立
著成績然弟猶以今世文網太密議論太繁當
事者畏口吻甚於畏 而司議論者公然越樽
俎而代治庖斯亦今世任事之一患乎幸有以
善處之弟入齊十三年不能脫去今歲旱災異
於往年又未有徑去理稍見禾黍青青蔽野民
有固志則弟釋擔之日也

荅談中約南吏部

數馬集

卷之四十一

九

行取盛典而授以南銓在孜孜求臺諫者猶或
薄之然不佞以南銓勝臺諫也言官主於言事
一或不當終身爲悔無論事關 國家大計不
可輕發卽如近日言一人而救之者紛紛駁救
者又紛紛似兩是又似兩非畢竟事定之日必
有一非而無兩是然則言官豈易居哉南銓清
高自藻鑑人倫之外別無職掌計求典故練習
世務異日爲卿貳爲藩臬亦與臺省相等至于
功成業定人品分別之時初不問其始之爲臺

諫爲南銓也不佞爲爽鳩郎時出見臺省亦無
羨心蓋我之所以爲我者自若惟至今見世路
鯨波人情羊腸然後覺臺省可畏然此心真見
一官無足繫戀其于臺省但不欲觸其怒耳亦
不必媚之也門下以爲然否

荅蕭念野舊按臺

官爲身榮亦大爲身累叅得透時則有官可無
官亦可於有官時而暫遂無官之願是于有累
中尋出無累之樂豈不覺此身輕快翩翩欲仙

數馬集

卷之四十一

十

哉但臺下年未及艾正當効用之時微病旣愈
則出而叅藩與人而柱下均可建樹未可終耽
考槃永矢弗告也如不佞年逾耳順力已就衰
春夏病足幾不能動履此真當去之時但苦羈
韁難脫耳

上李九我相公

郭生歸後遂不敢具書奉候懼以形迹爲人所
疑也浮雲蔽日自古共嘆貪夫當路懼爲廉士
所不容遂連約內外鼓動風塵致煙霧漲天咫

尺莫辨久之人心稍醒紅日漸出向之湏洞昏
黑者乃張角六七里霧以邪術爲之也植黨行
私到底敗露竟何益哉 聖主眷戀正人始終
不替其有時遲回不卽慰荅者亦慮多口之可
畏耳願寬心善忍以 宗社安危爲重勿效後
進悻悻必行也某久勞于外心血虛耗年逾六
十髮鬢盡白茲九年考滿不敢他有所覬惟得
釋重負再入里門日食荔枝三十顆足矣

疎蘇雲浦漕院

數馬集

卷之四十一

主

國家賴黃之利以灌輸 神京蓋二百餘年于
此黃豈不可用哉惟是河決蒙瑋時江北建閘
河中引汶泗之水以濟漕舟昔蒙其利今蒙其
害凡舟觸之多爲石所壞而波濤洶湧最難牽
挽雖請三五十萬金錢而河流中大石誰能沒
水而出之若留城以下淤塞此則可以人力疏
者斯今日用黃之大較也加雖稍狹然已通漕
四年不必請金內帑但用沿河額設淺夫每歲
鑿閘二三尺不過五年卽與漕渠無異此萬世

之利也人之意見各有不同總之心爲 國家
但當從其便而易者不當從其逆而難者此愚
見也在台臺身歷黃泐覩其利害必詳且盡安
俟喋喋因承教談及故敢盡吐其愚耳

荅周文所諫議

承教知刑侍之推有欲臺下叅之者不肖將歸
人也叅亦不敢辭但不肖于陳乃作州時蒙其
薦舉原非親戚與大司寇書則有之疏則無也
懷楚續楚伍申明以相告古人交情不必意見

數馬集

卷之四十一

主

盡合虞卿棄相印以徇布衣之交卒困阨於大
梁乃作虞氏春秋以見于後世不肖自媿不能
如虞卿著書耳得解印綬而歸固所願也非臺
下相愛豈肯僅爲此揭非甚相愛亦豈肯以此
言告告之知羊叔子之非耽人者謹九頓以謝
不盡

東馬梁園僉憲

世道之日趨於江河也已不可挽欲挽之亦非
一人之力必自輔臣家宰與六卿協心同德

克有濟而今六卿半虛李趙爲人所攻求去不得有白其非小人者便以爲邪黨欲翻成案此風已成誰敢觸之不佞自度此身無益于時而連歲大旱飛蝗蔽天年年賑濟倉庫已匱九邊之餉又不可缺疲困之民鞭朴難施爲計已窮不得不求去耳乃若總河之推垂允復止九年增秩已票復停此中自有造物司之又誰敢怨且起家一壽春守致位至此亦可以止矣承教多憂時之言獎諭過當故敢布其腹心想在數馬集

卷之四十一

圭

諒察

荅陸仰峰主政

爲令而躋郎署便是已登坦途矧奉欽恤命慮囚畿甸令覆盆戴天者得耀光明而全性命爲德無量豈非丈夫得意事哉不佞向爲爽鳩郎亦嘗叨此役大都欲出入于死不必別爲一招頓改本來面目但於原招細閱有引律不合者有文致成罪者據原招而叅駁之使可矜可疑之狀顯然目前乃爲高手若人命數人互相

推諉者必有一人抵償未可因其飾辨而便作矜疑也前輩恤稿多有可觀十數年來便遜前遠甚其弊多坐此也不佞九年考滿未有處分方闔門待放拜大貺之辱豈敢冒領相知以心不在縟儀且亦非冷曹所宜行也附使以謝不盡願言

東吳懷野光祿

憶同舉南宮時老丈乞歸侍子舍弟景慕無已因之憶先嚴慈爲墮淚者一日今奔走仕路已數馬集

卷之四十一

圭

歷三紀弟之叨冒甚矣而曠職尸官求去未久老丈猶徘徊尚璽光祿間十餘年不調謂當事者不相知耶則已躋之九列而久滯不遷使後來者多出其上此長孺所以有積薪之嘆也且令真孝子真恬退者何所効而勉耶聞奉使還路出東魯謹遣一役以蒹藻問從者車馬之勞不盡所言

東喬皓畦方伯

別久甚懷光霄而株守歷下無由望見顏色三

晉名藩借重旬宣不佞昔嘗遨遊遍歷五郡夢
寐之間猶時時北渡桑乾南登太行却認并州
作故鄉而以臺下爲地主也晉雖表裏山河而
舟楫難通一不稔於歲則米穀難至賑飢之策
頗勞神思然仁人君子意念所注卽爲恩澤想
此時已人人霑澤處處鼓腹矣拜翰教之辱因
考績未奉黜陟日惟乞歸是念遂成疎懶茲遣
一介報謝伏惟台慈鑒存曷勝榮藉

數馬集

卷之四十一

五

數馬集卷之四十二

溫陵黃克纘紹夫著

書

東郭青螺

方今仕宦不惟進難而退亦難巡撫常十餘年不調強半以論劾去可謂難進矣即如李趙諸公爲言者彈射身無完膚豈不自甘一退而羈畱禁錮不老死京華未得歸也老公祖位重功高金吾延賞既無羨於進而奉身以去完名而

數馬集

卷之四十二

一

歸又無難于退情事既申杜門著書德言與功並垂不朽環視今世孰有享全福如老公祖者哉某撫齊遂逾九年福薄罪多固不敢有他覬然欲乞身以避罪罟而獎以虛詞阻其歸路敝鄉大壘前車可懼每睇望故鄉未嘗不嘆息流涕也尤可駭者六鄉虛署一人嘗兼二三人之事且老者病者居其強半邊境索餉急于星火而大農堂篆塵厚微寸即官告急付之罔聞視天下至險至危之事官不如齋妣之過服一切

六僚進退非求之中人終持不下臣子處此更何能爲 國家効一臂之力哉回首台臺鴻飛香漢燭繳安施真可嘆羨杞人多憂不覺詞之延蔓也幸惟覽而燬之曷勝惶汗

荅官陽初諫議

考選得列戶垣殊副公論異日 國是終必賴之可勝踴躍惟是 主上方愛惜官爵十疏九不報不知食長安市米當費多少珠桂然後得命下也親近日景象似不專在 聖意遲疑蓋

數馬集

卷之四十二

二

凡疏下俱有應擬稟小帖其不擬稟者終不經目也且 上誠厭覽章奏矣而一切撫按套本無一不發票無一不下獨于催講學補大僚用言官起廢棄裁減錢糧奏報災傷干與中官及有權力者終無一下則權之所歸可知矣不佞叨填撫已九年有半近日筋力甚覺衰倦壯志灰盡無入春明之望故雖部中方在推轂畢竟欲作歸計誠謂河清難俟人壽有限也惟老丈及一時同事諸公年方英妙正當爲 國家出

力不可不堅忍以俟之也何如何如 朝中議論近已稍靜若 命下之日惟當擇其關 國家存亡興衰之故者而言之如秦之阿房漢之宦官唐之力士妃子宋之賂夷養兵皆近世亡國之由有識之士竊謂今有其二三矣若權臣藩鎮此時則無之也因下詢不覺多談然談之無益徒增慨嘆耳

東方冲含問卿

國家財賦輸之京師者十九爲國用惟水衡之數馬集

卷之四十二

三

錢則十七爲中官侵漁其用之公者十之一二而已自台臺出督逋負至今而舊逋未完新逋又至督者繼出矣 殿門畢工難以歲計而採木輸金海內騷然卽齊中派助二十五萬而海內可知也台臺望重九列卽日且當 大拜直借差爲畫繡之遊非爲冬官督賦然蒿目憂民自其素心親時政如此能不動竭澤之嘆乎況事有大于此者又不止財利爲中八乾沒而已不佞素辱雅愛因台駕言旋竊欲望見顏色一

懷懷抱而其道無由也不勝慨嘆

荅顏心葵侍御

齊中旱蝗益累年于此矣今歲青登間猶有微收之邑而濟南則無一邑不災東昌兗州亦災其大半此時倉庫大竭欲蠲則難請欲賑則無穀仰屋而嘆素飧恨不卽罷黜以謝窮民耳聞江北今歲頗熟讀大疏則亦似有款處至于壽春則不佞筮仕之郡其民素輕剽喜于爲盜闕

數馬集

卷之四十二

四

五年此集反安靜奉法此番行劫或偶然嘯聚乎旣已破散可貼然無憂矣州多水災舊時錢糧完不及六分及不佞丈量審丁後乃四年全完無欠蓋壽多富民其丁以三等九則定額差銀多出丁而糧甚輕每上地大畝不過納銀一二分小畝僅二三厘耳近乃變法每丁納銀錢餘而差俱派于地故瘠土之民不堪困苦反聚爲盜耳頗能記憶前事故敢奉告也

荅畢東郊侍御

聞使旌過齊卽遣一役候于境上忽枉來使乃知彼此相念卽元白所詠遊曲江過梁州者何以異哉仲子頌詞極古雅書法李北海駿駿逼真視平日所作効米元章者又勝乃知字不厭法古一代更高一代也得此當以蜀文錦韜藏傳之世世矣諸刻皆傑作且自書勒石堪稱兩絕齊中建立書院今已垂成新歲欲行學道選諸生英俊百人于中讀書時加考校但未有學田前蓋屋金尚有微剩不佞欲再助百金與馮數馬集

卷之四十二

五

馬二公共成其事以終臺下盛舉敢以奉聞貴郡文獻及儷語俱拜惠程墨優于方前所惠玄元靈氣當爲今世第一益此三種一生榮翰不盡矣併附此謝外馮氏摘刻右軍二冊鵠遊亭帖一部靈巖宋賢墨蹟一卷拙詩二冊奉覽鰓魚二百助讀書時送酒

荅劉華石總河

大河志博雅精詳上自星宿發源下至雲梯入海歷唐虞漢唐宋元排決遷徙障塞疏導考據

精詳披卷立覩誠不刊之書也志雖出于張君而斟酌損益畫圖標說恐出于台臺者亦多不佞凡被推行河者四益嘗留心於是欲採摭古今治河之事輯爲一書竟以塵事鞅掌而止得是書而存之胸中益有全河矣肅此附謝不盡縷縷

東丁禹門方伯

閩固僻陋之國而衣冠文物不後於內地故主爵者慎選通達治體以爲保釐而屬之老公祖數馬集

卷之四十二

六

誠以敷歷中外清聲惠政大著吳楚間異時堪爲國棟而暫借藩伯以爲之基也聞賦政以來時和歲豐民安士附文武奉法海波晏然願主爵者復以清卿推之誠恐蕞爾海濱席庇難久不能不動攀轅之思耳弟某自江夏別後官齊十四年填撫不効災旱沴臻近以九年報政累疏求罷而聖主復增秩留撫其地不惟息肩無時誠恐積鑒益深一敗塗地雖欲求去不可得耳

東鍾龍源諫議

同榜中立 朝而稱正直居鄉而稱廉靜無如
老年丈私嘗論人品貴真卽任方面領郡邑亦
自有真事業豈必無仕若人品不真縱竊虛譽
亦自有人識者如老年丈無媿於建言之品矣
聖意漸回賜環不遠異時建真名世事業非老
丈誰屬哉弟生平雖不能爲假然遇當委曲處
稍乏變通撫齊十年惟守常襲故不能爲驚世
駭俗之事而 天不助順常降之旱蝗意其行
數馬集 卷之四十二 七

荅邢知吾問卿

向承問小娥眉山考地理志在汝州郟縣西北

三十五里二蘇墓在焉長公卒於常州遂移葬
于此以其叔居汝也宋穎昌府所轄頗廣恐汝
州爾時亦屬穎昌史載東坡知穎昌欲以已年
勞所得朝散卽皆爲捕劇賊汝陰尉李直方賞
則汝陰屬穎昌明矣湖陰意卽汝水之陰蘇叔
黨之小斜川豈其地乎居穎昌者乃歐公史言
皇祐初自維揚來穎樂其風土慨然有終老之
意致仕遂家焉今穎州誌流寓載歐公而蘇公
只載於名宦亦其證也偶因問及之未知是否
數馬集 卷之四十二 八

東汪靜峰中丞

今天下所稱最難者二事治河防虜是也弟蓋
嘗屢推總河而 上不用一陪宣雲而亦見棄
誠知其力不足以辦此也惟于老年丈請使治
河則從請使防虜則從人之所難丈之所易觀
封事則近日所以慰諭老闕氏少單于者其計
畫蓋無不中窾而修我內備以防其相攻擊相
衝突者業已有成謀此真邊塞之長城卽宣雲
不設制府亦何足爲輕重哉弟九年奏計惟思

挂冠自逸而復有加銜之 命實非其好顧此時求進固難求去亦未易惟有且拮据荒政稍盡一日之責以求免曠瘼而已

荅魏道冲翰林

南徼鄙人東方俗吏與世浮沉隨俗高下者蓋有年矣雖不敢潰坊決維自底不類然欲如尊大人撫晉獨勵清節表表風裁者何啻退十舍避之臺下名家經濟翰苑文章固將凌跨千古高視一代之而於俗吏獨多所獎借不憚下交

數馬集

卷之四十二

九

懷盛德當於古人中求之夫千里論交始則聲應氣求再則同心斷金不佞於臺下益再辱書翰矣况重以仲父世講之誼季父同僚之雅齊晉東西夾輔王室歡洽世世不亦可乎所慚功非微管位忝納言濫叨稱許實無德以堪之耳

荅黃梓山總制

台臺榮膺 新命總鎮三秦以東西之遠隔不能遣使賀受事惟遙望涇源金城間轅門高闢旗幟號令煥然一新知天府之國若增而重也

不佞授鉞大邦已及十載新歲沐 恩仍以假

司馬持節以白士而居大位固已惶媿無地矧連歲不熟人民東徙邑有流亡而受俸錢古人媿之况數十城流亡而受祿視邑令數倍此媿將何以自解也拜翰貺之辱知所以用情於桑梓之國者甚厚欲遣使報謝而關塞數千里行人鮮有習其道者敬遣一役以薄儀致之潭府冗中不能具駢語知能諒其拙也仰祈台照曷勝依依

數馬集

卷之四十二

十

荅鄒縣胡令

孟氏世次其相抵牾不合者潘周二君考據已詳如註云漢書作某處人蓋示闕疑之意也雖不言其失而其失自見其最難合者如孟嘗會稽上虞人爲合浦太守以病徵還隱處窮澤桓帝時尚書同郡楊喬七表薦之不用是桓帝時人也至於孟敏字叔達漢書稱鉅鹿楊氏人爲郭林宗所知勸之遊太學十年遂知名則敏亦桓帝時人今一以爲第十三代一以爲第十六

代桓帝在位二十二年豈有二十年間而曾祖與曾孫同生于一時哉至於孟懷玉旣或育高祖祖父父而以孟嘉爲之父不亦誣乎諸如此類大抵非信譜恐先師孟子有知其心不安姑缺之以俟知者百里乃食邑非姓也如東郭西門之類左傳召孟明西乞白乙使出師於東門之外杜預註云孟明百里孟明視也蹇叔哭送之曰孟子吾見師之出而不見其入也不稱百里子而稱孟子何也經書載于彭衙秦師敗數馬集

卷之四十二

東萊臺山相公

續註云孟明姓氏不見非分卿也其以爲百里奚于者出於史記漢人記秦事未必如左氏之確也此無關於孟之宗譜聊詳論之耳不佞近多病欲作此大文章未易下筆且時正憂事終日怔忡安能及此

持殊自苦也又淮撫之事隙端初起由某叅卜汝梁以致議論漸生今言者必以某爲口實不罷某不足以謝淮撫伏望相公稟准回籍調理使地方再得有福力之人爲之經營或可轉災爲祥而某亦可免於憂虞若不放去則一月五六疏不得不休徒強聒相公無益也語出胸臆萬萬不敢粉飾伏惟裁啓俯允不勝顙望

荅陳熙唐憲副

五湖雲擾南北間隔溫大真絕裾而行誠虧子數馬集

卷之四十二

士

道然太真失在不能堅辭劉太尉耳若至江南後雖欲歸省寧可復得使非後來破蘇峻匡晉室則忠孝兩失爲罪益大故臣子親在不敢以身許人旣出身事君則雖趙苞一戰致殺其母君子亦原其無可奈何禿翁之罪太真是也名之逆賊過矣渠棄父母墳墓流落不歸身死罔圖爲世大戮視太真之立功末路猶能救得一半者何啻霄壤不佞不敢以其言爲然也如人臣進退可以自遂則不佞十六年不過家家中

子女婚娶俱不得見近二孫垂冠同月而逝肝腸雖痛求歸無期若可必行其志則不佞當先行之矣不能自爲謀而能爲人謀哉勉矣自寬令親尚健能忍七年而不能忍一歲耶勿復急逼也

東徐檢吾中丞

弟於同榜中最稱愚拙而先叨司馬之銜恐傍觀者不能無張目也日懷掛冠而當此時勢進退皆難雖知上疏無益亦欲再懇以庶幾萬一數馬集

卷之四十二

十三

得遂蓋閩人遭際至此已爲逾分若南北正卿非所望也仁兄撫茲三吳任勞任怨其所規畫真爲小民百年計縱一時不便於鄉紳行之二三年則失利者與之相忘受德者戴于沒世周文襄功業行當再覩孰謂古今人不相及哉頃見南中拾遺疏有譏鄉紳阻撓此舉者則南都士論翕然歸重仁兄不問可知矣老伯母壽必已高但未知尚可就養否令弟此陞不爲佳但該縣錢糧難完得脫離亦一幸也

東黃九石翰林馮禮亭徐十洲二侍御

不佞歷州郡蒙撫按諸公薦舉極多然未有若巡江北陳毓台先生薦語爲知我也時方筮仕初得一薦又得首薦其薦語云清操守官常赤心勤吏治勞怨寵辱不避文章氣節俱高此二十二字者至今奉以自勵不敢秋毫有負亦以爲寫出某之心若懸以秦鏡也向見其被禍之慘亦嘗爲之致書法司諸公然諸公懼禍不肯代出一言今陳公繫獄久毋死不得一見抱恨數馬集

卷之四十二

十四

終天又未有出獄之期竊不自量爲致書於當路諸公將其功罪爲之辨明且發抄傳布縱未必諸公見聽而此言一出天下仁人孝子或有爲之動心者若乃甘受彈射則書中已明言之不敢避也敬錄一通奉呈電覽幸乞垂察

荅官陽初諫議

承教謂長安中有言陳某誘阿克使叛以圖收獲功此如人恃有良藥先自服毒求死而後以藥解之也造此說者真無人心之極矣此謗始

於舊淮撫欲爲其同年同鄉李先著報怨蓋先著當時討鳳賊已奉旨興師矣受其賂數百金又欲撫之爲按院張賓揚所叅陳向未知及見會稿不得不同叅然按叅革職撫叅降用輕重不同爲科中叅駁李聞之方將所受金發庫謂爲權變此其事本不評及被逮至京病死刑部獄淮撫不怨按而怨撫以按已謝世矣若武定之變由知州黃榜難爲鄉官同知鄭舉舉恨榜欲歛之遂引武定故土舍阿克來復其地此豈

數馬集

卷之四十二

十五

撫臣之罪哉不佞此舉自知必有相彈射者然不忍萬世公論終於不明今日刑科周君似已有叅疏不佞所不辭也然淮撫之意不止欲死陳蓋先垂涎入相借此一攻敵邑東閣欲逐之且兩次使東林之黨往南中令科道具公揭薦之此事已爲南中摘發卽趙司農之被攻亦緣先次會推入閣有名故見及也貪夫敗類爲禍甚烈至今舉世以清爲濁以君子爲小人而講學之士亦被其累幾無完人甚可恨也久之公

論自白惜今日尚有墜其術中者仍執前論耳

荅王漢冲元戎

丈夫仗鉞登壇玉帶紫綬世間寧有幾哉於此而不圖報主恩更復何時但粵中事勢固亦難處蓋島夷築城據以爲巢失在當日不爭今欲毀之勢必不從且中國兵力亦未能使之服也姑訓練數千精兵足以彈壓使之不敢妄作可也兵亦不必另添但取見在者去其游手游食悉擇驍健而精練之可也海上之倭半係漳

數馬集

卷之四十二

十六

潮之民所引每船不過十四五名耳若舟皆堅牢兵皆習水無虛名冒糧者器皆精利無取文具將皆在船不畏風波於海上捕之直易易耳閩將惟張萬紀慣此事凡事與之商確而行何憂於倭第恐其餘將官未必皆然令其以萬紀爲師可也恃在知己敢盡言無隱不佞與萬紀固未嘗相識也十年節鉞叨冒大司馬之銜更有何慕惟思乞休以安止足而地方連歲旱災饑饉未起六月以來雨復過多故乞身之疏未

敢屢上亦懼人以避難疑之耳徐憲長人回附
此奉布不盡縷縷

荅葉臺山相公

孟夏之杪方得奉到詩箋及佳幣之惠深媿無
以承之惟有膺服大雅以作楷模奉揚仁風以
慰黎庶而已仲夏念九日諸舊吏王冬曹輩復
以大篇來贈文章之爾雅蔚瞻不待揄揚矣其
所稱許皆非職所敢望也如礦稅開河救荒皆
職守之所當爲媿未能滿其分量若于王二忠
數馬集

卷之四十二

七

肅公事業與周文襄撫吳遺蹟徒令人興景仰
之私而已然文襄一代名臣至於入奏有言其
濡足宦豎得畱爲戶部又多方欲引陳蔡酒使
之一見則信乎完人之難也職或可免焉年來
洛蜀分門駁駁餘波及人然私心自信不能呵
佛罵祖不敢入室操戈惟力求退避庶幾得登
彼岸而已讀大疏有秦黨之說於諸疏中向未
之見豈有不入抄者乎人雖喪心何至妄詆若
是或別有因乎職近連喪二孫皆年十五以上

心緒紊亂惟思掛冠然荷大贈不敢不具數言
以謝統惟台炤不宣

荅董誼臺方伯

自辛丑秋叨冒至今中更幾許風波而得苟免
皆初心所不敢冀矧邀九載之考厠八座之末
於斯而不知止足不識進退則所謂鍾鳴漏盡
夜行不休者矣緬惟台丈鴻才清望昭著華夷
入楚六年尚不得遷此雖聖主艱於進賢然
登司用人亦未見爲賢者加意推轂尋常一疏
數馬集

卷之四十二

八

十數人隨主上用一二下僚則曰吾事畢矣
方面以上至經歲不轉一人時事如此殆成關
格之疾將何以救藥之也世實須賢賢者寧有
求于世惟是膺力方剛經營四方台丈所處自
與弟不同耳願爲世道忍之

荅密雲令徐匪莪

嘗觀我朝名臣如周文襄之撫吳爲吳平賦役
垂百世利心竊慕之乃叨撫大邦幾與文襄同
久而建豎無聞亦得援九年考滿例秩六卿能

無內媿于心然不佞謂臣子勲業與時污隆當
主上不聽人言雖欲効周文襄與利去害亦不
能自主也惟裁兵減餉調停河工礦稅竭力救
荒盡其力之所能則猶不至虛糜廩祿爲有識
者所羞顧於大司馬之命實抱媿也門下英才
卓犖宜使當軸處中而任以邊邑實違其才然
古之名公鉅卿多從墨綬起密雲邊地制府所
建牙內安赤子外撫驚夷密謀宏議皆得與聞
則亦可以展厥抱矣來教撫時感事有深達之
數馬集 卷之四十二 七
思此正賢者所當盡力未可徒懷憤激而不欲
身任其責也

東周文所彭芹生二給諫

頃以敝鄉大纍事且公書于貴科以事體關係
重大不敢用私書懼人以爲私干也然不佞既
有公書卽有私書亦無不可異時貴鄉李見羅
被逮問擬本輕而從中擬罪照說誑律處斬于
時部中大老思爲之解皆以爲紅牌非律也不
佞查舊刻律例備載此條于上知 皇上非無

因而批也時方爲本科乃爲作疏引 太祖高
皇帝律序云自定律之後一切紅牌俱不許引
用時大司寇涇陽李公少司寇餘姚孫公大相
稱賞後來惓惓推轂不佞皆本于此疏入而上
乃稍有寬意見羅公旋得遣戍然貴卿諸公初
不知疏出不佞也今陳誠有罪然功足贖之臺
下若稍闢寬路宥以一死要不失爲厚道他日
作巡撫時乃知撫臣之難耳若功不能贖罪則
凡地方失事撫臣人人當死其誰不寒心惟臺
數馬集 卷之四十二 七
下爲國家存大體焉語詳具公書中茲不敢再
贅惶悚惶悚

答李贊宇親家

泉中官六卿者近不乏人其以巡撫而晉秩者
自不佞始自揣至愚至拙之人叨冒至此豈始
願所敢望亦可以知止知足而勿蹈滇南之轍
矣顧近日機局求進固難而求退亦甚不易若
再疏不奉旨則進退惟谷又不如且隨分自盡
少荅涓埃聽人主之操縱爲得臣道之所宜也

親翁讀禮之後久安林泉視世上軒冕不啻草芥然精力少壯正可馳驅當世再過十年便向衰候不佞數年來覺筋力倦怠欲如向者作兩司時萬萬不佞矣雖云士各有志而盛年蹉跎良可嘆息萬勿謂不佞自甘腐鼠而以此嚇鵠鵠也

吾公周庭太史

竊仰台望之日久矣咫尺東蒙無緣瞻對皮生

亡羊不似塞翁失馬售之者非其本有失之者

數馬集

卷之四十二

三

勢在必爭道府兩審有攘羊之譏故不佞闕招有使狼之疑小懲何心今終是望承教知係猶子兼且青年過而能改君子所貴欺以其方童子何知路非迷于多岐網當開于一面來書挹損不任主臣

東王弘廷少參

大計議論至秋方得少息舊時雖稍有言不至若是之甚此其間必有未服人心者何可專尤大也老丈以清修正直而得外轉誠令人不平

然潘參未嘗不佳寧使人稱不幸而見屈勿使人稱幸而得伸通計今日後來事則屈伸之數未嘗不較然分明也此轉必須欣然就道一意爲民造福乃見賢者胸次不以小小得失有所低昂若堅欲林卧恐人猶得窺其淺深不佞相知殊于他人故特使司役再迎惟命駕入齊以慰握手之願願望願望

荅周霍太水部

曩遊上國曾渡漢江入郢郡縱觀 先皇發祥

數馬集

卷之四十一

三

之地逶迤以及雲杜固知山川靈秀賢才挺出號稱數澤有由然矣濟上漕道要衝萬艘之所從度當事者借重高賢司其節宣啓閉則國家之儲積實利賴之不佞叨在共事既懷人於太白高樓之間又想像於江漢南紀之地風流才藻翩翩照映眉宇惟恨未及下榻一論心襟耳辱承翰貺恍如面對謹遣一介以不腆蘓藻聊申薄謝兼以爲賀冗甚不及具駢語伏惟炤諒

李甚

數馬集卷之四十二

魏馬集卷之四十三

書

答史運岳南少宰

今歲南北計之諸縉紳獨嘖嘖南計精當即被黜者亦無所恨於此知鑑衡素定身不出金華石渠間而天下人品高下莫能遁者可爲他日作首揆權輿矣匪諛匪諛弟撫齊十載力竭才盡無緣得入春明門卽望留都亦在天上春初數馬

卷之四十三

時當自陳當事者念九年滿後無再令復職例又不忍遽罷之故因其求去復理部覆加銜前疏值太宰考滿晉太子太保同票同批遂得俱下不則又爲中官所阻矣思念吾泉自黃恭肅王恭質公後以外吏得至六卿者寥寥無人今雖假司馬持節亦從正卿後曰士得此何敢復有所覬顧筋力倦矣頗思息肩一見留樞之推不勝踴躍且緣此得攜弱子依泰山之側了爲人父債視北之協樞其喜倍之弟主上弄印

未有昇理殊令人鬱鬱耳闕焉修倭拜大教如從天下欣慰無量先此奉復容旬日外當遣人專布也臨啓心馳

答高筠一給諫

今歲大計海內獨歸美南中則老丈與銓曹諸公持議平允故耳不然雖劫之以威亦未肯心服也不佞仗庇得免幽黜又得以新銜從事媿無以展微忱而頻辱厚貺爲媿益甚謹拜四屬及三禮註皆佳物也東書堂帖不佞有二三部數馬

卷之四十三

然皆木板榻又最惡知老丈所寄亦卽此板故不敢受聞有石刻在周府內屢托表敬亭借榻竟不能得也朱書及畫皆爲佳筴然朱不如顧之雅爰用膠有痕迹不如魏之璜也邪臨王草頗得其肉在今世不失爲絕品故以奉寄若不佞學書一扇徒博笑耳昨爲敝薦主陳大夫辨明功罪不知南中議論何如此書一出恐後世議論終必見與江右諸公獨謂不然人各有心何可強也不佞已付進還榮辱於度外矣一笑

答談中約主政

南銓清署考察是司今歲南北疏上諸縉紳獨
稱南之精當而北則紛紛指摘至煩冢宰二三
疏鎮壓尙未已也是非得失人心難枉此鉅貴
堂翁持衡而問下與二三君子力主公道以共
襄大興功不可誣矣不佞撫齊已踰十年遷官
非所冀增秩非所願但去夏三品三考更無復
職例惟有一言求去耳增秩豈 聖主意亦豈
當事者意然舍此無以羈之白士叨冒豈不知
數馬集 卷之四十三 三

足顧一官未轉至令父子兄弟祖孫十六年不
得相見間有奄然化爲異物者竟不得一視與
言及此宦念俱灰惟義無專制不敢棄官而逃
耳辱老丈以爲賀且感且媿

東曹雁澤大叅

莆陽之會忽忽十六載妙齡清才至今猶如玉
山照映人也謝在杭人來曾寄佳箋杜詩鍾字
可稱雙絕出入懷袖何日忘之西蜀不佞舊遊
于山川時有點汚自使節入蜀恐巫山百餘篇

盡當刪去讓門下獨擅精華耳乃若宦蹟之美
自是高才清操所能辦治無勞不佞問之輿誦
矣聞使節以祝釐還道經齊魯驅車甚速謹遣
一役追送境上不腆芹藻爲從者之羞忙中語
無倫次第乞炤納

東劉蘿徑戶部

榮發非遙而不佞久稽奉賀殊媿疎節承命欲
索小詩薄書冗劇難覓餘閒今勉成一律書之
扇頭可稱兩拙殊足取笑大方貴竹有諸苗作
數馬集 卷之四十三 四

梗每每出掠道路彼中兵力寡弱小民無幾欲
養兵何所取辦其勢必借力于土官而土官惟
安氏最強足以壓服諸夷往者國亨父子俱駕
驚難馴今聞疆臣死無後其弟堯臣卽冒襲鎮
雄者歸繼安氏此人頗懷忠義往時楊酋兄令
領兵直欲坐觀成敗而堯臣併力血戰播遂破
滅今若撫而使之令彈壓諸夷必能盡心不佞
遊宦蜀中頗識黔之情狀故敢奉聞亦臨岐之
愛助也

答彭端吾巡漕

漕事之遲匪遲于今而遲于前歲其壞也不壞于今而壞于多年往筮仕江北見漕舟多壯大而無虧欠今則缺少幾半卽有存者腐木耳小舟耳木腐則易破舟小則難載年壞一年將何底止近于沕上見之殊大駭也非台臺極力催督則今歲阻凍于山東境上且一二千艘幸得悉抵通灣憲臣之功於是爲大但回空或有少遲者視前歲尙覺早也報命伊邇未及遣人致

數馬集

卷之四十三

五

別意辱翰使臨之肅此附謝未悉願言

東黃與叅方伯

從使節離濟上而齊之河事屢決屢遷屢開屢塞最後乃稍就經理然當其興役時用夫至四五十萬費金錢至數千萬其奔注決裂真震動天地以民命輕試一擲乃三省一大劫運也若翁丈在事或能以成敗禍福少挽回之當不至此今福星照臨中州河伯効順自是三省之幸大都吾人仕宦雖貴實心爲民而福德苟薄則

地方意外之事豈得宴然如第十載巡撫使河大決者再霖雨爲災者再大旱蝗者五今秋乃有數分熟而三年逋負責完一旦又與荒年無異追尋往事深願台丈久借中州俾東土得沾河潤弟苟未卽罷去優游一日卽蒙一日之賜矣

答葛魯生憲副

門下治郡若扁刃之中音僚允之解紛也可謂進乎技矣榮遷以後連歲荒旱錢穀逋負時爲

數馬集

卷之四十三

六

司國計者之憂而遺風餘澤固儼然在猶樂土也中州視齊頗稱有秋而藩府營建所費不貲知佐薇省有煩區畫然以大才處之自當遊刃有餘不佞筋力倦矣兩叨增秩猶使填撫敢謂此官可厭薄乎第人之精神不移動則不鼓舞一事而業之十年精華果銳之氣用之未有不耗亡者也況於不肖之愚鈍者乎日夕思歸無由稅駕沐漆求解殆謂是矣遠辱翰教如覩丰儀攝謙崇厚有古人之風此不佞竊附于知己

言也佳貺藉手致謝不盡之衷具如別楮

答文受寰憲副

齊中共事彬彬多俊彥至於治行卓絕如門下與張鳳臯者指不可多屈乃知汝穎多名士則自古記之矣別後數承雅念誼高千古惠文彈治謂當再借三齊乃爲秦人得之一時士民失其所望而不佞見除目尤悵惋數日也饑饉薦臻民窮財盡朝廷未有寬大之政而人才空虛政事沉閣議論紛紜各逞其私當此事勢實數馬集

卷之四十三 七

宜見機引避而不佞又添竊司馬過沐榮寵進虞觸藩退涉忘君處兩難之勢知己者其何以鞭策之

東劉華石總河

往蒙推河上蓋已發票書紅矣後竟畱中時以事將見屬頗覽古河渠書採其精華爲篇而于近事則以耳目之所覩記績之于後非敢傳示他人聊見古人議論方略本無奇策惟不拂水性而已台臺卓識遠邁千古下車一疏卽合臨

水無私之道全誌之刻成法具存若此書者直可輔佐下風耳乃蒙寵以大篇付之剞劂玄晏片言太冲增價雖不敢望垂之來禩庶幾濱河之人觀之或不敢張目焉刻完見頒且加厚貺仰戴光華感戢何極九頓登嘉肅此致謝容專役專布未悉

與劉華石總河

河渠末議無當于經濟萬一惟是不欲輕用民命試之九載以爲國家愛惜元氣與台臺行數馬集

卷之四十三 八

所無事之心有暗合焉遂錫以大序授之梓人乃知仁人君子其事主也忠其子民也仁其取善也周非貪事喜功殘民以逞者所可同日而語矣嘗見前日開河諸公任事雖力而天之所以福之者終不甚厚意者輕戕民命爲造物者之所不喜耶台臺此議一定全民無量他日食報于天而貽慶于子孫殆綿綿無已時矣大篇焜耀垂之不朽宜有幣帛以謝製作而反辱厚賜媿何以勝茲具不腆申潤筆之禮外附薄

儀以酬佳貺仰祈台慈鑑涵曷勝榮幸

東陳毓台中丞

巡撫可作三五年而不可至十餘年門生撫齊自辛丑至今首尾十二年矣茲得南移庶幾可免隕越豈非大幸承台翰下及不勝感慰辯揭明白正大觀此自當感動大都近日老成忠厚之人俱謂老師有可原之功無可死之罪而一二後輩尚執舊議不肯少恕至於江右諸公尤求多焉聞其初只爲詹昶老抑李見羅耳不知數馬集

卷之四十三

九

李見羅奉 旨照紅牌擬斬其得末減則以門生在刑部本科時代堂翁草疏引 太祖高皇帝律序故後來得從寬典也好生美事奈何欲以殺人爲功乎亦可慨矣今日又見雲南巡按揭門生不得上一疏劾朱勃爲馬伏波訟冤矣官職身外之物苟得附於古人卽不至南京登部堂亦何失其爲正卿乎先此奉復

東焦湛一戶部主政

撫齊十載始得息擔正如籠鳥檻鹿聞將放之

山林馴之苑囿其喜未易言也顧惟留都重地司馬主兵處置失宜隕越立至異時餘姚孫公豈不稱一世偉人僅以妖徒一事督責稍嚴遂招物議如不肖者敢爲職任易勝此行足樂哉飲冰之懼亦猶之在齊耳臺下興念共事遣使慰存感激高情未易言謝諸貺槩未敢領難于遽却謹暫拜嘉專役致謝不盡縷縷

東徐正宇侍御

近聞縣官解馬革去大戶而用官解遵憲示也數馬集

卷之四十三

十

此舉實爲便民但行之不善反爲害民之端不敢不吐露其愚不佞起家壽春每歲解馬常四五十匹每匹三十金原自足用惟有司聽佐領教官鄉官牽馬來看驗中登毛齒于冊矣卽將馬牽回勒索大戶每匹有七八十兩者此乃官害民非馬政害民也又有官將銀尅去五六兩只給二十餘兩者若嚴革鄉官諸人賣馬而以銀盡給則大戶十年一次知馬頭將及先用十七八金買一馬養壯臨期只用官銀十兩作盤

費足以交納矣不佞曾解馬五年小民不言費一金也齊中先亦有官吏解者平原劉知縣是也劉嘗條陳官解而牛春宇嘗依之通行矣乃事後之借債竟爲民累蓋一馬須一人照管一人攜芻糧三馬須一獸醫夜行須分宿各店若一縣二十匹則一行當用三四十人夜當分宿三四店官吏安得有許多人乎若用多人則盤費安所從出官肯給之乎人自解其馬則愛惜之無異親子時其飲食節其勞倦療其疾苦官數馬集 卷之四十三 十一

東戶部廣東司李繼白

邸報中得讀大疏見其盛慨於講學任事老成諸臣內欵云陳用賓陷城失印卽以爲將功遮罪然待之以不死足矣縱之可乎黃雖慕古有心陳情則可公然保之無一人有異議者比之憲成之書孰大孰小孰公孰私于彼則爭之甚力于此則付之罔聞公道之在人何故懸絕如此僕讀之不勝媿服凡人有過舉實賴朋友救正或相告戒或訟言相攻要之合于天下萬世數馬集 卷之四十三 十二

而大疏曰陳情則可是未嘗不許僕之用情也
天下人心不甚相遠萬世公論亦與今同且以
涇陽之賢爲敝同榜領袖僕之疏得與涇陽之
舊同舉而並言之僕有榮矣但以僕爲公然保
之實不敢任夫所謂保人者謂薦某人堪居某
官某人堪任某事舉 國家之大政柄大權位
欲以屬之而他日任其無咎乃爲保也若僕於
用賓不過憐其久禁囹圄旦夕入地爲之祈哀
君父使得歸死故鄉耳何名爲保今之囚犯年
數馬集

卷之四十三

十三

幾八十及情罪可矜疑者內外審錄官奏 請
釋放改擬者無虛日獨于巡撫不可議矜恤耶
所以援引律文將其平難之功反覆言之者不
如是無以見其可貸之狀豈將代爲保薦而復
其原官乎大疏原未求多于僕但保之一言似
猶未當其罪故僕未心服耳太史公曰虞卿爲
趙揆事畫策何其工也及不忍魏齊卒困于大
梁雖庸夫猶知具不可沉賢者乎僕亦知此舉
必爲智者所笑然心已恭虞卿矣不濟則奉身

而退耳死生亦大矣與窮達得喪不同假令陳
不在垂死之際僕何肯輕出一言惟足下諒察
答王玉沙巡撫

三吳南北要樞而上流形勝則控制中原爲根
本重地建牙仗鉞於斯者非宿望宏猷海內推
服豈青輕畀哉老年丈綰符郡邑皆在吳中吳
人思之願得旌節復臨斯地 聖天子順民之
情將東南半壁持以相付此其顧念豐鎬良不
輕矣第自聞謫拂衣歸山已無復用世想而名
數馬集

卷之四十三

十四

挂仕籍妨人別推恐宇內方爾多事萬一畱京
有警如異時孫司馬事罪將安諉故且暫出就
列俟新春再行陳乞庶於去就明白人亦不得
以抗 旨議之也辱老年丈遣使見存實用爲
媿然桑梓兄弟誼不敢辭敬九頓登受外薄物
附緘匪報也見不忘厚德耳伏惟台炤不宣

與楊僊南巡按

齊中與老丈共事爲時最久夫豈無水旱災沴
而同心撫恤民賴以安幸不至揭竿斬木如近

口事皆台庇也回首思之真令人仰戴明德沒世不忘矣萬里天涯禮儀多闕固緣病懶實慚人言覽報知已入京將奉按秦之命夫入而抗疏出而按轡整肅百僚維持邊計真大丈夫事竊附知已亦叨有榮耀焉不肖強顏再出徒以南樞久懸高臥不穩暫且受事或可從容爲求退計若生愛戀心不恤人言則素雖頑鈍亦不至此相知者或可爲之解嘲乎

與新考選兵科韋

數馬集

卷之四十三

十五

近見邸報知榮選兵科大快公論齊中向日行取者雖多循良然欲清不近名才不標異但知孜孜爲民絕無一毫粉飾未有出台丈之右者今居兵垣是國家之福也大都論事貴有真是苟實見其是雖禍患在前決不可已苟實見其非卽衆人同聲決不可附和往時諸公之失強半坐此皆中無真見而欲依人以自立者也不肖此出甚失本心然重任久懸勅書難繳不得已入南再圖進退然小草之譏終不免矣

百凡掣肘卽欲整頓營伍亦必稟命他人蓋我朝事權分屬非如在外權歸撫按二人同心無不可爲也貴同資俟命日久未下物窮則變想亦其時矣風變附陳踴躍之懷未敢致賀徒有神往

答和州馬似山

不佞待罪大邦幾十六年愧無厚德以遺士紳然爲地方裁兵減餉抑璫捍患惟力是視不敢有愛離任以來忽遭妬口賴諸縉紳矢心代白

數馬集

卷之四十三

十六

至墜落深淵則齊魯風俗之厚不佞鐫鏤于不能頃刻少忘者也門下居處濟西未獲會面而劇日與諸弁從事於弓矢鞍馬間苦無暇刻故未能通一書辱翰使先之種種褒美譽定其實不佞何敢當焉重以腆貺知非浮文然初奉教而卽拜賜於心亦未安也謹藉手完璧以謝循聲實政洋溢江上願益珍重以慰企仰

不宣

與閭壽州

不佞離壽日久無德可思何敢勞改建生祠至費人二百餘金此益重其不德之罪耳嘗謂士君子居官但盡其職分之常卽爲地方有大興除亦僅僅可免尸素安得認爲已功況前此壽民已建祠在八公山之麓觀今日荒草頽垣則知理有必至不必更爲脩飾天下惟孔夫子廟祀無窮下此雖孫叔敖子產亦僅僅名載於史書欲祠之不壞不可得也故勘得破時凡今日數馬集

卷之四十三

十七

之名宦生祠與他日之荒草頽垣無以異也台臺以舊令尹故費俸過多心已不安至煩觀察使者亦捐資如之令不肖何地自容也當汗出沾背矣碑文不敢不領乞爲謝諸父老曰不肖續一味悚息甚不寧也使旋肅此奉謝不盡區區

與陳熙唐

蘇石水至拜翰教及絹補之惠可勝感鏤誌銘書法精工大似右軍曹娥碑刻手高榻手亦高

可稱三妙足令尊翁盛德懿行垂之不朽媿不佞拙文有媿邯鄲淳耳不佞在家思出旣出則種種塵事俱屬勞神至於登山渡江幾無虛月五更披衣視師幾無虛日衝寒冒熱類一總兵參戎時常委頓真可厭也回首昔日遊清源甜鶯嶺觀流泉於巢雲探地穴於石室與二三同調賦詩行樂何可再得但當投簪解綬速賦歸來耳老丈年富力強當卽馳驅當世泉石之樂未得久淹前所云者爲老人說也冗甚不多及數馬集

卷之四十三

十八

與陳兵曹

里中追隨二年感肝鬲之愛不淺司馬清曹安攘之計實資籌畫此時西有套虜東有遼警簡立大將選擇偏裨計臺下與諸僚案籌之已審然欲預知其人以爲他日當事之用則逢人借問隨事籍記不可不畱意也邊道賢否亦當知之欲擇邊將當問邊道不佞以爲今之用人未盡當其才者皆不肯問人恐人有所薦引而不能從故也問以無心言以無意訪於數人善均

從衆以此求才失之者鮮矣不佞奉來一病幾至委頓以南中十餘營本兵一歲親操者再俱五鼓而起日昃而罷望七之人豈能堪此勞苦屢欲乞休疏已草就爲同年同官者持不肯發畢竟欲全性命必當棄官歸去乃可緩須臾也辱垂芳問不勝感激率爾布謝不能具駢語伏祈台炤不宣

與成生洲岢嵐兵備

偏關當西北二虜之衝卜吉二酋雄據左右異

數馬集

卷之四十三

十九

時任岢嵐者三年無事多轉開府自扯酋以來邊塵稍靜板升相安而此道遂與陽和大同諸道無異近吉能萌動延鎮連殞二將一河之隔能不戒心積粟練兵修完斥埃亦今日急務也不佞少年遨遊曾至岢嵐於邊事亦頗得其槩向在東省每有宣大之推輒辭之恐人謂東南懦夫奈何作雄邊總制然使不佞爲之猶能稍脩內治不但以媚虜爲功夫而已南都之行甚非本意徒以兩道勅書無處安頓又不敢徑

故勉而就此此中戎務廢弛凡有舉動多所掣肘難以得志大計自陳縱得瓦全亦當求歸浙黨吳黨不佞實未嘗窺左足然此時人情冬難調停而主上又不以國事爲意政歸宦豎邊境缺餉動以數百萬天下事未知其所終也辱垂念遠寄翰貺故人情厚何日忘之肅此奉謝不宣

與兩廣總督周敬松

兩粵重任控制東南內綏五嶺外撫百夷非台

數馬集

卷之四十三

二十

臺清望壯猶一時獨步曷奏膚功以紓聖天子南顧之憂惟是台衡之地強半虛席方廣求老成以膺心膺股肱之寄恐坐席未溫又當返旆北指嶺海之民豈能久私福澤哉某久仰斗山實勤嚮往每讀撫滇奏疏事皆可法至於論救前撫權其功過慰士民之心而作任事者之氣千古高誼于今僅見彼附和權力爲深刻險薄之論者獨不念他日欲作巡撫地方豈能無事人發難而已收之竟不免於死孰肯爲國

家犯大難以求成大功哉試懸此議論以俟將來孰是孰非當必有辨之者未識台顏遠傾肺腑恃台臺同此心也因麻督帥行托爲介紹布其一言仰于台焰曷勝惶悚

與淮安府高中白

往會臺下于孝廉時才藻霞燦議論風生知爲天下豪傑士及登第後得觀其發揮易理多獨詣之識心益壯之茲聞綰綬淮陽救患分災活十數萬人此真豪傑作用而俗儒小生所望而

數馬集

卷之四十三

主

却走者也昔汲長孺出爲淮陽太守但曰臥治政清而已惟奉使矯詔開倉活饑民數萬至今以爲美談然則臺下之功合長孺之奉使治郡兼而有之者也不佞才本孱弱不能如臺下揮霍然治齊十五年屢遭水旱亦竭力救之不煮粥不散銀惟每縣籍饑民爲十數厥人日給米半升每十日令縣令一往親散人得五升持去家中採野菜同食無待哺之勞無冷地之臥無難繼之苦故大饑數次不至流離相食此其德

雖不敢望臺下然亦以爲自盡其心矣大要須平日積穀俱責實數勿令有司得以虛文相欺也嗟夫士君子不遇事變其功勞何以自見臺下治淮而值此災固天遣之以爲齊民造命者也久欲遣人問兼壯其盛舉知方苦神此事不暇及其他故遷延至今承翰貺先之媿感何如肅此奉謝餘情具于別楮伏惟台焰不宣

與陸伯生

家居時會李還素兄云夢見與老丈相邀遊清

數馬集

卷之四十三

主

源諸名勝無何而黃公祖借重敝省喜向不佞云前日之夢驗矣陸兄必從新開府入閩可見人生相知其精神夢寐常相通雖隔千里如比隣也不佞時亦歡甚謂此遊果遂當攜杖屨以從然竟以宦心未灰金陵諸役來往道路無虛日辭疏五上力云疲矣遂命駕西行亦貪畱都佳麗宦遊中有青山綠水之賞可洗塵心然一領兵符諸務蝟集冬則有軍政考選諸役春則有大閱巡城諸役一月常十餘早起僅一飲

莫愁湖輒爲寒風所傷病者月餘入仲夏而炎
蒸逼人拜客亦且疲困何暇論山水之間乎始
知人生清閑之福不減神仙悔前日不固守泉
山大爲失策也承教知此時必至敝縣與還素
兄弟盤桓山谷間坐上無不佞少一揅韻客能
無念乎丁選君極推轂還素不佞每寄書輒以
爲言恐其怠也然旨終未下令人悒悒敝省撫
臺以安靜爲上舊撫凡生事增兵增餉者人皆
怨之惟丁表二公無間言會黃老公祖惟勸以
數馬集

卷之四十三

三

察吏安民倭至舊兵自足用但稍加整頓耳何
如何如

數馬集卷之四十四

溫陵黃克纘紹夫著

書

與姜養冲

同門兄弟零落殆盡今宇內僅存惟三四人而已每念仁兄輒想見當年清粹之容然不知今日亦駸駸作老翁否弟已龍鍾無復在山東時强健然鬚髯尚未盡白被攻以來已絕意出山念主上厚恩留之至三感激涕下謂當此筋

數馬集

卷之四十四

一

力能動時不出而効一臂之力他日步倩人扶拜不能起乃始經營欲出晚矣且亦何補於時哉故雖冒嗜進之譏當忌者之路亦不暇恤第恐報稱甚難有負此行耳仁兄以爲何如

與葛魯生憲副

曩東魯分符正值天災河決礦稅肆虐之時而多方撫摩民忘其災至今談吏治者必追思焉蓋近日齊魯之災不加於昔而饑餓流離幾無孑遺則良二千石之關於民瘼豈不重哉不佞

每自訟治齊無狀致挂人齒頰然自藩司以至

填撫值重災者三次勉強支持苟幸無事皆一時同事諸君子處置得宜使不佞逭於罪戾今兩司爲侍郎開府者若衛若汪若李若張輩共有八人而郡守今爲兩司長若門下與文受我沈華東俞如愚諸君皆卿才也固一時遭際之盛哉然不佞離齊時則求諸公其人不可復見聞今乃復有數賢者否泰之運若循環無亦天意爲之乎門下秉憲中州端方廉肅而濟之以

數馬集

卷之四十四

二

與毛

寬大吏治民風指日還淳叨在舊交可勝踴躍不能具駢語統祈台照不宣

廣博物志向未見其書亦多所搜羅然張華博物皆奇異罕聞之事而世實有之如華傳所載豐城劍氣武庫雉鳴似奇而實非奇若君臣父子人倫日用之常豈可入博物至於法苑珠林諸梵典言鳥獸虫魚者皆設爲喻言原無此事篇中亦言某某者某人是也其爲

是爲博物失之誣矣此人欲著書而無其識書語與書名不相應豈能久傳門下以爲何如

與詹見吾興泉道

往過淮陰得瞻台範兼聆循政之聲固知天下有詹使君矣憲節南移興泉爲彈治之地則又手額稱慶何幸得與江淮之民同被渥澤也泉自三四年來水旱相仍雖千金之家不免鬻女自活無論其次矣非台臺多方撫摩恤其苦疾緩其徵輸招徠商賈使海運疊至則此隆冬不

數馬集

卷之四十四

三

知作何景象也蓋不佞再往南都寔以家中米貴人口衆多挈家就食稍勞筋骨爲國家治其軍旅亦可免素餐之誚若乃鷄肋功名夜行不止此固辨之之已審無俟驅逐久懷止足之心矣頃小兒回曾具尺素奉候起居尚未抵家而台翰儼然臨之感何可言適歲終塵事蜩集不遑具駢語率爾奉謝幸乞台慈鑒原不勝瞻企

企

與徐深州

高才績學宜登甲第乃僅以文學掌故三登薦剡序遷州牧固非舍姪平昔屬望之意而不佞亦以爲未盡厥才也然一介書生遽典大州苟盡心所職則造福於民亦未易量深旣患水又藪弊藪盜則所以救其患而釐弊弭盜者當勞心焦思以圖之大要以恤民爲本恤民惟在於錢糧詞訟間慎之徵收欲寬限使民得下鄉催取其最疲里分當加斟酌不可專用鞭朴時施勸賞以鼓舞之詞訟勿多問罪情輕者卽與決

數馬集

卷之四十四

四

斷勿使人久候積弊多在衙門人役及城市包攬棍徒審得其情卽重懲之惟鄉村愚民則當待以寬恕切不可過嚴也盜賊被擒須虛心細審其贓物真確者不可輕出若壯快私下用刑拷打者宜細察之卽情真亦當重懲壯快也一人在監一家不得安苟非重大事情切勿濫禁須時時將監簿細查恐有誤禁致令瘦死者總之清慎勤三字足以盡作州縣之法而慎之一字又無所不包也以再世通家而老友又虛心

番問敢詳布之新太守在京北隣而居其人極有才今已出京若到任後有便當爲吏効一言也

與高懸圃

曩待罪大邦獲瞻台範回首舊事如同夢遊既因被攻而乞歸復緣賜環而再出是非付之虛舟得失等于塞馬但驚苦海未上慈航聞使節彈治二吳清風惠政洋洋盈耳近者鄉紳啓衆惡少橫行或有司之過激或防閑之未周變

數馬集

卷之四十四

五

故橫生事機可駭而臺下繩以正法鎮以安靜人松器極險之地而有不剛不柔之方遂用帖然士民咸服留都密邇餘照可分吾黨有人曷勝鄉往惟是春秋耀武寅出申歸精神銷亡四體疲倦交遊萬事業已俱慵咫尺吳門遠如萬里茲率翰使者儼然臨之獎飾過情祇惶愧病甚不能具駢語惟祈台炤幸甚

與高太守

賜示易刻三種其二刻主於數不佞非鄭康成

僧一行尚未能深究其義大都交易變易引伸觸類皆易理之自然者焦氏易林分卦直日意亦如此其辭象二義則主於理程傳本義可爲千古讀易者訓詁而大刻寔多所發揮也救鄉李文宗贊宇甚稱此書今各領二部當以其一寄之天下自有知音者不患其書之不傳也淮上救饑南北誦德儒林循吏當兼傳之不佞叨在舊交可勝鄉往使旋肅此布謝不盡鄙懷

與李公子

數馬集

卷之四十四

六

尊翁仙逝九月初此中已有傳者然猶疑信相半至十月中則有邸報矣正人彫謝世道安仰至於吾鄉失其儀刑令縱恣者無所畏憚貪濁者不識媿恥泉之風俗當不知其所終矣不佞拘繫一官未能輕去覩元老之無祿嘆台星之掩芒念全閩精淑獨鍾一人猶僅僅年止七十有五如不肖者安敢望上壽哉感悼悲傷殆不能自止茲同鄉在南京者具有公莫不佞別具一薄儀瓣香之敬惟諸公子爲告於尊大人而

納之幸甚長次三公子俱曾會面年近弱冠去
成人非遙惟克勤克儉以繼家風相友相愛以
光門楣讀書之外勿與他事是望是祝

與趙公子

往尊公之變不佞正跼伏田間不能遣使奉唁
一入金陵又爲塵務所奪蹉跎一歲茲令郎來
辱大命使作誌銘敢不唯唯顧惟尊公大節海
內共仰國史自當有傳輝映來世何藉無能之
辭以爲之重而筆硯久荒戎務鞅掌雖稍次其

數馬集

卷之四十四

七

行事終覺荒疎無能闡揚萬一也往李某疏誣
門下殊甚不佞一言以斥其妄此自公論所關
非爲門下不知渠見此疏亦爲厚顏否誌銘已
就敬付令郎奉上幸與令親諸縉紳先生稍潤
色之佳貺藉手致謝外附薄儀奉吊幸乞鑒涵
爲荷

與洪葆源權關三吳

國家多事廩廩告竭貴堂翁妙選英才奉使三
吳令權縉紳以佐邊儲益民生 國計兼有攸

賴者也昔劉晏以理財有功唐室其所任用如
裴腆包佶李若初輩皆新進銳敏盡天下之選
其後皆爲名臣有封郡公者願尊親家勿鄙度
支刻意爲之他日亦可不朽不必翰林臺諫也
初至吳闕庶務旁午卽念一地兩稅具疏以
請此其用意固非尋常度支郎所能及矣某衰
朽無能爲役辱遣使見存且多獎借感當何如
冗甚不能具駢語奉謝幸乞台諒

與張巡撫

數馬集

卷之四十四

八

苗仲爲梗幾令雲南路絕縉紳往來者被其毒
尤慘征之孰不以爲宜顧黔中無兵無餉所謂
無米之炊巧婦不能也故不佞寄書欲台丈專
責成安疆臣然不知安疆臣已死也業已爲之
而楚蜀又不肯同心則此時惟當相機收拾勿
令破綻使讒邪之人得以藉口斯爲善耳事貴
萬全想台丈自有石畫遙度之言終隔一塵也
外薄將聊寄芹意幸乞俯涵爲荷

與申玄渚少卿

老師功德巍巍千秋不朽諸公誌銘傳記發揚已盡某卽善染翰亦已不能贊一詞况本非其人而強使爲之此如漢廷公卿大會而使侏儒廁足其間也然記與誌傳不同誌傳專述老師德業而記則當兼叙君臣相與之情立意稍異而爲體亦不同故得勉強下筆俱從政務之暇於燈下爲之雖自知其無當亦不敢隱也敬遣一介馳上記室幸二長兄稍加潤飾弟素虛心不敢自以爲是也 太師母仙逝弟未及數馬集 卷之四十四 九

與方閣下

某待罪三年分當罷斥乃蒙相公曲賜培植得荷 恩光其自父祖以上寔沾被之豈直某之一身割華分榮已哉無由圖報惟有永矢弗諼而已茲有啓者浦口城修築議之三十餘年人各畏避莫敢任者以事多掣肘而衆口可畏也茲幸群謀僉同二三主政毅然肩之先造石基

次築內面土城今已完固經二旬積雨秋毫無損惟待燒磚具備卽用灰幫築可解永賴矣向以三奉 明旨不敢煩瀆只具本題知故疏不下部榜觀之人幸敗者多樂成者少每每以浮言相搖動故敢將前疏再上萬望相公從中主持票下兵部轉行遵守則管工官員益加踴躍計明歲春夏之交可畢工矣仰干台嚴翹首以企

與潘滙滄

數馬集 卷之四十四 十
三世 詔命徵福親翁轉求楊老先生賜以華袞文彩鉅麗詞章爾雅藏之宗祠足以焜耀來茲與天罔極豈惟不佞頂踵難報其闔門子姓寔嘉賴之不佞今番小草直爲此一事不則清源之下滄海之濱足可徜徉胡爲奔走風塵蒙犯霜雪夜夜早起鍾鳴漏盡而不知休哉時方有浦口築城之役未敢乞身俟明春和煦當圖之耳伏乞台照不宣

與孫濟南

往在東省自慙尸素然每遇歲歉即預爲之圖
凡冬春賑濟事悉於夏秋間備之故雖值大災
民不至流離失所且立廠設處散處其民又不
資粥而十日一散米貧民得米數升回家尚可
別爲經營樹皮草根雜以米糠皆可救命若聚
之一處以候二粥其弱者不能得食夜臥冷地
無不病死故前歲一饑而齊民死亡過半未可
全罪歲也不佞何敢自以爲功往往俎豆之則
見齊俗之厚耳近在南京議建浦口城蓋三十
數馬集

卷之四十四

士

答沈少宗伯

議事以理斷事以律有理之最可恨而律之所
不載者天主之教入我皇都亂我聖道是也
律有左道亂正爲首者絞爲從者各杖一百

三千里此輩近之然本條全文云凡師巫假降
邪神書符呪水扶鸞禱聖自號端公太保及妄
稱彌陀佛白蓮社明尊教白雲宗等會一應左
道亂正之術或隱藏圖像燒香集衆夜聚曉散
伴修善事扇惑人民者故依此律天主教惑人
豈在此數者之下然此輩本非師巫而天主之
教自來無有故律文不載比附恐犯深文巧詆
惟聖主赫然震怒不以鱗介亂我冠裳則放
流于煙瘴地方實快人心而非臣子所得爲也

數馬集

卷之四十四

士

臣子所守者一部律例耳北禮部之疏內有溥
夷細作一段似欲坐以境外奸細入境內探聽
事情之條然此律須鞠問接引起謀之人得實
乃坐今當何處尋此人以施鞠問卽有之而起
謀之利瑪竇死矣且亦未有探聽事情二十餘
年不歸者禮部亦知此律難引故疏末又引私
度關津律此不過杖八十而已杖訖何所歸着
故又欲移文盡數逐去竊以爲去此適彼皆華
土也何若押還廣東歸之浮夷乎至於住屋田

地律稱除謀反謀叛及知黨係在十惡依律抄沒其餘有犯律不該載者妻子財產不在抄沒入官之限違者依故入人流罪論故愚見謂宜聽其變賣實以律當如此恐法司問斷亦不過于此數條中求之其或別有精於法家巧引他律則非不肖所能及事屬孫道長應聽其問斷處分卽不肖此議亦爲贅也敢復台命

與周闇然吏部

榮擢銓部竊爲彈冠然不敢通書陳踴躍者以

數馬集

卷之四十四

主

銓衡之地宜避嫌疑也茲使台庇合山左江南二俸得以三年考滿他無所希冀惟祖父母父母舊叨三品 贈茲欲改給二品 誥命蓋爲人子孫之情不得不爲親了此一場大事若老來宦情業已灰心羣羸馳神枯寂序入秋涼卽具疏乞休必得 請乃已此非飾說也賁疏人行附此候起居

與公周庭翰林

曩待罪名邦甸宜填撫幾十有六載無德於民

致離官謗頌諸薦紳先生不加督過且明其無他遂得自拔泥滓再登皇途留樞承乏又經兩秋循例以常伯報滿枚枋惟挽則大東諸老施德於不佞者實未易量顧拙性慵懶久無尺楮入都門卽於台臺亦聞問缺如也伏惟當世名公以文章德業擅名一時者孰如台臺而某邀有天幸得以王父母父母 贈典及已夫婦封典請於天官氏如令甲欲乞如椽之筆少加褒美以爲奕世光寵敬望闈人九頓以請其惠

數馬集

卷之四十四

占

答揚州林理刑書

維揚當南北要衝宦斯地者清濁賢不肖縉紳驛而傳之朝江北而夕都門門下宅心平恕持已堅貞爲四郡稱首可爲鄉邦增重不佞素所愛慕顧未得接見顏色耳邇來公論時有混淆然久之亦自明白不佞被攻風波從淮上起拂衣歸去絕無出山之想因南極虛席已及三年

恐以一人誤 國家重寄故暫出以待 聖明
與奪既受事則甚悔此行聚江南之鐵鑄不得
一箇錯也事權不一謗議易生不似鎮撫專制
一方得爲民興利除害縱或蒙謗於此心亦無
媿耳承尊念遣使見存感桑梓之愛甚厚然李
官清冷歲俸有幾而敢受佳幣腆貺以自潤乎
敬附使者完璧以謝冗甚不能具駢語幸乞炤
啓

與韓璧哉公祖

數馬集

卷之四十四

五

避謗林居習與鷗鷺爲伍科頭箕踞幾不知世
上有揖讓事老公祖蒞泉時時幸臨之在笥衣
裳始顛倒着出蓋自是而東山之志亦遂不能
堅矣兼以見孫進取屢勤翦拂終不能蹀躞而
前老馬爲駒不顧顛躓矯首西風望塵登道老
公祖躬出東郊爲之勸駕豈以不肖猶足備驅
使乎蘇子瞻所謂戒和尚不識人嫌強顏復出
亦可笑矣惶愧惶愧冬初至留都勉完武場軍
政諸事中宵覓衣日不暇給雖南北諸公幸不

加詰讓然引鏡自照終覺面目可憎語言無味
不如高臥林中得安意肆志也敕邑秋成甚薄
賴老公祖福澤山邑頗熟米價不至翔貴然當
連荒之後鄉民安得金錢以易升斗多方撫恤
惟賴老公祖尚鎮泉南耳適值羽便肅此問起
居欲採溪毛懼褻台嚴惟老公祖諒啓

與山東吳督學

數馬集

卷之四十四

六

宦途交遊隨地而有然不佞去齊能時寄一言
以相慰者惟台丈及異時處會城一二人耳乃
知人稱相知甚不易也歲寒之盟不佞何敢不
堅持以相邀於皓首乎往在齊十五年遇災傷
極重有二三然上官先時屢念而賢有司奉
行得宜木皮雖盡茅舍不移人肉非甘神明是
畏安有父子夫婦互食其肉至於此極則郡縣
官不得不任其責矣承教知春雨已足二麥可
望垂盡之民庶幾猶有存者亦天未忍斬割之
使無遺育也得此報爲之歡喜加餐不然懼漢
季之禍將見於今日也甚哉我 國家福德之

大也但錢糧未可遽追邊餉終爲難處當國者不可不預爲之計耳杞人之憂如此想有同心故敢私議

與青州府劉

往在齊中曾一通聞問今復數歲矣榮轉青州寔東方名邦但適值異常之饑而青州尤甚不能不費區處耳當宁者擇人而使之要自有深意不佞以爲今之時齊民逃者已多其不逃者非貧餒不能轉徙之民卽稍富不待賑濟之民

數馬集

卷之四十四

七

也宜安其富者而賑其貧者但恐佐領查貧不能盡體上意以賄爲去留宜正官集里老書手分作三處令與教官分監之各令開報本里貧民其合者必真貧也然後縣官斟酌去留造成小冊將銀包封約某日到某處賑某里到者若干人不到者扣在官或轉給無名貧民但要有里分有住止勿聽衙門人役詭名冒領其稱三人或二人共領一分者中多尅落密令推官往換數名查之則賑之得失易覩矣至於富者雖

得賑但逃者錢糧州縣多責令本里富民代納彼能完本身之銀足矣安能代人至於去歲徭銀亦有九月以前先完者恐不肖有司及吏書以停徵爲詞槩行乾沒此非荒政而亦荒政中之一弊宜密覈之又淮徐與青萊接壤民逃多聚于此宜廣出示招之使回入境縣分宜遣一二循良者凡流民入境卽審爲某州縣某里人酌量每人給與數錢蓋此皆真實饑民流而復歸者賑之尤宜加厚夫有土有民豈成州縣

數馬集

卷之四十四

太

招回流移於賑恤尤急也又聞州縣此時多募壯丁自衛亦非失計但所招者多竊盜不逞之徒往往於下班之日指稱訪盜虐害富民宜嚴禁之而貧民無賴者無風生浪告騙富民爲餬口計亦宜禁之蓋富者貧之母州縣有數家得過緩急猶有所賴今併爲人魚肉其不淪胥以亡乎并州在念不覺越俎惟老吏念之

答江右黃督學

江右名邦得大賢以爲之師多士雲蒸霞變嘗

大異往日讀所刻試卷標出題之意立作文之
格倦倦訓迪卽父兄之於子弟不若是其篤至
也而闡發聖真羽翼紫陽又令觀者神思踴躍
莊子所謂大宗師者舍門下其誰屬哉不佞幸
從留都得接緒論每悔賑濟良緣不能共結至
今猶以爲恨近浦口修城舉十年缺事一朝成
之差快人意然不佞精力衰矣夙興夜寐不堪
其勞行卽乞身以去辱垂念遣使存之曷勝感
戰極目匡廬徒有神往大貺敬拜領附此致謝

數馬集

卷之四十四

七

外絲紬二端聊寄遠意幸乞炤存

與兵部崔

浦口修城蒙台臺念及舊京覆疏再請得奉
俞旨承委各官咸爭先鼓舞惟恐功在人後此
時新城垂完惟一二堆堞未就耳業已分修舊
城葢舊城三面長三千餘丈一百五十年不修
倒者二處有百餘丈餘俱破壞須細細修理亦
要三月工夫而有城無隄亦恐江水大漲復近
城基故一時併力興工江北饑民來就食者數

萬人興役之中實寓救荒之意每部於原題之
外須添用三四千金以爲築隄之費原疏明言
之矣聞貴竹征苗兵因楚中餉銀不至轉戈內
向圍城索銀台臺覆疏似當令楚藩司借五六
萬金與之着兩司中一人往諭而解之不佞曾
爲湖南守道知貴州兵餉楚中逋負常三四十
萬同爲國事未可太分彼此也因賁疏人便附
此奉謝併以聞

與史蓮老

數馬集

卷之四十四

辛

聖台旌發清源久矣至今猶然家居得無戀泉
石之樂而忘 國家之倚重耶吾人出處乘時
而赴功名之會者固不足道然任大責重不思
爲 朝廷出力者亦非純臣少宰有進退人才
之責當 國家空虛時出而薦得數人列于有
位大則開府次則藩臬又次則於郎署守令舉
其所知者俾漸躋于通顯他日 朝廷得一臂
之用誰之功也此就地位而論若大拜則以人
事君其功效又不止此矣竊謂親翁今日未可

避形迹而重出處也江北饑荒水陸皆爲盜藪
近日修築浦口城蓋三十年不決之事今乃決
之然亦費許多口舌雖大役已興而從傍掣肘
者猶未已也此役就緒卽當挂冠神武門矣親
翁不出妨詞林賢路此語甚是但求退不遂得
無益妨乎鄙意謂不如速出也何如何如吾鄉
天災方息大水方爲害泉民何辜當此五歲不
稔念之太息也

與張文選

數馬集

卷之四十四

三

貴署以知人爲職而知人不必專在署蓋在署
所知不過各處官評與時局所取舍而已家居
則政事之得失人品之邪正有出於官評之外
者知之最真彼得之當局而此則得之傍觀也
恭惟台臺藻鑑高明獨擅人倫家居數載於當
世人才無有逃其鑑者茲起家秉銓海內彈冠
相慶凡聞然自修不炫聲名恬淡無慾不工進
取者咸庶幾得當一聘其所推挽必有異於常
調無疑也不佞昔忝大邦罪過深重甘心罷黜

而貴鄉諸老假以齒頰不忍終棄故至今猶冀
南樞然筋力已倦志氣已衰引年乞歸此其時
矣願台臺於諸公間爲言其衰朽而許以投閒
則知己者之賜也

與華亭縣章大尹

往與尊翁共事齊地政事相助德業相勸在同
榜中可謂金石交尊翁因念令弟日以憔悴遂
欲挂冠不佞強留之終不能挽也抵家未久旋
卽謝世喪我良朋至今永嘆去春覩賢姪高捷
數馬集

卷之四十四

三

南宮不勝踴躍謂尊翁爲不亡矣華亭文獻名
邦借重綰符惠政朝以施而清譽夕以馳計今
及暮則孔邇之詠已洋溢於吳之東西江之南
北矣久欲一通音問而戎務糾紛竟無暇刻茲
者翰教自雲間而下通家厚誼溢於筆楮把玩
循環益動懷舊之感自慙衰老已將乞歸無能
與賢姪馳驟周行但願於田間快覩匡時事業
耳

與道州梁大咸

道州乃濂溪先生發祥之地而元結陽城之所
嘗治也居其地而履其位則養士愛民所以紹
芳百世者必悠然興思矣去歲宇內強半災沴
聞楚之南獨頗豐登又得賢使君以撫綏之知
春陵治行可追潁川其爲知己分榮豈有量哉
不佞年登古稀不堪勞瘁卽欲引年休致適有
浦口築城之役功已垂成而江邊築隄以爲城
之保障興役伊始未敢遽萌去念然春夏之交
亦當循例陳乞也辱念犬馬齒以大貺臨之寔

數馬集

卷之四十四

三

增惶媿謹拜虎皮餘幣附使完璧致謝

數馬集卷之四十五

書

溫陵黃克纘紹夫著

答經略楊滄嶼

老年丈至金陵值弟有講武署篆諸事率寅出酉歸諸役見弟如此非進城之客不以聞故不及知迨賢郎見過馳至江干而僊舟已解纜矣四十年老兄弟素同忠義報國之心咫尺相失何以爲情茲辱使者以書臨之與對榻論時事

數馬集

卷之四十五

一

無異也弟自分墾居人後職分之內固有欲求全而反以致毀者何敢及其他但建夷之事關朝廷切近之憂亦竊籌之首之奸謀蓄之雖久然觀其志趣未有女直蒙古初起之規模始惟欲奪北關 勅書今又將金銀婦女移歸巢穴極其力量猶未能爲元昊且北關雖弱結婚達虜彼欲席捲長驅猶恐北關之擬莫後 國家雖邊備廢弛若遼東募馬兵一萬步兵二萬攻雖不足守則有餘惟將難得耳以名使大將未

必得人若於副總參將中擇之或有才智可居而欲自奮於功名者不遠邇老將也弟馬步三萬非歲費五十萬金不可此時海內物力已竭在在貧困歲加五十萬何以能給恐奸雄一呼五胡雲擾 國家之事憂方大耳且急則尋人緩則棄之得力之地布置多失宋季之禍恐起於今老年丈遠猶石畫一時無幾計必有萬全之策可奠安國家者弟何能贊一詞因台旌遠行聊以此爲借筭之助領南兵姚國輔者戰將

數馬集

卷之四十五

二

也善用之可使立功附聞

與史蓮老

建夷猖獗何時可平募兵徵餉未有已也當事者不計長久而召兵於遠搜餉於南若一大舉可以掃滅則爲目前之計可也滅旣無期則當爲數十年戰守計於遼陽幽薊間增兵若干增餉若干宜派某處若干某項若干歲歲可供方是完策而計較於二百萬三百萬此項用盡無以繼之不一敗塗地乎南戶空虛親翁所知也

連歲取去四十五萬非多方催取則今歲運軍月糧幾無所出何論其遠哉弟以年衰不堪勞苦每早起出城操閱則感寒一次推得今冬決當去矣入留京三年餘耳而送大九卿旅襯歸者凡七人若衛若蔡若二李若沈若吳若宋僅宋年八十餘其餘俱在七十上下而相繼喪亡則南京江霧乍寒乍熱其中人也不痢則瘡衰老之人能堪此乎官爵堪戀性命可憂弟計之熟矣勿以爲居官常談也一笑

數馬集

卷之四十五

三

與戶科官賜谷

建賊之縱橫若此而當事者欲以三百萬平之何易視此賊也又聽劉綎謬計徵建昌九絲永寧播州安家石柱天全六番諸兵此檄須八月終方得到蜀蜀行文各處須半月後方到俟各土官往返會議欲安家若干行糧若干非兩月不決卽決亦須一月撫按方議處銀非二十萬不可銀已給矣又須一月方肯起行已入春夏矣然以理度之各土司決不卽從卽從而此兵

沿途不受約束劫人財物淫人妻女甚於建賊如元季召完者討賊是前事之明鑒也其所薦周敦吉吳文傑等皆貪如虎狼不佞署蜀臬時周被兩院叅提赴問干証百餘人無不欲食其肉此豈可用爲將哉細觀廢將之意無非以無公藉口不肯出關故疏調川貴兵急未得來則假坐擁二千人索行糧廩犒歲坐得二三萬金如往時征倭故事不見賊面而回者比比也遼患急在燃眉遠水不救近火真屬無策惟宜大近鎮兵可急調耳不勝杞憂聊妄談之亦何濟於事

數馬集

卷之四十五

四

答王憲蔡漕運

公家之事知無不爲不佞竊常有志然爲之不能得失故取信於人者以此而取咎於人者亦以此卽如國家有事徵兵四方若無一人急公先發臣子之誼謂何兵行豈無微擾而咎之者至矣大司農徵餉南戶兵二部一時解三十萬又解事例銀十二萬旣殫厥力矣尚欲

水兌米銀及將南糧盡折二年解遼是南京軍
上兩歲之間無升斗糧秋毫金以給之也不得
已上疏爭之至失歡同年而取議僚友豈知南
帑只有三萬餘金若非任怨催取則此十月支
折色及運軍啓行何以應之大臣公心體國
如台臺者能有幾人不佞謂天下信之不爲多
一人信之不爲少但弘獎過實謬以銓樞許之
則增不佞之愧耳筋力已衰精神盡耗代庖得
釋卽束裝待放何敢望入春明門乎查叅揭帖

數馬集

卷之四十五

五

附覽此亦任事之過也一笑

答沈河山叅政

老公祖旬宣江右爲民興利除害咳唾皆恩澤
也至於念及興安不通舟楫爲之奏請南糧
改折此其爲利垂及百世信州之民且畏壘奉
之矣某適因代庖得讀大疏又向宦江右曾經
興安弋陽道中知民之苦此役也遂回咨北部
力贊成之此不過奉行德意何敢自專仁義也
辱老公祖曲加弘獎信乎仁人君子無一息不

在爲民造福者矣頃遼餉告急北部徵求難應
生不得已查叅四省有司獨信州之解年年如
額遂多薦二三人以示鼓舞凡此皆老公祖造
就能使其公爾忘私而故都亦被其澤也操務
鞅掌不遑作駢語奉答仰干台炤不勝主臣

答山東督學王支提

齊魯學政公明詳慎士心胥服亦微聞有病其
地嚴者總之關節不通縉紳不盡喜然不如是
不足爲督學也不佞老矣本無入春明想況敢

數馬集

卷之四十五

六

聖銓憲乎夫天下事有求之而不得者未有不
求而自至者然銓憲亦何與於人品二百餘年
來居此二官者多矣遠者無論如不佞所及見
則以銓憲反掩前美者亦不少也不佞性直語
多欠慎南中士夫及桑梓後進怪之者實有之
臨推時有一小東流聞於臺省間不佞亦不之
辯但欲收拾作歸計以時署二三篆無可代者
今大司農至矣此亦不佞完名歸山之日也知
我者以爲何如

答周鶴嶠參政

大丈夫用世要當有益 國家若徒居顯要以
文墨議論爲勲績何濟實用令臺下久居西臺
以獻納爲事而 聖上十疏九不報優游數年
蹕躋卿貳於實用奚補何如出守邊陲練兵固
圉救寧盜賊消弭烽煙其爲裨益豈不大哉不
佞生平俱滯外任自謂隨事陳力猶可少効尺
寸于今叨冒實已逾涯然權柄之地未嘗矚目
十二年巡撫竟不得入春明門乃忌者猶疑其
數馬集 卷之四十五 七

將以次及于銓衡夫銓衡豈能重人乃人重銓
衡耳自昔身都華廡進退天下士者不知幾人
而與草木同朽腐者亦自不少則銓衡竟何益
哉不佞年登七十筋力衰倦方擬挂冠東歸狎
鷗海上已絕春明之想何論其他乎辱臺下遠
使見存深感故人不吝簪履肅此附謝冗病交
侵不能具駢語勉力疆場以需節鉞不勝顙墮

與蘇問卿

南京九月二十六七日五更時東南方有白氣

竟天如一匹練二十日乃滅十月初天狗星墜
地獲二石焉其一重一百三十斤一重三十餘
斤又太白晡時常晝見十月初旬外五更將半
東方出一彗星其長數丈至今未滅此等變異
真有可駭人言圖山聚有萬餘人且西有柯陳
南京隱隱有張士誠陳友諒伏在肘腋但看遼
左事何如耳不佞今病矣欲乞休須俟稍健乃
能屬草幸周司農已至蕪湖弟得釋肩庶幾不
至累斃南戶部今歲取去二十萬僅存三萬九
數馬集 卷之四十五 八

千金不足一月之用不佞各處催取僅乃支持
日前其拖欠強半在湖廣不得已上疏查叅人
必以爲多事然此時有人肯論之使歸寔爲厚
幸謗議非所顧也晏掌科此月九年已滿欲去
則無人管外察不佞署南銓只得留之銓部當
速爲處置也附布不盡

答馮元成

令姪將入太學時拜大教曾附數行報命已徹
詔室否不佞因署農部及總督篆兼遇秋試通

家子弟及同鄉來投刺者二百餘人皆不得延
接至於書翰受而不報者多矣遼左一事日日
焦思每爲大司農督過惟思掛冠絕無好懷如
台丈棄貴竹綬優游吳門吟詩作文何必非福
此時貴竹苗變兵變旋戢旋起而安酋又與永
寧爲難興兵動至十萬禁止無術大可寒心弟
固羨台丈之不出爲有見也令岳翁必已年高
如何尚欲從戎弟力恐不能得之王玉翁大賜
領詩扇二握近作數首請政

數馬集

卷之四十五

九

與薊鎮朱總兵

薊鎮與遼左接壤西款東搶習以爲常而東
虜亦復於西盜邊制馭頗難鄙意以爲戰未可
輕議且以款羈縻之而練兵秣馬來則禦之至
於撫賞之費但守常規額外邀挾秋毫不可許
異時戚南塘在彼練兵修城虜亦不敢犯此在
麾下自有制馭長策然知己者欲以此爲愛助
之獻幸留意焉制臺汪公寬洪有謀朝夕共事
必能相與有成亦一幸也何如何如

與閣下方相公

徵兵赴遼而借餉南都同是 國家公事豈敢
自分彼此第南都積貯無幾而戶兵二部借至
三十五萬幾於倒藏而出矣南戶部此時僅銀
二十三萬餘兩借去二十萬則旦夕之間無銀
給軍脫巾之變尤爲可慮不得已上疏欲停解
其半以待舊糧改折徵銀貯庫明冬方始解完
此於事體原非相左但爲根本慮不得不然職
又有一言焉奴酋攻之未易滅之更難萬里徵

數馬集

卷之四十五

十

兵所在雲擾是不戰而先自疲也四川六萬何
處可募酉陽永寧石柱天全六番不過有人一
二千耳急之且能生變何如於遠省令其將發
兵之家行糧起解至薊遼召募徐觀釁而動爲
得永平江黃湖海之交盜賊充斥根本深爲可
憂老先生爲國元臣不可不留意也敢私布之

與戶部李桂老

建夷發難增兵增餉事理宜然老年丈一片赤
心爲國弟豈不深諒第南戶見在只有二十三

萬九千餘金一旦盡取所存僅三萬餘只此五
月間應內府各監物料之需亦不足用況軍士
折色月糧乎南兵部之積雖視南戶稍裕然此
番造城及調兵募兵安家費幾十萬所存亦無
幾矣兩部司官咸謂弟委曲承順不能力爭而
戶曹諸郎謂帑藏一空軍士脫巾可虞實非私
憂過計不得已具疏乞停其半且非終停也南
糧四十二年以前逋負者議請改折使人樂輸
明冬亦欲起解以終此局一片苦心期與老年
數馬集

卷之四十五

土

丈協力報國但恐驟見此疏或以爲相左故敢
以私布之此時僞漢子孫柯陳二姓有四五千
人每一二百人爲伍出省劫掠江西省城白晝
劫大司馬家莫之敢抗殺人祭江登陸而去近
又聞黃梅廣濟間據官路上邀劫宦客雖爲鄉
兵圍困殺有二十餘人餘者逃遁然亂形已見
江中舟楫咸有戒心停止不行此賊據南京上
游終爲腹心之患大司馬遠地徵兵羽檄四馳
異日或生他變杞人懷憂每仰屋竊嘆惟老年

丈與當事者密圖之

與劉遼總督汪靜老

老年丈榮膺大總制之任爲朝廷北門鎖鑰
可稱同榜光榮而視事之初卽值建夷啓釁殺
我大將覆我全軍勞神籌邊寔惟此時然丈夫
不遇夷虜跳梁安能立奇功取金印斗大繫之
肘後乎勉之勉之南京僅有浙兵三千兵部來
調不五日卽遣之行所費安家行糧以六七萬
計乃知興師十萬日費何啻千金也領兵坐營
數馬集

卷之四十五

土

姚國輔能開四弓騎雙馬膂力技藝一時無雙
但所將者步兵須得馬兵一千與之兼將方得
騁其長技惟老年丈鞭撻使之萬里寄聲願言
珍重

答井陘道游哲初

齊中共事積五六年循政清風爲一時第一至
今泰山以北長白以西談吏治者莫之或先焉
不佞藉庇以得免於罪蓋雖貂璫兩橫旱蝗屢
見而民免塗炭賦無積逋桴鼓不驚閭閻安堵

祝今日景象蓋十伯不同矣誰之力也茲旬宣
三輔鞏固 帝畿見之行事與托之空言者其
功迥異擁旄開府且旦暮遇之矣其此出本謂
陪京無事可以苟安不知春秋耀武渡江巡山
率五鼓而出形神俱疲南中卿貳以賁捧考滿
行者過半一人之身兼攝數篆無時得休回首
故山真如閭苑始悔天欲與以清閒而人違之
是辭福不祥也遠辱雅念遣使見存故舊之情
溢於翰墨感激私衷何以爲報冗甚不能具聯
數馬集

卷之四十五

古

語統祈台慈炤諒不宣

又

近覩遼報京師震驚井陘易水之間去紫荆居
甯咫尺恐當修防以備不虞然亦須鎮以安靜
未可輕自騷動以啓戎心也建夷雖稱狡獪然
觀其志向未有女直蒙古之規模以情度之北
關彈丸之地尚未能併而遼西諸夷人人强悍
與遼金衰弱之時不同滅之則力不能舍之長
驅而南則慮遼虜之襲其後彼固以建州爲家

也以鄙意觀之但可爲元昊耳若吾餉足兵多
於攻則不足於守則有餘惟海內財力半輸之
庭半積之於 大內如病弱之人不能起恐
中國奸民乘邊境有事所在蠶起則深有可憂
耳何如何如不佞老矣台丈輩方當爲國宣力
其憂未歇願努力爲之擇將最爲急務爲大將
而志得意滿者不可用叅遊中必有人宜預覓
之

答劉蘿徑武昌道

數馬集

卷之四十五

古

安德一晤清風顙氣拂人衣袂別來忽六載矣
邇從郵筒中時相聞問而書不盡言意何能悉
聞仙舟過白下如明月臨關屋梁垂照徙倚清
光極懷親近而腰間五組五日方歷一署視事
稍遲則待命門前者且如蟻聚坐是不能躬候
顧鄉往之意常與江水俱東流也至淮返旆當
再過白下携尊江上叙此濶懷當不孤人願耳
餉客之禮尚未及行而佳貺鄭重翰藻鉅麗以
客遺主何以堪之謹附使報謝冗甚不能具聯

語伏祈台炤不宣

答武崗州侯翊明書

同在里閭中因久宦于外未得識荆固知爲維
桑俊也寶慶乃不佞舊遊山川秀拔風俗淳
厚固楚之奧區第武崗有岷府分封宗室繁
多而四面多山古之三苗寔居其地治之無他
術惟廉仁以拊民方正以處宗室安靜以馭諸
苗則可臥而治矣宗室多貧亦有終身未嘗得
餘爲子錢家蠶食領祿之時但以數金量與養
數馬集 卷之四十五 五

瞻而再行重利以乾沒其後祿者此不可不重
懲之也長史審理日暮途窮亦多侵有司之事
當密告于院道而裁抑之不可任其侵漁小民
也撫苗官多生事宜戒以不擾爲主此皆不佞
所素知者諒門下自有權衡不佞亦聊爲愛助
之獻耳

與兩廣總督許少微

清望鴻猷宜摠島臺貳公弘化於內乃暫屈旌
節出鎮兩粵豈非以嶺海要區東南安危所繫

非台丈不可耶遙想轅門初關號令一新群吏
回心清風穆如民安夷附海上鯨波固恬然萬
里一碧矣弟老不知休治兵江上晏眠早起無
時得暇又六部諸公以考績奉表而去留署幾
空弟兼攝吏戶總督三篆借筋未能持籌更味
盛暑日午猶治簿書計錢穀汗出沾背時一昏
眩半刻方甦人生貴適志何自苦若是方想昔
之相攻者適以相成天與以福而我違天禍敗
之至其何日之有

數馬集 卷之四十五 六

與閣下方相公

建夷猖狂敢於稱兵入犯爲臣子而不怒髮上
指思共搏滅者非夫也惟此時海內當征播征
倭之後在在告竭蓋朝鮮之役各處廢將率數
百無賴至兵部投用卽與以遊擊守備職銜俾
自往救皆遷延天津登州之間不肯渡海坐索
厚餉此役虛費何啻數百萬某時爲山東方伯
蓋亦驅之使去者數人至旅順亦皆不行旋復
歸矣繼以征播用兵十餘萬海內元氣至未復

故此時議兵難於往日十倍不能不費相公之神思也江黃之間據山行劫者近已爲蘄水縣鄉兵圍困旬日無糧賊皆饑餓然莫敢登山適一走報北人經過其地奮身持刀先登令鄉兵從之手執一人卽投崖下令鄉兵縛之如此者投三十人莫之敢抗一二健者踰山散走今已平矣亦地方一大幸也孟河之賊出沒無常其地數千家貧富貴賤皆以此爲事消弭之法實爲難行有滴水崖守備喬一琦者喬方伯之子數馬集

卷之四十五

七

答談中約叅政
荆楚大邦而鄖襄西臨關陝北通中原最稱形勝地不佞壯歲宦楚江漢洞庭俱涉其流獨玄岳數舍地不及登臨至今談之猶以爲悔門下此行真壯遊哉且遼左多事處處徵兵西北一動則中原雲擾故鞏固襄漢控制宛洛亦天下重鎮也不佞才微性拙肩茲重地欲詰戎足餉以固根本然淺中弱植不能婉媚諸世心雖爲國動每招尤欲乞身長往又以南中乏人息肩數馬集

卷之四十五

八

無地終日昏昏若醉夢中人竟不知稅駕何所也觀 俞青深爲彈冠欲馳一介奉賀又以守在留畿不欲遣出疆之使拜佳貺之辱知故人惓惓見念然尚在家食何必以此爲禮也敬藉手完璧致謝西行何時願言珍重不宣

答孔聖公

齊中屢接清光和易謙冲居然先師家法天將衍冰泗之澤垂之無窮篤生哲人固綿綿未艾也某待罪東方十有六年叢愆積垢宜爲聖門

所棄而入南都以來戎務倥傯又未遑遣使修
候乃辱注存以貺臨之且蒿目憂時詢以遼左
之事孱弱書生豈敢妄談邊務顧此首雖狡其
才氣不似女直蒙古初起之時惟可竊據一方
爲西夏元昊耳我師新破士氣不振海內貧困
糧餉皆竭只宜募兵補額修城固守乃爲上策
俟物力既完內治無關徐圖撻伐固未晚也而
徵兵搜餉海內騷然國家之憂正不在贅巫
閭以北耳何如何如不佞因攝戶部有 旨索
數馬集

卷之四十五

七

答西平縣曾大尹

衡文大邦得覩高才實用起予書院會文陸離
彪炳固堪與海內人士分道揚鑣豈特冠兩川
稱蜀士翹楚已哉屢上春官剖符而出職在親
民得行厥志異日循良特徵臺諫固其分內區
區資格豈能限哉且汝南天下之中士風民俗

淳厚實直號稱易治雖錢穀微有逋負以視江
南諸縣則千百之一二也大都彼中徵輸可以
大義鼓舞不必盡用鞭笞臨事折獄察以和易
使人得自達其情既兩造輸服則立爲決斷不
可遲疑以費民財觀所刻歌謠似深達此理而
猶惓惓及之者相愛相成道無過此也

與徐 問卿

老公祖榮轉問卿蓋以九載積勞得之不爲殊
典然在今日 聖主以玩印爲慎重雖尋常九

數馬集

卷之四十五

辛

列未可不謂特達知遇也台駕入金陵正擬申
一薄貲而祗謁 陵寢晝夜西馳令人瞻望紫
氣在縹緲五雲間不可復卽因念三載東秦寔
荷卯翼兩年閩海幸托帡幪及入陪京又時時
從郵筒中以道誼相砥礪茲當南北分飛霄漢
遠隔典言離索能不依依敬遣一介以不腆蒞
藻巾臨歧之贈倘蒙俯賜鑒涵曷勝榮藉

與李景山總兵

遼左有警海內謀臣宿將咸思馳騫以建功名

而麾下獨徜徉西湖無意於疆場斯其識見固
深遠矣不佞謂此時諸少年侈言捷伐不思遼
當積弱之後加以覆敗卒伍死者未補補者未
練全鎮之中不過瘦馬數千安可與奴酋戰即
召兵紛紛然兵行須餉所在給以行糧固已難
矣既至邊塞將仰給何物若聚兵而餉不繼爲
憂方大況兵數千里之遠飲食棲息俱不得所
疾病易生搶奪易起腹心之憂不在遼陽恐天
下從此多事矣麾下素懷遠慮其欲築城防守

數馬集

卷之四十五

五

最爲得策而廟廊之上羽檄交馳欲舉酋而
殲之何視之太易也近又索餉五十萬於南京
若南戶取去二十萬則帑中僅餘三萬九千餘
金脫巾之禍行且立見不佞方攝部事蓋仰屋
稿嘆無可奈何上疏爭之徒取誚讓亦何濟於
事乎屏使者遠示籌畫爲感不切操觚報謝語
何能悉

與張玄中參政

遼事倥偬上大夫爭言邊計尊伯在雲中控制

北使不助東寧爲虐便是有功于國顧今
日爲遼計戰守其道安出不佞以滅之未易須
先爲不可勝以待奴酋之可勝願增兵三萬一
年便費五六十萬金奴未可平則十載須費六
百萬當派之何處欲一舉平之恐猝難得意萬
一大敗不可復振爲之奈何至於召川貴兵一
萬則失策之甚此皆夷人非人給安家路費十
兩豈肯行也便須費川中十萬金方得登途途
中無人統馭則劫人財淫人妻女誰能禁之本

數馬集

卷之四十五

五

兵一到首主此策若朝廷從之天下自此多
事矣文受老最熟東事慮出萬全亦曾籌及此
乎

與錢繼修巡撫

人生仕宦莫不有數衛人嚴憚汲鄭甘出其下
而宦居其上者比比也從古而然何疑今日台
丈清方敏達固廟堂棟梁之材而一撫東省
卽值異常災荒爲古今所間見者縱學汲長孺
欲矯詔開倉豈能指空馭爲百萬生靈請命哉

故心血既竭以病自乞數寔爲之人且奈何弟
之才品何敢望老年夫生平遊宦惟信心委運
蓋亦屢瀕危殆幸而獲免良有天幸茲承乏陪
京兼署數篆司馬徵兵司農索餉皆難處之事
勉強應之一切是非成敗付之於天如泛漏舟
於波濤中解衣塞隙圖出於難其沉溺與否則
付之無可奈何而已老年夫弘獎過侈寔增愧
赧病火病齒日減眠食猶驅馳不休裁書報謝
有懷難悉仰祈台炤不宣

數馬集

卷之四十五

五

與淮徐道高中白

富台臺之治淮陰也鄰國流離克衢塞道非拯
贍有方無論數十萬生靈易以生變而委命溝
壑暴骨原野其傷天和亦甚矣士大夫侈言經
濟及至臨事往往束手無策若臺下者雖與汲
長孺富鄭公較隆論烈可也新持憲節仍鎮舊
地旱蝗之後兼以河決恤災救患豐鎬攸賴而
抱薪沉璧且繼宣房瓠子而興歌焉賢人作用
豈不偉哉不佞向亦有志今衰老矣偶因人乏

代庖留計帑藏所積爲遼事被取一空索賦郡
邑以濟目前朝得數金暮散軍士禍機所伏如
履虎尾而主計者一語相左輒側目以視真不
知所稅駕也榮蒞不敢遣使奉賀恃在知己必
能心炤拜翰貺之辱惟有內慙謹附使致謝仰
惟台炤不宣

與閭部科道公

逖左告急兵餉難處大司農勞心焦思爲臣子
者皆當共圖況不佞同年而可以楚越相視哉
數馬集

卷之四十五

五

但籌國必求南北兩利利於北而害於南不可
爲也南京五十三衛所武官最多操軍雖止三
萬四千而合巡邏軍運軍黃馬快船軍則其數
亦與北相等錢糧歲派本色百萬石銀不滿四
十萬兩每歲支倉米七箇月水兌米三箇月銀
二箇月若使本折歲歲全完則猶可剩四十萬
米貯倉無奈省直之玩視南部負者強半也向
者張振峰司農因傳奉織造及設水陸營兵無
銀可給已將水兌米題折去金衢紹三府十七

萬石矣三十九年傳道長又題折應天等十一萬石矣所存水兌米不及十七萬石入倉米僅五十八萬而已官軍量腹而食度支計口而給若如戶部所議將四十六七二年米盡行折銀解部濟遼則南京二年無米進倉無銀入庫不惟軍士坐而待餓不能甘心而一聞此言百萬居民謂兩年無米灌輸勢必踴貴已囂囂然懷不靖之心矣職謂只可暫折一年半留南京所以安軍亦以安民也至於傳道長改折水兌本

數馬集

卷之四十五

圭

爲南帑乏銀故爲此權宜之計當日移咨計議回文尚在實未嘗許割三分之一解與北部所許者催完二十五年至三十七年省直逋負以三分之一解北然索銀於逋賦猶畫餅也無何卽奉 恩詔赦免誰肯完納是二者皆索之無何有之鄉況三年借去四十五萬逾水兌折色數倍又何望之深也此時南庫如洗聞者寒心北咨一至觀者吐舌皆謂傾南庾以紓遼患而遼患未必紓徒舉陪京而搖蕩之南京亂北京

安得晏然而已乎不得已疏乞 勅下會議倘蒙留神細加籌度則此事可行與否立談而決矣至於答大司農書謂本色有餘折色不足語誠有之至今南京所放猶是三十五年米但三十六年以後在倉者僅三百五十餘萬僅支六年若折去一年又支用一年則只存四年之積耳已行五倉主事查實一字不欺至於江北黑豆可支五十年實不過九千石腐爛之餘不值數百金也南部錢糧分管於十三司不佞逐司

數馬集

卷之四十五

美

查卷費工夫月餘非敢以冥冥決事伏望台臺裁督留京幸甚

與戶科官賜谷

承教論及遼左戰守事具見留心 國家今世所患正謂肉食者鄙不足與謀寇來則狼狽失計寇去則燕雀處堂其勢必至土崩瓦解近彼又入寇三堡矣而兵尚未募餉尚未集不佞曾有書與兵部謂不必調兵於遠但於議調之處令其將安家行糧銀解遼以募人馬爲固守計

今調兵之議漸緩或計將出此未可知也若議戰則彼有精騎五萬吾欲勝之非十萬騎未可輕舉此語亦略於議南餉疏中見之顧主上愛惜金銀而輕土地宮中之積有如丘山而動以匱乏欺天下錢僻若此已置國家於度外縱善謀國者亦無所施其力若此賊長驅薊鎮一路望風而潰甚可憂也

答登州守

方今用世固貴於守尤貴於才處平居無事之數馬集

卷之四十五

三

時其見才易處流離倥偬之際雖有揮霍之才鮮不徬徨四顧而莫知所措手足矣臺下治東方卽值饑饉人至相食幸而有年又值遼左多故海運議起當事者凡百取辦而臺下內濟饑外防海許民以米輸賦致之遼陽穀貴不至流離穀賤不至傷農其匡濟東齊者弘矣不佞離齊六年而精神魂夢猶時時在齊其有德於齊民者如代不佞爲引之溝壑之中而納之衽席之上也徒有私祝願臺下爲民受茲介福卽登

以得其澤於天下而已屢拜台翰知念及不肖者甚慙顧不佞年已七十不堪南樞風興之勞霧露所侵右臂近廢撫膺長嘆惟有東望神交於臺下而已使旋肅此奉復佳貺藉手致謝不勝嚮往之至

與龔湛源延平

以救省之福小僻在一隅而劔浦居其上游在萬山之中俗朴賦少豈足煩老公祖臥治顧自龜山傳伊洛衣鉢之後戶敦詩書士崇氣節李數馬集

卷之四十五

三

朱道脉從此出焉斯亦海濱鄒魯也得大賢君子以拊循而教育之則其興起又當何如且與貴郡接壤度嶺而東三四日卽至郡界幸太夫人板輿以往朝出視事暮入承歡風氣相宜服食稱便勝於吳楚間大郡多矣不佞托處泉南雖相去數百里而賢明太守千里席福何論數百里如大田一縣原係泉屬德化割去距泉城僅三百里然則波流隣壤可旦夕被之矣日者諸僚友稽之舊典共致贈言想猶未達記室而

數馬集卷之四十六

溫陵黃克纘紹夫著

行狀

贈禮部尚書諡文恪前禮部左侍郎兼翰林院侍讀學士署部事荆巖楊先生暨元

配贈淑人翁氏行狀

楊文恪公之爲少宗伯也忠言亮節昭著於士大夫間無論識與不識咸謂宜相天下一旦中奇疾以卒則又爲之咨嗟嘆惜代請贈官

書諡又恪祭葬悉如令甲嗚呼公有相才相量而不果相造物者實爲之吾儕親友能不悲哉

公疾革時有三子在膝下其長子由泉奔喪比至京以書來齊曰錫綸等不天禍延先宗伯溘

焉卽世諸孤恨不隕身以從幸徼 皇上恩及卿士大夫之力贈諡祭葬旣咸遂所請矣惟是

春秋窳窳之事所以安體魄而慰精靈者待當世名公之言以垂不朽而採摭行事使執筆者

有所考據則年伯父責也蓋余與公同舉於鄉

相得最驩而公之長孫女又字余次孫久誼親誼稱至篤矣狀其敢辭公諱道賓字惟彥其先

出浙之餘杭始祖世興來監同安稅因家晉江數傳爲致政公諱生致政公生童質童質生清

清生贈侍郎見心公逢春是爲公大父見心公生舍山尉贈侍郎立軒公諱敦厚立軒公守庾

南都曹淑人將免身夢神人稱紫荊君謂曰吾界汝子遂生公蓋所僦居處近紫荊山也立軒

數 卷之四十六 二

公尉舍山值 世廟有石綱之役縣以屬尉上官督責甚嚴稍遲卽以軍法從事登山歷險無

從得石憂懼不知所出夜夢大士謂曰若無憂若三十年後當睹若子魁大廷因指示得石處

於是心私喜自負謂紫荊君之言必驗也公幼而聰慧岐嶷有成人之度八歲時舍山令盧公

聞公奇召試駢語應聲而對語皆驚人令召其諸子使拜之曰楊有子若此而輩駑駘耳於是益里立軒公事必諏而後行卽築城大役亦由

其建議經畫以底于成至今尸祝於舍云旋以思親故棄麗水簿歸田公年方舞象伯兄夭物仲兄出贅叔季孱弱立軒公居官廉家徒四壁立鬚髮皤然老矣公晝供菽水夜篝燈讀達曙不休有鄰叟鷄鳴起治襦襖聞公伊吾聲詫曰何早也公謝曰夜來未嘗就寢由是學業益進歲丙子縣試第一督學二溪胡先生拔自儒士應試遂領鄉薦丁丑下第南歸聞仲兄贅金陵者落魄甚將奉以歸有僕進曰二郎君負息錢

數馬集

卷之四十六

三

多矣往必爲子錢家所困不如遣人持書往公叱曰鶴鴒猶有急難之情豈有見兄瑣尾而不往拯者哉遂迂道往至則諸責負者羣聚江干迎曰若兄負吾錢當代償不則不聽兄歸公閱其急者出資糧屏屢酬之餘與之約曰以某時倍償遂得奉兄及孥歸倍道而趨并日而食雖重繭枵腹怡如也無何仲兄亦沒二男四女呱呱待哺公鞠育婚嫁一如已子又撫叔季二弟營產授室多方拮据大得立軒公驩心丙戌捷

南宮廷試一甲第二人授翰林院編脩時元配翁淑人新喪有中官貴幸用事者其弟任爲執金吾使蹇脩致言曰聞君失儷吾有女方笄願造君室如不鄙當以十萬將之公曰某貧士一旦登第何敢以金吾女爲側室固辭使者五往返乃止而立軒公在家亦爲公聘黃淑人歸于京師無何中貴人敗金吾亦敗公讀中祕書數月一日念父母年高風燭可虞乞歸省政府止之曰人子思親當奉絲綸以爲親榮豈以歸侍

數馬集

卷之四十六

四

爲孝也不許垂及三年而立軒公計至距封期僅一月耳公以頭觸地曰我之遷延不歸者爲封典也今抱終天之恨矣乃徒跣奔歸哀毀立幾至滅性見者惻然服闋還朝充壬辰禮闈分校是榜第一人公所舉也餘多天下名士其年四月念六日爲母曹淑人誕辰公求冊封淮藩便道稱觴至藩行禮甫畢卽馳歸渡鄱陽大風作幾覆舟幸而得免壽日黎明抵舍親戚滿堂莫不嘆美謂因王事馳驅而得將母也承

歡膝下方浹二旬曹淑人忽染末疾奄然而逝
公旣痛降禍之酷又幸含斂得親人咸詫公萬
里奔歸事生送死兩無遺憾精誠感格可方古
之噬指搯臂者矣遂奉立軒公及曹淑人葬於
九曲山之原服闋出補舊官主撰 誥勅縉紳
得 恩綸者不惜重幣以求褒美公悉却不受
曰 王言豈臣子市恩之物哉丁酉遣往兩浙
掄士所舉五經首有魁 大廷及南宮者是歲
晉少司成戊戌晉諭德掌南京翰林院事三年
數馬集 卷之四十六 五

回坊清黃閱兩月掌局篆是秋主順天鄉試得
士視浙加盛辛丑充 東宮講官晉大司成以
渠鑊範士而先之以身剖折經義考第文藝不
厭勞倦慨射禮久湮澤宮虛設乃講求肄習爲
定射禮儀節列於學官士彬彬多禮讓之風矣
陽春月疏請 東宮行齒胄禮不報又校刻三
國志五代史奉表以進曰使闔豎不肆於朝則
漢甌無缺三國寧至分爭使蓋藏不竭于外則
唐燭永調五代可無擾攘蓋托前代事諷諫切

中時病之要藥也癸卯晉詹事纂修玉牒兼東
宮講官乙巳晉右宗伯掌翰林院事教習庶吉
士兼官如故恭遇上 慈聖皇太后徽號給兩
代贈典蔭子入監丁未二月主會試時文體詭
異多創爲新說雜用莊列佛語公與共事者約
所取必雅正有奇衰者雖工不錄遂一洗舊習
還之大雅可謂文起一代之衰矣六月轉左宗
伯署部事奏最蒙 賜羊酒寶鈔戊申充 經
筵日講官注 起居每當進講必沐浴焚香端
數馬集 卷之四十六 六

坐待旦於古今成敗得失之際反覆致意庶幾
有所感悟又覩謚法久不舉行上言國初大臣
病故議祭葬卽與議謚後因請乞紛紛乃令會
議類題自三十一年至今五年物故大臣不爲
不多宜令臣部疏具姓名開立訪冊博採公論
酌擬奏 聞以後仍三年一次舉行永爲成規
上從之戊申夏三吳洪水爲災陪京尤甚公深
惟致變之原上疏曰畱都水災異常臣等不勝
悚懼考之故典淫雨不收水流國邑厥應甚鉅

傳曰陰氣盛也去歲京師水災官民廬舍無不傾圮今皇祖龍興之地未幾人庖廚繁行渰漫天意若曰輦轂已災旣不爲動舊京皇祖肇基再加譴告能無懼乎臣知天心之仁愛無已也謹陳脩省之實五事一曰葆平旦清明之氣以澄聖衷一曰宜召大臣入對以決壅鬱一曰復章奏批發之規以尊主權一曰慎內批中發之旨以杜羣疑一曰去形跡體面之套以振事功疏入蒙旨嘉納但未見施行云朝

欽馬集

卷之四十六

七

鮮欲廢長立少請於朝聽之則乖倫理拒之則其國中已有君矣操縱兩難公請勅遼鎮遣文武廉幹臣詣彼國延問吏民果得其世子狂易病廢狀不可以奉宗廟乃從其請朝鮮甚服中國之得體云戊申八月恭逢萬壽聖節公以現代頌大都謂羣封人祝堯曰使聖人壽臣願皇上入奉聖母出受萬國朝賀計及還方雨暘作何節宣災疲作何拯救則協氣旁流嘉祥順應所謂天下有道則與物皆昌者也臣

之祝聖人壽者以此曰使聖人多男子今陛下有子之子皇太后有孫之孫可謂日重光月重輪星重輝海重潤矣皇太子春秋鼎盛講讀稀疎臣以爲秋涼已深簡編可展親近正人切磋治道此其時也福桂諸王亦宜及時授之職者也臣之祝聖人多男子者以此曰使聖人富詩云周王壽考遐不作人又云濟濟多士文王以寧今日需次遺佚諸賢皆皇上

欽馬集

卷之四十六

八

壽考作養之士也奈何不計勞遷轉及時賜環使各展采錯事用收以寧之功乎國家養廉之祿視前代甚薄即使振鷺充庭直廢太倉升合宜亟脩廢官補大僚母吝纖嗇之薪俸而釀莫大之隱憂至於塞外待餉之伍江南待哺之衆不難分內帑以佐軍民之急則所謂富而使人分之天下長無事矣臣之祝聖人富者以此疏入稱旨賜聯壽金字及綾時東宮輟講久公上疏謂天下本培養宜厚

教宜勤萬曆二十一年至三十二年輟講卒
今遂成曠典 聖慈篤愛東宮當念勞以成愛
謗以爲慈亟渙 玉音卜期開講不可一日緩
公之忠愛懇切皆此類也每旦入部視事暮歸
作春秋通鑑講章隨事發明借古爲喻期以一
牖納約之地爲回天轉日之機沉思嘗至夜分
或達宵不寐精神勞瘁初不自覺今歲春分奉
命朝日宿齋宮中暴疾興歸遂卒士大夫聞之
咸以公之存沒爲世道盛衰致慟臺省咸交章
乞 賜褒崇以表名世大臣用風有位語曰桃
李不言下自成蹊其文恪公之謂乎未殁前作
四箴自警大旨謂富當可貧貴當可賤須立定
根脚已不必是人不必非當剖破藩籬名節爲
重性命爲輕須審得權度名位非求可得禍患
非避可免當勘破機關歲成竟爲絕筆公天性
至孝念二尊人葬在淺土慮山水冲嚙乞歸省
墓疏十數上不報憂形于色所得俸祿分與弟
妹子姪多寡必均曰吾視已子不敢厚於父母

之子也且俾諸子他日效我庶其篤瑯琊友于
之風乎性耽書史垂老手不釋卷詩文溫粹典
雅藹然仁人君子之言書法道媚尺牘之美流
傳海內得其半幅數行者無不珍藏以爲褚河
南趙吳興之流亞也身居顯職而不帛襦袴不
畜姬侍薄田一二頃敝屋數十椽蓋在朝不通
賄賂居家不干有司故產業不長於舊時泉多
廩仕若公廉靖者指不多屈也杜君公之貧困
無田宅喪無所歸公近之矣所著射禮儀節行
于世文集若干卷藏于家以待校刻元配翁淑
人處士翁堯伯季女生而端靜識大義言笑不
苟處士故饒于資奇其女曰必嫁貴婿郡中豪
家求者弗許也見公於稠人中曰此何家兒亭
亭如羣雞中一鶴真吾婿也遂以歸焉時公伯
兄新沒仲兄遠贅叔季小弱淑人實秉家政姑
曹性嚴能婉婉柔順以得其歡心撫叔季釋齒
中至于成立飲食衣服咸取辦焉嫂而母也幼
時行布裝不能辦公謀於淑人淑人曰無憂

也有舊薄奩在公悅盡取以爲妹飾秋毫無所
畱公久困公車食指頗衆淑人布衣蔬食晚寢
早作治織紵麻枲備極勞瘁間爲人治女紅取
其直以供舅姑之養十指龜裂其長子泣諫曰
母何苦乃爾答曰爾父未貴家貧無以爲養安
敢自逸若異日能以潘輿養我我乃加膳爾產
第四子邁疾十日卒黃克纘云余竊觀翰苑諸
臣以筆札文墨侍 人主優游諷議不二十年
輒至卿相孰肯數進不入耳之言以相切劘卽
數馬集

卷之四十六

十一

有憂盛世危明主者亦不過曰吾以誦詩諫耳
公居寅清之任因事納忠所言皆關 國家安
危大計至慮章疏人者不出爲近習壅蔽此又
一時臣子所結舌而不敢言者也嗚呼世道漸
衰政歸宦寺大臣憂國如公者又不憊遺吾懼
漢唐末季之難將復見於今日也因作公行狀
遂爲 國家致慨云

通議大夫戶部左侍郎贈都察院左都御
史謚恭定愚菴郭先生暨配累封恭人贈

淑人包氏行狀

恭定公以萬曆丙午正月卒於家越四年己酉
仲夏其長子夢詹以 恩蔭將卒業成均謁予
齊臺請曰不孝孤兄弟將卜葬先人於 山
之原茲行欲乞誌銘於當世名公而行狀未備
非微惠叔舅何以示信將來蓋公自爲孝廉時
從社中見某應舉文字輒嘆服曰吾不及也及
某登第筮仕壽春公以御史巡倉鳳陽益稱其
治行於南北縉紳間遂以兒女婚姻締好及公
數馬集

卷之四十六

十二

撫楚某又以叅政承教湖南屈指枌榆中知己
未有若某者也狀其敢辭公諱惟賢字哲卿泉
之晉江人初號希宇晚乃更爲愚菴高祖富觀
曾祖孜正統丙戌貢士避庠師之選授官河泊
無子以弟子宣嗣宣生常春是爲公父初娶趙
繼娶黃爲人慷慨孝友居父母喪殮葬之費悉
自任之不以憂兄弟郡遭倭亂親故自村墟入
城者傾貲賑之卒貧困至死無所恨時公年方
十五已以能文有聲里中然貧甚幾不能自存

有隣翁攜以見孝廉陳君命題試之援筆立就
陳摯節稱賞呼爲小友告其叔延之與其子同
學先生益焚膏繼晷誦讀不休發爲文藻如鸞
章鳳彩無不詭爲奇物歲甲子宗伯丹陽姜公
秉闕文衡從儒童中拔之應試里著姓包翁善
相人知先生必貴曰僕有息女願爲箕帚婦先
生娶之是爲包淑人同邑今大學士李公以文
學行誼爲衆所推公年在肩隨間往從之遊執
弟子禮甚恭其學益進丁卯新建蔡公來視學

數馬集

卷之四十六

十三

大奇公文拔真高等先生得餽于庠家稍振乃
從包翁乞地葬贈公及趙孺人于鐵竈山蓋念
念不忘孝云庚午舉于鄉甲戌成進士補清江
令砥節首公愛民禮士甦驛傳之困平徵輸之
法禁圖賴使愚民知愛生懲包攬使稅糧無侵
費三年報政屢登薦書得 贈父爲文林郎封
母黃爲太孺人旋以卓異徵清江士民挽留不
得則相與俎豆尸祝之會鄉人居銓司者頗屬
意於公而公願疎遠自若然猶以公論所歸授

南京河南道監察御史南臺舊督漕政每掣漕
艘多則坐以夾帶少則坐以私賣廣取贖錢濟
邊其餘多充私費公慨然曰御史如此何以率
人遂上疏以掣鹽歸南京戶部主事而御史監
督之用避染指之嫌至今著爲例商人亦陰受
其賜焉江陵相當國專權自恣畏人議已以廷
杖滴戍削籍籍制之歲壬午江陵死其所厚馮
璫猶居中握權公上疏申理吳中行趙用賢鄒
元標諸君子皆得罪故相者觸璫怒謫江山丞

數馬集

卷之四十六

十四

逾月璫敗 詔復原職蓋言官賜環茲爲特典
云隨以 皇長子誕生 恩贈父御史前母與
母竝孺人公行經三吳見民遭水患卽上疏爲
請蠲其賦御史大夫陳某當江陵秉政時巡按
御史趙應元不往會其父葬陳希意叅罷之至
是復 召爲御史公曰大夫何顏以見應元也
疏劾之竟去位又疏薦遺佚老成如孫鑑孫丕
揚耿定向曾同亨蔡國珍諸公悉從卿寺藩臬
起家官至上卿爲世名臣人皆服公識鑑甲申

數馬集

卷之四十六

五

上於禁中部署諸閹習擊刺戰陣以爲親軍爽
鳩郎董基上疏言其不便奉旨降調公論救
甚力有旨責授南評事乙酉移南戶部陝西
司主事職主倉糧出納塵勞昧人公辰入酉出
躬斂楊槩量之勞諸軍士受糧於倉者得美粲
咸曰郭公飽我俄晉吏部稽勳考功郎中典丙
戌留都計事冢宰肅敏李公御史大夫忠介海
公虛心委任幽黜必公吞舟罔漏雖政府欲有
所庇弗徇也旋改尚寶丞己丑晉南京通政司
數馬集

數馬集

卷之四十六

十六

爲定賦役全書正供有額耗費備載多罔踰於
額外膏罔縮於數中民至今便之荆府奏補通
祿數幾二萬公請以太和山香稅給之其餘以
佐軍興得免派於民潞王初之國請景府
湖洲房基稅課且遣官徵之民心驚疑公請令
郡縣查明徵解潞府免差官校民賴以安黃
梅縣故無城公括所節餉金及公費餘羨得二
萬餘爲請於朝建石垣以資保障楚之東偏
屹然金城也江夏令聽訟誤刑一庶宗諸宗羣
噪欲甘心於令公以理開譬之且上疏請薄罰
令而申明宗約令無輕犯有司楚宗貼然襄世
子幼不能治國事其叔郡王以重幣請攝公曰
巡撫豈以藩國事爲市者哉下藩司議從其請
而卻其幣城步苗雷晟聰因縣令丈地起釁噪
而從之其黨匿令得免雷遷怒夜攻之殺十數
以縣以叛告公謂夷人相戕未可以漢治治也
但當用夷法諭令服畧會某至湖南計縛晟聰
至府杖而徇於境上使屠牛大饗衆苗計所殺

傷償以牛畜諸漢臨邊以寧公尤加意風
教刻靈均孔明鵬舉二忠集以風人臣刻濂溪
洛陽三儒集以淑士子濂溪先生父輔成舊未
從祀公建議於朝俾與程朱父竝祀啓聖祠百
代曠典由茲舉行士論美之撫楚善政更僕未
易數非楚之所係以輕重者不具論論其大者
如此甲午秩滿贈父爲右僉都御史母黃封爲
太恭人妻包氏恭人乙未以原官 召入西臺
戊戌晉左副都御史協理如故先後與大夫洪
敷馬集

卷之四十六

七

都衷公三原溫公協恭和衷而能以德業相規
勉御史某嘗有隙於溫溫起視臺事某不安求
去公止之使出按部而從中調護竟遷廷尉丞
人服溫雅量而多公之能成全其德也 上臨
御久 儲位尚虛嘉禮未行又中於礦稅之利
宦官爭剝民進奉益疎薄士大夫自部寺臺諫
以至藩臬郡守率虛位數年而囹圄中多久繫
直臣良吏矣公屢條上大禮大政用人理財諸
疏皆切劘 人主人所不能言者忠懇痛切庶

幾 上之一悟語具西臺疏草中戊戌己亥大
計內外臣僚時從政者新去畱多取決於公公
每發言人咸服其明允卽被黜者亦無所恨庚
子聞母疾上疏乞歸侍奉 旨慰畱無何計至
擢踊哭泣吊者輿哀援例請 卹得祭典疾奔
抵家躬營窆寔露宿野處顏色黧黑旣葬數月
猶徘徊丘隴而不忍去畱久不 召絕意仕
進乃營居第市薄田曰吾將老焉然僅取蔽風
雨供饘粥祭祀而已至於公私山海軍屯寺田

卷之四十六

八

敷馬集
之利秋毫無所污素不工詩晚讀盛唐人詩悅
而擬之每一篇出人莫不擊節稱善自是以詩
酒自豪與邑人汝寧守林雲程儀部郎何喬遠
結社賦詩其佳句往往詣大曆開元諸公堂與
假以數年其所至未可量也對客奕棋輒飲醇
酒數杯終日忘餐坐是得疾乙巳季冬 詔徵
公爲戶部左侍郎時公已艱於粒食丙午元日
報至欲具疏辭以疾 中止是月望日卒於家
配包淑人卽包翁少子 九歸公時年居約每

操井曰勤績維以佐公讀事黃太恭人孝雖家無宿儲而甘旨之奉未嘗乏絕及從公遊宦布衣蔬食如未貴時每戒臧獲所經官舍無殘毀器物無厭棄飲食一宿之地必灑掃潔淨而去又以勤儉與公相砥礪故公居官無室人交譴之憂而有雞鳴交儆之助三受封典冠帔僅一再服居常敝衣數澣羅綺不設姻戚遺婢相存見恭人問曰夫人安在笑答曰我是矣無不驚異者教二子三女嚴而有法側室一子一女

數馬集

卷之四十六

十九

愛之無異已出遇諸姑姊妹妯娌無不得其懽心黃太恭人素康強無恙恭人從宦京邸寔太恭人強之行畱二子及婦代養然至太恭人沒後時時悲哀以不及與姑訣爲恨公得疾恭人晝夜扶持衣不解帶竟以憂鬱勞瘁中奇疾先公卒公旣沒夢詹援恩例請於朝贈公爲都察院右都御史賜祭葬諡恭定蔭一子入監讀書祖父父俱贈戶部左侍郎祖母母妻俱贈淑人公生於嘉靖二十六年九月二十九日卒

於萬曆三十四年正月十五日享年六十包淑人生於嘉靖二十九年五月十六日卒於萬曆三十三年十二月初一日享年五十有六子二長夢詹恩生娶都督同知贈左都督俞大猷女次光詹郡庠生娶某某女俱淑人出黃克纘口竊覩先帝及今上初年以建言謫官者不旋踵卽召用多至卿貳然其人於晚節末路不能無少變焉以耳目所覩記或依阿於權勢或沉溺於貨利轉骯髒爲咿優化百鍊爲繞指者

數馬集

卷之四十六

二十

往往而有也公以言再謫再起而正直廉潔始終不渝爲中丞內外幾十年無幾微淹滯之感見於顏色可謂鞠躬君子矣今建言者而皆若公誰得以變塞而議之哉謹狀

數馬集卷之四十六

終

數馬集卷之四十七

溫陵黃克纘紹夫著

誌銘

資政大夫戶部尚書蘭渚趙公誌銘

辛丑春予以齊方伯入覲始識趙公於京師時公以少司農督倉場官舍甚遠僅識一面而已是秋余遷御史中丞撫齊明歲公爲大司農凡海內財賦灌輸京師邊鎮者其有無多寡遲速及水旱蠲恤之事內則司農爲政外則巡撫數馬集

卷之四十七

爲政時又有中官開採權稅之役奏報旁午故余於趙公未嘗一月不通書書至公未嘗不爲齊民惓惓請命也余撫齊十年而公歸山居謝客余無從而晤焉又明年余改官南樞避人言家居三年而趙公謝世矣乙卯秋余始入南京明年其孫濬初奉父命以春坊諭德趙君所爲狀來乞誌銘余卽不習爲文然西州之慟旣深邦國之瘁兼切何忍以不文辭按狀公諱世卿字象賢別號蘭渚其先東強人八世祖十四始

遷歷城十四生七七子榮榮子通通子樂樂生贈戶部尚書強強子四人公父應奎其長也官壩上倉大使改小真村巡檢累贈戶部尚書配贈太夫人姚氏生公幼而穎異端重誦書日數千言年十八補博士弟子員從殷棠川先生講業凡游先生門者皆一時名士而先生尤器重公謂異時國家必得此人力贈公聞之喜形于色曰吾家世有隱德此子其高大吾門乎甲子舉于鄉丁卯喪贈公哀毀過禮旣葬寢苦枕數馬集

卷之四十七

二

塊如始喪日得疾幾殆不以其故廢戚人稱純孝辛未登進士第授衡州府推官廉謹周慎決獄平恕有二子被殺者父意爲怨家剗刃訟於官畏刑誣服御史臺移公再讞公察知其冤立出之初主入者以危言恐公公曰奈何畏浮言而擠人於死竟不爲動奉檄查覈郡邑嚴於剔蠹而寬於文法餽遺一無所受囊衣臥具自隨往返不增一物巡撫中丞及御史臺交薦之以卓異徵至京坐失貴人驩遷南京兵部主政公

淡然安之夙夜在公稽覈戎務有暇閉戶讀書
尚友千古非天下名士不與遊也時上幼冲
卽位江陵秉政與巨璫相表裏欲以操切立威
厭天下青衿太繁督學使者多黜少進則立躋
九列官非通顯不許乘傳有臬副郡守馳驛立
鐫秩者決獄論報必殺數十人不則以爲罷軟
不勝任有司催科逋負十之一二皆考下下臺
諫言事稍觸忌諱卽票擬廷杖幸而不死亦遣
戍削籍蓋天下駸駸趨商韓之術矣公上疏陳
數馬集

卷之四十七

三

五要曰選進宜廣驛禁宜寬刑獄宜省催科宜
緩直氣宜振皆切中時弊經世名言長安抄傳
紙價爲之踊貴時余初登第需次銓部每讀公
疏未嘗不願爲執鞭也江陵見疏怒甚然以其
論已不欲顯斥之陽城太宰與司官議選郎池
某唯唯曰可陞以王官卽禁錮終身矣遂轉楚
府長史未之任復借察典以不謹黜之時公祖
母李母姚俱無恙公負耒躬耕以供菽水二母
甘之甚於列鼎食也課長君學羅郡中髦士與

之談文較藝發明聖賢理與士多興起者里有
義娥方十歲能以身殉主父之難公感鍾離意
高李次孫之誼爲作義娥傳又潔蘋藻步行至
墓祭之村中婦女聞其事無不泣下沾襟者海
內重公文多以幣請公悉謝絕不應卽間有應
者亦一無所受曰老親幸不乏饘粥以文爲市
余不忍爲癸未江陵相卒兩京臺省馮公景隆
等薦公遺直銓部以王官無起用例擬公以原
任主事陞郎中致仕是年六月科道官周某王
數馬集

卷之四十七

四

某等復交章薦公有旨起公祠祭郎中蓋異
數也公在祠部以分別忠邪爲已任於當世公
卿應得贈謚卹典評品甚嚴無濫給亦無吝與
甲申調儀制郎中會崇王疏請改封世子科
臣有所阿附叅內役營幹奉旨着御史鞠問
御史不逮內使不捕主家將部科吏書刑拷備
極慘毒公上疏言世子封爵應改禮官體統當
全吏書無罪事遂得釋時各省鄉試御史監臨
得與有司閱卷定去取頗開弊實公條議宜復

舊制遣廷臣往 上從之至今著爲功令乙酉
改光祿少卿尚方玉食半爲諸璫侵漁公極力
裁抑毫無濫與丁亥改翰林院提督四夷館太
常寺少卿旋改左右銀臺戊子陞光祿卿時大
璫張鯨弄權作威其弟書紳領金吾緹騎以緝
姦爲名收捕平民恣行拷禁死牢獄者無數給
事中李沂發其罪狀廷杖幾死削籍爲民公上
疏數鯨之罪理沂之忠觸犯 聖怒幾蹈不測
賴 上素知公忠竟不加譴聞山東大饑貽書

數馬集

卷之四十七

五

長君謂人方餓死吾家何忍獨飽當推其有餘
以與親戚鄰里共之於是發庾中藏由親及疎
以次賦粟豆區釜鍾人人沾洽已丑遷太常卿
丁祖母艱承父之重孝同令伯喪葬備物動合
禮制服闕巡撫宋公奏起公有孝踰今人行高
古人之許人稱實錄壬辰起爲大京兆尋晉廷
尉小大之獄讞訊公平參酌情法民稱不冤視
事四月遷少司馬兼御史中丞出撫河南值歲
大祲入至相食 上遣太常少卿鍾化民齎數

十萬金往賑公與之同心共濟散必實惠人必
赤貧金錢不足益以廩庾起死人而肉白骨難
以谷量會河患大作濱河居民多沒於水公親
乘城集小艇拯之又與藩臬大夫多方擘畫溺
死者有恤出於溺者有賑發庾留稅民免魚鱉
皆公之功也癸巳改戶部左侍郎而姚太夫人
訃至公哀毀不自勝請于 朝曰微臣有母病
不得侍湯藥死不得視含殮今若不卽奔喪臣
生不如死 天子悲憐其意下銓部議許免候

數馬集

卷之四十七

六

代以伸孝子之情於是茹荼飲泣晝夜奔馳抵
家倚棺大慟晨昏上食如母在堂旣葬拜奠悲
泣墳土爲濕制滿撫按奏薦而倉場侍郎之
命下矣時軍旅數興廩庾匱乏公樽節劑量師
得宿飽異時度支司屬督庾權關于外者歲時
遣人問遺間有受者至公受事則相戒無敢以
筐篚至其門三年考績 恩榮施及四世如令
甲壬寅晉戶部尚書邊鎮缺餉軍士往往脫巾
疏請發 內帑金錢百萬不報復疏借太僕寺

馬價 上報可是時！使四出開礦榷稅資民復教以發塚毀廬没人貲財有司稍與之爭輒疏奏逮繫海內重足而立清源楚滇不堪其毒有攻圍稅署殺四十餘人者有縱火焚燒中使爲燼者有翦其羽翼盡付江流者公屢疏請乞撤回中使大都謂邇來東征西討海內蕭然自礦使出而百姓苦甚于兵稅使出而百姓苦甚于礦姦内生姦例外創例窮天地之產豈無盡日實府庫之藏寧有足時畢竟利歸羣小怨歸數馬集

卷之四十七

七

朝廷臣不忍以 高皇間關百戰之天下壞于姦人之手凡補牘而進者數十次痛哭流涕心血盡嘔 上雖不聽然亦頗有寬貸云時方有典禮之需買辦雲擾金花珠寶宣索數百萬金急于星火公抗疏請減屢煩 詔旨切責司屬公以身任之曰司官無罪錢糧出納由臣譬之一家臣其家督也天威浹至百譴自甘 上爲之霽威嘗因病在告遣中使問疾直至臥内公首一氈巾極其垢敝一榻之外破絮兩麓二三

幼子衣澣濯布衣戲于其側中使以聞 上爲之一笑屢出 溫旨慰勞曰知卿苦心曰卿立法精明詳密曰覽奏甚善蓋 上於廷臣中惟以清許趙尚書李侍郎二人李則余鄉大學士廷機也公慮俗尚奢侈與諸大夫約崇儉朴者三曰冠服曰宴會曰交際慮閭閻困苦與郡縣約敦實政者十有二曰議里長議庫役議斗級議富民議夫馬議保甲議差遣議行戶議贖鍰議徵收議戶名議官解諄諄乎欲挽士風吏治數馬集

卷之四十七

八

還之于古其用意深遠矣舊例海內水旱饑饉撫臣奏報蠲賑改折必有 旨下部方咨御史臺行巡按覈勘 上旣倦於覽閱疏多畱中公從便宜以撫臣所遺揭送御史臺行勘勘至卽具疏以 聞多得請者蓋饑民望澤甚速豈能久待以揭行勘實自公始也三年考績 上賜羊酒鈔錠改贈大父父俱尚書大母母俱夫人妻贈如之 楚藩假王議起有 旨廷臣會議公以呂羸牛馬史冊所有然楚王封三十年異

時郡王有爭立者曾行撫按勘問不聞詆爲王氏子也且安可效豫章起東昏於地下瀝血以試之乎書一赫蹠付禮曹欲留之以俟公評蓋老成慎重之意而詆之者遂以公曾傳楚爲楚王所厚故庇之不知公固未嘗至楚也甲辰銓部乏人上命公署篆公四辭不聽乃入部視事大計外吏黜陟平允權貴請託一無所徇至於崇獎恬退推轂廉吏惟力是視蓋欲借之以風天下山西巡撫缺公推同卿某固昔因借

數馬集

卷之四十七

九

馬價上疏詆公者也客曰是非與先生爲難者乎公曰吾知其才堪此官耳疇昔之事固已忘之客大慙服妖書事起科臣某羅織縉紳中以奇禍舉朝凜凜莫敢櫻其鋒公借年例外補之人心稱快然主覆楚者亦以妖書被逐狼狽去國人頗憐之其黨不能無望於公而公又素持清節爲貪夫所側目於是以微文刺譏者日至公乞歸省墓疏凡四上乞休疏凡二十餘上而上重其去每以溫言慰留公以死自乞移出都

門又移至通灣欲待賜玦以全君臣之誼終不獲命然後歸家歸則隱迹村莊茅屋數椽脫粟自飽故友至者時與對榻共食此外課子讀書而已先喪父時貧無以葬貸里中知交四十金至是其人已故子流落他鄉公使人物色求之既得則傾囊以償其子驚愕大出意外一日故人相訪爲具食友衣敝覺有寒色公解所衣綈袍衣之雖無兼副不敢有愛又嘗割腴田以贍宗族分俸金以婚鄰子高誼藹然可惇鄙

數馬集

卷之四十七

十

薄然而視躬廉潔始終一致則雖千金在前不一眄也太倉王公稱爲長安伯夷殆不妄云黃克纘曰余讀平準書見漢武征伐四夷財用不足孔僅桑弘羊爲大農置均輸鹽鐵官令吏坐市列肆販物求利何其鄙也唐劉晏號善理財鹽權二事實因平準遺法惟能知所以取而人不怨知所以與而人不乏且謹察州縣災害蠲除賑救不使流離死亡是爲賢耳公爲司徒國家帑藏已爲前人靡費殆盡而關稅鹽筴又

賄餽於諸璫所入無幾公斤斤守成法量入爲
出不肯加賦於民遇饑荒未嘗不賑貸是操何
術哉中官口含 天語取用無度公常堅持不
與一事所省可數十萬金視取之於民孰難孰
易而 上又以公平日清忠甚禮重之中使之
讒不能行故公司計八年未嘗如今日之困也
噫人臣爲國任大投艱其在素所樹立哉其在
素所樹立哉若公者所謂社稷臣非耶公自幼
至老未嘗臥病一日小不快奄然告終歲乙卯

數馬集

卷之四十七

士

正月十五日也享年七十有八配夫人孟氏先
卒子六人銘曰 岱岳降精其人若礪觸忤權
姦志存匡世出處進退冰霜是勵以道事君倦
倦獻替蒿目苦心總爲國計天子知公爲臣不
易銓曹攝政楚宗持議老成逃慮少年懷袂遂
慕鴻冥翩翩遠逝華不注東生平所憩爰採芝
朮而衣薜荔天不憖遺溘焉蟬蛻宅斯幽宮從
彼伉儷魂魄以寧昌厥苗裔

資德大夫正治上卿巡撫雲南都察院右

都御史兼兵部右侍郎加一品俸毓台陳
先生暨配夫人趙氏墓誌銘

先生與其生同里閭而長八歲某爲諸生時先
生已舉孝廉迨登第而先生爲御史筮仕壽春
先生以直指使者臨之得奉教令稱屬吏激揚
典行於州首薦某遂爲門下士晚歲先生罹禍
下司寇獄竊不自度上疏爲先生訟寃忌者使
人攻之歸家待罪未幾再出先生以書往來不
絕如是者三年而先生沒矣茲將就寃安其子

數馬集

卷之四十七

士

金吾伯仲使人以狀至陪京令某誌其墓某不
能白先生之寃於生前而忍負先生之託於身
後乎彼如河興誓厥目乃瞑墓樹挂劍片心相
許者獨何人哉誌曷敢辭按狀先生世居泉城
之北門祖贈御史大夫 公娶贈夫人 氏生
贈御史大夫 公實爲先生父娶累封太夫人
許氏隱同冀野敬擬如賓將誕先生時夢三羽
士抱一兒手持一印昇之遂生先生人皆以爲
貴徵先生生而穎異及出就外傳贈公益擇名

士爲之師自食脫粟而束脩饋饌必求豐潔不以匱乏爲辭年二十五舉于鄉三十一成進士授長洲令邑爲三吳都會縉紳財賦甲于天下習俗侈靡欺詐百出先生平其賦役理其獄訟抑其紛華內和鄉紳外禮賓客卓有聲稱徵入爲西臺御史出按河東鹺政時久雨池溢鹽課將虧先生禱于中條山雨卽立霽素波生花萬頃浩然但苦無薰風復禱于神風卽立轉鹽爲凝結常課之入倍於往年鄉紳咸神其事先生

數馬集

卷之四十七

三

曰此有何神但偶然耳事竣所薦墨綬長吏首嵩令長垣李公卒以功名顯官至少保大司馬稱得人云改按淮揚兼督學政江淮多猾吏陰操郡司理權每司理遣人刺州縣事至則迎入其家卑官富人奔走盈門不行賄者立中以禍民甚苦之先生密令郡縣踪迹此人得鳳陽吏孫閣爲四郡巨魁寘之法其風漸息校士嚴而不苛公而且諄所取如寶方伯子每張銓曹世材趙閩縣時用起家甲第多以廉吏著稱時某

守壽春每進見輒教以馭吏安民還朝首先推轂其評語有云勞怨寵辱不避文章氣節俱高某雖自度不足以稱之而知已之感不能忘也疏中薦一謫官忤江陵相意遂出叅蜀藩歲餘遷副浙臬轉叅政廉憲俱在浙秉持風紀整肅吏治民以安寧時倭報屢聞先生靜以鎮之修備講武郡邑宴如也遷楚右方伯不數月卽遷右僉都御史巡撫雲南雲南舊貢金四千兩科臣王德完疏乞停買奉旨反增一千兩先

數馬集

卷之四十七

古

生請仍舊額疏甚懇切竟不報緬賊號召猛別猛養諸夷分道入犯占據蠻莫先生授畫于叅將王一麟等迎擊之先後斬獲一百二十五人賊始退屬夷多僉父子通緬背叛引緬兵至隴川又勾丙剽兵入遮放搶掠先生授計于叅將吳顯忠令木邦宣慰罕欽爲朝廷宣力除門庭之寇且以自衛木邦聽命發兵陽助多僉遂於馬上刺死其子多亨殺僉及其子多洪曩面以首來獻三宣以寧事聞賜勅加獎有白金

之資又念金騰永昌間屢被緬患乃議于銅壁諸處設險屯守創建爲關者八爲堡者二募兵民屯田其中歲收米九千九十餘石以養兵大省轉運之費二十四年緬賊復糾猛密思仁丙測猛養等夷二萬衆欲吞蠻莫以窺思化先生遣叅將吳顯忠守備張光胤等發兵同思化往援賊知有備遁走我兵追至怕黨思仁丙測迎敵大敗陣斬丙測生擒緬賊十六人斬首十九級戰象三隻馬三十六匹捷聞奉 旨晉秩右數馬集

卷之四十七

五

副都御史賞銀三十兩大紅紵絲二表裏是時滇南威令行於外夷車里老撾木邦猛密八百等宣慰司先後遣使入貢象隻方物九國始皆附猛今盡歸順雖班定遠之令行三十六國何以過之大侯州上官奉赦世守其地其族奉學分管雲夢等十三寨謀奪州印連結順寧府土舍孟獲之後猛廷瑞興兵攻奉赦焚州治及所賜勅書發其墳墓燬瀾滄雲龍二橋先生上疏欲令廷瑞執學贖罪不從則以兵臨之 廟議

許先生便宜行事鳳等益肆乃調兵遣叅將吳顯忠都司麻鎮先攻奉學破其數寨學走歸廷瑞顯忠等兵抵順寧金騰道副使邵以仁監顯忠兵署瀾滄道臨元叅政李先著監麻鎮兵廷瑞計窮乃斬奉學首獻之先著然恃字宗兵來援負固不出顯忠襲字宗兵於沙麻破之得嚮導由中路而入二晝夜抵順寧圍廷瑞于洛黨寨廷瑞乃遣先著黃金百兩白金六之先著受而發貯屬縣庫令人持黃旗書奉 旨撤兵四數馬集

卷之四十七

六

宇復躬至順寧謾罵顯忠令其撤兵圍旣解而廷瑞遂入據觀音山張直指行部永昌適與事會上疏劾先著受賄縱賊先生難於異同以疏繼之然詞多委曲有 旨撫鎮官協力共勦乃遣麻鎮吳顯忠等復調兵四路攻之擒斬二百七十餘人廷瑞遁入洛黨獲之順寧平乃改土爲流設一知府而奉赦則仍知州號改州爲雲州設一州同與之分理無何十三寨復叛又討平之時先著奉 旨逮問至京行撫按勘明未

擬罪病卒詔獄而先生奉 旨陞右都御史兼
兵部右侍郎照舊巡撫廕一子錦衣衛百戶世
襲賞銀五十兩大紅紵絲四表裏後以平十三
寨功又陞俸一級賞銀四十兩紵絲三表裏原
廕見男陞一級世襲先生雖屢被 恩賚然先
著之黨因其病死怨深次骨矣採權使出中官
楊榮入姦民明之屏計使人通蠻莫道欲開寶
井緬賊阿瓦遂執以爲詞使其酋雍罕權衆十
萬犯蠻莫稱漢使令我殺思正以通蠻莫路吾

數馬集

卷之四十七

七

焉 天朝除害先生上疏謂蠻莫三宣之藩籬
也三宣騰永之垣墉也蠻莫失必無三宣三宣
失則無騰永全滇之禍當自開寶井啓之欲覲
寶井則藩籬必撤欲保藩籬則採買當罷語甚
切直 上不能用楊榮欲羅織立威廣受姦民
李成林等告詞誣執把總尹希舜等截買寶石
富民郭之翰等買地獲金加以嚴刑索取黃金
動至千兩禍延數州縣俱樹幟激變先生上疏
歷數榮罪有害死李提舉史通判龔同知等事

請拘其羽翼爪牙盡寘之法速將礦稅停罷榮
身被重劾者屢矣而疏皆留中益恣肆無忌將
指揮梁棟無罪拷死又將指揮樊高明刑責荷
校致衛官賀世勲韓光大及梁棟之子梁臯門
等乘小民激變各執刀劒排墻而入將榮殺死
付之烈炎中先生具疏言其激變之因分別情
罪請 旨定奪 上誅賀世勲及亂民張守志
等四人滇以復安然 上心以先生不保全稅
使眷亦少衰矣是時先生撫滇已十數年功成

數馬集

卷之四十七

八

名立念太夫人春秋最高久不在膝下時時悲
泣乞身歸養凡二十餘疏 上皆勉留之無何
而阿克之難起矣阿克者武定土官鳳朝文之
裔嘉靖初年朝文據府以叛尙書伍文定督川
貴兵平之隆慶間鳳繼祖復叛巡撫呂光洵鎮
臣沐朝弼會兵討之三年乃克改土爲流萬曆
三十五年鄉官鄭舉恨知州黃榜常繩以法欲
死之遂謀鳳氏孽孫阿克起兵復土宇知府陳
典知其謀攜印避入省城郡遂陷所屬州縣皆

被殘破克等率兵長驅至省城焚掠民居烟焰漲天索武定印甚急先生與鎮臣司道咸集于城樓城內士民環跪泣請謂郡已破矣印乎何有捐數寸無用之印全數十萬生靈之命輕重得失智者宜知所權時徵兵於祿厚安紹慶元江諸司倖難卽至恐城中有變不得已從士民請藩司遂出印與之賊退兵集乃聲罪致討師分五路戒殺戮以收民心明賞罰以勵士氣收復三城擒其渠魁十二人克舉計窮遁入東川

數馬集

卷之四十七

九

大兵從後躡之土酋祿壽祿哲等懼代鳳氏受禍乃執克舉以獻是役也朝廷慮滇南失守起劉綎于家使入滇殺賊行至楚而賊已平又發問寺金五萬兩以佐軍興比至已無所用之乃留作貢金之費事聞朝議欲獻俘宜捷時通州方市權用事以李參政係其同年且同居京師欲爲報仇遂令其私人連疏攻先生當事者意有所憚止大司馬勿宜捷遂不得援議功例徵先生與鎮臣下司寇獄以棄印罪之上知先

生冤疏留中第以稅使故緩其恩貸時縉紳多心知先生功足蔽罪莫敢訟言救之誠畏通州黨一倡百和聚蚊成雷也獨某謂先生不貴內帑一金不召內地一卒平此大難若使他人入滇平之其賜爵行賞當何如張大其伐也且棄印律意重在有心棄毀彼捐印紓難徐圖討罪心在爲國與顏杲卿受安祿山金紫何異豈可加以重罪疏上而通州黨李朴輩遂羣攻某矣賴上聖明不爲動嗣是金吾君上疏乞代

數馬集

卷之四十七

十

父繫獄疏下部竟無人敢主其議繼公撫雲南周敬松公詢之士民知滇人甚德先生憐其無辜繫獄請于上乞貸之竟不報公在請室數年每誦退之琴操臣罪當誅天王明聖之句以自寬解日取叅同契金丹正理諸書玩味紬繹若有所悟一日謂錦衣君曰吾今年必出但未知何如出耳無何疾作司寇李公許移出于外治疾遂不起錦衣君以其喪歸獄中所著有悟真篇註疏還真大指大道指南道德經契心錄

遂初筆記三大難說方藏之名山以俟知者
封恭人贈夫人趙氏武榮趙翁女翁以長者稱
于鄉素奇其女曰是必爲貴人婦不輕許人一
見先生于垂髫大異之曰此真吾胥也遂許之
及歸先生爲陳家婦代先生主家柄時舅姑在
堂而許太夫人性素嚴能婉婉承順得其歡心
或以他事有所愠必長跪以請得其和悅之色
乃起時先生二弟尚少從師受學中饋縫滌婚
娶之事皆倚辦於夫人夫人內供甘旨外理家
數馬集

卷之四十七

主

務井井有條嫁時衣飾盡之於師友供給毫不
自私及仲叔長一習武從武試一習文爲諸生
其弓馬筆研道途資斧之費咸仰給於夫人仲
後仕爲樓船將軍夫人實成就之與二妯娌同
居數年雍雍如也從先生遊宦長洲每辰輒勗
先生起視事曰雞既鳴矣此地衝繁賓客輻輳
非夙興夜寐則縣事廢矣歷遊吳越地多奇異
服玩夫人一無所視澣濯之衣服以於身撫二
子雖極鍾愛而教以義方申以孝悌示以節儉

但能克紹箕裘國敢少逸禮法之外稱翩翩濁
世佳公子云晚將從先生入滇心念太夫人耄
矣雖有他婦及諸孫在豈如老婦乃爲先生置
側室杜以往將俟先生安杜而已歸養待杜有
恩膠木小星之詩願綏福履罔嘆不猶於杜有
焉季子斗臨則杜出也夫人以道遠未得遽歸
念姑不已鬱鬱成疾卒滇人聞其喪歸若喪慈
母深山窮谷之老持隻雞斗酒奠送道傍者累
日不絕至是與先生合葬墓在清源山後南山
數馬集

卷之四十七

主

之麓青烏氏稱吉壤云黃克纘曰怨毒之於人
深矣哉三長史怒而御史大夫死梁松拜於床
下而伏波將軍被謫以沒睚眦報矣而命亦不
延遠者無論卽如鄭舉之叛激於黃榜先生之
禍萌於臨元蓋私怨之爲禍烈也夫一人之命
何足控搏顧國家功罪之典一旦倒置令誅
亂討賊者與叛逆之人對簿受辱是爲賊報仇
也忠臣義士其誰不解體今遼左多難有罪無
功者尚得免死獨使先生抱不白之冤此李將

寡所以到身絕域不忌向刀筆吏使弄其文墨
也悲夫乃爲之銘曰 名不虛立才不虛生羽
人抱送兮公降桐城公來烏棲公去烏飛西南
建節兮臺柏依依功爲福府兮亦爲禍門棄功
論罪兮憤溢乾坤君以此始必以此終夢印而
生兮捐印道窮陳爲姚胄趙乃宋裔媲美合德
兮用昌厥世南山之南清源之北夜臺永閉兮
旻作壽域

數馬集

卷之四十七

五

數馬集卷之四十八

溫陵黃克纘紹夫著

誌銘

通議大夫巡撫山東都察院右副都御史

右川劉公墓誌銘

萬曆辛丑孟秋八日巡撫山東大中丞劉公以疾卒于官諸吏民相率入哭如喪考妣越三日公嗣弘滋等含淚向某言曰先中丞無祿溘焉謝世蓋臥病半月惓惓以東人爲念季夏之晦

數馬集

卷之四十八

一

猶以天時亢旱使藩臬諸大夫禱于山川此諸大夫所知也疾甚無一語及他事惟曰誌我必以黃方伯文此君知我某從丙申歲以楚藩叅政公以蜀右方伯俱入賀一見如舊識迨公領齊藩則某爲齊臬長又爲齊右丞皆同事公既開府于齊某卽以左丞代公凡公之一政一令一言一動無不奉爲師保存之肺腑者誌其敢辭公姓劉諱易從河南汲縣人登嘉靖乙丑進士初知威縣以才堪治劇調遵化縣遵化古漁

陽邊地兵民雜居公循循有法恩威兼著頑民尹上山數暴橫鄉里逋負官租急之則保險且出塞前令數人不能制公密使人捕至寘之法一縣驚服無敢梗化者邊將縱其麾下兵妄奪民馬民訟之兵執爲已物公令縱於通衢使人隨馬所之馬入民家乃杖兵數十其處事神明皆此類也趙邸宦者武進朝醜弒趙王逃入京藏于大璫家司寇失刑十餘年矣朝故邑人數潛回家公使人微捕得之遂伏法在縣三年政

數馬集

卷之四十八

二

異等遷南度支郎度支財賦出入吏胥增減其數莫可究詰公立出入二簿入則按州縣所輸之數載之白金百爲一封計若干封若干鈔爲圓爲楮者各若干以甲乙次第之載于簿出則云年月日爲某事或給某人金若干亦以所出之先後爲序別書一赫號置于篋中如簿出入之數遇有稽覈卽以二冊合之雖千百萬可頃刻而按其多寡也今山東藩司出納猶用其法云在南度支二年政清尚書才公薦于朝

改北度支郎轉餉江南公往灌輸如期遷兗州
太守兗州當兩京子午道所統州縣以數十主
爵者難其守以畀公蓋才選云到兗數月政聲
籍甚以艱歸庚辰復除武昌守武昌爲楚一大
都會親王分封地面江背湖民俗剽輕奸訟
多盜公以嚴明清淨爲理楚府閹人郭倫以貲
雄于郡常以餽遺結郡守驩陰持其短長多所
請寄公一無所受卽蔬果之遺亦竣卻之閹人
爲之斂手全楚十五郡大辟疑獄有難決者悉

數馬集

卷之四十八

三

以屬公時江陵張相秉國以刻深爲務公獨濟
以寬大諸他奇比入人罪者悉平遣之御史某
爲張私人多取楚中贖錢以餽張爲名陰入私
家至空十四郡帑獨武昌無所取蓋憚公正直
云某郡節推某負張聲勢較轢諸太守傲然處
其上公曰爾果憤何敢爾而叱之不假詞色諸
叅佐咸稱快焉居楚三年以循良異等遷遼左
兵備副使治寧前寧前在山海關外爲全遼咽喉
右甌脫葉地左海壖中溝而爲道以通往來

數十里一城數里一斥堠猝至則登斥堠以
避舊多壘土爲之仰攻輒壞執墩卒生口以
去公至悉更以石堅而且高於是行人財賦往
來稍稍免患小人收保不與戰時其情歸
邀擊之多得首功增俸二級自是敢犯寧
前乙酉秋遷叅政治寧前如故公在遼左久爲
風雪所侵遂移病乞歸歸則與野老故人徜徉
淇水上營菟裘將老焉忽有命起公隴右叅
政旋遷臨鞏按察使西素強勁難制然有蕃

數馬集

卷之四十八

四

夷爲吾藩蔽居塞下我以茶馬中之使爲耳目
舊時治兵使者多爲吏胥商人所愚雜以廣茶
失蕃族心構爲患公至大布威信易馬必以
善茶蕃人悅爭以動靜告由是不得逞遠
出塞外就水草牧畜邊將有輕窺及渴賞士多
欲出師夜斫帳公怒曰彼不吾犯吾奈何自
開其端且馳數百里入不測之險人馬倦敝彼
知吾謀陰爲之備吾數千人有遺類哉邊將乃
不敢復言出塞及公遷去繼公者感其言出師

數千殲焉竟如公料乙未遷蜀右方伯明年奉表入賀丁酉遷山東左方伯時倭夷犯朝鮮調兵往採羽檄交馳至遣大臣督餉半責之山東公造舟轉餉歲餘輸三十二萬石悉留度支正賦及州縣所積常平穀以充海運民藉以安議者又謂山東三面阻海與倭爲鄰宜增兵防守遂加歲餉至三十五萬金公悉心區畫罷不急之費裁諸冗役以其雇直充之又言于巡撫中丞請留應解度支贖鍰及令吏民輸粟爲郎

數馬集

卷之四十八

五

吏者得盡留以佐軍興民力稍寬已亥夏朝廷命公卽撫齊師錫以節鉞公視事首以三事約束有司曰無罪外科罰無濫用重刑無利徵輸羨金三事咸齊中吏治大蠹故首禁之先是中涓榷稅清源者縱羣小魚肉吾民商賈罷市貧民無以餬口因激變殺傷數十人有旨捕首惡甚急主者惶懼業捕繫數人猶以爲少公謀于續曰此事多逮則無辜受禍少則上不允奈何續曰民心方搖上意在戢安不欲

殺無辜公乃以目繫郡縣一人應明指其餘盡出之疏入報可全活甚衆中涓見清源屢有輩語將不利于已懼禍不測乃上疏言風俗狃悍市虎縱橫乞勅撫按禁戡陰爲脫罪地公上疏斥之云市虎縱橫皆某所用私人攘臂搶奪者某之委官縱火殺人者某之厨役彼疏中語非狀人皆自狀也因歷數其受投獻開告訐索機戶辱人婦女借商人金數事疏留中然中涓自是亦稍戢會倭夷遁歸東方解嚴

數馬集

卷之四十八

六

公檄司道汰減內地兵歲省餉二十萬是秋不熟民饑檄有司出倉穀拊贍貧民多設粥計口給二餐至麥秋乃止活民以百萬計凡畿輔流民就食南方者所過有司給粥如東民又請歲輸臨清德州二倉糧悉改輸白金時米價踊貴一石率一兩三四金有奇而改折僅以八錢省民財以十數萬計由是歲荒不爲民病山東故有二稅使其一兼採礦金尤陰毒驚悍往往開告密民間有私怨或叵賴于欲局取人財者卽

以盜礦漏稅誣之下州縣捕治無不傾家喪身者公檄州縣今後中涓逮人無得畀仍捕訟者重治之蓋杖十數人而赴中涓訟者遂止濮州人故御史祝某身沒無子繼嗣亦亡族有青衿祝維誠與爲人後不遂訟之中涓願以御史家財盡籍入官中涓逐御史妾出其宦中裝及田產居屋悉鬻以獻公上疏劾之云陳某所司礦稅理詞非其職也乃長告訐之風開投獻之路虐無告而禍孤寡且一介好修之士尚視不義

數馬集

卷之四十八

七

若免况尊爲天子富有四海何藉一嫠婦之財書之史冊謂皇上何如主言甚切直不報姦民某上疏言山東六郡歲榷商賈可得六萬金中涓卽遍樹黃幟用亡命少年數百人四出榷稅民持尺布斗米入市無得免者甚至牽牛蹊田亦以爲市牛而逼之輸稅於是民情洶洶咸思一逞公不得已檄藩司議以州縣大小爲差用三等輸稅得四萬金又泰山香楮錢原充公費者可樽節萬餘金其餘以額解司農者足

六萬之數疏再上乃得報稅雖如故然徵于有司而中涓所遣者悉取回且議去州縣歲解馬騾各二匹所省亦不貲時山東採礦已久山崩谷陷而礦脉益竭州縣有培塿如山形者中涓皆指爲礦勒長吏派夫開採而取其募直以爲礦砂錢業已誅求無餘矣姦弁張傑復上疏以未盡礦利進說於上冀得中涓收用公上疏請斬之其略云陳某開礦今已三年何處不親歷何處不訪求卽先聖廟宇諸生墳墓且欲開

數馬集

卷之四十八

八

之肯留不開餘利待張傑續開耶迹傑之意不過欲借此吞噬百姓如原奏官魯守約之爲是前之信犬貪狼方飽欲而去今之饑鷹餓虎又礪爪而來東人何不幸至此極也疏上不報然所奏續開之地亦得停止大都公惠政在東人更僕未易數而裁抑中涓禁止告訐保全東人尤多其大政則獎循良去貪墨正已率下秋毫無所染束脩之餽不出境幣帛之使經年不入都門亦近代撫臣所希有也昔陳寶亡而林崇

哭伯喈亡而孔融哭安石亡而羊曇輟樂彌年
至不忍由西州路古人于名臣之沒極其哀慟
若此蓋上爲國家痛而下爲知己感也公身繫
東土安危關國家重輕而續又辱公知最深
每一念至未嘗不痛哭流涕也嗚呼人之云亡
邦國殄瘁今古興哀豈有異哉公先世晉陽人
曾祖英方徙居衛之汲縣世有隱德祖鑑贈山
東左布政使祖妣劉氏贈夫人父仲德封戶部
郎中累贈山東左布使母袁氏封孺人累贈夫
數馬集 卷之四十八 九

人娶潘氏封孺人累贈夫人繼娶李氏累封夫
人潘夫人先公二十餘年卒初夫人父大叅公
識公于髫年許以女而教之如子及大叅公沒
公爲服心喪三年鄉人咸謂大叅公能知人而
公不負所知也公生于嘉靖乙未年十月十四
日辰時卒于萬曆辛丑年七月初八日子時享
年六十有七計聞朝廷傷悼賜祭葬如令甲
子四人長弘滋庠生次弘濶弘澤弘淑弘滋等
將葬公于先塋山之原克續乃以平日所聞

公言及得之覩記者次第其事爲公誌且銘之
曰矯矯中丞高標秀出于頃汪洋百仞舉偉人
或徇華我獨務實循良之政漢吏爲匹再守疆
場風塵寧謐不貪邊功寧事詐譎旬宣蜀齊民
隱是恤百城之吏正已以率仗鉞臨戎姦宄斯
誅城狐社鼠不寒而梟彼內顧者凜然自失流
離之民保其家室出之餓莩起之痼疾坐公春
風曝公冬日丈夫蓋棺萬事始畢如公大節遺
芳史筆顧我何人而公是述巍巍新阡卜筮云
數馬集 卷之四十八 十

吉公往居處大塊我逸

先府君暨先母墓誌銘

先奉直府君宜人謝世時不肖孤兄弟方在齠
年遭倭亂久不克葬不孝之罪上通于天邇微
先世餘澤續猥厠朝列奉使過家乃卜壤以襄
大事祖載有時矣謀所以誌者伏念古今閭巷
乏人奇節瑰行多湮滅無聞惟借譽於青雲之
士則聲施後世又私自念人子隱先德弗彰罪
也言浮其實而使長者疑之恥也若據實而自

志之雖不文何病府君姓黃諱某字敦廉世居
晉江二十都之沙堤村曾祖嚴齋公始遷居梅
林以長者稱祖坦齋公字啓方謹身修行都人
稱爲佛子某子甲以節俠豪閭里凡遇行輩必
挫抑之坐已于上而坐客西向獨敬坦齋公禮
爲上客不敢傲也父素菴公以易經教授海濱
足迹未嘗至城市子二人長爲鄉飲賓梅川公
諱潮次卽府君也素菴公舉府君最晚鍾愛甚
授以書三四讀卽成誦然無柰體弱及冠輒使
數馬集

卷之四十八

十一

廢書曰吾不忍以此相苦也府君雖棄舉子業
乎然喜書不倦尤嗜左氏春秋及漢書三國志
每至古今成敗輒撫書嘆曰是其計畫有工拙
非獨天意也壯年以勤儉起家駸駸至千金然
性喜施與鄉人以旬貸至者隨所欲應之不以
囊空爲解不以暮夜爲辭雖時有負者然終不
以其故廢貸居父母喪焦毀逾禮素不習堪輿
家言居喪讀雪心賦地理真機諸書默悟其旨
遂遍歷邑中諸山得吉地于仕林山之原葬焉

今薦紳家談墳地者多稱之蓋府君所自卜也
居家孝友事兄大賓公如事父從兄諱淵少孤
家日拓落府君與伯氏先後之以身代輸賦役
者沒世不倦叔母吳十七而寡孀居六十年府
君兄弟高其節行而傷其貧苦也爲之治棺衾
營宅兆以送其終不曰若固有子云中遭倭難
濱海無寧居乃與伯氏謀曰是先人之廬墓在
不忍棄去兄可卜居郡城弟將就衛城而托處
焉於丘墓爲近無何而倭夷大至先廬爲墟永
數馬集

卷之四十八

十二

寧不守然猶幸伯氏移居附郭得紓難於此也
倭始發時府君集里中少年畫港以守及見賊
勢猖獗乃陰令長年三老艤舟以俟及敗鄉人
被驅入海賴以全活者五十餘人有趙某者其
父曾與伯氏交惡訟於直指使者伯與父爲之
破產至是其子立波濤中垂死父遣舟人拯之
曰吾不以怨故而廢義也寓永寧有林九觀者
居鄉爲賊所執索緩死錢數十緡乃屬劍於頸
日中不至且斬以徇

屋城中無長物卽有之亦旦暮糶具也然不忍而父橫被屠戮急持之以生而父出林之厄亦既存亡死生矣然終不責償盖不肖孤猶及見其人談及吾父淚未嘗不淫淫承睫也倭夷頻年虔劉中國擄掠無所獲有點賊者教以椎埋劫子孫贖素菴公愜在發中報至府君撫胸嘆曰家破矣何以贖父骸吾生不能殺賊死且訴於帝耳仰而呼天者三大哭仆地移晷方甦竟悲痛不食旬日而死彌留執孤手泣曰若祖屍

數馬集

卷之四十八

三

在賊中吾視爲不含矣善告爾伯且徐圖之吾不能忍此痛也會有天幸賊爲官軍所困議降伯氏盡出諸婦簪珥得黃金三兩因賊所親薦賄屍竟得全而吾父不及見矣嗚呼痛哉母蔡氏十八歸父事舅姑得其歡心素菴公嘗嘆曰吾不喜中年舉季子喜垂老而得婦蔡也有從姑少失父母先大母育而嫁之歸寧失其簪珥直二十金意欲府君償之母乃盡出嫁時裝蓋以家財與府君跪而進之以全兄弟之好及先

大母沒母益治女紅勤紡績中夜不休忽於燭影中見白頭嫗呼曰夜已半婦可就寢矣盖大母也居伯叔妯娌間能敬且和伯氏教子姪嚴某兄弟無師以二從兄明復爲師憶在襁褓時兄從郡城誤與博徒遊兩兄以告吾父父扶之至百伯父又扶之矣伯兄封文林君復俟其歸扶之不已母在房帷瀾然涕下然終不以念子故而咎其姪伯母陳乃勸止之今人於從母兄弟之間有是哉不肖孤年十一時將從諸兄郡

數馬集

卷之四十八

四

城讀書念吾母不欲遠離母慰遣之曰兒不聞顯親揚名爲孝之大乎行矣半歲一歸省也先府君旣以祖父陷賊故哀毀傷生母亦憂念成疾二閱月竟不起一時家門之禍痛深刺骨不肖孤及諸弟藐然在疚獨吾兄稍長又方釋詩書不習治生當兵火殘毀之餘一切養生送死事皆倚辦從兄文林君雖於叔父無所愛然其時則甚誦矣追念往事肝腸爲裂府君宜人歿二十二年不肖孤備員壽春三載考績乃得進

恩所自贈府君奉直大夫母爲宜人九原有
知庶幾少慰孤既不能乞言名公以垂不朽乃
與從姪給諫道瞻稍撰次先人行事勒之貞砥
庶幾附於歐公立碑之義臨誌涕泣不知所云
父生正德辛未年正月二十一日卒於嘉靖壬
戌年五月享年五十有二母生正德甲戌年十
月二十七日卒於嘉靖壬戌年八月享年四十
有八子五人長克純次不肖孤克續次克絢克
維克續孫男七人道衡道衢克純出道敬道貞
數馬集 卷之四十八 十五

道昌俱克續出道昱道曙克續出墓在南安縣
三十三都上壩村石鼓山之原背乾揖吳鬱然
佳城云

奉政大夫兗州府同知懷溪褚公暨配孺
人陸氏墓誌銘

君諱國祥字徵興懷溪其別號也褚之先出河
南公褚遂良後至宋南渡遷于宜興十數傳有
福一者復遷于武進歷世旣遠譜牒缺有間矣
曾祖思智祖景咸有隱德父贈浦城縣知縣諱

湘娶封太孺人陳氏生君幼而沉潛穎悟有成
人之器年十四而贈君以築城之役死于倭難
太孺人織紉自給朝哭其夫夕訓其子俾不以
貧廢學君亦恪遵母命罔敢自怠以遺太孺人
憂無何補郡弟子員丙子登鄉書庚辰成進士
授福建寧化令居汀上游與虔潮接壤民阻險
負固不輸租稅君至爲均徭役簡詞訟日進青
衿士於庭講論經義明禮讓以風之俗遂大變
邑無逋賦舉才堪治劇徙浦城令浦城爲西山
數馬集 卷之四十八 十六

先生之鄉民俗淳朴多林麓竹木之利吏易於
染指君治以清淨崇寬大而滌煩苛雖處脂膏
皜然不滓分校閩闡所薦若干人皆一時知名
士三年報政 璽書褒美贈父如其官封母陳
爲太孺人妻孺人政日有聞矣然以拙於事上
僅遷吳興丞去之日浦城民相與俎豆尸祝之
至今不廢以斯知公論不在上而在下也爲吳
興丞治蘇湖二州界上之烏鎮葭莢煙水盜賊
出沒君至爲嚴游徼築堤岸通水利桴鼓不警

間閭晏如也先是太孺人病痺不樂從宦復以
念子故病轉劇君聞之潸然出涕曰吾非母無
以至今日母病不能嘗湯藥何以子爲遂投檄
乞終養歸歸則母子相見歡然倍往時太孺人
爲起強食病良已歲時戲綵承歡膝下者十餘
年遭喪哀毀骨立祭葬盡禮既除服杜門屏迹
有終焉之志爲親友強出補兗州丞治曹南職
主行河決宋州之蒙牆寺治水少司空急欲出
宋人于昏墊力主開曹縣之王家口不顧下流
數馬集

卷之四十八

十七

通塞君逼於督責夙夜胼胝率夫十萬人濬河
百餘里坐臥風雪中累月面目黧黑手足皸瘃
見者爲之動容河成少司空遂擁黃水而北水
至碭山界噎不流遂大決於單縣之蘇家庄凡
破一城沒二三縣地少司空先以憂死繼之者
謂河決在君所分地欲委罪於君余謂河決坐
下流未通非緣隄岸不固力採之得議調因爲
之請補登州 命未下而君輒棄官歸歸不二
月而卒配封孺人陸氏名家女其姊適須叅議

早貴孺人方與君食貧治女紅泝泝統以佐饗
殮每勗君曰君第力學勿憂不貴吾不忘夙志
而慙兒女也事陳太孺人備極孝養雖糟糠不
厭而甘旨之奉未嘗乏絕既貴隨宦能以儉佐
廉使君得一意勵清白節爲郡丞兩掛冠歸孺
人皆力贊之既無室人交譴之言且有請從少
君孟光之志君之爲孝子爲廉吏孺人咸有力
焉君卒孺人一慟而仆旬餘亦卒初君得疾謂
子應禎曰吾志行無媿古人居官不爲人所知
數馬集

卷之四十八

十八

頃以河事掛冠非吾罪也惟同年中丞黃公知
我我死則以誌屬之既卒哭應禎將奉君及孺
人合葬于某處乃遵治命介太常卿張君鳴岡
書以某官某所爲狀來齊乞誌銘余因論次其
事而傷之曰昔余讀李令伯陳情表未嘗不掩
卷泣下也以彼其孝與武侯之忠並垂不朽而
晚節仕晉乃以失分怨望爲時論所薄甚可惜
也徵興之孝不後於令伯而恬於榮進殆復過
之惜其投檄乞歸養親其文詞不少槩見藉令

君復出當 今上初政時主爵者方按羅巖穴忠孝士則九列中二千石豈足道哉而乃久淹郡丞復以河事爲他人任其咎此顏駟所以有孝文好文而臣好武孝景好美而臣貌醜之歎也若乃孺人之始終孝敬以毀殉夫可謂伉儷競爽者矣詩不云乎穀則異室死則同穴是宜銘 銘曰仕不必顯德在民兮隱非爲高志在親兮與子偕隱同心之人兮千秋地下相敬如賓兮

數馬集

卷之四十八

上

承德郎封刑部廣東清吏司主事肖軒

先生墓誌銘

續遊鄉校時與陳肖軒先生定交於槐市之間時肖軒已爲諸生祭酒蓋泉多士如林而先生遇試冠諸士者屢矣士無少長咸願從先生遊先生嘗爲余言欲工制義當讀古書六經綱目及韓柳歐蘇之集不可不寓目也余得其言奉以周旋十年成進士而先生猶困於青衿晚以子惠甫貴始封爲承德郎稍發舒其磊砢不平

之氣歲壬子惠甫持憲節治兵武定余以司馬中丞鎮東土惠甫來言曰亮采二親耄矣離子舍已七年願棄官歸養余曰歸養孝也然君有諸弟在例不得歸惟因入賀 聖壽便道歸省其可乎故事山東入賀俱秋去秋旋近畿故也惠甫請得以季春行先歸定省余不能奪與直指使者議從之抵家先生猶善飯無恙謂惠甫曰小子備官得因公典而展私慶澤厚矣宜速行於是惠甫馳至都下 祝釐畢晉祭東粵

數馬集

卷之四十八

二

政乃請於 上願致旬宣事伸烏鳥之情旣得請而先生之計至矣惠甫奔歸雖無及含歛猶幸前是歸省音容如在也涕泣思慕治命是遵於畢喪日營窆窆將葬而請於纘曰亮采休官不早以簡書誤將父抱恨終天今圖所以報罔極者惟有夜臺一片石托名公碩儒之言可垂之不朽耳惟先生圖之不佞念兩世論交誼不得辭而生平不能諛墓又惠甫所深信者乃爲之誌曰陳之先世居泉之舊門頭至宋末宣教

郎夏始遷于安平鎮好義尚俠爲海濱推重稱其家爲門頭陳氏五傳至瑞州君彝舉景泰庚午鄉試爲安平開科之始人因稱爲文頭陳氏蓋榮之也彝生欵欵生佐佐登正德癸酉鄉試歷仕爲海康荔浦二縣令有廉聲致政歸卽先生父也荔浦公舉先生晚愛之甚見其聰慧嚴毅知非常兄然憐其弱而善病戒勿苦學而先生每篝燈下帷障蔽光明不使家人知之嘗從塾中構一制義歸置之几上荔浦公見而喜曰

數馬集

卷之四十八

主

此子也才蔡公書籍不爲王燦有矣年及舞象益博覽經史涵泳道腴所爲文雄深雋永脫去塵俗浮靡之習縣令錢鶴軒公東吳名士也里選得其文大加稱賞拔置第一謂必老於佔俾者及見乃弱冠髦士驚曰何物少年而博雅乃爾耶直指王又池公觀風泉南於郡庠得公文持示監司曰是子天才瞻麗閩士寡二矣泉中制義舊以宋儒爲宗禁用史漢奇字至胡二溪先生始尊尚班馬初試得先生文弗善也及合

八郡士總試之限以辰入午出而論以楊雄清淨寂寞爲題先生頃刻數篇立就一論纒纒數千言令咀史漢菁華大非青衿吻中語乃大驚曰始吾羅網士以爲士盡於此今乃從風簷寸晷中得此異人不敢復相天下士矣先生九試鄉闈垂入彀者再而皆見遺怡然以命自安曰是區區者而造物不余畀余且奈何然以吾父之才猶艱一第余何望哉居父喪哀毀骨立幾於滅性三年不入內室喪母躬負墳土攀樹悲

數馬集

卷之四十八

主

號感動路人荔浦公宦途坎坷嘗客維揚數年授徒富室得數百金歸作餽口計先生輒盡費之於馬鬣其餘以嫁幼妹至益以安人奩粧無所愛也嘉靖之季倭奴入盜沿海諸郡諸親戚以急抵者負橐擔箱集於先生舍門爲之噎安平人素商海上所寄多金錢珍寶捲握之物可富數人寄者後多死於兵或死於疫而妻子兄弟不盡知先生皆呼而還之秋毫無所利王忱置金於棺下雷義付金於縣曹以公方之古今

人豈甚相遠至於兵火流離親戚貧而委命者
先生絕甘分少賑其飢餓拯其疾疫賴以全濟
者甚衆咸曰無少軒則索我於枯魚之肆矣荔
浦君有門人來令南安每入郡必造先生而先
生固匿不見人疑先生効司馬相如與臨邛令
謬相重故爲不得已疆往狀欲使一坐盡傾耳
然終令之世竟不肯以一事干之乃知先生固
未易衣食人也惠甫爲湖州守以均田獲罪當
得貶秩先生貽書慰之曰均田惠政也吾懼爾

數馬集

卷之四十八

三

得罪小民耳得罪於巨室何傷不見爾王父乎
以清白忤權貪罷歸十餘年卒起爲荔浦從來
鄉科罷歸無起用者得起自而王父始小子勉
之母以貶秩爲意故惠甫宦雖中蹟而志不少
衰卒用廉能奮以至今官先生之學無所不
窺尤覃精於經史喜讀紫陽綱目所著有綱目
醉評集分枝摘葉發微抉隱多獨出已見不拾
前人餘潘其書方傳於世論學以紫陽爲宗而
陸子靜爲羽翼論文以先秦兩漢唐宋八大

以下原缺

數馬集卷之四十九

墓誌

溫陵黃克纘紹夫著

鄉飲大賓九十二翁伯父梅川公暨伯母陳氏墓誌

公諱潮字敦信別號梅川其先江夏人避亂入泉世居晉江縣二十都沙堤村曾祖嚴齋公諱某始移居于梅林以長者稱祖坦齋公諱某質行馴謹人呼爲佛生平未嘗與人有爭不妄殺

馬集

卷之四十九

一鷄鶩年七十餘失明一日有異人來與之醫以刀去其翳傳以藥戒五旬勿出不索謝而去竟不知所往後雙目復明至八十餘猶燈下以織縷貫針便捷如童男女人咸神其事云考素庵公諱某馴謹尤甚隣人有爭競欲訟於官者或勸公居間解之追至城南曰吾生平未嘗入郡城乃以不急事而變吾志耶長嘆而歸爭者聞之亦媿悔不訟素庵公生二子長卽公次卽余父公幼而端凝寡言笑有遠大之志弱冠入

郡城師張南溪先生學春秋又從史筭江先生學易史故蔡虛齋先生高第每與諸生講易坐中常四五十人有質問疑義者輒令先之公所諸弟子推公爲都講云屢試有司不遇會督學使者總八閩士試之得公卷擊節稱賞遴取應試卒遇病不果入闈乃嘆曰一第固有命耶自是不復應舉子試惟以詩書自娛課子姪及孫中夜乃休曰吾未竟之業以遺若曹居家孝友醇厚與物無忤然遇鄉里惡少爲諸不法事則

數馬集

卷之四十九

二

怒形於色不能含忍亦以是爲人所忌某子甲大俠也恃其財力魚肉鄉民公正色責之依積不能堪乃鉤據它事欲以奇禍中公先是俠首匿一逸囚私語公公秘之不洩至是持其事欲訟言攻之俠惶恐負荆謝罪事得解歲大疫疫起夢與女兒適李者入一公府見朱衣者上坐跪鄉人庭下以衡權之凡罪惡至四兩者病倍者死獨已與女兒免時所居墉後別舍僦住者數人咸患疫公釀酒共間欲往漉酒僦居婦病

中嚙語云欲塞具則黃氏酒在顧貧人安得酒
疫鬼云渠酒有守者不可妄食公漉酒如故鄉
人四百家咸染疫死者十五獨公與女兄家無
恙女兄卽今太常博士李范廉祖母也家負海
水寇時出沒公乃移居永寧衛中旣而嘆曰是
城小而備弛一旦有警詎可恃耶乃復移於郡
縣南龍津里無何而衛城沒于倭人始服公遠
識叔母吳年十七而寡撫從弟諱淵公貧甚公
與先府君常代輸口賦稅錢終身無所問吳年

數馬

卷之四十九

三

八餘卒爲治棺衾窆窆如子事父母不曰
若自有子也方永寧城破諸姻戚逃死入郡城
者以百計公推食食之解衣衣之病則爲之求
醫藥以生之無失所者不肖某兄弟俱爲賊所
執公斥諸婦簪珥陰求賊所親贖回素庵公葬
仕林山賊椎埋索贖公哀號擗踊傾家薦賄骸
骨竟得歸賊平訟於官椎埋者自殺抵罪人謂
公全父屍孝也復父讐義也無媿春秋大旨云
公以白首窮經抱志不售乃令長子封文林君

主治產業曰若家督也當代余勞而一意課中
子克明克復明經射策以繼已志數試場屋僥
得之矣竟爲造物所厄老于黌序晚歲見不肖
續及孫道瞻頗聰慧常抱置膝前曰亢吾宗者
二子也道瞻果年二十餘登進士第爲遂昌宜
興二縣俱有清聲召入諫省劾某大司馬某大
將軍冒功絕塞直聲動天下雖再黜再召而謇
諤不衰時公年已八十餘聞謫官報輒喜形于
色且遺書以壯其志云配陳孺人陳景敏女

數馬集

卷之四十九

四

年十八歸公事舅素庵公及妣蔡孺人婉婉和
順得其歡心公從師力學十九在外孺人獨理
家政一切米鹽錢穀皆關其手辛勤節儉家日
以起公得無內顧憂處諸姑妯娌咸有恩惠視
諸姪與四子等內外咸稱賢母云孺人先公卒
二十五年公年九十餘猶康強無恙直指使者
以公及諸子孝友著聞旌其閭曰累世敦睦歲
舉鄉飲酒禮有司輒以公首賓席以風頑薄古
所謂鄉先生沒可祭於社者非耶公生於弘治

甲寅年十二月二十二日卒於萬曆乙酉年八月十八日享年九十有二孺人生於弘治丙辰年六月十四日卒於嘉靖辛酉年五月初二日享年六十有四子四人長克震以子道瞻貴封文林郎宜興縣知縣次克明克復俱郡諸生季克立仲叔季俱先公卒孫男八道魁道瞻兵科給事中歷吏部稽勲主事道明道階俱郡諸生道燦道華道旭道斌曾孫男十一人其餘尚幼初公之沒也文林君年幾七十矣又善病不能數馬集

卷之四十九

五

卜葬道瞻方謫淮楊乞休沐省視卜地于邑一都蘇安村之南將葬公會文林君卒不果又二年道瞻被召爲吏部郎未幾亦病卒道魁乃繼父志以弟所卜地謀於某某相之轉鄉吉遂穿壙以是月二十八日葬公山負丁面癸紫帽五峰諸勝咸峙于前佳城也昔公爲某言梅林海陬人多以漁爲業無知詩書者課子詩書自素菴公始後乃稍稍有列青衿者今素菴公內外孫成進士者三人青衿者十餘人是歲應里選

者鄉三十餘人無論風俗醇美甲于海濱乃衣冠文物亦彬彬盛矣子曰里仁爲美嗚呼豈不仁哉是可以誌公矣

王雲峰大叅誌銘

萬曆庚子孟秋山東行省叅知政事雲峰王公卒于官舍將歸葬于吳其子宇熙等述其父治命曰我沒則使黃公誌我墓不佞唯唯否否夫三吳自古多文學之士今固不乏人也奈何使不佞共執筆之役不佞慚焉是冬予率六郡吏數馬集

卷之四十九

六

上計京師公甥翁伯子復代宇熙等請且曰是舅志也明年秋以其所次第公行實寄余齋中不佞泫然出涕曰嗟呼士固爲知己者誌不文何病昔漢張元伯疾篤同郡郅君章殷子徵晨夕往省之元伯臨盡以不見死友爲恨子徵曰吾與君章盡心於子是非死友復欲誰求元伯曰若二子者生友耳山陽范巨卿所謂死友也往不佞爲喪鳩即時始識公於同舍公出守撫信二州不佞守虔同爲江右支郡承乏齊藩而

公復來叅齊政相得益歡卽交誼未知於范張何如然居官心迹大都相類其不爲世俗悠悠之交可質天日也公業以巨卿望我矣誌何敢辭按狀公諱之麟字汝貞其先楚之武陵人洪武初五代祖繼祖始徙常熟之石塘里繼祖生澤澤生允學允學生寶世有隱德寶二子曰韜曰韓韓更名萬齡卽雲峰公父贈中憲公也娶錫山朱恭人遂倚居于錫生子男五人長卽公公生六歲聰慧過人讀書惟兀坐默誦經年不

數馬集

卷之四十九

七

忘年十四應里選縣尹羅公奇之取爲諸生冠邑中有奇童之日又十年始補郡弟子員隆慶戊辰督學使者麻城周先生益奇公文首拔公廩于庠常州守福清施君有人倫鑒取屬邑諸生年少而文者集龍城書院厚其餽廩而勸課之躬爲之師每試則公與少宰栢潭孫公通爲甲乙於是公名藉甚里中貴人欲得公爲弟子師者惟恐公之不就也萬曆癸酉以貢入京師試大廷第一丙子領鄉薦丁丑成進士丁外

艱歸庚辰謁選得刑部郎時大司寇滇南嚴公清介震俗諸郎官鮮所許可獨深知公遇有疑奏見卻者輒使公爲奏奏上卽時得可益上亦知其非俗吏所爲也臨江守錢某爲政鷙猛道不拾遺部使者劾其嚴酷狀有旨立誅不以聽臨江民赴闕冤訟之上怒欲盡寘之法公時爲江西司卽中卽上疏言臨江守罪狀未經覆覈諸伏闕者安知非民心之公乎且月令春掩骼埋胔之時奈何殺太守以傷天和疏

數馬集

卷之四十九

八

入不報然守亦自是得緩死計部郎高某縱子強奪人婦公以法繩之高賓客親黨游說百端最後以大璫書至公叱之曰若視吾豈爲巨璫屈法者哉投刺者惶恐去尚書某與同鄉日者有宿憾欲因事中以危法公曰彼罪不至死竟出之守臨川以寬大廉靜稱州俗好爭公以理開譬之多媿服相讓歲大侵民饑公檄屬邑曰凶歲多盜宜料丁壯爲鄉兵以備不虞公意欲藉此覈貧民因令日給二粥以觀其去就而就

役者皆真饑民也已請於當道大發倉廩卽以賑隸鄉兵籍者無濫及云監司行縣崇仁饑民遮道願執券向富民貸粟監司未得其情僞輒首肯民羣起搶奪禍延隣邑治兵使者欲以兵誅之公曰是治絲而棼之也某當往乃單騎如崇仁諭令悔禍散去悉宥不治頃刻皆散徐誅其渠魁三人賴以全活者甚衆在撫三年以艱歸士民多涕泣挽留者服除起知信州治信如臨川有蔡王二人交惡蔡聚衆羣毆之王被驅數馬集

所在戎伍空虛清勾僅有其名公躬爲稽覈豈胥無敢請寄爲奸者自故相某以峭刻斂怨繼之者稍濟以寬士大夫非奉使而乘傳者接踵於途公曰如此則大司馬所設符信將安用之縱博長厚名如民力何職方卽某縱其僕持軍中羽書乘急傳至公曰此中無邊警安用羽檄對使焚之郵人自是稍稍得息肩遷山東行省督糧叅政時山東大饑公請於兩臺出保赤倉穀以賑曰此民間有也宜貸與民俟秋還不斂其息常平倉雖官有然凶歲亦宜出其半以賑先是貸而不能償者悉蠲之又上書大司農議輸臨清德州倉糧悉改徵銀而低其直由是民免倍輸之苦雖饑不病益都令吳宗堯上疏言採金中使貪暴狀被反誣逮繫詔獄事下兩臺議檄公會勘公署其牘云吳某一介拘儒未閑世故惟知銀洞不產于縣治決難平地生財不思曠使刻意于誅求安惜派夫滋擾逞一時狂瞽之見貽經年縲紲之悲拙哉令之爲身謀

也顧覈其治行皎皎無瑕欲羅織其贓不敢
詔士類爲之增氣中使蒐取外藏輸之內帑又
議鬻常平倉穀以益之東阿令議畀以萬石寧
陽令議以六千石公曰頃畿輔告荒主上且
發臨德二倉以賑山東饑不異畿輔出本地之
粟據此一方猶懼不給柰何捐不貲以實漏卮
且弁寺何厭之有此風一倡六郡恐無遺粒矣
侃侃獨執其是不可犯也人有德於公者終身
數馬集

卷之四十九

十一

不忘其有隙於公者事已輒忘之微時從鄉貢
士龐君遊又與鄰人吳翁媼善二家俱厚遇公
及龐沒公兄弟視其孤者二十年於吳翁媼歲
時往祭其墓輒徘徊歔歔而不能去人謂廷陵
掛劍於公復見此邦信多君子哉里中俠少年
齒公父中憲公者公既貴人謂必報公視之若
未嘗怨也撫州司理某善螫人公偶失其歡中
公於直指使者薦書不及公迨公遷浙臬司理
來判處州公厚之如初無何罷官過錢塘公

以舊僚往視之爲具舟楫護之歸公神清氣三
寡疾病在齊以奔走勞瘁得奇疾臥病數月遂
不起四子仲季從宦伯叔聞公病馳至省視易
簣時俱繞膝下於公可無憾公生於嘉靖乙未
年九月初八日沒於萬曆庚子年七月初六日
享年六十有六元配蕭封恭人先公十二年卒
側室張丈夫子四宇熙太學生宇醇郡諸生宇
新太學生宇春邑諸生孫男四人某年某月某
日宇熙等將奉公及蕭恭人柩往葬初公姊適

卷之四十九

十二

翁氏者有二甥俱舉進士伯爲鄞令以卓異徵
待詔闕下仲爲鄒平令與不佞交今以才堪
治劇徙會稽二甥俱篤渭陽之情能成公宅相
者所次第公狀最核無虛美伯氏筆也不佞謹
撮其行事之大者誌公而爲之銘銘曰王公
初宦實爲法吏主意不阿權貴奚避兩守劇
郡勞心撫字料民爲兵發廩以施靖亂一言解
勢卑騎人所欲殺原情以議其或幸免我誅厥
意士民戴之曰賢師帥越憲無私齊賦稱治民

用息肩公家永利守我倉庾豈徇中使護我業
人惟力是視凡此炳炳足風有位況處內外德
行純粹怨則必忘舊何忍棄我與公交爲紀者
二觀公在齊鞠躬盡瘁辭以誅公乃公之志豈
曰能文心則不愧

朝列大夫布政使司右叅議振海黃公暨

配安人陳氏墓誌銘

公諱德洋字以達別號振海曾祖炳祖廷基父
贈承德郎勉吾公諱鉞有至性少孤曾刲股以

數馬集

卷之四十九

三

愈母疾兄蕩產別居盡携餘貲去公處之怡然
及兄舉家疾疫乃負米往視之躬親炊爨沒爲
治其後事疫不能染人方之庾袞云勉吾公生
三子其仲卽公也公生而沉潛好學書傳經誦
讀者終身不遺一字嘗佐父築室躬執畚鍤而
伊吾之聲不絕于口高鳳之被雨漂麥公近之
矣弱冠以明周易補博士弟子員與大學士九
我李公爲文字交互相切劘李公少所許可獨
於公文謂精金良玉有定價也丁卯登鄉書戊

辰成進士初授行人司行人以分茅出弔之役
三使藩國郊迎燕享贈遺禮一無所受時稱不
辱命者必曰黃典客壬申聞先帝賓天中道
奔赴日夜兼馳邁疾幾殆攀髯之思遺弓之哭
君臣誼重公眞其人每賦皇華所經原隰水旱
疾苦必加諮詢入京有問者以實告故秩滿銓
部註考有學問淵源廣詢民瘼之語蓋實錄也
以覃恩得贈父爲脩職卽如其官萬曆癸酉
陞刑部湖廣司主事折獄平恕其持三尺毅然
數馬集

卷之四十九

十四

不可奪有宦者以事下部岷疆公庭公痛加摧
抑欲置之法宦者懼遂寅緣從中移之別司以
避公丁丑陞四川按察司僉事治兵安綿龍安
故冉驪夷地近討平初置郡設守而以二事夷
判郡事其族最大難馭公恩威兼用鎮以廉靜
咸服教化埒於內地岷山武都諸番素稱驚
出沒無常爲居民患公親詣其巢集諸酋長諭
以禍福謂爾輩出掠吾民官軍時來追剿爾父
母妻子且不保首領何利之有曷若歸附於我

爲爾立保甲給與順字旗使安心耕種爾無我
侵我無爾虐各享太平終其天年豈不甚樂夷
人感悅皆曰公實生我於是壩坻風村巔永平
白草等二十八寨八千五百餘口盡願領旗歸
順歲納蕎麥若干石比於編民公遂大宣德化
易淮結以永帽更番名以漢語給以曆書使知
朝廷正朔設 皇帝牌位教之拜舞有習漢儀
通華音者賞以菽粟布帛又令每寨歲量輸蠟
若干斤爲燃燭祝壽之用遇有征調各率其部
數馬集

肯再署矣黔故僻陋多夷風公爲定鄉飲酒禮
教之周旋揖讓以漸變其俗朔望視學進博士
弟子與之講解書義黔士多興起者辛巳銓部
念公綏定番夷功擬陞公廣東按察司副使命
未下而公逝矣初公由蜀之黔覺體中有異遂
自製周身之衣以行人黔歸思屢動每戒家人
治裝問之不言其故及病卽預市一棺于外舍
一日黎明配陳安人起視湯藥見有明星墜于
簷前堂上聞大響三聲而公遂瞑蓋已前知其
數馬集

人耶其人媿去身卒之日囊無餘貲撫按稔其清苦檄司查公任內贖緩得數百金盡與之作歸途資且厚加賻贈云配安人陳氏係出虞裔爲泉令族幼嫻女訓年十九歸公時承德公積家政伯叔猶同居食指頗繁安人身先妯娌早作宴休持其門戶使公有姻族之和奉其蘋蘩使公有蒸嘗之潔以故公得一意下帷無內顧憂與叔氏先後鵲起長發之祥咸謂和氣所致焉食貧既久幸公登第身受安人封勅貴矣然數馬集

卷之四十九

七

不棄菅蒯之心猶一日也公歷宦京邸十餘年未嘗從宦家居躬紡紉組紉如爲諸生婦時治公分憲西川叅藩貴竹雖勉強隨行然寤寐思復惟以一子在家爲念公不祿男道樞聞訃萬里外間關未卽至而安人已促裝輦視會于中途其綜理周密造次無廢禮蓋偉丈夫不能過云稱未亾人者三十餘年和九課子含飴弄孫閨門之內肅肅如也雍雍如也不幸道樞復先朝露安人慟絕復甦奄忽數月遂以不起哀哉

公沒三十餘年以下地未吉久不克葬至壬子歲乃定卜于晉江縣三十二都蔡庄中山之原墓成將以甲寅冬葬公道樞述公生平行事使克續爲誌將納諸幽而樞已矣安人亦謝世矣孫熙膚等乃繼父志而襄葬事續不敢負然諾而撰次之以慰樞臨沒惓惓之托蓋黃之先世居晉江縣之沙堤村永樂中余高祖乃遷居梅林公曾祖於成化間從沙堤出贅于山前遂移居郡城余視公則五服外族兄也丁丑歲會試

數馬集

卷之四十九

十八

至京公見其場屋文字大加稱賞曰吾家千里駒也而是年僅登乙榜庚辰第進士公已入蜀嗣是書劄一再往返而已追憶前事遂成異代可勝悲慨顧余亦嘗遊蜀至綿州訪之故老則白草諸番卽古吐番遺種也當唐時北寇關中西寇巴蜀歲無寧日雖以韋臯李德裕之雄略亦未能制其死命令之番雖稍弱於唐然撫馭失宜則左綿以西皆戰場也積骨成丘流血成川近日九絲建昌之役可以觀矣公招徠諸番

不言功 朝廷酬功之典亦未盡行然保全華夷生命難以數計固封疆之勞臣也安綿士民思公恩澤而俎豆于學宮世世毋絕有以也若安人之處貧賤富貴皆有法度可以風矣 銘
曰頤而髯兮宗之英捷兩闡兮才縱橫駟牡駢駢兮法星明持蜀憲兮邊鄙寧番夷警服兮不用兵朱提錫兮褒寵行薇垣遷擢兮竹王城山無瘡癘兮烏江清勲業未竟兮若爲情飛素旆兮返柴荆使安人兮魂不驚三十年間兮契闊數馬集

卷之四十九

十九

死生佳城鬱鬱兮兩心則寧松楸長茂兮雨露滋生後岡前溪兮長護茲塋

戶部主事環中張公暨配林安人繼配賴安人合葬墓誌銘

余友明勸張君既卒三十年其子允槃允槃孫寶光等乃克奉其柩及配林賴二安人藏諸幽而以孝廉李君所爲狀問誌銘於余余與君同登第且同時爲郎又余子爲張氏諸債誼不敢辭按狀君諱治樞明勸其字也先世自唐光啓

中由汝南固始遷闈之漳州元至元間有諱康者爲安溪縣主簿生四子其季惠留居泉之筍江里惠季子安安子成成子儼儼子鑑鑑生贈中憲大夫江西按察司副使諱堯卽君父也娶林封太孺人贈恭人爲侍御林沙溪公妹舉夫子二長爲四川按察使洞齋公次卽君君少按察公十四歲幼而岐嶷有成人之度八歲能通尚書及當舞象讀書作文一以兄爲師文成得兄許可卽私自喜不則再易稿不憚也時按

數馬集

卷之四十九

二十

祭君已有聞于泉里中前輩黃司寇莊太僕咸以大器期之然謂張氏子其少者亦當與兄齊名但壽不如耳弱冠補博士弟子員爲督學使者金存菴姜鳳阿所知甲子按察公領鄉書君文亦入彀以限于制額遺之乙丑按察公試南宮未歸贈公邁疾不起賴君在膝下供湯藥親含殮乃無遺憾人謂君是年不與兄同計偕殆天留之以厚贈公之終也庚午舉于鄉辛未按察君成進士初令永淳調繁得臨海迎太恭人

就養甲戌君將上公車因之臨海省覲同按察公如京不第丁丑按察公復當入覲君與之會于武林入就試爲陳肅菴公賞試僥得之矣竟登乙榜歸奉太恭人歡與猶子西州高唐二君治經學爲應制之文二君以君爲師猶君之師其父也已卯西州君復領鄉書與之同入試蓋君四上春官上接其兄下接其姪卽中更成丑兩試亦與伯兄上計同行方有鹿鳴嘉賓之歡又有鵲鳩在原之樂人聞吉祥善事張氏實

數馬集

卷之四十九

三

萃之是歲君成進士爲余幼峰公門人按察君方爲直指使者視京通庾君觀吏部政雖居京國不異家庭無何而太恭人訃至擗踊哭泣同孺子慕歸則兄弟寢苦枕塊未嘗相離旣卒哭躬披荆棘相擇吉壤舉二親合葬焉又改遷六世祖及高王父墳君自誌其壙又念繼曾祖妣及叔祖朴軒公而下三世未葬與通議公合力襄事一門之內遊魂枯骨俱歸于土孝友之德通于神明矣服除謁選得戶部四川司主事大

司農王繼津公欲試君才一日出各冊委君磨勘期以三日君如期畢王公疑其假手他人摘冊中某郡糧額以問之應對如流無所差謬王公以是奇君凡軍國大計多以諮焉舊例部覈冊弊隸雲南司公改屬君君辭不獲乃條議云冊紙須極白極薄憾公越俎者向王公詆之云紙宜厚豈宜薄哉王公云紙薄則洗補之奸不行忌者語塞會有旨取濟邊銀十萬兩入大內司農卿屬君具疏謂邊儲係國安危詎

數馬集

卷之四十九

三

宜取實內帑設有緩急何以應之疏入事遂寢後此數年復歲取二十萬計部不能爭而帑藏大匱九邊軍士枵腹每至脫巾涓涓不塞遂成江河王公及君之功可思也時帑金漸以不給大農憂之君建議謂歲漕東南米百萬積之太倉常紅腐不可食南中郡邑距水頗遠者又以漕米爲苦何不暫行改折以濟匱乏大司農是其議請於上而行之適兩越需人督儲卽以君往君至申明舊制搜剔弊竇軍民稱便浙閩

水鄉歲稔不樂改折巡撫中丞溫公以問君君曰部固有成議矣擇其便者而行之如杭之新城於潛昌化山邑也折徵爲便如富陽諸鄉東南西南近山便於輸銀西北東北近水便於輸米推此類而行之惟民是利可也竟從其議越中有司多恃其才地謂臺省分內而部使者權輕每爲所侵侮君秉禮而行不卑不抗疏叅其通負而推轂其廉能郡邑益以重君回京督芻明智場夙夜在公不辭瑣屑有侵漁者必罪無

數馬集

卷之四十九

三

赦時君已有疾屢疏乞歸秉銓者方屬意於公難其行而君竟卒京邸配林安人陽春縣教諭林彥佳女弱齡歸君時君方爲諸生贈公及太恭人在堂婉婉敬順務得其驩心口甘粗糲而養舅姑食必精潔衣無華飾而爲君澣濯服用常新歸寧不數而姑姊妹問遺體意極周囊無私蓄而君欲購書竭簪珥與之無所愛歸君六年舉子允桀允桀而卒君誄之其詞甚酸楚上自蘋蘩米芼孝姑睦族下至周郵保母閨門

之內焚香習靜識字知書無不可言者不知情生於文文生於情讀之可以增伉儷之重矣繼娶賴安人爲文學賴顯道女及笄歸君時中憲公已逝事太恭人甚孝敬似黃淑人雖嫂而母歸二年而君舉鄉試又十年登第安人視窮約賈顯如一日從宦于外衣服飲食不改其素以勤佐廉使君無北門交謫之憂撫允桀允桀與所自出允桀允桀無異君沒時允桀尚幼伯子際繼歿安人與冢婦同稱未亡人殮水齧雪持

數馬集

卷之四十九

二

拙卒瘠先君之思以勗孺子詩書杼柚之聲聞于內外博奕酒食之會絕于徵逐諸子孫克底成立門祚不衰皆安人力也晚患風疾卧床七年會季子業卒哭之哀遂以不起君生嘉靖癸卯年六月十有七日以萬曆丙戌年七月二日卒得年四十有四林安人生嘉靖乙巳年五月二十有九日以隆慶戊辰年五月二十七日卒得年二十有四賴安人生嘉靖辛亥年十二月二十有六日以萬曆甲寅年十一月三十日卒

得年六十有四子四長允檠次允檠允檠允業
皆諸生孫男九人墓在南安縣二十一都鋪頭
坂尾山之原背壬面丙葬以乙卯年 月 日
憶余郡中與君同舉進士者凡十有三人及今
而存者有四人耳君沒又最久余每撫今追昔
未嘗不泫然出涕也嗟乎以君之才令得馳驅
中外十數年其所樹立必有卓然可觀者奚但
以計吏持籌見所長也人不可以無年悲夫然
君初霑微祿家無餘貲而能與伯氏舉同曾祖
數馬集

處士我宗吳翁暨元配孺人許氏繼配孺
人陳氏合葬墓誌銘

靈源之吳於泉爲著姓先世從光州固始避亂
入泉城至我 朝有懶翁者愛靈源山水之勝
因家焉懶翁生某某生某某生某某號葆素葆素
生翁家傳詩書世標令德秀鍾山海代有聞人
若泉濱先生之爲名邑宰鵬峰先生之爲名御
史皆懶翁孫曾也翁生而穎慧葆素公奇之曰
是必亢吾宗故名以從宗而公亦因名爲號遵
父志也既壯值倭奴入破安平去靈源咫尺翁
扶掖父母遁於郡城嗣是盜賊充斥者五六年
翁奉親艱險中歲無寧日遂棄舉子業奔走拮
据以全二親保家門爲事及倭亂既平舊業荒
蕪僕從喪亡乃募丁壯闢田地治屋宇以復祖
父之舊爲人端重正直動中禮法友愛羣從刑
于妻子有龐德公之風族中子弟與鄉里少年
有爲不善者輒曰幸無使我宗公聞之產故薄
翁又不治計然術家中時時日宴舉火然喜與
親朋話桑麻之樂爲撫掌之資客至園中摘蔬
塲頭過酒相對終日不厭歲入或有贏餘人以

匱乏告者輒隨力應之不吝也時携錢入市遇適用物問值幾何卽如其言市之不虞人欺人知爲吳翁者亦不忍欺也譚爲義皇以上逸民非耶中歲好西方教讀其書恍然有悟遇名僧精於戒律者與之跌坐誦般若經一月之中強半茹食雖苦行頭陀不能過也素通易晚精卜筮然絕不與人卜親友以事苦求之者卜無不奇中人謂先生胡不如嚴君平居成都市而絕人乃爾曰如此則宋大夫賈生得而嘲之雖閉

數馬集

卷之四十九

二十七

肆下簾何益耶又精醫醫取自攝不爲人治病如其卜云翁事親孝甘旨之奉未嘗少乏親終衣服殮具必慊於心躬負畚鍤以襄葬事歲時伏臘思其所嗜盡力致之市中一物之甘不使遺也始祖廟與祖父廟相隣先生每旦未明入廟掃室焚香拜高曾祖前誦經數十遍趨出入祖父廟潔地焚誦亦如之祖父母父母墳俱居靈源山上山石巉巖最難登陟諸子孫展墓者必二三息乃至公日日命小力持壺酒升米直

抵墳所拜跪徘徊松栢間依依若在膝下不能離也或一時乏力則手持升米自往付墳傍寺僧熟而食之至暮乃返日以爲常非有他故不輟至垂沒之歲已七十有七矣其除夕丙夜猶扶筇從墳歸非天性篤孝何以如此元配孺人許氏故安平名族某人女也及笄歸公性毅而勤婉而正佐公事二尊人恭敬承順得其歡心而壽不配德生子封君僅六歲而許沒矣繼娶孺人陳氏勤儉如許而幹敏過之內供親

數馬集

卷之四十九

二十八

養外應賓客酒醴盤殮咄嗟立辦撫封君與所出無異鳴鳩之哺自上而下朝夕惟均教之讀書師友束脯之費必豐以虔取蘋藻以供祭祀靈山之毛安平之錯無不畢供人稱吳氏有賢內助云封君業儒屢試不第生工部君聰穎絕人之曰若翁異時課爾父讀書家中所有盡出以供束餼既困於數奇今而不讀將奚業且而翁勤修因果正爲子孫小子勉之工部君遊庠而

陳孺人沒既舉孝廉而翁沒雖未大慰厥志
因果之說已自信其不誣矣黃克纘曰予讀東
漢書見汝南王琳年十餘歲喪父母因遇大亂
百姓奔逃琳兄弟獨守塚廬號泣不絕後辟司
徒府薦士而退范史列之于孝行傳若吳翁者
生盡其養死盡其思年垂八十猶日一至墓所
不以登陟爲勞雖古稱純孝何以加焉今舉孝
之典不行國史闕不載矣卽郡邑誌亦鮮以孝
稱者嗚呼閭巷薦行之士名湮沒而不彰者可
數馬集

卷之四十九

三

勝道哉予猶子昱壻于吳而工部君奉使畱都
與予遊者二年故知翁之行爲詳乃爲之銘
銘曰士有百行首重孝子少而慕親垂老則已
吳翁終身慕在考妣靈源之山鬱然高峙日日
攀躋松栢徙倚爰有二偶亦婉厥美薦有蘋藻
養有甘旨啓佑後人登朝從仕方榮翁媪而翁
逝矣巍然馬鬣靈山之趾翁與伉儷藏魄于此
我銘貞石以寄仰止

數馬集卷之四十九 終

數馬集卷之五十

溫陵黃克纘紹夫著

祭文

祭總河劉晉川

同趙侍御

帝陶唐之苗裔兮承氏族於劉累應長庚而誕育兮爲盛世之嘉瑞早授書於金華兮窺石室之珍祕司獻納於青瑣兮箴聖朝之缺事以忠讜而被斥兮時哦松以見志令分符於劇邑兮追兩漢之循吏入含香於郎署兮歷雍梁而數馬集

卷之五十

一

奉使範青衿兮兩越士風變兮醇粹既轉輪於江淮兮復徙屯乎邊地植棠陰於江漢兮方召伯而奚媿帝遂錫以節鉞兮肩王畿之重寄威清霜而澤甘雨兮典刑式乎有位儕毛玠之清忠兮公黜陟於士類稱人倫之冠冕兮變仕途之險詖再出而佐司空兮疏河淮與汶泗漕渠千里而安瀾兮軍國賴以不匱遂擢登乎亞相兮福如川之方至奈肸軔之爲勞兮形與神而俱瘁使二豎得肆其毒兮羌彷彿而長寐某

等或奉教於下風兮霑齒牙之餘議或晚出於枌榆兮荷周行之見示茲同事於齊魯兮飲醇德而心醉方期公以秉軸兮清濁世而擁篲公不爲世而少畱兮徒使我潛然而揮淚漬鬱金而爲酒兮裁魯縞而爲綌等風人之蒞藻兮寄千里之遙思自古有三不朽兮公之名豈夜臺之所能闕

相國申瑤泉文定公

嗚呼惟師才高一世遇冠千古掄魁大廷文稱數馬集

卷之五十

二

繡虎緩步玉堂結知明主鍊石五色手將天補論道紫扉奠安海宇內和臣僚外綏戎議論不紛各懷靡盬千秋相業韓富爲伍乞身強健逍遙田圃洞庭水雲扁舟柔櫓頤神山澤忘情纓組帝心南顧念我元輔賜以上尊烹用巨觴卿身雖退爲國砥柱復有令子翩翩踵武職方籌邊盡殲猓獮方將仗鉞名藩開府岵岵興思言歸將父戲綵娛親不樂華廬師年八十爲世儀羽神清秋水毫髮可數百年分內宜膺

多祐奈何一疾藥物難瘡棄此華屋歸于泉土
某等樗櫟不堪斤斧大匠一顧遂登廊廡案稅
榱桷惟材是取昔師立朝著生按堵逮師旣歸
政在宦豎虎冠四出傴僂而舞渴飲饑餐匪血
則乳二十年來舊治難覩今師騎箕大厦孰柱
況在門墻失其依怙千里遣使薦此脩脯明德
之馨托于芳杜臨風出涕潸然如雨師靈不昧
飲此清醕

祭大宗伯馮琢菴

數馬集

卷之五十

三

史魚之旣逝兮世莫覩夫遺直生隱默以自
全兮孰顧夫邦之傾昃矧易簣而神易亂兮疇
能補山甫之袞職猗先生之忠貞兮襲餘麻於
先德方弱冠而受主知兮使備官於翰墨侍
講讀於金華兮進止皆有常則陳三百篇以諷
諫兮輸忠諫於皇極使掄材於鄉國兮負水
鏡之雅識世稱得士爲最盛兮卽文章皆可爲
矜式方正位於秩宗兮樹儀刑於九棘念國
本之未定兮効畱侯之羽翼慰人心於屬望兮

勳勞光乎社稷擬卜相於金甌兮施鹽梅於鼎
食忽二豎之見凌兮駛百年於瞬息念壯志之
未伸兮憫孤雛而沾臆況主恩萬不報一兮
羣小方蠹以貨殖苟忍死而不言兮恐炎精之
漸熄草諫書以千言兮淚淫淫而頻拭冀君
心之或悟兮行四凶之誅殛莫宇宙以寧居兮
安人心於反側聞匹夫之精誠兮白日猶爲之
回色況上卿以屍諫兮謂吾君其不心惻卽
長夜之悠悠兮氣浩然以胸塞望故鄉而返旆

數馬集

卷之五十

四

今魂慘淡而默默世譏陶表之無獻替兮於褒
貶其近刻余謂先生之諫草兮過陶公之悃悞
贈賻雖下逮兮於常典其猶膏余不知其曷故
兮訝聖衷之難測使公千秋有史魚名兮何
如師保之立陟某亦素抱乎杞憂兮望回天而
未克爲文以哭公之歸兮紛愁緒其千億悼哲
人之云亡兮懼氣運之將臨已矣乎公不少畱
兮忍見斯世之多蠹蠶

祭大宗伯馮琢菴墓文

嗚呼自公之喪世道如故中涓未斂豺狼滿路
妖言載興上帝震怒三殿未建內帑空聚遺
疏所陳主皆未悟公在冥漠扣閭再訴忠臣
愛君九死而慕豈以地下遽改其素日月不居
聞歌礪露夜臺永闕無復朝暮某羈歷下執紼
難赴念公精忠馳情丘墓願脫一劍掛公墳樹
爲文以祭悲不能句孰起我公共扶天步

祭邢封君

知吾父

維濟南多名儒今有伏生與轅固咸行年九十

數馬集

卷之五十

五

餘今授諸生以章句功羽翼乎聖經今身何必
其皆遇在女子猶可以傳業今存灰燼於竹素
矧口傳於令子兮非老年而謬誤茲先生爲子
才之後人兮素怡情於疏註胸雖富乎丘索兮
嗜學不替於遲暮課厥子以傳經今爲當世之
武庫掇巍科而入仕兮遂馳騁於皇路冠切雲
之崔嵬兮列棲鳥之栢樹持繡斧而按吳晉兮
威嚴霜而澤甘澍爰賦政於三楚兮帝寬憂
於南顧是皆先生之遺澤兮挹於此而彼注降

絲綸於閭闔兮彰厥功於陶鑄先生之年既益
高兮止厥子之馳騫日徜徉於膝下兮効班衣
之萊孺有孟光以偕老兮翁南極而媪婺斯人
聞之吉祥善事兮洵上帝之多祚彼漢代之轅
固兮疇五福之咸具與武公而齊年兮躋期頤
之常數乃乘白雲而僊去兮望崦嵫而暫駐痛
儀刑之日遠兮舉邦人而馳慕余情深於式閭
兮方想像於上志老成之渺謝兮望頌德於
丘墓永芳猷而爲勗兮薦束帛而爲誥

數馬集

卷之五十

六

楚此

以致哀兮知先生之不我吐

祭少司農王見峯

嗚呼晉代衣冠王爲望族瑯琊之興淮水是卜
遷來濟東遂成喬木公之尊人叅藩貴竹勤于
上事以功見錄公生岐嶷登第最夙司理荆楚
明照盆覆民以不冤鬼無夜哭緩步青瑣草奏
削牘無禮於君鷹鷂是逐歷踐三省遂躋太僕
數馬以對執策甚肅廷尉平反京兆作牧于公
比德趙張繼馥出撫楚藩江漢禔福怒則風霜

喜則霖霖入佐司農國富民育方藉持籌遂及
秉軸公卽解組返于初服賢哉兩疏於公無惡
退居畎畝藝我百穀列我子姓敬我伯叔闔門
之內吾伊誦讀萬石家風淳謹以朴鄉閭化之
其俗雍睦子孫濟濟振纓驅轂貴者節旄次亦
繡服海內名家王最霅煜我來自東惟公私淑
誦公百警篇章反覆庶幾登堂問公寒燠天不
愬遺公逝何條公年杖朝於壽非蹇子登卿貳
爲國楹屋或畏簡書或侍湯粥忠孝之際可瞑
數馬集 卷之五十 七

祭少宗伯楊荆岩

嗚呼士君子之用世難輿論之交乎惟方正而
不回如玉中之有瑜乃見歸于士論望當軸而
秉樞豈人心之私好誠公道之難誣謂人定必
勝天何天人之情殊才已用而未究望咸屬而
忽孤嗟此理之難解令人仰蒼昊而長呼公登
朝二十四載今稱一代之文儒志霜清而月潔

分身周步而孔趨官南北之翰苑今誓修姱而
不渝秉文衡於中外今變士習於崎嶇講經義
於金莖今思致主於唐虞藉詩書以啓沃今
寓諫諍於都俞典禮樂於春官今矢夔龍之討
謨懷嫉惡之剛賜今惟正直之是扶士無論賢
不肖今咸以公爲元愷之徒思得公以爲相今
作濟川之軸艫胡雲車之遠舉今路不周以縈
紆趨玉樓之召命今曾不淹留於須臾已矣乎
蒼生之失望今天固不欲廓清乎皇途某與公
數馬集 卷之五十 八

同舉孝廉今廁連城以砥礪追平生之宦遊今
耻局蹐如轅下之駒公施我以鞭策今期共躋
于亨衢復以孫女許吾孫今托情好於葭莩士
固必有知己今非斯人吾誰與俱公騎箕於九
天今吾將歸老於江湖惟不材可全天年今何
必繫肘後之符公以遺志付後人今丹穴固多
乎鳳雛生死亦大旦暮今豈必死之哀而生之
愉死而爲人所賢今又何羨於公孤余臨風而
寄奠今轉愁腸於轆轤採岱嶽之芳蓀今効古

人之生芻公旅視必經齊疆兮吾將遙哭于道隅

祭戶部主事陳瑞瀛

嗚呼泉城之外浯溪之濱市不千家世有達人君族其間余亦比隣出入相友蘿薦相親余家小阮叨爲前薪君之叔姪甲第繼掄比屋之間剖符釋綸君才卓蹠吏事絕倫烏程治行兩浙稱循入佐農署職在緡繆司其出納人誦平均封疆多事帑藏告貧司徒倚之以濟時屯君染

數馬集

卷之五十

九

未疾乞歸斯頻迫釋負擔大命已淪嗚呼天錫其才而天其身如斯玉人而不五旬客中棠棣堂上大椿哀傷痛楚聞者悲辛君之歸途漕河是遵余守齊臺聞訃沾巾奠以美酒薦以犧牲導之南歸俾無遭述世事茫茫難扣蒼旻宇宙之內總爲過賓條焉福至條焉禍臻生死脩短付之大鈞生何足喜死何足顰南面王樂乃返其真非君達者孰與開陳

祭郭希宇少司徒暨夫人包氏

余悲夫世人之工巧兮喜雷同而炫曜委厥美以從俗兮咸曳履於廊廟君獨耿介而不隨兮衆擲掄而竊笑荃獨揆此中情兮垂太陽之炎照珠兩探而觸鱗兮身再謫而再召寄黜陟於南鈴兮鑑衡懸而不爽衆隨勢而轉移兮羌孤立而骯髒任駑駘之先馳兮終詭遇之難強朝繹馬於金臺兮夕返棹於江上雖媒拙而宦遲兮荃能鑒吾之忠讜謂江漢乃豐鎬兮孰分陝而安之顧左右莫如君兮爾其總乎朕師君建

數馬集

卷之五十

十

牙而遙往兮衣其寒而食其饑儼雉堞於方城兮引江漢而爲池楚家祀而戶祝兮碑峴山而淚垂人秉憲於西臺兮井旣枯而再溢奉白簡以從事兮咸聞風而股慄佐荃宰以黜幽兮樹風節於萃律正人吐氣兮僉夫生嫉雖害其能兮莫指其失苟渡江而化爲枳兮宋亦何取于頌橘遭慈親之見背兮萬里慟而幾絕致永慕于三秋兮誦蓼莪而泣血君已無意於斯世兮人興哀於井渫帝特徵使貳司徒兮方寄君

以喉舌 綸音獻歲而及門兮守臣躬爲之勸
駕君年方歷花甲兮顛倒衣裳而夙夜何二豎
之侵凌兮入靈臺而托舍賀者猶然在門兮已
一夕而羽化君有德耀之賢配兮早歸君於東
髮同甘苦於窮達兮稱有始而有卒君旣無室
人之交謫兮益勵操而樹節屬君疾之微作兮
心紆軫而先歿胡天道不福善兮摧忠貞而降
之罰沉璜瘞珮兮光不終發彫蘭頌蕙兮芳乃
遽歇豈邦國之將殄兮楨幹已爲之光竭昔余
數馬集

卷之五十

十一

方遊於鄉校兮君一見而奇余謂非里社之樗
木兮當爲世之璠璣迨筮仕於淮南兮君持節
而按儲精喜所美之有徵兮每逢人而吹噓以
子女而托好兮雖朱蔡其焉如君兩孫予之甥
兮予望之以魏舒悵別君以十載兮期握手於
精廬君曾不能少待兮使人致恨於居諸嗚呼
齊閩兮萬里君蒙 召兮余心喜望蒲輪兮過
齊儵聞訃兮身死志狹小兮乾坤入泉臺兮長
已身有時兮存亡名無時兮成毀托微情兮諱

香寫哀詞兮片紙君與夫人兮不昧長保佑兮
孫子

祭憲長許仲葵

我昔與兄從事筆硯同社七人後先豹變兄之
天才最稱綺練丙丁繼捷轟雷震電我六人者
瞠乎後殿南北粉署清華歷踐典禮持籌才鋒
益鍊出持憲臬海邦是奠地當珠崖夜光晝見
彼鯨人者常泣珠獻兄心不動勵節益狷去時
幘被沉香一片雅意憐才郊翼近縣因之獲罪
數馬集

卷之五十

十二

不辭嚴譴南楚郴人迎車舞抃賦薄徭輕訟理
枉讞再守桂林仁風益扇瘴癘皆消循良獨擅
蒼梧象郡民心益戀廉察旬宣往來幾徧有事
祝釐南歸乘傳司憲大東遂畱齊甸時當計吏
臧否立辨去其太甚惟民是便入 覲闕下大
承 帝眷雄藩岳伯山公所薦公不少待心疲
力倦輿疾入齊不絕如線嗚呼哀哉吾七人者
於朝寡援徒以質直稱爲東箭腰橫黃金章服
孔炫中獨二人郡丞郎選早隕其一餘皆強健

近喪邦瑞余魄方顛今復喪兄使我淚濺百年
過客歲歲相餞誰能久視載笑載燕兄有伯氏
爲邦之彥早棄郡綬冥鴻堪羨其於猶子自能
垂矜矧多賢胤福來方淳我臨視兄猶及一面
傷哉無言垂淚以唁奠以旨酒薦以芳膳兄其
臨之聽此誄撰

祭太宰楊夢山

惟元氣之磅礴兮鍾異人於海嶽爲寓內之具
瞻今蘊經世之才學早致身於青雲兮受黃扉

數馬集

卷之五十

十三

之寵渥親遺闕而思補兮司章疏之封駁出持
憲於三晉兮領北門之鎖鑰威既伸於華夏兮
忠遂鑒於帷幄爲百官之領袖兮鑒衡儼其在
握時吳郡方秉政兮人材同心以楊摧故黜陟
得行其志兮別涇渭於清濁時續方含香於郎
署兮亦郡守之被擢以樗櫟之不材兮何幸大
匠之見斲時公年方逾懸車兮遂求閒以自樂
紉秋蘭以爲佩兮釀落英以爲酌訪仙人於海
上兮寄神情於寥廓植桃花以十里兮映童顏

而霞灼 天子追念乎老臣兮綸音頻下乎丘
壑遣禮官而造門兮猶恩意之如昨年九十而
未衰兮類宋世之彥博德音式乎鄉人兮幸典
刑之有托何百年之未滿兮遠音徹之寂寞豈
騎箕而上升兮匪常情之能度 帝方隆以盛
典兮褒崇炳乎丹牘追昔日之啓事兮痛山公
之不可作望海陬而致奠兮瞻在空之一鶴蓋
存沒關乎隆替兮今之人安能如公之廉好爵

祭司空王弘陽

數馬集

卷之五十

十四

惟王先生龍驤海岱苦節貞時芳猷擅代厥初
登第綰符殷城治行卓絕璽書下旌載登粉署
材官是職黜陟惟公苞苴風息衆方競進公獨
退居絕迹公門偃仰圖書召歸九列獨標清節
佐憲無私知人則哲批鱗直臣瀕于九死衆所
難言公獨爲理建牙兩越單舸戒行不動聲色
遏絕亂萌海潮時嘯障以金隄永賴之功垂于
浙西抗俗奢靡治用清淨釐革逞習室家胥慶
貴倨擁貲齟齬其里公繩以法斧斤斲髀膚受

于廷詞連于公浩然乞歸吾已冥鴻吳越之
民失其怙恃號呼奔走聲震遐邇肖貌西瀛
然棠樹過者起敬低回不去聊攝之西有田一
區杜門却掃蓬鼓自娛帝簡耆碩陳于時夏
魯國迎申東山起謝俾貳爽鳩旋晉冬卿一年
之間南北于征蒿目時艱苦心調劑中夜彷徨
時爲隕涕冗濫用裁漏卮孔塞銀璫賈豎無不
斂戢川遲作楫壑已藏舟大年未究何意仙遊
數有必至名固無量璧韞愈耀蘭萎彌芳帝

數馬集

卷之五十

十五

悼貞臣水衡賜錢恩賁泉壤易名表賢續聯寰
中夙仰先程茲撫大東密邇儀刑聞公之訃山
河改色豈無貴臣匪我心則以濁爲清以佞爲
忠狂瀾旣頽孰障之東一觴遙酌聊城之南悠
悠今昔此恨難堪

祭中丞于念東

嗚呼岳有岱宗瀆有濟水靈淑之氣篤生君子
其命世才爲天下士于公後代不乏青紫渠黃
驟駢瞬息千里唱名雲見昭陽在癸雖登皇途

不忘陟屺疏請歸養慰彼閭倚絲服承歡朝夕
甘旨養不以祿顏乃益喜若將終身忘其廬仕
親旣考終贊乃堪委含香粉署爲鷗鵠氏肅我
軍政如劉中壘秉憲河洛提綱振紀胼胝功成
晉陟尚璽銀臺納言罔卿再徙執策數馬曰恭
敬止中丞持節出撫西鄙念彼秦民十載如燬
權稅織毳吸膏剝髓爲民請命惟力是視民願
少延須臾無死終被公澤以衍生齒不謂公身
焦勞至此將星宵隕于渭之汜素旄東歸蕭然

數馬集

卷之五十

十六

行李送者哭途如喪考妣余與君交契洽蘭芷
劇談時事千言纒纒傷及詩文漢初唐始俯仰
千古謂予知已予衰無恙而公已矣人今隔世
言猶在耳邦之殄瘁其基先圯採蘋于澗採藻
于沚薦以清酒臨風長跼任城於齊疆域爲邇
予病累旬不能舉趾械詞授使淚沾側理非爲
公痛憂世將否公如有靈鑒我斯誅

祭王晴江中丞

岱嶽巍巍溟渤汪汪實生異人玉質金相澈精

六藝摘藻琳琅起家甲第司李南陽恩覃肺石
操比清霜入官比部淑問孔彰治劇有才出守
大梁襦袴興詠媲美龔黃秉憲畿輔鎖鑰金湯
秋風北平邊塵不揚黃河之西套方張授節
開府銳志安攘犁庭擣穴膽落豺狼勲高謫典
貝錦成章公浩然歸冥鴻高翔松菊開徑洛社
舉觴不言邊事詩酒徜徉衆實有口勲在疆場
詔進公秩寵溢縹緗指日徵還使佐廟廊詎意
騎箕已上彼蒼生平勲業僅遺劍鉞幻泡空花

數馬集

卷之五十

七

長夜杳茫嗚呼哀哉歷山無色明湖掩光文獻
凋謝中外徬徨憶在粉署與君含香文章意氣
千秋相望十載宦齊每登公堂披襟道故神氣
殊王兩月不見倏焉告亾人生夢覺世事荒唐
年逾古稀豈曰非長況有孫曹爲珪爲璋庭階
芝玉森然成行知公歸去旣悅且康奠公一尊
鬱金芬芳飯有黍稷牲有豕羊靈其不昧來格
洋洋

祭總河曹嗣山文

嗚呼振鐸之國曹爲始封平陽佐漢一代臣宗
明德之胤食報必豐爰有聞人是爲贈公魏科
早掇名位未崇福澤方聚鍾于司空少登甲第
秉心朴忠卽官起草大郡剖銅江淮之間清譽
日隆執憲東吳扇以仁風遂賜斧鉞受知重
瞳水旱疾苦痛于厥躬爬搔撫摩民樂融融
帝念濁河南決爲洪民遭魚鱉漕舟不通使公
治之績我禹功公挽百川障之使東役三十萬
民罔怨恫方告成事築宣房宮慈幃忽逝公心

數馬集

卷之五十

八

忡忡匍匐奔歸哀慕如童形容骨立遂成疾瘵
如公死孝何如王戎嗚呼哀哉任事之難莫難
河工南隄之弱北隄之雄東岸之悅西岸之訐
人各有心孰能相同公之胼胝勞怨兼叢賞未
卽行言者已攻向不興役國無喉嚨南陽旣涇
漕輓何從續於斯役實効狂瞽敢排衆論歸美
于翁生死契濶痛入深衷臨風一哭寄情飛鴻
公形雖沒公神自聰乘風上下周遊穹窿謂余
不信曉日瞳瞳詞以誄公文情始終

祭莊陽山少司徒

青陽萃嶽燁燁簪紳繁翁天挺受冠羣倫南宮
拔萃東越綰綸宣德流化禹穴生春入侍瑣闥
忠鯁披陳出督江蠻士樂陶甄藩臬敷歷風節
嶙峋仗鉞開府仍大江濱教化維舊政治則新
司寇司徒疊奉 絲綸九列爲儀四海秉鈞暫
歸子舍侍膳昏晨適值翟母厭棄風塵翁猶孺
慕如失大椿請命于 朝推恩先臣 贈恤之
典逮于二親猗我溫陵文毅不振惟翁橋梓督
數馬集

卷之五十

十九

學案茵當世所榮師表人倫翁德溫溫翁度閭
閭汪波千頃莫測涯垠遙看起渭弘濟時屯云
胡邁疾大夢在辰藩叅歸侍躬啓綸巾優崇典
禮竚降 楓宸王槐森發謝桂彬彬後先競爽
德福惟勻某生也晚幸接德隣旣樹我鵠復飲
我醇章貢剖竹治効未臻翁上賢疏稱許諄諄
謂二千石茲吏最循藉是有聞不至沉淪東土
聞訃能不悲辛矧翁孫女辱締兒姻公悼私痛
涕下斯頻尺帛辨香遙睇八閩何以將之澗溪

之歲翁靈不昧鑒我誠禋

祭李對泉冢宰

嗚呼公之在位士咸彈冠拔茅以彙聽如轉圜
公之去國士咷且嘆官府孰通朋黨孰散謝傳
東山司馬在洛晬黎之望如川赴壑庶曰無疚
維國之祿胡天弗惠降此鞠凶士殞龜策國菑
棟梁百身莫贖人之云亾公昔在東尸祝東人
予獨何幸踐公後塵公眷于東如已溺饑保釐
之選稠人是吝維予之陋格不入時公曰無害
數馬集

卷之五十

廿

用之不疑維帝妙簡維公特知我來自東視公
舊履人亦有云視已成事公之隕矣東人涕洟
其身則隕其愛則遺我懷于公灑酒械詞東人
之感亦鳴我私

祭溫用庭御史

晋太真之苗裔兮代散處于南方揚清芬于海
溼兮歷千載而彌昌毓清漳之靈粹兮奮雲路
以翺翔綰銅墨於淮右兮流霈澤之汪洋入西
臺而執法兮凜白簡之秋霜奸人言利而罔

上兮紛馳騫以若狂君怒髮爲上指兮請寘之
磧斧斨惜忠言不見用兮島夷肆其披猖磧始
禍以徇衆兮曾何救多命之淪亾 帝思君之
忠言兮付中外之紀綱按吳越之名區兮黜貪
墨而顯循良返旆指于海岱兮吏稟令以趨蹌
值霖雨之爲災兮民啼饑其遑遑易漕米以輸
金兮賴咫尺之封章活饑民以百萬兮俾再覩
乎豐穰大豪橫行於里巷兮行且穢乎網常益
逸罰以多年兮請於 朝而斃之圜墻彼宦寺

數馬集

卷之五十

三

之黷貨兮恃天憲之手將君彈劾而不避兮遂
歸落於大璫昔唐有溫御史兮勲臣且斂手而
傍徨信後先其輝映兮負直氣與剛腸方巡狩
於畿甸兮縶驄馬於故鄉忽玉樓之有召兮悵
壽命之不長交無論於新故兮涕沾袂以浪浪
續輩或同生於粉榆兮或同窀於一堂倚臨風
之玉樹兮挹荀令之餘香嘆幽明之永隔兮韜
餘草於阜囊托微詞以寄哀兮奠臨風之一觴
苟名不沒於身後兮雖溘死其何傷睇海雲之

縹緲兮魂乘之以飛揚鑒予情之慘淒兮薦蘋
藻兮椒漿

祭傅騰阿大祭

惟公發祥于丹穴兮風振藻于南州應昌期而
瑞世兮鳴玉珮于池頭雖比德于九苞兮益恬
淡而好修甘十載而不遷兮處即署以夷猶間
出理乎儲精兮蒙塵芥以持籌財無微而必惜
今蠹無微而必搜寬梁齊之民力兮轅將去而
攀留還綰綬于農畧兮值瓶罄之堪羞念九邊

數馬集

卷之五十

三

而蒿日兮惟兵食之講求嗟二豎之纏綿兮將
返駕于丹丘蓋白首猶曹郎兮與顏驕而爲僞
魂飄飄其將逝兮乃參藩于粵陬謂公待此以
冥目兮轉令拊枕而生愁某識公于早歲兮結
文社以綢繆公以女字吾子兮猶黃口之啁啾
迨兩人皆登第兮室家乃遂其好述今諸孫已
滿眼兮繞吾膝而嘻遊擬與公乞身于暮齡兮
狎海上之白鷗何公身已乘鶴兮赴天上之玉
樓子孫遠在萬里兮孰與公而分憂吾兒奔命

而赴難兮公驚喜而暫瘳縱死者不可復生兮
猶可少慰于明幽眺翩翩其南指兮入齊疆其
少休此地有公之遺愛兮魂暫憩其悠悠換斯
文以致奠兮薦盈樽之黃流公酒興其最豪兮
尚能引滿而盡不悵白日之西墮兮河冰凍而
不流待公子以馳迎兮當令長風送公之歸舟

祭蕭岳峰大司馬

嗚呼自古名臣係國重輕動業既建卒完大名
世風既下浮議雷轟苟得免于禍機卽身退以

數馬集

卷之五十

三

爲榮惟公身之出處歷三朝以經營作邊陲之
保障爲社稷之棟樑施表餌以羈縻柔冒頓與
老生從一秦而抵雲谷息鋒燧而偃旆旌旣秉
戎樞復典邦刑身兼佩乎兩印望獨重于孤卿
定國家之大議折衆論于盈廷東採屬國之難
西興討叛之兵驅鯨鯢而戮之消魑魅于深菁
俾八百之窟穴借機搶以掃平論運籌于帷幄
信八柱之獨擎振安攘之雄略作九塞之長城
慎師帥之用舍付衡鑑于公評門一任兮市滿

心自信兮水清將以酬夫知遇猶忌者兮見傾
乃拂衣以歸老兮共岱山而結盟 聖主隆情
于眷留兮恩獨渥于阿衡出春明而餞送兮集
冠葢于神京嘆息當年之疏傳兮實異代而同
情葢自公之既歸兮而世局復爲之一更徒聞
將帥之增價兮未覩夫出車之彭彭始信言者
之妄詆兮非爲國之忠誠公徜徉于岱下兮忽
返駕于蓬瀛兼祿位壽名兮無一虧而有百盈
功名付之青史兮其遺風猶堪爲世程某等持

數馬集

卷之五十

三

節于東土兮瞻一代之耆英嘆安仰于山頽兮
望白雲而心忤爲斯文以致悼兮托微意于荃
蘅公精神之不泯兮想能盡此一觥生旣爲岳
之降靈兮死必爲天上之星精

數馬集卷之五十 終

數馬集卷之五十一

溫陵黃克纘紹夫著

祭文

祭少卿邢子愿

嗚呼惟上天之生才今歷數百年而一見人才
之有大小今若九州之有郡縣余遍觀于斯世
今莫吾子之能先蓋弱冠而拔俊於黌序今入
辟雍而友俊彥世紛紛其多才今觀子文而心
戰掇高科於拾芥今聽臚傳于金殿宰帝畿之
數馬集

卷之五十一

一

劇邑今登循吏之列傳入持憲于西臺金石爲
肝今鐵以爲面西按兩河而南按三吳今每求
瘼而審讞既才美之見憐兮亦招妬而蒙譴條
參藩而同寺今若韓大夫之失寵益徙屯于荒
甸念雙親之垂白今阻冬溫與夏扇遂解組以
歸來今益覃精于黃卷經有蒐而必窮今史有
畋而必徧發性靈千篇章今備古雅與芻蕘若
兩漢之沉雄今若六朝之綺練若風雅之溫厚
今若盛唐之宛孌若金石之和鳴今若干莫之

精鍊彼七子之高才今互標榜以自炫其高或與
子相伯仲今其下者當却步而色變若乃怡情
於羊欣之裙適興于張芝之絹近則米氏父子
遠則王氏義猷無不窮其骨髓盡其笑諺形神
俱得嫣然一盼大江南北誰不興羨京兆無光
玉堂失衽勒高文於豐碑比綵筆于如椽誠當
今之寡二爲一代之獨擅其從東來始識蘧瑗
多君孝友之行美君幼婦之悞時或下榻時或
飲譙我以君爲嶧陽孤桐君以我爲東南竹箭

數馬集

卷之五十一

二

近讀君所撰築城之碑方謂君苗當焚其筆硯
天豈虛生乎此人芳草疏而上薦而君固已下
厭濁世騎星辰而鞭雷電嗚呼世寧復有斯人
乎使我淫淫而淚濺聞君疾猶可爲今爲庸醫
誤投下一煎豈天意亦妬才今故令等毒藥于
肴膳余方移官于金陵今聊爲文以致奠傾明
湖之水不足以爲恨今增余衷之悵悵寄生芻
之一束今焚沉香之一瓣嗟余腸之九迴今君
豈能起而食予之饌

祭孝廉趙侗少

惟君承祖考之家學得麟經之秘肯冠髦士於膠庠稱器中之簠簋領七閩之賢書既鵬搏而鵲起屢文戰於春闈輒暫蹶乎駮駟君以命而自安謂河清之可俟思沉船而破釜益攻玉而就砥怡高堂之二老極孝養以沒齒執親喪而泣血幾滅性以爲毀撫四弟而如一均同氣於離裏每推肥而擇瘠常分甘而絕美茲鄉黨之公評豈婚媾之私與慕澹臺之遺風無公門之

數馬集

卷之五十一

三

結趾觀當世之孝廉嘆如君之無幾偶疾生於無妄庸醫視爲痼痼投涼劑以傷生遂絕粒而奄死韜玉人於一櫝令人嘆息何能已已僕子與君爲友婿弱孫又清冰之是倚憶顧我於歷下出雄文以相視讀終篇而斂衽謂唾手可取乎青紫知彥先之好琴請一曲以清乎俗耳曾點瑟之未希人琴已邈如千里欲登靈床而撫彥先豈復能聽此空寄情於一奠想德門之多祉忻嗣續之有人挹馨香於蘭芷苟君靈之

不昧當爲我而飲此觥

祭禮部郎中賴圖南

嗚呼天何爲而生才今又何爲而妬之其生也如鷺鷥鵲鵲之難值而其奪之也如幽蘭芳草之易萎豈聚散修短之數誠窈冥而難測雖亭毒亦不得而盡司世有如君之瑰瑋耶竟短折其若斯令人駭而莫識其故今詰彼蒼而致疑昔觀察之廉惠今帝爰錫以嘉男羅六籍於胸中今髮垂肩而鬚鬢已擢秀於秋闈今猶稱弱

數馬集

卷之五十一

四

而不勝簪豹隱霧而文成今鵬搏風而圖南魁南宮之多士今爲國家之梗楠佐秩宗以寅清今方問禮於周聃長信姁以練要今飲墜露而自甘謂明志而致遠今匪淡泊寧靜而奚堪余器君以琬琰今方君東序之大鏞何造物之妬人今賦奇質而罔終趣長吉於玉樓今實代異而事同往者既喪其伉儷今魂飄飄乎旅中茲相從於綠髮今洵所遭之獨窮有一男與一女今猶煢煢今幼冲望歸路於天末今雲縹緲今

海東君女許余之弱息今誼休戚今相通余聞
君之訃音今賜九迴而忉忉身守藩而難往今
致生芻之無從命余子以奔奠今薄訴余之愁
衷自古必有一死今何必夭殤子而壽老翁君
有子可繼志今亦何必于君之躬

祭中丞劉右川

嗚呼方世變之江河今資砥柱于賢人何天心
之樂禍兮今吾道之益迤民方依先生以爲命
今乃陷危而沉淪使豺狼魑魅白晝而叫號兮

數馬集

卷之五十一

五

吾求之而不得其因惟先生之誕降今鍾太行
之嶙峋擢甲科於早歲今綰墨綬而親民興絃
歌於邊鄙今齊漢吏而稱循佐大農以治粟兮
司國計而平均旋一麾而出守今續潁川之芳
塵簪三月而大治兮楚三歲而返淳彼民俗之
剽輕今奉政教而逡巡遼陽當虜之咽喉兮烽
火逼平塞圍令先生以備虜兮旗幟亭郭倏焉
而重新効李牧之遺教兮離以我爲比而不喚
時鬼乘以擊其情兮

獻俘兮恩波下於紫宸兩增秩而賜金兮
國有虎臣何霜露之足侵兮忽移病而乞身臨
洪水而徜徉兮與齊老而下鄰將永矢而弗告
今豈有寶劍而長湮乃蒲輪之見徵兮今籌邊
於三秦不貪功而啓釁兮雖黥虜其就馴使旬
宣於蜀齊兮民戴德而含醇時三韓之多事兮
急轉輸於海濱疇聲色之不動兮輸三十萬如
有神 帝遂錫以節鉞兮衆踴躍而知春值礦
稅之繁興兮兼饑饉之荐臻爲力請於朝兮出

數馬集

卷之五十一

六

倉庾以賑貧飢者一日得再食兮肉白骨於吟
呻所活以數十萬計兮非富鄭兮其孰倫中涓
倚勢而煽炎兮禍輒遺於縉紳常抗疏以糾彈
今俾斂手而中懷彼所欲之何厭兮我守正而
不徇若牙爪之肆其搏噬兮取三尺而爲陳罹
吾網而不縱兮何畏乎狂犬之狺狺蓋齊民稍
藉以貼席兮而憂已屢乎採薪二豎纏綿而弗
去兮何造物之不仁信世道之將衰兮萎哲人
於茲辰任豺虎之縱橫兮孰挫其鋒而止其瞋

某等奉令而承教兮幸委質於陶鈞瞻岳中之
泰岱兮仰人中之鳳麟天不爲世道而憊遺兮
徒使我結軫於秋旻安能久與轍而共處兮行
侶白鷗而相親酌一卮而出涕兮孰知余之苦
辛已矣乎天心旣如此兮聊托意於採蘋

祭相國于文定公

嗚呼古稱士不虛附兮皆業就而名隨苟事業
之未著兮已雖信而人疑今有自比於管樂兮
必以爲誇誕之詞非後來之灼灼兮孰信其不

數馬集

卷之五十一

七

我欺當先生之退休兮已絕意於匡時何四海
之屬望兮皆願其出而爲帝師值議論之喧
阗兮幾立異於梃錐嘆調均之無術兮倒狂瀾
而東之論者謂得人如先生兮使坐鎮乎台司
將輿情之咸附兮無不奉爲蒼龜幸帝心之
天啓兮徵舊學於巖居黃麻下而士論翕然兮
謂茲出關世道之轉移豈以棄秩宗於壯歲兮
類桐江之一絲抑以講帷之啓沃兮忠誠爲
九重之鑒知要必有休休之盛德兮公天下而

不私故無智愚賢不肖兮咸謂相天下其最宜
身未離于東山兮名已齊于皐夔四海想望其
風采兮謂太平之必可期卽入國門而溘逝
兮若元勳已勒于鼎彝不怨帝之不用公兮
恨用公之已遲今旣無可柰何兮但嘆彼蒼之
不憖遺噫帝閭阻隔兮十載于斯豺狼四出兮
遍于九逵淫溢秋霖兮千里阻饑仰望蒼天兮
揅此瘡痍天不福民兮哲人其萎如彼大厦兮
何木能支昔登公堂兮公髯未衰談及世變兮

數馬集

卷之五十一

八

公嘖以咨及今三載兮上天騎箕聞公之訃兮
能不悽其爲文以奠兮聊寄我思匪我之思兮
舉世咸悲

祭封君傅濱泉會伯

古稱善人百年樹德責報於天如彼稼穡是薦
是藜其應罔忒嗟哉先生鄉閭爲式處物無忤
內行修飾振人之窮惟力所極人不敢忘我無
德色閨門之中有典有則寡妻旣刑多男斯得
庭前三桂手自封殖競爽儒林觀光上國石渠

之署承明之直美公嫡子緩步登陟諸孫猶子
繩繩翼翼詩禮趨庭即署分職泉之兩傳猶阮
南北天道福善厥報豈嗇公及見之舊德斯食
僕與令子論交翰墨相托兒女相示肝臆而翁
吾翁吾息而息昔與公別公頭猶黑八袞非未
公逝何亟老成彫謝能不心惻所可慰公傳詔
飛勅太丘傳文豐碑可勒地下之年百千斯億
臨風寄莫悲哽爲寒

祭丁寶慶封君

數馬集

卷之五十一

九

君之來兮胡爲緣若子兮宦茲聞有名兮自公
望帝閭兮將馳君不行兮夷猶子之往兮誰
恤其私歷道路兮險難傷人事兮參差憤二豎
兮憑陵息奄奄兮頻危岐伯術窮兮罔効令若
子兮籲天以悲人卻陵兮家東海橫流涕兮魂
相追嗚呼悲莫悲兮生死之別離歡莫歡兮客
中之相知余與君同枌榆社兮離髻髻而相隨
試有司而名相甲乙兮遊頻宮而吾伊爾來二
十有八春兮忽他鄉之同羈余視君於垂困兮

君咨嗟而涕洟道生平而握手兮雖憔悴而同
春安羗頃刻而成今古兮神飄飄其何之君固
濁世佳公子兮於丘索無所不窺識窮通之有
數兮齊彭殤而何疑况令子之英偉兮方接武
於龍夔理劇郡而上計兮恩浩蕩而見貶冠
切雲之崔嵬兮服藻火而逶迤老冉冉而將至
兮亦何慕於美門與安期天地同歸一逆旅兮
何必此之怨而彼之思魂兮歸來揚雲旗些返
其故宇在彼天涯些瀟湘洞庭莫棲遲些境非
數馬集

卷之五十一

十

祭金鳳池

漢稭侯之苗裔兮歷千載而多賢公繼起於泉
南兮騁駉駉以爭先方授書於家塾兮已藝圃
之畢畋卽鄉校之未遊兮青衿莫之與肩一試
而捷巍科兮鵬搏風而翩翩對大廷之三策兮
追董賈於當年迨含香於清曹兮奉三尺以周

旋佐司農以持籌今廣儲糈以餉邊處膏脂而不染今冰在壺而質堅間掄才於三晉今拔茅茹以彙連備明皆之楨幹今譬在水而爲梗爰剖符於中都今莖時拔而魚懸貽豐鎬以鞏固今績媲美於潁川彼兇人之狂逞今疾在心而爲瘕於公德其何損今聊解組以歸田 帝復畀以潮陽今鱷奉令而遠遷樹榮戟於粵東今憲文武以持權因祝釐於宣室今歸戲綵於親前娛萱堂於暮景今譙瑤池而登僊何孝思之數馬集 卷之五十一 十一

祭隱士蔡少峯

嗚呼天地淳朴之氣鍾之窮海之濱其人無英華之外朗恒隱默而恂恂言不及鄉閭之短足不涉郡邑之塵匪今世之所有乃葛天無懷氏

之民若吾丈者信與物無違忤惟完朴以全真敦孝友於父兄崇退讓於鄉隣勗子孫以經學興儒風於水滸卽季父之先登知文運之已振孰鼓舞而倡導則吾甥氏先儲乎席上之珍公視予之數奇曾無怨於蒼旻晚優游於里閭時一至乎城園話生平之舊事歲月久而彌新余詫夫所養之完固將齊千歲之大椿胡秋陽之扇虐遽殞命於茲辰若子方文戰於秋闈令抱恨終天而莫伸斯造物者之難料豈所宜加於數馬集 卷之五十一 十二

祭德定王妃董氏

皇明衍祚首建藩封有山若礪東土稱雄命德分茅往鎮于東決決太國訓典是崇匪資內助外治奚隆賢哉 定妃孕秀宗幽閒真靜溫

惠柔恭克配君子表正中宮雞鳴勸朝日夕降
容穆木澤普螽斯瑞鍾在宮在廟罔怨罔悃四
德既備多男萃躬 高皇子孫其準俱隆主藩
以長列城小宗翊贊鴻圖與天無窮宜享景福
比壽高崧胡爲仙馭飄然乘風奄棄國養先王
是崇某撫茲土備聞肅雝茲罹國卹五內忉忉
凡我有位感愴則同敬薦牲幣用展微衷何以
爲誄淑德令終

又殯時祭文

數馬集

卷之五十一

十三

嗚呼大生賢淑作配 定王誕啓後人螽斯慶
長洛濱之被冠蓋輝煌擬之伏氏後先有光子
以國養華髮徜徉乃從地下攜手玄堂傾國出
送素旄飛揚 天子歸賵宗圖稱良哀榮兼備
有煒王章某叨撫齊惟德是莊靈車既駕國人
徬徨敢脩虔祭薦其馨香有山如岱仰止昂昂
園陵在邇王魄斯藏

祭李母吳太夫人

霽襄

惟延陵之苗裔兮鍾淑人之輝媛受女誠於嚴

君兮體坤德之婉孌初作配於君子兮侍高堂
之清宴感霜節之稜稜兮食必旨而服袷能承
歡以怡顏兮罔拂意而貽譴姑謂吾有此婦兮
未亡人始爲之一倩舉二子於盛年兮文采蔚
其豹變請所業於先姑兮謂是蘭臺麟閣中之
碩彥伯授經於周雍兮仲射策於漢殿鵬搏風
於九萬兮豈類尋常之斥鷃驥追風而逐景兮
凡馬仰秣而爭美鞭墨綬以臨民兮流鴻恩於
赤縣訓恭敬以事君兮中粉署之歷踐教興於

數馬集

卷之五十一

十四

齊魯河洛兮盛當時之文獻入舉策而數馬兮
敢恃才而自衒北破天驕而西島夜郎兮歷辛
苦於百戰惟忘身以報國兮母乃悅而增膳晚
從子而東征兮欲挽天河於淮甸苟昏墊之可
免兮何庭幃之私戀彼呱呱弗子乃何人兮罔
俾古之獨擅忽命駕將之瑤池兮乃疾呼而一
兒子忠孝而母壽考兮曾何有於遺盼矧 綸
綍之三錫兮荷 九重之優眷從夫君以遨遊
兮白首同歸於幽窕某等備官於齊魯兮奉仁

風以共扇仰三刀於益州兮欽遼城之一箭
其母爲賢母兮見房杜與珪遊而稱善感叔敖
之陰德兮占慶澤之流行金氏之子佩兩綬兮
李氏之孫兩金吾而其賞世延茲母德之流光
今方焜耀於家傳信生榮而死哀兮當世莫之
或先悼婺星之不耀兮采蘋繁而上薦尊桂酒
與椒漿兮靈回翔兮下嚙乘清氣兮何之俾
堂孫子兮有淚如霰

祭邢母鄭太夫人

益都邢
崑田母

敬馬集

卷之五十一

十一

惟太夫人之嬋媛兮標令淑于東方實姬文之
苗裔兮鍾寶婺以呈祥作伉儷于君子兮堪饒
德于孟梁紉秋蘭以爲佩兮精瓊屑以爲帳薦
蘋藻于祖廟兮奉歲時之蒸嘗事先姑以柔婉
兮鳴佩聲之鏘鏘諧妯娒與伯叔兮若墳荒之
與笙簧何良人之不祿兮羌中道而喪亡誓捐
軀以殉義兮憐白髮之在堂矧孤雛之無知兮
將捐棄而厥心孔傷遂忍死以圖存兮誦詩禮
以自防慨遭家之不造兮紛外侮之陸梁勤織

紆以自給兮課厥子而業縹緗芳菲菲其難虧
今何弱質而剛腸斷鬢髮以療疾兮孝可挽乎
頽綱九族待以舉火兮惟赴義之遑遑偉震器
之崢嶸兮騰雲路以翱翔綰銅章而出宰兮適
靈荃之當陽搏羊角于九萬兮登文陛以趨蹌
植栢臺之勁節兮作朝陽之鳴鳳奉卷軸之明
訓兮每平反而審詳聲燁燁而蔚起兮歷藩臬
而流芳陟九列以出鎮兮浚紫塞之長隍西南
夷沸其弗靖兮俾建牙于天彭丁島夷之鼓焰
今再視師于樂浪朝戮鯨鯢于海濫兮暮舉長
矢而射天狼築京觀于外國兮勒殊勳于旂常
銅標高其拂雲兮掩前烈而焜煌母曰嗟余于
之行役兮當國爾而家忘此志可光于日月兮
豈徒比操于清霜數生平之懿行兮匪形管之
能揚捐金錢以贖趙女兮還棄婦於道傍割已
產以仁族兮又何愛於私藏絮征衣以助夾纈
兮恩且遍于疆場非是母不能有是子兮宜世
澤之汪洋歷壽考于八袞兮老冉冉而返維桑

敬馬集

卷之五十一

十一

享九鼎之祿養今頻衰美于 鸞章胡百歲之
未屈今赴瑤池以徜徉彼繁霜之慘淡今亦何
草而不黃舞萊子之斑衣今逮筋力之方彊繞
膝下以行樂今雖三公其何敢望 恩榮逮于
三世今雲仍濟濟而冠裳備人間之五福今何
怨於泉臺之夜長纘備官于茲土今仰懿德于
姬姜夙奉教於令子今異凡民之有喪悲母儀
之既遠今孰示世以周行疇厚積而能散今孰
處高而不亢潔微忱以薦誅今奠桂酒與椒漿
乘清風今來臨鳴環佩兮洞房溪有毛今澗有
芷神之格兮馨香

祭洪母史太夫人

嗚呼自古稱女德今必求之於名族何姓而無
淑媛今譬崑崗之多玉惟吾泉之有史今冠蓋
紛其相屬秉朱氏之家禮今內教藹其邕睦方
安人於謝庭今如芝蘭之爲馥父邦君而伯方
岳今奉詩禮以自淑歸封君於青衿今繼鹿車
之芳躅孝嚴舅以承歡今事繼姑而祇肅聞雞

集

卷之五十一

七

集

卷之五十一

八

鳴而申儆今勗焚膏以誦讀有方伯以爲兄兮
佐友于而益篤值兵火饑饉之薦臻今施餓者
以饘粥親知多賴以全濟今死者待以舉殯雖
所主在蘋蘩今實傾奩而散蓄喜夫君之學成
今方得志於場屋胡二豎之爲祟今賦玉樓而
召感撫二雛而長號今嘆百身之莫贖乃收淚
而返顧今憐孺子之匍匐匪一死之爲難兮幸
生者之可鞠屏簪珥而弗御兮棄羅綺而弗服
無膏沐以爲容兮嗟予髮之出局民部方離保
母兮俾就傳於家塾謂世德之當繼兮思先君
以爲勗夜則聽子之吾伊兮晝則勤夫杆杵子
克遵乎慈訓兮追劉柳之書簾登甲第而振家
聲兮媲美乎諸昆與伯叔作辟雍之楷範兮司
大農之財穀安人於是始開顏今謂不負未亡
人之教督師陶母之却鮓今戒分惠於餘祿值
三歲之賓興今遣使掄才於九牧彼嶺海之多
士兮歡民部之甄錄違溫清於膝下兮指秋期
以來復胡安人之不待兮從地下以歸速俾子

抱恨於終天兮嘆王事之我枯賴賢婦及諸孫
今侍湯藥於裋衿衣周身而棺周衣兮猶子親
承平吟囑太史謚以貞孝兮志行可信於幽獨
誼忝於婚姻兮仰懿德之芳郁採荃蓀以告
度兮奠椒漿而致祝賁 絲綸於泉壤兮知德
門之多福靈炯炯其不昧兮鑒微誠於尺幅

祭潘太夫人

嗚呼惟安人之懿德兮鍾瓊質於右族求庶士
而追吉兮爰奉嬪於華屋托萬蘿以纏綿兮荷

集卷之五十一

十一

君子之惠渥降天上之麒麟兮瞻明星而肅肅
舉安仁於早歲兮岐嶷冠乎家塾有絡秀之賢
明兮和熊九而佐讀文采陸離而霞舉兮惠連
方駕而並逐魁多士於南宮兮資養親以微祿
辭玉堂之華選兮含雞舌其馥郁贊計相以持
籌兮翩翩乎虞廷之鸞鶴馳 綸音以寵褒兮
賁慈母以章服謂戲彩其未艾兮庶圖報於我
鞠胡安人之僊去兮厭人間之綺縠恨南北之
萬里兮嘆白雲之滿目雲方聚而遽散兮空掩

袂而慟哭某粉榆之姻亞兮情奕世而相睦兩
銓部之結婚兮意綢繆其如昨茲釋齒之孫女
今復縈葛藟于膠木痛板輿之長往兮違管膳
於饘粥念忠孝無二理兮何必承歡于水菽望
南天而寄奠兮哀逝者而輦願採岱岳之芳蓀
兮雜泗濱之野菽靈庶幾其來享兮介他年之
景福

祭辜母韋太宜人

嗚呼惟韋氏之著姓兮系本出於玄成天尺五

集卷之五十一

十一

而非遙兮世世衍乎簪纓逮吾泉之聚族兮閭
閻屹其崢嶸羨巍科之三擢兮美孝德之見旌
宜人稟柔嘉之懿德兮爲韋氏之女英歸封公
於韶年兮羌紉蘭而佩蘅孝敬篤於尊嫜兮姻
睦洽于宗盟佐夫子以下帷兮蒐六籍而殫精
爲文章之老宿兮作儒林之法程和熊九以教
子兮筭五經於弱齡掇巍科如拾芥兮聽歌詩
於鹿鳴綰銅符於州縣兮著漢吏之循聲奉母
教以周旋兮酌食泉以脣清微 龍章之再錫

兮備禮服之光榮昂而子之効忠兮奉簡書以
西征有兒孫以代養今猶善飯而健行方婆娑
於百歲兮忽驚鶴之來迎恐賢子之驟聞兮魂
驚勃而飛驚世無西王母之不死兮又豈有麻
姑之長生惟德福祿壽之兼備兮斯塵世之蓬
瀛若宜人之九十有二兮受祉獨厚於桐城某
締交於賢子兮賡伐木而美嚶嚶伊吾家之小
阮兮獲托婚於玉瓊誦宜人之內則兮如鳴珮
之琤琤感儀刑之既逝兮薦清嘒之一觥荀忠
信之可昭兮忘蘋藻之爲輕知精靈之不昧兮
將有鑒於微誠

祭駱母郭太夫人

嗚呼臥龍太白胚奇降神男有名儒女有淑人
世郭恭人燕婉名族言歸君子其儀孔淑佐夫
卜惟康成是勗升座談經五鹿折角貢于帝
庭真之膠序以爾德義型我多士載歷三庠門
多桃李新安邵郡教化大起于時恭人苜蓿風
美王燕飛來異人斯育漢書口授熊丸助讀教

成國器植此夏屋蚤奮雲衢掄魁天下文章之
妙堪追左馬振鐸粵西旬宣嶺左載遷豫章惟
士是造以德化人如風偃草天子曰都緊母
之賢鸞章鳳詔以榮暮年几几翟服安安魚軒
衆羨恭人恩錫蟬聯貴而且壽如母者稀翩翩
藻服舞于庭幃胡爲厭世夜臺云歸三秋婺女
頓掩光輝某夙欽令子願接音徽復忝姻婭情
彌依依升堂拜母此志未酬瑤池青鳥悵望悠
悠敬遣弱子奠此黃流亦有蘋藻採于芳洲庶
幾德馨不爲神羞

祭掖縣趙尚書母

嗚呼淳涵北海映以名岳磅礴坤靈鍾爲令淑
懿哉夫人生于名族質比玉貞行同蘭馥爰歸
尚書內行雍穆勤我女紅佐彼誦讀卒成名儒
觀光上國動爲上程知先民覺篤生令子美玉
一鼓器則瑚璉不資追琢材則豫章可棟黃屋
附疏後先干城心腹誰實成之庭訓是服俱爲
名臣秉鈞當輔瞻瞻二老膺受多福崇以靈

趙文懿公文集四卷附錄一卷

〔明〕趙志臯撰

明崇禎趙世溥刻本

中國科學院圖書館藏

六書堂稿序

余方舞象而

父魏公相矣食太平之賜

者靡不想見其人今春

余李於鑒行部過激水

卷一

式公之廬登龍章樓謁

告天臺環觀十八景益

信公大業彪炳雖百世

可嗣也遂即景賦詩增

二景以寫風懷其孫世

溥復輯遺集序於予

毋忘泰山之卷石滄海

之句水那蓋我

國家相臣創業垂統代不乏

賢自

卷二

神廟以冲年踐

天子位惟公以一德一心協

輔其間時當

聖主明作之餘樂與諸臣共

享清寧諫臣出而肝嘉

清國卒定而危於息羣
移賢相羽于莽而寧夏
平關白殲而遼氣靖羣
稱福相凡、去留衍、
漸磐人飲平陽之酒靈

陪謝傳之墓社結泣者
之英羣稱山才相然公
當年抗疏數上觸柄臣
之忌謫降紆氣而公屹
然不顧後肉

召宰輔主朝十年匡
主安民中外晏如誠所謂前
難為開臣難為繼也凡
實廣周矢誰能補蓀皇
敬即片言隻字亦皆金

霏玉屑余方卒業遺集
沿流以溯源景行而仰
止繇禹稷以想勳華至
安社置一詞也如是則
卷石留泰山也一勺皆

滄海也為子孫者稱
遺編而紹祖德者有
有深情余因素至志爰
命帑僕

崇禎甲戌仲秋溫陵關元

寺口東園竹公斯排吳
載鰲書

趙文懿公文集目錄

卷之一

平寧夏 詔

送張九山年丈令吉水叙

賀督府洋山凌公加 恩叙

賀凌公晉南大司空叙

贈左方伯沈練城公之閩藩叙

送右方伯少松藤公之浙藩叙

贈京兆尹施華江公北工叙

賀大司馬督府凝齋劉公十塞功成叙

十塞平蠻叙

賀東陽令育源黃君榮封父母叙

贈邑侯楓谷喻君入 覲叙

賀督府弘軒張公應 召協理京營戎政叙

東粵紀事叙

卧雲堂集叙

六虛樓藁叙

蘭陰珍別後叙

清漾毛氏宗譜叙

吳父母贊政有成耆老歸德叙

中洲遺集叙

贈南京右都御史洪溪栗公叙

賓庭張先生制舉義序

卷之二

恭賀吉王殿下千秋叙

壽孫蒙泉先生夫人岑氏雙壽叙

壽邵越湖七策叙

賀省亭郭公壽叙

賀胡秋宇五十叙

賀封承德郎徐蘭庭翁八十壽叙

賀康洲少宗伯羅年丈五十叙

奉賀太宰栗菴宋公七策叙

壽封孺人趙母李氏六袞叙

賀蒙太恭人九十叙

壽鄭母邵氏夫人八十叙

賀楊孺人節壽叙

壽叔母方氏六袞叙

重修泗州城記

勅建大護國慈壽寺功德碑記

勅修東嶽廟碑記

慈恩寺碑記

重建金華府學名宦鄉賢二祠記

金華縣遷學記

最樂堂記

皆空亭記

永昌太守陳公生祠記

修梁文康公祠堂記

太師李文定公祠堂記

重建浮橋記

靈洞山房記

白雲庄序并詩

卷之三

陳巨川傳

方母嚴氏貞節傳

譚襄敏公神道碑

勅進階承德郎嶺陽劉公墓表

南京兵馬使詹道南公墓誌銘

馬瑚府經歷後山陸公墓誌銘

中憲大夫廣西潯州府知府尹公墓誌銘

明處士錢二緒君墓誌銘

處士程君汝宜墓誌銘

處士趙蘭谷公暨配安人童氏合葬墓誌銘

王母饒孺人墓誌銘

南京鴻臚少泉華公墓誌銘

勅封孺人祝母潘氏墓誌銘

卷之四

祭朱鑑塘侍郎文

祭陸陽山親家文

祭王太恭人袁氏文

祭黃司成孺人文

祭仁室封孺人方氏文

雖肅殿箴

座右銘

立志箴

克己箴

研幾箴

主靜箴

墮三都辨

德基吳公千丈跋

題桂嶺割股圖并贊

題洛南陳先生像贊

目錄

陳文端公像贊

處士祝和卿像贊

芹泉叔像贊

賀送春谷叔祖序并詩

管中秘小引

居家十六訓

附行實

傳贊

祠祀公移

目錄終

趙文懿公文集

次男鳳翀編輯

第十七孫世溥重梓

平寧夏詔

奉

天承運

皇帝詔曰

朕纂承丕緒君主華夷內安外寧茲二十載蚤夜兢

兢惟敬

平寧夏

卷之一

天動民是念端居靜攝毋敢怠荒止圖邊境又安與
民休息何期變亂之事忽起朔方之間逆賊呼拜
呼承恩父子者本以夷種冒竊冠裳包藏禍心素
恃強狠乃構叛卒劉東陽許朝土文秀等借言撫
馭乖方糧餉虧剋乘機煽禍群造反謀戕殺命官
據城負固妄意祿山之故事敢萌元昊之邪心辨
髮從夷僭稱王號傳播偽檄擅毀勅書奪庫釋囚
搜金刮帛燒毀衙舍逼脅親藩勾虜為援毒民肆
虐欲奪靈州以成犄角謀闕關陝而犯中原九塞

因是驛騷三秦為之震動誠神人共憤而罪惡滔
天者也幸賴

皇穹厥禍

宗社垂庥大小臣工効謀於內文武將吏宣力於外
兵摧強虜水灌堅城犬羊膽寒豺狼氣奪既熊羆
之畢集乃晝夜而兼攻釜底遊魚尚思奮鬣檻中
逸獸無計逃生衆士咸賈勇以先登群兇遂就擒
而授首三旬逆命未馴干羽之來六月興師竟奏
殲殪之捷遙傳露布雕動雷聲解一方之倒懸開

平寧夏

卷之一

二

三面之密網論功行賞弔死扶傷僭竊掃平地方
寧靜除劉東陽等臨陣先誅閹門受戮今檻致呼
承恩等獻俘千里傳首九邊近足以洩忠義不平
之心遠足以垂叛亂無將之戒逆天者孰能逃於
憲典犯法者果何益哉茲特宣示薄海內外九邊四
夷軍民人等安分者為良民保身者為常道恪遵
王法共享太平嗚呼除殘去暴赫彰天討之公鑒
往懲來聳聽

皇綸之播布告天下咸使聞知

送張九山年丈令吉水叙

古今異時而仕與學不同古人忠信以待用仕與學一也迺今汨沒於詞章功利窮非所達達非所施遂判仕與學爲二治之所以不古若也令尹之職其來舊矣昔人所謂懸六合之民命者也國初慎重是選非科目不與嚴責六事監司臺官併相督察政績卓異以不次擢之得人比前代爲盛然漸非其初矣聖天子龍興加意元元首飭吏治乃命較取多士又命銓曹特精外選繁簡各因材質內什一外什九外令又居七八時僅兩選受命出宰百里者百餘人張九山君授吉水令或曰令難詢其難則曰方今重內輕外又世變日滋文移旁午農桑學較賦役獄訟水旱盜賊一邑之事屬一人之身催科不息聽斷無虛日送迎疲於道路猾胥奸民窺伺舞弄然猶冀得行其志意也上之人又從而掣其肘風旨意向稍有不同卽不能自達且加以不直之愛憎賢否耳目寄之他人道方獨立不能圓合於時者每不理於衆口而

獲罪於上必求獲於上又慮拂乎民若此乎令之難也豈若游藝詞林據忠臺諫分職部屬近天子之清光樂職事之優暇也余曰不然士之仕也將以行所學也學未明而使仕是未能操刀而使割也平居誦習講討惟務該博工瞻獵取顯庸身心性命竟不料理卒不能持此以用世方今理學倡明人知向道九山君學聖賢之學者也師資往昔切磋朋友身心性命必有自得處夫自得則學有真宰決不爲世泛常吏沿襲虛文故套遷延歲月異速超改視民與事

眞慈母之愛赤子精誠注浹好惡與共均節調停靡

所不至農桑學較賦役獄訟水旱盜賊綜理周悉毋

畏煩劇事上毋教處下毋虐一切身家及毀譽得喪

置勿恤此古人以德行道藝行之者也百度舉教化

行民悅而頌上之人亦無所施其愛憎然則令難乎易乎子羔爲宰夫子懼之漆雕開則使之仕是可以知九山君之令吉水也必有所不難者矣茲行也吾方爲國家得人慶一方得父母慶而奚以慮也三年報績璽書旌異稱天下循良吏第一吉水之民

借寇無自他日書之史不啻與兩漢並視布職優閒
充員備位少所建立者光顯更不同也令不難所難
在學卽仕卽學游刃有餘地矣不然詞章功利之習
終未可有益於斯世而一民失所上干天和理亂安
危係焉又未可以易視之也諸君聞余言皆曰是可
以進於古矣於是崇酒載肉相與祖餞而述其言以
爲贈

賀督府洋山凌公 加恩叙

嘗觀古昔受命制閭之臣爲其時戡亂定禍徂征四

廣堂集

卷之二

五

方丕樹勳烈而其上亦多封拜錫予之典蓋其勇大
者其功茂其慮深者其計周其勳著者其寵隆唐裴
晉公斷以淮蔡爲必可平不撓廷議蔡人授首撫以
吾人插兵歸農賜繒給粟孽且不作其時策功論賞
各有次第公獨加典此往事可觀者乃於今再見之
兩粵僻在嶺外羅旁東西二山介兩粵間週遭千餘
里懸崖層疊叢林深菁徭人盤據於中以恣其黠
之嘯號而浪賊又從附之相與剽掠爲民患其性頑
獷喜殺叛服不常泰而撫之不旋踵而肆逆介而剽

之輒淹歲月納坎窞曾不能窺其徑戶自 國初以
至于今用兵凡五迄無底績而嗣舉者多嘗寇卽止
略取所獲級上之以塞其事賊亦少誠數歲不爲梗
率爲苟且目前之計公至乃言寇不威不懲不深入
其阻不足以貽民百年之安毅然定計徵兵分哨督
以將領監以司道刻日進剿而又諜其腹背塞其險
要掩其不及直搗其穴賊遂大遭挫敗竄散奔伏執
訊獲醜無算僅四閱月而功成夫徭之巖阻林翁猶
故也其生齒之繁夥幾倍曩昔而我官兵器械糧餉

廣堂集

卷之一

六

未嘗借貸他所恃以區畫得宜志堅掃蕩遂成前此
所未有之功此非天下之大勇乎既而以萬山聯絡
嘯聚爲易賊素有兵來我去兵去我還之語不謀永
圖恐殘孽復稍稍起貽後日之患乃改東西兩山中
瀧水舊縣爲州佐以兩縣翼以四所分兵實之四募
遠近之民耕種其地移設憲臣彈壓於上屹然稱巨
鎮焉我 國家操版圖以統一疆圉尺寸皆王土也
此種自槃瓠氏來不奉教化不供稅貢而禽獮草薶
謀出指示斷在必討夷其人治其地盤錯已固死灰

難然且爲 國家拓數百里地此非天下之大慮乎

方公討賊疏聞 聖天子已爲宣諭廷臣卜吉告

廟晉秩廕子恩至渥矣乃茲復陳善後九事而廣西

河池啼咳比三等賊一時擒勦疏且並上大當 聖

心論功以公東安西征南服底定功第一遂於原廕

子錦衣衛副千戶加世襲夫今之錦衣衛卽古虎賁

金吾驍騎之任職侍衛直宿巡察護 駕諸役至親

貴也人臣非有謀國定亂平虜攘寇之勲不輕畀其

子若孫而世襲則其子若孫與國同久尤慎重焉今

清獻堂書

卷之一

七

皇上不卽拜公爲樞密東兵政而暫加廕于子從軍

功也且欲重公於兩粵紆南顧之憂非天下之大寵

乎 命下兩粵之民相與欣躍鼓舞曰無使芟夷我

禾稼者誰欺歟農民歌於野曰無使要奪我貨寶者誰

歟商賈歌於道曰無使仇殺我人民者誰歟士大夫

歌於市藩臬下僚碌碌從公後均得以奔走之勞叨

陞賞之 命孰非公使之手雖然出而帥入而相公

之事也 天子且將召公矣能使粵人無歸我公之

憂乎於是諸下僚請賦九罇之詩以次稱觴爲公壽

賀督府洋山凌公陞南大司空叙 代巡按作

南京工部尚書缺 天子下廷臣推舉中外大臣膺

是選者僉曰總督兩粵凌公勞久而功高遂以名聞

天子曰俞用以作朕虞 命下得代公乃行余授直

指使按東粵獲覩公謀略勇智於世無兩今旦赴

召還佐 天子矣思一言述其事以紀其盛兩粵比

介嶺海鯨鯢出沒之區豺虺蟠據之數 肅宗末年

嶺東連兵幾於陸沉賴前後督府諸公底定之嶺以

西晉都康城走高要楊柳二山之間以及於蒼梧鬱

清獻堂書

卷之一

八

林連絡十餘里梗塞戒嚴詔公節鉞終始其事公至

則撫然嘆曰莠草滋則嘉禾不茂驚鳥入則林雀不

安馬伏波於帝前示蠻獠計云溪豈得已哉於是按

圖跡其地形險阨而知其要害之虞毅然定計征勦

下諸路兵先駐 旌要路防其奔逸然後分兵十哨

刻日並發刃之所向如批大郤賊進無所據退無所

棲三閱月而露 旌門夫賊依山拒險蝮毒狼貪獮

焉憑藉篋厘天討叛服靡常一旦緒其山夷其人真

前此所未有之功也然猶穆然思曰此一時之功非

百世之利樂殺下齊七十餘城未幾復爲平安君有
天下事未可以一舉得策乃條上善後事宜移軍分
屯塹山而城叙州列縣塞徽亭燧斥堠相望爲函夏
疆理虜蓋駢首嚴穴無復兩山之望矣是時西征之
戍未解而比三河池啼咳諸巢窟騷動公以爲吾師
已成此復何待且兵不可見疑動不可示間今虜方
以吾爲徭浪而西也遂以其兵兵之出無備攻不意
無忘矢遺鏃之費西粵且告寧矣公之鎮兩粵凡三
禩成功屢奏擒倭酋斬首益衆擊逆賊鳳遠遁無犯
不虛堂素卷之一
九
檇柳慶二州昭平四屯諸巢剽嶺西北南韶流劫并
大廟等賊撫岑溪六十三山僅可謂動無遺策功收
萬全矣功幾上幾受命賜白金飛魚晉秩廕子且
世及焉至是拜今官主上之所以酬公者豈其微
哉余嘗誦詩至江漢采芑諸篇當時東征西討桓桓
武烈皆爲王之卿士國家有事則出車東旄陳師鞠
旅彰撻伐之威樹勛勩之績事定功成歸奏天子
則益謹外寧脩內治赫然中興偉業焉公勤兩省卒
徒之衆蕩千百年險阻未掃之寇拓疆宇靖地方視

荆蠻淮夷功尤難而天子秉政握乾恩賢求舊公
且由南而北日就親近方將設饗醴歌彤弓嘉樂有
功而公以明德令聞對揚休命稱祝萬年君臣
魚水斟酌元氣旋乾坤扶日月豈後方叔召虎哉是
時勳庸視用粵者不當百分之一尚有操觚者爲次
第書之

贈左方伯沈練城之閩藩叙

國家建鼎定基分疆置省而各爲置使以轄其所隸
卽古岳牧方伯之任也以地而論廣狹則吏之專城
六虛堂素卷之一
而處在所裁割而臨長者以百計以人而論多寡則
戶之食土而生在所收附而蕃育者以千萬計財賦
之總邦鄙之藉水泉土田之政學校師旅之事皆其
所信縮節制以上承天子休命而率其屬以布之
民三年脩明典章其屬吏臧否聽去留焉任至重也
嘗遴選夙功累勞者充其任而非其人則不輕畀方
今聖天子秉乾親政加意元元督責循吏尤委重
於吏之長乃詔廷臣評天下諸藩臬使去其不任
事者拔其尤者遷補之於是廣東布政右使沈公韓

閩中左使夫左之與右乃耦置而敵任之官也似特
去此移彼耳而繁簡勞逸輕重相什伯焉政忌分而
權貴一也公以文學起三吳舉進士授德清滑二縣
令淬勵爲古名吏廉能有聲擢銓部主事銓部類蓄
資養望重持體而尚謹厚公負才敏氣正慷慨論事
人忌之出爲山西僉憲嗣是更任藩臬歷秦晉楚越
滇南之墟所至詢地方青蠹艱鉅盤錯力行之不爲
煦煦悶悶之政一時稱藩臬諸臣勵風裁著茂異者
有練城沈公公治粵凡一年共左使施華江公坐
一堂而治華江公虛已下公事多咨訪而公亦以凡
事華江公長者無異形迹協衷襄贊然執之以叩公
之羞猶庾困之圭撮耳公超逸爽慨之度如春風嘯
拂霽月融融可親可挹至與論天下事利害所懸因
革所繇無論故所嘗試卽 國家大政四方隱憂靡
不犁然談之如江河之水一決四注而不可禦干邪
之鋒離匣吐光而不可掩也方今閩中島夷內訌戎
務勢糾豪猾潛引而難約以法山崗聚徒而嚮應齊
民疲命奔竄不可着地所俟於上之人保釐蘇息者

若雲霓矣公出其素所經略者治之而事歸專統權
不分侵合百千萬土地人戶之衆與財賦土田學校
師旅之事得以意指而擘運之察標本酌盈虛調剛
柔時損益扶瘡起痼植顛培憊慰八閩更生之望答
天子簡任之意者又豈煩於治耶余嘗因是而論天
下之才大小相去遠甚一羽毛也決起及槍榆枋而
控於地而有培風負天而圖南溟者一蹄足也敝策
傷吻日不踰一駕而有星移電掣畧刻馳千里者公
非圖南溟馳千里者乎茲行固不足爲公重也且將
開府一方專制數省兼文武兵民統治之固有如庖
丁者之解牛肩倚膝踣若然奏刀批大卻道大窾恢
恢乎有餘地矣公行藩臬諸公張筵祖餞而屬余言
以贈余妾人也公嘗分驅憲轍于循妾二郡有惠政
風知公故僭言之如此而諸公亦不以余言爲佞遂
書之
送右方伯滕少松之浙藩叙
嘗謂古之仕與學一今之仕與學二古者教純而養
備三物六德所以治心禮樂詩書所以繕性上自侯

王君公下逮編昨間庶靡不受學。重而入長而習。盡期而不倦。脩於家者。卽所以行於國。無殊方。無異見。天地命脉。古今真詮。一則純純。則學術正。而真才出。二則爲鴻則學術敝。而風教衰。宋儒有言曰。朝廷以道學政。爲二事。此古來之所可憂者。又曰。秦漢以來。言治者。無預於學。求道者。不涉於事。噫。自古記之矣。我國家宗考亭以正學。而溫觴于訓詁。陽明中起振鐸。迷醒寐。覺流遠教微。高明之士。乘其虛悟。墮於空談。學遂爲天下所迂濶。而不信。吾茲有取于公。爲公薦信良知之說。以悟其性命。津津乎其有味之。歷官幾二十年。所政無不舉。所在著聲績。余以通籍之初。識公于銓部。執鑑衡。以進退人士。多捷關不肯接賓客。每辰入坐署中。了公事。酉退。徧訪諸同志家。商確理道。規切過愆。公不有是官。人亦忘公之爲是官也。公嘗以古賢範律士品。臧否允當。其不當者。輒持以爭之。冢宰多得之時。稱良吏。部督學兩浙。兩浙士風類浮靡。公首獎篤志力行士。倡之較文。稍暇。輒與論道。而法未嘗一假借。至今有師保父母之誦云。

公治粵凡一年。粵介山海間。寇盜驛騷。徵調繁集。民苦凋瘵。又僻遠萬里外。網疎法弛。官吏胥肆貪虐。以爲常。豪強又從噬嚙之。至有白晝奪人於道而贖之。金公察吏治。糾官邪。懲貪戒暴。豪強大猾一正之。以法。邏盜賊於庭。立斃之。靡所姑息。至於問民疾苦。悉隱燭微。盡滅其所供給。傳役自奉衛者之費。以予民。其他剔蠹搜奸。平刑獄。獄處上駟。下動中繁。竅皆有法度。寬有慈母之仁。嚴爲法家老吏所不及。和如沐春風。沃甘雨。時而峻之。則金可鑠石。可泐而守不可。易也。公何以能是耶。人謂公有博大強敏才識。余觀公所用皆學也。世豈鮮幹局之士。繇不學則不知道。以其強敏博大行其變通。濟其矯飾。以銜其霍跡。而自取表見。政事何利賴哉。惟學而才而識。皆與誠合。存厥實心。施厥實政。不比以隨不矯。以炫不汶。以暗不深。以察而所爲。故章灼如是。昔皋陶陳九德。而有取於寬而立。擾而毅。直而溫。剛而塞。胡可偏哉。不偏斯之謂學乎。世之剿口說。談性命。遇事周章。無能爲。曠廢不舉。視公足媿矣。俾世之學者。盡能如公以學。

為政以政行學。卽仕卽學。誰復生管議哉。公舊令番
禹民。挹膏澤。公以望轉浙。藩右方伯。父老相率謁于
庭。皇皇多不忍。離公狀。人心可卜。政事矣。浙民其何
幸哉。說者以今十三藩事。盡左轄。專之。右惟按籍書
字。不大侵奪其權。少作為沿襲。為常分。此皆內不足
而外畏形迹者。所為公信心而薦學。則必不以形迹
自外。而所以勵寅恭。破格調。圖維協贊。以播揚。天
子之休澤。利浙民。豈其微哉。公行。藩臬諸君。崇酒載
俎。相與祖餞于道。而屬余言以贈。余浙人也。昔為史

未盡堂集

卷之一

十三

氏受。知于公。且十年。故不辭而言之。并以告同志。視
仕與學為二者。

贈京兆尹施華江公北上叙

夫尹昉于周。內史秦因之。漢更置三輔。東漢為河南
尹。唐為雍州牧。宋牧尹不常置。天子方數十里。為都
土地。人民戶口賦役。農桑學校祀典。獄訟。尹實司之。
天子守臣。四方首地。岳郡邑環視。取則者。其任重。當
以重臣董治之。唐宋以親王領其事。意可知已。國
家於兩京並置府治。以尹畿內之事。悉以畀之。非其

人不輕授。尹缺。推擇藩臬長歷事中外。治行最著者
充焉。今天子在宥之七年。順天府尹金存養公。擢
少司空。詔下所司。慎選代者。於是廷臣以廣東左
布政使施公之名。上遂報可。時公治粵。蓋六年所
矣。聞者色喜。公固怡然行之。日藩臬大夫崇酒載俎
餞于海上。竟日而別。初。執爵進者。颺言曰。仁義梁肉
刑罰斧斤。韓閤誘俗。雋獄平情。願公為保釐之政焉。
次執爵進者。颺言曰。稂莠亟除。嘉禾實好。漢神趙距
宋嚴包老。願公為搏擊之政焉。三執爵進者。颺言曰。
嚴霜之誅。精吏行之。冬日之愛。善政留之。願公為折
衷之政焉。噫。盡之矣。余尚何言哉。余惟政不可徇徇
則偏中。不可執執則泥。是惟揆時審事。殫忠行止。而
已矣。京師天下之會也。填郭溢郭。類多四方僑寓。競
為奸慝。不可究詰。權貴戚近。乃且憑藉寵光。擅興威
福。恣睢暴戾。莫敢誰何。時內府省費豪右。有制貧
富役均。螫毒猶未肆也。適公之應。煩滋征輸。驛騷復
取盈于預支。借辦劇資。奸黨當終射利。商民重困。遠
近土田。內外屋舍。什已八九入于權貴戚近之門。迨

未盡堂集

卷之一

十六

起賦役強者奪籍富者資閒單戶僅丁歲無肩息矣
緩之政滋脂革民不聊生急之患在掣肘事且中格
方今 聖明在上威命嚴肅震懾遐邇病輦轂未清
者社鼠城狐不可問也荆棘蘭蕙不可擇也諸公較
今時與往昔何若踵古人已試之跡行之是襲孫吳
之書執倉扁之法也昔周命周公君陳畢公相繼尹
東郊靡靡頑風未殄三后治之各一其政不乖其俗
而同底于道語在洛誥君陳畢命諸篇此萬世尹京
標的也公思融才敏志勵行薦自宰邑有異政擢銓
六虛堂集 卷之一 十七
曹出爲藩臬閱歷三十年遇盤錯不驚遭顛蹶不挫
諸于當世之故無論身所嘗試卽國家鉅政四方隱
隱區畫料理數計而燭照之行將酌時之宜揣事之
變柔剛寬猛因革損益調停均節務在必行京兆素
號難治公視之可游刃也余觀公之治粵也獨居辟
去聲色浣衣敝履清約儉素六年如一日門無苞苴
庭謝請謁無敢有干以私者其所裁削官司冗濫與
民便益達一時之議勿恤也持此以治京兆公固已
操其本矣他何足云聞古人有相業之隆聲譽起自

京兆此公今日事也與諸君日跂之諸君聞余言弗
以爲誕且曰文之可以贈公矣公以是日命駕遲其
使拜而書之

賀大司馬督府劉凝齋公十寨功成叙

夫天爲國家開四方平定鴻勳必生文武兼德重臣
或並時耦興或後先繼起昇以安攘大寄戡定亂略
寧輯疆宇如江漢采芑諸詩詠穆公平淮夷方叔征
荆蠻可觀已乃今于十寨之役蓋有感云十寨爲嶺
外徭種雜僮僚而居族類最多初據八寨至今侵噬
不虛堂集 卷之一 十八
龍吟咆哮而廣爲十寨非有不軌馳騁中原之心而
恃其險阻頑獷鏢弩利毒衆且數千獨兇悍不可訓
化懷服異各巢崗且爲各巢崗逋逃主聚散攻擊剽
忽不可測爲東南害 國初嘗以數萬王師臨之罔
功嗣後屢討屢姑息從招撫罷於是益肆桀驁王文
成公因平思旧後移師襲之大遭創創然遺孽稍稍
復熾屢作不靖大司馬督府劉公膺 簡命鎮撫兩
粵肅將 天威獨運廟算謂 主上德威遐暨四垂
率賓卽黠虜且內附么麼小醜容假息置勿問耶檄

廣西巡撫會上征討計以己卯十二月集漢達土

狼兵隸各將帥監督分總統三里忻城夷江上林五

哨並進三閱月斬捕首虜九千一百有奇俘獲倍之

巢穴蕩平功成露布聞天子命禮司諏吉告廟

宣捷如故事賚金進俸以酬勞勩公又亟圖繕守事

宜立鎮議也招亡聞道建設長吏說者謂是役自王

文成後僅再見余惟八寨巢穴以來逆節抗師不討

日久而卒莫誰何豈力不競國初法重北防遠南

服漫焉疎濶弗經意漸成羈縻而當事者病黠桀難

太虛堂集卷之一

馭藉口豺狼不深較以故得竄伏緩死以抵于今夫

兩粵騷敵則中原有隱憂一夫向隅衆無以爲歡蹊

盤之困無已恐浸淫害于血脉者不支也此王文成

定計劃于前公誓不朝食于後誠酌利害之源通避

隱之燭精忠遠慮莫方隅而保全盛者豈其微哉夫

文成之功尚矣而當時因永靖回師思田附衆出無

備而取之爲力易公奉天討戒衆而動賊莫敢遁

汎掃兇殘易于拉朽堂堂節制震耀殊方視文成爲

難文成條上經略號稱得計顧不旋踵復爲盜區公

疏善後之策廟堂皆如公議悉所展布文成所不

得爲天故靳之以待公耶夫廣夏幅員之內有千百

年險阻未掃之寇天心益久厭之公繼文成而起一

旦赭其山夷其人箐林莽窟盡歸版章親握赤子於

兵刃塗炭中而納之垣堵謂天非有意不可公後文

成六十年爲天運一小周豪傑間生之期戡定一方

後先彪炳豈偶然哉且公鎮粵凡兩禩靡一日忘情

東粵嘗不惜數千金重購走人海外諸國窮逋寇嚴

各寨兵哨犁耨假市爲寇者搜夷羅旁殘孽無遺

太虛堂集卷之一

後虞數十年猴嶺逆賊以不旬日薙獮之獻馘轅門

山川底寧公其有大造於兩粵哉夫學不通方儒臣

無武斤抱咫尺之義自拊循之外一無所聞見而文

淵武烈爲國家命世奇才若文成者世無兩公起

家文學爲王卿士出秉節鉞折衝樽俎桓桓武烈豈

非聖儒通學紹文成而相後先者固不在功伐間也

詩曰文武吉甫萬邦爲憲余願於公今日頌之

十寨平蠻叙代巡按作

古之治夷狄者稱西南夷爲最難故當時有議罷西

南夷事，朔方罷珠崖，以爲勞師遠攻者，今則不然。冠帶衣履之國，洽于裨海，而伏莽之戎，不啻蜂蠆之毒已也。可不加之意乎？夫嶺外固隩區而盜阻其間，尤爲黠桀者，西粵之古田八寨也。古田之恣睢以八寨爲犄角，古田平，八寨未平；西粵未可奠枕，先是隆慶辛未，聖天子用謀臣議下詔，征古田，先計撫八寨，剪去羽翼，後乃興師，薙獮卒，犁巢穴，可以得志。然八寨之負固，猶昔崇山複嶂，利鏢毒弩，四面連絡，各峒積爲逋讎，一呼羣集，往往跳梁爲疆場害。遇有征討，卽奮牙距以禦，不敵則狼奔麇躍，莫測所之。又多居停指引，散而復聚，聚輒不靖，今且蚕食龍蛤，哂咳二寨，盡據其地。八寨而十矣，大司馬督府劉公節鎮南土，慨然志廓清兩粵，羅旁已濯征，經略南定海，上逋寇掉尾而逝，遂定平十寨計，檄會西廣督撫，悉以機宜上。詔下可之，公乃大誓文武將吏，合漢達土，狼兵分爲五哨，並進伐木夷山，搜巖剔穴，雷動燹至。凡三閱月，斬首虜萬級，俘獲倍之。諸走匿墜崖竄林莽，焚溺死者，無算。十寨皆蕩平，疏聞。天子嘉悅。

宣捷告 廟懋資金，晉秩延賞之典，而寨之故地，乃復爲紉置司所增立城堡，屯以重兵，召龍布二寨，竄徙之民，與兵錯居，給田耕守，蓋千百年菁林蛇虺之區，盡歸版章，親握赤子於兵刃塗炭中，而納之垣堵，偉哉功也。豈一時爲烈哉？夫八寨憑險，稔惡舊矣。國初嘗困以數萬衆，不能破，羈縻招撫，益猖獗，不可制。延禍靡已，今之嚴阻頑犷，猶故也。其生齒之繁夥，幾倍曩昔，而我軍器械糧餉，未嘗借貸，增益何一鼓而盡殲之？若去机肉，然非公之德威武略，足以制之。耶余惟兩粵自設制府以來，受命討罪，屢有征伐，而誦奇功者，韓襄毅之平大藤，王文成之下思田，詎今日乃再覩之大抵賊運之消歇關。國家之隆盛，豪傑之間生方今。聖天子德流方外，威振殊俗，遠左獻功，海烽息警，駕鸞胡虜，且解辦貢琛，稱臣矣。蠡茲醜類，尚咆哮阻聲教耶？王文成後韓襄毅六十載，又六十載，而公出戡定一方，應期不爽，後先勲業，彪炳赫奕，豈偶然哉？且公之爲東粵計也，嚴偵諜，追海上逋逃，置艦除器，期以必殄山中殘孽，直疥癬耳，無

旦夕忘戒備見今山侵不作嶺東西帖然海南北輶
番舶破溺俘馘功數絡繹於轅門前東粵之民奠土
而居無疲奔命陰受公綏寧之賜者不在西粵之下
矣余奉命而南寔切嶺海多故之懼無以稱主
上元元之寄而公之平定安輯寔先之余亦藉是以
薄譴責公豈惟大有貺于粵人哉十寨功成余獲與
飲至之喜而觀軍容詢謠俗固使者事也敢述輿人
之誦以爲公賀

賀東陽邑侯黃肖源君榮封父母叙

本虛堂集

卷之一

三

余嘗閱經傳論忠孝之理於君臣上下間備矣明王
孝治天下不敢遺其臣立身行道揚名顯親爲孝之
終忠與孝豈判然二事哉上率人以孝下之勸忠者
益至臣事上以忠上之彰孝者益顯此君親臣子一
體無間理也 國家政首明倫治先仁孝推尊親
之典嘉與中外之臣俾各遂其顯揚之願三年奏績
詔下所司晉之階推崇其父母賜其官官之二百年
著爲彝典夫上操彝典以廣勵臣工下感激思奮
以圖報主上而沿習久因循滋持三年之規而微

以必得若執左券然其間得與不得則歸之遇是豈
祖宗褒德勸功之初意哉 皇上繼天振刷陋習慎
重錫典尤嚴於守令三載考績必行能功實稱卓異
撫巡直指兩使者列薦剡凡再上於 朝然後有

錫命不則遲以六年卒弗與溫陵黃肖源君以進士
起家來治東陽三年政成撫按兩使者交章上循良
疏先後凡幾 天子遵彝典用新例 詔封君父某

公如其官母某氏爲太孺人東陽邑人士皆榮之學
博吳君從心等偕庠生金生大綱等馳幣走二百里

本虛堂集

卷之一

三

屬不佞一言以賀極陳肖源君治東陽之政東陽僻
在溪谷間民素悍好鬪爭財賦重繁強項輩多弗戢
爲盜往令茲土者率難之肖源君至結民以誠諭民
以義阜以多方之惠弗率操三尺法繩之尤嚴其狡
頑好訟者 國令方視征科盈縮定殿最好事者爭
先之君調停輕重以時輸納民咸相安尤加惠學較
課文講業四時不輟君明信人也慈惠人也令乎政
洽三年而悍俗易苛賦減訟清盜息民安田里邑有
絃歌政成而譽建榮賜父母豈偶然哉余聞之慨然

曰美哉肖源君之忠且孝也夫人身沾一命之貴孰不願有二人被綸音膺顯號而官移於家志奪於欲毀箴隳節慢君辱親繇不忠故不孝今時又未然也封典既慎于昔法紀又嚴于昔方約束以銖責人之過復私其口以恣好惡有司日慄慄危懼不保巧宦者違道合時飾清賞譽僥倖于不可必得之典似忠匪忠似孝匪孝夫忠孝天性也至于似以亂真又愈于不忠不孝之甚也肖源君之令東陽也日惟忠信慈惠以臨蒞其民勿爲督責苛迫之政以徼寵于上非純忠乎封章赫奕翟錦輝煌益之爾外非純孝乎孝以移忠忠以成孝肖源君其有之哉繇此而耳目而股肱翊贊廟謨主持國是聖天子倚任褒嘉肖源君晉台階貴盛于朝公與太孺人同台階貴盛于鄉人將稱之曰肖源君匡君體國大忠也茂勲宏名大孝也倚歟其盛哉余辱肖源君通家誼比隣爲子民諸君教之詳如此叙而馳之以爲賀

贈邑侯楓谷喻君入覲叙

嘗讀兩漢史著循吏傳而不言儒吏蓋儒者通乎六

藝究聖賢之略考古今之宜而措之吏治也溫良而有醞藉幹固而無繁密經術精則理道根儒而循也言游以絃歌治子產以章服治其選已漢武帝外攘四夷內改法度民散姦生時少能以治化稱者惟江都相董仲舒內史公孫弘倪寬三人皆儒者通於世務明習文法以經術潤色吏事天子器之吏而儒可多見哉其弊起於秦之專任法律罷經生業劫天下以吏爲師至漢稍除復之其道終泮不合名法家者流精刑名術數數錢穀甲兵鼓頰抵掌可以治天下何用腐儒爲乃儒者則詆以爲俗吏而官人者因之授法官主吏而奉常掌故之職則以居儒者儒吏益罕矣國家以詩書六藝課士以明經射策掄才蓋異其儒術通吏治而一自受命以後日惟循刑名法律理錢穀獄訟案牘罔諳聖賢經世安民之道舍道任法則法斯敝今時吏未易言上之人日括其積習隱匿疵瑕而罔文密法銖求毛舉奉行者少不當上意遂以文法繩之有司過爲摘決鷙擊詞伺捷給阿以取名巧以避罪皇皇惟恐不稱爲吏儒不迂而寡

效乎。侯握符於蘭三年，明法暢義，錢穀獄訟案牘坐而理，民隱伏若燭照之，卽御煩劇如庖人批卻導窾有餘地。俗尚操切，侯獨寬和，先訓誠而後誅罰，一切所下苛刻之政，必調停無害，其甚者則廢格不行。元元須以立命，非以儒道飾吏治。若仲舒弘寬三人，在漢武世耶。余見侯日坐庭中，了公事，退抱案頭書讀之，至夜分不撤。琅琅聲聞于外，羅百家貫六藝，吐詞方駕班馬。一時所稱諸名家，罄折下之，暇沐眺覽輒歌詠以陶其性情。三年間，倥偬旁午如一日，不廢翰墨也。余豈誣侯哉。余嘗載橐承明廬見天子肆觀羣后，時四方岳牧各率其屬入王所奉。天子大計，天子詔太宰廢置侍中於殿上，臨飭之有治行異等者，賜燕大官，錫纁帛，鎡楮，此隆典也。今主上方御乾秉政，與天下更始，思以文教興吏治，庶幾虞虞德讓之風，倘開合宮衛室，延見雜問，上計長吏，以漢武遺事求海內若仲舒弘寬儒者三人，長吏從後叩頭對能舍侯哉。侯嘉惠于學較，比年學校摧剝無餘矣。侯嘗以其長養之意，易當事者之聽，士類安全。

歲以時課舉子，文嘉與其開敏有才識者，廣勵掖進。父兄謀子弟弗若也，貧者周之以財。三年間，士之遇侯如寒凜遇春而有生色。侯行，博士朱君某、柴君某偕弟子員走山中，屬余一言以致祝願。余惟昔文翁治蜀興學，飭士教化大行，民至尸而祝之。侯之愛不在文翁下，奚止言爲贈。夫尸祝者報德也，贈言者美功也。聖天子陳言以考四方之政，則螭頭載筆之臣必有能紀之者矣。遂書之，授博士君以爲贈。

賀督府弘軒張公應 召協理京營戎政叙

國家創造函夏，定鼎幽燕，接胡壤以建萬世之業，而左右環衛成內外聯絡之勢，則四鎮藩籬也，三關門戶也。京師堂奧也，薊鎮無督府自庚戌三衛要結虜酋用爲鄉鄰，潮河川之古北口蹂躪郊圻，震驚達于內要害，視諸鎮稱劇乃建督府也。以重兵東扼遼海，西控紫荆，北拊居庸，輔車相依，而京師之屏翰始固。弘軒公以太中丞總督薊鎮，有至慨然念三輔重地而華夷之限止隔一牆，且有數千里之防，外牖不謹則內庭爲虞。於是奉公殫忠竭謀，畢慮日夜談戰守。

之事以畫制胡之策簡材官治部伍塞險要增臺隍
繕戎器足芻糧經制釐然大備而督率撫鎮司道又
不遺餘力焉自公制府之後三衛潛踪四壁清壘居
庸紫荆不聞叩關而遼之左又多驅逐斬伐之功前
後功凡四上 天子嘉乃不績賜金賚幣晉階廕子
四錫 命以褒公之功嗣以公奏三載之績陞公兵
部尚書管督府事皆異數也公之受命制閫爲國干
城勳庸獨茂而 主上之封拜錫予以酬公之勞勩
者亦不淺也猗歟盛哉外恬內嬉臣勞 主逸真熙
朝之盛事也公方以功成名遂身退自請乃 上則
益重公思以置之左右會西鎮報虜騎突入內地邊
臣不守 天子皇皇西顧出戎政鄭公經略七鎮而
以公代之蓋念公久勞于外思以逸之且欲得頗牧
于禁中也夫京營自國初三變至庚戌始定前此節
制專任勳臣或叅以中貴人至是乃罷去中貴人以
勳臣一人總督而協理以文臣蓋勳臣世篤忠貞職
司禁旅舊矣而佐以文臣非 肅皇帝文武並用折
衝俎豆意耶國初營兵四十萬以備征戰戍守統馭

操練皆有法度又有 御前之試將知兵兵知律坐
守不驕征行不困屹然雄視諸鎮而振萬里之威矣
歲久弊叢合三營并中都山東河南大寧更番之衆
僅十四萬得三之一又鮮紀律而寡敵愾居不足守
敵至若驅市人而戰之己已岌岌焉危矣卽庚戌虜
騎薄城卒無能出一騎發一矢衝鋒破圍藉各鎮援
兵送之出境 祖宗置營之意安在哉方今承平之
時正當玩愒之日將偷而惰士飽而嬉馬習而不當
于用且西虜桀驁背盟邊鎮荼毒而東夷又集十萬
衆聲言擄金伏海蓋萬一藩籬破門戶不守蹈庚戌
覆轍如堂奧何此 主上所以召公之意也余嘗歷
觀漢唐故事益有感于今日今之京營非漢之南北
軍唐之十六衛乎漢以南北軍隸三公故太尉得以
成安劉之功而唐祚中衰畿兵不振遂召藩鎮之禍
此往事彰彰著明而內外涇渭判枝強弱之勢大都
然也以公之公忠威惠謀略在外則外重而足
以嚴鎖鑰之功在內則內重而足以奠磐石之固無
事而守則周廬列戟壯王居而護神京有事而遣則

驍騎虎旅動四征而張天討 祖宗二伯年創營之
美意非自公今日振之哉公之治任還朝也高兵道
某張總戎某謀上觴稱賀而走其使徵言于余余惟
聖天子殷念中外晏弛武略不競思得左右卿士以
振桓桓之烈以樹中興之業而公奉簡書以歸
天子必大嘉慰勞燕喜受祉而公以明德令聞對揚
休命稱祝 萬年君臣歡洽固不啻六月采芑諸詩
誦方叔吉甫已也余方期踴躍以觀其盛而於諸公
之請也又安能已于一言哉敬書之以授使者

本堂堂藁

卷之一

三

東粵紀事叙

五嶺之外古所謂百粵地也 國家分置兩省於是
稱東西粵焉夫粵自尉佗五世臣漢入版圖奉政教
然當絕南荒裔之交展山襟海封豕長鯨歲時竊發
小或合數郡之兵大或勤兩省之衆窮追勦殺而東
擊西突此殄彼煽一日不靖則嶺海之民一日不獲
安土而居余奉 命清軍嘗懷杞憂每以政事暇過
石川何先生問往事先生坐而與之談鑿鑿如睹一
日出其所手抄東粵紀事三冊示余曰此余自 國

本堂堂藁

卷之一

三十二

初及開府以來稽之各志叅之奏疏詢之故老因次
第其歲月始末而成者始倭寇次海寇次山寇以建
置文武職官沿革并諸首余亦嘗考之各載籍俱散
漫難求及讀先生紀事山谿盤錯險固海波飄忽出
沒羣寇興廢聚散以至督府之石畫諸大夫之贊謀
鷹揚爪牙之奮勇士馬甲兵之調發供給餽餉之需
費益一一如指諸掌矣夫采薇出車杖杜之詩作而
于襄之功周室爲烈牧民乘馬形勢之篇著而匡攘
之績春秋紀之先生抱天下之志立朝爲諫議慷慨
激烈論時政視國家利害奸蠹若迫切于身忤權貴
勿恤也忍其鄉之荼僇乎惻深故慮切慮切故述詳
所以寄其心之憂以待後人之考鑒者胡可已也自
先生道方違時潔身勇退優游林下者三十年所開
闢謝事讀古書好爲古文詞聲律尤善商確當世務
茲八旬又五矣尚手卷不輟寒暑與人談移時不舍
去然則先生所紀其爲考覈傳信之書無疑也非直
稗官野史而已余因之邇往事目時變竊有終慮昔
未有倭寇也近始從浙閩入多豪猾潛引而難約以

法天產猺獐不易撲滅山峒健子爲聚徒而嚮應嶺海之寇何時已乎羅旁之征破巢搗穴創治列守以圖永久而遺孽稍稍復作矣衆建諸將於海上分要立寨置艦護兵而逋寇入境張皇鼓慄靡所恃括一省之所入盡以養兵粵之民力屈矣師旅之奉有加寇盜之侵不減是自坐困斃也曷故哉紀中大略具見當事者遠慮云爾先生京粵人也紀曰東粵將以別于西徭寇未紀蓋有所待云

卧雲堂集叙

本廬堂集

卷之一

三十三

鄭越渠君抱明敏儒逸之才負奇偉博大之志平生多慷慨自許少不愜於願即咏嘆形諸言人亦以是占其不凡云嘉靖庚戌登進士授婺源令卓有惠政考績擢禮科給事中尋轉右未幾部卿違禁上封事詔責禮科諸臣不豫寢其封俱奪職去方君召入瑣闥時自謂耳目親近臣得言朝政司事與四海利病用展厥志而立朝未滿八月獲無妄之罪以歸君之志實有鬱結未舒者矣歸田絕口不言時事鑒池築園藝名花數十種構亭於其上上焚香宴坐讀古書

客至則觴之高談雅歌盡日靡倦風月和霽則約二三同志出遊近郊而遠於佳山水處亦必携壺榼往焉然用不盡才時不竟志其鬱結未舒之意遇景觸物輒慨嘆謳吟遂成篇什又善草書吟罷即濡毫如意揮之君掛冠十餘年撫臺監司疏其名於朝者凡幾上廼竟以不出益信升沉有數肆其志於詩於是積累成帙壬申余以使楚過家悉出其所藏稿以示讀之格調異常旨趣迥別瀟灑放逸之中寓激烈悲壯之意君之志見於言矣君捐館舍後其子伯仲某傷君之志未售而悉寄諸詩也欲求諸梓屬余序其後余惟詩之爲體不同要貴見志志存則風花烟鳥山林泉石皆其所自得而寄興者而非徒依稀光景摹競工巧爲靡麗之辭矣余謂越渠詩蓋有得於是焉余與越渠君交最久知君之志不專於詩然僅於詩見之良可悼乎讀之者當得意於言外焉

六虛樓稿叙

余一日與同年朱明曦甫坐觀風署中談其鄉謝君文度高雅善詩嘖嘖不容口曰謝君志行峻潔心性

恬愉無徇利無近名平生下帷讀古書博綜諸子百家之言而暢其情於詩春官弗第乃投牒授信安令日拊循其民不皎皎為聲譽三年致政歸結廬于環溪之上謝絕人間事人罕有覩其面者而玩時撫景觸事感物輒歌詠以陶寫其意人與詩鄉人兩高之因出其刻六虛樓稿以示余把玩久之明曦甫問曰六虛之義何居余曰變動不居周流六虛此易道也曰謝君曷以名其詩哉余曰此謝君志其所以善鳴於詩也獨不聞天地自然之籟乎大塊無心混然太

六虛堂集

卷之一

三十五

騁靡麗之態視三百篇之旨何如况習愈勝變愈奇人逐聲技先有意于人之贊毀而爭自濯磨飭巧夸富媚人耳目若俳優然所謂愈工而愈失其真者也詩之衰也謝君之詩余未敢盡謂天籟所發大抵得古人之意而不襲其繁縟正古人之調而不踵其奇巧辭質而腴興近而遠閒曠清適若有神解所謂從虛窾中流出不先有意于人之贊毀者非耶謝君自叙曰詩非徒以音調滑澤當有天焉以默運之又曰伯樂相馬不以形容筋骨必得若滅若沒若失若亡者以絕塵弭轍而惟九方皋與之契余非敢為九方皋其人欲識之於牝牡驪黃之外噫六虛之義得之矣明曦甫聞余言而喜曰是足以為謝君叙命掌牘者書而歸之

六虛堂集

卷之一

三十五

蘭陰珍別後叙

蘭陰久無理學會會之來徐魯源子倡之魯源子篤志聖賢雅好朋友無一日不相與發明此學求過省愆質疑辨難而一時同志者亦翕然聚焉壬戌之秋正魯源子登第之歲余始志學又適緒山錢先生逝

江而上余謁之惓惓於格致之學且云學必講而後明余始益悟而時奮起者二十餘人乃卜會於蘭陰山菴名曰蘭陰會有期必至毋敢後焉凡六年于茲矣人非不毅然向道也但世情嗜慾累久蔽深而又益之以支離之聞見故於此心雖日知所從事而未得其要領去邪存正改過遷善不免於意念上起倒作止靡定終無了手間有知得自己本體當求者或住於見或障於理或有所執而不化於我真性猶隔一層魯源子學善契悟者也歷任三曹大會天下名

本虛堂藁

卷之一

三十七

真如盧扁用劑悉中肯綮觀其行事如江河流水然無纖毫滯礙與人忘形視家事之貧窶若至足焉布衣蔬食澹如也善哉魯源子之學也有徵驗矣聚處半年聞者皆悟余亦因得以窺見其端倪始信往昔所學皆務標末千古一息命脉正當自有在也方藉洪爐大冶火力逼真融釋駁垢而儀部催文又至矣古人以道德有諸身非師友則不可得余於魯源子之別也豈能忘情乎哉然余幸北上之期猶近也會中同志者又豈能忘情乎哉雖然使我輩果能刊落言辭斷絕心思直從本性上着脚於昔日之所謂障蔽者皆務去之以求今日之是則於魯源子猶弗別也又嘗觀易乾九三曰君子終日乾乾夕惕若此戒懼之學也固至虛之體本來如是也不待防簡不待窮索魯源既識其大則必有不能自己乾九三君子者矣而余於魯源子之別也又惡能已於言哉是行也與之偕者會友王中石子也是亦學魯源子之學者也余於是益重其別焉

清漾毛氏宗譜叙

本虛堂藁

卷之一

余家從太末徙婺譜牒縣遠自王大父贈少傅公墓
脩至今世益椒蕃余惟散佚是思思踵前人之緒而
斃繁一官蓋未逮也頃毛端簡公後爽鳩氏曰允讓
以公廕與余仲子同官且同臭味蓋綽有鳳毛焉迺
以脩輯族譜成而問叙于余余穆然有深思也者而
有概乎端簡之有後于毛也粵稽毛之鼻祖文之昭
也世濟明德磐以浩昌殷綸輝起所從來遠矣周秦
之際國除入于滎陽後漸遷徙曰廬江曰河內曰平
江而毛氏始大其最著者約從片語而存趙著書九
章章彙卷之一
篇而名家或顯門詩學而俎豆宮牆或隱居不仕而
孝廉名世或典選銓部而清節有聲於東西二晉南
北兩朝簪紱蟬聯不斷其渡江而南者寔自州陵侯
始蓋從毛伯五十二傳而為今之始祖云侯四子散
處各方而居太末者寔自歸鄉公始此又侯之三
裔也傳八世而徙居須江即今之清溪則自元爨公
始公之後二十世而諫議大夫以大諫顯三十二世
而朝散大夫以大節顯其間沛艾而起者何疊繁也
而勦建宗祠恢復世守文章德業煜燿我明則又

自端簡公始焉蓋州陵至公以世計者四十二矣夫
水之與木厥有本源枝分派別遂以無算不有譜牒
繫誰判之而繫誰總之晉魏間司譜有官氏族一一
可攷而知也毛自歸鄉而後漸以散渙無復詮次宋
龍圖公始脩輯成譜後因焉傳之我明三十七世
而一脩者處士頤道也三十九世而一脩者鄉進士
麗也至爽鳩氏而脩之者四矣分合世系俱仍其舊
至于遷徙有攷支派有攷功德有攷榮恩有攷祠墓
有志宗範有志綸音有志內外翰有志而譜始大備
有章彙卷之一
則爽鳩氏之力為多焉蓋亦端簡公意也公可謂不
亡矣嗟夫自州陵序譜千四百年得龍圖而成譜龍
圖又五百年得爽鳩氏而成全譜譜之成亦難矣爽
鳩氏居官侃侃大有家風予不具論而序其譜所從
新且以志慨云
吳父母贊政有成者老歸德叙
明天子躬承列聖振綱治以故臣下大小畢力
海內嚴一而元鈞以此動天下不惟其類惟其能
丁丑張侯以明進士來守吾邑而公寔輔之昭其能

也公夙夜皇皇惟以不及爾將公署報績天朝是懼是故落政踰月而民安之時正堂朽蠹弗克支甚者必起而更之乃可理也張侯曰新之何如對曰未也卜之民越明日監司下令量田且戒急張侯曰行之何如對曰未也卜之民如繫者三公曰可矣乃忘寢食浚鄉甲概其正直老成者六人董其事行且誓之曰欽哉爾等用民力若取諸身度民田如度諸身民乃父母私爾爾圖監爾職以傷我張公之明緣是諸老天公歲職扣心盟神某鳩工構堂某執衡巡野豐豐

卷之一

卷之一

四一

侯一時聲稱赫奕雖古良椽弗過也繇是言之公何負於張侯哉亦何負於天子哉君子是以知公之能得張侯益顯而秉銓者當不坐是爲公限也邑民以此脅頸累足德公者蓋十家而九口悄悄莫能鳴乃託耆老假予言以鳴其快予慶公之得民也故叙之

中洲遺集叙

藝自呂成公倡道何益許四先生相繼丕振而紹休闡繹則文懿楓山先生理學淵源從來遠矣先生授業於其門人凌氏而中洲公從凌受學焉心法相承務實體而略辭章閣脩而不務爲名高余家食時獲與中洲公及侍御巽齋公讀書以南天真菴中二公諸父也雅以從業相砥礪及侍公早貴余繼舉孝廉中洲公諸生間聞錢緒山陽明高足負笈從游欣然有得與東南之士更相和選知名當世直指學使者按部必隆禮優異有真人品必有真物色鶴鳴子和理所固然山陰阮公尤嚴重之當校士於括命公攝篆以行所司如阮公親臨品題

甲乙亦無不心服者都人士仰重於素行素孚之賢而阮公獨契在世情世法之外此可於今時求之哉已而貢於鄉授贛縣博士儼然以師道自任講學鬱孤臺學者翕然宗之當事方薦諸朝期擢用公以病卒官年才五十三耳位不滿望壽不配德人咸惜之入彼中名宦祠著有中洲集若干卷子光京世其業未及行隨燼於火僅存什之一公歿四十年門人王以忠余老友也自武林虎丘諸處爲名山之游甲午入燕邸携公遺稿將就梓而以叙言屬余時余方有

林虛堂集 卷之一 四十三

首丘念與以忠約結社於靈洞山不勝存沒之感遂不辭爲之叙夫 聖道如日中天懼異端者爲之障司世者辭而闢之言之不可以已也今世學士大夫不悟本原未得要領骯髒不得志則講學抑鬱無與語遂譚禪自標宗旨衆喙爭鳴而漫無益於身心性情家國天下之實際求其刊落言辭斷絕馳騁直於心性上實脩實證如公之闡脩是崇者無有哉如其有之則公雖沒而尚有未泯者在於以繼五先生之緒而承先聖之道脉者厥有攸賴焉是爲叙

贈南京右都御史洪溪裏公序

南京都察院缺右都御史初 上以少司馬孫公往孫公以疾辭五疏而得請凡閱數月上念根本重地缺都御史久非所以重風紀 詔九卿會推於是少宰裏公往時裏公以望繇少司空改少宰僅逾月命下廷臣懷驟遷疑不知 主上惟其人不惟其遷之驟也夫古者建官各有專職獨置御史臺司糾察以舉刺不法任至重也國初昉秦漢之制設御史大夫與丞相都督爲三府嗣定爲左右都御史貳以副食提督十三道凡奸黨行私權儉亂政百官猥茸貪冒才德罔聞都御史得彈劾之十三道分察郡縣都御史必覈其稱職與否聞于 上古稱邪之司直非耶夫兩都並建南臺之糾察諸司統率十三道與北臺等北臺爲輦轂近地借 天子之照臨而督察之也易南臺遠在陪京徒恃名位紀法而約束之也難是故均重於得人歷觀諸古率先彞憲表正庶尹必其人之公忠人之剛正人之廉介蹇蹇匪躬侃侃正色不畏權倖不昵私邪允執憲法以弼朝政而至我

林虛堂集 卷之一 四十四

國家得人尤盛如顧文康之簡繼不肖王忠肅之禁絕苞苴耿文清之力糾強橫張簡肅之嚴抑奔競譬之鷗鷺搏空而群鳥息喙虎豹在野而百獸潛踪一時之所望而震焉者也至於今而風斯靡焉崇高以養其大體重厚以博其虛名脂膏以全其交誼於移文行劄之外未聞有舉刺以抨擊其違繆而綱紀準繩之司同於分曹蒞事之官至於南臺則寢寢下矣豈其時之升降然哉抑關於其人之輕重哉袁公起家進士縣即署歷三十餘年至今官公居即署最有

本唐書

卷之一

四

聲主爵者器而重用之為忌者出為雲間守更著茂績以忤時宰旨移為陝右同寺卿人為公卿之而公處之晏如也然公之聲名愈重矣嗣是而督學而藩臬長而開府人望公以為屈而能伸至此公處之泊如也公平生於世味無深嗜以故不欲比於人不肯貳於己公忠剛正廉介之德備矣使公當永洪宣正之間與碩文康諸公比肩事主豈肯避席讓之而南臺之重必自公今日之行重之也南臺重則北臺愈重南北若兩翼然紀綱肅而朝廷尊矣治其登於

上理哉然余目擊近事而猶欲盡其愚焉都御史操總憲以風勵天下有公平正大之體不說不亢不吐不如去其治道民風之太甚非以毛舉細故強其時之所不可行循襲故套要其人之所不可從也夫削官司之冗濫而與民便益此善政也然湏酌時之宜揣事之變調停均節以期通行於上下而後為無弊苟徒慕節儉之美名刻意苛減操切急迫動患掣肘事且中樞焉君子病其矯御史言事必先關白此故事也然御史為殿中之執法掌柱後之彈文抗頑抗

本唐書

卷之一

四

鱗直言犯諱大夫顧以一日之長執故事以繩之恐非設官之意且事關論列不密害成言者之所忌也不作其氣而顧犯其所忌君子議其非公惟敦節儉之風而不為銖求嚴督察之體而畧其小節斯其為至當之道乎公行矣因以余之言質之趙王二公以為贈而二公不以余言為未然遂書之以告司御者

張賓庭先生制舉義叙

制舉義甲甲久之大都模擬往詰綴詞比句丰容色澤而遺其神與骨一不中輒咎以為遇不遇備之齊

瑟卞玉也余則以為文枝也貴成一家言言成不可
謂耳無曠目無朱也邑侯張賓庭先生為博士弟子
員時不與諸生較尺寸銖兩利惟下帷發憤讀古聖
賢書及先秦兩漢諸子百家言口誦心維通大義與
旨乃已久之而文從心生對楮揮毫矢口匠意而天
倪自動亦無一字一言不中矩矧今誦之神爽秀發
標骨迥峻淵然光鏗然聲冲然味也真足以掉臂執
圖矣較經生作魔語飭藻繪無當大道者可同語哉
昔禪家以一法萬法不作伎倆為上乘賓庭先生以
之先生以壬午秋發南省癸未春魁兩宮皆一試彼
謂齊瑟卞玉者豈盡然哉余敎神博士業卒未得所
謂神解者誦賓庭先生文汗顏擲管退矣先生令邑
踰月課諸生於庭出其兩試卷及憲間集示之諸生
皆靡々聲澤者手之喁々興起請以付剞劂而屬余
序余樂為諸生道博士家正法眼藏也故叙之如此
而文學貢吏治其天以先生幸敎邑哉

恭賀

吉王殿下千秋叙

嘗讀史至淮南招隱篇及河間之大雅與東平之樂善載籍希濶此詩之所繇咏麟趾也雖在異代所欣慕焉今觀 吉王彬彬德美與史所概見者何殊哉曩余奉 先帝命持 節長沙冊封 親王禮成王以賓禮優余嗣是歲遣官脩三大節禮於 朝必貽書問余逮余遷粵 王又走使至粵自是馳驅南北無一日之間 王不以余爲略所以優禮者益至六虛堂集 卷之二

余何以得此於 王哉壬辰 王千歲五十五月二十八日誕辰也余方忝列政府遇寧夏之變國事倥偬未謀脩一言以賀茲因 王之宮使來賀 萬壽因得詢起居而詳 王之賢行余舊史臣也設廢盛美不載後將何稱焉大抵矜崇高者難以齒于卑下嗜紛華者不可語于質素繇于習也乃余所聞見于王則有異于是者 王性雅飭焉倫理嚴於享祀而尤喜儒碩至卹民隱如疾痛之在體也自襲封至今二十五年所矣其崇高紛華居養宜何如者乃食不

兼味衣雖屢澣不厭日燕坐朝宗樓中緇書史與世子談齊治之理亭曰省耕示重農也旁僅雜植松竹可以徵 王之儉當進 表箋先期齋潔拜送使者使還詢 聖躬安乃喜謂坐享太平皆我 皇上之賜間聞邊警憂形于色可以徵 王之忠早歲失怙每憶 先王潸然出涕事生母 葉太妃數十年如一日及薨執喪如禮可以徵 王之孝尤優于宗黨冠婚喪祭之具不給 王力資之可以徵 王之友祀先師于書院先丁日趨事惟謹且嘆樂舞不宜司以黃冠及祀 社稷齋居別殿三日郡邑吏因是肅然可以徵 王之敬官較子弟業儒助其資斧鄉先生年高者輒存問焉丙戌丁亥之歲赤地千里 王步禱烈日中遍雩山川得雨如澍庚寅饑疫粥賑郡中兩閱月所施醫藥存活甚衆喪則具槥瘞于義塚民苦病涉者構輿梁濟焉可以徵 王之仁夫仁敬孝友忠儉德之美也儉則不奪忠則不犯孝則不戾友則不爭敬則不驕仁則不侮循斯六者視躬事上悅親恤孤嚴祀逮下而又靡間于終始是謂備德備

德之謂賢嗟夫千金之子半通之綸猶傲焉弗繇於禮以氣盈也矧世朱門派赤牒帶礪盟府如王者哉惟弗盈於氣而盈於德余以是卜其有聞於後也彼淮南河間東平余所欣慕于史傳者豈若耳而目之不尤齊芳往代垂休來禩耶余耄且劣愧不能觴洞庭豆南岳以爲千歲之祝僅述王德美如此俾後之載筆者徵焉而所以報王者則略矣

壽孫蒙泉先生夫人岑氏雙壽叙

越古稱佳山水地故多產頌俊卓偉之士至我朝

林慶堂集

卷之二

三

尤盛二百年文章政事節義道德後先踵至蒙泉翁越人也少即有大志家貧力學常負笈遠游搜窮古典商確時宜攻苦茹淡無寒暑晝夜習焉旣陽明先生倡明理學翁師之先生知翁非凡也手授傳習錄一編于天泉樓曰吾學已屬之子矣繇是翁致力於身心性命之學夫是學也千古聖學正脉也陽明先生倡之而世之汨沒於記誦浸淫於功利者從而非笑詆毀之闢之爲禪皆之爲僞有能信之者類多務玄解靡實用弊至於今可見也翁獨深信有妙悟且

力行之不似世之勦口說者翁歷任內外勲業在宇宙聲名在朝野孰不知之翁之學或鮮有識之者己酉秋余與翁家嗣允尚甫同舉於鄉戊辰春又同舉進士交游北邸浹旬累月每坐同志畢集談往古及當代人物且謂聖天子龍興賢公卿協贊起廢舉逸翩翩焉盛矣然耆舊老臣猶未盡用枚而指其人皆曰蒙泉翁士民山斗也使起而居於位設施其可量哉故座中有舉翁諫垣事起復擢選未幾首劾汪冢宰欺罔廷杖貶謫略不挫屈有舉光祿丞事通偏補弊剔冗節浮歲省費不下數萬計有舉督學河南事敦彛軌慎科條絕干請洛中號稱得士至今猶能誦之又有舉按察山東及布政事革防秋之冗役減條鞭之歲徵抑開河之橫議應觀考察惟翁與部院爭可否銓憲大臣皆屈服及總理河道又不肯襲俯仰時套依違權貴力疏乞歸大抵翁之爲人簡重寬博明於大體居常恂恂未嘗言及與商政事則徐出一言以斷之久之金可鑠石可泐翁之詞竟不易也譽之所在不與衆趨毀之所歸不以智免推所包

納則滄溟未爲廣泰山未爲高也翁誠社稷器哉諸君談之嘖嘖不容口余曰是豈易能哉余聞學明者識廣志定者氣凝翁學聖人之學者也得良知之教每用察識參悟本原日常坐一室靜觀默省以求所謂寂然之體是翁之學誠灼灼見本體矣體明則隨應隨定不可混淆不可撓易翁豈飾于外者哉前所舉措皆從心性中發來匪獨可以事功論也言畢允尚甫出翁書以示惓惓脩德講學爲訓曰此男兒本分事不知學未免要利要名縱做得好亦只是從欲

壽邵越湖七秩叙

卷之二

五

壽邵越湖七秩叙

邵越湖公越之鄉賢大夫也公篤志好古博極羣書

尤精三禮弱冠卽闡明奧旨倡會江南四方名士多出公門嘉靖甲午公果以禮經魁浙士余時在幼學以叔時齊爲公同年知越有公久矣已酉秋余與公冢子世儀同舉於鄉時公已歷任外內戊辰春聖天子龍飛二年也首策天下士余又與公四子世忠同舉進士世講之誼未有若此長者也時公已致政矣是年壽躋七十月十二日其懸弧之辰世忠登燕臺望白雲徘徊顧瞻將謀所以歸上觴稱百歲壽乃聖天子加意儲才特隆館選被命首擢嘆曰吾其無歸計矣吾何以售吾奉親之志哉世儀令饒陽距京僅幾百里馳書世忠惓惓以不獲歸奉親壽爲憾且曰吾歸矣吾弟勉事君焉余笑曰二君之意蓋有犬怫然於中者矣雖然人子之悅親也豈在姁姁然爲繞膝媚哉余聞越湖公有天下國家之志者也歷宦二十年家不謀食常以居官憂子孫者爲恥初任六安愛民節費平徭緩征毅然父母一邦爲已任有惠政記有清役碑旣遷府部慈著機宜再陟工曹益殫心力公時督理河道凡解皇木戶至者嚴爲

壽邵越湖七秩叙

卷之二

六

清查及時收納需索淹滯之弊悉去之人咸稱便出
爲邵武守慮山海宿寇爲地方害卽築大寧光輝二
城整兵設備民獲安堵凡賦役煩苛者悉釐革刊定
至今有遺惠焉其他善政固未可枚舉也公之爲政
大抵核真務實不欲襲世虛套遷延歲月志將大有
爲者雖高蹈林丘臥留雲壑豈遽忘天下國家哉二
君奮起一時宰割郡邑儲養館閣則宣布德惠續已
行之業闡揚謨猷展未聘之材固二君今日事也亦
公今日志也白髮華堂清尊綺席集耆英繞孫子公
之樂於內者至矣又得二君顯揚于外樹績一時流
光後世非公之所尤樂乎是不愈於舞斑衣捧黃金
燕教庭前者乎且余聞公之告老也深居寡出時或
寄興山水怡情稼穡而於世味澹如焉公之天全而
性得矣天全則神不漓性得則精不鑿公之壽誠未
有艾也二君勉焉乎忠哉是卽所以爲孝矣世忠聞
余言而暢然且以報世儀諸同年慮無以慰世忠志
也就京邸而觴焉咏北山之篇歌天保之頌遙祝公
壽且曰子史氏也曷文其言以贈故不讓不佞敢爲

之序云

賀省亭郭公壽叙

夫言天者率謂天道幽遠不可必余以爲論之未盡
夫盈虛消息失得榮枯一氣爾氣盈則散散則仍之
以斂氣斂則寂寂則仍之以舒此天道也冬寒固春
育生必地力未竭物長養特盛焉余嘗執是以觀古
今之變夫人數才淵德其積厚矣乃不能究其所施
天或爲之靳其身而必昌之於其子若孫其不然者
亦寡隴西郭子莊甫以戊辰年舉進士氣充才偉卓
犖曠達同舉進士者咸推先焉閱數月 聖天子加
意儲才慎嚴館選祕命首擢播文學之譽又二年
聖天子重耳目之寄改臺中御史剛勁無所阿枉論
者皆謂隴西山水極雄故產人茂異如此燕坐間子
莊甫每述其大父省亭翁志行與所學之富深嗟其
所遇未至願能之未盡展余嘆曰有是哉省亭翁種
德之厚也子莊甫之生非直山水之故矣夫水停當
不深流易竭木枯落不盡華不榮何者氣之未全也
省亭翁挾奇豪之氣抱淵深之學慨然志斯世顧阨

於位正德丙子中鄉試不復第母老投牒銓授山西應州守轉戶部員外郎繼遷貴州僉憲凡二十四載斤斤然冰檠自持所至多善政謂之曰聲所學則未也翁道大用小每不樂於仕歲庚戌年猶未七十也乃引禮大夫七十懸車之說告致政歸焉歸猶讀書手不釋卷暇則博山水之趣見諸吟咏成編帙焉於世之聲色貨利澹如也子蒞甫少而岐嶷翁愛之甚乃課以舉子業辛酉魁鄉試翁津津然喜猶慮其未第蓋翁所志者大欲以平生所未售者於其後之人洩之耳子蒞甫歷清華擢顯要肩鉅朝宁非翁所積者厚而薄其施天不能篤于其躬而必昌之于其子若孫哉昔王晉公不為相置華州手植三槐于庭曰吾子孫必有為三公者後果如其言非天道耶省亭翁之有子蒞甫其事類此今年春子蒞甫奉命巡按應天便歸觀省時翁年八十五以東宮恩進四品服矣子蒞甫謀所以祝之同館思壽翁不得且樂子蒞甫能成翁之志也各為詩歌遙祝之而余以齒應叙諸首故以天道言且信翁之福壽將無窮

也已

賀胡秋宇五十叙

余被命繇史館出補廣東副憲副憲按節一方觀風問俗有案牘簿書之勞而工文字者多不諳吏事稍供職弗稱旨是重累茲役矣既而思之繇史館出憲吾浙者始少師徐存齋翁繼今兵憲秋宇也存齋翁繇浙憲直躋台輔公今且再任矣存齋翁之出也以言忤上意公之出也以事忤時宰先後同補於外亦先後同有聲於浙云今夏余便道過家而公以五月二日為懸弧之辰其下吏咸稷稷牽牲執白上觴稱壽為文以祝之婺太守王君謂余有館諒之篤夙知公也徵言于余余惟壽之道有三有得之氣化之厚如上古淳龐敦固民至幾千百歲者是也有得之攝御之術如衛生家呼吸引導以求長生者是也有得之恬愉之養如聖賢所謂厚重簡靜仁者必壽是也余惟公性度軒豁器宇寬宏居翰苑時日惟誦讀講課暇則與僚友賦詩飲酒自適不能隨人偃倭旅進旅退作媿阿狀校文兩浙敦大率育不為科

條煩密以損傷士氣漸人士至今猶頌之今何時也
上方持峻法嚴紀以約束藩臬郡縣而藩臬郡縣日
奉法承紀不暇督責迫切惟民之侵剝剝蝕競以成
風公之蒞衢獨能與民休息毋興事端毋苛禁令毋
作好惡政惟持執大端如訓練儲蓄防禦諸策皆種
然備比二年衢民安堵如一日若罔知有憲司在者
暇日如居翰苑時誦書賦詩飲酒以自娛樂人謂有
蘇學士之風云夫治尚廣大平易者何限於世方操
切之中行其志不易于俗尤公所難也蓋公之寬厚

卷之二

卷之二

卷之二

簡重得于天性與所涵養者深矣夫寬厚則性不漓
簡重則神不斷壽之道也公壽第五十耳五十曰艾
服官政公且為方面重臣節鉞鎮浙上游而恬然無
事若此則他日為天下事無足辦者昔存齋翁為學
憲時人遂以其德為相公大類徐公余卜公
不獨壽其身且將以和道壽天下如徐公云

壽封承德郎徐蘭庭翁八袞叙

蘭庭翁聞之莆陽人婺郡二守梅嵩公之父也梅嵩
公佐婺之三年為歲丁丑翁在其鄉壽且八十相距

逾數千里岡陵之祝無繇持一觴頌膝下梅嵩公深
以為憾於時郡僚王聞源三公為文馳上稱壽慰梅
嵩公之心蘭邑為郡下流稱孔道難治梅嵩公視象
僅數月誠孚惠浹邑人欣戴民有病虛糧累役告大
田者往往苦其難寢格不行行者重滋弊梅嵩公毅
然身任嚴其法禁而躬督察之豪猾罔奸民版更飭
於蘭其尤有恩哉邑侯張銘盤君初函檄至適承梅
嵩公後親覩厥政且與共丈田事知其苦心澤深於
蘭為民感恩溯源謀為蘭庭翁壽浦江尹文君永康

卷之二

卷之二

卷之二

諭胡君一時相繼履任亦相與共祝之而徵詞于余
是年春梅嵩公以應觀入京謁余于史館為余述其
翁之壽與行余歌之未能紀其行今於諸君之請也
又烏能辭哉余惟語有之一歲樹之以穀百歲樹之
以德樹穀者獲樹德者昌二者嘗稱于世云世之學
士大夫被服詩書迪履仁義身自致于青雲之上而
施澤無窮固無可言者至于生弗逢世潛名韜光而
懷獨行君子之德忠信行誼孚于閭里豈不亦巖處
奇士之行耶而累基者崇厚沃者豐遠乃為生哲嗣

復享壽考斯蓋樹德之效非偶而已也余聞蘭亭翁性度恬愉蚤攻舉子業靡書不讀已乃棄去閉戶著書植幽蘭于庭數十本日咏吟其間以自適于世故泊如也又能厚宗睦鄰周人之急甚已之私里中賴以全活嫁娶者甚眾爲封君若未富貴者然夫饗榮競進勞生之弊也極情快欲伐性之斧也翁能蟬蛻塵囂致身物外怡情樂性冲然自得故年及耄齡形神不衰步履矯健若少壯時其壽曷有暨哉而又發之梅萼公筮仕十載遞遷四階專以誠篤長者處官

卷之二

十三

華奉職嘔咻元元以廣主上德意孰非奉翁教指翁聞之有不樂于心而于身茂增遐祉介茲純嘏者乎配許安人少翁三歲同德並壽是又世之所希覲者所謂樹德而昌者非耶嘗讀逸民傳見漢龐德公醇行雅操居弗耀夫婦偕老胤嗣代顯等之後世率鮮其人而翁非其倚與余不佞請借之以爲翁壽俾後之視翁猶今之頌龐德公也諸君聞余言皆欣然曰是足以壽翁矣請敬致諸爵者

賀康洲少宗伯羅年丈五十叙

余不佞從康洲羅君儀庭黃君操觚于承明著作之庭入則握麈講藝出則結駟連鑣三人者相得甚驩也無何黃君以告去余兩人依依鴈行者更二年君性簡直不能媿阿于時以故柄臣不大喜君君亦不爲少貶仕宦十年立朝居家幾半之余亦生不逢時偃蹇忤柄臣出補嶺海余兩人復參商矣會余上奮乾屏茲肅清朝政二君次第詞垣余亦以泰茅彙拔已同隨牒南中南曹夙間余三人者嘗觴酒豆肉暇沐于郊園別墅名山野寺間驩然相得如初都人士忘其非蠻坡保直也難其同心聚會艷慕其盛余亦追惟往昔萍踪散而復聚豈偶然哉今年春余以纂脩玉牒召還九月望後一日爲君誕辰舊選士今同少卿趙心堂君吏部諫齋豫沙君謀絨幣馳使者上觴爲壽而徵言于余余聞五十不稱壽將何以壽君然知君莫余若又奚以壽君素性高明質直夫高明合乎道之明質直合乎道之誠率性自然無所事學世有號爲知學者借蹕詭爲高明飾矯爲質直空談靡實君竊非之彼時又有學禁操苛法

以濕東士習士起口吻以談性命輒僞而斥之以故
君未嘗言學茲聞在南中嘗以蒞事之暇集部院司
寺諸郎署同志訂盟講學于興善寺之僧舍期以切
磋砥礪磨刮全垢契悟性真一時興起子大夫自南
中來者合口言君大有得於學余聞喜曰康洲君其
好學哉昔賢有言曰學殖也不學將落甚哉不學之
可畏也人有樹梧櫟者任土膏之沃雨露之養而廢
灌溉場師告之曰木性生生而資于養養順木性而
匪違木子曷灌溉乎旬日而暢茂逾年而拱把矣君

東虛堂集

卷之二

十五

之高明質直即聖門所稱剛毅木訥木之梧櫟也不
恃其美日有不足而學焉即忠信而好學灌溉梧櫟
也余惟五十逾壯而步血氣盛衰之候學問消長之
幾五十而學則終身好學可知蘧伯玉行年五十方
知四十九年之非知而求而知故六十而化孔子
大聖人也曰五十而學易可以與人遊夫孔子韋編
三絕豈待五十後然發憤之乎五十而不倦也故
曰五十而知天命知易故知命而耳順而從心蓋益
進焉君得伯玉知非之意孔子免過之心無間淺深

粹駁既學之後視未學之先當有進止可論矣繇此
而朝乾而夕惕而瞬養息存陰惜則日存存則月恒
恒則歲積積則終身所造殆不可量衛武公年已九
十其耄矣猶告誡卿士曰無忘交儆子武公何不知
老之將至如此學以定志志以帥氣一息尚存此志
不懈人患不學學則惡可已也君其進于是哉余二
十始知學四十而從君遊計十八年往矣作止進退
靡所成立安能如君之一日千里也今上睿知淵
冲日視講幃與二三元老五六親臣講求聖學圖維
治理頃者又念學術多岐僉儒臣之議於其德純
道明嗣續聖脉者祀敬軒白沙陽明三先生于庭以
風範後學夫三先生者或行于朝或脩于家其學一
也君且將爰立以相天子矣學術以顯事功正在
今日余更於君望之二君視余言勿以為迂也遂書
之以走使者

東虛堂集

卷之二

十六

奉賀太宰栗菴宋公七袞叙

萬曆紀元十有九年春王正月為大宰栗菴宋公七
旬初度之辰銓曹諸君子謀於左右貳卿將登堂上

觴稱壽公聞而辭曰禮人臣七十懸車吾將老而歸
賜諸田間父老矣敢辱諸公為遂引年至再疏

天子首嘉公公正明練繼以維士風飭吏治督責之
於是公不敢復言去出視事諸君子為申前請徵某
一言以為祝某惟古人祝願本之功德所以福壽以
功德為福壽之所承也公之功德不異於古人而胡
可以無祝也某請為諸君代言之周禮設六官分治
而後代因之有以政事君者有以人事君者五官分
職率屬展采錯事其功小太宰銓鏡流品辨進官材

卷之二

十七

其功大 國家昉周禮設六卿以太宰為之長六卿
以下太宰得推舉之太宰賢則六卿皆賢百司庶府
因之奉公守職 天子可以垂拱而治任至重也夫
以一人操百司黜陟之權使賢者進不肖者退若蒼
素黑白錯焉並陳而無所清談何容易是故尤重於
得人也上年前太宰楊公致政去 詔廷臣會推九
卿堪是選者 特旨簡任公益重公之賢而用之也
夫希榮競寵人情之常媒進干時士習之壞挾恒情
以趨壞習雖飭法厲禁以繩之猶恐燎原之火難撲

也東注之水難塞也况可視其熖與波而不撲塞乎
公既視事乃盡舉其絃轍而更張之寬而矯之以嚴
縱而矯之以操汶而矯之以察頽而矯之以振請託
之門開而賢者滯不賢者寅緣以速化公一切拒之
而權門勢戚無所投其私懸缺之實開而當銓者避
未銓者窺其隙以入公一切禁之而銓法因之以清
通吏胥久據案牘而競為神奸物議騰沸公為蒐剔
而盡致之法雖叢怨嫌勿恤也賢否簿曆案積披閱
為難公身親操之而無移其柄裨官冗吏精覈靡遺
雖蹈寒暑勿輟也資俸叙遷而才品自樹者則不次
擢用賢愚無同滯之憂勞逸遞轉而負俗累處廢者
又多方訪羅中外無不均之嘆杜私謁以風廉戒宴
安以警怠敦儉素以祛靡一法守以啓信蓋自公秉
銓不踰年大臣愈篤靖共小臣益脩廉謹其不飭者
亦自愧非求是而師師之風行於朝守閭矣旬宣効
勞風紀勵職有司相率奉法循理為良吏而不職者
兩使彈文繼至不容一日居於位矣晉毛玠典銓曹
而公卿大夫盡抑畏斂戢以去纖好之服至朝廷以

爲孤之法亦不如唐楊綰拜麻命下而勳戚大臣撤
聲樂減騶從罷池館朝士肅然公之威望大類此而
化被澤敷有非二公所及天下拜公仁壽之賜者寧
有涯哉公之壽不在一身而在天下矣而胡可以無
祝也公仕宦三十年前十年爲侍御史歷僉臺執法
殿中按撫畿郡凜凜焉立萬仞於風塵之表人咸以
公輔望之中十年避地山中衡門杜客日抄古先賢
格言遺行爲身心鏡肅然蓬堵之間而卒免於禍後
十年歷官司農值歲凶被公私匱乏公力爲均節調
停期無病國病民雖言者紛持互請公執之不撓自
若也夫立朝夫家食端執靖操三十年如一日然則
銓衡之重夫豈朝夕之故哉某自左右公以來日伺
公無過動無過言神澄思凝慮精志卓持其大不苛
其細執其方不失其圓望之怡然可親就之毅然難
犯且事至能揆事過若無集議盈庭一言批卻至其
一念忠貞光表粹稟黜私徇公古稱社稷之臣不是
過也又嘗私異公之形神矯健如海鶴然自嘆以爲
不及公曰我二十年無男女慾矣夫人不耗於慾則

東坡堂集

卷之二

十九

可以握天之全奪天之算眉壽無有害昔召公爲周
太宰且百有餘歲夾輔成康納周治於刑措今
天子春秋鼎盛方倚毗公公又強力未衰則統均之
寄尚安有暨願公學太保召公輔 太平天子三十
年然後致政歸第可也言之尚恐未罄因以質之王
公并諸君子僉曰是可以祝矣書之登堂上觴以爲
壽

壽封孺人趙母李氏六袞叙

東坡堂集

卷之二

二十

孺人廷尉趙仁齋公之配也孺人出關西之望族及
笄歸廷尉公以廷尉公先爲御史時封孺人今年屆
六旬十月廿日爲設悅之辰其子思職遊太學將謀
歸上觴稱壽而乞余一言以爲重余何以知孺人然
余簪筆居史館與廷尉公爲御史正同時見其秉正
嫉邪不阿權貴凜然有大節且無枚舉其他卽權相
矯 天子詔下有司以一品禮葬其父楚督撫潘臬
守臣皆不遠數百里來會葬廷尉公以御史 代巡
獨不至竟以是構禍視職去噫難矣哉余嘗閱紀載
觀古人有安婦能以大義勸其夫操行力學勵官樹

節如北郭先生陶大夫卓然表見于世又嘗讀歐陽公撰梅聖俞謝氏傳曰使吾不以富貴貧賤累其心者謝氏力也然則內助之賢夫豈可少而廷尉公之直節勁氣不挫不撓安知非孺人從史之功耶思職聞余言蹠而前曰先生之言其誠然哉母孺人之相先廷尉公也蓋真可以方往躅也余趙氏家素饒大父東川公挾貲爲廣陵鹽官遂居廣陵以家事留太夫人董之太夫人年已億家政悉以委孺人性又嚴憚難事孺人以身肩鉅不辭拮据晨昏曲順承志以得太夫人之驩心先廷尉公爲博士弟子員也不暇問生計孺人亦不以煩廷尉公以故廷尉公得攻下帷之業大有聲於諸生廷尉公成進士令華陽迎太夫人養孺人益致孝於太夫人遘疾孺人代侍湯藥晝夜無缺不欲妨廷尉公戴星之政而卒以著華陽之聲先廷尉公應召出卒于官孺人哀痛幾絕職兄弟貌焉稚也爰卽所授經督誨之勉以克紹先業不肖職兄弟稍知嚮往者母孺人之畢庭訓也先生之言其誠然哉思職又爲余言廷尉公有弟若弟

二人各四子女幼失怙恃而孤孺人育之若己子嫁女視己女更盛人謂有鳴鳩之風云大父東川公沒有匿其貲萬金者孺人不一問曰楚弓楚人得之也豈可以細故傷大義哉孺人之德行類如此余聞思職言益知孺人之賢其蓋敬姜樊姬之流乎而貞淑之德備矣德備則集福而壽也何疑子歸將益脩母訓成父志無貽母氏之憂也思職蹠而受之書而馳歸以爲壽

賀蒙太恭人九十叙

東虛堂集

卷之二

廿二

余嘗按古圖史所載女士貞明淑懿之行知母道之有關於世德者蓋不淺云思齊太任不可尚已後之徙宅斷機丸熊截髮其子皆魁磊卓犖爲道德功名之士在姆不憂在傳不勤傑然有所樹立而賢母之名因以不出閨閣被當時垂後世蓋非其地樹之不生而渥洼神駿丹山靈鳳理固然者粵中蒙近野公以文學登進士上第授行人選臺中執法御史歷任浙江藩臬二司所至著風裁持大節勳猷聞望爲時推轂遂以左方伯擢巡撫開府虔州公前後數歷中

外未滿二十年半在兩浙故浙人被公惠澤最久惟
浙人知公宏才茂略最深卽海內達人偉士所當揖
讓意者其山海之靈盤礴乎毓乎及余官粵中乃知
其所自有太恭人云太恭人早年歸先大夫慕竹公
慕竹公無子以妾生子越三歲太恭人始生近野公
公兄弟生數歲而慕竹公卒母寡子幼門戶蕭索太
恭人則力持家政拮据卒瘠靡敢自懈瘁力教子思
以振家聲旦起督二子就塾師受業夜則懸一燈於
室中督諸妾組紉紡績其下令二子手卷誦讀之夜

和康堂集

卷之二

二十三

分乃寢寒暑不輟於是二子遂蒸蒸有成業比有司
考校率更爲首名並一時相繼發跡已酉鄉薦爲南
京工部尚書郎考妾所生子癸冬公也大有聲于官
太恭人教癸冬公略不減近野公且爲嚴少長之序
跬步罔踰越至今粵之人頌母氏善教子者稱蒙太
恭人云太恭人性方嚴年已九十矣傳曰九十曰耄
言老至而衰謝及也乃太恭人頹強健如壯婦然晨
興夜寐約家衆以儉大小事稟命而後行太恭人以
近野公貴始封太孺人繼封太恭人今以 覃恩重

封翟冠錦帔緋袍束帶至顯榮矣然猶服浣濯衣不
更製其澹泊天性固如此近野公以部使者巡歷四
方不能近養太恭人以爲恨及官兩浙安車數請而
後至乃太恭人年且高不樂居異土悒悒不肯留近
野公遂以太恭人去留決進休嘗語人曰浙故距吾
鄉遠水可航也可以迎吾母嗣或轉徙他鄉只有退
而奉吾母歸耳聞 命鎮虔州欣然載母就道夫虔
州撫臺兼制南韶二郡爲粵人桑梓粵人罕居之往
惟一唐西洲公爲瓊崖人今 天子乃簡任近野公

和康堂集

卷之二

廿四

豈念公有老母破格處公耶凡人子之所願于親在
得年耳有子而弗食其養弗躬其榮論者嘗嗟憾之
今太恭人康寧壽考年九十而形神不衰虔州去南
海僅踰嶺嶠家問數至太恭人且安其心近野公日
隆鼎食承懼就養以悅太恭人因且膺百祿躋期頤
其爲福祉未有涯也已太恭人出宋季忠簡公之後
世家巨閥其德福亦有自也今年九月十二日爲太
恭人設悅之辰藩臬諸君咸道其盛相與謀爲壽維
時沈方伯滕憲長二君以遷官去閩浙過虔州拜近

野公於堂因可祝太恭人壽屬余一言載之以往遂
偕言之敬致二君之祝首

壽鄭母邵氏夫人八十叙

余曩與鄭諫議越渠公同爲諸生時交最莫逆後公
舉進士尹婺源入覲以次女女子次子鳳翀同袍而
托爲肺腑戚因知公有賢內子邵氏夫人非一日矣
迄今承乏政府歲月徂遷夫人以某月日爲八十初
度辰獅以使事便道歸將過夫人而稱觴膝下謂夫
人能躬家東成立四男子皆青衿穎秀以拔起其家
聲時方設帳繡簾之下鶴髮絲絲花陰在席萱草樹
北芝蘭玉樹競舞五色斑彩夫人色喜含飴弄孫童
顏爲之轉少也邑人皆曰賢母將飭筐篚羅酒漿爲
壽焉某爲兒輩當請夫人言偕匕飭進余聞之曰是
壽徵也小子能言之烏足以知夫人夫人蓋貞肅慈
惠有內德焉侍尊嫜踴躍承顏目無迂視得婦道之
敬焉相夫子奉巾櫛中饋舉案必以時得婦道之順
焉其御妾媵也繩繩魚貫振振螽斯庶幾乎不妬之
風敬則韜精抱一靈明與通神情以簡束固矣順則

心應和平流暢不滯氣體以恬裕攝矣不妬則清淨
媿快澹然內養營鬼以無愆存矣是皆承命之術致
壽之基而夫人兼之有德者必壽自是而期頤大耋
引年寧有涯也今 聖天子以天下養 皇太后太
孝格天萬壽無疆推 德意及天下養三老辟雍賜
高年牛酒和氣薰蒸宇內多壽宏開八荒之壽域將
昆蟲草木類無夭札而夫人女德大備遭逢 聖世
有不躋壽考揖金母而追雲林者哉矧越渠公直聲
大節著 肅皇帝朝年與位未竟厥施天將大昌其
後使夫人覩其盛食其報則不得矯健其四體而申
錫之遐齡是夫延年益算固天意也小子何足以知
之余雖龍鍾老矣無暇事筆研聞閨門爲風化始邑
有賢母如夫人且交越渠公深也何可以不文辭於
是乎次其桺檠獅遂踰而前以爲登堂之祝

賀楊孺人節壽叙

嘗讀詩見古人誦美祝壽必曰如松柏之茂夫詩人
何取於松柏也蓋其性剛而不柔質堅而不脆違衆
步睨霜雪而有歲寒之節君子重之飡實啖脂皆可

引年矧實秉貞性懷異姿者哉借松柏爲壽匪值言
其壽蓋併著其節物盈宮壤豈無大年如松柏者其
節不勁故壽亦不稱而惟松柏爲獨著吾茲於楊孺
人之壽亦云孺人四明人余同年大叅孫懷堂君姊
封兵部武選公女余嘗從懷堂君遊爲述孺人之事
甚詳孺人性聰慧果毅有異質及笄歸芝厓楊君機
蓋英敏博達士也夙以文學名孺人歸楊門力任酒
漿裳衣之事以事其姑馮以無累楊君以故楊君得
益肆於學嘉靖甲午魁兩浙爲世名士無何姑馮卒

林虛堂集

卷之二

二十七

楊君哀毀過情滅性亦相繼沒時孺人年二十八遺
孤甫八歲孺人傷之痛絕幾不起武選公勉以保孤
存嗣大義孺人乃就食襄事乃遂抱孤指日爲矢盡
去其膏鉛桂禕之飾攻辛茹荼壅閑閉恤拮据卒瘠
竭其未亡之軀以身操其家孤稍長延師教之課舉
子業比有成立自孺人與楊君背迄今餘四十年晝
不暇閤夜不休績勤劬淡約如一日明年春孺人年
七半懷堂君官粵南無能謀爲孺人壽介余言馳千
里使祝之言之淚且盈盈下傷孺人之苦節也余惟

天地正氣毓而爲人忠貞節義凜凜敦倫扶紀培植
世道而後於人生爲不虛老壽爲靡泰世豈乏須眉
丈夫哉口先王日詩書垂紳橫帶從容於朝宁之間
而卒然有變災與洪忍靡能捐軀殉難又罔周旋國
步以濟艱險彼笄禕之流目藩耳瑾身閨足域無文
史之訓無達觀之明而從一守貞抗志勵節與忠臣
義士爭名並耀而懦夫視之反步而憎走此曷故哉
誠至性結於心不可轉易耳夫孺人之嫜德獨行雖
不幸而處變其身不在其節猶足以標幟寓內激發

林虛堂集

卷之二

二十八

來世矧既壽其身乎且其初豈不能迫臆摧決急於
一徇以自明其志惟不忍其孤之失所以殞楊君後
而甘于伶俜孤苦延茲歲月卒之昌胤振家森孫衍
緒瞑逝者之心他日可歸報於地下是孺人之見更
卓所處尤難也孺人年既高貌益澤矯健如少婦然
壽考遐祉且將未有艾也孺人之節非四時不改孺
人之壽非歲寒後彫乎視世之挾其夸詡自侈其壽
人故從而褒嘉美異之迴不作矣庚午歲鄉之士民
僉以其節行上之有司有司上之部使者遂聞之

朝旌其門夫令名烈行下符衆人之論上榮王者之制足不朽矣猶屬余言者非以余曾爲史氏耶是非在衆論予奪在王制美刺之權實在史氏昔春秋紀伯姬全節婦道昭揭簡冊至今能誦之余非其人也敢以此附春秋之意

壽叔母方氏六袞叙

母自思和翁之逝乳乳孀居已四十年矣今年壽躋六袞十二月二日其設悅辰也宗姓叔侄嘉母之節喜母之壽咸往觴之而欲爲一言以壽余曰壽豈母之所樂哉母於思和翁淪喪之日自顧失依號慟摧毀欲以死從一日不能安其生然卒違初志者爲後慮也思和翁無子而有弟之子卽若子也與其徒死以明節孰若委曲全生以存後乎於是秉志勵操誓以必守時幼女在抱勤劬撫養既而俟叔生子育爲己子以存思和翁之嗣然則母之壽蓋非母之志也而今復爲母言之則母之心不傷乎雖然母壽則誠難矣自始以至于今吾不知其更幾十寒暑也其間歷艱嘗苦對景觸物愴然以思戚然以悲悽惋

東坡堂集

卷之二

壽叔母

東坡堂集

卷之二

三十

慘烈又不知其幾千萬狀也而母處之若裕守之益堅端靜嚴潔如一日非有金石之志冰蘖之操其誰能之是又愈於激烈慷慨喪其生於一時者矣古之人有殺身以爲忠者有存記以爲忠者皆是也而立孤與死孰難是可以辨母節矣夫自誓以死而遂不死以啗其大是知也甘於恬澹不事膏飾而平居未嘗苟於言笑不亦貞乎別嫂叔睦妯娌白首無一間言課子詩書愛不違訓不亦慈乎寸銖累積日隆家業而縞衣蔬食不改其初不亦勤且儉乎貞慈勤儉久而彌篤不亦賢乎惟母之壽斯母之賢益彰節益著也已母其虛生者哉而視世之樂有所托優游享年者又大不侔矣母出自雲源方氏其家世修禮義敦尚孝友閱五代同居合食而無異心彬彬有浦陽鄭氏之風焉母其克嫻家教者矣母之賢節宗族信之鄉黨稱之然未有揚其休者余雖不敢爲母壽竊爲叙事以傳焉倘 聖天子留意風化旌節閭里有司撫其實以上聞則余之言亦庶或其一考也至於辨志正學樹身揚名慰母之心而光顯其翁者吾於

吾弟汝立其深有所望云

重修泗州城記

古者建國皆有城郭之制以障內嚴外稱之曰險險斯固固斯寇暴水患不能爲之害是故王公設險以守其國既又專官掌之若周禮掌固之職其慮深也師家布列郡州縣於天下要害之地必城之天子初勅使來也曰城池汝飭卽古設險命官意也夫一郡州縣耳官司間舍府庫倉廩充斥于中無城郭之固其奚恃以治泗州古徐州地爲南北之衝祖宗陵寢在焉非直要害蓋根本重地也舊有土城二國初易以甃石爲一以逼臨長淮夏秋泛溢多水患嘉靖丙寅歲水與堞平不及浸者僅徑寸隆慶戊辰復浸城下者數尺民懷魚鱉之懼城之始構也率用沙土外雖包以甃石內多虛埂水至滲漬以入民日夕危傾覆守土者知其害而重其事罔敢以請庚午巡按御史蔡公代巡茲土詢察民瘼州父老首舉城不堅固對歷陳水之爲患居民墊溺之害蔡公聞之賦中沮色嘆曰城者民之杆民杆不固吾何以安于是

行城履隍周視其所圯壞許以脩治曰居官者省工作慮侵民也而忘其害大能祛其害雖勞民何損斯城失今不飭害將愈大乃委官督丈量自西門抵東門七百五十餘丈內皆甃以甃如外式度工計財又戒課斂於民取府藏中舊遺脩城銀二千餘兩資費旣安之又不以擾之蔡公仁人之心也州之民與其士大夫慕義從者益衆所屬官亦請各捐俸以助繼得銀一千餘兩遂擇日興工兼役軍民人人欣悅不再命而荷鋤執畚輦環輸石者蟻列子臻剋蝕補缺植頽築虛泗之城堅于鐵壁矣城完州之民與其士大夫僉議伐石爲碑樹之以紀實詔來問書於趙子謂其爲史氏也趙子喟然嘆曰偉哉蔡公之功乎土木之役人所憚興非昧於害樂便安惑浮議懼生謗惡叢怨四者集而事不成蔡公視之民之不得安土誠不能以一日寧毅然動大衆興大事四者皆不足爲慮有任事之勇捍均力縮溢伸之咸有經紀衆役而弗擾有集事之智民安其土永保無衝齧有捍患之仁戊午五月倭寇犯境燬南門幾爲殘破賴而

巡按御史馬公保護無虞茲城之脩也匪止拒長淮
侮劫攘盜皆可以禦上護陵寢下庇生靈屹然爲南
北一巨鎮矣書訓勤墉易戒復隍蓋慎之也蔡公有
焉蔡公名應揚麻城人是役也始於庚午某月至今
年月告成費止三千兩是時鳳陽府推官解君學禮
廬州府推官陸君至孝淮安府推官王君用汲楊州
府推官計君謙亨贊畫爲力指揮陳君守藩督察是
司學正劉君諫訓導李君嘉會劉君炫實經厥費終
始總理者知州楊君化守備張君國化也倡衆効義
者誰吏部主政戚君杰憲副李君紀少參常君三省
刺史柳君應聘平湖尹謝君良弼是皆有功于斯城
者也故並書之是爲記

勅建大護國慈壽寺功德碑記

臣聞詩頌思齋文治之隆基焉書言錫極箕疇之福
敘焉是以登聞泰運懿訓必資于慈闈而統會聖真
溥化乃稱乎善世治不必同道教不必一術神而通
之卽禪衆玄悟化或速于詩書懸而示之卽輪迴脫
離勸或惜于刑賞故竇氏好黃老言漢文致玄默之

理章獻禮慈孝寺宋仁稱節愛之君一念之善一行
之脩亦至昌國祚延茂祉阜民物光史乘有不可廢
焉夫釋典幽深玄言淵遠儒者棄置不譚不知釋有
大乘小乘道有糟粕精微滯小乘則頑空趺坐而已
悟大乘則出世卽經世之謨循糟粕則齋戒誦持而
已悟精微則無爲卽恭己之方故聖道如日二教如
月日固麗中天熙萬彙月亦借日之光可以度迷川
覺昏衢所爲億千萬載得與聖道並存天地間者惟
此耳洪惟我慈聖宣文明肅皇太后得一配天安
貞應地心完聖覺融最上之乘躬備清寧爲有國
之母蓋嗣徽太姒吉甫莫罄其賜言而齊蹤虞妃劉
毅莫旣其頌述者矣是以茂膺天眷誕育聖躬
東五帝三王之英資繼二祖八宗之令緒而時
勤徽音斧藻帝德稟真諦以垂燕翼脩聖果以
佐鴻猷二十五年于茲萬族熙恬百昌遂若山陬海
澨之衆泳沫涵濡踰沙軼漠之國迴首面內亦旣功
成巍巍德稱蕩蕩猶復發無量心廣不二法捐璇
宮之金布捐玉食之珍齊廣施給園普濟塵劫乃

於阜成關之外西八里庄弘開禪林。賜名慈壽金容崇諸天之像。寶刹續萬年之燈。崔魏飛閣貯佛經一十二藏。周遭方丈。居戒僧五十三衆。昕夕頂禮齋戒禪誦。迺皇考在天之靈。棲止大千。祝今上如川之嘏。光增寶錄。所庶徵協氣之應。康阜羣品。集萬劫無盡之禧。鞏固皇輿。已復念此衆生。覺性不昧。有障則迷。智月常圓。無觸不應。而天下之琳宮梵宇。脩阻荒陬。黃冠縹緲。流跼踖方域。無繇盡窺大藏。矧能宣讚微言。林林馮生。貿貿塵界。言或綺妄。動扞文罔。職此之故。於是光渙懿旨。載發帑實。括華嚴懸談諸經。附大乘般若之後。續刻成函。釋部始備。乃廣細帙。遍施名山。并諸道藏。一切流布。片言半偈。有情之衆共聞。萬法一心。導生之門斯開。散晨涼於火宅。現慧日于闇途。貴食母於大牢。疏川谷於江海。使心心相印。人人懷寶。拔躋極樂之國。同爲沕穆之遊。聖道民可使繇。而茲濟其所不知。帝力民則何有。而茲輔其所不及。至矣哉。神功聖德。非恒沙之劫所能窮。純釐遐齡。將諫首之算不能盡。尚奚容其思議。則其

畛域哉。是以奇葩呈瑞于淥池。珍獸徵休于靈囿。三光順序。八蜡告成。卑卑漢宋。方斯茂矣。昔我太祖肇基。招提授夢。爰及成祖靖難。玄錄徵符。應五百歲昌期。蹟既彰於往昔。衍億萬年大業。理自協乎來茲。蓋天將啓聖治之綦隆。二祖姬烈故特弘聖母之慈慧。三教並崇。此誠貞元會合。天人交應。非第一時福田利益而已。臣等瞻湛恩之遍國土。聆輿誦之浹普天。仰華胥之贊軒圖。效周人之頌文母。假雕篆而勤貞珉。表鴻茂而垂永世。其辭曰。鴻濛初分。大道惟一。苞涵萬象。陶鑄羣倫。爰至周王。化人西入。柱下著書。函關西出。二教始興。代有作述。玄理無爲。禪宗圓寂。味厥真詮。吾儒羽翼。嗟世隨聲。莫闢閭閻。聖母天縱。同明靜默。三寶玄脩。八正惠迪。乃弘大願。祝釐壽國。雜草開林。給園延錫。表刹分燈。逝川極溺。重憫羣性。鍵于情識。舉世闇闇。疇爲日燭。舉世昨昨。疇爲谿谷。續茲貝文。載及玄錄。禁苑尊函。牙籤錦牘。中使傳頌。于彼嶽瀆。迦葉墮鵠。珠樹鳴鶴。二宗殊途。同皈真覺。廣度有情。畏壘天竺。天子萬年介

此景福長奉 慈顏以怡以樂維此二藏流布無狀
施者功德莫可比絮山猶可梯海猶可涉譬彼太陰
圓明爲質長照萬古與天無極

勅脩東嶽廟碑記

都城朝陽門外里許有東嶽廟正統中 勅建

英宗皇帝御製碑在焉越百餘年而我 皇上以

聖母慈聖皇太后肯拓而新之維時萬曆丙子迄今

壬辰十又七年矣 皇上寤寐靈嶽貯御神交敬祀

重祠益虔弗懈於是復出帑儲若干緡 命司禮監

太監張誠選委內臣陳朝用繕葺藻飾更於寢殿左

右作配殿繚以樓疏前樹棹柳 賜額曰弘仁錫福

經始于二月二十六日落成於次年三月十一日

上命立石廟庭而 詔臣某爲之記臣惟古帝王懷

柔百神崇隆祀事自羣望而下罔不祇肅矧東嶽稱

岱宗爲五嶽長始育品彙興致雲雨其冥威陰騰鑒

視澤善能佐維辟之威福于沕莫髣髴之中其功鉅

故在昔望秩燎瘞以爲彝典而乃傳郭就郊棲神于

廟不煩登封遣使於以寓仰止而致精禋間值雲漢

之憂有司則步而禱耳其地近且祈報之所壇墠闕

恤與衆庶隔絕而廟雖領於祠官都人士女咸得不
時奔走瞻謁祈且禱焉以遂其私而徼神之佑其澤
尤均而溥也 皇上與神合契順民所欲繹 慈意
而勿忘飭崇構於未圯神棲益麗像設加嚴天孫閭
懌倍感逾歡且有日新之貺川增之祐終綸疊委以
効厥靈臣拜首稽首恭紀日月而系之詞曰 節彼
岱宗羣嶽推雄握其生機運於無窮觸石出雲品彙
攸殖捍患禦災皇度以翊叩皆桴杓祈卽響臻玄德
陰功與造化均人仰神庥 國資神庥有廟在郊于
震之位我 皇出震咸秩無文祇承 慈命肅恭明
神 大寶初登神居已渙今二十春亦復湯沸好用
有式 皇心有虔民力不煩帑繙再捐飭其威容潤
其稅節益之殿樓崇之棹柳彌完而密載潔以鮮貫
仍于舊美乃逾前維茲廟功豈曰神媚 慈意是繹
繫民是惠神其戾止式悅乃心昭爾錫美報此精忱
何以報之佑我 文母純嘏永綏泰山齊壽又何報
之福我元元兵寢不作安于泰山泰山不騫神報無

數臣庸作詩勒于貞石

勅賜護國慈恩寺碑記

皇上御宇二十二年于茲夙夜兢兢孝奉 聖母備物順志虔誠有加提衡寓宇休嚙蒼赤令六合春融卽有邊隅小警而海內晏然亦惟奉 聖母之教

聖母內教而不顯其迹 皇上默承而不尸其功臣

子無繇名言其盛獨覩 聖母慈聖宣文明肅皇太

后往往節約玉食以繕飭梵宇夫竺軋之教以無爲

宗以慈爲用印證藉爲津梁普度滿乎法界雖儒者

唐書

卷之二

三十九

所不道然濁毒衆生沉淪結習貪嗔相尋纏縛難解

而一聞佛說頓令煩熱如灑清涼則莊嚴像教供養

天人亦祛羶弭殺之妙諦也然則 今日慈恩寺之

建不可以窺我 聖母啓佑 帝心祝 皇國而福

萬民之微指哉寺在西直門外二十五里地名青龍

橋向隸 宮莊有五泉之峯西湖之水山川形勝境

界清幽足稱選佛道場 聖母欽聞喜悅因出內帑

欽遣 慈寧宮近侍御馬監太監陳儒督造茲寺經

始于萬曆癸巳五月落成于甲午年九月工竣 賜

額曰 勅賜護國慈恩寺外爲山門前爲玉殿

翼以鐘鼓樓中爲大通智勝寶殿用奉如來左右列

以伽藍祖師二小殿大殿後爲藏經閣尊藏大藏經

一部凡六百七十八函又爲大士一堂具三十二相

錦繡經袱牙籤金燈璀璨陸離種種畢稱繚以週垣

僧寮方丈廊廡庖庾煥然屹然又慮其無以贍也以

原隸莊田地若干頃畝爲常住又慮其贍而無以率

也擇住持本在主之凡一歲而工告成不費縣官一

錢不煩將作一工皆出自 聖母宮中之積 皇太

唐書

卷之二

四十一

后若曰布施爲破慳之藥慈悲乃度世之航余不敢

及國事聊以散吾所積奉崇三寶庶幾小民得衣食

其間其以佐 皇帝賑發培養之萬一乎其以

慈聖賜額居然可觀矣我 皇上于佛法勿身親而

聽 母后之發大願力成大聖果此雖未足盡

聖孝之涯略是亦順親廣愛之一端也督工內臣陳

儒旣祇役落成復奉 皇太后旨使臣紀其年月臣

叨在綸扉觀所未有謹宣揚此義拜首稽首而作頌

曰 我觀世間人無明沉淪重淫慾多貪慳認幻作

實有執有乃生爭戕殺無窮已如來憫衆生說法爲
解脫色空兩俱遣邊中俱不有云何設象教以色相
救我聞如是說從聞思脩入布施以破貪慈悲用
救殺苟不通茲義因緣更執著布造金塔寺終爲有
漏果 皇王大明運金輪轉法華 皇帝稱萬曆正
覺照世海調御天人師八方化淨土 聖母坐宮中
薰脩福德至乃捐祇樹林乃造多寶寺天花鬘婆娑
獅子結寶座天龍及帝釋護法諸神湧貝葉五千卷
香花威儀從雖知見解空示彼癡愚衆淨心以澡浴
戒品爲塗香甘露法之食了脫味爲漿降伏二種魔
貪嗔漸消亡乃知示法力成就諸衆生因以解人迷
百不墮邪見永作日月天國王世界主刀兵疾疫苦
一切作利益假令佛世尊及諸累劫佛讚嘆其功德
猶尚不能盡

重建金華府學名宦鄉賢二祠記

今天下郡縣之祭祀有繫乎民生風俗者於名宦鄉
賢爲重夫二祠不載 國家祀籍其所建立議首出
於學校成之者爲臺司守土之臣以故祀多舍於學

宮之左右蓋學宮者其地爲賢士萃止而公議之所
自出吾夫子廟祀則又配以羣賢后世大儒皆得以
次而附今之二祠旣不有命於 朝廷而又繫諸民
生風俗之重乃不於教化本源之地爲之崇建則又
何足以表率於上而垂勸於后耶余竊舊有二祠咸
去學宮稍遠率僻陋卑濕又歲久室宇寢圯至有神
不能棲者觀感之士每歎恨而末繇爲之所歲辛未
惠安鄭公以部尚書郎來守我邦凡民事闕失咸次
第爲舉至視二祠大懼祀事廢失且以享非其地圖
所以安其神者會巡按御史新建謝公有崇祀典脩
廢墜之令亟爲陳其事御史議以克合遂並爲移建
於學宮之西丹堊交輝遶豆嚴肅繇是通郡之人士
相快靚以爲御史當太守之按治也豈惟綱紀振飭
教通人和卽吾婺之前賢往哲皆能使其神洋洋乎
昭格於宮牆之間君子所謂精誠旁魄靈貺交感茲
於兩公見之當是時余以奉使過家適祠事告成之
始太守謂余史氏宜一言以記之余惟吾婺爲古文
獻郡山川疆土號稱形勝以故忠臣孝子及節義文

章道德政事之人后先挺生而宦是土者亦多頌偉博大効忠宣澤之流應期受命顧其爲善雖未易與聖門之徒相爲雄長然均之能挾道與德振拔流俗以不詭乎夫子之教者蓋不特爲一鄉一國之範模已也爰祀諸學宮左右實有以羽翼乎吾道而尤以見國家建學置師養賢作人之盛他日郡邑之子弟與夫服官箴於是邦者來過其下必相與歎曰以吾人之生不過與齊民等耳一旦脩詩書之業游聖人之門童而入長而習得以一文一藝見於世及其沒身也乃能與聖賢爲伍列俎豆其間豈不爲奮然而興起乎雖然余復有說也自吾婺之得郡縣秦晉而下曾不知閱幾千百年矣名彬彬紀冊者亦惟此數十人焉而已然而不過以一善一行表著閭里施諸民牧求其必合於孟軻氏之言所謂天下之善士以及進之古聖人之列者則又難乎其入矣今御史與太守以二祠者舊設有之然皆遠於夫子之廟祀毅然視已任而改遷之是豈無深意乎繇今以往凡士類之出於其間者又不可不爲之思矣是役也經

始於甲申五月朔日成於六月費僅踰百金無煩公帑民私此又兩公儉以率民之意二祠左名宦右鄉賢各三楹外繚以垣總以一門限於地也謝公名廷傑鄭公名一信贊議者同知李君燾通判朱君均咸推官劉君守恒董其事者俞經歷夢柏也法得附書是爲記

金華縣遷學記

金華之山蓋自括蒼磐礴蜿蜒千里至芙蓉支分岡阜入城郭左右迴旋二水襟環萬峯屏峙巋然鉅於東南郡邑辰山而治邑有學在山之壩地故卑偏以民塵凌以司署歲旣久每積雨則流潦橫被堂皇之間享祀講習稱不便有司往往病之惟繕治疏洩而重改遷桂林張公守約以御史來守是邦黃梅汪君可受用高第令茲邑咸慨其學不足以崇瞻嚮思維新之會鹽院孫公旬巡道張公子仁行部至郡邑諸生因以爲請胥念興學造士美意也允之而撫臺張公佳胤蕭公廩按院張公大熙范公鳴謙先後巡歷議以克叶於是相芝山光孝觀址改遷之一時廟堂

廡序齋祠解舍庖庫廩畢治而棟宇榱桷之壯刻
斷丹雘之麗視舊加隆逾數月而告成曩時觀者率
侈郡學陋邑學今煥然稱並盛矣惟是郡大夫張公
邑侯汪君介而生寓書幣徵記于余余方起自山中
南貳成均環四方多士而宣鐸教思 國家開齒胄
之監儲毓人材弼成化理 累朝惇倫明經之訓炳
若日星今 主上申功令而廣勵之且成均選士又
四方所視前茅而改行易趨者將督率指發之為難
也而矣以復其請竊惟國家養士昉于成周鄉塾黨
庠術序國學之制鄉塾之秀升于庠序庠序之秀升
于國學然考之周典樂正崇四術順四時教以詩書
禮樂使之博通義理融洽德性童習而白首繇之不
遷異物是以行脩德成庠序有可選之才國學無不
賢之溷今禮樂已廢缺而誦詩書者果能如周之士
明經術一道德無聲利之汨詞章記誦之累矣乎有
所汨且累則郡縣之升于國學者豈皆成周選才而
所謂不變簡細者盡無其人矣乎夫教化行道德經
術出於一教化弛則道德經術出于二一則淳二則

漓任教在君師立志在士子首善在成均根本在郡
縣而郡縣觀感在一邑金華文獻邦也自呂成公倡
道何黃金許四先生相繼丕振稱小鄒魯非先民之
法程手師以是教士以是學治心正身考德問業不
徒剽詞綴文獵榮媒進卑卑為庸衆一變今習使四
方翕然觀感升秀國學奚翹成周之選洽菁莪棧樸
之化焉繇是後先奮庸于朝寧間亦如大樂正論造
士之秀于司馬司馬詔進士之賢于王皆為吉人彥
士師師濟濟為國家稱得人自邑學始不其盛歟說
者謂道德之風微于科目沿數千百年而至於今欲
反之須復選舉變科目乃可夫為是說者是患人之
病涉欲其毋操舟以涉川也不有津人操之若神者
乎彼視川若陵也有志之士必不妨于科目彼視科
目若選舉也余聞古人重改革之義能鼎新焉今之
遷學正惟其時易曰君子豹變願多士翫之是役也
守道李公頤後至落成之郡丞周君道東別駕楊君
萬言節推徐君萬仞學博屈陞陳廷材僉與其謀而
首事者則庠生陳文盛等暨姜某章某是為徵余記

者皆庠生勇于從令不費官帑者邑民王希聖也百
年議遷泥于因循能一旦舉之其時至事興也哉

最樂堂記

爲善最樂之言昉於東平而傳至于今不朽人皆知
之而樂之所自有者人則未之知也蓋樂不因物而
生乃吾心至善之本體得於中無假於外處富貴而
不盈領貧賤而不懾一死生齊得喪忘順逆無所取
而常自足者也人孰不有是善亦孰不有是樂中無
所得而役役焉求足於外而真樂失矣是故有以貨

海虞堂彙

卷之二

甲七

寶爲樂者有以聲色爲樂者有以輿馬衣服飲食爲
樂者有以宮室臺榭爲樂者有以馳騁田獵爲樂者
忘其心之斲蝕縱其情之淪陷侈然自以爲快於心
而人亦爭而羨之嗚呼是何足以爲樂哉塞耳眩目
竭精瘁神營營戚戚憂患終身而不知其自蹈夫危
機矣不有爲善之君子乎仰不愧俯不忤明無人非
幽無鬼責族好之鄉黨稱之言而人信行而人說
回視夫世之所謂樂也得之固有所弗爲而不得則
一毫無所損所謂無入而不自得也何樂如之樟林

徐君抑齋鄉之善士也今年秋築室於野而構堂於
其中命婿郭子某謁余請名焉余惟堂以人名則堂
因人重抑齋素有善行著於鄉鄉之人若大若小若
疎若戚咸知敬而愛之而抑齋亦自信其善之與人
無忤富不斂怨財不招尤油油然樂處於一鄉之中
焉蓋爲善而得其樂者也故因而名之以最樂人之
不知名堂之義者則曰抑齋家貧累萬田園廣矣財
帛盈矣謀遂而求有獲矣最樂之所繇名也是不惟
沒抑齋之善且不知吾心之有至樂也抑齋性剛直

海虞堂彙

卷之二

甲八

鯁介無私曲平居議論行事嘗爲人所信服好賢樂
善接人以禮見人之窮乏弗克自殖者每出所積以
貸之雖身樹家業甲於鄉邑然根本勤儉非恣其多
取於人者而且躬率謙抑訓子義方一門之內雍雍
和好恂恂謹雅其庶幾夫富而好禮者歟夫樂不足
於中而後假於外苟得其樂則外物何與田園可廣
也而樂未嘗增也謀可遂求可獲而樂未嘗在茲也
蓋吾心真樂自有所在得于天定于性而融于物化
盡釋之後抑齋得之抑齋或未知之也余雖未能深

得抑齋之心也而吾心之樂則與同也人苟思吾名堂之義以求抑齋之樂而因以求之於其心則樂亦生矣而又何疑焉余懼人之不知有是樂且懼抑齋之未能盡得其本心也遂書于篇而復爲之記云

皆空亭記

南滁之山琅琊爲最勝蓋其山踰回馬嶺盤紆二里許緣溪躡磴而上後展從隆左右兩山逶迤而前抱谷口歐陽公所謂望之蔚然而深秀者也自唐大曆中初寺作左右上下兩坊禪室琴臺而後之取勝爲

大虛堂

卷之二

四十九

亭者幾二十處今皆榛莽不可考惟山竅爲洞石洄爲泉水匯爲池猶存故址歲癸未秋余從岡卿毛小山公貳卿尹堯石公戶遊是時金風颼颼天朗氣澄泉瀉木落坐方丈茶話能步寺南白龍池觀陽明先生偕諸弟遊所紀石因見水從石罅瀉瀉匯前池瑩徹可鑑遠瞰兩山相峙中瀾漫萬井環以長江霏烟丹景相蕩無際可一眺收之余三人凝佇久之謂此地足當琅琊之勝空一亭以補前人之缺於是戒工度地謀治之踰月而亭成詢名於余余請名以皆

空二公曰皆空之義何居亭於空谷而空其景耶亭于空門而空其人耶余曰寓形皆有敝惟空爲不壞玄黃混并孰窺眇始結氣成象皆爲變幻浮而穹塊而壤形形色色聚散太空若浮漚疑釋于大海卽空卽象卽象卽空迷入妄認天地萬物爲實相而於四大假合孰爲已有根塵緣因種起嗔愛驅百年幻影蹈苦海波濤坐昧皆空義爾空爲西來宗教儒者多諱言之余則以爲西方與東土異空性無異故揭名之登斯亭者因名得義內空其心外空其物空而不空乃爲真空而曰空其景是有光景相空其人是有人我相斯爲不空也已二公聞余言弗以爲誕曰曷文之居無何余遷貳南成均去尋視院事毛小山公督撫鄖陽去卿蕭軫養公承蔡肖兼公丁勺源公皆以先後至落其成今廷尉張震峯公爲岡卿時嘗詠觴于斯不能舍去今樂聞之尹堯石公書來促余言遂次第紀其事

永昌太守陳公生祠記

余嘗考漢史郡守雖佩銅虎符乎身則帥也不獨乘

輅問民疾苦爲天子御夷於萬里之外經略戰守靖
固邊圉如會稽渤海上海郡雲中吳常一循吏之能卽
世食其土宜矣明興置守責以疆事猶漢制也使郡
皆嚴龔李魏其人如丘文莊所云得一良守當勝兵
數萬人旨哉其言之也滇去京師萬里而遙永昌
卽漢哀牢國又在滇徼最西與羗獠牙錯稱難治自
王靖遠麓川之役唇齒永昌僅騰越勐南甸于崖隴
川三宣撫而緬甸六宣慰並犄角之垂今百有餘禩
夷廢興無常狡悍巨測數爲邊患蕃酋父子瑞體應
禮相繼桀黠爲噍喇威劫諸夷鴟張蚕食窺三宣六
慰以肆其猖獗永騰騷動嘉隆間蒲州楊司馬有撤
藩籬近門戶之疏其爲不討之日久矣岳鳳隴川故
商人亡命子爲頭目逐嫡弑主竊印搆兵倡亂內地
有輕全滇之心謀以芒市邦杭兩路入永昌守缺閫
陳公嚴之繇冬官尚書卽擢拜出守至日見永昌邊
夷數被侵擾嘆曰兵脆於承平而土司習怯以禦劇
賊此投肉於餓虎之谿也於是緩繇薄征宣上威
德日夕圖永保障慮兵事猝至難卒應又爲募客兵

六虛堂集

卷之二

五十一

練土著高城深池力爲防禦檄騰越知州陳克侯繕
兵峙餉共圖滅賊因以白御史大夫劉公會劉公棟
慨任事遂以疏聞無何賊擁衆攻破順寧掠我姚
關焚我施甸烽火通於滄山洱海請張二十五宣二
十八寨環永以居人無固志公單車慰之使自爲戰
守藩臬大夫以疆事至者脂車絡繹客兵四集叅將
鄧子龍軍姚關游擊劉綎軍騰越衆不下數十萬公
督餉資餉將未嘗告匱軍威大振賊勢披靡鳳就擒
應禮窮蹙遁去踰年復擁衆攻蹈阿瓦事聞
六虛堂集 卷之二 五十一
上震怒命刻期剿賊衆將益奮銳鼓勇公所石畫動
中機空率獻俘闕下夫自壬午誓師甲申奏凱烽
舉燧燔歷險踰峻前後經二百餘戰永昌去姚關施
甸僅百里洵洵謂覆巢壓卵之危旦夕事耳三年桀
黠之寇不敢迫城下永之安堵如故公之保障誠大
哉公又條議善後事宜於劉公上請城隴川姚關
猛淋三要地開屯堡基布置官吏治之永扼其衝西
南稱平定焉斯不帝一時之烈已永父老合祠公七
賢又專祠尸祝公識深恩也七賢朱太史記之矣茲

以余與公戊辰同舉進士走幣都下屬記之余惟古
太守任至重守諸邊郡尤重自太守不足恃益以藩
臬督撫總察邊疆之事盡以諉之邊城太守惟以簿
書期會訟獄催科其事畢已而軍旅之務漠不相關
然一旦有事能免封疆之責乎公以古人自樹立司
守土而任封疆視永民之不獲安寢若其身之被創
就膠然保障之績與循良並奏非嚴龔李魏曠千百
載繼出者哉空永之專祠公也昔羊叔子鎮襄陽至
今名其碑墮淚公叔子儔也謂永爲峴首非耶是爲
記

太虛堂藁

卷之二

五十三

脩梁文康公祠堂記

余嘗從梁中翰君孜遊爲余談王父文康公相業余
意中翰君私其先人哉比余爲史官秘閣中窺
武廟 世廟實錄梁公立朝大節而知中翰君語予
者不誣云旣余官粵南清軍謁公祠中翰君之子紹
績方鳩工葺敝陋余問曰祠舊爲何地對曰余先公
相兩朝閱十餘年家無旁隙地後子孫寢多業益貧
無力別構祠就於宅中初之子孫環祠而居余嘆曰

太虛堂藁

卷之二

五十四

古稱冠萊公無地起樓臺登今身見之哉未幾紹績
告工成請余記余惟古之賢相生于千百世之上千
百世之下猶得頌述之矧余去公未百年乎公館閣
近臣侍 兩朝東宮講讀屹然負公輔重望逆瑾噴
不順已中抑之復遷之南都瑾敗召入內閣筦樞務
公守正持大體推讓容納如有弗及首揆揚公廷和
守父喪將闋公力言於 朝起之至卽讓之以政居
其下御史張璉論公多善非其語公怡然受之弗辯
且復薦其才二者士論咸重之秦王請關中牧地構
佞臣寧於中從吏之諫者弗能得 上命公草勅公
具草進言地富給邊芻秣 祖宗慎予以全藩室今
予王王其謹侯度毋爲亂資 上驚曰牧地重乃爾
耶遂報罷 毅皇帝一日微服出厚載門近倖皆不
知也京師洵洵縉紳往叩公駕出知否公曰已知當
卽還頃左右得 上所幸處遂還官事定有問公者
公曰實不知也予爲輔臣不知 上之起居事且但
測矣人服公之雅量 毅皇帝欲幸諸邊諸輔臣皆
恐懼謝病不出公朝謁如故置酒召所雅遊者忽有

訓宣公入公叩首見 上於文華殿 上厲聲曰子欲巡邊可寫勅書來公問勅何人 上曰朱壽公問壽何人曰卽朕也公對曰 陛下御名告之 天地告之 宗廟豈可更易且臣勅君者無法 上怒甚持劍臨之公解衣伏階下流涕慟哭拒以死 上擲劍庭中趨出徐令內侍問曰先生休矣朕不令先生草勅也公履冠而出禮部尚書毛公澄排闥救之事已解矣公抵家有問之曰 上偶詔見無他也行酒如故次日上疏極言之勅竟不署名 大駕南征公諫止之弗得偕將公冕扈從以行時迫郊祀上欲留南都行禮公反覆陳配位已定孰敢紊置以干大典乃寢公復以郊日迫固請 鑾輿卽發公前後請 迴鑾之疏凡七上歸至途中三疏自効求退俱不報 毅皇帝崩公奉 詔迎 肅皇帝安陸既 卽位遂上疏力引疾去絕口不言奉迎功推恩亦竟弗及也夫公歷相位十餘年不爲亢言激行塞其責於一事而以其身周旋於毀亂之間利害安危死生以之建白多祀典國本邊務人材止巡幸罷遣

中官關國家大計以故 主聽稍回奸佞弗盡國是大定 宗社永奠言者跡公居位不數匡救輒輕訾此小臣之事非大臣之道也公功業似周太尉勃周木彊少文然誅諸呂逐少帝迎代王于邸以安劉祚可屬大事而公之不言奉迎功視周爲賢之德量似韓魏公琦膺國家多故毅然身濟其艱決疑定策然未嘗見喜愠動聲色磐石其國家而公所遭之時視韓爲難之公所不爲者叔世功能之士企踵攘臂先之而所爲者非古威望重臣身佩安危者弗能也斷斷休休古稱大臣公其以之哉祠制舊不廣後寢前堂左右兩廡堂前數武爲 御書樓又前爲門垣新闢左右二門餘皆補治丹牖其舊工費無所出法立取子孫登仕籍饒貲產克有成立者各隨力捐貲夫公傳僅三世耳乃至子若孫不能充然爲公葺一祠公之所以遺後人者可知哉余方悲夫世之居高官膺仕類侈盛其第宅田園以娛樂其身而因以遺其子孫累世富厚不絕茲有感于公爲之記以表世且以慰孝子慈孫之意云

太師李文定公祠堂記

文定公卒邑人士請祀于鄉之賢祠夫以鄉賢祠祀國之常典凡孝友廉節其行誼有一節足以表正閭俗者例得祀文定公道德勲業懋隆朝野可繫涸以常典復請專祠祀之余以少詹事遷南京吏部右侍郎其子尚寶君某偕弟治中君某中書君某謁余曰子先公所錄士也昔年襄事子曾哭先公于墓茲行應謁先公于祠也祠有記願以屬子余念在公門下二十年受知最深蒙恩最重雖不敏何敢辭公孕靈

卷之二

五十七

所篤生以光中興輔佐者也嘉靖辛卯登賢科丁未舉進士第一先是嘗從王心齋良林東城春講理性之學已師事湛公若水歐陽公德盼學益遠既登第慨然以忠孝自任而肅皇帝亦特知公寵眷殊異絲修撰遷翰林學士進吏禮二部左右侍郎陞禮部尚書加宮保率歲一遷皆出

聖意時分宜當國心固啣之然弗能抑其間禮遇優厚他儒臣莫敢望而公亦感知遇恩矢心報國為宗

伯寅清秉禮恪守典章最難約束如宗藩服室宴饗請報擅婚競為冒濫一約以禮制條列上請著為令至今有司猶得奉行之無何

勅參閣務與徐文貞公同心輔政又與文貞同受顧命以事

莊皇帝錄直罷奸誅夷左道舉朝政而悉登之上理會內地欲建翔鳳樓公亟疏言新政不可開興作之端終隆慶之世無土木之費內帑充溢以公能防其漸也文貞謝政公為首揆乃益殫忠盡慮知無不言

卷之二

五十八

上亦委心聽之臺省言事忤

旨公即從中究解又不以聞之于人內閣侵部事權久至公悉以職事還之俾各行其志嘗語人曰吾為提衡平章足矣平生不以私庇一人亦不以私中一人即所知交賢否一任其進退此則賢宰相之所難者薊遼間臣請建戍臺以豫防守中有以私撓之者公極言戍臺之利而主其議遼防賴之其鎮有南北軍分兩帥訓練兩軍桀黠不相下幾構亂公易置一

帥而統之兩軍遂定虜騎突入宣大間不及謀公即
悉前後所賜金綺遺之且誠之曰汝輩第為國家出
死力

朝廷自有大賚無剥致命士而私我也夫邊將掩敗
為功賂公免罪習為欺罔者非一日聞言感激泣下
鼓勇奮殺虜遂相率引去把漢那吉以窮來歸把漢
那吉者虜酋噶達愛孫也求索不得願歸亡納貢稱
臣廷議有指漢唐和戎之失從之為勿使者公曰今
日之事與漢唐異制和我匪在虜求臣匪求婚而

本庵堂墓

卷之二

五十九

虜貢我市較歲所損可以易數十萬之兵費于是廷
議遂格頒冊授封嘉為順義歸俘獻

廟而市戮之宣大二邊安堵者幾二十年其為國家
決疑定策毅然不可奪類如此公初在政府每事推
讓文貞亦多諮詢公而人煦煦密贊朝政文貞去而
新鄭至江陵從而構之而人相煽為禍以爭得政繇
是公始不安其位亟求去章七上而始得請

命下日余偕諸弟子侍坐見公欣然有喜色及譚
先皇帝知遇

今上眷顧輒嗚咽涕泣侍者俱墮淚忠愛之篤其天
性然哉公秉軸不為赫赫之政亦不以威福加人含
垢包荒蕪容虛受日接在廷庶官四方賢士咨訪朝
政民瘼務和顏色以遇之而人無賢不肖得承公顧
色者靡不興起愛敬消釋鄙吝如飲醇醪嘗謂黃虞
而下相臣踵踵討謨偉烈而叙書獨作秦誓一篇以
重斷斷休休大臣蓋宰相佐一人摠庶尹以天下之
善為善固不在于較功能而在于儲德量而公非其
人哉公去人蓋思公日偵公起而公則怡然樂而終
身矣至于公之居家孝友洽于家庭善良薰乎里俗
德義化誨子孫一門雍雍肅肅有萬石君之風焉公
素好以理性開示後進于是邑之後進先公未歸預
構書院一區以待公至則論道講執于其中今易之
為祠以祀公夫國人思之鄉人祀之公之道德勲業
其賢于人遠矣哉

本庵堂墓

卷之二

六十

重建浮橋記

邑城之西瀕澈江而門衢發二流匯焉輪蹄之所輳也水駛而悍不可測故有浮梁爲悅濟躬於宋紹興中江運使遽舉遽廢國朝從洪武至正德重新者三矣語載楓山先生記中歲久復廢百餘年時有靈潦渡者難之去城西一里許余之先隴在焉弱齡嘗讀書其側歲時伏臘往來於茲輒爲榜人所苦慨余不及曩時縱觀乎方舟之盛也逮余貳銓于留都邑侯葉君剖符而南余語之爲令者興除固其職哉入

木虛堂集

卷之二

六十一

其疆而廢者舉墜者脩此足以觀政已邑故有浮梁甚便之今廢久過者褰裳濡足恃一葦爲津吏憂甚則榜人不戒吾民而魚者有焉侯爲邑興萬世利政無善此者侯然余言而奏功焉秩滿而膺內召入爲侍御史以橋成復余而喜曰逢奉成命去不敢忘及之部而屬邑父老謀之僉曰是役也需之久矣問之水濱則石犀鎮柱遺蹟在焉迺括庾之贖鍰諸羨餘計若干屬邑之率更長而簿責之俾董其役東西兩流之間爲里若干爲舟伯十有奇鱗次櫛比橫亘

中流爲錢緼以聯絡之募橋夫若干人司候焉以時啓閉而眎其傾圯且贍之土田廛肆籍其租入以備繕葺田之以畝計者五百有零廛之坐東郭者七坐西郭者三坐河西者三十有二而此橋庶幾恃以久長不一歲而橋成民寔稱利矣澄泓在望慨然興懷大川舟楫繫誰之賜惟是相君寔式需之不穀幸其獲逢其休余喜而藉手以拜曰欸邑其藉是以無濡褰世世席之無斁侯且督饘吾浙上欲加醴額勅中官董之命且下矣商民籲天搶地悼九閭之

六虛堂集

卷之二

六十二

莫控而侯封事再上忠誠萬摯上爲可其奏其所津梁元元奚啻吾鄉方哉人之尸而祝之有以也惟嗣侯而令吾邑者以時葺之無隊厥緒則寧獨我娶之蒼赤世沐其德不佞亦與有榮施矣侯名永盛宣城人

靈洞山房紀事

靈洞山去邑之東南十五里、從金華山之巔、攢峰列嶂、蜿蜒三十里而下、一山而六洞環之、故曰靈洞、一名洞巖山、宋學士潛溪記之曰、洞有六、著名者三、白雲、紫巖、湧雪、又名小三洞、一山峻嶒、峙中後若屏、比衆山高出數百丈、旁若垂兩臂而下、環於左右、中平廣數千畝、前列三山相抱、若主賓然、山之疎有泉曰天池、散湧出地中、澄澈可鑑、眉睫味甘、冽冬夏不竭、泉之右山稍平、有石高數十丈、狀若孤雲、一片飛來

去塵堂集

卷之二

古

樓于此、俗呼曰小飛來峰、今題曰飛雲、稍西一山、噴吼多異石、藤木盤鬱其上、蒼然一巖、宋太平興國八年、僧某卓錫茲山、建棲真寺、邑之高賢逸士、若金仁山、張思誠、于介翁三先生、常遊息于此、多吟詠、修竹長松、拂雲干霄、蒼翳不可見、日昧甲一邑、後以嘉靖初年廢、林木蕭然殆盡、惟山與泉石無恙、余嘗從二三友人遊、深為扼腕、歲丁丑、余出補嶺南、過家主人、風知余有山水之癖、願以其山歸之、余欣然出所積大官俸易之、未及芟除、之嶺南、然寤寐常在之也、辛

已從嶺南謫官歸來、即避去山中、徘徊顧瞻、宛然一丘一壑、可專也、於是誅茅治地、易前寺址、依最高峰、去天池二十武、構樓三間、移所載圖籍藏之、顏之曰秘書、旁翼兩小樓、一宿客、一以儲糗、樓前為齋、曰三山齋、前為堂、曰六虛、環以墻、棹楔管中、翰建初為書、太史讀書處、樓之後有軒、曰玉液、面山臨池、光映窓几、池舊可三尺許、僧人祇汲以供厨傳、余拓而方之、至尋丈、黎惟敬秘書隸天池、題金華第一泉于上、由是泉出自山下者盡歸池中、池水盛溢出兩旁、余

去塵堂集

卷之二

古

從兩旁導之、繞左右室、于環墻外開鑿大池、方半畝、會左右流于中、然後出注深壑、曲折泝瀉、潄然有佩玉聲、與林木答響、逕紆迴一里而上、夾種以松、中有半山亭、為遊人憩息所、歸樵往來、歇擔語笑、後亦廢、今復之、稍後有石如蓮花、高數十丈、為初蓮花菴、奉觀音大士、繇此達溪橋、僅半里、兩源之水、深各十餘里、會於橋下、作清淺流、兩涯盡植柳、或間以桃、春遊逝溪而人、謂不讓武陵云、余初入山中、偕一二友人宿僧舍、憶宋學士記六洞不可踪跡、一樵人報余

山之東踰嶺有洞更奇絕樵牧慣入之遊人罕至且
起持炬偕入穹窿峭峻作蹇跼行底深垂梯而下四
傍壁立皆乳石瑩白如玉滴水若露題詠尚未漫漶
昔人已先物色之較白雲紫霞為勝何記者故遺之
說者謂寺僧厭多遊人湮塞之故不名然則三洞之
名起建寺之後乎是不可考曰名之曰玉露紀游集
曰水簾非定名也踪跡二洞皆在左右兩山內三洞
皆近寺僧之湮塞匪誣矣余惟茲山靈秀從開闢至
宋始建寺豈前此長與他山同榛莽乎歷宋至明五
百年又廢余始得鼎新之山川之顯晦固有時耶抑
有待耶余自築室山中鑿田疏水種竹樹松樵于山
蔬于圃歲收芋栗以代食日惟掃一室設淨几焚香
靜坐隨意向明窻誦古書古詩數過輒罷去呼小童
汲清泉煮茗若啜之蕭散步玩泉石徙倚松間竹下
翩翩對舞鶴南軒展簾一臥山光滿庭雲容在戶禽
鳥關關相和鳴枝頭夜分篝燈獨坐山氣寂然綠
盡息惟泉聲冷冷從窻中過耳畔客至亦不甚為禮
洗鐺烹茶採芹折葵歛之願留者宿之小樓劇談無

生話去必送之山亭詠歌而返唐子西詩云山靜似
太古余蓋以二年間遊義皇上矣回視數年滯塵纓
迷世網浮沉南北美惡好醜奚啻一夢余方以歲暮
返寒閑關辭客汝南王微昌奉使江右紆道過山房
邀歷覽諸勝適余有

新命微昌坐而與余談出處事謂互且應明時出無
耽止壑余笑曰姑置之曷為我記之乎微昌索余一
言紀其事遂走筆書之靈洞山房邑侯喻邦相名之
也

木虛堂藁

卷之二

六

白雲庄序并詩

金華山蜿蜒三十里而下有鹿村余叔鄉貢進士會
峰先生之墓在焉先生沒而子邦甫汝元甫營卜而
葬其親者也既襄事嘗念古人望白雲瞻親舍沒而
忘親非孝也爰度墓傍隙地構室數楹朝夕斯依
依不忍舍去若存日然顏其室曰白雲庄志思也汝
元甫為博士弟子負稱才俊制義一掃數百言機鋒
芒穎不可遏抑聲名藉盛譽較間然自築室于墓之
傍也輒厭棄其業而耽為古詩文案頭惟左國馬班

魏晉初盛唐詩暨諸子百家言日手不釋卷夜分
篝燈讀之又于室傍種竹樹松鑿田疏水將終身棲
焉不復汲汲問生產惟饗飧弗缺即止時與里中善
談詩者持觴曳履往來於隴上白雲之中以自據其
怡悅之性薰埃塵網蟬蛻而屣脫之澹如也里中子
大夫嘉其志共賦白雲庄以贈之一日偕元功弟訪
余白下待所贈言以示余惟世漓俗靡孝廉節喪而
松楸結想泉石尋盟如汝元甫者豈多見哉余雅有
山林癖卜居六虛且與山靈盟矣櫻垢氛而未能解

未庵堂集

卷之二

六七

去視此不滋愧哉曰賦古詩一章而復叙其事云
金華之山何崔嵬滌滌千源萬壑開鹿村山水相紆
迴孝子為親築玄臺爵上佳城日已暮洋洋涕淚几
沾樹陰堂永夜不可從構木為廬宿霜露手栽松栢
護柴關但見白雲時往還蓂莢夜誦窓前月岵岵朝
看隴上山從此遂脫人間屣鑿坏遠通遠諸市數椽
茅屋可藏身十畝薄田堪舉趾床頭積書少黃金樽
中有酒多豪啗獨來獨往朝霞翼不萎不摧寒木心
一身遠引思鴻鵠四時相逐友麋鹿鷹隼搏風自雄

飛斥鷃控榆終雌伏白雲浮游天地間吾專立壑住
吾閒咲却頭顱稱盡改茫了不了未開顏我亦卜屋
洞雲裡兩山相隔只一水他年花外容小車杖藜扶
過暮山紫

陳巨川傳

封南京湖廣道監察御史陳巨川公卒其子恭議君已徵林知州銘其墓龐副都御史表之意猶未已泣而曰堂幸罪適於

明時歸而侍先大人大事也何不幸馳數千里歸踰旬日遂與先大人永訣也言之嗚咽淚盈盈下不止余與恭議君遊習知巨川公鄉薦紳雅能述之受恭議君之指而為之傳公名魯字元頴巨川其別號也其先汴人宋靖康末始祖承事即扈蹕自杭至廣遂

六塵堂集

卷之三

家焉居番禺西洲鄉凡九世徙居會城南海再傳而公生公生有異質兒時不逐群伍為嬉戲稍長習舉子業下帷發憤讀書常至夜分冬寒思臥置盤水加足其上其苦志如此遂有聲文學郡邑長吏荐舉茂才高等按察使李谷坪公攝學政讀公之文嘆賞歎遴選為學校士會以憂去巡按御史吳蒼溪公命送端州覆試同事者類賡牒往公以父意難舟行不赴後御史洪覺山公受甘泉先生學因知公謀進之朱幾陞任去俱不果夫以公之才受知三公俱當路不

能為郡邑羅一士非數哉自是公恬於進取設帳談經以授弟子郡中士從之遊者歲至百人日課恭議君以博士業恭議君自始工筆札至明經取上第未嘗一日就外傳也公性孝友內行獨至父淡泉公性嚴難事家故貧好以觴咏招致賓朋公左右就養不為方嘗竭盤飧尊酒之具以待需無使知不足狀曰家雖貧敢以加于吾父哉事伯父如父伯父無子人勸之嗣嘆曰吾弟有子事我如父尚何以子他人之子為卒不嗣伯父卒公喪葬一以誠信人義之與人無城府善譁笑談輒傾座客非禮之加不報重取予然諾則有金石之介鄉人信之著龜然某兄弟爭持其家幾構訟不願聞於官就公所質某有弟頑梗教求公一言訓之公立諭教某弟輒叩首化服去某年老無子貽公千金託以養公謝之諭以立嗣大義擇宗族賢者吾斃詎定其貧民獻妻子求直枉害公咲曰吾豈奴隸人子者固拒之心知其冤亟為代白其事其他問疾弔死教老恤幼急人之難甚於己與人謀事即若己事如此種種未可指數

六塵堂集

卷之三

二

也隆慶戊辰參議君成進士授浙嚴推官迎公就養至即誠參議君曰汝官司理不患不廉明患不平恕曷勉之約童僕謹局鑰故自澹泊不欲以旨臚之奉累參議君三年參議君以異政奉

詔徵拜留臺御史公欲觀都制之盛偕往都禁嚴交遊踈踏杜門不樂遂飄然歸萬曆改元

聖天子登極覃恩封公如子官鄉人榮之公等之絕無倨貴態服食僕御如尋常徒步行里有莫識其為陳封君者公雅好吟咏至此益耽詩酒風日和霽

六塵堂集

卷之三

七

輟約二三知己載醪載為郊外之遊佳山水處必徜徉終日興至如意揮灑又斥資為園池木石花卉之供以自娛樂不營利計巧智脂滑天和布袍芒履鶴髮瞿顏脩然物外參議君兩竣巡江復

命闕下便道省覲公諭以言官持大體毋苛細鈞名遠嫌遺教參議君官留臺凡六年侃侃持論中外事當

國家大計至忤權貴人不少遜蓋奉公教指哉丁丑彗星見公憂形於詩及聞參議君上河惠邊防五事

下廷議行乃大喜曰足以塞天變矣參議君外補省蜀念公春秋高獨子重遠行疏解職終養公責以養志勉強就道然念念歸定省也會大計先忤權貴人中抑之遂東歸入門公已抱疴臥床簣間矣參議君不解衣侍湯藥十有三日而公卒公素強少疾病病未一二月參議君從千里外歸豈古人握臂噬指相感動耶談者異之公樹德所致參議君純孝所感也已公平生積學累行無愧前修茲沒矣有不與偕沒者黨里閭巷藉藉傳公遺事所著有巨川集宣洩心蘊不道中唐人以下語學者猶得誦之云

六塵堂集

卷之三

四

史臯曰聞公為兒時有異人奇其相當大貴不則生貴子夫古人窮經力學不顯其躬而發於子若孫者豈鮮公髫年嗜學皓首為儒人共惜之公處之寂無愠色堅修行業以終其身所謂不顯其躬而發於子若孫者非耶異人其參天道以為神術哉

方母嚴氏貞節傳

余自垂髫時知驪溪方氏一門兩節婦云旣而婿於方登堂從故老談益悉當時所以兩貞其節者嘆曰

一門兩節難矣矧同起一時為妯娌不尤難哉一旣旌異於

朝矣一僅表著於鄉使當時同舉而兩旌之為世美談不尤榮哉歲壬申余奉使

冊封吉藩過家經歷君克資挾一冊以示曰此句曲湯侍御為曾祖妣撰歲寒高節固序邑諸名公題詠在焉子婿也且為史氏可無一言以紀之他日觀風者採逸以備國典子之言足信也余唯唯按母姓嚴氏生有淑質及笄歸良佐公生一子七歲女三歲良

六虛堂集

卷之三

七

佐公卒母年二十七家故貧父母難其守謀更嫁之母曰女婦不聞大義然烈女不二之說亦竊聞之余第未亡耳何以嫁為於是自誓父母知志不可奪不復強母得免於毀辱斷髮戕辱盡進去膏沐統綺不用粧粧養其二孤植其節教之督使成立艱難辛苦備嘗諸難於此而後始可飲可樂之事若罔聞之而發為詩一以禮純潔完白之節五十年如一日夫婦人從一之義以事人而至大者莫如節然婦人無詩書禮樂之教生澆漓華靡之

時利誘害驅匪一朝一夕易奪固終者亦莫如節古人謂節難於烈蓋亦驗之人情久斃死事成事之說也母之節豈易言哉母之節鄉閭戚族能言之縉紳大夫士能紀頌而題詠之獨未與

國家旌節之典以故母後世子孫存以為憾余曰不然古人重節義載之籍以風世莫若詩春秋詩載共姜春秋紀伯姬豈當時終始全節不失婦道者惟伯姬共姜已哉當時觀風訪於民間閭里井邑或遺於采錄或限於赴告欲書而不得書此固有幸有不幸

六虛堂集

卷之三

六

也然載之外傳種種可考流傳至今大抵節義之著足為世勸者有王者之制有君子之論衆庶之言其制予其論與言缺非完也其制奪其論與言歸非疵也要之實而已余聞母年五十後鄉耆老以制令當白之郡縣請於

朝母曰婦人不幸有此事何樂有姓名固止之乃嚴母豈世俗之見哉蓋知母之純節又不當以不幸論矣余嘗操彤管而少母之節婦事以備一代之典者不少若母者

故特為之傳以待外史採焉

兵部尚書襄敏譚公神道碑代總督凌洋山作

萬曆五年四月初三日太子少保兵部尚書譚公卒于京師公無疾一夕而亡

天子惻然傷之召廷臣集議卹典贈太子太保謚襄敏廕一子錦衣衛百戶世襲與全祭給銀四伯兩命有司營葬事仍遣中書舍人一員護喪又從其弟右軍都督府都事綵請扶柩還鄉皆異數也部僚曾少司馬公述令德播嘉銘納諸玄室惟是墓道之碑有

六庫堂

卷之三

七

闕無以崇德表烈詔來裔垂後世於是弟君子持其鄉張太史狀來告于余余惟受知于公自僉憲兩浙公為南武庫郎共事倭變始末幾公任海道余備兵溫州相與戮力平賊公總督薊遼余調官密雲余撫三鎮公在樞密嘗如昔日同官時破格披懷相信與者幾半生非余序而銘之其誰按狀公諱綸字子理江西宜黃人其族始於劉宋主爵都尉衍昌徙居觀上刺桑而譚族浸盛高祖諱世隆

國初時人世隆生積積生廷用廷生鎬順昌王府

六庫堂

卷之三

八

教授鎬生公公生而沉毅博達多讀書負奇有大畧起家進士拜南京祠部主事丁母羅夫人憂起復復除武庫司主事歷陞南京武庫司郎中時倭夷猖獗浙直一日登浙所流突徽寧薄南都城下都人士倉皇莫知計所從出公毅然請兵逐之縣是公聲望大振乙卯倭賊犯台境殘破仙居黃岩二縣遵公為守公至見兵孱弱不可用輒請于督府胡公募壯卒千人訓之躬督過賊柵浦賊遁去嗣是一戰于板橋再戰于舟山又戰于白水洋肖林澳等處斬首無算而公方起踣卹憊與民休息日以經義課諸生於庭不置庶幾折衝樽俎者督府上其功治第一戊午擢浙江按察司巡海副使治兵寧波復選鍊衛所壯士教以劍陣之法申義鼓舞率戰于金井頭象山桃渚牛橋南灣等處亦斬首無算又擒賊毛善於何家磯倭患漸息庚申陞叅政仍舊督海明年丁父憂廣賊林朝曦流劫江西奪情起復之公星夜率浙兵以往擒斬朝曦張璉蕭雲峯等賊黨遂平乞請終制癸亥倭夷陷興化以原官改福建仍起復公剿賊未

至陞都察院右僉都御史督撫八閩公聞

命蕪程進戒余戚二將軍剋期赴剿於是有渚林大捷奏聞

天子嘉悅進右副都御史賞銀幣已而又擒斬福清神前舉賊漳浦玻璃嶺賊龍巖楊一蘇阿普藍松山等山賊八閩底定懇疏補制乙丑起公巡撫陝西未至以四川妖賊蔡伯貫為亂破州縣改巡撫四川至則寇平乃為度川湖介壤如走羅陰橋移衛設縣遏苗夷出沒蜀人德之又討平武定州逆賊鳳繼祖大慶堂奏

卷之三

九

蒙嘉賞隆慶改元丁卯陞兵部右侍郎總督兩廣首討七山諸劇賊設營寨扼險要徭僮晏然越三月廷議召還代公者為余濫叨茲役奉公籌畫為多戊辰陞左侍郎總督薊遼首至遂拒犯青山口等處夷虜大為修攘計奏修築邊牆壕塹創制敵臺造戰車及鳥銃佛朗機等器甚備召吳越敗戰之士與土兵蕪練之薦前戚將軍領其事皆得

請自是薊稱雄鎮虜人不犯十餘年如一日者皆公

貽之也歲庚午陞都察院右都御史蕪兵部右侍郎協理京營戎政辛未陞兵部尚書蕪都察院右副都御史理戎政如故仍賞銀幣叙邊鎮斬獲修理墩臺墻垣功多也是年冬以病乞歸明年復召起為兵部尚書掌部事疏辭不可乃力疾赴京則

今上御極之初年公平生料理兵家事已計數而燭照之至此益感激奮勵畫機宜裁請託杜僥倖為國家圖萬世治安辛未之警直欲身當黃花鎮杆敵

大慶堂奏

卷之三

十

京陵何壯哉本兵凡四年四方上成功者六宣大三鎮貢市事竣廣東肆剿大盜藍一清賴元爵四川蕩平都蠻凌霄九絲等寨北虜三貢禮成遼東生擒逆苗王果又有平虜堡之捷皆公妙算指授也前後三賞銀幣兩廕子入監讀書一陞俸一加太子少保賜麒麟蟒衣各一襲蓋公助勦戎務運量機謀捐身殉國殫人臣鞠躬盡瘁大義而

主上恩禮酬報公者亦不淺矣壯猷元老方切倚毗胡一旦不可起耶公生正德庚辰七月二十一日春秋五十有八父鎬大父廷用皆以公貴累贈資政大

夫兵部尚書祖母余氏前母黃氏母羅氏俱贈夫人
初娶饒氏卒贈夫人繼娶劉氏封夫人子二長河圖
廕世襲錦衣衛百戶聘臨安府同知劉應明女次洛
書國子監讀書聘太學生劉談次女女二余竊觀古
今文臣知兵者鮮至於身履行間冒矢石犯鋒刃而
無顧忌者尤難其人公戮力東南大小身經數十百
戰所向克捷由公武毅練達故然其鉅謀石畫見於
經畧西北諸邊議惜未竟也而居家孝友提身端謹
無嗾能下士與人不設城府尤善讀黃老家書黃老
六虛堂藁 卷之三

公非深於是者哉

銘曰代隆景運文熙武寧惟世學士薄武矜文治安
能守變患卒驚惟公徽降南服挺生學淹墳典胸羅
甲兵生才豈偶以淨海氛爰奮勇智毅然請纓募兵
練卒殲厥長鯨廓清兩浙底定八閩蜀妖廣孽虎突
狼奔四征不軌兩起奪情民之保障國之干城殊勲
累奏品秩游增總督二鎮協贊三營北門鎖鑰寄之
一身公年未老軍旅僉勤以疾陳乞松菊為盟惟

帝曰咨天工惟人桓桓司馬屹屹重臣歷事

三朝忠蓋一心文武為憲孝友兼稱功多

寵渥簡眷六新昊天弗吊梁木忽傾邪摧楨幹士失
儀刑愧予知己想像生平能無一辭以慰公靈生樹
偉烈沒承顯榮嗚呼不朽千載斯銘

勅進階承德郎前 荆府審理正六合信豐二縣令
嶺陽劉公墓表

萬曆六年 月 日粵之劉嶺陽公疾卒于家其時

冢嗣翰林院簡討君方奉

六虛堂藁 卷之三

上命纂修

國典訃至疏解館務徒跣而歸明年己卯冬十二月
營宅兆卜吉葬焉於是持李方伯公狀請余表其墓
余昔在史館簡討君讀書中秘後又同在史館交游
幾八年所因簡討君固知公余來官清軍過其鄉之
學士大夫家又歷歷能談公之素蓋有志而未究其
用才鉅而阨于位者云公生而穎異嬰孩時即不遂
群兒嬉戲稍長讀書知大義嘗從戶外竊聽水東公
傳授生徒經義時時窺所積架上書髫年吐詞輒驚

衆弱冠大有聲譽較嘉靖歲庚子舉於鄉至壬戌入
上春官不第乃就銓選得六合縣令至即杜餽遺單
坊里諸胥濫稅供民不為官司妄費一錢調停商民
役差歲課常辦不擾庭無留訟訊必得情更不為抗
法囹圄大賈孫氏者行千金賄脫竟不得入人以為
真清云往操江都御史嘗籍閩江防軍士恣科罰以
賂權貴後稍稍革去矣某公至復踵故轍潛授公以
意行之公嘆曰吾豈為人過送錢者竟不從惟具閱
數申報某公怒會盱眙盜劫歛商檄公捕之受檄比
得盜僅三月某公乃構玩賊上疏論罷公公素以節
愛聞部覆議改公六合凡五年去之日民遮呼隨之
隆慶已已改信豐治尚簡靜寧都令夫田叢怨鼓變
民逐其令前浚治之者皆弗得督府殷公檄公往公
至曉諭利害黨懼匿散縛其渠首正法焉督府慮反
側尚未貼非公才望鎮之不可疏公留治寧都信豐
人爭請還之公一時聲譽赫奕然先治罔功者忌矣
未幾李公代殷公衆口交鑠會討賊兵行道信豐拏
民馬信豐地僻山崎少養馬將兵需索為虐公抑之

不得逞李滋不悅三年任滿考績陰營之左遷荆府
審理正聞者憤懣公固怡然然亦從此掛冠矣後
上用簡討君章見
勅進公一階夫公富環瑋之才抱倜儻之志俾得大
官撫仕設施其宏鉅哉趙某曰世罕大官撫仕哉余
方病仕者風靡波隨與世溷濁競取聲稱諛言巧行
善事其上官猶鯁鯁焉周章局促惟恐不當意畢數
年之精神智慮憊一墜進一官侈然自謂得志展布
四體而盡其才豈皆不肖者為之公兩宰邑皆有茂
木虛堂堂
功異能卓樹表見假使公肯少貶損不必盡如世俗
婢阿態惟不違忤於上官位豈止此公顧不以彼易
此卒以賈禍兩任一軌矯哉其厲顏風哉公之不為
大官撫仕用不盡其才志公已身其節矣夫何憾焉
簡討君德義詞華衰然藝苑行且傳不廟堂霖雨蒼
赤謂匪公之遺固不可公之遺固不可公之遺固不
墓詳在狀誌中不備載公之遺固不可公之遺固不
節之大者表之隱遺
明南京西城兵馬指揮遼南詹公墓誌銘

萬曆五年五月十八日常山詹道南公以疾卒于家
季嗣工部都水司主事君方奉

上命分理夏鎮運河計至疏解河務徒跣而歸明年
春余出補嶺南過家主事君將營宅兆舟從訪余泣
且言曰余先君雅志向道余又從君後今將奉先君
納諸窆願乞一言貴之即沒齒無憾余諾之道常山
之嶺南主事君復走書速銘函叔父僉憲範川公狀
至按公名需亨字時行別號道南先世為南陽人五
代時節度副使堯臣總戎常山因家焉始居鄉後徙
城元末八世祖淵讓地益縣治初居浚園即今所
居是也高祖平曾祖光祖英世有潛德弗耀父曰紳
星子知縣以公

恩贈文林郎母江氏封太孺人公性沉毅厚重為邑
諸生屢不利場屋例入賢太學又屢弗售投牒銓司
授西城兵馬副指揮夫兵馬主糾詰都城奸宄最繁
劇又分轄於各司道日勤劬奔走趨事端惟弗克
當意百無一二能展布盡才執持行志者公甫任遇
虜騎擾邊鎮京師大司空為設柵以防城守旦夕急

商木未易卒集公請鬻棄庄廢館為之柵遂舉議隍
外浚濠俾公從相地東南公乃大慮西北川岡蜿蜒
而來為都城地脉堪輿家忌深廣調議畫圖以進悉
心議行虜聞憚不敢入自是詹兵馬有鉅識善謀事
之名盛稱於縉紳間提督巡山巨閘誣昌平富民輩
某三人盜

陵木為扉下詔獄論死部卿訊其寃須一人按治非
公不可遂屬焉公即脫鞶又聞誣平民賀某為盜族
陸金吾邏置獄中其母恚縊死時金吾勢方熾御史
六座堂奏
持其事與角幾至訐奏公慮激成獄叅治首事者懼
以禍俾兩解之又聞設無遮大會於西城寺中說法
集遠近僧衆至二千輩給事中疏

聞
詔下緹騎帥逮渠首弗獲集兵較圖之三日絕磔水
公慮張皇疑懼自盡非

詔旨且傷和氣請於衛出之捕其渠首正法焉既而
陞南京兵馬指揮有娼窩盜事發官豪故護匿之公
三請於部科逮之俱不答公持之益堅移文詞過迫

切於是部科怒備示其文於諸司訝其慙直俱怒公始不可容尋丁母憂去遂不起夫唐公托職猥冗最易溷跡乃數與謀議集大事公卿大夫委聽之與權貴人抗堅金石弗可奪豈不稱偉丈夫哉公本謙厚實負意氣又多才敏居家無慮處空乏嬰多難皆能措注料理不困於志又能周姻族之急而扶其危致政歸鍵關杜外事嘗讀書尤好莊列諸家言蓋實中有得者二嗣相繼取科第鄉人侈之公視之泊如也惟訓以立人大義祖宗慶澤

大虛堂集

卷之三

七

墓誌銘

朝廷教養空無忝歲舉賓禮于鄉為有司徵重云公生弘治壬戌四月初七日年七十有六配江氏封孺人生男一思克國子生娶鄭氏俱先卒側室張氏生男二思虞舉人娶鄭氏思謙即主事君娶江氏生男四從沂邑學生娶徐氏從洙娶鄭氏從潤從凍尚幼墓在縣西二十里白石鄉劉家巷之原癸卯年
月 日銘曰惟木幹芳弗固於藩惟金淬芳弗鈍于鉛惟材茂芳弗托于官惟封崇芳白石之原惟銘揭芳斯千百年

馬瑚府經歷後山陸公墓誌銘

陸氏於蘭為望族其地融慈華道柱諸山之勝而其先世有萬四府君者元至順間避難自淳安徙居三徙而得此地說者謂有神人指之云靈秀孕毓代生哲人萬四府君三傳生子昭子昭生宗南皆有潛德丕振家聲宗南生封君愚菴公琛琛生兵部車駕司員外郎贈太常寺少卿鶴山公震鶴山公諫

武宗毅皇帝南巡符廷杖死生五丈夫子浚山公其次也公諱親仁字子文別號浚山力學砥行為時髦

大虛堂集

卷之三

七

墓誌銘

英年四十不第以邑廩生入胄監幾上秋闈又不第投牒銓司授文昌簿文昌遠海外簿卑官人為啣之公毅然不辭曰吾豈薄是官不為耶吾持有先範在可小試吾志遂輕裝航海之文昌任文昌舊多積逋百姓怙習賂官緩征逋益積公至諭以大義嚴禁其賂官之私不終歲逋負悉完定遠尹缺司道會委公署其事公得一僕一笥往至目今吏簡笥中所存衣籍識之為召里老詢各要事設望樓練土兵以防寇盜代歸啟笥驗之皆前吏所識衣籍也委署會同事

會同地僻民寡額派珠夫數浮之民弗堪其求公為請於當道免額數三之一一定為例其他裁冗薄征皆為會民永利行之日父老涕泣送者數百人委署昌化事昌化濱海多突冠邑里殘破為苦公為訪求其故斟酌制駁長策條上數事皆可施行未幾歸署文昌事大書節用愛人四字揭于庭以自警訟至片語決之不留盡蠲其緩于貧且息者藥癘疫賑荒歉棺死喪尤加惠學校公簿文昌僅三年署邑篆凡五所至輒著聲簿官實行尹事陞馬瑚府經歷過梅關行

李蕭然

卷之三

七

李蕭然

守出郊外索飯於公公即以所備自用膳進之殊菲惡郡守咲曰此秀才飯也居官尚有此風味於是益禮重之語人必曰陸君子初應朝病臥邸舍不赴部部例應朝官不與考察當免官郡守言於方伯嚴公薦其賢得復任三年再覲中途病作辭歸郡守固止之不可又為請於部復留之此皆破格也公則從此拂衣去矣公前後任文昌馬瑚皆以廉愛稱文昌人思之建陸父亭祀于名宦馬瑚守惜其去代請致任撰思賢章遺之皆公去後事也夫佐幕官輕難於表

李蕭然

卷之三

三

李蕭然

孫男四文顯文科邑庠生齊家出文明文質名家出
曾孫男五東壽東淳東忠文顯出東和東冲文明出
曾孫女四文科文質出皆字鉅族歲辛巳 月

日特葬公于 山附祖塋之側文科持章君述狀
謂余誌墓中之石余惟觀行于鄉觀政于邦余高公
行誼于鄉評久矣余官粵南清軍接續之薦紳先生
猶能述公在文昌事較章君狀匪誣也於是乎銘之
銘曰

材篤于數奇德懋于位卑實鉅于聲微惟清白之風
紹忠貞之烈從太常公于地下兮胡馨之

中憲大夫廣西潯州府知府尹公墓誌銘

萬曆戊子之春二月余以南少宰假道過家也此邑
龍游先守潯州府尹公之子貞衡偕其內兄為余師
鄭同卿之子大韶來謁余手其狀且拜且泣曰先君
以丙戌秋卒于家丁亥春窆于墓未經他請誌銘也
衆經之中又不能走數千里茲幸先生錦旋也匍
匍敢請願先生勿辭余惟浚尹公進者幾二十年未
嘗接公然家同一水為姻里亦嘗侍一夕之教知

公淵粹有德者今按狀公諱肅字明溥別號覺亭其
先世為河南人宋和靖處士焯之後處士孫均南渡
扈蹕家會稽其浚官右正言仲熙者從龍游數傳為
公高祖震

國初以德行賓于鄉年近百歲三世俱有潛德父養
正益敦行力學弗干榮名號湖岩居士平生有不疑
還金遺事公生而有異質好讀書至忘寢食稍長補
邑弟子員試輒高等嘉靖丁酉登賢科舉丑成進士
時分宜當國華亭公進參閣務公華亭門下士也人

卷之三

有勸公謁之可與選者公正色拒之曰豈不聞士君
子重始進而可自壞其終身耶後授刑部廣東司主
事執法明允以推擇按獄畿輔有重辟坐誣未理者
公訊之立出其人御史猶難之公抗言獨身其事御
史弗能奪廷議直之無何以內艱去起復補陝西司
員外郎有錦衣衛指揮使者以奸事敗當坐法賂權
貴倖免公竟如法論之弗貸權貴人銜之嗾前御史
誣以他事謫荆門判官荆門裏水橫決堤口土田不
收民困堤役公至條議上請謂潛沔江監均受湖堤

利乃荆門獨家其害宜酌費於四州邑以共成其役
議行堤成計數百丈民甚便之即于堤上建祠祀公
因名為尹堤已量移廣東鹽課司提舉益淬勵以供
厥職俾滯包匿稱耗估折宿弊悉釐正之而以其暇
日從甘泉湛公遊偕同志講學于禺山書院無何徵
為南京刑部河南司員外郎尋轉雲南司郎中陞廣
西潯州府知府潯為兩江之衝徭賊出沒兵民雜處
稅薄風夷公至明禮義以化俗墾土田以廣稅練兵
葺城以固其守潯民又安郡有大猾狼目者謀不軌
陰結斷滕峽為內應斷滕峽者王文成公勦撫賊也
歲久滋熾公偵知其情先期自致獄中然後申道
檄衆將為戒嚴越日夜中公曰此峽賊內應也
慎無擾環甲登城覘賊賊見公曰知城中有備遂
遁去旦乃出狼目解其縛曰公境內寧謐初至潯
左右以例勸公謁當道公曰一月地方多警公
竟以守土為重不從後以公以苛禮責下所至三
日入學宮太守張繼進茶一揖按臣以為傲至
是有縣令以賊敗公檄召之欲繩以法令懼解綬走

令為藩使姻藩使宿衛公不往謁復與去其令遂攜
飛語于按臣按臣謀中禍以快前憤人有謂公嘆志
者公嘆曰仕宦二十年蹶而振而復蹶升沉顯晦歷
試之吾得正而休焉斯已矣何憾哉遂拂衣歸時湖
岩公年八十尚無恙伯兄澱南公先致政歸於是兄
弟相與優游林下以歲時伏臘上觴壽其親意惟如
也公自奉儉約嘗輸所積專力報先人祠宇修葺塋
墓族黨飢者食之寒者衣之死者瘞之貸弗能償者
助之窮而盜者掩覆之里有陳仲弓王彥方之稱
家居三十年杜門不入城市有司非以鄉禮賓之罕
得覩其面侍御徐君為縣令時聞之當道扁其門曰
表正鄉閭以風世云卒之日遠近咨嗟隕涕蓋傷之
也公性度溫恭不妄言笑與人言呐呐不出口接人
無少長賢愚一以禮然耿介之衷激於義之不可奪
者利害在前弗顧也平生仕路坎坷率以此余面公
迄今幾四十年今據狀而貌其人如見也計公卒之
歲月邇其生年七十有九配余氏封安人無子側室
徐氏生一子即貞衡為邑庠生娶蘭谿鄭同卿女

二長適蘭谿唐廷僖余出次適在城葉有本黃出俱
側室孫男五其某孫女一啟余氏寢合葬于邑之賀
羊橋下狀元峰而為之銘曰
良玉其溫寒氷其清胡里化之薰洽而宦轍之遽遷
是益以顯松栢之貞亘觀風者表其宅而徵遠者勒
諸珉

明處士錢二緒君墓誌銘

餘姚錢氏出吳越武肅王後武肅王三世孫忠懿王
納土居河南其後四世孫景臻尚宋大長公主封會
稽郡王護駕南渡賜第居天台又四世孫弘祖為會
稽太守贊其子璋於餘姚王氏居餘姚為姚始祖元
無仕者

明興四世孫伯英為上元縣尹與從子廣東叅政古
訓偕有時譽又四世而為心漁公蒙與陽明先生同
時相友善緒山先生之父也緒山先生從陽明先生
游為弟子上座陽明先生沒緒山先生盡得其傳以
倡於世四方從游者衆尤濟濟於衡婺間以故余得
從諸弟子後游緒山先生門又聞先生有仲弟二緒

君賢緒山先生嘗謂余曰學問無二而處世有幸有
不幸觀古聖人之困於家內貞其志外艱其行而能
履變不失其常余固幸而免此余兄弟三人余竊祿
於外季亦奔走場屋而親年高家故貧寸祿不足養
仲幼習舉子業一自受業陽明先師門聞良知之說
遂棄其業而學焉謂青紫不足榮一日之養莫與易
之曲意順志得親權心會食指繁議當析居仲故不
欲析力支以佐家費而居已於勞居兄與弟於逸不
忍割同氣之愛余無難貞之行奉親治生之累優游
學問與四方士上下議論發明斯道不墜師教者仲
之助居多歲癸酉余奉使還
朝過武林謁緒山先生湖上二緒君儼然臨之貌莊
而肅氣溫而和言語沉默不易發侍緒山先生伯兄
甚恭有道氣象若出一胚範益信先生向以語余者
匪誣也二緒君居必正衣冠端坐盛暑不少懈所親
昵不為謹語乃不以盛怒加人有過反復諭以理
至頑愚不欲輕拒之曰此心同也鄉隣有鬭數言剖
之輒解疾病婚姻死喪慮難力不能支者捐已貲量

周之族有人私托以金其後夫婦相繼死遺一幼女君會所應出息輸還之其不肯隱昧其心如此以故鄉之人益信重化服邑宰李重得鄉之不仕有德者應賓禮以隆國典鄉之士同聲薦君君辭之不可得時

詔賜年七十以上德行者冠帶李為君具冠帶以往鄉人榮之時當路有為新武安王廟者庶君忠正董其役夜陰受武安之託焉君益竭率作無遺力且樂為助君之心鑒之神人矣夫自良知倡教啟悟指迷

卷之三

卷之三

廿七

洞揭道體為萬世宗而失其傳者竊其空言自謂得體而顧遺其用為學者滋病致招唇吻二緒君之篤信力行可徵可法誠學問赤幟也豈其親為及門士家庭淵源有自哉君素強一夕寢疾不起呼其子應量受遺言屬余誌其墓中之石豈謂余有傾蓋之知哉余方僊卧山中也應量蒲伏號泣膏治命以請不可辭按狀述緒山先生言次第文之君諱德周字周甫初諱冕後諱字行生於正德甲子十月廿七日卒於萬曆壬午八月十二日年七十九配朱氏先卒子

男二長應量郡學生次應順女一通邑庠生葉邁孫男三人欽郡庠生人仰人法俱應量出孫女四三應量出一應順出卜癸未十月之吉厝于施灘祖塋之側與朱氏合葬銘曰

姚江之墳兮若水之源仲氏之麓兮伯氏之墳寧木不朽兮原上之阡

慶士程君汝宜墓誌銘

余視事南成均時六館生程利往者其人多雅馴揖讓趨瞻委蛇中度能以禮自異於諸生間余嘗私目

卷之三

卷之三

廿七

之而未能別之於儔衆中也閱二年余復來為南少宰一日利往偕其鄉之先輩吳司訓瑞穀蒲伏于庭拜且泣曰利往不幸少喪母弱冠又喪父旁無兄弟孑然穉身未能擇地而葬今將求以合祔之而圖所以誌其墓者曾從廣陵陸生無從後草毋傳泣于王司馬鳳洲公誌之利往先生門下士也敢介瑞穀之狀以請願先生憐之余素目利往於六館為有禮者茲又請之力故許之按狀君諱尚義字汝宜號西源其先為梁太守譚家郡中至陳忠壯公靈公有勲勞

于陳錫以爵士世襲冠蓋居篁墩處士大從篁墩徙
西川為今所居地蓋一派也而子孫益繁衍昌熾遂
為望族數傳而至我明世翊公以潛德賓于鄉君之
父也處士君生而偉狀不類凡兒世翊公篤愛之稍
長課以詩書君亦毅然自拔于井伍間業儒術博習
群書貫通大義夫徽環山而郡薄土田而人纖畜勤
稼穡之業而商者則多挾其貲以遊于通都鉅邑以
故俗鮮禮化高郡中而稱有禮者惟休陽然亦都市
之南耳西鄙則猶然樸也處士君獨承先世之遺被

大康堂墓

卷之三

墓

服儒素動遵古禮而不說于俗至今西俗浸化之世
翊公商於外日損其貲而困焉處士君聞而嘆曰豈
有父暴露困於外而其子乃偃然居之日孳孳佔俸
為哉遂舍置其業依叔父往維揚標奇贏制鹽鹽之
利以相其父而資日以起然終不因之以廢禮居常
端拱而坐與人接盤辟周旋無失容夫賈人挾厚貲
父于外多燕遊耽樂處士君性澹泊無所好然善飲
飲輒數斗至醉終不為亂若有禮以坊之者世翊公
歿居喪盡哀尤篤愛其弟之異母者利往生而贅課

以博士業迨冠嘆曰九禮辨俗首冠奈何人不知行
也乃以三加冠之醮之詞而命以字禮行而衆皆拭
目觀焉尋遣之遊太學蓋欲其從容于禮法之場也
余以利往為知禮者非處士君夙昔之教耶處士君
當壯年即能制心以禮配金氏早卒不再娶客有為
高會進樂妓娛公者正色却之此皆人所難也居維
揚而疾作家人請禱弗許亦不萌首丘念卒之日整
冠端坐而逝處士君平生好積穀將以賑鄉之貧乏
者未及施而歿一旦歲饑利往悉輸所積穀以終父

大康堂墓

卷之三

墓

志有司上其事於中丞為扁閣追給冠帶以賁其幽
益徵以禮教子之功也配金氏有淑行載王司馬誌
中子一利往為國學生娶城西金君相女處士生於
嘉靖乙未年九月三十日卒於萬曆十一年四月十
四日年四十有九以 年 月 日合葬于 為之
銘曰

奢則示儉儉則示禮古以坊民今以約已學古為儒
挽俗之趨舍學從賈佐父之殯貨以道殖陋以文易
先紹箕裘謀貽燕翼孰表之鄉有司奉揚孰銘其藏

太史之章

處士蘭谷趙公暨配安人童氏合葬墓誌銘

宋清獻公七世孫主簿公自衡來官蘭谿愛山水清
勝移阡三代祖擇地居之趙始家蘭谿自是衡族寢
衰蘭之孫子日就繁庶族與地符合廢興匪偶然也
主簿公生四子析居三鄉次子存仁公嗣省元公居
城中存仁公生天英公天英公生翔鳳公翔鳳公生
琰公入

國初坐誣遣生五男子琰公與長公相繼歿成所實

無罪也天故昌熾其後次子聰公傷父兄失其死病
狂以孝稱聰公生薤公薤公生訥公有鉅望於鄉以
仲公工部尚書即貴封工部員外郎員外郎公生六
男子四子貴公獨饒貲富貴公生文廣公崇佛行善
事處士公之父也由主簿公追處士公凡十一世皆
有潛德弗耀風淳而氣厚以故子孫三百餘年繩繩
有光世遺風云處士公性外樸中慧好閱書日手古
史典諸家言非至煩劇不舍去尤深軒岐堪輿家語
自謂當於用而人亦多有求之者己已事往應之談

即移時不厭獨不嫻理家事公承先世業值中人產
而世多操奇贏以爭奪厚利公一無所染自奉儉約
客至務豐潔以竭懽誠中年家事僅窘守先人產無
饒益與公同時起家比比驟致富厚不啻什伯公視
之泊如也族繁齒以千計多聚爭皆願得公一言以
決公亦篤同室之義直以義諭之無避嫌遠怨盡首
服而去有就之謀者率為吐肝膽所接即稚子不以
誑非禮之加則受之不較歲時伏臘相與宗族友善
為酒食宴會更起鼎酢握撫譔笑極樂而罷陶然一
醉游神廣莫公其有之哉晚年益謝去世務發弘誓
願淨掃一小樓穴北窓懸一爐誦北斗經一卷焚香
禮拜以為常醉歸至夜分必取水淨手口誦拜畢乃
寢授子縣尹君佑卿舉子業亦不甚課責語人曰窮
達命也何過苦之既而縣尹君佑卿發蹟兩午鄉
薦歷任建平保康尤溪三縣事稱廉能公亦不有其
貴澹泊蔬布如平時

綸封將貶乃公竟不可待論者快之公為人癯貌古
心無莊言無矯行謀善則長謀利則拙與己負人寧

人負已僭今人居寡今人巧人勇以迂腐目之非先進野人之謂哉然公不知於鄉人而知於邦之大夫蔡春湖公蔣雲崖公以耆直世德先後顏其堂李景渠公以賓禮延之弗赴卒之日傳信吾公親為文以祭噫斯其不負公之生平哉安人出香溪宦門童蒙婉靜專歸處士公方逾年姑盛氏歿安人新產縣尹君佑卿扶憊周旋喪事哭泣盡哀克意佐處士公承事其翁尤拮据相理家事躬績絀井甕無遺力翁尚未逾艾年人有進績配言者翁嘆曰吾有婦若此奚續哉悉以家事委安人翁與處士公相沿拙於謀生賴安人得以不墜姑死遺幼女終七歲安人視之若己女嫁為傾囊中奩無尺寸絲枲之留力難嗣辦皂緋荆筭偶妯娌繡閣間勿恤也手精膳以給縣尹君佑卿延接講聚供具即尋常壺筐之餽必治之器更畝漏凡幾年歲勞苦可知已縣尹君佑卿官建平迎處士公安人就祿養安人憇憇處士公行曰無以二人泰恩免為也後一至尤溪踰年偕應覲返時安人年餘八十憊通里之艱且傷處士公先捐館舍堅不

再赴縣尹君佑卿一子難獨往遂疏

恩終養而安人自是戒殺生止啗豕肉一味旦夕焚香禮斗矣昔縣尹君佑卿割股療安人疾茲安人過信術士言時時祝天移壽縣尹君母之愛其子有是哉處士公名國寶字時用別號蘭谷以 年 月 日卒年七十有幾安人後處士公幾年以 年 月 日卒年八十有幾子一即縣尹君佑卿先娶諸葛氏繼陳氏孫男二鳳起邑庠生諸葛出娶陳氏鳳德陳出俱先卒孫女二一適諸葛 一適監生章 曾孫二世英世雄鳳起出玄孫二縣尹君佑卿先以 年 月 日以安人合馬持其狀謂余誌銘其墓余自髫年從縣尹君後處士公與安人視臯姪而子者先考贈編修公少處士公一歲出入友愛伯仲間稱無兩先妣贈孺人張於安人為妯娌意味合故知處士公與安人最詳誌而銘之銘曰
混沌死兮竅未鑿珠玉沉兮璞未斷吁嗟合德兮諧冥漢千載同歸兮光媚壑胤族祥兮天道灼
王母饒孺人墓誌銘

錢孺人者王子朝宣之母也宣嘗執經游子門下若
而年登其志行恂恂然若有所繩尺問之則曰毋教
也蓋余竊默志以為王有賢母云既而孺人以壽終
朝宣與其弟若弟奉孺人柩業於某年某月某日合
葬於其父別駕君之阡墓事矣越逾年朝宣氏偕其
弟若弟持其姻人茅節推狀屬予請銘且曰嚮者襄
葵之事急不敢請且不能需今襄葵之事已小子願
得鼎呂一言內之壙左以不朽先孺人惟吾師哀憐
而錫之于每嘆世之文人率從徵言者所意欲盛為
稱引雖進溢不辭溢予里越也與槎溪迥然修阻丈
不及惟別駕君無繇穩孺人懿行惟是朝宣以一日
之長事不佞則述朝宣而意孺人之為母者乃賢母
也儻所謂不知毋視其子者耶且諸君子所為傳若
述輒然具備予既重朝宣請而攷懿行於傳述即無
敢有所進溢按狀而銘其何辭焉狀稱孺人姓饒氏
豫章之新淦人也歸於王為豐城人舅姑曰迪功君
况孺人夫曰別駕君初娶教氏未四載而迪功君
為卜繼而得孺人迪功君故堆於貲會况孺人善病

孺人至即秉家政務持節縮卻珍錯統綺不以飾
其佐別駕君奉二尊人歡餽飽滌髓咄嗟而辦則又
未嘗一切以儉為辭故孝謹間於鄉曲焉別駕君入
賢為即得闈之都司斷事孺人則偕之閑其後倖廢
西太平孺人則偕之廣西太平別駕君不以資格爵
帛有偉其豎屬冰檠著勞勩所在籍籍皆孺人從史
之也別駕君既謝事歸歸十餘稷而別駕君哭母哀
感疾以均孺人痛不欲生惟是迪功君老而諸孤藐
也則程督諸孤而日庀其毳以娛迪功君曰吾有二
鉅得謹辦報先君子足矣亡何迪功君又均孺人視
殯襄葵一式於禮如當別駕君身焉然亦用是傷悼
遘疾淹淹辱間數年竟以癸未臘月晦日卒距生嘉
靖甲申四月十九日得年六十云教無所出別駕有
丈夫子四皆孺人出也長朝寵次即朝宣次朝宣次
朝采寵宣宜國學諸生家為邑諸生其娶婦曰劉白
胡曰饒曰裴皆右族女二長適劉誠意伯子尚文次
適卞藩司子國子生應聘孫男六道淳寵出聘黃司
諫孫女道潤道淵道溥宣出道冷宣出道濟案出皆

未聘孫女五桂英宣出起英宣出字茅司理子大耀
喜英寵出振英案出俱幼未字因為之銘曰為廉
吏也妻寔以而妻廉昌其廉之荼苦是恬為賢子也
母寔以而母賢昌其賢之式穀是先爾丘律萃爾兆
惟吉爾藏惟謚君子是即曰歸于其室

南京鴻臚寺署丞少泉華君墓誌銘

無錫華氏肇自南齊孝子寶而後之子孫世家茲土
歷宋元逮入我明益繁衍昌熾世業土田衣冠甲第
為江南諸郡最號為望族又號多賢者觀於名公鉅

未庵堂集

卷之三

三

卿宗工鴻儒所紀述撰叙其家之世美者可觀已戊
辰春余與今儀部君起龍甫同舉進士儀部君嘗述
其從兄少泉君之賢以為恭儉淳樸躬萬石之行闇
然脩於家庭不為世之瑣近利亦不欲擬古之所
謂俠揮金結客以取名高壬申夏余奉

命出使

吉藩將戒車儀部君謂曰不幸兄已捐館舍矣此余
叙其行事之狀也愿乞銘焉比余過無錫其子宗澤
蒲伏迎道中涕泣以請余何能辭按狀君諱承業字

以勤其少泉別號也幼習舉子業弱冠補弟子員尋
以例升太學久之謁選部授南京鴻臚寺署丞數年
謝病歸田里此君之出處大畧也君天性端厚簡重
雖生長膏純無侈盈浮逸態敦倫篤親約已厚人先
義後利以太學生居家時日侍其大父奉政公左右
奉政公性莊毅尤家嚴而有法動息不踰規畫君侍
之惟謹奉政公有子二人長父典簿公次鴻山學士
公也典簿公家饒裕日煩於事君旦夕勤劬代之能
適其父以佚典簿公病起居飲食必躬為調節歷數

未庵堂集

卷之三

三

年靡倦有求悉心揆中所欲卒之日喪葬皆以禮人
稱孝焉母為錢孺人早世母之母老矣且寡典簿公
具別室迎養之然周旋遺贈卒終天年者君也可謂
善事父母之心矣故人楊某者死無殮葬君一一為
治具之并育其孤俾之有室有某人者貧不能為子
取婦助之金以娶之未期生男子初官鴻臚見所居
僻室圯甚即不費公帑慨然出已資繕葺之人高其
義時相繼為寺卿者今少司空湖南徐公少司馬南
昌萬公也亦降色遇之數請歸弗許然竟以疾予告

去二公弗能禁也歸去絕弗問家事惟於所居之南
治地構樓臺藝卉木日游息於其中以自適其性情
而已時學士公亦致政居里第謂已未嘗霖雨天下
而思以惠澤一方憫里中役重破家倡數百金創為
役田歲籍其入以給役者君亦割膏腴五百畝又病
伏稅首建丈田議至每撓於富室君旁贊之甚力事
竟克行減虛稅六千餘石邑故無城江南島夷竊發
民甚恐學士公率五百金以為城費君亦以三百金
佐之寇猝至民免於難此三事皆學士公所謂行其
仁義之心施於家邑之政不啻晏范所為者君力能
相之至學士公所兩較門下士先後以達官顯任蒞
茲土君止修執贊禮一往謁之後絕無問覬亦未嘗
借聲色於閭里間夫君之慕義慷慨為之者皆人所
不能為而倚榮藉勢甘冒不潔為世人所易蹈者又
君所弗為也誠可謂賢矣哉嘗聞之人有富其素於
君所者燬於火謂君弗償君不可悉按藉輸之畧無
難色蓋寧已之自耗而無使損之在人也此殆喻於
昔人矯情以沽直者矣君卒隆慶庚午正月二十一

大虛堂集

卷之三

三

日距生正德甲戌正月十日享年五十有七娶秦氏
先一年卒子一即宗澤太學生娶秦氏女一適太學
生周季謙孫男二嘉慶嘉慶孫女四君之卒二年其
子宗澤卜葬於故墓不吉別擇地而阡之葬之日為
某年某月某日銘曰
襲累世之殷富兮弗侈厥有敦本實而孝弟兮厥積
惟厚急仁義於里鄙兮厥施孔茂宜吉阡之載卜兮
克昌厥後

勅封孺人潘氏墓誌銘

大虛堂集

卷之三

四

潘孺人者北部負外郎祝公前溪之配也北部公令
羅田考績得孺人封孺人生自令族其先有默成先
生者德義為鄉人宗初姓唐後繼潘遂潘為氏父某
個儻好義壯而歿母諸葛持苦節立諸孤孺人幼服
母訓及笄母慎擇所歸必嘉士嘉士無如祝即乃歸
焉時公弱冠偶茂有聲矣孺人性仁孝婉嫻明慧習
事既歸去華飾操作麻枲絲繭職鍼不釋手晨興躬
戒修滌耳腕上堂事舅姑舅姑宜之曰季子婦能善
事退則飲絮如初率以為常遇省祭俎豆蒞教尤所

蠲紮一切門內事不以關於公公以故顯力問學薦
入公車而家亦積貲漸推於閭右矣公繇羅田遷武
武昌入西曹為負外郎宦遊者十餘年公以孺人善
事親可無內顧乃留孺人奉母於家孺人事姑虔慎
有加姑懼甚姑病席榻下護寢興侍藥不任婢一夜
數起肅肅偵伺姑歿哀毀特至比終身猶慕之比部
公官方修潔聲聞藉甚孺人沾沾自喜時以家所儲
金幣貽公曰公幸饒此家人無他羨也公喜持以行
益固孺人雖辛苦起家至遇人告不給者輒曰之無
不虛堂彙 卷之三 四
難色亦未嘗以為德里中賴孺人免于困厄者未易
屈指數既貴年且邁矣猶時躬紡績為諸女婦先戒
之曰勤無匱也與伯如金處五十餘年雍睦如一日
延外傳教諸子曰家之興替係于此禮不隆惡乎
隆可謂愛而知勞矣孺人之行類若此以是祝之族
屬合姻黨靡不賢孺人孺人歿內外人咸痛悼之有
哭之過哀者嗟乎簪珥之行不出于閭閻孺人安常
履順恭修內職而以賢聞則以代為表美之道歸焉
耳余史氏也姻于祝屬余以銘惡能已哉

孺人卒嘉靖丙寅六月十二日距生弘治丁未九月
二十四日享年八十子一修光祿寺監事娶象州守
澹泉趙公懋貞女孫男三懋官娶龍巖二尹胡君良
貴女南昌守簡齋公廉女孫懋彬娶孝廉鄭君如瑛
女懋宰娶餘干縣尹章君三峰邁女孫女二長適官
諭小漁唐公汝楫子廷倬次許聘工部郎中徐君益
養子學聚曾孫七曰光裕光初光禴光祖光承光祚
光岐曾孫女二子孫彬彬雅飭足世其家人以為孺
人厚德之報云孺人卒之丙子年十二月乙酉卜厝
不虛堂彙 卷之三 四
于邑之會橋東原上郭之陽銘曰
勤而勤成夫之志儉而積廉夫之治孝而事錫夫之
類惠而施廣夫之義倚與四德之備庶永垂于史之
誌

先文林府君暨先母張孺人行實

先君名賢字邦基世家蘭谿以居近城南大雲山別號雲谷先世爲衢州人宋仁宗朝資政殿大學士太子少保清獻公忬爲時名臣其族與廬陵之歐陽吳之范並號赫奕七傳至景文公官蘭谿主簿愛其山水清嘉遂占籍焉又買山徙曾祖而下三世塋之是爲始遷祖景文公生四子以弟省元景成公無子命次子存仁嗣之存仁生元俊好古明禮爲時雅重元俊生翔鳳鳳生琰

太虛堂集

卷之三 行實

增一

明興洪武中謫成通州然實無罪君子謂天故欲昌其子孫乃爾耶蓋吾趙自景文公以來獨琰出爲最盛云琰生聰聰生薤薤生訥訥嘗出粟賑饑詔賜冠帶後以子工部尚書郎貴封如其官自訥而上世有潛德工部公名年成化乙未起家進士居官清操直節不避權倖人稱趙鐵面然以是不至大貴顯工部公生栗齋公名晨官漳浦主簿有善政然官非其志也二年校劾歸淡約若布衣配龔夫人人生犬夫子二長伯父名中先君次之先君性

仁孝端恪童時即知順父母悌兄長栗齋公最鍾

愛之八齡邑遭大火蔓延莫能止先君度家不免方在塾中即馳入取譜籍走避外家明日攜之歸若素當大事者外家去城凡十餘里於是人咸奇之稍長習舉子業以進病於日栗齋公亟命棄去先君不敢重違栗齋公命然猶手不釋卷人問之曰讀書者求識道理豈專以功名耶年二十七龔夫人卒終日號泣如嬰兒凡動作咸合禮栗齋公爲人嚴毅寡言笑不喜廣貨產自謂平生遇時賦

太虛堂集

卷之三 行實

增二

軻得一官不足以展意鬱鬱大不樂以是其性頗爲難事先君承志色養不專以飲食凡有所欲必先慮爲之不如意者即不敢告內外臧獲多懷之以恩嘗曰此輩代吾事親苟不令之安何以安吾親耶栗齋公有疾夜不敢就私寢湯藥必躬進卒之日哀踰于嘗時伯父長先君五歲生子早又衆每事必讓曰兄兄子衆即多得亦少矣居嘗聞庭戶有間言輒趨出避如不聞性梗直不耐事嘗書忍字於戶牖伯父欲析居惟伯父命不命取不取

蘭之俗析居父老爲置閭謂可息爭先君感謝不用伯父嘗與人訟其人舍其訟端小者搆其大者人爲危懼先君挺身爭之公庭焦苦萬狀凡數年至傾己貲不惜後竟以義直蘭邑土瘠歛薄富人多出貲以收息有息倍其本者先君亦嘗爲之不忍倍其息至貧不能償者多捐之且不爲聞於人以故里中皆稱長者先君自奉率循儉約衣布履皮平生未嘗親製一帛累日蔬食不爲厭客至必接不爲盛饌人有謂先君公子公孫也奈何自苦

本處堂集 卷之三 行實 增三

如此謝曰某爲清白吏子孫敢辱之耶家法具在它非所知吾趙之族最號繁衍然亦多事先君常已家事往應之無分疎戚遠邇人有片善爲稱之不去口實卽爲不善爲之反覆勸諭以冀其改好直道以解人之爭不爲世俗伊阿態尤惡人之變亂是否者是以族中事無大小皆決於先君先君沒凡宗人戚屬以及里中長老咸共情之以爲天之不留善人也如此先君課不肖幼時每以安詳恭敬爲訓飲食坐立必端時出小學史鑑諸書親

爲解說既長出就外傳日必再視夜裏棗柿爲飼因以驗勤惰尤嚴交游見所親不類輒禁之曰此輩匪直妨事業且壞人心志一日集師友論道德功名富貴不肖問曰道德我也功名富貴有先天君喜曰兒如此吾復何言間嘗語鄉先哲每以仁山楓山二先生爲法言猶在耳不肖其能勉承乎哉先母姓張氏同縣人出宋理學思誠先生後父曰幸贈虎賁右衛經歷經歷公爲趙氏甥素與栗齋公善於是結爲婚姻先母性莊嚴敏慧三歲失恃時繼母胡視之不類己子經歷公危之寄育於親姑諸葛氏稍長心知非姑氏出涕泗求歸而繼母終不甚愛然亦不敢幾微怨又終身不敢忘諸葛恩君子謂此可以觀母德矣十九歸先君當是時先君已棄去舉子業每自語曰儒家不讀書如生事何乃日夜執麻枲工組織又脫簪珥釵釧爲治生具所衣但嫁時不別更製故者爲再補紉不爲陋飲食嘗自節以待賓客尤嚴事舅姑禮旦起必促先君往視先君出親候之闕外夜必問寢乃

本處堂集 卷之三 行實 增四

退即祈寒大暑不少間育不肖不以嫗煦為慈誦書非夜分不就寢又親執女紅以為卒坐久儲湯饌以飼之不肖兄弟有過必告先君嘗謂人之子不肖繇於母蔽其過吾肯令陷之于不義耶先君沒不肖兄弟俱懦弱不任事門多內侮先母當之不詭不亢侮者浸息總家政井井有條計事多丈夫所不及慮者先君嘗謂不肖兄弟人以吾家兩世居官不知家故貧得不衣食缺者以吾與女母辛苦所致也兒輩不可不知初先君以子姓多不

太虛堂集

卷之三 行實

增五

猶望生已以完不肖試事也疾亟甚遣人召不肖聞命日行二百里歸乃竟不能及嗚呼不肖以先君命行先君望之良殷孰謂遽永訣耶卒之日聞絕口不言家事惟囑先母與弟志淑母以家事累不肖痛哉痛哉先母傷先君弗終於壽且弗見于之歲日夜撫棺號呼勉不肖以成立已酉領鄉薦歸拜先母於堂上失聲泣曰使女父今日在何使兒獨拜母母子相向哀更數日不樂然不肖謂可計日祿養吾母乃春闈五上輒北歲壬戌再上行時先母無恙也三月而疾作遣人召不肖是時不肖下第渡淮即易一小艇日夜兼程進且行且禱希無大故入門則先母已不能待家人謂卒之日猶呼不肖名者再嗚嗚而絕嗚呼痛哉痛哉即不肖隕憾榻下又何可追耶先君生弘治十一年三月十六日卒嘉靖二十五年八月四日年僅四十九有九先母生弘治十三年三月九日卒嘉靖四十四年四月十九日壽六十有三子男二長不肖翰林院編修娶方氏次志淑國子生娶汪氏孫男八

太虛堂集

卷之三 行實

增六

鳳梧娶郭縣丞栢亭女鳳翀庠生娶鄭給事中越
渠女鳳威娶陸庠生女太常鶴山公孫俱不肖出
鳳華娶童憲副孫鳳雄聘祝庠生女鳳章聘鳳庠
生女鳳庭鳳城未聘俱志淑出孫女三媽適唐推
官一峯子宗胤文襄公嫡曾孫昭適陸給事中陽
山子思業不肖出襄適祝署班南泉子懋政志淑
出曾孫四世寅聘蔣世宰世賓世宋俱鳳梧出嗚
呼爲人子遵父母之喪至不肖可謂慘烈極矣人
有爵祿於

大虛堂集

卷之三行實

增七

朝而其親不樂於迎養既死而當大事者不能送往
往有之若不肖於兩親世實罕觀每一念之五內
盡裂特以親志未成諸九子職未盡苟延及今先
君既塋且遷以歲丙寅十月合先母定于邑河西
然猶塋以士禮墓中之石未誌今年春不肖考滿
於官乞

恩得贈先君翰林院編修文林郎先母孺人光賁玄
壤矣然非得名公鉅筆銘之何以不朽乃爲泣血
據其履歷用備采錄倘得賜以一言則先父母雖

死猶生也不肖不孝之罪或可少遣矣不肖誠無
任哀祈之至

不肖男志昂泣血百拜謹撰

禮部儀制司郎中牟家春晚生胡僖填詳

祭朱鑑塘侍郎文

憶予較士辛未之春于時入役三十餘人緬惟丈南
質有其文東海滂溥泰山嶙峋嘖嘖之鳳儀儀者麟
彊執寡二修潔離倫左右燕市斯夕比隣出李吉州
州亡寃民既空城旦不役鬼薪
召入南臺為

國蓋臣折殿之檻逆龍之鱗醒而引咲直不容身時
予踈狂與君共事予謫於粵君返于里自喜名埋人
謂灰死

六虛堂集

卷之四

天王聖明恢張國是還予禁苑歸君直指出按豫章
執法不駢填村三吳海濱以教士慕美墻民思畏墨
既貳司寇三尺如砥人倫之棟搢紳之軌一人是毗
八埏是倚其若命何歲在辰巳二暨告災一夕而圯
嗚呼國步多艱外訏中格因奴未滅島夷未賦予難
獨籌賴君分臂予有過譽君為藥石政有疑貳君為
著策今則已矣予將誰藉矧二三子殘星在旦昔也
鴈行今也萍散一聞君訃涕泣如瀾予歌楚些瀉予
悅歎知君靈爽常懸霄漢

祭陸陽山親家文

惟公秉川穀質直之資抱忠誠篤厚之德言鑒而方
行恪而容貌朴而恭心虛而柳嫉惡而若將浼之慕
善而惟懼弗克禮施從厚約言弗食道義蓄畬忠信
金石嚴淫誇之俗而繩法自檢處浮靡之世而砥強
自立自做秀才時已崢嶸志氣而不與時埒阿既居
仕宦後益慷慨節概而不隨世轉易公之令餘于也
家其官子其民扶傷起羸而良善綏安鋤梗決擁而
豪強歛迹四知謹畏一清水滌說者謂兩溪循良之

六虛堂集

卷之四

再出公之蒞諫垣也矢志匡時精忠建白不矯節以
沽名不庸言以塞責抗威福之權奸剔東南之蠹餘
而與民枕席再轉北垣務清天側拜官之命朝下論
事之疏夕入諛候寒心中貴奪魄公亦以此賈禍而
號職然公雖退而公之直聲勁節在朝宇間者皎如
雪霸朝如星日東山安石久屬望于蒼生而一射當
遺教陰肆其阻室是以監司之薦屢上而
寵召之命不錫方今泰運丕開四方門闕論者正推
較于公乃公竟弗能待而溘然以沒抱才而不究其

施負志而弗顯其績是豈天之困公抑亦公之數阨聞者悲酸談者太息公之歸也寒暑幾廿遺公之標也廉靖如一日絕跡城寨林泉無適計不謀生日惟載籍而公之終也遂至無以為殮而整然一室若公者豈當於今人之賢者求之而實惟古人之匹余與公交遊三十年情洽道義分投膠漆我過公規公過我弼相交以心相孚以膈豈啻附驥之緣嫵婉之戚嶺海歸來情欣意翕惟余避地山中而公養痾杜客竟以一水之間而致千里之隔哀哉痛哉有恨難釋

木虛堂集

卷之四

五

惟公易箚之後適余彈冠之日倉卒赴

召哭奠未陳爰至滁陽恍然若失遠奠一筵敬備以詞淚注江流九原鑒格

祭王太恭人袁氏文

嘗聞古有賢母則有賢子有孟之母而孟也賢名有陶之母而陶也芳聲余從辛未禮闈得信陽王子胤昌也其文玄言秘思而發攄乎天藻其人懷仁服義而敦篤乎性真余方謂胤昌產于中土孕河嶽之秀其人傑者其地靈而豈知發祥有自繇太夫人之賢

哲而協熊羆之禎太夫人之生于宦族也柔嘉婉懿圖史是遵既而嬪于某翁也蘋蘩祗事琴瑟諧鳴至中道而喪其翁也執將維禮操治克勤乃益訓子乃致成名珪璋重器甲第蜚英讀書秘苑嶽峙詞林為文宗匠為德範型又孰非太夫人和丸剪髻而胥誨以成自太夫人以胤昌之貴而

木虛堂集

卷之四

四

枉道訪余于蘭江之上千里遠至一宿遂行豈太夫人極其臂以悟曾參余方以世局之更勸胤昌之駕而胡天不慙使太夫人一夕而遂傾嗚呼太夫人年高德備祿養福臻夫復何憾余獨憶夫胤昌以純孝之思不能壽母氏于百齡其哀々之心誦蓼莪之篇而歌罔極之德又豈余之所忍聞千里東粵余今為胤昌致之而冀以薦太夫人于冥々

祭黃司成孺人文

孺人之生宦族貴里于以方之齊姜宋子孺人之德

柔靜專一于以似之藹芷珪璧嬪于司成淑慎有聞
鷄鳴傲成昌輩勤儉琴瑟靜好肅穆和雍勸學督義
樂羊之風克相司成策名上第嶽峙詞垣焜煌玉署
為世名儒為

國良史孺人迪哲等芳齊美

帝制有嘉爰旌壹儀龍緘鳳藻翟茀珠帔故自抑畏
以承夫志衣布服澣而忘矜貴憶昔山公有韓儉德
猗歟孺人展也作匹家為女師卯為良媛令德淑儀
允符前範司成蔚起入贊

和康堂集

卷之四

五

小意

天子內政寄之永資燮理胡天不眷新以百年一疾
忽作大命遽奄蘭墮其香玉韜其光連理摧折比目
參商造物何常春榮秋墜念惟司成失此良佐某等
辱交夫子附驥後塵聲譽擊缶義重嗇神一奠于位
群情涕淚豈徒悼亡碩人殄瘁

祭亡室封孺人方氏文

人生百世諧有伉儷今世之緣夙世之契爾我作合
相守白髮夫何數躓倏焉永訣屈指歲曆寒暑四十
中同苦樂曾幾更歷蚤歲困窮糟糠僅充儉修婦順

勸駕女紅我業詩書十九在外惟爾拮据內政攸賴
衣布食蔬攻苦茹荼殫爾勞瘁遺我怡愉姑性嚴毅
爾克敬畏雖有督過而無怨諍愛享妯娌嚴飭臧獲
義重黨姻禮隆賓客男女訓育爾身其艱婚嫁了畢
爾任其煩兩親不造我遊遠道藉爾殮送脫我不孝
我既登第相依十稔幸荷

封章寵酬勞勩中忤豪華南遷海涯從此睽違我官
爾家尋復遭蹶退依衡宇兩歲山中樂且居處太僕
之行理應同載南北未憑遽爾先邁側聞抱病心切

和康堂集

卷之四

六

小意

憂疑寢興不寧寤寐欬馳無柰守官圖歸實難三接
家書報爾痊安官轉南雍就近抵任春和遣迎偕同
歡慶兩次告歸報爾先知胡弗可待手書空貽突聞
訃音痛割我心百年之愛一夕而傾病弗能視死弗
能面哀、苦情悠、何限父母淪喪夫婦終離我求
富貴亦復何為傷哉痛哉匪石難裁抱此怨恨五內
俱摧本為坦途翻作崎路離合悲歡抑豈有數弗載
于官我心實背考終于家爾亦何悔孫子森、女婦
仍、顯天號泣庶有其聞我非寡情亦非薄德冀爾

冥、鑒我肝腸生死今殊幽明變越百年之後同歸
一穴杜鵑枝上蝴蝶夢中恍兮惚兮相期與逢千里
虔誠追度幽魂人間天界願爾早升三月之朔卒哭
之辰殯歌絮酒徒悲遠情遣奠陳詞訴我心曲淚灑
如泉江流不足

雖肅殿箴

北辰紫宮惟皇宅中身為民表心與天通斯須不和
則乖戾起斯須不敬則傲慢叢念常生於所忽禍乃
基於無窮是以聖人事心天命是勅欽厥止日謹萬
幾虞深宮心周八極不以嗜慾滑和不以逸豫滅德
母作好母作惡藹、熙、如春斯昉母荒色母荒禽
兢、惕、如淵斯臨勿謂燕閒人莫予觀一喜一怒
作人煥寒絃急者絕器平者安優、和衷為君實難
勿謂有容人莫予弼一動一言恒為度律危懼則存
驕泰則失昭、神明相在爾室在昔成周宇內太和
繇繇、其在宮友琴瑟而不頌亦曰懿恭小民懷保
繇繇、其在廟克對揚於祖考我
皇睿哲是為智臨匪高明之不足貴育德於靜深我

皇撫運是為開泰匪豐亨之未臻懼此心之或休樂
以平其情雖鍾虞不設而若聞希聲然後心和氣和
而天下平禮以飭其志雖升降未施而若持重器斯
謂無逸乃逸而天下治故曰中和者養威濬泊者養
祿危厲者養安憂勞者養樂以古為師于何不儀乎
平周道惟

皇所之以心為鑑于何不見穆、丈王惟

皇所憲朽索在手詎曰無傷覆車在睫柰何弗防和
不可流敬不可怠慎終如始

萬壽無疆

座右銘

愚讀大戴禮至武王鑑席戶牖諸銘未嘗不慨然深
思云以彼執兢而宏無兢之烈猶日怵惕焉懼急之
乘也故無虞而不載銘焉庶日顧諟以有儆心乎吾
儕自省何似願安得謬言心識而忘勸戒哉爰製一
銘書之座右銘曰 乾開坤闢人參為三人貴伊何
匪道胡航日與月與迅如奔駛爾嬉而遊歲不爾俟
相古哲士人紀人綱爾胡不足令彼獨芳萬古人心

爾胡忘正不自身先其何能令忿懣在始歎室自源
一星之火至于燎原無競爾智純白不備無騁爾辯
多言逸志無暴人短無先已長善弗人同爾亦何憾
寧我容人毋人容我大儀吹萬于何不可心不可歸
天不可欺禍福無常惟人自基謀臧惟遐不臧惟近
爾則誰憐胡不思奮

立志箴

學之患在於視聖太高自視太卑此志墮功惰而學
無成也果能發憤以聖人為必可學期而至之如顏
子之希舜孟之願學孔一生只有此一事一息尚存此
志豈容少懈

克己箴

一日之間默察此心多少閒思雜慮而於所感稍有
悅心拂意處又未免為欣怒為內奸外宄交相蠹蝕
習而安之徇而不反此須用鐵樣肝腸以攻治之庶
有廓清之漸

研幾箴

幾者動之微先天之終後天之始也辨之而早不離

乎天失之不察遂向乎人矣此所謂己心之先見善
惡之肇分也始於微成於著可畏之甚哉是以君子
貴於慎獨

主靜箴

人之一心無時不用亦無時不止如太虛之體流行
于旦夕瞬息間而未嘗有也於此認察得真握守得
固則終日應酬終日無事所應酬亦各中節矣此為
學之要領

墮三都辨

三都之叛三家患之則墮三都固三家之利也是以
季路一言而叔孫墮卻季氏墮費說者乃以為孔子
為之噫聖人豈如是之謬哉公山弗擾以費叛召子
欲往蓋教公山臣于季氏教季氏臣於公教公朝于
天子以魯先之天下皆然是東周之從而興也豈徒
為季氏墮費而滋季氏之勢乎此好勇不顧之謀蓋
出于季路審矣故墮三都者為三家除患耳何益于
魯三家病則魯之利三家之患除則勢復張墮卻墮
費謂之忠于三家則可謂之忠于魯則不可至于圖

郎則失計大矣得之未必歸公失之寔損於魯邱費之墮說者以為孔子此豈亦孔子為之歟

德基吳公千文跋

此余鄉先輩牧羊山樵吳公所遺真筆也公名履字德基負俊邁才洪武初以有司薦舉歷任為維州守所至多異政讀書為文學班馬尤工行草書遇暇如意揮灑筆力遒勁得二王體

高皇帝聞其名同朱月鑑所畫荷花命有司進覽病朱盡太嬌吳字太勁故不盛行于世得之父老所傳

大康堂集

卷之四

七

跋

云今遺文散帙藏之閭里者頗多並未有千文帖余為得于其家珍之命工鐫板以傳為之跋于後其詳載于邑乘宋潛溪學士傳中

題桂巖割股圖并贊

邑之驥溪有桂巖處士性孝友善事父母順所欲遠所惡更不避艱苦大當父誠齋翁心母唐氏疾親嘗藥數月不解帶疾劇割右股療之人有言阻之者嘆曰吾體膚出自吾親也吾何愛吾膚忘吾自哉母疾得少瘥及卒哀毀骨立踰恒情數年公亦卒公冢嗣

一言傷公之孝固克以壽終悵無由表見乃繪公割

股事為一圖朝夕焚香瞻拜志思也一日持其圖以

示余曰盍為我言之余惟昔人以廬墓割股不稱孝

是作何說豈其以人情之難不可例天下後世為人

子者耶然捐軀死難舍身殉節為忠臣烈婦彪炳史

冊割股不為孝將捐軀舍身者不得為忠烈哉世之

人多借是以文其所難余不知其何心余聞公居鄉

質直不可撓以私鄉人有聞者公片言喻之輒解一

日余從公後解族爭一人狡橫挾外援不肯就于理

大康堂集

卷之四

七

跋

余惡嫉之衆多黨比獨公忿之不平之氣徵于詞色

蓋公得之天性者然割股豈可強哉余高公之行重

一言之思按其圖以題之復為之贊

贊曰人孰無親視親輕於身人孰無身視身重於親

割肉療母忘身事親嗚呼孝子反哺之仁

題洛南陳先生像贊

其立朝也位尊八座望與偕隆而投簪里第則廓處環華翛然寒士之風其為丈也揚芳振藻執苑稱雄而究研理與則遠溯濂洛巖然後學之宗於維哲人

昔嘗過從而今想見其像遂識其為南海陳公也

陳文端公像贊

於惟我公介直天挺秀孕扶輿精儲參井正氣堂上
雙眸炯炯嚴廊羽儀縉紳袖領密勿功高竹帛輝映
勇退急流風清志迴業紹玄成名嗣鐘鼎嶽立淵渥
雲慶星景肖像如生披圖起敬耿一丹心莫狀靈瑩
處士祝和卿像贊

神爽而疎貌修而格昂然偉夫夫性恭而溫行義而
敦藹然古逸民忠信行於里齒德實於鄉是宜比蜀
於房方也耶

芹泉叔像贊

余戊子歲以南少宰過家訪余叔芹泉先生病臥一
小樓因出小像示之而命之贊余迫王程弗待也携
之南北遊焉而先生逝矣先生與余分叔侄而義朋
友也知先生非余其誰因述之俾觀先生之像者知
先生之人

癯然山澤之形渾然璞玉之真恬然省欲之性怡然
以養本道人

與味自別坐小樓而太宇長春樂吟咏而遠陶之趣
悟禪寂而結遠之盟生平惟道義友朋契合將布衣
蔬食終身益庶幾乎伯子之簡顏蠲之貧者哉

賀送春谷叔祖序并詩

叔祖春谷遊燕闕歲維夏四月壽登八十而其子從
里中來稱觴并奉杖履以歸敬占近律以為賀并送
之云

紫氣臨燕闕吾宗見老成春醪來彩服華髮對金莖
八十桑蓬志三千雲水情何時共歸去佳會續耆英

管中秘小引

余於隆慶戊辰歲訪管中書君於城南真如寺一榻
蕭然圖書數卷日與寺僧譚無生話偕騷人墨客吟
詠唱和或寄其興于石田衡山二家山水以寫其無
窮之趣思逸如也萬曆

登極八年

武英殿中書缺例當考選

主上嘉與文字

駕臨武英

召選士面試詩畫書法三事書成進

覽立觀良久喜動

天顏

賜白金筆墨有加遂中首選夫舊規武英考選

聖駕未嘗親臨類多世業官族富家子弟夤緣以進

沿為故事今中書君之選二百年一見者也士大夫

多榮之競為詩歌以侈其盛若中書君之清標雅致

為時珍重非啻詩畫書法三事已也遂書以為序

宋史

卷之四

王

居家十六訓

保身以安父母之心

和氣以全兄弟之愛

潔誠祭祀以崇祖宗

早完稅糧以尊

朝廷

交游宜擇善類毋比匪人

平居宜親載籍毋為俗子

敦尚詩書禮義以教子孫

六庫堂

卷之四

十六

恪守謙卑遜順以睦族里

交易宜平不可損人利己

財用宜節不可隨俗奢華

不可貪財害理說事公門

不可敗度失儀猖狂飲酒

毋忘親舊淡薄自可長久

毋虐小民推情自然寬恕

婢僕亦人子也當善御之

牲畜亦生命也宜戒多殺

明特進光祿大夫柱國少傅兼太子太傅吏部尚書建極殿大學士贈太傅謚文懿潁陽趙公行狀
萬曆辛丑九月十三日光祿大夫柱國少傅兼太子太傅吏部尚書建極殿大學士吾師潁陽先生趙公卒於京邸蓋是時公年七十八矣自戊戌迄於辛丑乞身之疏九十餘上而

上眷留彌切褒答彌溫

宣諭之使相屬於道公病固請請不獲則益病每對客未嘗不泛枕筆涕泗交頤也及病革猶強衣冠

北向叩頭曰

君恩至重臣病至亟生無以報

陛下死何以見

先帝乃奮筆草遺奏極言行

冊立罷礦稅簡閣臣用言官四事疏方馳上至午門

而公瞑矣計聞

上哀悼降手詔若曰朕虛揆路日望起色不謂竟奪

我良輔也為輟朝一日

賜賻銀二伯兩紵絲二表裡布米香燭等物贈太傅

謚文懿

諭祭十三壇遣行人護喪歸又給水衡錢遣官治葬事皆視舊典有加焉嗟夫終始

隆恩榮哀備典如公者於人臣豈有兩哉公諱志臬字汝邁潁陽其別號也系出宋清獻公朴後十二世祖自衡遷金華之蘭谿遂為蘭谿人以淳厚世其家代有顯者至公曾祖年清苦力學登成化乙未進士除行人為水部郎以忤中貴棄官年生主簿公晨生賢是為公父凡三世並以公貴贈光

二

祿大夫柱國少傅兼太子太傅吏部尚書建極殿大學士而年室潘氏晨室龔氏為公曾祖母祖母賢室張氏則公母也俱一品夫人張夫人生子二長即公公之生也夫人夢日華繞室而身比生顏秀美如冠玉隆準淵庭雙目炯然有光童時即負大人志行贈公奇之教最嚴娶三日趣就外傳公益淬勵弱冠補諸生時督學雷公古河負人倫鑒獨以公輔奇公拔實異等己酉舉於鄉六困禮闈而雷公入為司空矣輒慰曰大器晚成若生者

豈難一第耶勉之公發憤下帷舍糟粕獵名理根
本六經為孝廉二十年鍵門恬修有司莫覲其面
咸推重焉戊辰石麓李公典試見公文嘆曰可知
其人矣及接見益深器公因指其座謂曰是公昇
日坐處

莊皇帝勵精臨軒策士執政擬上俱不稱旨而自手
拔公第三人時江陵正薰炙欲羅公致門下公不
為屈遂銜之已授編修已巳與修

世廟實錄辛未分較禮闈壬申

修實

三

冊封吉藩諸所賜予俱卻不受吉王嚴重公輒通候
問至今不絕過家郡太守欲致公往見待以請謁
可千金遣吏道意公笑應之豈諸生時尚腹約濡
忍乃今幸竊祿顧覲千金而干郡守權耶為我謝
太守毋相溷厚惠矣太守愧服癸酉充

經筵展書官教習內書堂預修

穆廟實錄陸侍讀

今上即位江陵輔政專恣公職掌疏請紀錄當曉史
臣請罷政府總裁以防專擅江臨怒丁丑江陵父

死奪情諸疏劾者皆矯

旨廷杖寃戾而編修吳公中行趙公用賢亦上疏言
尤切直

旨未下公恐禍不測遂糾同年七八諸朝房面江陵
解之大畧謂綱常不可紊言官不可罪指斥不遺
餘力江陵無所容至持佩刀欲自裁尋吳趙亦下
廷杖公時直趨居復詣政府請出諸疏付史局欲
以萬世公議諷江陵而江陵怒益甚會星變考察
遂出公廣東按察司副使公怡然出都門便道過

修實

四

里徘徊不欲往而當事勸駕用大義責公乃不得
已就道既抵任攝臬篆三年持法平恕不苟暇則
徜徉山水日與部中名士探奇賦詩於宦况泊如
也直指不悅曰政府尚銜此君何物翰林作態耶
辛巳京察江陵怒未怠仍謫公去粵之日吏進美
金數千計謂嚮無此請以束裝公斥之悉簿報而
自襆被以行士民泣送填巷共立祠志去思祠產
靈芝五色兆公大拜云歸無長物僅田數畝凶歲
不足備盡倒困廩均諸親故為臺清獻公祠後接

曰告天以期紹述治堂靈洞山曰六虛稱六虛主人搜剔岩洞流連泉石為菟裘計壬午江陵敗南北臺省交薦起公解州同知陞南京太僕寺丞尋權南少司成甲申陞右諭德掌南京翰林院事尋改左諭德回坊修

玉牒丙戌再較禮闈而小子宿出門下始得師事公尋陞南京國子監祭酒正文體重行誼飭規條士習丕變丁亥轉少詹事掌府事尋陞南京吏部侍郎

上久不視朝公上請保

聖躬疏其大要言屏酒色戒逸豫臨講幄接大臣清心寡慾以延

聖壽語甚切至居無何改吏部左侍郎兼翰林院侍讀學士辛卯九月首輔致政

上特旨簡用陞禮部尚書兼東閣大學士

命下之日朝紳彈冠慶得人焉時太倉相公歸觀公與山陰王公同心輔政壬辰春山陰抗疏去國新建張公召未至公獨身肩樞筦以精白醇謹佐

上英明之治間嘗為二銘大書政事堂一曰以威福歸

主上以事權還六卿以請託謝親友以公論付臺諫一曰積誠以事

主上潔已以風庶官折節以下忠賢黜私以杜險僂嗟夫公相業悉本諸此三月寧夏劉哮叛據堅城糾套虜入犯時承平久中外聞變洵懼制府請犒金數千公謂事變重大非十萬金不可立請發帑金合七鎮兵討之師久無功

上怒逮制府魏公學魯難其代公乃薦葉公夢熊仍

大

請賜上方劍誅不用命者三軍股慄爭前死敵遂俘二賊寧夏平叙運籌功進太子太保廕一子

上久曠常朝公因獻捷請

上御門受俘

上從之因

賜召對稱先生公乘間請教學魯

上悅特為公從末減士論快之而市虜久奉要束一旦回劉哮寒盟邊士無死綏之志公以為憂乃因

史簡事請叙撫臣功重為激勸以鼓之邊士始奮
島夷陷朝鮮虜王子公決策戮卒十萬等莠粟往
救之忽沈惟敬倡封貢之議見朝堂以為言公叱
曰此

國家大事豈其以一夫流言納侮滋災耶敬以大同
馬意對公堅不可石公恚曰此本兵職掌利敗當
自任之不以累趙公也惟敬遂往公益請

嚴旨督諸將進兵克平壤戰益急而賊退保釜山雲
南貢金民不堪命公為請歲減千餘以蘇民困滇

得寶

尺德之是年請

冊立請

義留中章奏進孫思邈真德秀衛生二歌以保

聖躬

上知公忠愛深嘉納焉癸巳春首揆王公應

召至會群臣請

冊立急

上降密旨問首揆謂

中官冢嫡尚虛歎

三皇子並封以待將來群臣力爭以為不可公乃上
疏以為

皇上既有立嫡之意當為

中宮計修交泰之禮以祈高祺哲嗣篤生天必應之

萬一稍遲願如首臣揭以

皇長子育之宮中如

三后故事必欲一時並封則當優異

皇長子不與

三皇子同以明定分不報數日又揭謂

得寶

皇上遵祖待嫡之旨豈不天理人情之至哉然群疑

未釋

皇上昨有收回並封之諭且示首臣欲求別處之法

但並封雖已暫停別處必自有說豈宜一切停擬

臣以為

元子乘今春出閣講學併確示二年後

冊立冠婚臨期兼舉再無改移別處之法何以踰此

不報亡何公以年七十三再疏乞休不許先是吏

部推擇三品大臣必詣政府議可否公謂六卿各

專事任不相牽制此

高皇帝法而時冢宰相繼皆名碩公遂引與均體無所侵撓復

祖宗之舊既而太宰缺議廷推少宰有所擬用司屬持之言官疑公授意疏劾公公不為辨

上怒謫言者公復疏救再三人服公雅量焉甲午夏吏部推舉閣臣忤

旨下詔切責冢宰固求罷章十餘上皆不報時戶禮兵三部尚書皆以他事杜門公為非體乃上疏大

行實

九

要謂各部原非真疾當趣之出吏部章已十上當遂其高又謂冢宰位首百僚不可久處遂薦孫公丕揚代之中外翕服遼東頻年虜深入蹂躪內地公憂法弛非振刷不能得邊將死力乃勸

上按失事者寘之重典邊臣震懾人爭自效是以有鎮武之捷首虜至五百級所獲輜重至百萬計

上大悅嘉大將功欲裂土封之公復執

祖制以為不可

上乃止自是賞罰嚴明邊將爭奮烽燧稍息焉冬

皇太后聖節

上御門受賀

召公慰勞勉以籌邊公因陳衰病乞骸骨

上曰卿公忠廉介朕方倚任何忍言去會朝鮮為日本請封廷議未一

上怒言者齟齬諭公責大司馬不為國任事公上疏以為

主斷宜決謀慮宜密若

天威有赫便謂人言靡撓令人主自親其畫臣下反得借口規避非善後計乞令兵部移咨督臣酌議

行實

十一

覆請然後取自

上裁庶無後悔

上從公言下兵部咨議皆以為封之便倭使旋至

上乃許封焉乙未春公屢請分別罪廢諸臣宜據其論列別其行簡以次量移擢用勿令老棄下僚言

甚切直不報亡何公以年老乞休而言者以矯飾論公公求去益力疏六上

溫旨勉留降手札遣中官

宣諭公不得已乃出適開局脩正史公請復建文年

號示萬世公用光昭

文皇帝聖德

上嘉納焉是時

上以奏牘紛紜頗厭言者輒用不測之威譴訶斥逐

輒至空署公每從中調護或

旨既發則復抗疏申救

上雖不聽然知公朴忠每為之動容丙申春叙甘肅

功加少保改吏部尚書轉武英殿大學士

行實

賜銀幣有差滿三年考

賜宴禮部廕一子尚寶司丞自是六年九年秩滿皆

不敢

上聞恐

恩寵過當其謙抑謹慎皆此類也

兩宮灾公深自剋責引漢災異策免故事自劾已復

請舉脩省實政簡發章奏拔淹滯選補臺省慎刑

一微停織造皆時政闕失之大者

上皆優詔答之日本反覆封事壞言者及公公疏辨

其畧

上慰諭曰封倭一事兵部集議朕心獨斷其諸戰守

機宜方在暑實舉行未嘗失策卿宜安心任事公

遂引疾求去疏九上不報

御札諭召者一大鴻臚

宣召者再羊酒蔬米中使

存問不絕公感泣久之

仁聖皇太后崩不得已出哭

臨成禮復引疾求去疏七上語益激切

行實

上溫旨勉留

遣大鴻臚

宣諭已復

命政府傳

諭公乃出丁酉五月叙延綏功晉少傅兼太子太傅

建極殿大學士廕一子尚寶司丞

賜銀幣六月三殿灾公極言時政得失進弭灾八事

曰崇敬畏以格天心躬祭祀以祈神佑復朝儀以

肅衆志定

國本以慰人心、行選取以惜人才、補缺官以修廢政、公貨財以釋民怨、平喜怒以安羣情、不報公遂引疾、章六上、

上慰留益切、而會有言及公者、公引咎自陳、求去益力、前後凡十九疏、未已、

上遣鴻臚

諭旨、公乃出視事、時南原失守、羽檄交馳、公以為憂、乃亟請點用樞臣、調度兵食、天津翼蔽京師、宜專設撫臣、豫國練以重根本、督臣經畧海外、宜假便

權實

宜軍機繁重、功罪紛紛、糾宜

遣御史為監

上皆納之、戊戌春、公自念春秋高、不任勞瘁、時難展布、即有所請、十九留中、志鬱鬱不獲伸、而又忽聞季子之變、傷感五內、遂決意引去、章屢上、

未允、會東事急、贊畫督撫相訐奏、語侵次輔、二公或去國、或在告、政府虛無人、

上特旨趣公出、然公久不欲出、勉強勸勉、非其意也、遂屢疏請簡輔臣者六、請

宣諭今政府出者再、迨今政府出、而公遂堅卧不復起矣、

上溫旨堅留、不聽歸、公既稱病日久、又不敢置國事不問、輒從枕上草疏、請罷權稅、請用言官、請

冊立東宮、不一而足、其大者曹侍御以直諫論死、輒上疏力救、已亥冬、屬當議決中外為侍御懼不免、公三疏申解、言甚切至、

上惻然、特為停刑、蓋公言雖不盡行、然心無所不盡、上即未盡行、公言、然禮無所不至、自戊戌至辛丑三

行實

十四

年不出、先後錙幣酒米之

賜御醫診視、及鴻臚中使

宣諭之遣、不啻數十百次、而歷敘其肅功、平日本功、府江雲南功、特轉中樞、殿加少師、無太子太師、無一夫二俸、各廢一子、

賜銀幣、公五具疏懇辭、

上不允、公不得已、勉承雲南一廕、餘皆辭免、

恩遇之隆、近代未有也、道賓自丙戌出、公門、公是時蓋以遺直特受知遇、拔自下僚、還之史職、天下望

公柄用且謂拾級而登乃公自南而北、而復南再歲之間至三往返無幾微色動也迨公秉政時望所歸乃其間矯者欲借之為名媚者欲倚之于進而公虛心觀理大心容物思無所假怨無所留終公之身機穽極目無幾微色沮也蓋賓嘗燕見公每謂曰無心立心無事行事無權秉權乃是聖賢作用賓竊嘆以為名言及退而察公鎮靜若山嶽虛若豁谷諸言及者無問是非悉自引咎既而叩其姓名忘之矣遇大事廣集衆思然後酌其可行實

否請決于

主

上知公清慎虛心信任有悅而聽者有不得已而姑聽者亦有甚拂不盡聽而曲加優答者夫然後知公所行果如所言也故壬辰柄國猶然攝耳而西平寧夏東復高麗王京北塞而南服屢奏大功則豈非無心無事無權之明效哉乙未以後人言煩興公主必退杜門多日即為

恩旨勉出非其志矣假令得安其位與九卿大臣趙

榮相調填篋迭奏展布其四體其功業何可勝道哉公孝友慈祥樸素和易與人嬉怡促膝杯酒惟然適故或問及

朝政輒俛首不答其慎重不泄如此性好吟咏意興陶然即病不輟所著有四遊稿行於世其為文汪洋爾雅類其為人歷官清約居室田園一無所增所積俸餘蓋為買山之費迄昂貴日不暇給每夢寐未嘗不在靈洞山房也乞身不遂伏枕越吟作八咏寄懷讀者想見公高雅而悲其志卒之前一行實

去

夜有大星自西南墜遠近震駭嗟夫夢日而生隕星而逝古所稱申降嶽說騎箕皆以名世之望應運翼隆而其去就死生率關安危否泰之運公所謂其人哉公生於嘉靖甲申年三月十三日去辛丑享年七十有八配方氏贈一品夫人先公卒至是奉

旨與公並祭合葬夫人生三子長鳳梧尚寶司丞娶郭氏溧陽縣丞堯年女次鳳翀雲南廣南府知府娶鄭氏禮科左給事中國賓女繼娶許氏鄖陽巡

行實

七

撫子良女次鳳威兩淮運副先公卒娶陸氏庠生
瑞家女皆方夫人出次鳳閣司丞娶襄城伯李承
功女側室沈氏出女三長適太學生唐宗胤次適
庠生陸思業方夫人出次適庠生胡應騏沈出孫
十九人世寅世宰太學生世賓守備世家太學生
世守貢生世宇皆鳳梧出世壽光祿寺署丞世尉
太學生世冠中書世爵順天治中世溥世傳世對
俱庠生皆鳳神出世廢官生世庠官生世序官生
世康世慶庠生世廣太學生皆鳳威出孫女八一
適庠生葉陽謙鳳梧出一適太學生徐京一適庠
生祝基培鳳神出一適太學生徐與圖一適徐文
舉一適祝維喜一適方兩儀一適庠生陸協襄鳳
威出曾孫三十六有忽尚寶司丞有昌有慧有源
有念有寧俱庠生有稽官生有慈有歲萃祺有汲
萃禎俱庠生有中有繩有章有繼有則祖法有澤
有鳴祖祐祖懿有夔祖甲有裔有萃祖德祖述祖
翰祖樞祖武有用祖衡祖稷有衍祖仍曾孫女二
十四一適庠生郭元森一適章登鴻一適太學生

行實

八

徐鎮一適庠生陸協恭一適庠生徐丹一適吳重
光一適貢生徐介繼一適庠生鄭守冲一適柴震
一適徐蛟一適庠生黃機一聘周徽一聘吳上
雯一聘陸鼎相一聘商民悅一適庠生唐達一適
舒士茂一聘史宗靜一適鄭師夔一適徐介璧餘
未聘玄孫十三豹文赤文庠生拱文煥文紫文崇
文南英南雄麟孫南愷南俊起瑞溶微仍孫二訓
數畝奎餘未父云賓受公國士知其朝夕靡切皆
古人德業道誼絕口世俗聲華之談賓誦教最習
而其感公亦最深也公之子尚寶郡守二君孝事
公而弟畜賓謂能窺公似者宜莫如賓屬賓狀之
誼不敢辭故為論次以需當世立言鉅公採擇焉
賜進士及第朝議大夫國子監祭酒前右春坊右庶
子纂脩
正史分直
起居注管理
誥勅
東宮講讀官溫陵門人楊道賓頓首謹狀

傳贊

莊起元撰

先生諱志臯字汝邁系出宋清獻公朴之後自衡遷
蘭代有顯者曾祖年登成化乙未進士仕止水部郎
以忤中貴棄官年生主簿晨生賢是為先生父三
世竝以先生貴贈一品秩母張夫人孕先生夢日華
繞室及生美如冠玉少知勤學弱冠游庠督學雷公
以公輔期之嘉靖己酉舉於鄉六困南宮增自發憤
富於學而老於才戊辰得雋及第三人授編修與修
世廟實錄辛未分較禮閣癸酉預修穆廟實錄陞侍
讀江陵以父喪奪情諸疏勅者皆建校遺戍編修吳

趙兩公復繼之旨未下公糾同志七人以至情大分

面詰江陵江陵不能容兩公竟亦不免一切劾疏悉
不付史局先生以職掌堅請之不令得秘江陵怒甚
會星變察百僚遂出公廣東臬副江陵猶未釋然辛
巳先生浩然勇決築室清獻公祠傍自號六虛主人
枕石漱流為終焉之計壬午江陵不祿臺省交薦先
生起解州同知陞南太僕丞尋擢南司業應石諭德
掌南院改左諭德修玉牒再較禮閣陞南祭酒風餘

轉少詹掌府事復陞南少宰是時公資已深而宦跡
乍北乍南意良安之又歲餘改北左少宰辛卯九月
特旨簡陞宗伯入東閣與太倉山陰兩王相公同在
政府山陰旋去太倉亦覲省還南而新建相公未至
先生叅贊機密為銘自警期致太平未幾寧夏有變
討之無功先生薦撫按有方略者誅平之東事漫殷
先生決策遣將旋克平壤此二事皆世所不嘗有先
生東政不動聲色而應定之功亦偉矣已太倉還朝
請冊立急旨下三王竝封議先生累疏極言其不可

議竟寢自是太倉謝政而先生獨相兩宮三殿災反

覆竭誠疏勸修德開採使者四出先生諫止甚力臺
省部僚因上封事罹貶竄者營救無所不至陰多轉
移自是加官廕子寵賚日蕃乃先生固勃有去志
矣朝鮮之役自克平壤倭方奪魄而細人遊說許其
封貢以誤石本兵竟下於理廟笑決戰方有次第而
營本兵者回及先生杜門不出迨我兵破倭東事竟
而公病劇矣乞歸孤懸留肯弼薦章百上不允竟歿
邸舍遺疏請冊立罷礦稅簡閣臣用言官四事後起

歸德山陰竟行先生之言云嗟乎江陵氣橫一世挺身折之至困抑不悔及當國而畸斲者亦時有非惟不罪言者且并其姓名忘之其雅量何可及哉先生孝友慈祥樸素和易尊居相位與人嬉游歡然道故問及朝政俛首不答其慎重如此應官儉約宛然清獻家風田宅仍其舊無所增蓋未第讀書靈洞山既貴以餘俸造寺買山不為後人立產業卒之夕有大星自西南墜於戲夢日而生隕星而逝古稱申降嶽說騎箕名世仰干天象不虛耳為文汪洋灑雅賴其情性所著有六虛堂稿四游稿靈洞山房集內閣疏等書行世先生生於嘉靖甲申三月十三日卒於萬曆辛丑九月十三日享年七十有八訃聞

天子震悼輟朝一日加贈太傅謚文懿諭祭葬禮視舊有加配方氏贈一品夫人子孫多而賢別有載籍贊曰天生哲人漱江之濱懷珠抱璞附翼攀鱗正學物身直道事人備嘗險阻久訖而信屹屹國本靖掃遼塵躡彼稟霜布此陽春生為碩宰沒為明神降臨棟桷馨享繁蘋

崇祀專祠公移

金華府蘭谿縣為公舉祀典以光鼎彝以昭風化事府縣兩學廩增附生負楊安夏等連名具呈竊惟廟祀關一方之風教藉名世而益光月旦揀四方之公評至日久而始定伏念已故特進光祿大夫少傅兼太子太傅吏部尚書建極殿大學士贈太傅謚文懿趙公志臯

兩朝碩德一代元臣生平以聖賢豪傑自期出處以正直忠厚為本起家鼎甲著望儒林講筵進士經註疏通存啟沃史館修

兩朝實錄功在冊鉛值權相之奪情而綱常力挽耳貶黜以如飴縱臺省之交推而恬澹堅持雖陸沉其靡悔

冊宸簡注揆路晉登益隆翊贊之勲共倚安懷之畧

東宮則黜並封異議而感悟妙於黃臺平西夏則制勝美廟堂而收功捷於六月朝鮮復而遼左以安衣裳無鱗介之患播州靖而土酋永攝鯨鯢伏京

觀之刑禍罷權使疏減湊金似陳晉公之不上錢
穀引咎歸己請有言官似文潞公之復薦唐介吐
握不遺于下士而尤存獎恬抑兢之風苞苴遠絕
于國門而彌勵廉頑立懦之節精忠孚密勿欽聲
色而默奏回天苦心消釜鬲盡鞠躬而皇辭殞命
至稽顙行九重鄉評儼屋漏于帝臨趙清獻之對
越肅家庭若朝典揚忠敏之端嚴第宅迄無樓臺
田賦僅供饘粥謙和長厚人樂桑庚孝友睦婣家
貽萬石一話言可為語錄一動履盡是法程懿美

公移

三

二

甚都榆楊莫罄易簣令終已叨祭葵之異數蓋棺
論定更蒙贈諡之殊榮近俎豆學宮少愜蒸嘗之
報獨於瞻廟貌尚虛尸祝之思查得本縣章文懿
公懋唐文襄公龍皆有專祠隸在祀典今攷本宦
秉文懿之標履而剔歷則多兼文襄之經綸而綏
奠則逮真儒名世合為一人廷論鄉評如出一口
理應比例秩祀春秋伏乞頒循與論追錄名臣惟
憲檄之褒崇為有司之遵守此旌德報功之鉅典
而亦礪世磨鈍之微權也具呈 撫 按行 道

府縣學隨蒙

署教諭事舉人黃 諱公欽

崇看得已故少傅大學士諡文懿趙公恂恂梓里
表表朝端勸講荷啟沃之資薦才擴休容之度其
最可尚者有籌寧夏振威赫于中原不暱江陵其
落寞於外補終寢一疏流被萬姓學術婉美楓山
躬修象賢清獻既已與論昭昭豈容報祀冥冥等
情牒縣准此隨蒙

本縣知縣劉 諱宇烈

公移

三

三

崇看得已故大學士贈太傅諡文懿趙公功在
國家莫大于寢並封之議品希賢哲家著者辦奪情
之非而定劉字懷關白靖播酋則功之屬也絕半
刺耳再黜仍一第則品之屬也在

朝為休容和平之相居里一孝友醇恪之儒百世可
風十家宜社及查本縣楓山章文懿一祀于省再
祀于鄉漁石唐文襄一祀于郡再祀于邑二祠俱
兩家自建而歲事則前此 憲臺所特賜者今本
宦四子鳳梧鳳翀鳳威鳳閣不煩公帑建一宅第

堪充祠宇與章唐二家事體相合其所請憲札歲
祭例有可援等因詳道復據生員徐廷賓等催呈
竊惟已故大學士贈太傅謚文懿趙公志舉一德
元臣百年名世奪情矢議其廢棄柩柄臣密疏建
儲實羽翊乎國本折衝尊俎而滇南遼左並奏膚
功決策廟堂而寧夏播州繼封京觀迨乎易箚悽
切奉公䟽四事而懇請

冊立之期歿六日而旋親回天之力載稽素履尤重
鄉評厥美莫殫詳具原牘先於四十年三月內具

公移

呈 撫 按轉蒙 學道憲牌行查本宦德業行
誼及輿論鄉評有無間言據請祀典果否合例查
議詳確取具官吏師生里隣人等甘結具詳詳道
以憑覆覈施行隨經本府行縣查議詳確取各甘
結在卷具錄申府轉詳去後廷賓等再照本宦別
歷生平備載彤管向荷

聖明優卹業經俎豆宮牆特以生有顯庸沒宜專俎
雖以建祠本邑未蒙賜祭公家復查本縣楓山章
文懿公漁石唐文襄公皆以功德專祀枌榆成案

昭然查例符合待命兩載與情皇上伏乞速賜轉
申 學道得沾特典俾本宦身後蒙恩比於十家
之社而士庶情同尸祝不忘百世之風廷賓等可
勝感戴悚息之至隨該

本縣知縣莊 謹起元

恭看得已故大學士太傅謚文懿趙公昂甲名公
楓宸碩輔清操亮節上薄雲霄坦度休懷下含山
谷經筵啟沃黜翰補衮之忠帟幄運籌顯樹襄夷
之烈臣子綱常為重犯權相奪情起服之議而不

公移

避其鋒國家根本匪輕回

明主匹長並封之嫌而旋得其旨當國十載養中外
和平寬大之風佳世兩朝繫臣庶愛敬瞻依之念
始同柳聖之點不易介于三公後並裴相之勲宜
食報於百世查得本邑前有名臣章文懿唐文襄
二公皆仍私建之祠獲徵公祭之典今趙太傅理
學事功足追前哲凡筵櫟桐宜慰後人現有家祠
不煩官幣倘沾特典庶慰輿情隨蒙

欽差提學副使周 謹延光



ZW 21101000024780

8121.7
10.1.87

詳批趙文懿公清標亮節相業已炳耀於旂常坦	度休懷師模共景行於鄉國清白足追前哲輿情	實切瞻依唯建祠宇俎豆百世繼復蒙	本縣知縣莊查得趙文懿公原建第宅立為祠宇	其俎豆春秋二祭合依章文懿公唐文襄公各祠	祭品每祭該銀三兩每歲二祭共該銀六兩俱於	額派銀內動支今奉前因合照各祠事例議於額	派於平備用銀內每年二祭動支前銀六兩給發	辦祭俎豆百世可行緣係請詳專祠崇祀動支錢	公事	糧事理卑縣未敢擅便理合請詳 撫 按 道	隨蒙	欽差提學副使周	復看得本宦山斗碩望冰雪孤標立朝正氣凜然	報國丹心赫若宏猷偉節夙播海內睹剛懿行高	風特繫里中景慕今擬建有家祠允宜公與祭典	巡按御史李	詳批據詳有例可援准如議行繳	督撫軍門劉
---------------------	---------------------	-----------------	---------------------	---------------------	---------------------	---------------------	---------------------	---------------------	----	---------------------	----	---------	---------------------	---------------------	---------------------	-------	---------------	-------

詳批本宦疏論奪情左官領表斯足以祠矣既查	有公祭事例如議行繳	專祠春秋祭文中尊莊諱起元撰	於維師相光輔	二帝斟酌元斗寅亮天地淵源正學羽翼良知德業	名世風節標時匪石也心萬折不靡百察是師四	方是底一正	國本三靖妖氛安內攘外綿武經文學者泰山國之	元氣表	詔尸祝永延弗既
---------------------	-----------	---------------	--------	----------------------	---------------------	-------	----------------------	-----	---------